

皇王大纪

胡宏

文硕阁

wenshuoge.com

目录

关于我们	5
皇王大纪总目	7
提要	16
皇王大纪序	17
皇王大纪卷一	18
皇王大纪卷二	25
皇王大纪卷三	31
皇王大纪卷四	37
皇王大纪卷五	41
皇王大纪卷六	46
皇王大纪卷七	53
皇王大纪卷八	58
皇王大纪卷九	66
皇王大纪卷十	71
皇王大纪卷十一	84
皇王大纪卷十二	87
皇王大纪卷十三	90
皇王大纪卷十四	93
皇王大纪卷十五	98
皇王大纪卷十六	108
皇王大纪卷十七	117
皇王大纪卷十八	123
皇王大纪卷十九	129
皇王大纪卷二十	135
皇王大纪卷二十一	139
皇王大纪卷二十二	145
皇王大纪卷二十三	149
皇王大纪卷二十四	154
皇王大纪卷二十五	159
皇王大纪卷二十六	164
皇王大纪卷二十七	168
皇王大纪卷二十八	174
皇王大纪卷二十九	181
皇王大纪卷三十	186
皇王大纪卷三十一	192
皇王大纪卷三十二	199

皇王大纪卷三十三	205
皇王大纪卷三十四	212
皇王大纪卷三十五	219
皇王大纪卷三十六	226
皇王大纪卷三十七	233
皇王大纪卷三十八	241
皇王大纪卷三十九	247
皇王大纪卷四十	255
皇王大纪卷四十一	262
皇王大纪卷四十二	269
皇王大纪卷四十三	275
皇王大纪卷四十四	282
皇王大纪卷四十五	288
皇王大纪卷四十六	296
皇王大纪卷四十七	302
皇王大纪卷四十八	309
皇王大纪卷四十九	316
皇王大纪卷五十	323
皇王大纪卷五十一	329
皇王大纪卷五十二	334
皇王大纪卷五十三	340
皇王大纪卷五十四	346
皇王大纪卷五十五	352
皇王大纪卷五十六	358
皇王大纪卷五十七	363
皇王大纪卷五十八	370
皇王大纪卷五十九	376
皇王大纪卷六十	382
皇王大纪卷六十一	388
皇王大纪卷六十二	394
皇王大纪卷六十三	399
皇王大纪卷六十四	405
皇王大纪卷六十五	411
皇王大纪卷六十六	418
皇王大纪卷六十七	423
皇王大纪卷六十八	428
皇王大纪卷六十九	433
皇王大纪卷七十	438

皇王大纪卷七十一	445
皇王大纪卷七十二	451
皇王大纪卷七十三	457
皇王大纪卷七十四	462
皇王大纪卷七十五	468
皇王大纪卷七十六	474
皇王大纪卷七十七	480
皇王大纪卷七十八	485
皇王大纪卷七十九	491
皇王大纪卷八十	496

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

皇王大纪总目

卷一

三皇纪

五帝纪

卷二

五帝纪

卷三

五帝纪

卷四

五帝纪

卷五

三王纪

卷六

三王纪

卷七

三王纪

卷八

三王纪

卷九

三王纪

卷十

三王纪

卷十一

三王纪

卷十二

三王纪

卷十三

三王纪

卷十四

三王纪

卷十五

三王纪

卷十六

三王纪

卷十七

三王纪

卷十八

三王纪

卷十九

三王纪

卷二十

三王纪

卷二十一

三王纪

卷二十二

三王纪

卷二十三

三王纪

卷二十四

三王纪

卷二十五

三王纪

卷二十六

三王纪

卷二十七

三王纪

卷二十八

三王纪

卷二十九

三王纪

卷三十

三王纪

卷三十一

三王纪

卷三十二

三王纪

卷三十三

三王纪

卷三十四

三王纪

卷三十五

三王纪

卷三十六

三王纪

卷三十七

三王纪

卷三十八

三王纪

卷三十九

三王纪

卷四十

三王纪

卷四十一

三王纪

卷四十二

三王纪

卷四十三

三王纪

卷四十四

三王纪

卷四十五

三王纪

卷四十六

三王纪

卷四十七

三王纪

卷四十八

三王纪

卷四十九

三王纪

卷五十

三王纪

卷五十一

三王纪

卷五十二

三王纪

卷五十三

三王纪

卷五十四

三王纪

卷五十五

三王纪

卷五十六

三王纪

卷五十七

三王纪

卷五十八

三王纪

卷五十九

三王纪

卷六十

三王纪

卷六十一

三王纪

卷六十二

三王纪

卷六十三

三王纪

卷六十四

三王纪

卷六十五

三王纪

卷六十六

三王纪

卷六十七

三王纪

卷六十八

三王纪

卷六十九

三王纪

卷七十

三王纪

卷七十一

三王纪

卷七十二

三王纪

卷七十三

三王纪

卷七十四

三王纪

卷七十五

三王纪

卷七十六

三王纪

卷七十七

三王纪

卷七十八

三王纪

卷七十九

三王纪

卷八十

三王纪

提要

【臣】等谨案皇王大纪八十卷宋胡宏撰宏字仁仲号五峯崇安人安国之季子也幼事杨时侯仲良而卒传其父之学绍兴中尝上书数千言忤秦桧意以防补承务郎从不调桧死始召用辞疾不赴是书成于绍兴辛酉绍定间尝宣取入秘阁所述上起盘古下迄周末前二卷皆粗存名号事迹帝尧以后始用皇极经世编年博采经传而附以论断陈振孙书录解题讥其悞取庄子寓言及叙邃古之初无徵不信然古帝王名号可攷统系斯存典籍相传岂得遽为芟削至其采摭浩繁虽不免小有出入较之罗泌路史则切实多矣故陈亮极重是书而朱子亦取之未可以一掩也朱彝尊曝书亭集有是书跋称近时邹平马骥撰绎史体例颇相似疑其未见是书正可并存不废今考骥书多引路史而不及皇王大纪一字彝尊以为未见理或有然至于此书体用编年绎史则每事标题而杂引古书之文排比论次畧如袁枢记事本末之法体例截然不同不知彝尊何以谓其相似殆偶未详检骥书欤乾隆四十四年二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

皇王大纪序

天道保合而太极立氤氲升降而二气分天成位乎上地成位乎下而人生于其中故人也者父干母坤保兹天命生生不穷者也天始万物日月星辰施其性地生万物水火金木运其气人主万物仁义礼智行其道君长陪贰由道以纪纲人生而理其性然后庶绩熙万物遂地平天成而人道立三皇五帝三王五伯者人之英杰为君为长率其陪贰应时成物如春之生夏之长秋之利冬之贞也自尧而上六阙逢荒落尧之初载甲辰迄于赧王乙巳二千有三十年一代之盛衰一周人事之治乱备矣万世不能易其道者也后人欲稽养生理性之法则舍皇帝王伯之事何适哉呜呼圣人作书契以记事之情明心之用自皇帝坟典至于孔子春秋法度文章盈天下七雄诸侯弃礼纵欲窃去害己之籍逮秦吕政穷欲极凶遂公行焚禁孔子八世孙鲋虽以藏经为己任然亡秦之暴烈于猛火藏之甚秘禁未解而鲋死汉兴数叶然后出于孔子屋壁壊烂漫灭经是以仅存而不完若夫史传则莫为之主追记录于杂识多闻之事或出于好事者之胷臆故有甚悖于理害于事者歷世老师宿儒或循习而不悟或存置而不察或偏倚而不该后生防蔽不知取正于道大道之为百家裂也从矣我先人上稽天运下察人事述孔子承先圣之志作春秋传为大君开为仁之方深切着明配天无极者也愚承先人之业辄不自量研精经典泛观史传致大荒于两离齐万古于一息根源开辟之防茫究竟乱亡之征验事有近似古先而实恠诞鄙悖者则裁之削之事有近似后世而不害于道义者咸详而着之庶几皇帝王伯之事可以本始百世诸史祖春秋载纪所谓史也史之有经犹身之肢体有脉络也易诗书春秋所谓经也经之有史犹身之脉络附肢体也肢体具脉络存孰能得其生乎夫生之者仁也人仁则生矣生则天地交泰乾坤正礼乐作而万物俱生矣是故万物成于性者也万事贯于理者也万化者一体之所变也万世者一息之所累也若太极不立则三才不备人情横放事不贯物不成变化不兴而天命不几于息乎愚是以将求友于天下与之合堂同席而舍焉又与之接袂比肩而进焉不得于今必得于后此皇王大纪之所以书也有宋绍兴重光作噩夏四月朔安定胡宏序

皇王大纪卷一

宋 胡宏 撰

三皇纪

盘古氏

太和涵动静之性一动一静交天地之道也动则为阳阳极则陰生一陰一阳交天之用也静则为柔柔极则刚生一刚一柔交地之用也动之大者为太阳太刚小者为少阳少刚静之大者为太阴太柔小者为少阴少柔太阳为日太陰为月少阳为星少阴为辰日月星辰交天之体也【金木生于水土石之际故不数金木也】日月星辰为寒暑昼夜暑寒昼夜交天之变也变乎情性形质者也水火石土为雨风露雷雨风露雷交地之化也化乎飞走草木者也本乎天者分阴分阳本乎地者分柔分刚阴伏阳而形质生阳伏阴而情性生阳生阴阴生阳阳克阴阴克阳阳之不可伏者不见于地陰之不可克者不见于天得天气者动得地气者静阳之类圆成形则方陰之类方成象则圆阳得陰而为雨陰得阳而为风刚得柔而为云柔得刚而为雷雨生于水露生于土雷生于石电生于火雷与风同为阳之极故有电必有风阳交乎陰而生蹄角之类刚交乎柔而生根荑之类陰交乎阳而生羽翼之类柔交乎刚而生枝榦之类天交于地地交于天故有羽而走者足而腾者草而木者木而草者此物之所以万也人也者暑寒昼夜无不变雨风露雷无不化情性形体无不感飞走草木无不应所以目善万物之色耳善万物之声鼻善万物之气口善万物之味而为万物之灵也盘古氏生于大荒莫知其始仰观天倪俯察地轴明天地之道达阴阳之变为三才首君于是宇宙光辉而混茫开矣

论曰鸿荒文明天行也鸿荒之世结绳而治理则昭然其事不可详矣世传天地之初如鸡子盘古氏以身变化天地日月山河草木于其中所谓讹失其真而盘姓为万姓之先则不可没者也

天皇氏

陰阳常和而太极立太极常存而天命行得阳之多者为天得陰之多者为地天变时而地应物时则陰变而阳应物则阳变而陰应时可逆知物必顺成阳逆而陰随陰逆而阳顺故有变必有应变于内者应于外变于外者应于内变于下者应于上变于上者应于下天变而日应之故变者从天而应者法日也是以在天则日纪于星月防于辰在地则水生于土火潛于石在物则飞者栖木走者依草在人则心聩于肺胆属于肝本一气也生则为阳消则为陰自下而上谓之升自上而下谓之降升者生也降者消也阳生于下陰生于上是以万物皆反生也阴生阳阳生阴阴复生阳阳复生陰陰为阳之母阳为陰之父阳得陰而生阴得阳而成阳者道之用阴者道之体阳用陰陰用阳以阳为用则尊阴以阴为用则尊阳阳不能独立必待阴而后生陰不能自见必待阳而后成阳以陰为基阴以阳为倡夫阴虽对阳为二然阳存则生阳去则死天地万物生死于阳则归之于一也天皇氏之先与乾曜合德君有五期辅有三名

三五厯纪歲在摄提一姓十三头【十三人也零陵山中民俗至今谓一人为一头】阌逢【甲】旃防【乙】柔兆【丙】彊圉【丁】着雍【戊】屠维【己】上章【庚】重光【辛】默【壬】昭阳【癸】十干也困敦【子】赤奋若【丑】摄提格【寅】单阏【卯】执徐【辰】大荒落【巳】敦牂【午】協洽【未】涒滩【申】作噩【酉】阉茂【戌】大渊献【亥】十二支也

论曰世传羲农黄帝之书谓之三坟少昊颛顼高辛唐虞之书谓之五典孔子讨论坟典断自唐虞上世文书简遂经三季而失其传不可得而论次故也今去孔子又远矣乃欲始于古初不亦过乎吁因秦焚书后世竞传古先事纷乱怪诞迷误后生无所考正其有能不悖于理者可不采拾乎其有显然谬妄背义而伤道者可不剪削乎其有诬罔圣人者可不明辩乎或谓有欲正人心息邪说之志愚敢僭子舆氏之名乎哉攷其事穷其理以自正而已

地皇氏

天曰皇天地曰后土天圆而地方天有四时春三月曰苍天夏三月曰昊天秋三月曰旻天冬三月曰上天地有四方方有岳东曰皞天西曰成天南曰白天北曰天东南曰暘天西南曰朱天西北曰幽天东北曰易天【或作鸾】中央曰钧天东方曰岱岳西方曰华岳南方曰衡岳北方曰恒岳中央曰嵩岳天南高而北下是以望之如倚盖焉地东南下而西北高是以东南多水西北多山也天之阳在东南日月居之地之阳在西北土石处之海之潮汐阴阳盈虚升降之也所以应月者天道左旋日月右转日入则晚潮生于左日出则早潮生于右月近于日则潮小月远于日则潮大阴阳盛衰之义也阳主赢阴主虚故天之南全见而北全不见阳侵阴阴侵阳故东西各半见天之阳在南而阴在北地之阴在南而阳在北人之阳在上而阴在下既交则阳下而阴上地皇氏一姓十二头定星辰分昼夜以三十日为月朔以十一月为冬至

人皇氏

天有八象地有八象合天地而生人合父母而生子而人有十六象天主用地主体体必交而后生故阳与刚交而生心肺阳与柔交而生肝胆刚与阳交而生肠胃柔与阴交而生肾与膀胱肺生骨肝生肉胃生髓膀胱生血心生目胆生耳脾生鼻肾生口日为心心藏神辰为肾肾藏精星为脾脾藏魂月为胆胆藏魄火为胃石为肺土为肝水为膀胱府故胃受物而化之传气为肺传血为肝而传水谷为膀胱天之神栖于目人之神发于目人之神寤则栖于心寐则栖于肾所以象天地之昼夜也神统于心气统于肾魂随气而变焉形统于首魄随形而止焉形气交而神主乎其中焉神者人之主也将寐在脾熟寐在肾将寤在胆正寤在心心居肺胆居肝何也言性者归诸天言体者归诸地地中有天石中有火是以星胆象之也其倒悬何也草木者地之本体也人与草木反生是以倒悬也口目横而耳鼻纵何也动者体横植者体纵体必交也故动者宜纵而反横植者宜横而反纵是故阴阳交而天有形刚柔交而地有质仁义行而人有位东至日所出为太平南戴日为丹穴西至日所入为太防北戴斗极为崆峒太平之人仁丹穴之人武人皇氏之世万物群生连属其乡禽兽成羣草木遂长淳风沕穆兄弟

九头分理九州

有窠氏

上古之民同与禽兽居族与万物并于是始教民构木为橧窠夏暑居之穴地为营窟冬寒居之未知稼穡食草木之食未有火化饮禽兽而茹其毛先取其皮而蔽前后取而蔽后或曰古者禽兽多而人民少于是民皆窠居以避之昼拾橡栗暮栖木上故命之曰有窠之民

燧人氏

天浑浑于上不可测也观斗之所建则知天之行矣天行所以为昼夜【天行无息也以地故成昼夜】日月所以为寒暑夏浅冬深【春夏夜数少秋冬夜数多】天地之交也左旋右行天日之交也日朝东夕西随天之行也夏北冬南随天之交也天一周而超一星应日之行也春卯正夏午正秋酉正冬子正应日之交也极南大暑极北大寒南融北结万物之死地也夏则日随斗而北冬则日随斗而南故天地交而寒往暑来暑往寒来亭毒化育而物乃生人之初生倥傯防未知五行之用燧人氏上观星辰握机矩教人出火民未知衣服夏多积薪冬则 之未知烹炮饮血而茹腥始教之燔炙养人利性遂天之意后世圣人有鑽燧改火之法春以榆柳夏以枣杏季夏以桑柘秋以柞櫟冬以槐檀燧人氏有四佐焉明由必育成博陨丘赞曰嘗闻邵雍氏问尧夫曰我非羲皇上世之人乎愚考其言犹信虽生末世不及见三坟亦无憾矣论曰潛心三皇之纪则知太和保合无穷之道无始而有始无终而有终者也是故有鸿荒之时亦犹日之夜月之晦时之冬焉生消升降终而复始于穆天命不已而成四时之造化于皇群圣体是以为三纲之礼乐事本乎道道藏于事天生人人成天三皇神其体五帝妙其用禹汤文武成其功孔子孟子传其学孟之死虽未得其传者惟皇上帝降 于下民若有恒性谁能出不由戶何莫由斯道也当周昭王时西方有杰戎厌苦世累欲求超脱之道遂捐君叛亲弃妇入山刻私意穷幻见驾空说曰我能得心法变现万端出生入死愿欲必从而非一世事理之所能婴也汉明帝时其书始入中国魏晋以上为其徒有禁逮乎末流树立典教横被中华据名山胜地千百为羣谈渺茫陈祸福以恐喝愚众而士大夫争信乡之用夷变夏三纲弛絶人无宰物之情由于此矣可不惧乎夫陰阳刚柔天地之体也体立而变万物无穷矣人生合天地之道者也故君臣父子夫妇交而万事生焉酬酢变化妙道精义各有攸止亦无穷已杰戎能力索于心而不知天命故其说周罗包括高妙 微无所不通而其行则背违天地之道沦灭三纲体用分离本末不贯不足以开物成务终为邪说噫戴天履地冬裘夏葛日作夜息渴饮饥食应其身万事皆不能与常人殊异独于君臣之义父子之仁夫妇之礼则扫之除之殄之灭之谓之尽性可乎谓之不失其心可乎是又下于戎狄一等矣中华豪杰天下有大道列圣之所传授者日新而无穷也岂可防然为戎杰邪说所诱化而不自知耶

五帝纪

帝太昊包牺氏

帝太昊风姓成纪人也母曰华胥履大人迹而生太昊太昊生而圣明德合天地圖書出而蓍草生图龙马也出于河书 书也出于洛蓍灵草也生于蔡一丛而满百莖者其下必有神守之河图见九宫洛书见五行五居于中右七而左三九在五上右二而左四一在五下右六而左八 天一生水地六成之地二生火天七成之天三生木地八成之地四生金天九成之天五生土地十成之天数二十有五地数三十天地之数五十有五二五为一故大衍之数五十而其用四十有九 乎富哉此图书之文也有天之圆焉有地之方焉天地之道起于中焉天道周流起一而积六变三而积九地道执方起一而积八变四而积十二天函地故圆者刳方以为用变其体而不不变其用地函天故方者引圆以为体变其用而不不变其体八者天地之体也六者天之用也十二者地之用也太昊用蓍三衍而成爻三少为九九老阳干也三多为六六老为阴坤也干变三女坤变三男离肖干坎肖坤震艮相变巽兑相效而八卦以六变立不言之数曰乾坤震巽坎离艮兑消息谓易是故卦成于八极于六十四而用止于六十也爻止六重为三百八十四而用止于三百六十也是故一年四时一时三月一月三十日也天数五地数五五者天地之【阙】数也一三五九也二四六也是故爻用九六而不用七八 气之法平地于室埋十二律管管上与地平实以葭莩之灰冬至阳气距地面九寸黄钟九寸故黄钟应余律皆然太古以竹为管后世以玉为管始 阳气以辨五气以明五音气始于木木生火火生土土生金金生水水生木相生不穷音起于金金克木木克土土克水水克火火克金一律含五音十二律纳六十音相生不穷于是始作甲历甲乙丙丁戊己庚辛壬癸即十干也子丑寅卯辰巳午未申酉戌亥即十二支也支干相配为十二辰六甲而天道周矣歲以是纪而年不乱月以是纪而时不易昼夜以是纪而人知度东西南北以是定而方不惑夫然故干居西北纳甲与壬坤居西南纳乙与癸震东方也纳庚巽东南也纳辛坎正北纳戊离正南纳己艮居东北纳丙兑在正西纳丁度十二律均十二钟父始之母终之六子经营之而六甲十二辰者二十四卦之祖三十二卦之宗重之为六十四也两地而三天数之所起也吉凶之征也是故乾坤定上下之位坎离别左右之门六戊为天门六己为地户天地之所以辟阖日月之所以出入春夏秋冬晦朔 望昼夜有长短行度有盈缩五运六气【一歲五行主运各七十二日少陰君火太阴湿土少阳相火阳明燥金太阳寒水厥阴风木叠周十二辰假令壬寅年少阳相火司天则在前第四厥阴在泉前一辰少阴君火为初气太阴为二少阳为三阳明为四太阳为五厥阴为六各六十日】交骛乎天地之间既万物矣日随天而转月随日而行星随月而现天半明半晦日半赢半缩月半盈半亏星半动半静日月交会谓之辰辰天之体也元气之节会也日为天之主月为日之妇星为日余辰为月余日为天之元月为天之防星为天之运辰为天之世元防运世日月星辰迭经而无穷辰至日为生日至辰为用顺为用而逆为生也阳在阴中阳逆行阴在阳中阴逆行阳在阳中阴在阴中则皆顺行【按图可见】日行阳度则赢行阴度则缩阳主舒长阴主惨急日入赢度阴从为阳日入缩度阳从为阴冬至之月所行如夏至之日夏至之月所行如冬至之日夏至之午中阳之极秋分之酉中阴之中凡三百六十中分之则二至二分相去之数也日纪于星月防于辰日以迟为进月以疾为退日月一防而加半日減半日是以为闰余也朞三百有六旬有六日日之余赢也六则月之余缩也亦六去日月之余十有二则三百五十有四乃日行之数一歲之闰六阴六阳凡三年一闰五年再闰【三年三十六日五年六十日】凡十九年闰【阙】为一章四章为一部五部周六甲凡三百八十年而厯象小成爰自古先人知其母不知其父卧则呿呿起则于其行填填其视颠颠无知如草木有欲如禽兽质美者抱其璞情厚者含其真未知三纲五常之

伦器用之利帝始推择天下之贤可与共代天工者得金提鸟鸣视默纪通仲起阳侯以为辅佐作龙书以代结绳之政制龙官以范徜徉之民教民佃渔以网罟为器教民婚姻以俚皮为礼于是夫妇别君亲尊臣子顺羣生和乐有网罟之歌都于宛丘宛丘后为陈都谓之太昊之墟始有卜筮 曰卜蓍曰筮后世有天下凡有大疑必决之卜筮卜人定 史定墨君定体天子之 长尺有二寸诸侯一尺大夫八寸 有六色六体具八卦五行天地之数神物也天子蓍长九尺诸侯七尺大夫五尺士三尺孔子曰大人之器威敬天子无筮诸侯有守筮天子道以筮诸侯非其国不筮卜宅寢室天子不卜处太庙教天下豢养六牲马也牛也鸡也豕也狗也羊也以祭天神以祀地祇以飧人 以充庖厨以养圣贤故号曰包牺氏始推五德之运帝出乎震震东方也甲者万物之始生木德之盛也于是以木德王天下光理天下明如日月阴阳和静 神不扰四时得节万物不伤羣生不夭虽有诡智无所用之此之谓至一君主四海之内一百有一十年而魂气归于天体魄降于地生民追思其德号曰帝太昊女媧袭据尊位世传女媧者帝女弟也循帝之迹无所革造始制笙簧号曰女帝

论曰世传往古天不兼覆女媧鍊五色石以补天其言虽陋甚推其本防盖言女媧以妇人能理男子之事尔乃妇人而有雄才大畧者也后世唐武氏其似之乎此非常之变也自汉以来不择天下之才任以为相寄托宗庙社稷之主而以天下大柄倚仗妇人女子其不生祸乱者亦云幸矣幸也者小人之事非大人之道天下公器不受正命乃欲以小人之道持之岂非不知学之过欤若汉之武帝蜀之昭烈托霍光而寄孔明其于道学槩乎其有闻者矣

女媧死共工氏伯九州自谓水德失五行之叙不能奄有天下虞其湛乐淫失其身欲壅防百川隳高湮下以害天下皇天弗福庶民弗助祸乱并兴而天下归于大庭氏共工氏有子曰勾龙能辨土之所宜以教兆民后世有天下者祀勾龙以配社

骊连氏

栗陆氏

中央氏

栢皇氏

大庭氏

赫胥氏

赫胥氏之时民居不知所为行不知所舍含哺而嘻鼓腹而游

尊卢氏

启统氏【一作混沌氏】

昊英氏

朱襄氏

葛天氏

葛天之乐三人掺牛尾投足以歌八阙一曰载民二曰 鸟三曰遂草木四曰奋五谷五曰敬天常六曰达帝功七曰依地德八曰总万物之极

阴康氏

无怀氏【凡十三氏皆祖包牺氏】

论曰刘道原博极羣书以为古无三皇五帝三王五伯之数其辨甚悉愚以为如是称而逆理害义虽人谓之圣贤之经犹当改也苟于理义无伤害虽庸愚之说犹可从也皇帝王伯虽经不称其数而杂见于前修之文非有逆理害义之事也奈何必欲去之乎皇者初冒天下者也帝者主宰天下者也王者天下归往者也自燧人氏而上则三皇之世也包牺神农黄帝尧舜是五君有先天地开辟之仁后天地制作之义人至于今受其赐故孔子曰包牺氏没神农氏作神农氏没黄帝尧舜氏作按黄帝之后少昊颛顼高辛皆尝帝天下矣孔子所以越而遗之必称尧舜者以三君居位仅可持其世而已未尝有制作贻万世故也则五帝之名实定矣夏禹商汤文武为三王齐桓晋文秦穆宋襄楚庄之为五伯其迹详甚焉可诬也

炎帝神农氏

炎帝神农氏有熊之君少典正妃有蟠氏之女曰任已之所生也少典女登游于华山之阳有神龙之祥生为神农长于姜水为姜姓师为悉诸学于老龙吉得河图图之真数三而已太极具万象为神神生象象生器器生数是故天六地四天以气为质神为神地以质为质气为神人得天地日月交之用故四肢各有脉一脉三部一部五 应天数也神农知天地之道明于人之性以有天下更无怀氏神农立极先定乾坤推五德之运以火承木因以纪官号曰烈山氏亦曰连山氏都于曲阜时人生益庶殫羸虻之肉穷草木之滋或伤生而殒命于是神农徧阅百物着其可食者与其可疗治者使民知所用避作为陶冶合土范金制斤斧耒耜枷芟枪刈耨耨茅蒲菰襍相土田燥湿肥饶兴农桑之业春耕夏耘秋获冬藏为台榭而居治其丝麻为之布帛有子曰柱能治百谷百蔬与民并耕而食发教于天下使之积粟国富民安故号曰神农氏又曰伊祁氏伊祁氏始为蜡蜡也者合也歲十二月合聚万物索飧之主先嗇而祭司嗇焉祭百种以报嗇也飧农及邮表畷禽兽迎猫为其食田防迎虎为其食田豕祭坊与水庸事也曰土反其宅水归其壑昆虫毋作草木归其泽皮弁素服以祭若送终也野夫黄冠故黄衣黄冠而祭息田夫也大罗氏草笠而至致鹿与女而诏戒诸侯曰好田好女者亡其国四方

年不顺成八蜡不通以谨民财也顺成之方其蜡乃通以移民也既蜡不兴功而休民息已后世王天下者祀柱以配稷有献羊头山嘉禾八穗者乃作穗书以颁时令令曰丈夫丁壮而不耕天下有受其饥者妇人丰盈而不织天下有受其寒者神农亲耕【籍田之礼盖始此】后亲织以为天下先于是四方之民丰衣足食各执其方物或举而不用事或废而不举乃命天下日中为市致天下之民聚天下之货交易而退各得其所夙沙氏煮海为盐行不用道其臣箕文谏而杀之神农修德不征夙沙之人以其君归命是时也礼草昧而未制乐湮塞而未作燔黍为飧捭豚为俎 酒大羹污尊而杯饮蕢桴而土鼓截苇为籥绳丝削桐为五 之琴咏丰年之歌以通神明之德合天人之和法省而不烦威力而不杀俗朴而不争不令而人化南至交趾北至幽都东至暘谷西至三危莫不服从神农居天位百有四年而歿号曰炎帝伯夷叔齐曰神农之有天下也时祀尽敬而不祈禱其于人也忠信尽治而无求焉乐与政【阙】治为治不以人之坏自成也不以人之卑【阙】以遭时自利也此真吾所谓道也

帝临魁在位八十年

帝承在位六十年

帝明在位四十九年

帝直在位四十五年

帝来在位四十八年

帝哀在位四十三年

帝榆防在位五十五年

皇王大纪卷二

宋 胡宏 撰

五帝纪

黄帝轩辕氏

黄帝轩辕氏少典之后曰公孙氏母曰附宝有螭氏女也感大电光绕北斗枢星照于郊野之祥生轩辕于壽丘长于姬水为姬姓生而龙颜防而徇齐学于大真长而敦敏成而聪明有风后老夭五圣知命规纪地典力牧【或作墨】七圣为之辅又有常光大鸿容光三臣为之佐神农侵暴诸侯轩辕兴师征之神农氏大战于阪泉之野三战神农氏败绩黄龙负图出于河有玺焉章曰天皇符玺轩辕遂践天子位在所则有景云若金枝玉叶荫其上因以云纪官春官为青云氏夏官为缙云氏秋官为白云氏冬官为黑云氏中官为黄云氏置三公之职以象三台侍中风后配上台老夭配中台五圣配下台推五德之运以土承火号曰归藏氏始作轩车故曰轩辕氏都于有熊作布政之所曰合宫又曰明庭神农氏之臣蚩尤起九冶始作铠防戈矛以贼乱为政平民化之罔不寇贼鸱义奸宄夺攘矫防轩辕征之值天雾晦防军行迷乃作指南车载之以旌前朱雀而后 武左青龙而右白虎招摇在上进退有度左右有局各司其局进击蚩尤杀之于涿鹿之阿徙其徒于有北天下有不道从而征之凡五十三征奄有中区东至于海登九山及岱宗西至崆峒登鸡头南至于江登熊湘北逐荤粥合符釜山置左右大监监于万国命伦氏访大夏之西昆仑之阴取嶰谿之竹空窍厚均者断两节间而吹之中黄钟之宫于是制十二籥以听凤凰之鸣其雄声六雌声亦六故黄钟之宫声发于自然为十二律之本其长九寸实秬黍其中容秬黍一千二十五是故度起于黄钟之长量起于黄钟之虚衡起于黄钟之重或曰度始于忽十忽为毫十毫为厘以十积之而成分寸尺丈引是为五度量者始于一粟六十粟为一抄十抄为撮以十积之而成龠合升斗斛是为五量后至于周四升为豆四豆为区四区为鬴量实一鬴甗实二鬴盆实二鬴甗实二鬴豆实三而成鬲簋实一鬲庾实二鬲鬲实五鬲衡者始于黍黍粒百为铢二十铢为两十六两为斤三十斤为钧四钧为石是为五权度量权合于律然后措诸天下无所不行田可分禄可均法一政平礼可制乐可作故律也者万事根本也是故度律均钟纪之以三平之以六成于十二阴阳相扶同类取妻隔八生子黄钟天统干之初九始于子十一月也黄钟生林钟林钟地统坤之初六位于未六月也林钟生太簇太簇人统干之九二位于寅正月也太簇生南吕南吕坤之六二位于酉八月也南吕生姑洗姑洗干之九三位于辰三月也姑洗生应钟应钟坤之六三位于亥十月也应钟生防廋防廋干之九四位于午五月也防廋生大吕大吕坤之六四位于丑十二月也大吕生夷则夷则干之九五位于申七月也夷则生夹钟夹钟坤之六五位于卯二月也夹钟生无射无射干之上九位于戌九月也无射生仲吕仲吕坤之上六位于巳四月也阳为六律阴为六吕自子至巳为阳律阳吕皆下生自午至亥为阴律阴吕皆上生下生者三分损一上生者三分益一制是十二简【即十二籥也】黄钟九寸林钟六寸太簇八寸以 天地之气是为三律其他咸不全寸有余分焉子为天正中男之所也丑为地正少男之所也寅为人正长男之所也圣人明三正以正始则天下之理得矣轩辕命荣援氏铸是十二钟大不出钧

重不过石合阴阳之和播之于五音宫商角征羽文之以八声金石土革丝木匏竹大不逾宫
细不过羽器重者从细轻者从大是故钟尚羽磬尚角琴瑟尚宫笙箫利征鞀鼓祝敔一声细
钧有钟无罇无钟声以和乐律以平声金石以动之丝竹以行之诗以道之歌以咏之匏以宣
之瓦以赞之草木以节之而行八风声应相保而和细大不逾而平命曰云门大卷乐

论曰至哉宫之声也犹五行之土金木水火得之然后生犹四端之仁义礼智得之然后得中
犹事之中天地万物得之然后成是故宫声者不可以易知也必上有体元之君下有调元之
臣安土乐天然后宫声可识而雅乐可复也后世以其浅陋之德而欲求 妙之声必不应矣
惟礼亦然故孔子曰人而不仁如礼何人而不仁如乐何

太极函三为一始动于子参之于丑得三又参之于寅得九又参之于卯得二十七历十二辰
得十七万七千一百四十七而天地之数备阴阳保合元气运行周天三百六十五度四分度
之一二十八宿之躔次即天度也天道起于子自北东行周十二辰而为一昼夜行一周则东
超一度与日相应五日为三 为一气六气为一时四时而成岁日自牵牛东北西行一
昼夜行一度而为一日月随日西行一昼夜行十三度十九分度之七其行度也有赢缩故或
二十九周或三十周而日月会是以三五而盈三五而阙有晦有朔而为一月正月孟春天行
至寅东北艮之方日月所防之辰曰娵訾其分野衞其宿箕【十一度或云十度】尾【十八
度或云十九度】日在危经营室及奎昏参中旦尾中律中太簇其音匏其器笙竽其风条风
至而立春其节雨水惊蛰其卦曰防曰益曰渐曰泰曰需曰遯二月仲春天行至卯正东震之
方日月所防之辰曰降娄其分野鲁其宿心【大火也五度或云六度】房【五度】氐【十
五度或云十六度】日在奎经娄至胃昏弧中旦建星中南方朱鸟七宿昏毕见于南方律中
夹钟其声角其音竹其器管箫其德木其数八其味酸其臭羶其风明庶风至而春分日出而
甲入于西极日在两交昼夜等其于人也为肉为目为肝为呼为怒为号为仁其卦曰晋曰解
曰大壮曰豫三月季春天行至辰东南巽之方日月所防之辰曰大梁其分野赵其宿角【十
二度】亢【九度】日在胃经卯及毕昏七星中旦牵牛中胃西方之宿也是为西陆律中姑
洗其节清明谷雨自箕至角七宿形为苍龙鳞虫属焉其类三百六十龙为之长其卦曰讼曰
蛊曰革曰夬曰旅四月孟夏天行至巳东南巽之方日月所防之辰曰实沈其分野晋其宿轸
【十七度】翼【十八度】日在毕经觜参及东井昏翼中旦婺女中律中仲吕其音木其器
祝敔其风清明风至而立夏其节小满芒种其卦曰师曰比曰小畜曰干曰大有五月仲夏天
行至午正南离之方日月所会之辰曰鹑首其分野秦其宿张【十八度】星【七度】柳【
十五度或云十四度】日在东井经 及柳昏亢中旦危中东方苍龙七宿昏中见于南方律
中防廛其声征其音丝其器琴瑟其德木其数七其味苦其臭焦其风景风至而夏至日出于
艮南入于干昼长夜短其于人也为脉为舌为心为笑为视为喜为礼其卦曰家人曰井曰咸
曰姤曰鼎六月季夏天行至未其方西南坤之方日月所防之辰曰鹑火其分野周其宿 【
四度或云二度】东井【三十三度或云三十四度】日在柳经星及张昏火中旦奎中柳南
方之宿也是为南陆律中林钟其节小暑大暑自轸至井七宿形为朱雀羽虫属焉其类三百
六十凤为之长其卦曰丰曰涣曰履曰遯曰恒土者物之府藏也偏王四时其数五其味甘其
臭香其虫倮其律中黄钟之宫宫者声之纪纲也徧主五声其于人也为血为口为脾为歌为
乐为思为信七月孟秋天行至申西南坤之方日月所会之辰曰鹑尾其分野楚其宿参【九

度或云十度】觜【二度或云一度】日在张经翼及轸昏建星中旦毕中律中夷则其音土其器瓠缶其风凉风至而立秋其节处暑白露其卦曰节曰同人曰损曰否曰巽八月仲秋天行至酉正西兑之方日月所防之辰曰寿星其分野郑其宿毕【十六度或云十八度】昂【十一度】胃【十四度或云十五度】日在轸经角亢及氐昏牵牛中旦觜觿中北方武七宿昏毕见于南方律中南吕其声商其音金其器钟鼓其德金其数九其味辛其臭腥其风闾阖风至而秋分日出于卯入于庚日在两交昼夜等其于人也为骨为鼻为肺为哭为悲为言为义其卦曰萃曰大畜曰贲曰观曰归妹九月季秋天行至戌西北干之方日月所会之辰曰大火【心为大大】其分野宋其宿娄【十六度或云十二度】奎【十六度】日在氐经房心及尾昏虚中旦柳中房东方之宿也是为东陆律中无射其节寒露霜降自参至奎七宿形为白虎毛虫属焉其类三百六十麟为之长其卦曰无妄曰明夷曰困曰剥十月孟冬天行至亥西北干之方日月所防之辰曰析木其分野燕其宿东壁【九度】营室【十六度或云十七度】日在尾经箕及斗昏危中旦七星中律中应钟其音石其器磬其风不周风至而立冬其节小雪大雪其卦曰艮曰既济曰噬嗑曰大过曰坤十一月仲冬天行至子正北坎之方日月所会之辰曰星纪其分野吴越其宿虚【十度】湏女【十二度或云十一度】日在斗及湏女昏东壁中旦轸中牵牛北方之宿也是为北陆日出于巽南入于坤西方白虎七宿昏毕见于南方律中黄钟其声羽其德水其数六其味咸其臭朽其风广莫风至而冬至是月之行度尽斗二十六度复起牵牛之初度则为冬至而三百六十五度四分度之一周矣是为一歲而歷更端焉故为三微之始其于人也为髓为耳为肾为呻为恐为听为智其卦曰未济曰蹇曰顺曰中孚曰复十二月季冬天行至丑东北艮之方日月所会之辰曰 枵其分野齐其宿牵牛【八度或云七度】斗【三十六度或云三十五度】日在湏女经虚及危昏娄中旦氐中律中大吕其节小寒大寒自壁至斗七宿形为 武介虫属焉其类三百六十 为之长其卦曰屯曰谦曰睽曰升曰临曰小过北斗七星一曰天枢【又曰贪狼】二曰天璇【又曰巨门】三曰天机【又曰禄存】四曰天权【又曰文曲】五曰天衡【又曰廉贞】六曰开阳【又曰武曲】七曰摇光【又曰破军】自一至四为天魁是为璿玑自五至七为天纲是为玉衡玉衡为杓月建一辰闰则指两辰之间周而复始斟酌元气均节五行运平四时武曲之下有小星曰辅弼日之所行谓之黄道南北极之中谓之赤道二十八宿系于黄道之上日春西陆夏南陆秋东陆冬北陆月立春春分行黄道东谓之青道立夏夏至行黄道南谓之朱道立秋秋分行黄道西谓之白道立冬冬至行黄道北谓之黑道黄道内外各四并黄道为九黄道赤道如二环相交而小差几日月同在一度相遇则日为之食正一【阙】则月为之食月生三日而成震曰朏与日相衡则光盈故十五而成干近日则明阙故三十日成坤灭藏于癸曰晦合璧曰朔舒先速后近一遠三日 轩辕命师大挠氏正甲子羲和氏占日常仪氏占月防区氏占星隶首氏理算数伶伦氏荣援氏正律吕各尽其方于是命容成氏综六术为盖天着周天厯度造调厯以斗杓建寅春正月为歲首天秉阳垂日星阳数奇故观天者占星而已地秉阴窈于山川阴数耦故观地者随山而理川轩辕既上观天文大明时令乃周行天下观地理迁徙往来无常处以兵师为营衛按洛书之文方者土也于是画天下为九州以井制地使民存亡更守出入相司嫁娶相媒有无相贷疾病相救六尺为步步百为畝畝百为夫夫三为屋屋三为井井方一里里五为邑邑十为丘丘十为都都十为师师十为州以总人心以详民数塞欺陵之路弭奸宄之望治五气艺五种抚万民度四方上古牛未穿马未络至是服牛乘马引重致遠而民力裕上古山处于穴栖于木至是营宫室制戸牖而猛暴禁作杵臼而谷

粟始凿作釜灶而民始粥作甑而民始饭以烹以炰以为醴酪行而有屝【草为之】屨【帛为之】履【皮为之】焉死而有棺槨焉城城筑邑重门击柝以待暴客 木为弧剡木为矢【弩刀枪钺皆是时所作】习熊虎貔貅之士以威天下后世因之以有六弓四弩八矢五兵五盾之法所以养民而保之者至矣于是制轩冕目垂旒耳充纁 衣黄裳旁观翠翟草木之英华画绩五色为文章东青西白南赤北黑天地 黄青与白相次也赤与黑相次也 与黄相次也青与赤谓之文赤与白谓之章白与黑谓之黼黑与青谓之黻五采备谓之绣土以黄其象方天时变象以圜山以章水以龙鸟兽蛇杂四时五色以章之凡画绩之事后素工以别贵贱而上下有序各安其分五行之动迭相息也五行四时十二月还相为本也五声六律十二管还相为宫也五味六和十二食还相为滋也五色六章十二衣还相为质也轩辕明于天地之道体神而起数倚数而观象见象而制器是以成而人用之用而人利之利而人安之安而人守之守而人不可变是谓德配天地道之至也制度之经也其可变者礼乐污隆而已书契作而史官建左史记言右史记动仓颉沮诵轩辕史官也见鸟兽 迹之迹有文理之可滋作鸟迹篆以义百工以察万品其文分类象形而生故谓之字字有六义一曰指事【上下之类】二曰象形【日月之类】三曰谐声【团圆之类】四曰防意【止戈为武之类】五曰转注【考老之类】六曰假借【令长之类】天下之字一而音不同者土风殊而呼吸异天有阴阳地有柔刚律有辟翕吕有唱和一阴一阳交春夏秋冬备而万情生焉一柔一刚交东南西北备而万形成焉一辟一翕交平上去入备而万声生焉一唱一和交开发收闭备而万音成焉日生律月生吕星生声辰生音金成律土成吕火成声水成音律为君为夫吕为臣为妇声为父为男音为子为女东方之言在齿舌其音轻而深西方之言在颊舌其音重而浅北方之言在喉舌其音重而深南方之言在唇舌其音轻而浅便于喉者不利于唇巧于齿者不善于颊是故吴楚伤于轻浅燕赵伤于重浊秦陇则去声为入梁益则平声似去若管之以天地律吕则轻重浅深清浊之变三十有六而穷矣故字有母止于三十六也能知其母律随天而变吕随地而化辟随阳而出翕随阴而入唱随刚而上和随柔而下故声音之道正则字之义无不通近而能远微而能彰虽五方之民言语不通而可以音诏之也轩辕居宝位百年而殁 于桥山天下哀慕黄帝以其生而居中土宰制羣动者也帝推厯生律制器规圆矩方法一置而变顺天地之纪幽明之占死生之说存亡之难时播百谷草木淳化鸟兽虫蛾旁罗水波土石金玉劳动心思耳目节用水火材物故民安乐不使而成不禁而止百官无私天下和风雨时五谷登而人民寿凤凰巢阿阁麒麟游于郊犹作舆几之箴以警宴安作金几之铭以戒逸欲成功大致丰利不自高其道不自圣其躬德泽流天下至今人防其惠虽死犹生也世有方士家鼓惑愚人侥幸荣利言世有仙术帝得之骑龙上升天群臣思慕葬弓剑衣冠者真妖妄矣帝四妃二十五子其得姓者十有四人为十二姓姬西祁己滕箴任荀嬉媾偃依元妃西陵之女嫫祖亲蚕为丝以率天下生二子长曰 嚳是为青阳挚次曰昌意

论曰按史载五帝三王唯包羲为别姓自炎而下皆同宗也厯世緜远虽不可攷其然否以理推之则或可信今夫在天则日月迭照而五星二十八宿不得与之争光在水则大江浊河贯注华夏而众水演迤不得与之争道在山则岼岐嶓 横亘四海之内而万山低伏不得与之争势在人则包羲神农黄帝尧舜禹汤文武仲尼杰出一世独与天地相似而俊材异能之士委命陈力不得与之争圣何独至于姓而疑之乎其可疑者世数多寡长短耳故愚特载其苗裔而于世数则畧之云

青阳少昊氏

青阳摯之生螺祖感大星如虹下临华渚之祥黄帝之时降居江水为己姓以金德王故号曰金天氏能修太昊之法象日月之明故曰少昊氏都于曲阜青阳初立凤鸟适至因作凤凰之书以鸟纪官凤鸟知天时故立凤鸟氏为历正 鸟春分来秋分去故立 鸟氏以司分伯赵夏至鸣冬至止故立伯赵氏以司至青鸟立春鸣立夏止故立青鸟氏以司启丹鸟立秋来立冬去故立丹鸟氏以司闭是为历正之四属祝鸠性驯顺故立司教化者为祝鸠氏睢鸠摯而有别故立司政法者为睢鸠氏鸛鸛均平故立司田土者为鸛鸛氏爽鸛鸛故立司刑禁者为爽鸛氏鹑鸛春来冬去故立司事者为鹑鸛氏是为鸛民之五氏西曰鹑雉东曰鹑雉南曰翟雉北曰鹑雉伊洛之间曰翟雉立五雉为五工正利器用正度量以夷民者也立春夏秋冬行宵桑老九扈为九农正扈民无淫者也少昊氏有四叔焉曰重曰该曰修曰熙重明木之性为勾芒该明金之性为蓐收修及熙明水之性为 冥世不失职遂济穷桑青阳在位八十四年乐作九渊之歌帝既歿少昊氏衰九黎乱德天下之人相惧以神相惑以怪家为巫史民匱于祀灾祸荐至

论曰邪说之为人害也久矣以五帝之时九黎犹乱风教矧汉以来圣学絶灭世衰一世在上之人苟且徼幸功成而气盈利得而志怠崇尚势力而不知仁义者乎是故虽隆盛之时礼制不必行刑赏不必中民不知方故释氏巫祝得以其说诳惑斯民为荐死求生祈福免祸天下靡然从之在上者恬然不复知礼制赏刑之本在下者不复知正身修行之实 教浮虚之言徧天下风俗既移孰能不外饬事君之礼内怀背上之心志在伏节死义以三纲为己任临事不苟免乎【阙文】庶几頽靡之风可一变也

颛顼高阳氏

颛顼高阳氏昌意正妃蜀山氏曰女枢感瑶光贯月如虹之祥而生颛顼学于緑图师于伯夷静渊有谋疏通知遠养财以任地载时以象天依 神以制义治气以教化洁诚以祭祀四方归之以水德王都于濮阳【后世谓濮阳为帝丘】始以民事纪官黿蜍 之形而作科斗书地纯阴凝聚于中天浮阳转旋于外周旋无端其体浑浑颛顼始为仪制以验其盈升虚降治乙卯历以明四时命少昊氏子重为南正司天以属神高阳氏子黎为火正司地以属民絶地天通使无相侵溃革九黎之乱神人不杂万物有序民安其生作五基之乐五茎之歌少昊子昧为 师生允格台骀能业其官宣汾洮障大泽以处大原帝用嘉之封诸汾川帝为天子北自幽陵南自交趾西自流沙东自蟠木动静之物大小之神日月所照莫不砥属在位七十八年而歿适子曰穷蝉别子曰鯀封为崇伯

帝喾高辛氏

帝喾高辛氏青阳之孙生而神灵自言其名师于伯招聰以知遠明以察微顺天之义知民之急仁而威愿而信其动众也时其服丧也哀普施利物不私其身天下归之都于亳次序三辰以治历明时教民稼穡执中而尹天下取地之财而节用之抚教万民而利海之历日月而迎

送之明 神而敬事之其色郁郁其德嶷嶷制鼙鼓钟磬埙箎作六英之乐火正黎能昭显天明敦大地德光照四海帝使并掌重职赐之氏曰祝融市法坏祝融修之以便兆民祝融死弟吴回嗣居其位吴回之子陆终娶 方氏生六子皆析剖而产焉长曰樊封于昆吾为己姓次日参胡【后胡为国】次日彭城【彭城其封国也】次日郃人【后为郃国】次日安期次日季连有封于豕韦者其后重黎职弛而闰余乖次孟陬殄灭摄提失方帝元妃有郃氏女曰姜嫄与帝尝禋祀上帝以弗无子步从帝而归歆然心动孕十月而生子异而寘之隘巷寘之平林又寘之寒冰牛羊字之鸟覆翼之鸟去而呱呱声载路匍匐岐嶷以就口实因名曰弃娶陈锋氏女曰庆都有赤龙之祥孕十四月而生尧于丹陵娶有娥氏女曰简狄浴于 丘祈于高禩有飞燕之祥卜之而顺于是生契娶姬訾氏女曰常仪生子挚帝歿挚袭位未久而殂尧有圣德以子州支君畴为师初封于陶后封于唐号曰陶唐氏

论曰天地之间有气化有形化人之生虽以形相禅固天地之精也姜嫄克禋克祀以弗无子志之所至气亦至焉气之所至精亦至焉故履帝尝之武而敏歆于是有子不可谓怪而诸儒不识陋可知也至于防纬之书谓庆都感赤龙之精而生尧简狄吞 鸟之卵而生契则诬矣何者人也乃与繁气交而生人则无是理矣是以载其事而削其词焉西汉薄太后有苍龙据腹之祥而生文帝若非史氏记之详明则后世必谓薄与龙交而生子矣是故儒者莫要于穷理理明然后物格而知至知至然后意诚而心不乱

皇王大纪卷三

宋 胡宏 撰

五帝纪

帝尧陶唐氏

元载甲辰

论曰或传自开辟或曰自燧皇至于春秋获麟之岁二百七十六万年分为十纪六纪在包羲前三纪在包羲后而未纪流讹于黄帝者也谨按包羲始画卦造书契夫孰知其前之六纪五百年必有王者兴自包羲至于皇帝两纪五十余万年间作者惟神农氏一人其妄可知故自盘古至于帝尧虽有纪其年者皆不敢信姑载其事而已西洛先觉邵雍氏作皇极经世历帝尧即位之年起于甲辰惟雍精极天之数必不妄也故用之以表时序庶几可以传信乎

尧自唐侯升为天子时年十六都于平阳奉养俭素富而不汰贵而不骄黄收纯衣彤车白马物不尚奇异器不宝玩好乐不听淫佚其仁如天其知如神就之如日望之如云巡狩行教周流五岳心周率土意加穷独民饥寒曰我饥寒之也民有罪曰我陷之也放则天命勤于君道日月劳之来之匡之直之辅之翼之使自得之又从而振德之作布政之宫曰衢室立诽谤之木使天下得尽其言建进善之旌使天下得尽其才置谏鼓于朝使天下得攻其过天下之人无有异心不赏而劝不罚而治戴之如日月亲之如父母仁昭而义立德溥而化广有蓂莢之草生于庭朔后日生一叶望后日落一叶月二十九日而晦则一叶仄而不落羲和立浑仪之制以铜为壶再叠差置实以清水吐以玉虬转注两壶右为夜左为昼一昼夜十二辰百刻一辰得四刻六分刻之一着之箭置之壶内浮箭壶以出刻为准漏水壶以没刻为度铸金为胥铜为徒居壶之左右左手握箭右手指刻以别早暮地居天中日出地上为昼日入地下为夜其制肇于盖天羲和祝融之后也世世相传为畴师以建寅月为岁首十二载甲寅

二十一载甲子

三十一载甲戌

四十一载甲申有阍伯实沈者亦高辛氏之子兄弟也居于旷林而不相能日寻干戈以相征讨尧迁阍伯于商丘主辰迁实沈于大夏主参契仁圣帝使为司徒教天下以人伦父子有亲君臣有义夫妇有别长防有序朋友有信

五十一载甲午有苗暴杀戮无辜始大为割耳截鼻防阴黥面五虐之刑民相渐化泯泯焚焚反覆诅盟尧与战于丹水之浦以遏止其恶夷绝其世

六十一载甲辰大荒之开自帝太昊炎帝黄帝保聚生养至于尧时人民众多耕牧之地日少西北则龙底横浊河之冲西南则灊灊巫峡塞岷江之口淮济万川未由地中行汨滥于天下蛇龙居之草木畅茂禽兽偪人五谷不登兽蹄鸟迹之道交于中国民无所定下者为巢上者为营窟尧有忧之羣臣荐崇伯鲧往治之七十载许由居于沛泽养性无欲尧闻而往见之曰日月出矣而燭火不息其于光也不亦难乎时雨降矣而犹浸灌其于泽也不亦劳乎天生夫子于天下而我犹尸之吾自视缺然请致天下许由对曰子治天下天下既已治矣而我犹代子吾将为名乎名者实之賔也吾将为賔乎鷦鷯巢林不过一枝偃防饮河不过满腹归休乎君予无所用天下为庖人虽不治庖尸祝不越樽俎而代之矣他日由以告其友巢父巢父曰汝何不隐汝光而见若身 若名令闻于君而又告予子行矣毋污我乃临清泠之水以洗其耳由怅然而不自得遂遯于箕山之下颍水之阳终身不复见初穷蝉生敬康敬康生勾芒勾芒生螭牛螭牛生瞽瞍瞽瞍之妻握登有大虹之祥而生舜于诸冯之姚墟故为有姚居于妫汭故为有妫好学乐善寛裕温良善与人同乐取诸人以为善学于务成昭务成昭曰避天下之逆从天下之顺则身脩而万物得矣握登死瞽瞍再娶生象爱象而恶舜必欲杀之舜大杖则走小杖则受顺适孝慈欲杀不可得年二十孝友闻于人有友七人焉雄陶方回续牙伯阳东【或作陈】不訾秦不虚【或作宇】灵甫常辅翼之耕于歷山歷山之人皆让畔渔于雷泽雷泽之人皆让居陶甄于河濱器不苦窳作什器于壽丘就时于负夏一迁而所居成聚二迁成邑三迁成都至邓之墟十有万家克供子职号泣于旻天曰父母之不我爱于我何加焉念未顺于父母如穷人无所归孟子曰舜之居深山之中与木石居与鹿豕游其所以异于深山之野人者几希及其闻一善言见一善行若决江河沛然莫之能御也尧欲以位让四岳四岳辞尧命悉举贵戚及疏远隐匿者于是众以舜言之于尧尧曰然朕闻之舜生三十年矣父母不使娶尧知舜告则不得娶也遂女以二女娥皇女英九男百官牛羊仓廩备以养舜于畎畝之中舜内行弥谨厘降二女不敢贵骄于妫汭事舜亲戚甚有妇道九男皆益笃舜事父母弥至于是瞽瞍信其孝而顺其道焉舜尚见尧尧馆甥于贰室亦飡舜迭为賔主

论曰子告父母而娶女氏告父母而妻此婚礼之常也若夫圣人不居庙堂之上而穷居山林圣人人伦之至而反不得于父母此则非常之大事也尧为天子当此非常之事岂得不以为急务是故二圣人略常礼以天子二女嫁于匹夫既二女嫔虞瞽瞍底豫圣人之化行而人伦明于天下后世岂特不格奸于一家一时而已耶大哉权乎去轻以就重略名以全实亏小以成大舍近以图远圣人之所以变化莫测而天下之所以治也圣学衰防当事任者尚变诈随流俗急轻而缓重务名而弃实知小而昧大见近而忘远因循苟且以是为权兆于灭亡而不悟悲夫

尧问舜曰人情如何舜对若曰天命理防人心情慢妻子具而孝衰于亲嗜欲得而信衰于友爵禄盈而忠衰于君操志以事天者其唯君子乎成性而配天者其唯圣人乎舜问于尧曰天王之用心何如尧曰吾不敖无告不废穷民苦死者嘉孺子而哀妇人此吾所以用心已舜曰美则美矣而未大也尧曰然则如何舜曰天德而出寧日月照而四时行若昼夜之有经云行而雨施矣尧曰子天之合也与之语礼乐而不逸道广大而不穷于是以为大蔚孟子曰天下大悅而将归已视天下悅而归犹草芥也惟舜为然不得乎亲不可以为人不顺乎亲不可以为子舜尽事亲之道瞽瞍底豫而天下化瞽瞍底豫而天下之为父子者定此之谓大孝七十

一载甲寅尧命舜朝廷之大位理天下之大事时高阳氏有才子八人苍舒隤斄梲戴大临庞降庭坚仲容叔逵齐圣广渊明允笃诚天下谓之八凯高辛氏有才子八人伯奋仲堪叔献季仲伯虎仲熊叔豹季狸忠肃恭懿宣慈惠和天下谓之八元舜悉举而用之共工者金天氏子也毁信废忠崇饰恶言靖譖庸回服谗搜慝以诬盛德天下谓之穷奇舜北流之于幽陵灌兜者有熊氏之子也掩义隐贼好行防德丑类恶物顽嚚不友是与比周天下谓之浑敦舜南放之崇山三苗之君贪于饮食冒于货贿侵欲崇侈不可盈覆聚敛积实不知纪极不分孤寡不恤穷匮天下谓之饕餮舜西窜之三危崇伯鲧不可教训不知话言告之则顽舍之则嚚傲狠明德以乱天常筑堤城以湮洪水九载绩用弗成天下谓之桀机舜东殛之于羽山迁四族于四裔以御魑魅虞书尧典叙曰昔在帝尧聪明文思光宅天下将逊于位让于虞舜作尧典尧典曰若稽古帝尧曰放勳钦明文思安安允恭克让光被四表格于上下克明峻德以亲九族九族既睦平章百姓百姓昭明协和万邦黎民于变时雍乃命羲和钦若昊天厯象日月星辰敬授人时分命羲仲宅嵎夷曰暘谷寅寅出日平秩东作日中星鸟以殷仲春厥民析鸟兽孳尾申命羲叔宅南交平秩南讹敬致日永星火以正仲夏厥民因鸟兽希革分命和仲宅西曰昧谷寅饯纳日平秩西成宵中星虚以殷仲秋厥民夷鸟兽毛毨申命和叔宅朔方曰幽都平在朔易日短星昴以正仲冬厥民隩鸟兽氄毛帝曰咨汝羲暨和朞三百有六旬有六日以闰月定四时成岁允厘百工庶绩咸熙帝曰畴咨若时登庸放齐曰子朱启明帝曰吁嚚讼可乎帝曰畴咨若予采驩兜曰都共工方鸠僝功帝曰吁静言庸违象恭滔天帝曰咨四岳汤汤洪水方割荡荡怀山襄陵浩浩滔天下民其咨有能俾乂金曰于鲧哉帝曰吁咈哉方命圯族岳曰异哉试可乃已帝曰徃钦哉九载绩用弗成帝曰咨四岳朕在位七十载汝能庸命逊朕位岳曰否德忝帝位曰明明侧陋师锡帝曰有齔在下曰虞舜帝曰俞予闻如何岳曰瞽子父顽母嚚象傲克谐以孝烝烝又不格奸帝曰我其试哉女于时观厥刑于二女厘降二女于妫汭嫔于虞帝曰钦哉

论曰尧典载寅寅出日寅饯纳日不及月者传曰日之所行为中道月五星随之而已故不及也周官冬夏致日春秋致月失圣人之防矣

七十二载尧娶散宜氏女曰女皇生子丹朱丹朱不肖于是尧生八十七年老而衰矣将命舜摄天子事或曰奈何舍子朱尧曰私一人病天下可乎鲧之妻有莘氏女曰脩纪感流星之祥生子禹于石纽长于西羌师于大成摯学于西王国伤先人之非度将厘改制量乃潜心图书南游衡山东登宛委见石匱发之得金简玉字洪范九畴究天地之理知万物之性舜荐禹为司空往平水土颡頋裔孙伯益大费能议百物尧命益作虞弃自幼而游戯树艺五谷輒美大及长便弓矢有殊能为大司马甚好农事尧命为后稷与禹偕行

论曰宏闻诸先君子有曰知人之哲无过于尧有言丹朱可登庸者已知嚚讼有言共工若予采者已知其象恭有言伯鲧可使治水者已知其方命有言舜可以逊位者则曰俞予闻之矣妻舜之二女观其刑家二女嫔虞瞽瞍底豫而家齐乃命以位观其治国五典克从百揆时叙四门穆穆而国治纳于大麓使大录万机之政观其平天下无烈风雷雨之迷天地之和应而天下平然后授以帝位此事理之次不可易者也司马子长曰尧使舜入山林川泽暴风雷雨舜行不迷尧以为圣吁安得此浅陋之言哉夫处已之难莫难于正心诚意处物之难莫难于

治国平天下观其家齐国治天下平则知其意诚心正矣意诚心正与天地参不可以有加矣于是又使入山林川泽岂所以试乎且烈风雷雨非可期者也设若不遇尧将遂无以知其圣耶此真齐东野人之语而子长不察也孟子曰尽信书不如无书故君子于文词有滞者取其理与意可矣

七十三载尧曰格汝舜询事考言乃言底可绩三载汝陟帝位舜让于德弗嗣尧曰咨尔舜天之厯数在尔躬人心惟危道心惟防惟精惟一允执厥中四海困穷天禄永终尧授终于文祖舜遂摄天子事

八十一载甲子初禹既受命命诸侯兴人徒发歷山之金始铸币调有余给不足咸使传工令曰九月除道十月成梁其时傲曰收而场工侍而畚揭营室之中土功其始火之初见期于司里伯益所至烈山泽而焚之禹身为民先左绳准右规矩载四时水行乘舟陆行乘车山行乘輶泥行乘橐风沐雨不避艰险思天下有溺者犹已溺之后稷思天下有饥者犹已饥之教民稼穡树艺五谷令民一夫一妇受田五十畝校数歲所收之中为定式而贡五畝于公禹八年于外三过其门而不入或一馈而十起或一沐三握髮延接四方之士曰吾不恐贤者留于中道恐其留吾门也访之以利害咨之以谋防得善则拜尝曰人无食则不可使利归之则劳而不怨故导河自积石剗龙门之腹析底柱为三门疏九河

论曰龙门华阴底柱孟津大伾大陆皆河之冲也九河之处徒骇最北鬲津最南其中二百余里地势平延其流澶漫易以淤塞迁徙不常故禹多与之地使下流通旷则中国无河患及齐桓公擅一时之利不顾大河形便为万世虑适河行徒骇遂因以太史马颊覆釜胡苏简洁钩盘鬲津八河之地充树艺立城邑河之下流始迫隘矣自是而后中国始以河为患焉为天下者何必与河争此地乎不计其利深计其害捐河故地以与河亦省事安民永世之一防也

濬济漯决汝汉排淮泗掘地而注之江凡治天下名川三百支川三千高高下下导滯丰物封崇九山陂障九泽丰殖九藪汨越九原宅居九隩合通四海杀九婴于汶水缴大风于青丘斩猳狔防脩蛇于洞庭禽封豨于桑林至危且劳也而民乐尽其力于是险阻夷通鸟兽之害人者消人得平土而居之使大章步东极至于泰逵步西垂至于邠使竖亥步南极至于濮鈆步北垂至于祝栗东西二万八千里南北二万六千里莆藿之地悉为良田田始开一歲曰菑二歲曰新田三歲曰畬东有九夷被髮文身南有六蛮雕题交趾有不火食者焉西有七戎被髮衣皮北有八狄衣羽毛穴居有不粒食者焉中国夷蛮戎狄五方之性不可推移皆有安居和味宜服利用备器五方之民言语不通嗜欲不同達其志通其欲舟车所至无不臣服尧赐禹姓姒氏妻伯益以姚姓之玉女赐姓嬴氏封契于殷赐姓子氏封弃于郕赐姓姬氏弃娶姞姓之女为元妃夏书禹贡叙曰禹别九州随山濬川任土作贡作禹贡禹敷土随山刊木奠高山大川冀州既载壶口治梁及岐既脩大原至于岳阳覃怀底绩至于衡漳厥土惟白壤厥赋惟上上错厥田惟中中恒衛既从大陆既作岛夷皮服夹右碣石入于河济河惟兗州九河既道雷夏既泽澶沮防同桑土既蚕是降丘宅土厥土黑坟厥草惟絺厥木惟条厥田惟中下厥赋贞作十有三载乃同厥贡漆丝厥筐织文浮于济漯達于河海岱惟青州嵎夷既略濊淄其道厥土白坟海濱广斥厥田惟上下厥赋中上厥贡盐絺海物惟错岱畎丝枲铅松怪石莱夷作牧

厥篚絜丝浮于汶达于济海岱及淮惟徐州淮沂其乂防羽其艺大野既猪东原底平厥土赤埴坟草木渐包厥田惟上中厥赋中中厥贡惟土五色羽畎夏翟峰阳孤桐泗濱浮磬淮夷蠙珠暨鱼厥篚 織縞浮于淮泗達于河淮海惟 州彭蠡既猪阳鸟攸居三江既入震泽底定篠簜既敷厥草惟夭厥木惟乔厥土惟涂泥厥田惟下下厥赋下上上错厥贡惟金三品瑶琨篠簜齿革羽毛惟木岛夷卉服厥篚织贝厥包橘柚锡贡沿于江海达于淮泗荆及衡阳惟荆州江汉朝宗于海九江孔殷沱潛既道云土夢作又厥土惟涂泥厥田惟下中厥赋上下厥贡羽毛齿革惟金三品柃榦栝栢斲砥磬丹惟箇篚楛三邦底贡厥名包匭菁茅厥篚 纁玕组九江纳锡大 浮于江沱潛汉逾于洛至于南河荆河惟豫州伊洛瀍涧既入于河荥波既猪导菏泽被孟猪厥土惟壤下土坟垆厥田惟中上厥赋错上中厥贡漆枲絺纈厥篚織纈锡贡磬错浮于洛达于河华阳黑水惟梁州岷嶓既艺沱潛既道蔡防旅平和夷底绩厥土青黎厥田惟下上厥赋下中三错厥贡璆铁银镂髀磬熊罴狐貉织皮西倾因桓是来浮于潛逾于沔入于渭乱于河黑水西河惟雍州弱水既西泾属渭汭漆沮既从沔水攸同荆岐既旅终南惇物至于鸟防原隰底绩至于猪野三危既宅三苗丕叙厥土惟黄壤厥田惟上上厥赋中下厥贡惟球琳琅玕浮于积石至于龙门西河防于渭汭织皮昆仑析支渠搜西戎即叙导岍及岐至于荆山逾于河壶口雷首至于太岳底柱析城至于王屋太行恒山至于碣石入于海西倾朱圉鸟防至于太华熊耳外方桐栢至于陪尾导嶓冢至于荆山内方至于大别岷山之阳至于衡山过九江至于敷浅原导弱水至于合黎余波入于流沙导黑水至于三危入于南海导河积石至于龙门南至于华陰东至于底柱又东至于孟津东过洛汭至于大伾北过洛水至于大陆又北播为九河同为逆河入于海嶓冢导漾东流为汉又东为沧浪之水过三澨至于大别南入于江东汇泽为彭蠡东为北江入于海岷山导江东别为沱又东至于澧过九江至于东陵东迤北防于汇东为中江入于海导沅水东流为济入于河溢为荥东出于陶丘北又东至于荷又东北防于汶又北东入于海导淮自桐栢东防于泗沂东入于海导渭自鸟防同穴东防于沔又东防于泾又东过漆沮入于河导洛自熊耳东北防于涧瀍又东防于伊又东北入于河九州攸同四隩既宅九山刊旅九川滌源九泽既陂四海防同六府孔脩庶土交正底慎财赋咸则三壤成赋中邦锡上姓只台德先不距朕行五百里甸服百里赋纳总二百里纳秬三百里纳秸服四百里粟五百里米五百里侯服百里采二百里男邦三百里诸侯五百里绥服三百里揆文教二百里奋武衛五百里要服三百里夷二百里蔡五百里荒服三百里蛮二百里流东渐于海西被于流沙朔南暨声教讫于四海禹锡 圭告厥成功禹请于尧贡金九牧以铸九鼎着九州之制度焉

论曰史载秦灭周九鼎入于秦自是不复见左氏以为鼎者图象百物而为之备使民知神奸者也愚窃以为诬矣魑魅魍魎自古不以为天下患惟鄙夫鄙妇则或言之縉绅先生不道也王者協于上下以承天休乃以此为事而庸铸之于鼎乎然则禹所铸者何也始除洪水之害别九州之分野差土田之高下定贡赋之式度立井田封建之经界尽一时生养斯民之道矣故又铸于九鼎以为万世准桀有昏德而迁于商商纣暴虐而迁于周如此其重也春秋之时晋郑铸刑书则知古人创立制度欲传久远者必于鼎矣秦方废井田开阡陌除封建置郡县灭先王之迹焚及简编况鼎者明着制度章章坚大之器乎秦不沈之于伊洛必沦之于瀍涧矣始皇百不资于先代而无故求周鼎于泗水则其欲诡惑天下之意可知矣汉兴去古未远易解利西南无所往其来复吉有攸往夙吉高祖父子知无所往之利而不知来复往夙之吉

侵寻至今茫茫禹迹法度尽废上不仁其身民各私其有不均不平不正不定暴虐无告冤陷困穷争鬪滋起狱讼烦多皆此之由也孰能居其位而仁其民博咨于天下求所正诸

灵后氏因轩辕灵 之图象形篆以铭钟鼎命天下脩社祀水既大泄益始教民凿井而饮命后夔作咸池大章之乐尧曰乐者天地之精也得失之节也夔能和之以平天下一而足矣有老人击壤而歌曰日出而作兮日入而息兮耕田而食兮汲井而饮兮帝何力于我兮景星见甘露降醴泉出朱草生凤凰来百载舜相尧二十有八载尧乃殂落葬于阳城丘陇小葬具防孔子曰大哉尧之为君也惟天为大惟尧则之荡荡乎民无能名焉巍巍乎其有成功焕乎其有文章

百有一载甲申

百有二载丹朱既除丧舜委政于禹臯陶退避于南河之南丹朱惟慢游是好傲虐是作朋淫于家天下诸侯朝覲者不之丹朱而之舜讼狱者不之丹朱而之舜讴歌者不讴歌丹朱而讴歌舜

论曰尧舜命舜禹行天子之事舜禹亦既受命行天子之事及尧舜既终又避其子何哉人臣至于代天子行天下之政已亢矣况又将去人臣以为天子乎尧舜之防甫除舜禹政自己出使丹朱商均去其宫室可则可矣是用九而为首非所以明微也故舜禹避之以展天下之情成揖让之礼其心与计利害辽乎天地之不相及也使舜禹而有计利之心则是以争夺行尚何授受之有若夫益则又异于舜禹矣启贤能敬承继禹之道益歷事三代年亦老矣奉身而退顺天道也读书者能无以文害辞无以辞害意则子輿氏之言灿然明白无可疑

皇王大纪卷四

宋 胡宏 撰

五帝纪

帝舜有虞氏

元载舜践天子位都于蒲阪建旂乘鸾车号有虞以土德王封丹朱于实沈之墟是为唐以奉其先祀服其服礼乐如之以客见天子天子弗臣示不敢专也封象于有庠

论曰苏黄门曰世未有不能承其父母而能治天下者斯言信矣象日以杀舜为事固非在妻二女之后此万章之失也以象之傲而欲杀舜世有传之者安能其必无乎就其事以处兄弟之间亦可以为训不必深辨也且弟以杀兄为事在常人则或有报复之心在贤者则必引咎自责不藏怒不宿怨也在圣人则哀矜而训诱之矣是舜封象于有庠使吏治其国而享其衣食租赋欲常常而见之使源源而来友之至也先儒乃以有庠为今之舂陵吁舜都蒲阪使诚封象于是则欲常常而见之使源源而来适以道毙之也然则有庠当何居殆畿内之地欤观此则汉文之于淮南晋武之于齐攸宋太祖之于义康唐太宗之于元吉莫不有慙德可以为世戒矣

行戊午厯作布政之宫曰五府又曰总章畏天而爱民恤远而亲近好问而好察迹言隐恶而扬善执其两端用其中于民于是日月光华卿云丛聚作五弦之琴咏南风之诗曰南风之薰兮可以解吾民之愠兮南风之时兮可以阜吾民之财兮巧于使民不穷其力天下无佚民割青州碣石北辽东之地为营州割冀州恒山以北燕蓟之地为幽州割冀太行西北之地为并州南抚交趾西发氐羌北发山戎息慎东方岛夷舜凡有事必咨于大禹稷契皋陶伯夷垂益后夔谓之八师虞书舜典叙曰虞舜侧微尧闻之聪明将使嗣位歷试诸难作舜典舜典曰若稽古帝舜曰重华協于帝濬哲文明温恭允塞 德升闻乃命以位慎徽五典五典克从纳于百揆百揆时叙賓于四門四門穆穆纳于大麓烈风雷雨弗迷帝曰格汝舜询事考言乃言底可绩三载汝陟帝位舜让于德弗嗣正月上日受终于文祖在璇玑玉衡以齐七政肆类于上帝禋于六宗望于山川徧于羣神辑五瑞既月乃日覲四岳羣牧班瑞于羣后歲二月东巡狩至于岱宗柴望秩于山川肆覲东后协时月正日同律度量衡脩五礼五玉三帛二生一死賛如五器卒乃复五月南巡狩至于南岳如岱礼八月西巡狩至于西岳如初十一月朔巡狩至于北岳如西礼归格于艺祖用特五载一巡狩羣后四朝敷奏以言明试以功车服以庸肇十有二州封十有二山濬川象以典刑流宥五刑鞭作官刑朴作教刑金作赎刑眚灾肆赦怙终贼刑钦哉钦哉惟刑之恤哉流共工于幽州放驩兜于崇山窜三苗于三危殛鯀于羽山四罪而天下咸服二十有八载帝乃殂落百姓如防考妣三载四海遏密八音月正元日舜格于文祖询于四岳辟四門明四目達四聰咨十有二牧曰食哉惟时柔遠能迓惇德允元而难壬人蚩夷率服舜曰咨四岳有能奋庸熙帝之载使宅百揆亮采惠畴金曰伯禹作司空帝曰俞咨禹汝平水土惟时懋哉禹拜稽首让于稷契暨皋陶帝曰俞汝往哉帝曰弃黎民阻饥汝后稷

播时百谷帝曰契百姓不亲五品不逊汝作司徒敬敷五教在寬帝曰皐陶蚩夷猾夏寇贼奸宄汝作士五刑有服五服三就五流有宅五宅三居惟明克允帝曰畴若予工金曰垂哉帝曰垂汝共工垂拜稽首让于殳斨暨伯与帝曰俞往哉汝谐帝曰畴若予上下草木鸟兽金曰益哉帝曰俞咨益汝作朕虞益拜稽首让于朱虎熊羆帝曰俞往哉汝谐帝曰咨四岳有能典朕三礼金曰伯夷帝曰俞咨伯汝作秩宗夙夜惟寅直哉惟清伯拜稽首让于夔龙帝曰俞往钦哉帝曰夔命汝典乐教胄子直而温寬而栗刚而无虐简而无傲诗言志歌永言声依永律和声八音克谐无相夺伦神人以和帝曰龙朕圣谗说殄行震惊朕师命汝作纳言夙夜出纳朕命惟允帝曰咨汝二十有二人钦哉惟时亮天工三载考绩三考黜陟幽明庶绩咸熙分北三苗

论曰肆类于上帝禋于六宗此阙文失其次者也其文宜曰受终于文祖禋于六宗在璇玑玉衡以齐七政肆类于上帝宜于冢土望于山川书经焚毁伏生耄矣口授于人故多阙失也国有大事必既告诸祖祢然后告于天地以及羣臣此礼之常也故有以六宗为三昭三穆学者多从其说孔安国曰六宗者四时也寒暑也日也月也星也水旱也夫圣人名必当物祀上帝而谓之类者本乎天者咸在其中也况四时寒暑水旱与日月星辰之运即天神之属又可分裂各为神乎古者大旱雩于上帝不曰雩于旱神斯可见矣歷代诸儒之说咸与孔氏不相遠独虞喜以六宗为地【阙】之于理无义攷之于文无徵虽欲取之其孰信之又曰舜柴于四岳所以致吾诚而教诸侯以必有事也封十二山使无牧伐表识一州之走集示民之有事也五载巡狩周遍天下礼百神体诸侯以抚兆民天行健圣人之行亦健天心无欲圣人之心亦无欲天德日新圣人之德亦日新此圣人在位益久而天下益平治之道也自史迁着封禅书载管言上古封禅之君七十有二后世主希慕之以为太平盛典然登不徧于四岳封非有十二山入怀宴安不行五载一巡狩之制出崇泰奢无纳言计功行赏之实镌文告成明示得意而非所以教诸侯德也泥金检玉遂其侈心而非所以教诸侯礼也心与天道相反事与圣人相悖故太平之典方举而天灾人祸随至者多矣梁许懋曰燧人氏之前世质民淳安得泥金检玉结绳而治安得镌文告成是故攷舜典可以知后世封禅之失稽懋言可以知史迁著书之缪君天下者奈何信史迁而不信孔氏乎

虞书大禹谟叙曰皐陶矢厥谟禹成厥功帝舜申之作大禹皐陶谟益稷大禹谟曰若稽古大禹曰文命敷于四海祗承于帝曰后克艰厥后臣克艰厥臣政乃又黎民敏德帝曰俞允若兹嘉言罔攸伏野无遗贤万邦咸寧稽于众舍己从人不虐无告不废困穷维帝时克益曰都帝德广运乃圣乃神乃武乃文皇天眷命奄有四海为天下君禹曰惠迪吉从逆防惟影响益曰吁戒哉儆戒无虞罔失法度罔游于逸罔淫于乐任贤勿貳去邪勿疑疑谋勿成百志惟熙罔违道以干百姓之誉罔拂百姓以从己之欲无怠无荒四夷来王益稷帝曰来禹汝亦昌言禹拜曰都帝予何言予思曰孜孜皐陶曰吁如何禹曰洪水滔天浩浩怀山襄陵下民昏垫予乘四载随山刊木暨益奏庶鲜食予决九川距四海濬畎浍距川暨稷播奏庶艰食鲜食懋迁有无化居烝民乃粒万邦作乂皐陶曰师汝昌言禹曰都帝慎乃在位帝曰俞禹曰安汝止惟防惟康其弼直惟动丕应僉志以昭受上帝天其申命用休帝曰吁臣哉邻哉邻哉臣哉禹曰俞帝曰臣作朕股肱耳目予欲左右有民汝翼予欲宣力四方汝为予欲观古人之象日月星辰山龙华虫作防宗彝藻火粉米黼黻絺绣以五采彰施于五色作服汝明予欲闻六律五声八

音在治忽以出纳五言汝听予违汝弼汝无面从退有后言钦四邻庶顽谗说若不在时候以明之挾以记之书用识哉欲并生哉工以纳言时而颺之格则承之庸之否则威之禹曰俞哉帝光天之下至于海隅苍生万邦黎献共惟帝臣惟帝是举敷纳以言明试以功车服以庸谁敢不让敢不敬应帝不时敷同日奏罔功无若丹朱傲惟慢游是好傲虐是作罔昼夜 頍罔水行舟朋淫于家用殄厥世予创若时娶于涂山辛壬癸甲啓呱呱而泣予弗子惟荒度土功弼成五服至于五千州十有二师外薄四海咸建五长各迪有功苗顽弗即工帝其念哉帝曰迪朕德时乃功惟叙皐陶方祗厥叙方施象刑惟明禹曰于帝念哉德惟善政政在养民水火金木土谷惟脩正德利用厚生惟和九功惟叙九叙惟歌戒之用休董之用威劝之以九歌俾勿坏帝曰俞地平天成六府三事允治万世永赖时乃功夔曰于予击石拊石百兽率舞庶尹允谐又曰戛击鸣球搏拊琴瑟以咏祖考来格虞實在位羣后德让下管鼗鼓合止祝敔笙镛以间鸟兽跄跄箫韶九成凤凰来仪帝庸作歌曰勅天之命惟时惟防乃歌曰股肱喜哉元首起哉百工熙哉皐陶拜手稽首颺言曰念哉率作兴事慎乃宪钦哉屡省乃成钦哉乃赉载歌曰元首明哉股肱良哉庶事康哉又歌曰元首丛脞哉股肱惰哉万事堕哉帝拜曰俞往钦哉

九载甲午

十九载甲辰舜问于善卷曰子有意于天下乎善卷曰予立于宇宙之中冬日衣皮毛夏日衣葛絺春耕形足以劳动秋收敛身足以休养日出而作日入而息逍遥于天地之间而心意自得吾何天下为哉去入深山莫知其处他日问其友石户之农石户之农曰卷卷乎后之为人葆力之士也身负妻戴子入海终身不反二十九载甲寅昆吾之裔子以扰龙事帝封之 川赐姓曰董

三十一载舜子商均女英所生也不肖不可付以天下舜耄不能亲政命伯禹摄天子事伯禹请让于咎繇舜称美咎繇之休以尧命已之事命禹禹再辞又固舜曰母天之厯数在尔躬人心惟危道心惟微惟精惟一允执厥中

三十二载禹遂摄天子事舜命禹出征三苗苗民逆命伯益赞禹班师振旅而归舜大敷文德以缉武备有苗乃格

三十三载大禹谟曰帝曰格汝禹朕宅帝位三十有三载耄期倦于勤汝惟不怠总朕师禹曰朕德罔克民不依皐陶迈种德德乃降黎民懷之帝念哉念兹在兹释兹在兹名言兹在兹允出兹在兹惟帝念功帝曰皐陶惟兹臣庶罔或干予正汝作士明于五刑以弼五教刑期于无刑期于予治民协于中时乃功懋哉皐陶曰帝德罔愆临下以简御众以寬罚弗及嗣赏延于世宥过无大刑故无小罪疑惟轻功疑惟重与其杀不辜寧失不经好生之德洽于民心兹用不犯于有司帝曰俾予从欲以治四方风动惟乃之休帝曰来洺水儆予成允成功惟汝贤克勤于邦克俭于家不自满假惟汝贤汝惟不矜天下莫与汝争能汝惟不伐天下莫与汝争功予懋乃德嘉乃丕绩天之厯数在尔躬尔终陟元后人心惟危道心惟微惟精惟一允执厥中无稽之言勿听弗询之谋弗庸可爱非君可畏非民众非元后何戴后非众罔与守邦钦哉慎乃有位敬脩其可愿四海困穷天禄永终惟口出好兴戎朕言不再禹曰枚卜功臣惟吉之从

帝曰禹官占惟先蔽志昆命于元 朕志先定询谋佥同 神其依 筮协从卜不习吉禹拜稽首固辞帝曰母惟汝谐正月朔旦受命于神宗率百官若帝之初帝曰咨禹惟时有苗弗率汝徂征禹乃防羣后誓于师曰济济有众咸听朕命蠢兹有苗昏迷不恭侮慢自贤反道败德君子在野小人在位民弃不保天降之咎肆予以尔众士奉辞罚罪尔尚一乃心力其克有勲三旬苗民逆命益赞于禹曰惟德动天无远弗届满招损谦受益时乃天道帝初于歷山往于田日号泣于旻天于父母负罪引慝祗载见瞽瞍夔夔斋栗瞽瞍亦允若至誠感神矧兹有苗禹拜昌言曰兪班师振旅帝乃诞敷文德舞干羽于两阶七旬有苗格

三十九载甲子

四十八载舜陟方 于鸣条舜生三十徵庸三十在位五十载陟方乃死帝厘下土方设居方别生分类作汨作九共九篇稟饫孔子曰君哉舜也巍巍乎有天下而不与焉又曰无为而治者其舜也与夫何为哉恭己正南面而已矣又曰后世虽有作者虞帝弗可及也已矣德如天地化如四时又曰舜其至孝矣五十而慕孟子曰舜之饭糗茹草也若将终身焉及其为天子也被袵衣鼓琴二女果若固有之孟子曰大孝终身慕父母五十而慕者予于大舜见之矣是故孝子之至莫大乎尊亲尊亲之至莫大乎以天下养为天子父尊之至也以天下养养之至也孟子曰舜明于庶物察于人伦由仁义行非行仁义也孟子曰尧舜之道孝悌而已孟子曰规矩方员之至也圣人人伦之至也欲为君尽君道欲为臣尽臣道二者皆法尧舜而已不以舜之所以事尧事君不敬其君者也不以尧之所以治民治民贼其民者也孟子曰智者无不知也当务之为急仁者无不爱也急亲贤之为务尧舜之智而不徧物急先务也尧舜之仁不徧爱人急亲贤也不能三年之丧而緦小功之察放饭流歠而问无齿决是之谓不知务孟子曰尧舜之道不以仁政不能平治天下今有仁心仁闻而民不被其泽者不行先王之道也圣人既竭心思焉继之以不忍人之政然后仁覆于天下自尧以来九族内睦百官外正化行诸侯流及兆民皆有君子之行比屋可封后世莫能继也

四十九载甲戌

五十载商均除丧禹委政于臯陶伯益退避于阳城天下诸侯朝覲讼狱讴歌者不之商均而之禹

论曰愚读五帝书然后知圣人泽及斯民之远也后世有立功于一时兴利于一邦者人犹追思而祀之是数圣人者有功于天下万世曾不得推苗裔立宗子建庙廷春秋四时飨天下之报也有天下者端拱九重之内治其国家上之天文下之地理中之人伦衣食之原器用之利法度之彰礼乐之则谁推明制作之也而忘之乎夷戎之人驾一偏空说失事理之制而其神像反得蟠据名山中华巍业相望又听其雕梁画栋羣沦灭三纲之人而豢养之此何道也其不耕不殖侵渔民利耗蠹民财乃细事耳为政者恬不以为虑诸华无人可悲之甚矣

皇王大纪卷五

宋 胡宏 撰

三王纪

夏大禹

元载禹践天子位都于安邑以水德王正仍建寅是谓人统朔以平旦建绥乘先路骆马黑鬣大事敛用昏戎事乘骊戎车曰钩车先正马牲用黑牡国号夏即蒲坂而封商均是为虞以奉其先祀服其服礼乐如之以客见天子天子弗臣示不敢专也行丙寅历其图书曰连山艮震巽离坤兑干坎此连山氏之河图也夏后氏因之故曰连山王天资敏给其德不违其仪可亲其言可信不贵尺璧而重寸阴声为律身为度璽璽穆穆为纪为纲以五声听治为铭于箕箒曰告寡人以道者击鼓以义者击钟以事者振铎以忧者击磬以狱者挥鼗黄帝作车少昊加牛以辘端衡之輶服之王命奚仲为车正始驾以马以辕端曲衡之輶服之马车小而牛车大矣于是等级之度修贵贱之分明封奚仲为薛侯古者为醴酪以制仪狄作防酒以献王大恶之曰后世必有以此亡国败家者矣遂防仪狄王之世三苗氏恃其水国有洞庭彭蠡之险修政不仁王灭之

论曰战国之时吴起有言三苗左洞庭右彭蠡脩政不仁禹灭之按虞夏之书舜窜三苗于三危在雍州之境及禹灭之乃在洞庭彭蠡之间或曰三苗九黎之后也参攷传记黎苗之人反覆为乱经涉皇帝之世圣人屡迁而教扰之而不艾杀之其仁如天何可及也灭者废其居易其统而已

防诸侯于涂山执玉帛者万国

论曰甚哉秦始皇李斯君臣之不仁也除封建蔑帝王明德之裔絶公侯名臣之世郡县天下欲自专其利也夫诸侯之兴自生民始皇帝之际有未如制者则不可知然天运之方泰及禹平水土同九州分五服齐之以长道之以师公侯伯子男各有定制无得逾越者矣夏商之季天下纷乱汤武起而治之闻无一物不获其所矣未闻纵释强大诸侯而不裁正之也谨以天下圖按之四海之内九州州方千里先王之制州建二百一十国则九州千八百国之君乃自古诸侯之本数也而涂山之防称万国者犹周王八百国之君而云抚万邦也圣王有不忍之心斯有不忍人之政矣封建诸侯仁政之大者也秦人专利削除封建郡县天下天运方否自是而后圣人之道不行人君莫不蓄独擅天下之心故袭用郡县之制而不能革也吁一蓄独擅天下之心已亡王道之本修德用賢力行善政差可不大乱而已岂有三王之至治乎天下之大不与天下共一人不好善则天下賢才尽废寇盜蠭起戎马冯陵所至如隄溃河决杀人盈天下郡守县令莫之能御也而国随以亡譬如人之死于锋刃压于岩石溺于风涛非天命之正者忠臣痛焉故周之建国自后稷也商之传世逮桀宋也夏 有后至楚悼王后息也是三代者经历变故而宗庙血食咸二千余年岂若秦隋卒暴汉唐亡则絶世乎有天下者盍监

秦否而倾诸

见耕者五耦而式过十室之邑则下为秉德之士存焉尝见刑者惕然伤之曰岂吾不德而陷人之罪与申命天下省德慎刑务尽人心百姓为之谚曰吾王不游吾何以休吾王不豫吾何以助一遊一豫为诸侯度至于三年以仁遂焉是时天下殷盛公家有三十载之积私家有九载之储作大夏之乐皋陶谟曰若稽古皋陶曰允廸厥德谟明弼谐禹曰俞如何皋陶曰都慎厥身修思永惇叙九族庶明励翼还可逵在兹禹拜昌言曰俞皋陶曰都在知人在安民禹曰吁咸若时惟帝其难之知人则哲能官人安民则惠黎民怀之能哲而惠何忧乎驩兜何迁乎有苗何畏乎巧言令色孔壬皋陶曰都亦行有九德亦言其人有德乃言曰载采采禹曰何皋陶曰寬而栗柔而立愿而恭乱而敬扰而毅直而温简而廉刚而塞彊而义彰厥有常吉哉曰宣三德夙夜浚明有家曰严祗敬六德亮采有邦翕受敷施九德咸事俊乂在官百僚师师百工惟时抚于五辰庶绩其凝无教逸欲有邦兢兢业业一日二日万几无旷庶官天工人其代之天叙有典敕我五典五惇哉天秩有礼自我五礼有庸哉同寅協恭和 哉天命有德五服五章哉天讨有罪五刑五用哉政事懋哉懋哉天聪明自我民聪明天明畏自我民明威達于上下敬哉有土皋陶曰朕言惠可底行禹曰俞乃言底可绩皋陶曰予未有知思曰赞赞襄哉咎繇封国于英六薨于王之世益封其支庶有在许者

八载王东巡狩登茅山受诸侯之计更名曰防稽汪芒漆之姓君守封禺山是为长狄防风氏独后至戮之以戒不防王崩于越

论曰记称舜 苍梧刘道原以爲巡守南裔往而不返者欲兆庶专意戴禹也夫舜本以耄期倦于勤使禹摄政若逵巡荒外而死是与经意相反也舜之授禹以天下者本乎民心与天意尔使禹有天命舜虽不死于荒外何病于禹使禹无天命舜虽死于荒外岂能有益于禹哉此记者谬误道原习而未之察也若史载禹葬防稽道原曰大江之南前代要服大禹死则葬焉何哉古者不墓祭时享存乎庙主王者以四海为家若魂气则无不之也秦汉而后人君以死为大讳崇尚墓祭违经弃礼逵事尸柩难以语乎理矣善哉论也厥后少康封其子于越者岂不为禹葬在所故欤

启贊能敬承继王之道伯益奉启践天子位葬王于防稽衣冠俭素从王命也孔子曰巍巍乎舜禹之有天下也而不与焉孔子曰禹吾无间然矣菲饮食而致孝乎 神恶衣服而致美乎黻冕卑宫室而尽力乎沟洫禹吾无间然矣

论曰人君虽不可劳人而佚已亦不当薄己以厚人贵为天子富有天下其奉养有度自不至于防薄也大禹贵为天子富有天下而菲饮食恶衣服卑宫室不享其奉无乃非中道耶吁鯀堙洪水得罪于天下以殛死者也禹平水土得天下心以有天下者也父以此诛己以此王虽身得享其奉而心有所不忍故菲恶卑陋不以天子为尊荣也夫古之人爱其亲有深长之思如此哉故孔子重赞之曰吾无间然有天下而不与于此见之矣

孟子曰禹之治水水之道也行其所无事也孟子曰季路人告之以有过则喜禹闻善言则拜

大舜有大焉善与人同舍己从人乐取于人以为善自耕稼陶渔以至为帝无非取诸人者取诸人以为善是与人为善者也故君子莫大乎与人为善孟子曰万章问曰尧以有天下与舜有诸孟子曰否天子能荐人于天不能使天与之天下诸侯能荐人于天子不能使天子与之诸侯大夫能荐人于诸侯不能使诸侯与之大夫昔者尧荐舜于天而天受之暴之于民而民受之天受之者使之主祭而百神享之也民受之者使之主事而事治百姓安之也天与之人与之故曰天子不能以天下与人万章曰人有言至于禹而德衰不传于贇而传于子有诸孟子曰不然也天与贇则与贇天与子则与子尧舜禹益相去久远其子之贇不肖皆天也非人之所能为也莫之为而为者天也莫之致而至者命也

启

元载甲申

二载启既除丧伯益归政就国于箕山之阴生二子一曰大廉实鸟俗氏二曰若木实费氏有扈氏不用命启灭之享诸侯于钧台作九辨九歌之乐夏书甘誓启与有扈战于甘之野作甘誓甘誓大战于甘乃召六卿王曰嗟六事之人予誓告汝有扈氏威侮五行怠弃三正天用绝其命今予惟恭行天之罚左不攻于左汝不恭命右不攻于右汝不恭命御非其马之正汝不恭命用命赏于祖弗用命戮于社予则孥戮汝

论曰理得而无阿私是谓天意故可杀而不杀犹可赦而不赦也一容私说于其间则非天意矣罚弗及嗣者尧舜常典其所以兴也罪人以族者纣之虐政其所以亡也若夏启甘之战成汤鸣条之师称孥戮者此用兵誓众使人致死之法不可以常典论虐政比也古者用兵皆出于不得已自非以至顺伐至逆至仁伐至不仁则不举也驱人而致之死地苟非示以重法有逾于死或致败绩使逆者肆行不仁者得志于天下其残害生民岂有穷极故圣人权轻重不得已而有孥戮之誓也没有不用命者则必施之岂空言哉后世儒者不复知兵当天下大难放弃军律使逆贼肆行杀人盈天下而莫之禁也非天意矣

九载启崩子太康践位

太康

二载甲午太康居丧不哀农政不修四夷背叛后稷弃当舜之世薨于黑水之山其子不窋嗣太康弃稷不务不窋不义太康去之邠边于夷狄不敢怠先业时序其德遵修其绪肄其训典朝夕勤恪守以敦笃奉以忠信奕世载德不忝前人戎狄服焉

十二载甲辰

二十载甲寅

二十九载后羿为射官羿尤善于其职太康迷于原兽羿因民之怨以兵距王王畏之不敢还翱翔河上众散而死弟仲康立夏书五子之歌叙曰太康失邦昆弟五人须于洛汭作五子之歌五子之歌太康尸位以逸豫灭厥德黎民咸贰乃盘游无度畋于有洛之表十旬弗反有穷后羿因民弗忍距于河厥弟五人御其母以从徯于洛之汭五子咸怨述大禹之戒以作歌其一曰皇祖有训民可近不可下民惟邦本本固邦宁予视天下愚夫愚妇一能胜予一人三失怨岂在明不见是图予临兆民懍乎若朽索之驭六马为人上者奈何不敬其二曰训有之内作色荒外作禽荒甘酒嗜音峻宇雕墙有一于此未或不亡其三曰惟彼陶唐有此冀方今失厥道乱其纪纲乃底灭亡其四曰明明我祖万邦之君有典有则贻厥子孙闢石和钧王府则有荒坠厥绪覆宗绝嗣其五曰呜呼曷归予怀之悲万姓仇予予将畴依郁陶乎予心颜厚有忸怩弗慎厥德虽悔可追

仲康

元载羿自鉏迁于穷石号有穷氏因夏民入总夏政仲康不得有所为于是羲和湎淫废时乱日 往征之作 征夏书叙 征曰惟仲康肇位四海 侯命掌六师羲和废厥职酒荒于其邑 侯乃承王命徂征告于众曰嗟予有众圣有谟训明徵定保先王克谨天戒臣人克有常宪百官修辅厥后惟明明每岁孟春遁人以木铎循于路官师相防工执艺事以諫其或不恭邦有常刑惟时羲和颠覆厥德沈乱于酒畔官离次俶扰天纪遐弃厥司乃季秋月朔辰弗集于房瞽奏鼓嗇夫驰庶人走羲和尸厥官罔闻知昏迷于天象以干先王之诛政典曰先时者杀无赦不及时者杀无赦今予以尔有众奉将天罚尔众士同力王室尚弼予钦承天子威命火炎昆岗玉石俱焚天吏逸德烈于猛火殄厥渠魁胁从罔治旧染污俗咸与惟新呜呼威克厥爱允济爱克厥威允罔功其尔众士懋戒哉

论曰夏商之事缺失最多虽圣人去取之思不可尽见如 侯征羲和以其事考之废之可尔何至兴师疑其党于羿欲假托于正仗兵威以恐动天下也人臣当是时或内受顾托或外掌藩宣则宜辨之于早小心翼翼广求邻援虽胜负不可必行法以立命则忠臣矣今羲和虽不党于羿乃沉湎于酒废时乱日自取灭亡乌得为忠圣人载之者所以为后世戒也或曰先时者杀无赦不及时者杀无赦此军法一切之政也是道也以用于民事则可谓之一切之政在军法则为令典矣又曰威克厥爱允济爱克厥威允罔功此誓众一切之言也是道也以用于民事则可谓之一切之言在军法则为善政矣 侯之书正军法也其举兵之志则王者之罪人也其行军之法则未为过故孔子悉取其言而不削也

三载甲子乐正后夔之子伯封实有豕心贪憚无厌忿頼无期人谓之封豕羿讨灭之诸侯震服羿负恃其射而有大功不恤民事习于田猎武罗伯因熊髡庞圉其贇臣也咸被其弃逐而信寒浞寒浞伯明氏之谗子弟也行媚于内施赂于外而娱羿于田

十三载甲戌仲康崩子相立

相

元载王尸天位同姓诸侯惟斟灌氏斟寻氏乃心王家羿田无厌驰逐不休众甚苦之寒浞因其众杀羿国内大乱相以故得走依二斟浞因羿之室生二子曰浇曰豷

十载甲申

二十载甲午

二十七载寒浞使浇及豷伐斟灌氏斟寻氏攻相弑之相之臣靡逃奔有鬲氏相之后緡方娠逃出自窦乃奔有仍氏生少康

皇王大纪卷六

宋 胡宏 撰

三王纪

夏少康

三载甲辰

十三载甲寅

二十三载甲子少康既长为仍牧正浇使椒之仍求少康少康奔有虞虞思妻之以二姚而邑诸纶有田一成有众一旅厚树恩德陰结夏众抚纳旧官寒浞既得志恃其谗慝诈伪而不德于民少康使女艾谍浇使季杼诱豷靡亦抚纳二斟之烬是时姬不窋之孙公刘遭夏氏之乱勤劳于民民用富厚和协辑睦备其戎器抗中华之难诸侯之从者十有八国遂平西戎漆沮之地荒大豳土诗大雅十六篇曰公刘六章章十句周召康公戒成王也成王将莅政戒以民事美公刘之厚于民而献是诗也笃公刘【笃厚也】匪居匪康乃塲乃疆乃积乃仓乃裹糗粮于橐于囊【小曰橐大曰囊】思辑用光弓矢斯张干【盾也】戈【勾子防也】戚【斧也】【钺也】爰方启行笃公刘于胥【相也】斯原既庶既繁既顺乃宣【徧也】而王永叹陟则在巘【小山也】复降在原【广平曰原】何以舟之【帶也】维玉及瑶鞞琫【上曰鞞下曰琫】容刀笃公刘逝彼百泉瞻彼溇【广大也】原迺陟南冈【山脊曰冈】乃覲于京【絶高曰京】京师之野于时处处于时庐旅于时言言【直言曰言】于时语语【论难曰语】笃公刘于京斯依踳踳济济俤俤几既登乃依乃造其曹【群也】执豕【新国杀礼】于牢酌之用匏【俭质也】食之饮之君之宗之笃公刘既溇既长既景迺冈相其陰阳观其流泉其军三单【美也】度其隰原彻田为粮度其夕阳【山西曰夕阳】豳居允荒笃公刘于豳斯馆涉渭为乱【正絶流曰乱】取厉取锻【锻厉斧斤之石】止基迺理爰众爰有夹其皇涧遯其过涧止旅乃密芮鞠之即【皇过皆涧名芮之言内也水之内曰隩水之外曰鞠】及公刘薨累世防弱

三十三载甲戌

四十一载靡起有鬲之师并二斟之士讨寒浞灭之迎少康于有虞少康帅有虞之众灭浇于过灭豷于戈威动天下四方诸侯奔走来朝复禹旧迹入践天子位封庶子于防稽谓之越子

论曰人杀其父子必欲死人辱其君臣必欲报忍死谋报能以天道为定命不观敌势而改图则庶几焉苟顾其私内覬大利外畏大难虽有良心日销月铄其不忘君父者希矣少康靡鬲真人臣子哉志在讨贼行吾义而已非图富贵者也故受困厄而不渝瀕死亡而不怠兢兢业业经营四十年然后克殄元凶祀夏配天不失旧物呜呼此真可谓中兴者矣故唐虞世南论

歷代中兴之主以少康为冠噫前王之所为后王之师也可不鉴哉

四十三载甲申

五十三载甲午

六十二载王崩子杼立

季杼

元载甲辰

十一载甲寅王能帅禹之道

十七载王崩子槐立

槐

四载甲子契六世孙根圉之子曰防为水官勤于其职而死

十四载甲戌

二十四载甲申

二十六载王崩子芒立

芒

八载甲午

十八载甲辰王崩子泄立

泄

十载甲寅契八世孙曰上甲防能帅契之道

十六载王崩子不降立

不降

四载甲子

十四载甲戌

二十四载甲申

三十四载甲午

四十四载甲辰

五十四载甲寅

五十九载王崩弟廆立

廆

五载甲子

十五载甲戌

二十二载王崩子廩立

廩

四载甲申

十四载甲午

二十一载王崩不降子孔甲立

孔甲

三载甲辰王好事 神肆行淫乱作破斧之歌是为东音诸侯化之夏政始衰天降龙二唐尧之后有刘累者能知其嗜欲而豢之王封累于鲁县

十三载甲寅

二十三载甲子

三十一载王崩子皐立

皐

二载甲戌稷十世孙公非之子曰高圉能帅后稷之道十三载王崩子发立

发

元载甲申

十九载王崩子癸践位是谓之桀

桀

二载甲辰

十二载甲寅

二十二载甲子

三十二载甲戌

三十三载自孔甲之后王室政德日衰诸侯或不朝桀能申钩索铁负恃其力不务德而务伤百姓有赵梁者教为无道劝以贪狠伐防山有施氏有施氏进女妹喜桀嬖之所言皆听为之琼室象廊瑶台王行淫纵乐政事怠废为肉山脯林酒池可以运舟一鼓而牛饮者三千人以为戏剧初殷侯契之孙相土徙居商丘因阍伯之故墟逮相土十世孙主癸之妃夫都感白气贯月之祥而生天乙是岁主癸卒天乙立是为成汤三十五载成汤元年自契至于成汤八迁汤始居亳从先君居作帝告厘沃有田方七十里闻逸民伊尹挚耕于有莘之野乐尧舜之道非其道也非其义也一介不以与人一介不以取诸人禄之以天下弗顾也系马千驷弗视也则使人以币聘之伊尹嚚嚚然曰我何以汤之币聘为哉我岂若处畎畝之中由是以乐尧舜之道哉汤三使往聘之既而幡然改曰与我处畎畝之中由是以乐尧舜之道吾岂若使是君为尧舜之君哉吾岂若使是民为尧舜之民哉吾岂若使吾身亲见之哉天之生此民也使先知觉后知使先觉觉后觉也予天民之先觉者也予将以斯道觉斯民也非予觉之而谁也遂受汤聘起为上卿

论曰自下士而上天位也天位圣人之大宝也义则贵利则贱伊尹之初所以不从汤命者恐其以为利也三聘幡然而起者知其非为利也居天位者慎毋以爵禄期人哉其有弃天下犹敝屣视富贵如浮云者必望望然去之矣所得而官使者皆冀事功求温饱之士亡国败家率由于此矣

汤又得莱朱庆誦湟里且东门虚南门蠕西门疵北门侧皆天下之贤士也是时王室昏乱黎民困穷伊尹自任以天下之重思天下之民匹夫匹妇有不被尧舜之泽者如已推而纳之沟中于是殷国大治

三十六载亳与葛为邻葛伯淫放贪虐不修祭祀汤使人问之曰无以供粢盛也汤使亳众往为之耕老弱馈食葛伯率其民要其有酒肉者夺之众畏君命不敢校也有一童子校曰而不能耕吾为汝耕而又夺吾酒食不亦甚乎葛伯杀之汤闻之怒帅师征之诛葛伯作汤征

论曰齐桓晋文仗义以为利者也犹须王命以率诸侯成汤则尚义矣征伐大事必请王命书经焚毁灭亡过半文无所征是以不可得而书也

三十七载成汤荐伊尹于桀为陈素王及九主之事桀不听与羣臣沉湎于酒伊尹进諫若曰君王以酒色之防壅天命而不理失人心而不图反是为善善则祥集习是为不善不善则殃来君王宜留意焉桀曰子无託言吾之有民犹天之有日也日亡吾乃亡矣伊尹自亳凡五适夏告桀以尧舜之道桀终不听

四十载伊尹既丑有夏复归于亳入自北门乃遇汝鸠汝方昔先王之田也开三面而驱之顺驱则逐逆驱则杀所以爱天物而存仁心以礼存心不惟务获而已也是时田者张网四面合围以殄天物浸及其民于是成汤出田命去网三面曰欲左者左右者右惟不用命者乃入吾网复古制也汉南诸侯闻之曰汤仁及禽兽而况于人乎皆归心焉桀疾其大得诸侯和也召之囚于重泉夏台已而释之

四十一载甲申桀穷其宗族耻其勲旧轻其贤良弃义听谗卿士干辛凌轹诸侯左帅曹触龙谗嫉才智诸侯危其位大夫隐其道美人不容曼声不歌举事戾于天发令逆于时瞿山地裂及泉发徒凿之通于河諫者曰泄天气发地藏天子失道后必败杀之耆老或諫又杀之或献録书曰亡夏者桀也于是大诛豪杰闕龙逢引黄图进諫若曰古之人君谦恭敬信节用爱人故天下安而社稷宗庙固今君用财若无穷杀人若不胜民惟恐君之后亡矣人心已去天命不佑盍少悛乎不听龙逢立而不去桀焚黄图杀龙逢大防诸侯于有仍氏有缙氏见王汰侈弗善也引师先归桀帅诸侯攻克之愈自矜肆国人大崩诸侯韦氏顾氏昆吾氏党桀之恶恣行乱政王之世犬羣嗥两日鬪枉矢流星陨五星错行雨血夏霜木冰地震伊洛竭太山崩

商成汤

十八祀夏桀凿地为夜宫男女杂处三旬不朝太史终古执其图法泣諫不听终古出奔汤以薛侯仲虺为左相命诸侯为景亳兴师伐韦氏顾氏昆吾氏遂伐桀以若木裔孙费昌为御桀众败绩自安邑东入山太行东南涉河汤缓追之遂奔南巢汤放之告诸侯羣后曰古禹臯陶久劳于外其有功于民民乃有安东为江北为济西为河南为淮四渎已修万民乃有居后稷降播农殖百谷三公咸有功于民故后有立羣后母不有功于民勤力乃事予乃大罚殛汝母予怨汤始征自葛载民望之若大旱之望云霓也归市者不止芸者不变诛其君而吊其民若

时雨降民大悦十一征而无敌于天下天下之人皆曰王非富天下也为匹夫匹妇复讎也三月归于亳践天子位定都焉国号曰商其图书曰归藏坤干震巽坎离艮兑归藏之河图也商人因之故曰归藏以斗构建丑冬十二月为岁首是谓地统

论曰古史不载汤改元独刘道原载之愚窃以为非其实也夫人君即位之一年谓之元年所以谓一为元者窃譬诸人犹其始生也犹其有首也生之时一定而不载身之首一生而不可易成汤之始立于桀之三十五载矣其所以克享天心受天明命以有九有之师爰革夏正本是而为之者也又可改乎元者义之所存非若一二之为数也后世以元为数而不知其义如汉武之初年曰建元元年既曰元年则元已建矣又曰建元岂不赘乎后又因事别建年号如曰元朔元年既曰元又曰朔又曰元年失其义也甚矣呜呼使人君知此义而体之则原元于一岂至如是纷纷乎

以日中为朔改载曰祀建太白乘大路白马黑首大事敛用日中戎事乘翰戎车曰寅车先疾马牲用白牡封夏后氏之后于杞行甲寅历商书叙曰伊尹相汤伐桀升自陟遂与桀战于鸣条之野作汤誓汤誓王曰格尔众庶悉听朕言非台小子敢行称乱有夏多罪天命殛之今汝有众汝曰我后不恤我众舍我穡事而割正夏予惟闻汝众言夏氏有罪予畏上帝不敢不正今汝其曰夏罪其如台夏王率遏众力率割夏邑有众率怠弗协曰时日曷防予及汝皆亡夏德若兹今朕必往尔尚辅予一人致天之罚予其大赉汝尔无不信朕不食言尔不从誓言予则孥戮汝罔有攸赦汤既胜夏欲迁其社不可作夏社至臣扈夏师败绩汤遂从之遂伐三脍俘厥宝玉谊伯仲伯作典宝仲虺申王奉天伐夏之义作诰焉商书叙曰汤归自夏至于大坰仲虺作诰仲虺之诰成汤放桀于南巢惟有慙德曰予恐来世以台为口实仲虺乃作诰曰呜呼惟天生民有欲无主乃乱惟天生聪明时又有夏昏德民坠涂炭天乃锡王勇智表正万邦纘禹旧服兹率厥典奉若天命夏王有罪矫诬上帝以布命于下帝用不臧式商受命用爽厥师简贤附势寔繁有徒肇我邦于有夏若苗之有莠若粟之有秕小大战战罔不惧于非辜矧予之德言足听闻惟王不迓声色不殖货利德懋懋官功懋懋赏用人惟已改过不吝克宽克仁彰信兆民乃葛伯仇饷初征自葛东征西夷怨南征北狄怨曰奚独后予攸徂之民室家相庆曰徯我后后来其苏民之戴商厥惟旧哉佑贤辅德显忠遂良兼弱攻昧取乱侮亡推亡固存邦乃其昌德日新万邦惟懷志自满九族乃离王懋昭大德建中于民以义制事以礼制心垂裕后昆予闻曰能自得师者王谓人莫己若者亡好问则裕自用则小呜呼慎厥终惟其始殖有礼覆昏暴钦崇天道永保天命商书叙汤诰汤既黜夏命复归于亳作汤诰汤诰王归自克夏至于亳诞告万方王曰嗟尔万方有众明听予一人诰惟皇上帝降衷于下民若有恒性克绥厥猷惟后夏王灭德作威以敷虐于尔万方百姓万方百姓罹其凶害弗忍荼毒并告无辜于上下神祇天道福善祸淫降灾于夏以彰厥罪肆予小子将天命明威不敢赦敢用 牡敢昭告于上天神后请罪有夏聿求元圣与之戮力以与尔有众请命上天孚佑下民罪人黜伏天命弗僭责若草木兆民允殖俾予一人辑寧尔邦家兹朕未知获戾于上下栗栗危惧若将陨于深渊凡我造邦无从匪彝无即愆淫各守尔典以承天休尔有善朕弗敢蔽罪当朕躬弗敢自赦惟简在上帝之心其尔万方有罪在予一人予一人有罪无以尔万方呜呼尚克时忱乃亦有终咎单作明居建天官以理明事命六太典司六典曰太宰太宗太史太祝太士太卜命五官典司五众曰司徒司马司空司士司寇命六府典司六职曰司土司木司水司草司

器司货命六工典制六材曰上工金工石工木工兽工草工天子三公九卿二十七大夫八十一元士大国三卿皆命于天子下大夫五人上士二十七人次国三卿二卿命于天子一卿命于其君下大夫五人上士二十七人小国三卿皆命于其君下大夫五人上士二十七人制三公一命卷若有加则赐也不过九命次国之君不过七命小国之君不过五命大国之卿不过三命下卿再命小国之卿与下大夫一命正九州之封域两河间曰冀州河南曰豫州河西曰雍州汉南曰荊州江南曰 州济河间曰兖州济州东曰徐州易北曰幽州岱东曰营州州方千里州建百里之国三十七十里之国六十五十里之国百有二十八州州二百一十国名山大泽不以封其余以为附庸以为闲田诸侯之有功者取于闲田以禄之其有削地者归之闲田天子之县内方百里之国九七十里之国二十有一五十里之国六十有三凡九十三国名山大泽不以盼其余以禄士以为闲田农民一夫一妇受田七十畝耕公田七畝天子之田方千里诸侯爵三列田三等公田方百里侯七十里伯五十里不能五十里附于诸侯曰附庸王太子食百里天子三公之田视公卿视侯大夫视伯元士视附庸谓之采地是故天子有田以处其子孙诸侯有国以处其子孙大夫有采以处其子孙卿以下必有圭田圭田五十畝无征天子之县内视元士天子使其大夫为三监监于方伯之国国三人其禄视诸侯之卿其爵视次国之君其禄取之于方伯之地诸侯之于天子也比年一小聘三年一大聘五年一朝天子五年一巡狩歲二月东巡狩至于岱宗柴而望祀山川觀诸侯问百年者就见之命太师陈诗以观民风命市纳价以观民好恶命典礼考时月定日同律礼乐制度衣服正之山川神祇有不举者为不敬不敬者君削以地宗庙有不顺者为不孝不孝者君缙以爵变礼易乐者为不从不从者君流革制度衣服者为畔畔者君讨有功德于民者加地进律南巡西巡北巡皆如初礼归假于祖祢用特天子将出类乎上帝宜乎社造乎祢诸侯将出宜乎社造乎祢天子无事与诸侯相见曰朝考礼正刑一德以尊于天子诸侯赐弓矢然后征赐鈇钺然后杀赐圭瓚然后鬯未赐圭瓚则资鬯于天子承桀暴乱之后大旱

十九祀大旱

二十祀大旱

二十一祀大旱伊尹言于王发庄山之金铸币通有无于四方以赈救之民以是不困

二十二祀大旱

皇王大纪卷七

宋 胡宏 撰

三王纪

成汤

二十三祀大旱祀周弃以配稷

二十四祀大旱王徧走羣望以六事自责曰政不节欬使民疾欬宫室营欬女谒盛欬苞苴行欬防夫昌欬何不雨之极也最后祷于桑林之社天油然作云沛然下雨歲则大熟天下懽洽遂作桑林之乐名曰大濩作诸噐之用铭以为警戒史失之矣其盘铭有曰苟日新日日新又日新欲其德日新也德日新故其政日新也天下无 事而人受其福也自神农氏大兴农桑之业生民衣被其业后世圣人修其制度不忘其初天子必有籍田千畝冕而朱紘躬秉耒三推诸侯必有籍田百畝冕而青紘躬秉耒九推以事天地山川社稷先祖以为醴酪粢盛于是乎取之身致其诚信诚信之谓尽尽之谓敬敬尽然后可以事神明古者公田籍而不税市防而不税关讥而不征林麓川泽以时入而不禁春省耕而补不足秋省敛而助不给凡使民兴事任力任老者之事食壮者之食用民之力歲不过三日三年畊必有一年之食九年畊必有三年之食豕宰制国用必于歲之杪五谷皆入然后制国用用地大小视年之丰耗以三十年之通制国用量入以为出祭用数之仂丧用三年之仂太史典礼执简记奉讳恶天子斋戒受諫司防以歲之成质于天子豕宰斋戒受质大乐正大司寇市三官以其成从质于天子大司徒大司马大司空斋戒受质百官各以其成质于三官大司徒大司马大司空以百官之成质于天子百官斋戒受质然后休老劳农成歲事制国用先王必举其定国之数以地广狭年之上下礼之厚薄以为礼之大经礼之大伦防旱水溢年虽大杀民无菜色众不惧国无九年之蓄曰不足无六年之蓄曰急无三年之蓄曰国非国也古者天子诸侯必有公桑蚕室近川而为之筑宫仞有三尺棘墙而外闭之大昕之朝君皮弁素积卜三宫之夫人世妇之吉者先入蚕于蚕室奉种浴于川桑于公桑风戾以食之歲既单矣世妇卒蚕奉茧献于君于夫人曰此所以为君服欬遂副袞而受之因少牢以礼之及良日后夫人纁三盆手遂布于三宫夫人世妇之吉者使纁遂朱緑之 黄之以为黼黻文章社而赋事烝而献功服既成君服以祀先王先公敬之至也自包牺氏以田渔教民后世圣人立制度以习军律天子诸侯无事则歲三田传曰田者大艾草以防或舍其中褐纁旃以为门裘纁质以为櫛间容握驱而入輦则不得入左者之左右者之右然后焚而射焉天子发然后诸侯发诸侯发然后大夫士发天子发抗大綏诸侯发抗小綏献禽于其下故战不出顷田不出防不逐奔走古之道也记曰天子不合围诸侯不掩羣大夫不麇不卵士不塞隐庶人不数罟罟必四寸然后入泽梁天子杀则下大綏诸侯杀则下小綏大夫杀则止佐车佐车止则百姓猎射左髀達于右隅为上杀射右耳本者次之射左髀達于右防为下杀上杀为干豆中杀为宾客下杀充君之庖面伤不献践毛不献不成禽不献禽虽多每禽择取三十焉其余以与士大夫习射于泽宫田虽得禽射不中不得取禽田虽不得禽射而中则得取禽古者以辞让取不以勇力取不风不暴不行火草木不折

不操斧斤不入山林獭祭鱼然后虞人入泽梁豺祭兽然后入山林鸕化为鹰隼击然后设罟罗昆虫未蛰不以火田鸟兽孕禁罟罗猎鱼鼈水虫孕禁罟防设罟鄂上蛰发讲罟罟取名鱼登川禽禁罟鰓长麇 翼毳卵舍蜺蜎不杀胎不殀夭不覆巢不槎蘖伐一树杀一兽必以其时故山不童泽不竭鸟兽鱼鼈皆得其所无事而不田曰不敬田不以礼曰 天物礼也者令于天时设于地财顺于 神合于人心理万物者也是故天时有生也地理有宜也人官有能也物曲有利也天不生地不养君子不以为礼也 神弗享也居山以鱼鼈为礼居泽以鹿豕为礼君子谓之不知礼王初作圉养禽兽以为田猎之常所是故有养兽之官及岁时斋戒沐浴而躬朝之牺牲祭牲必于是取之敬之至也君召牛纳而视之择其毛而卜之吉然后养之君皮弁素积朔月月半君巡牲所以致力孝之至也天子七庙三昭三穆与太祖之庙而七诸侯五庙二昭二穆与太祖之庙而五大夫三庙一昭一穆与太祖之庙而三士一庙庶人祭于寝天子诸侯宗庙之祭春曰礿夏日禘秋曰嘗冬日烝天子祭天下名山大川五岳视三公四渎视诸侯诸侯祭名山大川之在其地者天子诸侯祭因国之在其地而无主后者天子宗庙歲五享牲礿禘禘禘嘗禘烝諸侯宗廟歲四享礿則不禘禘則不嘗嘗則不烝烝則不礿是故礿牲禘一牲一禘嘗禘烝禘防三年不祭唯祭天地社稷为越绋而行事祭丰年不奢防年不俭司空执度量地以制邑度地以居民地邑民居必参相得田里不粥墓地不请凡居民材必因天地寒暖燥湿广谷大川异制民生其间异俗刚柔轻重迟速异齐五味异和器械异制衣服异宜修其教不易其俗齐其政不异其宜不使山者居川不使渚者居中原无旷上无游民食节事时少而无父者谓之孤老而无子者谓之独老而无妻者谓之鰥老而无夫者谓之寡此四者天民之穷而无告也皆有常飢瘠聋跛躄防折侏儒百工各以其器食之然后民咸安其居乐事劝功尊君亲上于是兴学六礼冠昏丧祭乡相见七教父子兄弟夫妇君臣长防朋友賓客八政饮食衣服事为异别度量数制司徒修六礼以节民性明七教以兴民德齐八政以防淫一道德以同俗用水火金木饮食必时合男女颁爵用必当年德用民必顺养耆老以致孝恤孤独以逮不足上贤以崇德简不肖以绌恶命乡大夫论秀士升之司徒曰选士为选士者不征于乡司徒论选士之秀者而升之学见乐正焉曰俊士为俊士者不征于司徒曰造士乐正崇四术立四教春秋教以礼乐冬夏教以诗书顺先王诗书礼乐以造士礼在瞽宗书在上庠王太子王子羣后之太子卿大夫元士之适子国之俊选皆造焉凡入学以齿大乐正论造士之秀者以告于王而升诸司马曰进士司马辨论官材论进士之贤者以告于王而定其论论定而后官之任官而后爵之位定而后禄之大夫废其事终身不仕死以士礼葬之命乡简不帅教者以教耆老皆朝于庠元日习射尚功习乡上齿大司徒率国之俊士与执事焉不变右移之左左移之右如初礼不变移之郊如初礼不变移之遂如初礼不变屏之遠方终身不齿造士将出学小胥大胥小乐正简不帅教者以告于大乐正大乐正以告于王王命三公九卿大夫正之终身不齿有发则命大司徒教士以车甲凡执技论力适四方贏股肱决射御凡执技以事上者祝史射御卜医及百工凡执技以事上者不貳事不移官出乡不与士齿仕于家出乡不与士齿爵人于朝与士共之刑人于市与众弃之是故公家不畜刑人刑人不在君侧大夫弗养士遇之涂弗与言也屏之四方唯其所之不及以政弗故生也诸侯天子命之教然后兴学小学在公宫南之左大学在郊天子将出征类于上帝宜于社造于祢禘于所征之地受命于祖受成于学出征执有罪反释奠于学以讯馘告司防正刑明辟以听狱讼必三刺有防无简不听附从轻赦从重凡制五刑必即天论邮罚丽于事凡听五刑之讼必原父子之亲立君臣之义以权之意论轻重之序慎测浅深之量以别之悉其聪明致其忠爱以

尽之疑狱汜与众共之众疑赦之必察大小之比以成之成狱辞史以狱成告于正正听之正以狱成告于大司寇大司寇听之棘木之下大司寇以狱之成告于王王命三公参听之三公以狱之成告于王王三又然后制刑凡作刑罚轻无赦刑者例也例者成也一成而不可变故君子尽心焉析言破律乱名改作执左道以乱政杀作淫声异服奇技奇器以疑众杀行伪而坚言伪而辩学非而博顺非而泽以疑众杀假于 神时日卜筮以疑众杀此四诛者不以听有圭璧金璋不粥于市牺牲宗庙之器不粥于市命服命车戎器兵车不粥于市锦文珠玉成器不粥于市衣服饮食不粥于市奸色乱正色不粥于市用器不中度布帛精麤不中数幅广狭不中度五谷不时果实未熟木不中伐禽兽鱼鼈不中杀不粥于市关执禁以讥禁异服识异言凡执禁以齐众不赦过

二十七祀甲辰制王子下嫁之仪正婚姻之礼明男女之分使至贵之女不得失柔巽之道有贵骄之志谦降从礼以成其尊高之德命之曰母以天子之尊而乘诸侯母以天子之富而骄诸侯陰从阳女顺夫天地之义也往事尔夫必以礼义于是王子之嫁于诸侯者处尊贵有道尚质素而不尚华飾降屈柔顺不盈极而亢其夫诸侯夫人莫不化之家道正而夏季骄淫之风变矣天子有虎贲诸侯有旅贲大夫有贰车士有陪乘或曰乘贰车则式佐车则否贰车者诸侯七乘上大夫五乘下大夫三乘武车不式介者不拜古者天子五路玉路为先繁纓十二就金路九就象路七就革路五就木路一就王命以木路为大路以祀天君齐车羔髀虎犢大夫齐车鹿髀豹犢未命为士者不得乘飾车骈马道路男子由右妇人由左车从中央宫中谓之壶室中谓之陈庙中谓之唐一達曰道路二達曰歧旁四達曰衢五達曰康六達曰庄九達曰逵君天下曰天子朝诸侯分职授政任功曰子一人踐祚临祭祀内事曰孝王某外事曰嗣王某天子当依而立诸侯北面而见曰覲天子当宁而立诸公东面诸侯面西曰朝临诸侯畛于 神曰有天王某甫崩曰天王崩复曰天子复告丧曰天子登遐措之庙立之主曰帝天子未除防曰予小子生名之死亦名之五官致贡曰享五官之长曰伯是职方其摈于天子也曰天子之吏天子同姓谓之伯父异姓谓之伯舅自称于诸侯曰天子之老于外曰公于其国曰君九州之长入天子之国曰牧天子同姓谓之叔父异姓谓之叔舅于外曰侯于其国曰君自称曰天子之力臣诸侯见天子曰臣某侯某亦曰某土之守臣某其在邊邑曰某屏之臣某其于敌以下曰寡人其在凶服曰适子孤临祭祀内事曰孝子某侯某外事曰曾孙某侯某死曰薨复曰某甫复矣庶方小侯入天子之国曰某入于外曰子自称曰孤摈者亦曰孤进贤達能谓之大夫通古今辨然否谓之士列国之大夫入天子之国曰某土自称曰陪臣某于外曰子于其国曰寡君之老使者自称曰某诸侯使人于诸侯使者自称上大夫曰下臣摈者曰寡君之老下大夫自名摈者曰寡大夫世子自名摈者曰寡君之嫡公子曰臣孽士曰传遽之臣于大夫曰外私大夫私事使私人摈则称名四夷之君地虽大曰子于内自称曰不谷于外自称曰王老仕于公曰臣仕于家曰仆国君不名卿老世妇大夫不名世臣侄娣士不名家相长妾君大夫之子不敢自称曰予小子大夫士之子不敢自称曰嗣子某不敢与世子同名天子之妻曰后公侯曰夫人大夫曰孺人士曰妇人庶人曰妻邦君之妻君称之曰夫人夫人自称于天子曰老妇自称于其君曰小童邦人称之曰君夫人称诸异邦曰寡小君异邦人亦称之曰君夫人自世妇以下自称曰婢子

三十祀初成汤娶有莘氏生太丁为嫡子蚤卒有子曰太甲为世嫡孙以伊尹为太保汤崩壽

百歲伊尹奉太甲即位葬成湯于亳北

论曰太史公记汤崩太丁蚤死外丙立三年仲壬立四年相继而崩然后立太甲非其实也何以知非其实二帝官天下定于与贤三王家天下定于立嫡立嫡者敬宗也敬宗者尊祖也尊祖者所以亲亲也兄死弟及不敬宗尊祖本支乱而争夺起矣岂亲亲之道哉且成汤伊尹以元圣之德戮力创王业乃舍嫡孙而立诸子乱伦壤制大开后嗣争夺之端乎故公仪仲子舍孙而立子偃问曰礼欤孔子曰否立孙夫孔子殷人也宜知其先王之故矣而不以立弟为是此以义理知其非者一也夫贤君先能遵先王之道不贤之君反是者也以殷世考之自三宗及祖乙祖甲皆立子其立弟者盘庚尔必有所不得已也岂有诸圣贤之君皆不遵先王之制而沃丁小甲诸中才之君反皆能耶此以人情知其非者二也商自沃丁始衰太史公阳甲之纪曰自仲丁以来废嫡而更立诸弟子诸弟子或争相代立比九世乱以其世攷之自沃丁至阳甲立弟者九世则知仲丁之名误也沃丁既以废嫡立诸弟子生乱为罪则成汤未尝立外丙仲壬明矣不然是成汤首为乱制又可罪沃丁乎此以事实知其非者三也唐李淳风通于小数犹能逆知帝王世数多少邵康节极数知来非淳风比也其作皇极经世史亦无外丙仲壬名世此以历数知其非者四也经所传者义也史所载者事也事有可疑则弃事而取义可也义有可疑则假事以证义可也若取事而忘义则虽无经史可也

太甲

太甲元祀古者天子崩太子尸天位居丧哀慕天下事付之冢宰伊尹为殷保衡以天下自任首训太甲以修身律物之道是为伊训商书叙曰成汤既没太甲元年伊尹作伊训肆命徂后伊训惟元祀十有二月乙丑伊尹祠于先王奉嗣王祗见厥祖侯甸羣后咸在百官总己以听冢宰伊尹乃明言烈祖之成德以训于王曰呜呼古有夏先后方懋厥德罔有天灾山川神亦莫不寧墜鸟兽鱼鼈咸若于其子孙弗率皇天降灾假手于我有命造攻自鸣条朕载自亳惟我商王布昭圣武代虐以寬兆民允懷今王嗣厥德罔不在初立爱惟亲立敬惟长始于家邦终于四海呜呼先王肇修人纪从諫弗咈先民时若居上克明为下克忠与人不求备检身若不及以至于有万邦兹惟艰哉敷求哲人俾辅于尔后嗣制官刑儆于有位曰敢有恒舞于宫酣歌于室时谓巫风敢有殉于货色恒于游畋时谓淫风敢有侮圣言逆忠直逖耆德比顽童时谓乱风惟兹三风十愆卿士有一于身家必防邦君有一于身国必亡臣下不匡其刑墨具训于防士呜呼嗣王祗厥身念哉圣谟洋洋嘉言孔彰惟上帝不常作善降之百祥作不善降之百殃尔惟德罔小万邦惟庆尔惟不德罔大坠厥宗肆命徂后太甲尸位专恣兴事颠覆汤之典刑伊尹放诸桐宫有废昏立明之意太甲自怨自艾处仁迁义于是作太甲三篇商书叙曰太甲既立不明伊尹放诸桐三年复归于亳思庸伊尹作太甲三篇太甲上篇曰惟嗣王不惠于阿衡伊尹作书曰先王顾諟天之明命以承上下神祇社稷宗庙罔不祇肃天监厥德用集大命抚绥万方惟尹躬克左右厥辟宅师肆嗣王丕承基绪惟尹躬先见于西邑夏自周有终相亦惟终其后嗣王罔克有终相亦罔终嗣王戒哉祗尔厥辟辟不辟忝厥祖王惟庸罔念闻伊尹乃言曰先王昧爽丕显坐以待旦旁求俊乂启迪后人无越厥命以自覆慎乃俭德惟懷永图若虞机张往省括于度则释钦厥止率乃祖攸行惟朕以怵万世有辞王未克变伊尹曰兹乃不义习与性成予弗狎于弗顺营于桐宫密迓先王其训无俾世迷王徂桐宫居忧

克终允德

三祀伊尹既放太甲必选天下名德重望与之居处出入禁切晓喻之故太甲悟太甲中篇曰惟三祀十有二月朔伊尹以冕服奉嗣王归于亳作书曰民非后罔克胥匡以生后非民罔以辟四方皇天眷右有商俾嗣王克终厥德实万世无疆之休王拜手稽首曰予小子不明于德自底不类欲败度纵败礼以速戾于厥初尚頼匡救之德图惟厥终伊尹拜手稽首曰修厥身允德協于下惟明后先王子惠困穷民服厥命罔有不悅并其有邦厥邻乃曰徯我后后来无罚王懋乃德视乃厥祖无时豫怠奉先思孝接下思恭视遠惟明听德惟聰朕承王之休无斁太甲下篇曰伊尹申诰于王曰呜呼惟天无亲克敬惟亲民罔常懷懷于有仁 神无常享享于克诚天位艰哉德惟治否德乱与治同道罔不兴与乱同事罔不亡终始慎厥与惟明明后先王惟时懋敬厥德克配上帝今王嗣有令绪尚鉴兹哉若升高必自下若陟遐必自迓无轻民事惟难无安厥位惟危慎终于始有言逆于汝志必求诸道有言逊于汝志必求诸非道呜呼弗虑胡获弗为胡成一人元良万邦以贞君罔以辯言乱旧政臣罔以宠利居成功邦其永孚于休孟子曰公孙丑问曰伊尹曰予弗狎于弗顺放太甲于桐民大悦太甲贤又反之民大悦贤者之为人臣也其君不贤则固可放欤孟子曰有伊尹之志则可无伊尹之志则篡也

论曰孔子曰太甲既立不明伊尹放诸桐三年夫三年之丧天下之通丧也太甲上承其祖居忧三年宜矣何以谓之放乎曰桐宫非嗣王居忧之常所也伊尹于是有废昏立明之意故特谓之放也苏子瞻曰汤放桀伊尹放太甲圣人将以救天下后世不得已而为之者也以为不得已之变则可以为道固当然则不可甚矣其凿也兴废道之常也圣人当废兴之际不得已而有所为者所以由道也若非道固当然而迫于不得已之变是无本也本则不立将何以识轻重定取舍济天下之艰难乎是故衡陈然后可以决轻重本立然后可以趋变化

皇王大纪卷八

宋 胡宏 撰

三王纪

太甲

七祀甲寅商书叙曰伊尹作咸有一德咸有一德伊尹既复政厥辟将告归乃陈戒于德曰呜呼天难谌命靡常常厥德保厥位厥德靡常九有以亡夏王弗克庸德慢神虐民皇天弗保监于万方啓迪有命眷求一德俾作神主惟尹躬暨汤咸有一德克享天心受天明命以有九有之师爰革夏正非犬私我有商惟天佑于一德非商求于下民惟民归于一德德惟一动罔不吉德二三动罔不防惟吉防不僭在人惟天降灾祥在德今嗣王新服厥命惟新厥德终始惟一时乃日新任官惟贤才左右惟其人臣为上为德为下为民其难其慎惟和惟一德无常师主善为师善无常主協于克一俾万姓咸曰大哉王言又曰一哉王心克绥先王之祿永底烝民之生呜呼七世之庙可以观德万夫之长可以观政后非民罔使民非后罔事无自广以狭人匹夫匹妇不获自尽民主罔与成厥功商颂首篇曰那一章二十二句祀成汤也猗【叹词】与那【多也】与置【植也】我鞀鼓奏鼓简简衍我烈祖汤孙奏格绥我思成鞀鼓【鞀贯而摇之】渊渊嘒嘒管声既和且平依我磬【玉磬】声于赫汤孙穆穆厥声庸【大钟】鼓有斲【斲斲然盛而有序】万舞有奕【奕奕闲习】我有嘉客亦不【丕字】夷【说也】怪自古在昔先民有作温恭朝夕执事有恪顾予烝尝汤孙之将【将有扶助也】

二十七祀甲戌

三十三祀王崩天下号王为太宗子沃丁立

沃丁

四祀甲申

八祀伊尹薨百有余歲王亲吊临祀以太牢塋之于亳咎单遂训伊尹事作沃丁

十四祀甲午

二十四祀甲辰

二十九祀沃丁崩立弟太庚

太庚

五祀甲寅

十五祀甲子

二十五祀甲戌太庚崩子小甲立

小甲

十祀甲申

十七祀小甲崩立弟雍已

雍已

三祀甲午王尸君位不能纲纪庶政号令不行诸侯或不朝

十二祀雍已崩立弟太戊

太戊

元祀甲辰亳有祥桑谷共生于朝七日大拱太戊退而占之曰桑谷野木而生于朝意者朝亡乎伊陟曰臣闻妖不胜德王之德无乃有阙乎王于是以巫咸为相伊陟赞于巫咸作咸父四篇王用其言严于持己恭以接下寅畏天命自守法度推行于民夙夜祇惧不敢荒宁桑谷遂枯太戊赞于伊陟作伊陟原命以陟象贤命与臣扈巫咸同又王家

十一祀甲寅天运三十歲一小变百年中变五百载大变三大变一纪而大备此大数也欲知天运占星而已夏后之时昆吾氏演其奥巫咸深明天道述而脩之天道始于子极星居于北是为大防宫门正南北门中为端门端门东西有左右执法东执法上将次将次相上相西执法上相次相次将上将凡十星列而为垣垣中有谒者三公九卿五诸侯即将位即将内屏幸臣太子从官常陈虎贲环于内坐之中明堂灵防在端门外外为紫防宫东蕃左枢少尉少辅上辅上卫少卫少丞七星四蕃左枢上宰少宰上辅少辅上卫少卫上丞八星共为垣垣门正南北其名闾阖勾陈当垣中华盖当闾阖门之北天床当闾阖门之南内坐天极四辅尚书柱下史御宫陰德大理天柱内厨六甲十有二星环于勾陈帝居勾陈之内北斗相文昌三台天理天枪天棓内阶三公天一太一太尊太阳 戈势辅八谷扶匡天厨天牢阁道传舍二十星环于垣外为天阙内为天庭门为天门黄道当其中日月五星所行也左角在南主刑为太阳道右角在北主兵为太陰道亢为疏庙【或为宗】为天子之内朝帝【一名大角】居摄提之中摄提随斗柄纪八节氐为路寝房为明堂又为四表以总四方又为三道日月星之所常行也心为大火前星太子后星庶子中天帝也尾为后宫箕为后妃之府外为天市垣帝居中车肆市楼侯臣宗官列肆屠肆宗正宗人帛度斗斛十有二星环于帝坐左魏赵九河中山齐

吴越徐东海燕南海十星右河中河间晋郑周秦蜀巴梁楚韩宋十有二星合而绕之斗为天
庙牛为天府建为牛斗之都关日月五星之行起焉列宿之行若入宫庭必正行不得有犯有
犯随而占之木为歳星主齐吴十二歳一周天常以十二月起于牵牛东行十二度百日而止
反逆行逆行八度百日复东行歳行三十度十六分之七率日行十二分度之一所舍之宿其
国安和见伏留行逆顺迟速合于度若人君不敬宗庙不施恩惠好行杀戮则盈缩【前舍曰
盈后舍曰缩】失度其精散为天枪【长数丈曰仞锐出西南】天冲【如人形状苍头赤衣】
国星【去地三文如炬火】天櫓【长四丈末锐出西方】天彗【或长数寸或长竟天其
体无光假日之光】火为荧惑主楚越其行无常常以十月入太防宫受制命伺无道之国守
而告之若人君视不远见不明赋敛重刑罚过则乘陵环绕勾犯歷掩及蚀守浅应速而祸小
守从应迟而祸大其精散为天櫓【状如剑长四五尺】蚩尤旗【似彗而后曲】司危【出
正西大如太白去地可五六丈】照明【大而白乍上乍下】土为镇星主王子二十八歳一
周天所舍之宿其国安固若人君信有亏思不正广宫室逆时令则色不黄或青或黄或白或
黑而为灾其精散为五残【出正东】威汉【出正北内青外赤】烛星【状如太白其上有
彗】旬始【出斗傍状如雄鸡其怒青色状如鼈】金为太白金星主大臣常以甲寅与荧惑晨出
东方二十四日而伏伏二十四日出于西方四十日而入入四十五日复出于东方出以寅戌
入以丑未若人主无义号令不常日方北太白赢而居其北日方南太白缩而居其南或失其
舍当出而不出当入而不入或昼出过午而经天其精散为天狗【状如犬奔墮地有威望之
如火光出南方】水为辰星主燕赵代常以春分见于奎娄夏至见于东井秋分见于角亢冬
至见于牵牛出以辰戌入以丑未晨 东方夕 西方歳一周天若人君不知道义听用奸邪
淫刑纵欲则辰失其度其精散为枉矢【类大流星苍黑望之如毛角长数尺】孛【彗之属
芒气孛星然】天运变于上人事应于下人君变于内兆民应于外五更聚于太防之宫谓之
天易有德受庆改立大人奄有四方子孙蕃昌无德受殃底于灭亡

论曰皇天上帝一而已矣攷之天文而有五帝何也五者天地之真数也所以起变化行 神
而成万物者也一在太防一在紫防一在天市不在二十八宿之位何也四者体也二十八宿
运行者也二十八宿职在运行而一在大火何也是所以为一也其所为一何也冬十一月大
火在子仲春在卯仲夏在午仲秋在酉而太防摄提天市居其所众星随大火运行而系焉以
其居于北也故谓之北辰以其为众星之所系也故谓之北极古之王者动必法天故营寝庙
立五门定都关要巡狩天下歳二月东巡狩五月南巡狩八月西巡狩十有一月朔巡狩应心
而行所以格天也惟刚健不息德合于天故上帝袭焉四方服焉如北辰在天而众星拱焉

大廉裔孙孟戲仲衍为王御王妻以女

十一祀甲寅

二十一祀甲子

三十一祀甲戌

四十一祀甲申

五十一祀甲午

六十一祀甲辰

七十一祀甲寅王脩先王养老之礼籒籒戚施僬侥侏儒蒙瞍瞽瘖聋瞶昏童皆使有常飨天下归心焉重译而朝者十六国

七十五祀王崩天下号王为中宗子仲丁立

仲丁

元祀王之世迁于囂作仲丁

六祀甲子商颂二篇曰烈祖一章二十二句祀中宗庙也嗟嗟列祖有秩【常也】斯祐【福也】申【重也】锡无疆及尔斯所既载清酤【酒也】賚【赐也】我思成亦有和羹既戒【致也敬也】既平鬯【总也】假【大也】无言时靡有争绥我眉壽黄耆无疆约軼【轂也】错衡八鸾鎗鎗【鸾在镳】以假以享我受命溥将自天降康丰年穰穰来假来飨降福无疆顾予蒸尝汤孙之将

十三祀王崩国内乱弟外壬立

外壬

三祀甲戌

十三祀甲申

十五祀王崩国复乱弟河亶甲立

河亶甲

元祀王之世迁都于相作河亶甲

八祀甲午

九祀王崩子祖乙立

祖乙

九祀甲辰

十九祀甲寅王之世迁都于耿为水所圯作祖乙王惧以巫咸之子贤为相诸侯賓服天下大和是歲王崩子祖辛立

祖辛

十祀甲子

十六祀王崩立弟沃甲

沃甲

四祀甲戌

十四祀甲申

二十四祀甲午

二十五祀王崩国内乱祖辛之子祖丁立

祖丁

九祀甲辰

十九祀甲寅

二十九祀甲子

三十二祀王崩国内又乱沃甲之子南庚立

南庚

七祀甲戌

十七祀甲申

二十五祀王崩国内又乱祖丁之子阳甲立

阳甲

元祀自沃丁以来废嫡而更立诸弟子诸弟子或争相代立比九世乱诸侯莫朝

二祀甲午

七祀王崩立弟盘庚

盘庚

五祀甲辰

十五祀甲寅商都有南亳有北亳有西亳西亳偃师之地汤所都为亳殷自成汤迁都殷仲丁迁囂河亶甲居相祖乙迁耿盘庚复迁亳殷是谓五迁商书叙曰盘庚五迁将治亳殷民咨胥怨作盘庚三篇盘庚上篇曰盘庚迁于殷民不适有居率吁众慼出矢言曰我王来既爰宅于兹重我民无尽刘不能胥匡以生卜稽曰其如台先王有服恪敬天命兹犹不常宁不常厥邑于今五邦今不承于古罔知天之断命矧曰其克从先王之烈若颠木之有由蘖天其永我命于兹新邑绍复先王之大业底绥四方盘庚敷于民由乃在位以常旧服正法度曰无或敢伏小人之攸箴王命众悉至于庭王若曰格汝众予告汝训汝猷黜乃心无傲从康古我先王亦惟图任旧人共政王播告之脩不匿厥指王用丕钦罔有逸言民用丕变今汝聒聒起信险肤予弗知乃所讼非予自荒兹德惟汝含德不悌予一人予若观火予亦拙谋作乃逸若网在纲有条而不紊若衣服田力穡乃亦有秋汝克黜乃心施实德于民至于防友丕乃敢大言汝有积德乃不畏戎毒于逖迓惰农自安不昏作劳不服田畝越其罔有黍稷汝不和吉言于百姓惟汝自生毒乃败祸奸宄以自灾于厥身乃既先恶于民乃奉其恫汝悔身何及相时憯民犹胥顾于箴言其发有逸口矧予制乃短长之命汝曷弗告朕而胥动以浮言恐沉于众若火之燎于原不可向迨其犹可扑灭则惟尔众自作弗靖非予有咎迟任有言曰人惟求旧器非求旧惟新古我先王暨乃祖乃父胥及逸勤予敢动用非罚世选尔劳予不掩尔善兹予大享于先王尔祖其从与享之作福作灾予亦不敢动用非德予告汝于难若射之有志汝无侮老成人无弱孤有防各长于厥居勉出乃力听予一人之作猷无有逖迨用罪伐厥死用德彰厥善邦之臧惟汝众邦之不臧惟予一人有佚罚凡尔众其惟致告自今至于后日各恭尔事齐乃位度乃口罚及尔身弗可悔盘庚中篇曰盘庚作惟涉河以民迁乃话民之弗率诞告用亶其有众咸造勿防在王庭盘庚乃登进厥民曰明听朕言无荒失朕命呜呼古我前后罔不惟民之承保后胥感鲜以不浮于天时殷降大虐先王不懷厥攸作视民利用迂汝曷不念我古后之闻承汝俾汝惟喜康共非汝有咎比于罚予若吁懷兹新邑亦惟汝故以丕从厥志今予将试以汝迁安定厥邦汝不忧朕心之攸困乃咸大不宣乃心钦念以忱动予一人尔惟自鞠自苦若乘舟汝弗济臭厥载尔忱不属惟胥以忱不其或稽自怒曷瘳汝不谋长以思乃灾汝诞劝忧今其有今罔后汝何生在上今予命汝一无起矜以自臭恐人倚乃身迁乃心予迓续乃

命于天予岂汝威用奉畜汝众予念我先神后之劳尔先予丕克羞尔用懷尔然失于政陈于兹高后丕乃崇降罪疾曰曷虐朕民汝万民乃不生生暨予一人猷同心先后丕降与汝罪疾曰曷不暨朕防孙有比故有爽德自上其罚汝汝罔能迪古我先后既劳乃祖乃父汝共作我畜民汝有戕则在乃心我先后绥乃祖乃父乃祖乃父乃断弃汝不救乃死兹予有乱政同位具乃贝玉乃祖乃父丕乃告我高后曰作丕刑于朕孙迪高后丕乃崇降弗祥呜呼今予告汝不易永敬大恤无胥絶遠汝分猷念以相从各设中于乃心乃有不吉不殛颠越不恭暫遇奸宄我乃剿殄灭之无遗育无俾易种于兹新邑往哉生生今予将试以汝迁永建乃家盘庚下篇曰盘庚既迁奠厥攸居乃正厥位绥爰有众曰无戲怠懋建大命今予其敷心腹肾腸歷告汝百姓于朕志罔罪尔众尔无其怒協比諛言予一人古我先王将多于前功适于山用降我凶德嘉績于朕邦今我民用蕩析离居罔有定极尔谓朕曷震动万民以迁肆上帝将复我高祖之德乱越我家朕及笃敬恭承民命用永地于兹新邑肆予冲人非废厥谋吊由灵各非敢违卜用宏兹贲呜呼邦伯师长百执事之人尚皆隱哉予其懋简相尔敬念我众朕不肩好货敢恭生生鞠人谋人之保居叙欽今我既羞告尔于朕志若否罔有弗欽无总于货寶生生自庸式敷民德永肩一心

论曰盘庚之时非有敌国外患之虞水火焚蕩之灾也其所以不安厥居而必迁者自祖乙都耿之后三世有兄弟争夺之祸宗族羣下各有党与蕩析离居罔有定极盘庚欲正名而诛罚之则伤亲亲召变乱听其所为而纵之则不可以为国故必迁于亳理之以旧制参之以新民消散党与使定于一也自是而后子弟更立十世无复争夺之祸矣贤者所为尽善尽美如此哉后世人君欲有所为者既不能行其所无事则必更张旧制獎拔新进沮格羣言诛责贵近以厉其余矣方事未成则戒慎及事已成则安肆矣方迁之初道路阻长工力劳费有能以财济国事者则必旌显之矣此天下所以败也盘庚三篇有六善焉以常旧服正法度一也图任旧人二也无敢或伏小人之攸箴三也以人情事理反覆训諭开导民心使之通晓无纤毫恃高冯威势之意四也奠厥攸居始以无戲怠为戒五也叙欽有德有谋之人而不肩好货六也一举而六善立弭祸乱之根此孔子所以取之训后世也先儒谓商人尚神愚初疑之及观汤诰盘庚之文然后知圣人以神道设教非如末世及夷教之妄诞也行妄诞而能成事者未之有也

二十五祀甲子

二十八祀王崩弟小辛立

小辛

七祀甲戌

十七祀甲申

二十七祀王之世殷政复衰是歲崩立弟小乙

帝乙【或作小乙】

六祀甲午

十六祀甲辰

二十六祀甲寅王即位以来殷政益衰诸侯皆畔四夷内侵姬公刘之裔孙古公亶父敦德让积行义国人戴之为犬戎薰鬻所攻事之以皮币不得免焉事之以犬马不得免焉事之以珠玉不得免焉古公亶父曰然则狄人之所欲者吾土地也乃属其耆老而告之曰吾闻之君子不以其所以养人者害人二三子何患乎无君我将去之去邠逾梁山邑于岐山之下居焉邠人曰仁人也不可失也从之者如归市一年成邑二年成都三年五倍其初

二十八祀王崩子武丁立

皇王大纪卷九

宋 胡宏撰

三王纪

武丁

元祀王自为太子时能尽知人民之所好恶修耸其德达于神明既即位宅忧谅陰

论曰子张曰书云高宗三年不言言乃雍有诸仲尼曰胡为其不然也古者天子崩王世子听于冢宰三年盖父子天性哭泣之哀齐衰之情饘粥之食自天子至于庶人一也古者天子崩天下之人无不服者愚观汉纪惟文帝有孜孜爱民之心其将没也自愧德薄无恩于百姓故令轻其服不欲使疎远之人为不情之举耳曷尝命太子曰尔母丧我三年乎景帝能终身遵文帝之恭俭而不能有三年之爱遂比类从事以日易月轻蔑君父等于无服之殇何哉汉初贵黄老尚清净景帝之为太子孝文未尝教之以礼也自是而后嗣子按为故常若晋武魏文徒能知母而不知父岂礼也哉后世欲复是礼者必君父明于大道了达死生深知仁政之必由是礼起也当天下安平春秋强盛之时讲明是礼着为大典则仓卒之际可以按行而无疑矣

三祀王悼先王数致祭祀祭于成汤有飞雉之异王使以雉为扇曰以彰吾过恭默深思梦帝锡之以良弼命百工图其形象营求于天下说筑于傅岩之野惟肖王与之语果圣人立以为相开先祖之府取其明法以为君臣上下之节修政行德天下謹洽王终身不敢荒寧嘉靖殷邦至于小大无时或怨 方 乱兴师伐之三年然后克重译来朝者六国商书叙曰高宗梦得说使百工营求诸野得诸傅岩作说命三篇说命上篇曰王宅忧谅陰三祀既免防其惟弗言羣臣咸谏于王曰呜呼知之曰明哲明哲实作则天子惟君万邦百官承式王言惟作命不言臣下罔攸稟令王庸作书以诰曰以台正于四方台恐德弗类兹故弗言恭默思道梦帝赉予良弼其代予言乃审厥象俾以形旁求于天下说筑傅岩之野惟肖爰立作相王置诸其左右命之曰朝夕纳诲以辅台德若金用汝作砺若济巨川用汝作舟楫若歳大旱用汝作霖雨啓乃心沃朕心若药弗瞑 厥疾弗瘳若跣弗视地厥足用伤惟暨乃僚罔不同心以匡乃辟俾率先王廸我高后以康兆民呜呼钦予时命其惟有终说复于王曰惟木从绳则正后从諫则圣后克圣臣不命其承畴敢不祗若王之休命说命中篇曰惟说命总百官乃进于王曰呜呼明王奉若天道建邦设都树后王君公承以大夫师长不惟逸豫惟以乱民惟天聪明惟圣时宪惟臣钦若惟民从乂惟口起羞惟甲冑起戎惟衣裳在笥惟干戈省厥躬王惟戒兹允兹克明乃罔不休惟治乱在庶官官不及私昵惟其能爵罔及恶德惟其贤虑善以动动惟厥时有其善防厥善矜其能防厥功惟事事乃其有备有备无患无啓宠纳侮无耻过作非惟厥攸居政事惟醇黜于祭祀时谓弗钦礼烦则乱事神则难王曰防哉说乃言惟服乃不良于言予罔闻于行说拜稽首曰非知之艰行之惟艰王忱不艰允協于先王成德惟说不言有厥咎说命下篇曰王曰来汝说台小子旧学于甘盘既乃遯于荒野入宅于河自河徂亳暨厥终罔显

尔惟训于朕志若作酒醴尔惟麴蘖若作和羹尔惟盐梅尔交修予罔予弃予惟克迈乃训说曰王人求多闻时惟建事学于古训乃有获事不师古以克永世匪说攸闻惟学逊志务时敏厥修乃来允懷于兹道积于厥躬惟敦学半念终始典于学厥德修罔觉监于先王成宪其永无愆惟说式克钦承旁招俊乂列于庶位王曰呜呼说四海之内成仰朕德时乃风股肱惟人良臣惟圣昔先正保衡作我先王乃曰予弗克俾厥后惟尧舜其心愧耻若挹于市一夫不获则曰时予之辜佑我烈祖格于皇天尔尚明保予防俾阿衡专美有商惟后非贤不乂惟贤非后不食其尔克绍乃辟于先王永绥民說拜稽首曰敢对 天子之休命商书高宗彤日越有雉雉祖已曰惟先格王正厥事乃训于王曰惟天监下民典厥义降年有永有不永非天夭民民中絕命民有不若德不聽罪天既孚命正厥德乃曰其如台呜呼王司敬民防非天 典祀无丰于昵

八祀甲子

十八祀甲戌豕韦之后失道灭之以刘累之后代之二十八祀甲申

三十八祀甲午

四十八祀甲辰

五十八祀甲寅

五十九祀王崩天下号王为高宗子祖庚立子张问于孔子曰书云高宗三年不言言乃讙有诸仲尼曰胡为其不然也古者天子崩王世子听于冢宰三年凡礼之大体体天地法四时则陰阳顺人情者也天无二日土无二王王国无二君家无二尊以一治之也故父在为母齐衰期者见无二尊也所以体天地也丧有四制变而从宜法四时也吉凶异道不得相干则陰阳也故麻者不绅执玉不麻麻不加于采有恩有理有节有权顺人情也恩者仁也义者理也礼者节也权者智也其恩厚者其服重故为父斩衰三年贵贵尊尊义之大者也故为君亦斩衰三年始死三日不怠三月不解期悲哀三年忧恩之杀也圣人因杀以制节三日而食粥三月而沐期十二月而练冠三年而祥防不过三年苴衰不补坟墓不培祥之日鼓素琴告民有终也三日受子杖五日受大夫杖七日受士杖辅病也妇人童子不杖不能病也百官备百物具不言而事行者扶而起言而后事行者杖而起身自执事而后行者面垢而已秃者不免不髻伛者不袒跛者不踊老病不止酒肉八者以权制者也贤者不得过不肖者不得不及此防之中庸也王者之所常行也书曰高宗谅闇三年不言善之也王者莫不行此礼何以独善之也曰高宗者武丁武丁者殷之贤王也继世即位而慈良于防当此之时殷衰而复兴礼废而复起故善之善之故载之书中而高之故谓之高宗三年之防君不言然而曰言不文者谓臣下也

祖庚

三祀商颂三篇曰 鸟一章二十二句祀高宗也天命 鸟降而生商宅殷土芒芒古帝命武

汤正域彼四方天命厥后奄有九有商之先后受命不殆在武丁孙子武丁孙子武王靡不胜
【任也】龙旂十乘大糒是承邦畿千里惟民所止肇域彼四海四海来假来假祁祁景【大也】
负维河【河何也】殷受命咸宜百禄是荷商颂四篇曰长发七章一章八句四章章七句一章九句一章六句大禘也濬哲维商长发其祥洪水芒芒禹敷下土方外大国是疆幅陨既长有域方将帝立子生商 王桓【大也】拨【治也】受小国是达受大国是达率履不越遂视既发相土烈烈海外有截帝命不违至于汤齐汤降不迟圣敬日跻昭假迟迟上帝是祗帝命式于九围受小球大球【玉也】为下国缀旒何【负也】天之休不竞不綌【急也】不刚不柔敷政优优【和也】百禄是遄受小共大共为下国骏彪何天之龙敷奏其勇不震不动不戢不竦【恐也】百禄是总武王载旆有防秉钺如火烈烈则莫我敢曷【害也】苞有三蘖莫遂莫达九有有截韦顾既伐昆吾夏桀昔在中叶【世也】有震且业【危也】允也天子降于卿士实维阿衡实左右商王商颂终五篇曰殷武六章三章章六句二章章七句一章五句祀高宗也挾【疾也】彼殷武奋伐荆楚采【深也】入其阻裒【聚也】荆之旅有截其所汤孙之绪维女荆楚居国南乡昔有成汤自彼氐羌莫敢不来飡莫敢不来王曰商是常天命多辟设都于禹之绩歳事来辟勿予祸适【过也】稼穡匪解天命降监下民有严不僭不滥不敢怠遑命于下国封建厥福商邑翼翼四方之极赫赫厥声濯濯厥灵壽考且宁以保我后生陟彼景山松柏丸丸是断是迁方斲是防松栢有槎旅楹有闲寢成孔安

七祀王崩弟祖甲立

祖甲

二祀甲子惟王少年不义高宗遠之居处困厄不得志作其即位爰知小人之依能保惠于庶民不敢侮齔寡十二祀甲戌

二十二祀甲申

三十一祀初周古公亶父娶于齐有台氏女曰太姜美而贤生三子泰伯仲雍季歷能化导之皆成贤德古公有事谘谋焉季歷天性防顺二兄甚友爱之季歷娶于摯曰太任亦有贤德目不视窈色耳不听淫声口不出恶言容貌防肃齐如也是年生子古公亶父视之曰我世当有兴者其在斯乎名之曰昌昌之弟曰仲曰叔古公亶父薨泰伯仲雍承父之志亡之荆楚国人奉季歷为嗣

三十二祀甲午王作盘盂诸书二十六篇以自警戒三十三祀王崩子廩辛立

廩辛

六祀王崩弟庚丁立

庚丁

三祀甲辰

十三祀甲寅周季歷有谋能断守正而和照临无蔽勤施无私教诲不倦顺以事上比以亲民庆赏刑威政自己出四隣服焉以昌为世子娶于有莘氏曰大妣初昌在母不忧处师弗烦自防有成人之度为世子朝于季歷日三鸡初鸣而衣服至于大寝之门外问内竖之御者曰今日安否何如内竖曰安世子乃喜及日中又至亦如之及莫又至亦如之其有不安节则内竖以告世子世子色忧不满容行不能正履内竖言复初然后亦复初朝夕之食上世子必在视寒暖之节食下问所膳羞必知所进命膳宰曰未有原应曰诺然后退若内竖言疾则世子亲齐而养膳宰之饌必敬视之疾之药必亲尝之尝饌善则世子亦能食尝饌寡则世子亦不能饱以至于复初然后亦复初

二十一祀王崩子武乙立

武乙

二祀甲子王复迁都河北暴虐不道为偶人谓之天神与之搏而辱之又为革囊盛血仰而射之谓之射天国内衰弊东夷浸盛分迁淮岱渐居中土时有为铭者曰嗷嗷之德不足就也不可以矜而祇取忧也嗷嗷之食不足狃也不能为膏而祇罹咎也

四祀猎于河渭之间震死子太丁立

太丁

元祀命周季歷为牧帅师伐始呼之戎又伐翳徒之戎获其三大夫王嘉其功锡之圭瓚秬鬯为侯伯大雅五篇旱麓【旱山名也麓山足也】六章章四句受祖也周之先祖世修后稷公刘之业太王王季申以百福干禄焉瞻彼旱麓榛楛济济岂弟君子干禄岂弟瑟彼玉瓚黄流在中岂弟君子福祿攸降鸞飞戾天鱼跃于渊岂弟君子遐不作人清酒既载骍牡既备以享以祀以介景福瑟【众貌】彼柞械民所燎矣岂弟君子神所劳矣莫莫葛藟施于条枚岂弟君子求福不回

三祀太丁崩子帝乙立

帝乙

五祀甲戌

十祀周季歷薨壽百歲世子昌嗣

十二祀周侯昌之祭也事死者如事生思死者如不欲生忌日必哀称讳如见亲如欲色然祭

之日乐与哀半飧之必乐已祭必哀

十三祀周侯昌将大劝农桑乃先正经界以六尺为步步百为畝一夫一妇受田百畝为一井其方一里以百畝为公田八家皆私百畝同养公田是为彻法九夫为井井间有沟深广四尺方十里为成成间有洫深广八尺方百里为同同间有浍广二寻深二仞仕者世禄关市讥而不征泽梁无禁罪人不孥老而无妻曰鰥老而无夫曰寡老而无子曰独防而无父曰孤周侯发政施仁必先斯四者曰此天下之穷民而无告者也唐虞之世季连受 姓其裔孙鬻熊年九十矣来见周侯周侯曰惜也老矣鬻熊曰使坐而策国事心尚壮也周侯问为政对曰君子能必用道而不能必见受能必忠而不能必见入能必信而不能必见信为天下福谓之道起天下疾谓之仁上下相亲谓之和民不求而得谓之信四者帝王之器也昔之王者其明以吏其功以民其选吏也士民与则举之苦则去之周侯以为师

十五祀甲申

二十五祀甲午

三十五祀甲辰

三十七祀帝乙崩庶长防子啓贤箕子劝王以为嗣王以其母贱不立也立适子受辛是为纣

论曰尧舜与贤三王与嫡二帝三王同道惟所遇之时不同也尧舜之时中夏方开辟制度草创自非以圣继圣则不能成功以贻万世使丹朱足为中材之君犹不与也故商均无大过亦不得为天子而大禹以有天下及其末年制度已成虽中材之君辅之以贤者亦可以守矣圣人不世出德贤无以大相过则定于与嫡所以一民心重天下也虽然大君人命所系兴亡之本圣人有权焉未尝执一也是以大甲虽嫡又有成汤之命而几不免于废武王虽弟上承文考之命而终不释为君帝乙亦贤君也泥于立嫡而不知纣之足以亡天下也亦不慎不知变之过矣孔子作春秋鉴观前代贤可与则以天下为官嫡可与则以天下为家此万世无弊之法也使帝乙而知道商之卜世犹未可知矣

皇王大纪卷十

宋 胡宏 撰

三王纪

纣

元祀纣见闻甚敏材力过人强足以拒谏文足以饰非矜人臣以能高天下以声以海内贤才皆出已下性汰侈好酒色始为象箸箕子叹曰今为象箸后必为玉杯玉杯象箸必将食熊蹯豹胎他又将称是王求足欲天下殆哉迁都朝歌

八祀甲寅王伐有苏氏有苏氏献女妲己甚嬖之广沙丘之苑多为台榭有璜台瑶宫琼室玉门建大宫连属百里中设九市为百有二十日长夜之饮设肉林酒池糟丘使师防作北里之舞靡靡之乐以悦妇女百姓嗟怨诸侯背叛妲己曰此罚轻诛薄威不立耳乃作炮烙之刑有罪者求死不得九侯鄂侯周侯入为三公九侯有女美而贤纳之纣纣怒其不淫杀之

十四祀纣醢九侯鄂侯强谏并脯鄂侯周侯窃叹崇侯虎以告囚之羑里古者包牺氏之作易也十有八变而成卦八卦而小成七八之卦在其中矣周侯被拘乃系六十四卦之词 【干下干上】乾元亨利贞【健而无息之谓干干者天之性情也元者万物之始亨长也利遂贞成也】 【坤下坤上】坤元亨利牝马之贞【坤干之对也四德同而贞体异牝马柔顺而健行者也】君子有攸往【柔顺而利贞君子之所行也】先迷后得【先唱则迷失陰道后利则得其常矣】主利【利万物也】西南得朋东北防朋安贞吉【西南陰方其朋也必东北之阳方离防其朋则能成化育之功而有安贞之吉也】 【震下坎上】屯【震始交于下坎始交于中陰阳始交云雷相应而未成泽故为屯】元亨【屯有大亨之通也】利贞【利在正固】勿用有攸往【未可有所往也】利建侯【广资辅助】 【坎下艮上】蒙亨【水必行之物始出未有之故为蒙蒙有亨发之理也】匪我求童蒙童蒙求我【童蒙六五也为蒙之主我谓九二也六五柔顺方在童蒙頼九三发其蒙也】初筮告再三渎渎则不告【筮占决也谓至诚一意而求己则告之再则渎慢矣故不告也】利贞【发蒙之道利以贞正】 【干下坎上】需【干健必上进而处坎险阻之下故为须待之意也】有孚【九五居中有信诚充实于中也】光亨贞吉【有孚则光明而通得正而吉也】利涉大川【以此而须何需不济】 【坎下干上】讼【天水相违又上刚下险所以为讼】有孚【二讼之主以九居中有孚实也】窒【塞也】惕【畏也】中吉【得中则吉】终凶【终凶其事则凶也】利见大人【中正大人九五也】不利涉大川【讼宜处身平安之地】 【坎下坤上】师【师众也一阳在下为众陰主将师统众之象险道而以顺行师之义也】贞丈人吉无咎【行师以正固为本帅之者必丈人才谋德业为众所严畏则吉而无咎矣】 【坤下坎上】比【水在地上切比无间又一阳居尊位上亲下下附上故为比】吉【人相亲比吉道也】原【推原也】筮【占决卜度非以蓍】元永贞无咎【上下相比必有君长常从正道则无咎矣】不寧方来后夫凶【不寧之事方来求比固宜汲汲不速而后则虽夫亦

凶矣夫刚立之称】 【干下巽上】小畜【畜止刚健莫如巽顺一陰畜五阳小畜大也】
亨【二五刚中故能亨】密云不雨自我西郊【西南陰方以四为唱故不和而不能成雨】

【兑下干上】履虎尾不咥人亨【天在上而泽处下六三以卑顺說应履籍于干上下各得其义事之至顺理之至当人之履行如此虽履虎尾至危之地亦不见咥啮而无所害所以亨也】 【干下坤上】泰【陰阳相交而和故为泰也】小往大来【小谓陰大谓阳陰生于外阳生于内】吉亨【陰阳和畅万物生遂其道吉亨】 【坤下干上】否【天地隔絕不交通故为否】之匪人【天地不交则不生万物无人道矣匪人者非人道也】不利君子贞大往小来【上下交通刚柔和防君子之正道也阳往而陰来君子正道否塞不行矣】

【离下干上】同人【九五六二中正相应天在上而火性炎上同也又一陰众所欲同为同人】于野亨利涉大川【同人于旷遠之地不系所私得至公大同之道其亨可知而何险阻艰难之不可济】利君子贞【君子之正即天下至公大同之道也】 【干下离上】大有【火在天上照万物又六五居尊执柔众阳并应故为丰盛大有之义】元亨【卦之德刚健文明应天而时行故能元亨】 【艮下坤上】谦【山高犬之物而居地之下谦之象也】亨【有其德而不居何往而不亨乎】君子有终【安履乎谦终身不易】 【坤下震上】豫【动而和顺故为豫豫者安和悦顺之义】利建侯行师【诸侯和则万物悦服众心和则行师有功故豫之道利建侯行师也】 【震下兑上】随【说而动动而说以小女从长男雷震于泽中泽随而动干上来居坤下坤初往居干上以阳下陰陰必说随皆为随义】元亨利贞无咎【随道可以致大亨必得其正乃能大亨而无咎】 【巽下艮上】蛊【蛊乃有事也风在山下遇山而回物皆挠乱为有事之象】元亨【既蛊则有复治之理艮阳刚尊而在上巽陰柔卑而在下得正顺理大喜而亨也】利涉大川【蛊之大者济时之艰难也故利涉大川】先甲三日后甲三【甲者数之首事之始也一日二日至于日三日推原先后为救弊可从之道也】 【兑下坤上】临【泽上之地岸也与水际临近乎水故为临】元亨利贞【二阳方长而盛大也兑说而坤顺九二刚中得六五应临人应事临天下大亨得正矣】至于八月有凶【阳生之八月自建子至建未二陰长而阳消矣故圣人为戒于方盛之时】 【坤下巽上】观【风行地上徧触万类周观之象二阳居尊四陰在下仰观之义】盥而不荐有孚颙若【盥手酌郁鬯于地始求神之时人心方尽其精神严肃之至居上者当常庄敬不可如荐腥荐熟之时诚意少散而精一不若始盥之时则天下尽其孚诚颙然瞻仰之矣】 【震下离上】噬嗑【卦爻外刚中虚口之象也口有物间噬而后合故曰噬嗑】亨【天下事所以不得亨者以有间也噬而嗑则亨通矣】利用狱【狱者所以究察情伪知其为间之道者也】 【离下艮上】贲【山下有火照见其下草木品彙皆被其光彩故为贲】亨【物有实而加饰则亨】小利有攸往【小进而已】 【坤下艮上】剥【羣陰渐盛消剥惟余一阳又山高起地上而反附着于地类剥之象也】不利有攸往【众小人剥防君子之时故不利有攸往】 【震下坤上】复【一阳生五陰之下歲十月陰盛既极则一阳复生于地中故为复】亨【复则渐亨】出入【入谓复生于内出谓长进于外】无疾【防阳生长无害之者】朋来无咎【子丑寅三阳之气以类进然后能成生物之功无差忒抑塞之咎】反复其道【消长之道反复迭至】七日来复【始阳之始消也七变而成复阳君子之道君子道长则小人道消】利有攸往 【震下干上】无妄【动以天为无妄无妄至诚也至诚天之道也天之化育万物生生不穷各正其性命乃无妄也】元亨【君子行无妄之道可致大通矣】利贞其匪正有眚【人法无妄之道利在贞正虽无邪心苟不合正理则妄

而为邪心也故其匪正则为过眚】不利有攸往【既已无妄不宜有往往则妄矣】 【干下艮上】大畜【天而在于山中所畜至大之象故为大畜】利贞【畜止也聚也人之蕴畜宜得正道可也】不家食吉【道德充积于内食天禄施为于天下则吉也】利涉大川【畜大则宜济难险矣】 【震下艮上】颐【卦上止而不动外实而中虚人颐颌之象也口所以饮食养身故名曰颐】贞吉观颐自求口实【颐道以正则吉观人之养生养形养德养人养于人皆以正道然后吉】 【巽下兑上】大过【泽润养木者也乃至灭没于木故为大过】栋桡【大过者阳过也栋以象其任重中强而本末弱是以桡也】利有攸往亨【陰弱而阳强君子盛而小人衰故利有攸往而亨】 【坎下坎上】习坎【一阳防于二陰故为坎防之义习重习谓险中复有险也】有孚【阳在中也】维心亨【维心诚一故能亨通】行有尚【以诚一而行则能出险而有可嘉尚也】 【离下离上】离【离丽也明也陰丽于上下之阳则为附丽之义】利贞亨【利于贞正贞正则亨通矣】畜牝牛吉【牝牛顺之至取其中虚则为明人之所丽者也人养其顺于正道之德如牝牛则吉也】 【艮下兑上】咸【少男少女交相为感故曰咸】亨利贞【物相感则有通之理而感之道必在于正】取女吉【卦有止而说男下女之义以此义取女则得正吉矣】 【巽下震上】恒【长男在长女之上男尊女卑男动于外女顺于内得人理之常故为恒也】亨无咎【恒而能通乃无咎也】利贞【利有攸往恒所以亨由贞正也可从之道何往不利】 【艮下干上】遯【天下有山下陵而上去又陰长阳消君子遯藏之时也故为遯】亨【由遯而道不屈所以有亨也】小利贞【君子与时消息陰未甚盛虽不可大贞尚利小贞也】 【干下震上】大壮【干刚而震动又阳长过中大者壮盛故为大壮】利贞【壮道宜利于正也】 【坤下离上】晋【日出于地升进而光明盛大故为晋】康侯用锡马蕃庶昼日三接【上之大明下能同德以附治安之侯也故锡予之多亲礼之至】 【离下坤上】明夷【日入地中闇君在上明者见伤之时也故为明夷】利艰贞【君子利在艰难而不失其正也能如是所以明也】 【离下巽上】家人【二与五正男女之位于内外为家人之道明于内而巽于外处家之道也】利女贞【女正则家道正矣】 【兑下离上】睽【离火炎上兑泽润下又二女同居其志不同行故为睽乖之义】小事吉【卦才说而丽乎明柔进而上行得申而应乎刚故小事则吉】 【艮下坎上】蹇【坎险在前艮止不进又前有险难后有峻阻故为蹇】利西南不利东北【西南坤方坤体顺而易东北艮方艮体止而险处顺易则难可纾止于险则难当益甚矣】利见大人【惟圣贤乃能济难】贞吉【济难者必以大正之道而坚固其守则吉也】 【坎下震上】解【震动于坎险之外出乎险也又陰阳交感和畅则雷雨作而解散故为天下难解之时】利西南无所往其来复吉有攸往【坤体广大平易人初得难解当治以寬大简易也难解则安平无事当正纪纲明法度进复先代明王可从可继之治是有法也】夙吉【尚有当解而未尽者不先去则将复盛故夙则吉也】 【兌下艮上】损【艮山体高兑泽体深下深则上益高矣又泽在山下其气上通润及百物也又三爻皆上应说以奉上也又三本刚而成柔上本柔而成刚皆损下益上之义上益而下损故为损】有孚【损过而就中损浮末而就本实】元吉无咎【至诚顺理大吉而善不合正理则有咎矣】可贞利有攸往【所损合正则可贞固常行所往皆利矣】曷之用二簋可用飧【飧祀之礼多仪备物所以饰诚敬之心而已饰过则伪故云何所用虽二簋亦可以飧言在诚也】 【震下巽上】益【以象言之风烈则雷迅雷激则风怒两相助益也以义言之巽震二卦皆由下变而成上卦变陰为损下卦变阳为益损上益下之义也下厚则上安故益

下为益】利有攸往利涉大川【险难无所不可济】 【干下兑上】夬【夬决也泽本下而上于至高之处有溃决之象又众阳上进决去一阴所以为夬也】扬于王庭孚号有厉【阳刚君子之道既盛则去小人当显行于公朝虽如是然必至诚以命众使知尚有危道】告自邑不利即戎【上阴虽防犹有未去是君子之道未至也又当自治不刚尚武则道益进乃共之善】利有攸往 【巽下干上】姤【姤遇也风行天下徧触万类乃遇之象又一阴始生与阳遇也】女壮勿用娶女【阴始生而渐盛女壮则男弱故戒勿娶如是之女女柔和顺从家道乃成】 【坤下兑上】萃【萃聚也泽上于地水之方聚也】亨【亨下美文】王假有庙【王者萃天下之道其至大莫过于宗庙也】利见大人【人物聚则争乱起非大人莫能治之也】亨利贞【萃以正则能亨也】用大牲吉【丰厚之时上交 神下接民物其用宜称也力足以有为与天下同其富乐可也】利有攸往 【巽下坤上】升【木生地中而益高为升之象】元亨【升进则有亨义以卦才之善故元亨也】用见大人勿恤南征吉【用巽顺刚中之道以见大人不假忧恤前进则吉也南征前进也】 【坎下兑上】困【水在泽下枯涸之象为困乏之义又阳防于下阴揜于上君子为小人所揜蔽穷困之时也】亨【卦才处险而悦故亨】贞大人吉无咎【能不失其正大人也故吉而无咎焉】有言不信【当困而言人谁信之】 【巽下坎上】井【木入于水下而上乎水汲井之义也】改邑不改井无丧无得往来井井【邑可改井不可迁汲之不竭存之不盈其德也常至者皆得其用也周】汔至亦未繙井羸其瓶凶【用虽几至亦与未下繙于井同君子之道贵有成也若羸败其瓶则失其用而凶矣】 【离下兑上】革【兑水离火相就而相克与相灭息所以为变革之义】己日乃孚【革变其故人未能遽信故必己日然后从】元亨【革弊坏而致其通宜大亨矣】利贞悔亡【革得正道则得去故之义而无变动之悔】 【巽下离上】鼎【以木从火烹饪之象观卦全体则足腹耳 其鼎之象矣】元吉亨【卦之才离明巽顺五居中以柔应刚为得中道可以致元亨而未遽至元吉吉美文】 【震下震上】震【震乾坤一索而成动而上进生物之长也故为长男其象为雷为有主其义为动】亨【雷之奋发有惊惧之象动而进雷奋发省有主而保大皆可致亨】震来虩虩笑言哑哑震惊百里不丧【匕】鬯【虩虩顾虑不安之貌哑哑笑言和适之貌处震不敢自宁则能保其安裕人之致其诚敬莫如祭祀匕载鼎实升俎而祈亨鬯以酌裸灌地而降神当是时虽雷震不失其所守此言震动之大安而不自失其诚敬也】 【艮下艮上】艮其背不获其身【阳止于上阴静于下安其止也人之所以不能安其止者动于欲也艮其背不牵于欲则无我矣故曰不获】行其庭不见其人无咎【无我则安行而不为物所乱矣故无咎】 【艮下巽上】渐【进不越次为渐山上有木其高因山也其高有因所以为渐】女归【男女万事之先也天下之事进必以渐者莫如女归】吉【女之归能如诸爻男女各得其正则善也】利贞【诸卦利贞有不正之疑而为之戒者损之九二是也有必贞乃得宜者大畜是也有言所以利者以其有贞渐是也】 【兑下震上】归妹征凶【震动兑说小女从长男以说而动动而位皆不当故凶妹小女也】无攸利【如卦之义不独女归将无所往而利矣】 【离下震上】丰【震动离明以明而动动而能明皆致丰之道也】亨【丰为盛大其义自亨】王假之【极天下之光大者惟王者能之】勿忧宜日中【丰之时繁庶殷盛治之宜如日之中明照无所不及然后无忧】 【艮下离上】旅【山上有火火行而不居又丽乎外皆旅之象】小亨【如卦之才柔得乎中外而顺乎刚止而丽乎明是以小亨也】旅贞吉【得旅之正而吉也】 【巽下巽上】巽【一阴在二阳之下顺于阳所以为巽顺也】小亨利有攸

往利见大人【卦之才阳刚巽顺于中正之道柔皆顺乎刚故可以小亨利有攸往利见大人也兑亦刚中正而亨巽乃小亨者兑柔在外用柔也巽柔在内性柔故也】 【兑下兑上】 兑【一陰居二阳之上陰说于阳而为阳所说故为兑】 亨【能说于物物所与也故亨】 利贞【非道求说则为邪諂卦德刚中能正者也】 【坎下巽上】 涣亨【水遇风则涣然离散人之离散由乎中治离散之道亦本乎中九来居二四同于五皆主中故亨】 王假有庙【中者心之象也王者収合人心无大于享帝立庙】 利涉大川【木在水上济川之象】 利贞【合涣之道利在正固】 【兑下坎上】 节【泽上有水泽之容有限水满则不害故为有节之象】 亨【凡事有节则能致通】 苦节【节贵适中过则苦矣】 不可贞【苦则岂能常是以不可固守也】 【兑下巽上】 中孚【义在二体则二五中实在全体则三四中虚中虚信之本中实信之质】 豚鱼吉【豚躁鱼冥物之难感者也信能及之则无不至矣所以吉也】 利涉大川【忠信可以蹈水火泛涉大川乎】 利贞【守信之道利在坚正】 【艮下震上】 小过【雷震于高其声过常又陰居尊位为小者过又为小事过与过之小】 亨【过者过其常也事有待过而亨者故小过自有亨义】 利贞【过之道利于不失时宜】 可小事不可大事【小事可过事之大者何可过也】 飞鸟遗之音【谓过之不逮故也】 不宜上宜下【谓宜顺也其吉必大】 【离下坎上】 既济亨小【水火相交各当其用故为既济天下大事已济之时也然不能无小未亨者】 利贞【处时既济正固守之】 初吉【方济时也】 终乱【济及则反】 【坎下离上】 未济【火在水上不相为用故为未济】 亨【未济有生之义故亨为卦才五以柔居尊位居刚而应刚得柔之中有致亨之道】 小狐汔济濡其尾无攸利【老狐多疑畏故履冰而听其防也小狐则未能然汔当为伋勇于济也濡其尾而不能济无所利矣】

十五祀周之臣子日夜忧惧谋所以救其君父者无所不至竭国中珍寶良马使閼夭泰颠来献遣使四出谋于牧伯及各诸侯诸侯忧惧愤惋入见请从昌囚是时西有昆夷之患北有玁狁之难紂惧华夷之大叛也已乃召昌释之昌因献洛西地请除炮烙之刑紂大喜许之赐以弓矢鉞钺得专征伐为西方诸侯伯

论曰君子小人之不可相处如水火也况文王大圣受辛下愚乎惟文王陟降在帝左右致紂敬信得专征伐紂虽名为天子其实与天下诸侯下及万民均入化育之中矣此文王受命之实也先儒不识天道乃以改元称王为受命陋之甚也文王得征伐之柄九年而薨故泰誓曰皇天震怒命我文考肃将天威惟九年大统未集既曰大统未集则安有改元称王之事【故泰誓三篇皆只称文考及武成然后称我文考文王】先儒不本经文推原理而妄生此论是以文王为曹操司马懿之流矣吁操与懿尚不改元称帝而谓文王为之甚哉

十六祀小雅七篇曰采芣六章章八句遣戍役也文王之时西有昆夷之患北有玁狁之难以天子之命命将率遣戍役以守卫中国故歌采芣以遣之出车以劳还杖杜以勤归也采芣采芣亦作【生也】止曰归曰归歲亦莫止靡室靡家玁狁之故不遑啓居玁狁之故采芣采芣亦柔【始生也】止曰归曰归心亦忧止忧心烈烈载饥载渴我戍未定靡使归聘采芣采芣亦刚【少而刚】止曰归曰归歲亦阳【歷阳月也十月为阳】止王事靡盬不遑啓处忧心孔疚我行不来彼尔维何【尔华盛貌】维常之华彼路斯何君子之车戎车既驾四

牡业业【壮貌】岂敢定居一月三捷驾彼四牡四牡騤騤【彊也】君子所依小人所腓四牡翼翼【闲习也】象弭【弓反末也】鱼服【矢服】岂不日戒猷猷孔棘昔我往矣杨柳【蒲柳也】依依今我来思雨雪霏霏【甚也】行道迟迟【长遽也】载渴载饥我心伤悲莫知我哀【君子能尽人之情故人忘其死】小雅八篇曰出车六章章八句劳还率也我出我车于彼牧矣【出车就马于牧地】自天子所谓我来矣召彼仆夫谓之载矣王事多难维其棘矣我出我车于彼郊矣设此旆矣建彼旆矣彼旃旃斯胡不旆旆忧心悄悄仆夫况瘁王【殷王】命南仲【文王属】往城于方【朔方】出车彭彭【四马貌】旂旐央央【鲜明貌】天子命我城彼朔方赫赫南仲猷猷于襄【除也】昔我往矣黍稷方华今我来思雨雪载涂【冻释也】王事多难不遑啓居岂不怀归畏此简书【戒命也】嘒嘒草虫趯趯阜螽未见君子忧心忡忡既见君子我心则降赫赫南仲薄伐西戎春日迟迟卉【草也】木萋萋仓庚喈喈采繁祁祁执讯【辞也】获丑薄言还归赫赫南仲猷猷于夷【平也】小雅九篇曰杕杜四章章七句劳还役也有杕之杜有睆其实【睆实貌也】王事靡盬继嗣我日日月阳止女心伤止征夫遑止有杕之杜其叶萋萋王事靡盬我心伤悲卉木萋止女心悲止征夫归止陟彼北山言采其 王事靡盬忧我父母檀车【役车也】幘幘【敝貌】四牡瘡瘡【罢貌】征夫不逮匪载匪来忧心孔疚期逝【往也】不至而多为恤【忧也】卜筮偕止会言近止征夫迺止【卜之筮之防人占之迺近也】

十八祀甲子西伯诛乱政大夫潘正于是询于八虞而咨于二虢度于閼天而谋于南宫諏于蔡原而访于辛尹【辛甲尹佚】重之以荣公泰颠散宜生嘗游于凤凰之墟袜系解顾左右前后皆君子也乃自结之大雅四篇曰棫朴五章章四句文王能官人也芄芄【盛貌】棫朴薪之爇之【积也】济济辟王左右趣之济济辟王左右奉璋【半圭也】奉璋峨峨【盛壮也】髦士攸宜淠彼【舟行也】泾舟烝【众也】徒楫【櫂也】之周王于迈六师及之倬【大也】彼云汉【天也】为章于天周王壽考遐不作人追琢【雕也金曰雕玉曰琢】其章金玉其相【质也】勉勉我王纲纪四方吕望唐四岳姜姓之苗裔也事纣以其无道去之北海穷困于朝歌卖食于棘津逮西伯得征伐之柄喟然叹曰吾闻西伯善养老者盍往归乎乃西归于周钓于渭上西伯将猎卜之卜人曰所获非龙非鬻非虎非熊而王者之辅也遂出田渭阳至于磻溪见老父坐茅而钓昌使问之曰叟乐此耶对曰君子乐行其志小人乐供其事吾非乐于渔者也昌顾左右曰得无是乎问其姓名同车而归与论政事大说之拜大司马望曰王国富民霸国富士仅存之国富大夫将亡之国富仓府西伯曰吾愿富其民望曰闻善斯行宿善不祥于是发仓库益赈鰥寡孤独以望为师虞芮争旧质之于周入其境耕者让畔行者让路入其邑男女异路班白不提挈入其朝卿士大夫济济相让虞芮之君心愧而归以所争为闲田孔子曰不令而从不教而化文王之道不可加矣大雅三篇曰縣九章章六句文王之兴本由大王也縣縣 颺【颺也】民之初生自土沮漆【二水也】古公亶父【豳公也古言从也亶父名或字】陶复【陶其土而复之】陶穴【陶其壤而穴之】未有家室古公亶父来朝走马率【循也】西水浒【涯也】至于岐下爰及姜女【大姜】聿来胥【相也】宇【居也】周原【在岐山南】膍膍【美也】萁茶【菜也】如飴爰始爰谋爰契【开也】我 曰止曰时筑室于兹迺慰【安也】迺止迺左迺右迺疆迺理迺宣迺畝自西徂东周爰【于也】执事乃召司空乃召司徒俾立室家其绳则直缩版以载作庙翼翼揀之【藁也桴也】陧陧度【犹投也】之薨薨筑之登登削屨冯冯【削墙屨鍜之声】百堵皆兴

馨【大鼓长一丈二尺】鼓弗胜廼立臯门臯门有伉【高貌】廼立应门应门将将【严正也】廼立冢土【大社】戎【大也】丑攸行【起大事动大众必先宜于社而后行】肆不殄厥愠亦不隕【坠也】厥问柞械拔矣行道兑【成蹊也】矣昆夷駉【突也】矣维其喙【困也】矣虞芮质厥成文王蹶【动也】厥生予曰有疏附【率下以亲上也】予曰有先后【相道前后也】予曰有奔奏【喻德宣誉也】予曰有御侮【武臣折冲也】诸侯密须氏不承王命西伯令之不听兴师侵阮遂至于共西伯帅师遏之密人乃服崇侯蔑侮父兄不敬长老听狱不哀制禄不均百姓力尽不得衣食西伯伐之军于其郊崇侯恃城郭之固不肯服西伯进军其城下崇侯固守三旬犹不降西伯勒兵攻灭之于是四方无道诸侯多惧而修德矣大雅七篇曰皇矣八章章十二句美周也人监【视也】代殷莫若周周世世修德莫若文王皇矣【大也】上帝临下有赫监观四方求民之莫【定也】维此二国【夏殷】其政不获维彼四国【四方也】爰究爰度上帝耆【老也】之憎其式廓乃眷西顾此维与宅作之屏之其菑其翳修之平之其灌其桺啓之辟之其怪其据攘之剔之其槩其柘帝迁明德串【习也】夷【常也】载路【大也】天立厥配【嬖也】受命既固帝省其山柞械斯拔松柏斯兑帝作邦作对自大伯王季维此王季因心则友则友其兄则笃其庆【厚其善】载锡之光【大也】受禄无丧奄【大也】有四方维此王季帝度其心貊【静也】其德音其德克明克明克类克长克君王此大邦克顺克比比于文王其德靡悔既受帝祉施于孙子帝谓文王无然畔援无然歆美诞先登于岸密人不共敢距大邦侵阮徂共王赫斯怒爰整其旅以按徂旅以笃周祜以对于天下依其在京侵自阮疆陟我高冈无矢我陵我陵我阿无饮我泉我泉我池度其鲜原【小山别大山曰鲜亦善也】居岐之阳在渭之将【侧也】万邦之方【则也】下民之王帝谓文王予懷明德不大声以色不长夏以革不谄不知顺帝之则帝谓文王询尔仇【匹也】方同尔兄弟以尔钩援【钩梯也所以钩引上城者】与尔临【临车】冲【冲车】以伐崇墉【城也】临冲闲闲【动摇也】崇墉言言【高下也】执讯连连【徐也】攸【所也】馘【不服者杀而献其左耳曰馘】安安是类是禡【类禡师祭也于内曰类于外曰禡】是致是附【致其社稷羣神附其先祖为之立后】四方以无侮临冲茀茀【彊盛】崇墉屹屹【亦高大也】是伐是肆【犯突也】是絶是忽【灭也】四方以无拂西伯自岐涉渭徙居于丰筑城郭作台池园囿庶民谓其台曰灵台囿曰灵囿沼曰灵沼大雅六篇曰灵台五章章四句民始附也文王受命而民乐其有灵德以及鸟兽昆虫马经始灵台经之营之庶民攻之不日成之经始勿亟庶民子来王在灵囿麀鹿攸伏麀鹿濯濯【娱游貌】白鸟鹄鹄【肥泽貌】王在灵沼于物鱼跃【物满】虞【植者曰虞横者曰枸】业【大版也】维枏【崇牙也】賁鼓【大鼓】维鏞【大钟】于论鼓钟于乐辟廱【水旋丘如壁曰辟雍以节观者】于论鼓钟于乐辟廱鼉鼓逢逢【和也】蒙瞍奏公【事也】初凿沼得朽骨命葬之左右曰此无主矣西伯曰天子主天下诸侯主一国寡人固骨之主矣遂葬之天下闻之曰西伯仁及朽骨况生者乎

论曰子产听郑国之政以其乘舆济人于溱洧子舆氏以不知为政讥焉今记文王葬朽骨得无近似之乎夫施于人而望其报者情之常也朽骨而无主则无为望其报于此见文王心无一毫在于利也心无一毫在于利真天下之君也此所以记之也有载武王遇喝者于道负置防櫬之下左拥而右扇之者夫武王克相上帝宠绥四方之君也岂陵迟无政姑息如此哉乃道路妄庸人之言尔是类则削

周大妣不妬忌而西伯有内行此德政之所以流布而风化之所以兴也大雅六篇曰思齐四章章六句文王所以圣也思齐【庄也】太任文王之母思媚周姜京【周地名】室之妇太妣嗣徽音则百斯男惠于宗公神罔时怨神罔时恫【痛也】刑于寡妻至于兄弟以御于家邦雝雝在宫【雝雝毛公云和也郑氏云宫谓辟雍非是】肃肃【敬也】在庙不显亦临无射亦保肆【大也】戎疾【害也】不殄【絶也】烈【业也】假【大也】不瑕不闻亦式不谏亦入肆成人有德小子有造古之人无斁誉【名也】髦【俊也】斯士太妣生十子长曰伯邑考早卒次曰发性慈和有圣德西伯以为世子世子帅西伯事季歷之道而行之不敢有加焉西伯有疾世子不说冠带而养西伯一饭世子亦一饭西伯再饭世子亦再饭次曰鲜次曰旦旦师于虢叔仁圣多才多艺西伯任以政事唐虞而下夏后殷商千余年中明天子贤后妃尽道于宫壶化行乎天下为时人所歌美者有矣逮孔子删诗于周衰而文王之时有诗在焉故以为周南周南首篇曰关雎五章章四句后妃之德也风之始也所以风天下而正夫妇也故用之乡人焉用之邦国焉风风也教也风以动之教以化之诗者志之所之也在心为志发言为诗情动于中而形于言言之不足故嗟叹之嗟叹之不足故永歌之永歌之不足不知手之舞之足之蹈之也情发于声声成文谓之音治世之音安以乐其政和乱世之音怨以怒其政乖亡国之音哀以思其民困故正得失动天地感 神莫近于诗先王以是经夫妇成孝敬厚人伦美教化移风俗故诗有六义焉一曰风二曰赋三曰比四曰兴五曰雅六曰颂上以风化下下以风刺上主文而谏谏言之者无罪闻之者足以戒故曰风至于王道衰礼义废政教失国异政家殊俗而变风变雅作矣国史明乎得失之迹伤人伦之废哀刑政之苛吟咏情性以风其上达于事变而怀其旧俗者也故变风发乎情止乎礼义发乎情民之性也止乎礼义先王之泽也是以一国之事系一人之本谓之风言天下之事形四方之风谓之雅雅者正也言王政之所由废兴也政有小大故有小雅焉有大雅焉颂者美盛德之形容以其成功告于神明者也是谓四始诗之至也然则关雎麟趾之化王者之风故系之周公南言化自北而南也鹊巢驹虞之德诸侯之风也先王之所以教故系之召公周南召南正始之道王化之基是以关雎乐得淑女以配君子忧在进贤不淫其色哀窈窕思贤才而无伤善之心焉是关雎之义也关关雎鸠【雎鸠摯而有别】在河之洲【水中可居曰洲】窈窕淑【善也】女君子好逑【匹也】参差荇菜【接余也】左右流【求也】之窈窕淑女寤【觉也】寐【寝也】求之求之不得寤寐思服【思之也】悠哉悠哉辗转反侧参差荇菜左右采之窈窕淑女琴瑟友之【宜以琴瑟友乐之】参差行菜左右芼【择也】之窈窕淑女钟鼓乐之周南二篇曰葛覃三章章六句后妃之本也后妃在父母家则志在于女功之事躬俭节用服澣濯之衣尊敬师傅则可以归宁父母化天下以妇道也葛之覃【延也葛所以为絺绤】兮施于中谷维叶萋萋【茂盛也】黄鸟【抃黍也】于飞集于灌【聚也】木其鸣喈喈【和声之远闻也】葛之覃兮施于中谷维叶莫莫【成就貌】是刈是濩【煮也】为絺【精曰絺】为绤【麤曰绤】服之无斁【厌也】言【我也】告师【女师也】氏言告言归【女嫁曰归】薄污我私薄澣我衣害【何也】澣【私服宜澣】害否【公服宜否】归宁父母【父母在则有时而归宁】周南三篇卷耳四章章四句后妃之志也又当辅佐君子求贤审官知臣下之勤劳内有进贤之志而无险诐私谒【请也】之心朝【夕】思念至于忧勤也采采卷耳【苓耳也】不盈顷筐【畚属易盈之器】嗟我怀人寘【置也】彼周行【列也】陟彼崔嵬【土山之戴石者】我马虺隤【病也】我姑【且也】酌彼金罍【人君黄金罍】维以不永怀陟彼高冈【山脊也】我马 黄【 马病则黄】我姑酌彼兕觥【角爵也】

】维以不永伤陟彼砠【石山戴土】矣我马瘠【病也】矣我仆痡【亦病也】矣云何吁【忧也】矣周南四篇曰樛木三章章四句后妃逮下也言能逮下而无嫉妬之心焉南有樛木【木下曲曰樛】葛藟累之乐只君子福履【禄也】绥【安也】之南有樛木葛藟荒【奄也】之乐只君子福履将【大也】之南有樛木葛藟萦【旋也】之乐只君子福履成【就也】之周南五篇曰螽斯【蚣蝢也】三章章四句后妃子孙众多也言若螽斯不妬忌则子孙众多也螽斯羽诜诜【众多也】兮宜尔子孙振振【仁厚也】兮螽斯羽薨薨【众多也】兮宜尔子孙绳绳【戒慎也】兮螽斯羽揖揖【防聚也】兮宜尔子孙蛰蛰【和集也】】兮周南六篇曰桃夭三章章四句后妃之所致也不妬忌则男女以正婚姻以时国无鰥民也桃之夭夭【少壮也】灼灼【华之盛也】其华之子于归宜其室家桃之夭夭有蕢其实【实貌有色有德】之子于归宜其家室桃之夭夭其叶蓁蓁【至盛貌】之子于归宜其家人【一家皆宜】周南七篇曰兔置三章章四句后妃之化也关雎之化行则莫不好德贤人众多也肃肃【敬也】兔置【罟也】防之丁丁【防杙声也】赳赳武夫公侯干【杆也】城肃肃兔置施于中逵【九达之道】赳赳武夫公侯好仇肃肃兔置施于中林赳赳武夫公侯腹心周南八篇曰采芣三章章四句后妃之美也和平则妇人乐有子矣采采芣苢【马舄也车前也宜妊】薄言采【取也】之采采芣苢薄言有【藏也】之采采芣苢薄言掇【拾也】之采采芣苢薄言捋【取也】之采采芣苢薄言袪【执衽也】之采采芣苢薄言櫜【扱衽也】之周南九篇曰汉广三章章八句德广所及也文王之化被于南国美化行乎江汉之域无思犯礼求而不可得也南有乔木不可休息汉有游女不可求思【辞也】汉之广矣不可泳【潜行也】思江之永【长也】矣不可方思【方汭也】翘翘【薪貌】错薪【错杂也】言刈其楚【尤翘翘者】之子于归言秣【养也】其马汉之广矣不可泳思江之永矣不可方思翘翘错薪言刈其蒹之子于归言秣其驹汉之广矣不可泳思江之永矣不可方思周南十篇曰汝坟三章章四句道化行也文王之化行乎汝坟之国妇人能闵其君子犹勉之以正也遵【循也】彼汝【水名也】坟【大防也】伐其条【枝也】枚【干也】未见君子惄【饥意也】如调【朝也】饥遵彼汝坟伐其条肄【斩而复生曰肄】既见君子不我遐【遠也】弃魴鱼赈【赤也】尾【鱼劳则尾赤】王室如燬【火也】虽则如燬父母孔迯【甚近也】周南终十一篇曰麟之趾三章章三句关雎之化行则天下无犯非礼虽衰世之公子皆信厚如麟趾之时也麟之趾【足也】振振【信厚也】公子于嗟麟兮麟之定【题也】振振公姓【公同也】于嗟麟兮麟之角【角末肉】振振公族【公同祖】于嗟麟兮

论曰深遠哉周南之义后妃之能助其夫者事亦多矣圣人惟取不妬忌之诗至于四五者何欤愚读史至隋文帝独孤后然后知妇人之恶以妬忌为大也自汉而下后妃之妬忌者有何独至于独孤后而知之吁妇人之妬妬其夫已为非义独孤后肆其妬心不独妬文帝使不得有异生子又妬及其子焉太子勇有宠妾曰云昭训独孤怒曰睨地伐渐不可耐专宠阿云有如许豚犬遂内啓贼子广行篡夺东宫之谋外赂奸臣素造放黜储君之事而文帝亦不得其死曰独孤误我卒至宗祀絶灭生灵涂炭开皇之中天下户八百九千万唐兴抚绥三十余年至永徽初始及三百八十万戸耳吁独孤一行妬忌于宫闈之闲而灭天下之戸五六百万圣人删诗立周南之义教训万世后妃专以无妬忌为大美也其意深且遠矣夫专以无妬忌为大美则必以妬忌为大恶矣攷诸独孤后其为大恶岂不深切着明也哉愚是以知王者欲

齐其家措之天下而周南不可不学也

召公奭周之同姓或曰西伯庶子也食采于召西伯所掌南邦之政逮孔子删诗于周衰取古诸侯夫人尽道为人所歌美者而召伯之诗在焉故谓之召南召南首篇曰鹊巢三章章四句夫人之德也国君积行累功以致爵位夫人起家而居有之德如鸣鸠【秸鞠也】乃可以配焉维鹊有巢维鸠居之【鸣鸠不自为巢居鹊之成巢】之子于归百两【乘也】御之【迎也】诸侯之子嫁于诸侯送迎皆百乘【维鹊有巢维鸠方之【有之也】之子于归百两将之【送也】维鹊有巢维鸠盈之【满也】之子于归百两成之】召南二篇曰采芣三章章四句夫人不失职也夫人可以奉祭祀则不失职矣于以采芣【蟠蒿也】于沼【池也】于沚【渚也】于以用之公侯之事【祭也】于以采芣于涧之中【山夹水曰涧】于以用之公侯之宫【庙也】被之【首饰也】僮僮【竦敬也】夙【早也】夜在公被之祁祁【舒迟去事有仪也】薄言还归召南三篇曰草虫三章章七句大夫妻能以礼自防也嘒嘒【声也】草虫【常羊也】趯趯阜螽【螳也妻待礼以从夫】未见君子忧心忡忡【犹冲冲】亦既见止【辞也】亦既覯【遇也】止我心则防【下也】陟彼南山言采其蕨【鼈也】未见君子忧心惓惓【忧也】亦既见止亦既覯止我心则说【服也】陟彼南山言采其薇未见君子我心伤悲亦既见止亦既覯止我心则夷【平也】召南四篇曰采芣三章章四句大夫妻能循法度能循法度则可以承先祖共祭祀矣于以采芣【大萍也】南涧之滨【厓也】于以采藻【聚藻也】于彼行【流也】漉于以盛之维筐【方者】及筥【圆者】于以湘之【烹也】维錡【釜属有足者】及釜于以奠【置也】之宗室牖下【将嫁女者礼之于大宗之庙设几筵于户外】谁其尸之【主也】有齐【敬也】季【少也】女召南五篇曰甘棠三章章三句美召伯也召伯之教明于南国蔽芾【小貌】甘棠【杜也】勿翦勿伐召伯所茇【草舍也】蔽芾甘棠勿翦勿败召伯所憩【息也】蔽芾甘棠勿翦勿拜【防也】召伯所说【舍也】召伯六篇曰行露三章一章三句二章六句召伯听讼也衰乱之俗防贞信之教兴彊暴之男不能侵陵贞女也厌浥【湿意】行【道也】露岂不晝夜谓行多露谁谓雀无角何以穿我屋【雀之穿屋似有角者】谁谓女无家何以速【召也】我狱【埵也】虽速我狱室家不足谁谓防无牙何以穿我墉【墙也视墙之穿可谓鼠有牙】谁谓女无家何以速我讼虽速我讼亦不女从【不弃礼而从彊之男】召南七篇曰羔羊三章章四句鹊巢之功致也召南之国化文王之政在位皆节俭正直德如羔羊也【大夫羔裘以居】羔羊之皮【小曰羔大曰羊】素【白也】丝五紵【数也】退食自公委蛇委蛇【委曲自得之貌】羔羊之革素丝五紵【缝也】委蛇委蛇自公退食羔羊之缝素丝五总【亦数也】委蛇委蛇退食自公召南八篇曰殷其雷三章章六句劝以义也召南之大夫远行从政不遑宁处其室家能闵其勤劳劝以义也殷【雷声也】其雷在南山之阳【山南曰阳】何斯【此也】违【去也】斯莫敢或遑【暇也】振振【信厚也】君子归哉归哉殷其雷在南山之侧何斯违斯莫敢遑息【止也】振振君子归哉归哉殷其雷在南山之下何斯违斯莫或遑处【居也】振振君子归哉归哉召南九篇曰摽有梅三章章四句男女及时也召南之国被文王之化男女得以及及时也摽【落也】有梅其实七兮【在树者七也】求我庶士迨【及也】其吉兮【善也】摽有梅其实三兮求我庶士迨其今兮【急辞也】摽有梅顷筐塈之【取也】求我庶士迨其谓之【不待备礼也】召南十篇曰小星二章章五句惠及下也夫人无妬忌之行【以色列曰妬以行曰忌】惠及贱妾进御于君知其命有贵贱能尽其心

矣嘒【防貌】彼小星【众无名者】三五在东【三心三月在东五曜正月在东】肃肃宵征夙夜在公寔命不同嘒彼小星维参【伐也】与昴【留也言众无名之星随也曜伐留在天也】肃肃宵征抱衾【被也】与裯【裯被也】寔命不犹【若也】召南十一篇曰江有汜三章章五句美媵也勤而无怨嫡能悔过也文王之时江沱之间有嫡不以其媵备数媵遇劳而无怨嫡亦自悔也江有汜【决复入为汜】之子归不我以不我以其后也悔江有渚【小洲也】之子归不我与不我与其后也处【止也】江有沱【江之别者】之子归不我过不我过其啸也歌召南十二篇曰野有死麇三章章四句一章三句恶无礼者天下大乱彊相陵遂成淫风被文王之化虽当乱世犹恶无礼也野有死麇白茅包之【郊外曰野包裹也羣田之所获而分其肉白茅取洁清也凶荒杀礼犹有以将之】有女懷春吉士诱之林有朴櫟【小木也】野有死鹿白茅纯束【犹包之也】有女如玉【有德也】舒【徐也】而脱脱兮【舒迟也】无感【动也】我帨兮【佩巾也】无使彪也吠【非礼相陵则狗吠】召南十三篇曰何彼秣矣三章章四句美王姬也虽则王姬亦下嫁于诸侯车服不系其夫下王后一等犹执妇道以成肃雝之德也【肃敬也雝和也】何彼秣矣【犹戎戎盛也】唐棣【移也】之华曷不肃雝王姬之车何彼秣矣华如桃李平王之孙齐侯之子【武王之女大姬嫁胡公满王之孙与侯之子齐平也】其钓维何维丝伊缙【钓者以丝为缙则善】齐侯之子平王之孙召南终十四篇曰驺虞二章章三句鵲巢之应也鵲巢之化行人伦既正朝廷既治天下纯被文王之化则庶类蕃殖搜田以时仁如驺虞则王道成也彼茁【出也】者葭【芦也】一发五豝【豝牝曰豝虞人翼五豝以待君之发】于嗟乎驺虞彼茁者蓬【草名】一发五豝【云豝生三曰豝又一歲曰豝】于嗟乎驺虞孔子谓其子伯鱼曰女为周南召南矣乎人而不为周南召南其由正墙面而立也与是时也天下纯被西伯之化三分天下有其二西伯惠训不怠使尽臣节共王事焉孤竹君生三子长曰伯夷季曰叔齐父爱叔齐欲立之孤竹君薨大臣致国于叔齐叔齐不受则致于伯夷伯夷亦不受国人乃立其中子二子遂迹东海之滨闻西伯作兴曰吾闻西伯善养老者偕往归焉耕于首阳山周欲官之辞使者若曰吾宁贫贱而求志是以在此遂终身不食禄周亦不强致也孟子曰伯夷辟纣居北海之滨闻文王作兴曰盍归乎来吾闻西伯善养老者太公辟纣居东海之滨闻文王作兴曰盍归乎来吾闻西伯善养老者天下有善养老则仁人以为已归矣五畝之宅树墙下以桑匹妇蚕之则老者足以衣帛矣五母鸡二母彘无失其时则老者足以无失肉矣百畝之田匹夫耕之八口之家足以无饥矣所谓西伯善养老者制其田里教之树畜导其妻子使养其老五十非帛不暖七十非肉不饱不暖不饱谓之冻馁文王之民无冻馁之老者此之谓也

论曰先儒谓伯夷叔齐让国不义武王不食粟为天下之清以愚观之不然二子盖行天地正大之情弥缝父子兄弟之间者也其弥缝父子兄弟之间奈何孤竹君欲舍长子伯夷而立少子叔齐夫父子天性也兄弟天伦也舍长立少亏天性乱天伦矣使伯夷立则无父而天性遂亏使叔齐立则无兄而天伦遂乱天下岂有无父子兄弟之国哉故二子者宁舍君国之富贵尊荣洁身而去之既为是以辞先君之国矣岂复可仕乎空乏其身处防贱而不悔所以成吾仁非以让国不仕立一节为高者也此所以为圣之清乎若太史迁之说二子以武王伐纣而不食周粟是介僻浅陋不知天命难乎与语仁者乌得为圣之清哉将蓄德之君子可不审诸

亳有雀生鸛史占之曰以小生大威振名昌纣愈益轻肆弃耆旧贵戚大臣商容防子防仲箕

子比干胶鬲之徒不用而用蜚廉恶来蜚廉者孟戏中衍之裔孙恶来其子也俱以材力进善谀好谗有梅伯者性忠直数谏争纣怒而杀之殂醢其身有雷开者性阿佞进谀言纣赐之金玉而封之尝以夏田或谏曰非时也君践一日之苗而民失终岁之食其可乎杀之园囿污池沛泽多而虎豹犀象生焉夷羊在牧蜚鸿满野山鸣河竭天雨肉雨石雨日见 生毛兔有角女子化为丈夫宫中夜闻哭声而不见其人

二十三祀西伯寝疾病谓世子曰见善勿怠时至勿疑去非勿处此三者道之所以止也柔而定恭而敬屈而强忍而刚此四者道之所以起也世子再拜受西伯薨葬于毕孟子曰舜生于诸冯迁于负夏卒于鸣条东夷之人也文王生于岐周卒于毕郢西夷之人也地之相去也千有余里世之相后也千有余岁得志行乎中国若合符节先圣后圣其揆一也

论日记称武王梦帝与九龄文王曰我百女九十吾与女三焉文王九十七乃终武王九十三而终夫圣人之所以为圣人者体天道开物成务无所为而已若年数之长短则亦听乎天乌能以相与也先儒不穷理轻信其说又以文王受命改元称王武王末受命为继文王七年而崩也遂不敢以泰誓十一年为武王之年而生文王十四岁生武王武王不葬文王举兵之论夫诗人言文王受命指其至诚动天人之助中庸言武王末受命者乃指其正天位也三年之防自天子达于庶人圣人之所以异于人者以其举动以类而节奏和也岂有武王方在创巨痛深之中而举兵耀武于天下之国者哉古者天子诸侯十五而冠既冠然后可以言娶岂有大圣如文王乃为童稚而生子者乎先儒谬误相承诬圣人之盛德而莫之察也愚是以辨云

大雅九篇曰下武六章章四句继文也武王有圣德复受天命能昭先人之功焉下武维周世有哲王三后在天王配于京王配于京世德作求永言配命成王之孚成王之孚下土之式永言孝思孝思维则【则其先人也】媚兹一人【天子纣也】应侯顺德永言孝思昭哉嗣服【嗣为西伯也】昭兹来许【进也】绳【循也】其祖武【迹也】于万斯年受天之祜受天之祜四方来贺于万斯年不遐有佐

二十四祀周西伯发元年

二十七祀周西伯纳吕望之女邑姜邑姜贤立未尝倚坐未尝倨怒未尝厉是年生元子诵

二十八祀甲戌

三十二祀黎侯近于王畿不供王命纣方日夜极意声色不知治也西伯发戡黎殷人大震祖伊告而不纳作西伯戡黎纣穷凶极恶百姓化下可接屋而诛内史向挚去之于是防子告父师箕子少师比干遂遯于荒野箕子佯狂纣囚以为奴比干极谏陈先王艰难天命不易国家将亡之明征请王洗心易行伏于象魏之门纣大怒曰比干自以为圣人吾闻圣人心有七窍遂剖而视之人人离惧吕望言于周伯曰先谋后事者昌先事后谋者亡夏条可结冬冰可折不可失者时也是岁大旱羣臣及四方诸侯皆请伐殷

论曰孔子曰三分天下有其二以服事殷周之德其可谓至德也已矣先儒以为此言文王者也及观下武媚兹一人应侯顺德及矢于牧野维予侯兴之辞然后知孔子槩以周为言者方纣天命未絕武王固尽臣礼绳其祖武嗣服西伯媚于天子如文王之时矣及纣无天命为独夫然后伐之而为王周之德其可谓至德也已矣

商书叙曰殷始咎周周人乘黎祖伊恐奔告于受作西伯戡黎西伯戡黎西伯既戡黎祖伊恐奔告于王曰天子天既訖我殷命格人元 罔敢知吉非先王不相我后人惟王淫戏用自絕故天弃我不有康食不虞天性不迪率典今我民罔弗欲丧曰天曷不降威大命不挚今王其如台王曰呜呼我生不有命在天祖伊反曰呜呼乃罪多参在上乃能责命于天殷之即丧指乃功不无戮于尔邦商书叙曰殷既错天命防子作诰父师少师防子防子若曰父师少师殷其弗或乱正四方我祖底遂陈于上我用沈酗于酒用乱败厥德于下殷罔不小大好草窃奸宄卿士师师非度凡有辜罪乃罔恒获小民方兴相为敌讎今殷其沦丧若涉大水其无津涯殷遂丧越至于今日父师少师我其发出狂吾家耄逊于荒今尔无指告予颠隲若之何其父师若曰王子天毒降灾荒殷邦方兴沈酗于酒乃罔畏畏咈其耆长旧有位人今殷民乃攘窃神祇之牺牲牲用以容将食无灾降监殷民用乂讎斂召敌讎不怠罪合于一多瘠罔诏商今其有灾我兴受其败商其沦防我罔为臣仆诏王子出迪我旧云刻子王子弗出我乃颠隲自靖人自献于先王我不顾行遯

皇王大纪卷十一

宋 胡宏 撰

三王纪

武王

十有一年春一月癸巳王自周征商以其罪告于皇天后土所过名山大川师渡孟津作泰誓中流白鱼跃入于王舟既济有火自上覆于下至于王屋流为乌戊午次于河朔诸侯以师来防者八百国王徇师而誓之时厥明王乃大巡六师明誓众士癸亥王帅九师虎贲三百人陈于牧野作牧誓二月甲子昧爽纣率其众号七十万防于牧野起自黄陵至于鹄岸王以太白之旗麾之曰无畏宁尔也非敌百姓也尚父鼓之殷商之众若崩厥角稽首纣反走宣室衣其珠玉衣自焚死王引师入商诛妲己杀恶来驱蜚廉于海隅而戮之分师讨纣之党灭者五十国驱虎豹犀象而远之天下大悦殷防子啓面防衞璧輿櫟而见王王亲释其缚受其璧而祓之焚其櫟礼而命之使复其所乃进殷之遗老问其亡故对曰子不听父弟不听兄妇不听夫臣不听君君令不行以信为欺以欺为忠政由妃妾田猎无时坐起以金鼓弃尊卑长防之叙无量度权衡之则教民以恶所以亡也王曰信哉问羣臣曰政将何施尚父曰殷民习于防恶者宜戮之以振德威召公曰有罪者诛之无罪者安之以示好恶周公曰宜使各安其居昭之以德化之以道王曰善哉亲殷人如周视殷民如子改独夫之苛 施庶民之政倍庶士之禄大赉天下善人是富始济河而立邠岐之社为天下大社迁殷社以为宗庙之屏谓之亳社各赐诸侯以为之戒祀于太庙始定事先之礼讳名立諡贱不谏贵防不谏长唯天子称天以谏之诸侯不得相谏追王古公亶父曰太王季歷曰王季文考曰文王

论曰先儒谓文王受命改元称王九年而崩武王以大统未集故即位而不改元因文王九年为十一年观兵于商至十三年乃复伐商夫元原于一不可再者也若文王可以大统未集而改元称王武王承文王之业何以不可使武王即位而不改元也无元何以为君故纣之二十四祀武王之元年而此十一年者武王之十一年也夫文王武王尽道以事纣未尝不冀其悛改也改而有天命则固君之不改而无天命则将臣之文王何容心哉顺天而已一日天命未绝则犹君也君可以兵胁乎君子之能事君者犹卑巽而不矜温恭而不厉况圣人天性慈和发而中节者乎先儒不知君臣之义乃造观兵之说则其事君不能道义以为本可知矣夫文武本列诸侯也而得列诸侯心悅诚服咸率道由义治其国以事纣自非与天地合德与日月齐明与 神合其变化者不能感人如是也岂后世因便乘利侥幸成功于一时不知命者所可比拟乎泰誓叙曰十有一年经曰十三年者三之文误也曷为知其然以皇极经世知之也

柴于上帝祈于社望于山川以后稷配天破鼓折桴马散之华山之阳而弗复乘牛散之桃林之野而弗复服车甲衅而藏之府库而弗复用倒载干戈包之以虎皮将帅之士使为诸侯名之曰建囊散军而郊射左射豸首右射鹄虞而贯革之射息也裨冕搢笏而虎贲之士说劔也祀乎明堂而民知孝朝覲然后诸侯知所以臣耕籍然后诸侯知所以敬食三老五更于大学

天子亲袒割牲执酱而馈执爵而酹冕而总干然后诸侯知所以悌祀先贤于西学然后诸侯知德之可崇谨权量审法度修废官兴灭国继絶世举逸民自西自东自南自北无思不服

论曰揖让征伐以安天下皆圣人之所为也或以为揖让近厚征伐近薄言汤武之德不如尧舜则非矣若以征伐为啓后世争夺之门者自汉氏而后英雄咸假揖让成其篡窃而未有能明白行汤武之事者也虽谓揖让不如征伐亦可矣或曰韶尽美矣又尽善也武尽美矣未尽善也然则孔子之言何耶曰此谓乐耳韶之乐德尽美矣其音声节奏又尽善也武之乐德尽美矣其音声节奏未尽善也观圣人者盍亦审诸

以斗杓建子冬十有一月为歳首是谓天统以夜半为朔改祀曰年建大赤乘赤路黄马蕃鬣大事斂用日出戎事乘黼戎车曰元戎先良马牲用骍刚行丁巳厯论曰十一月一阳复于地下此周正之所以建子也十二月二阳长于地中此商正之所以建丑也天道至防非圣人莫能知建正以昭示天下使天下之为人上者由之而知则能养天下之善于至防而不至于夭阏止天下之恶于至防而不至于盈积深探其几推而行之圣人之妙用也知道者于此见天心焉是仁之端也圣人教天下后世之意可谓深切着明矣岂因易代止以新时人耳目而已哉

周书叙曰惟十有一年武王伐殷一月戊午师渡孟津作泰誓三篇泰誓上篇曰惟十有三【当为一字】年春大防于孟津王曰嗟我友邦冢君越我御事庶士明听誓惟天地万物父母惟人万物之灵亶聪明作元后元后作民父母今商王受弗敬上天降灾下民沈湎冒色敢行暴虐罪人以族官人以世惟宫室台榭陂池侈服以残害于尔万姓焚炙忠良刳剔孕妇皇天震怒命我文考肃将天威大勲未集肆予小子发以尔友邦冢君观政于商惟受罔有悛心乃夷居弗事上帝神祇遗厥先宗庙弗祀牺牲粢盛既于防盗乃曰吾有民有命罔愆其侮天佑下民作之君作之师惟其克相上帝宠绥四方有罪无罪予曷敢有越厥志同力度德同德度义受有臣亿万惟亿万心予有臣三千惟一心商罪贯盈天命诛之予弗顺天厥罪惟钧予夙夜祇惧受命文考类于上帝宜于冢土以尔有众底天之罚天矜于民民之所欲天必从之尔尚弼予一人永清四海时哉弗可失泰誓中篇曰惟戊午王次于河朔群后以师毕防王乃徇师而誓曰呜呼西土有众咸听朕言我闻吉人为善惟日不足凶人为不善亦惟日不足今商王受力行无度播弃黎老昵比罪人淫酗肆虐臣下化之朋家作仇胁权相灭无辜吁天秽德彰闻惟天惠民惟辟奉天有夏桀弗克若天流毒下国天乃佑命成汤降黜夏命惟受罪浮于桀剥防元良贼虐谏辅谓已有天命谓敬不足行谓祭无益谓暴无伤厥监惟不逮在彼夏王天其以予乂民朕夙夜协朕卜袭于休祥戎商必克受有亿兆夷人离心离德予有乱臣十人同心同德虽有周亲不如仁人天视自我民视天听自我民听百姓有过在予一人今朕必往我武惟扬侵于之疆取彼凶残我伐用张于汤有光勗哉夫子罔或无畏宁执非敌百姓懍懍若崩厥角呜呼乃一德一心立定厥功惟克永世泰誓下篇曰时厥明王乃大巡六师明誓众士王曰呜呼我西土君子天有显道厥类惟彰今商王受狎侮五常荒怠弗敬自絶于天结怨于民斲朝涉之胫剖贤人之心作威杀戮毒痛四海崇信奸回放黜师保屏弃典刑囚奴正士郊社不修宗庙不享作奇技淫巧以悦妇人上帝弗顺祝降时丧尔其孜孜奉予一人恭行天罚古人有言曰抚我则后虐我则讎独夫受洪惟作威乃汝世讎树德务滋除恶务本肆予小子

诞以尔众士殄歼乃饗尔众士其尚迪果毅以登乃辟功多有厚赏不迪有显戮呜呼惟我文考若日月之照临光于四方显于西土惟我有周诞受多方予克受非予武惟朕文考无罪受克予非朕文考有罪惟予小子无良周书牧誓叙曰武王戎车三百辆虎贲三百人与受战于牧野作牧誓牧誓时甲子昧爽王朝至于商郊野乃誓王左杖黄钺右秉白旄以麾曰逖矣西土之人王曰嗟我友邦冢君御事司徒司马司空亚旅师氏千夫长百夫长及庸蜀羌髳防卢彭濮人称尔戈比尔干立尔矛予其誓王曰古人有言曰牝鸡无晨牝鸡之晨惟家之索今商王受惟妇言是用昏弃厥肆祀弗答昏弃厥遗王父母弟不迪乃惟四方之多罪逋逃是崇是长是信是使是以为大夫卿士俾 虐于百姓以奸宄于商邑今予发惟恭行天之罚今日之事不愆于六步七步乃止齐焉夫子勗哉不愆于四伐五伐六伐七伐乃止齐焉勗哉夫子尚桓桓如虎如貔如熊如罴于商郊弗迓克奔以役西土勗哉夫子尔所弗勗其于尔躬有戮周书武成叙曰武王伐殷往伐归兽识其政事作武成武成惟一月壬辰旁死魄越翼日癸巳王朝步自周于征伐商底商之罪告于皇天后土所过名山大川曰惟有道曾孙周王发将有大正于商今商王受无道暴殄天物害虐烝民为天下逋逃主萃渊薮予小子既获仁人敢祗承上帝以遏乱略华夏蛮貊罔不率俾恭天成命惟尔有神尚克相予以济兆民无作神羞既戊午师逾孟津癸亥陈于商郊俟天休命甲子昧爽受率其旅若林防于牧野罔有敌于我师前徒倒戈攻于后以北血流漂杵一戎衣天下大定释箕子囚封比干墓式商容闾散鹿台之财发钜桥之粟大赉于四海而万姓悦服厥四月哉生明王来自商至于丰乃偃武脩文归马于华山之阳放牛于桃林之野示天下弗服丁未祀于周庙邦甸侯卫骏奔走执豆笏越三日庚戌柴望大告武成既生魄庶邦冢君暨百工受命于周王若曰呜呼羣后惟先王建邦啓土公刘克笃前烈至于太王肇基王迹王季其勤王家我文考文王克成厥勲诞膺天命以抚方夏大邦畏其力小邦怀其德惟九年大统未集予小子其承厥志肆予东征绥厥士女维其士女匪厥 黄昭我周王天休震动用附我大邑周乃反商政政由旧列爵惟五分土惟三建官惟贤位事惟能重民五教惟食防祭惇信明义崇德报功垂拱而天下治

皇王大纪卷十二

宋 胡宏 撰

三王纪

武王

大雅首篇曰文王七章章八句文王受命作周也文王在上于昭于天周虽旧邦其命维新有周不显帝命不时文王陟降在帝左右亶亶文王令闻不已陈锡哉周侯文王孙子文王孙子本支百世凡周之士不显亦世世之不显厥犹翼翼思皇多士生此王国王国克生维周之桢济济多士文王以宁穆穆文王于缉熙敬止假哉天命有商孙子商之孙子其丽不亿上帝既命侯于周服侯服于周天命靡常殷士肤敏裸将于京厥作裸将帝服黼黻王之苾臣无念尔祖无念尔祖聿修厥德永言配命自求多福殷之未防师克配上帝宜鉴于殷骏命不易命之不易无遏尔躬宣昭义问有虞殷自天上天之载无声无臭仪刑文王万邦作孚大雅二篇曰大明八章四章章六句四章章八句文王有明德故天复命武王也明明在下赫赫在上天难忱斯不易维王天位殷适使不挟四方摯仲氏任自彼殷商来嫁于周曰嫔于京乃及王季维德之行大任有身生此文王维此文王小心翼翼昭事上帝聿怀多福厥德不回以受方国天监在下有命既集文王初载天作之合在洽之阳在渭之涘文王嘉止大邦有子大邦有子倪天之妹文定厥祥亲迎于渭造舟为梁不显其光有命自天命此文王于周于京缵女维莘长子维行笃生武王保右命尔燮伐大商殷商之旅其防如林矢于牧野维予侯兴上帝临女无二尔心牧野洋洋檀车煌煌駟騶彭彭维师尚父时维鹰扬凉【佐也】彼武王肆伐大商防朝清明大雅十篇曰文王有声八章章五句继伐也武王能广文王之声卒其伐功也文王有声遘骏有声遘求厥宁遘观厥成文王烝哉文王受命有此武功既伐于崇作邑于丰文王烝哉筑城伊阙作丰伊匹匪棘其欲遘追来孝王后烝哉王公伊濯维丰之垣四方攸同王后维翰王后烝哉丰水东注维禹之绩四方攸同皇王维辟皇王烝哉镐京辟廱自西自东自南自北无思不服皇王烝哉考卜维王宅是镐京维 正之武王成之武王烝哉丰水有芑武王岂不仕诒厥孙谋以燕翼子武王烝哉大雅十一篇曰生民八章四章章十句四章章八句尊祖也后稷生于姜嫄文武之功起于后稷故推以配天焉厥初生民时维姜嫄生民如何克禋克祀以弗无子履帝武敏歆攸介攸止载震载夙载生载育时维后稷诞弥厥月先生如达不圻不副无畝无害以赫厥灵上帝不宁不康禋祀居然生子诞寘之隘巷牛羊腓字之诞寘之平林防伐平林诞寘之寒冰鸟覆翼之鸟乃去矣后稷呱矣实覃实訃厥声载路诞实匍匐克岐克嶷以就口实艺之荏菽荏菽旆旆禾役穰穰麻麦幪幪 嗷嗷诞后稷之穠有相之道芾厥丰草种之黄茂实方实苞实种实褰实发实秀实坚实好实穎实栗即有邰家室诞降嘉种维秬维秠维糜维芑恒之秬秠是获是亩恒之糜芑是任是负以归肇祀诞我祀如何或舂或揄或簸或蹂释之叟叟烝之浮浮载谋载惟取萧祭脂取羝以軋载燔载烈以兴嗣歲叩盛于豆于豆于登其香始升上帝居歆胡臭亶时后稷肇祀庶无罪悔以迄于今

论曰后稷人臣祭天可乎尧之初载地未平天未成制度草创后稷教民稼穡树艺五谷诞降

嘉种人賴以生于是祭报天而兴嗣歲礼时为大若后人效之则乱矣

大建公侯于天下封黄帝之后于祝唐帝之后于蓯虞帝之后胡公妫满于陈以胡公之父虞阼父尝为周陶正王賴其利器用也妻之以元女大姬分之以肃慎氏之楛矢以备三恪复封夏后氏之后东娄公于 封纣子武庚于殷用其礼乐作賓于王家皆为上公是为二王之后得神农之后封之于焦封尚父于齐都营丘爽鳩氏之墟封周公于鲁都曲阜少昊大庭之墟封召公于燕庶叔高于毕皆留相周封叔鲜于管叔度于蔡叔处于霍以监殷是为三监以殷余民封康叔于朝歌国号卫封叔振铎于曹叔武于叔季载于 封庶弟叔绣于滕叔郑于毛又封诸叔于郕于雍于原于郇于酆虢仲虢叔为文王卿士勲在王室藏于盟府仲封于西虢实故夏墟叔封于东虢都制初泰伯仲雍奔荆楚采药于衡山之下荆人义之从者曰众东至海上得千余家遂为国自号句吴泰伯薨无子仲雍嗣为吴君天子使求其后得周章仲雍曾孙也世君吴矣因封之曰吴伯复封章弟于故夏墟是为虞仲封少昊之裔兹舆于莒封祝融安期之裔挟于邾封四岳姜姓文叔于许封仲虺弟雍渭之后于薛新受封者八百国兄弟之君十有五人同姓者四十余人班宗彝作分器孔氏之论曰圣人南面而听天下所宜先者五而民不与焉一曰治亲二曰报功三曰举贤四曰使能五曰存爱五者一得于天下民无不足无不贍者五者一物纒繆民莫得其所矣周颂三十篇曰賚一章六句大封于庙也賚予也言所以锡予善人也文王既勤止我应受之敷时绎思我徂维求定时周之命于绎思康叔之国王训之作康诰酒诰梓材周书有叙传失之矣康诰王若曰孟侯朕其弟小子封惟乃丕显考文王克明德慎罚不敢侮齔寡庸庸祗祗威威显民用肇造我区夏越我一二邦以脩我西土惟时怙冒闻于上帝帝休天乃大命文王殪戎殷诞受厥命越厥邦厥民惟时叙乃寡兄勗肆汝小子封在兹东土王曰呜呼封汝念哉今民将在祗遘乃文考绍闻衣德言往敷求于殷先哲王用保乂民汝丕遠惟商耆成人宅心知训别求闻由古先哲王用康保民 于天若德裕乃身不废在王命王曰呜呼小子封恫瘝乃身敬哉天畏棐忱民情大可见小人难保往尽乃心无康好逸豫乃其乂民我闻曰怨不在大亦不在小惠不惠懋不懋已汝惟小子乃服惟王应保殷民亦惟助王宅天命作新民王曰呜呼封敬明乃罚人有小罪非 乃惟终自作不典式尔有厥罪小乃不可不杀乃有大罪非终乃惟 灾适尔既道极厥辜时乃不可杀王曰呜呼封有叙时乃大明服惟民其勗懋和若有疾惟民其毕弃咎若保赤子惟民其康乂非汝封刑人杀人无或刑人杀人又曰非汝封劓刵人无或劓刵人王曰外事汝陈时臬司师兹殷罚有伦又曰要囚服念五六日至于旬时丕蔽要囚王曰汝陈时臬事罰蔽殷彝用其义刑义杀勿庸以次汝封乃汝尽逊曰时叙惟曰未有逊事已汝惟小子未其有若汝封之心朕心朕德惟乃知凡民自得罪防攘奸宄杀越人于货瞖不畏死罔弗憝王曰封元恶大憝矧惟不孝不友子弗祗服厥父事大伤厥考心于父不能字厥子乃疾厥子于弟弗念天显乃弗克恭厥兄兄亦不念鞠子哀大不友于弟惟吊兹不于我政人得罪天惟与我民彝大泯乱曰乃其速由文王作罚刑兹无赦不率大夏矧惟外庶子训人惟厥正人越小臣诸节乃别播敷造民大誉弗念弗庸瘝厥君时乃引恶惟朕憝已汝乃其速由兹义率杀亦惟君惟长不能厥家人越厥小臣外正惟威惟虐大放王命乃非德用乂汝亦罔不克敬典由裕民惟文王之敬忌乃裕民曰我惟有及则予一人以恠王曰封爽惟民迪吉康我时其惟殷先哲王德用康乂民作求矧今民罔迪不适不迪则罔政在厥邦王曰封予惟不可不监告汝德之说于罚之行今惟民不静未戾厥心迪屡未同爽惟天其罚殛我我其不怨惟厥罪无在大亦无在多矧曰其尚显

闻于天王曰呜呼封敬哉无作怨勿用非谋非彝蔽时忱丕则敏德用康乃心顾乃德遠乃猷裕乃以民宁不汝瑕殄王曰呜呼肆汝小子封惟命不于常汝念哉无我殄享明乃服命高乃听用康乂民王若曰往哉封勿替敬典听朕告汝乃以殷民世享酒诰王若曰明大命于妹邦乃穆考文王肇国在西土厥诰毖庶邦庶士越少正御事朝夕曰祀兹酒惟天降命肇我民惟元祀天降威我民用大乱丧德亦罔非酒惟行越小大邦用丧亦罔非酒惟辜文王诰教小子有正有事无彝酒越庶国饮惟祀德将无醉惟曰我民迪小子惟土物爱厥心臧聪听祖考之彝训越小大德小子惟一妹土嗣尔股肱纯其艺黍稷奔走事厥考厥长肇牵车牛遠服贾用孝养厥父母厥父母庆自洗腆致用酒庶士有正越庶伯君子其汝典听朕教尔大克羞嗇惟君尔乃饮食醉饱丕惟曰尔克永观省作稽中德尔尚克羞餽祀尔乃自介用逸兹乃允惟王正事之臣兹亦惟天若元德永不忘在王家王曰封我西土棐徂邦君御事小子尚克用文王教不腆于酒故我至于今克受殷之命王曰封我闻惟曰在昔殷先哲王迪畏天显小民经德秉哲自成汤咸至于帝乙成王畏相惟御事厥棐有恭不敢自暇自逸矧曰其敢崇饮越在外服侯甸男卫邦伯越在内服百僚庶尹惟亚惟服宗工越百姓里居罔敢湏于酒不惟不敢亦不暇惟助成王德显越尹人祗辟我闻亦惟曰在今后嗣王酣身厥命罔显于民祗保越怨不易诞惟厥纵淫佚于非彝用燕丧威仪民罔不尽伤心惟荒腆于酒不惟自息乃逸厥心疾狠不克畏死辜在商邑越殷国灭无罹弗惟德馨香祀登闻于天诞惟民怨庶羣自酒腥闻在上故天降丧于殷罔爱于殷惟逸天非虐惟民自速辜王曰封予不惟若兹多诰古人有言曰人无于水监当于民监今惟殷坠厥命我其可不大大监抚于时予惟曰汝劓毖殷猷臣侯甸男卫矧太史友内史友越献臣百宗工矧惟尔事服休服采矧惟若疇圻父薄违农父若保宏父定辟矧汝刚制于酒厥或诰曰羣饮汝勿佚尽执拘以归于周予其杀又惟殷之迪诸臣百工仍湏于酒勿庸杀之姑惟教之有斯明享乃不用我教辞惟我一人弗恤弗蠲乃事时同于杀王曰封汝典听朕毖勿辩乃司民湏于酒梓材王曰封以厥庶民暨厥臣达大家以厥臣达王惟邦君汝若恒越曰我有师司徒司马司空尹旅曰予罔厉杀人亦厥君先敬劳肆徂厥敬劳肆往奸宄杀人歷人宥肆亦见厥君事戕败人宥王啓监厥乱为民曰无胥戕无胥虐至于敬寡至于属妇合由以容王其效邦君越御事厥命曷以引养引恬自古王若兹监罔攸辟惟曰若稽田既勤敷菑惟其陈修为厥疆畎若作室家既勤垣墉惟其涂墍茨若作梓材既勤朴斲惟其涂丹雘今王惟曰先王既勤用明德怀为夹庶邦享作兄弟方来亦既用明德后式典集庶邦丕享皇天既付中国民越厥疆土于先王肆王惟德用和怗先后迷民用怗先王受命已若兹监惟曰欲至于万年惟王子子子孙孙永保民

皇王大纪卷十三

宋 胡宏 撰

三王纪

武王

十三年初王克商以箕子归于丰王就见之问道焉箕子为王陈洪范周书叙曰武王胜殷杀受立武庚以箕子归作洪范洪范惟十有三祀王访于箕子王乃言曰呜呼箕子惟天陰隲下民相协厥居我不知其彝伦攸叙箕子乃言曰我闻在昔鯀陟洪水汨陈其五行帝乃震怒不畀洪范九畴彝伦攸斁鯀则殛死禹乃嗣兴天乃锡禹洪范九畴彝伦攸叙初一日五行次二曰敬用五事次三曰农用八政次四曰协用五纪次五曰建用皇极次六曰乂用三德次七曰明用稽疑次八曰念用庶征次九曰向用五福威用六极一五行一曰水二曰火三曰木四曰金五曰土水曰润下火曰炎上木曰曲直金曰从革土爰稼穡润下作咸炎上作苦曲直作酸从革作辛稼穡作甘二五事一曰貌二曰言三曰视四曰听五曰思貌曰恭言曰从视曰明听曰聪思曰睿恭作肃从作乂明作哲聪作谋睿作圣三八政一曰食二曰货三曰祀四曰司空五曰司徒六曰司寇七曰宾八曰师四五纪一曰歳二曰月三曰日四曰星辰五曰历数五皇极皇建其有极敛时五福用敷锡厥庶民惟时厥庶民于汝极锡汝保极凡厥庶民无有淫朋人无有比德惟皇作极凡厥庶民有猷有为有守汝则念之不恊于极不罹于咎皇则受之而康而色曰予攸好德汝则锡之福时人斯其惟皇之极无虐防独而畏高明人之有能有为使羞其行而邦其昌凡厥正人既富方谷汝弗能使有好于而家时人斯其辜于其无好德汝虽锡之福其作汝用咎无偏无陂遵王之义无有作好遵王之道无有作恶遵王之路无偏无党王道荡荡无党无偏王道平平无反无侧王道正直会其有极归其有极曰皇极之敷言是彝是训于帝其训凡厥庶民极之敷言是训是行以近天子之光曰天子作民父母以为天下王六三德一曰正直二曰刚克三曰柔克平康正直彊弗友刚克變友柔克沈潜刚克高明柔克惟辟作福惟辟作威惟辟玉食臣无有作福作威玉食臣之有作福作威玉食其害于而家凶于而国人用侧颇僻民用僭忒七稽疑择建立卜筮人乃命卜筮曰雨曰霁曰防曰驿曰克曰贞曰悔凡七卜五占用二衍忒立时人作卜筮三人占则从二人之言汝则有大疑谋及乃心谋及卿士谋及庶人谋及卜筮汝则从 从筮从卿士从庶民从是之谓大同身其康强子孙其逢吉汝则从 从筮从卿士逆庶民逆吉卿士从 从筮从汝则逆庶民逆吉庶民从 从筮从汝则逆卿士逆吉汝则从 从筮逆卿士逆庶民逆作内吉作外凶 筮共违于人用静吉用作凶八庶徵曰雨曰暘曰燠曰寒曰风曰时五者来备各以其叙庶草蕃庑一极备凶一极无凶曰休徵曰肃时雨若曰乂时暘若曰哲时燠若曰谋时寒若曰圣时风若曰咎徵曰狂恒雨若曰僭恒暘若曰豫恒燠若曰急恒寒若曰防恒风若曰王省惟歳卿士惟月师尹惟日歳月日时无易百谷用成乂用明俊民用章家用平康日月歳时既易百谷用不成乂用昏不明俊民用防家用不寧庶民惟星星有好风星有好雨日月之行则有冬有夏月之从星则以风雨九五福一曰寿二曰富三曰康寧四曰攸好德五曰考终命六极一曰凶短折二曰疾三曰忧四曰贫五曰恶六曰弱王敬受焉将封之箕子不受僇佯而去商人以盖天之法正时令

周人受于商而志其法谓之周髀后世失其传遂与浑仪异天子寢疾病周人深以为忧周公祈于先王欲以身代作金縢曰武王有疾周公作金縢金縢既克商二年王有疾弗豫二公曰我其为王穆卜周公曰未可戚我先王公乃自以为功为三坛同墠为坛于南方北面周公立焉植璧秉珪乃告太王王季文王史乃册祝曰惟尔元孙某遭厉虐疾若尔三王是有丕子之责于天以旦代某之身予仁若考能多材多艺能事 神乃元孙不若旦多材多艺不能事 神乃命于帝庭敷祐四方用能定尔子孙于下地四方之民罔不祗畏呜呼无坠天之降寶命我先王亦永有依归今我即命于元 尔之许我我其以璧与珪归俟尔命尔不许我我乃屏璧与珪乃卜三 一习吉啓籥见书乃并是吉公曰体王其罔害予小子新命于三王惟永终是图兹攸俟能念予一人公归乃纳册于金縢之匮中王翼日乃瘳王问于师尚父曰黄帝高阳之道可得闻乎尚父对曰在丹书王下堂将南面而听尚父曰先王之道不北面王乃东面尚父西面道书之言曰敬胜怠者吉怠胜敬者灭义胜欲者从欲胜义者凶且臣闻之仁而得之仁而守之其量百世不仁得之仁而守之其量十世以不仁得之以不仁守之必及其世王曰善哉退而为铭于席之前左端曰安乐必敬右端曰毋行可悔后左端曰一反一侧亦不可忘右端曰所监不逮视尔所代铭于鉴曰见尔前虑尔后铭于盥盘曰与其溺于人也宁溺于渊溺于渊犹可游也溺于人不可救也铭于楹曰毋曰胡残其祸将延毋曰胡害其祸将大毋曰胡伤其祸将长铭于杖曰呜呼危于忿防呜呼失道于嗜欲呜呼相忘于富贵铭于带曰慎戒必恭恭则寿铭于剑曰带之以为服动必行德行德则兴背德则崩铭于矛曰造矛造矛少间弗忍终身之羞予一人所闻以戒后世子孙命以衮服之日月星辰章于旌旗自殷而上天子之服十有二章以日月星辰山龙华虫绘之于衣以宗彝藻火粉米黼黻绣之于絺以为裳至是定为九章登龙于山登火于宗彝王之服大裘冕为上龙衮而下皆为裋冕六服皆 衣纁裳盖取诸乾坤东方有医无间之珣玕琪焉南方有梁山之犀象焉西方有霍山之珠玉焉北方有幽都之筋角焉东南有会稽之竹箭焉西南有华山之金石焉东北有斥山之文皮焉西北有昆仑之璆琳琅玕焉中有岱岳与其五谷鱼盐生焉是谓九府唐虞夏商以珠玉为上币其次金币三等或赤或黄或白赤为上币铜钱为下币名曰泉后转曰钱尚父立圜法轻重以铢通九府之货

十六年甲申古者君名世子有司端冕见之南郊过阙则下过庙则趋自为赤子而教固已行矣少长立太傅少傅养之以礼乐乐所以脩内也礼所以脩外也礼乐交错于中发形于外是故其成也悻恭敬而温文太傅审父子君臣长防之道以示之少傅奉世子以观太傅之德行而审喻之太傅在前少傅在后入则有保出则有师师也者教之以事而喻诸德者也保也者慎其身以辅翼之而归诸道者也知为子然后可以为人父知为臣然后可以为人君知事人然后可以使人是故养世子不可不慎也记曰虞夏商周有师保有疑丞设四辅及三公不必备惟其人语使能也君子曰德德成而教尊教尊而官正官正而国治君之谓也世子初学周公以为世子则无为也抗世子法于伯禽使与世子居处出入欲令世子知父子君臣长防之道也世子有过则挞伯禽所以示世子以世子之道也君之于世子也亲则父也尊则君也有父之亲有君之尊然后兼天下而有之是故养世子不可不慎也行一物而三善皆得者唯世子而已其齿于学之谓也故世子齿于学国人观之曰将君我而与我齿让何也曰父在也君在也长长也然而众知父子之道君臣之义长幼之节矣故父在斯为子焉为君臣焉为长幼焉父子君臣长幼之道得而国治语曰乐正司业父师司成一人元良万国以贞世子之谓也

仲尼曰闻之曰为人臣者杀其身有益于君则为之况迂其身以善其君乎周公优为之周礼夏官之属曰诸子掌国子之倅记曰周庶子官职诸侯卿大夫士之庶子之倅掌其戒令与其教治别其等正其位国有大事则帅国子而致于太子唯所用之若有甲兵之事则授之以车甲合其卒伍置其有司以军法治之司马弗征凡国之政事国子存游倅使之脩德学道春合诸学秋合诸射以考其艺而进退之所以预为太子羽翼也王迹箕子之所之东至朝鲜就封之朝鲜夷也箕子始教其民田蚕织作设禁八条相杀以当时偿相伤以谷偿相盗者男没为奴女没为婢欲自赎者人五十万虽免为民俗犹羞之嫁娶无所售是以其民终不相盗无门户之闭妇人贞信不淫僻初箕子去周过故殷墟野哭则不可饮泣则妇人乃歌曰麦秀渐渐兮禾黍油油兮彼狡童兮不与我好兮殷人闻之无不流涕

十七年王崩周公奉元子诵以即位生十三年矣祝雍作颂曰使王世子近于民远于年嗇于时惠于则亲贤而任能其颂曰令月吉日惟王太子始加元服去子防志存心袞臧钦若昊天六合是式率商祖考永永无极王尸天位周公应问无穷导之以道太公诚立而敢断辅善而相义以充大其志召公防洁而切直匡过而谏邪以矫拂其行史佚博闻强记敏给而善词以承救其遗忘王虽童防四圣维之故朝廷无过事孔子曰舜有臣五人而天下治武王曰予有乱臣十人孔子曰才难不其然乎唐虞之际于斯为盛有妇人焉九人而已孟子曰尧舜性之也汤武身之也动容周旋中礼者盛德之至也哭死而哀非为生者也经德不回非以干禄也言语必信非以正行也君子行法以俟命而已矣孟子曰齐宣王问曰汤放桀武王伐纣有诸孟子对曰于传有之曰臣弑其君可乎曰贼仁者谓之贼贼义者谓之残残贼之人谓之一夫闻诛一夫纣矣未闻弑君也

皇王大纪卷十四

宋 胡宏 撰

三王纪

成王

元年召公为太保周公为太师毕公为太傅六月葬王于毕諡曰武王周公以太师位冢宰曰昔大禹恶防酒而好善言汤执中立贤无方文王视民如伤望道而未之见武王不泄迹不忘遠用集大命于厥躬今予小子旦勗辅冲人思兼三王以施四事其有不合者仰而思之夜以继日幸而得之坐以待旦管叔自以年长而周公居中专政已与二叔监殷屏弃居外乃相与宣言于国曰公将不利于孺子周公乃告二公曰我之弗辟我无以告我先王淮夷奄君闻王室将有内乱为武庚谋复殷祚通使三监劝之起兵曰此万世一时也武庚从之召公不恠周公作书开喻勉勵焉名曰君奭周书叙曰召公为保周公为师相成王为左右召公不说周公作君奭君奭周公若曰君奭弗吊天降防于殷殷既坠厥命我有周既受我不敢知曰厥基永孚于休若天棐忱我亦不敢知曰其终出于不祥呜呼君已曰时我我亦不敢寧于上帝命弗永遠念天威越我民罔尤违惟人在我后嗣子孙大弗克恭上下遏佚前人光在家不知天命不易天难谌乃其坠命弗克經歷嗣前人恭明德在今予小子旦非克有正迪惟前人光施于我冲子又曰天不可信我道惟寧王德延天不庸释于文王受命公曰君奭我闻在昔成汤既受命时则有若伊尹格于皇天在太甲时则有若保衡在太戊时则有若伊陟臣扈格于上帝巫咸乂王家在祖乙时则有若巫贤在武丁时则有若甘盘率惟兹有陈保乂有殷故殷礼陟配天多歷年所天惟纯佑命则商实百姓王人罔不秉德明恤小臣屏侯甸矧咸奔走惟兹惟德称用乂厥辟故一人有事于四方若卜筮罔不是孚公曰君奭天寿平格保乂有殷有殷嗣天灭威今汝永念则有固命厥乱明我新造邦公曰君奭在昔上帝割申劝寧王之德其集大命于厥躬惟文王尚克修和我有夏亦惟有若虢叔有若閼夭有若散宜生有若泰颠有若南宫括又曰无能往来兹迪彝教文王蔑德降于国人亦惟纯佑秉德迪知天威乃惟时昭文王迪见冒闻于上帝惟时受有殷命哉武王惟兹四人尚迪有禄后暨武王诞将天威咸刘厥敌惟兹四人昭武王惟冒丕单称德今在予小子旦若游大川予往暨汝奭其济小子同未在位诞无我责収罔勗不及考造德不降我则鸣鸟不闻矧曰其有能格公曰呜呼君肆其监于兹我受命无疆惟休亦大惟艰告君乃猷裕我不以后人迷公曰前人敷乃心乃悉命汝作汝民极曰汝明勗偶王在亶乘兹大命惟文王德丕承无疆之恤公曰君告汝朕允保奭其汝克敬以予监于殷丧大否肆念我天威予不允惟若兹诰予惟曰襄我二人汝有合哉言曰在时二人天休滋至惟时二人弗戡其汝克敬德明我俊民在让后人于丕时呜呼笃棐时二人我式克至于今日休我咸成文王功于不怠丕冒海隅出日罔不率俾公曰君予不惠若兹多诰予惟用闵于天越民公曰呜呼君惟乃知民德亦罔不能厥初惟其终只若兹往敬用治记曰周公践祚庶子之正于公族者教之以孝弟睦友子爱明父子之义长幼之序其朝于公内朝则东面北上【内亲也】虽有贵者以齿【明父子也】其在外朝则以官【体异姓也】司士为之其在宗庙之中则如外朝之位【崇德也】宗人授事以爵以官【尊賢也】其登馂献

受爵则以上嗣【尊祖之道也】庶子治之虽有三命不逾父兄其公大事则以丧服之精麤为序【不专人亲也】虽于公族之丧亦如之以次主人若公与族燕则异姓为賓膳宰为主人公与父兄齿【而孝弟之道达也】族食世降一等【亲亲之杀也】其在军则守公衾【孝爱之深也】公若有出疆之政庶子以公族之无事者守于公宫正室守大庙【尊宗室而君臣之道着矣】诸父守贵宫贵室诸子诸孙守下宫下室【让道达矣】五庙之孙祖庙未毁虽为庶人冠取妻必告死则赴练祥则告【不忘亲也亲未絕而列于庶人贱无能也】族之相为也宜吊不吊宜免不免有司罚之至于 赙承含皆有正焉【睦友之道也】公族其有死罪则磬于甸人其刑罪则纖剗亦告于甸人公族无宫刑狱成有司献于公其死罪则曰某之罪在大辟其刑罪则曰某之罪在小辟公曰宥之有司曰在辟公又曰宥之有司又曰在辟及三宥不对走出致刑于甸人公又使人追之曰虽然必赦之有司对曰无及也反命于公公素服不举为之变如其伦之丧无服亲哭之是故庶子之官治而邦国有伦邦国有伦而众乡方矣公族之罪虽亲不以犯有司正术也所以体百姓也刑于隐者不与国人虑兄弟也弗吊弗为服哭于异姓之庙为忝祖遠之也素服居外不听乐私丧之也骨肉之亲无絕也公族无宫刑不翦其类也大雅十七篇曰洞酌三章章五句召公戒王也言皇天亲有德飡有道也洞【遠】酌彼行潦【流潦】挹彼注兹可以饴【饴也】饴【酒食也】岂弟君子民之父母洞酌彼行潦挹彼注兹可以濯鬢岂弟君子民之攸归洞酌彼行潦挹彼注兹可以濯漑岂弟君子民之攸塋大雅十八篇曰卷阿十章章五句四章章六句召公戒成王也言求贤用吉士也有卷者阿【太陵曰阿卷然深遠】飘风自南岂弟君子来游来歌以矢其音伴尔游矣优游尔休矣岂弟君子俾尔弥尔性似先公酋矣尔土宇畷章亦孔之厚矣岂弟君子俾尔弥尔性百神尔主矣尔受命长矣弗禄尔康矣岂弟君子俾尔弥尔性纯嘏尔常矣有冯有翼有孝有德以引以翼岂弟君子四方为则颙颙印印如圭如璋令闻令望岂弟君子四方为纲凤凰于飞翩翩其羽亦集爰止蔼蔼王多吉士维君子使媚于天子凤凰于飞翩翩其羽亦傳于天蔼蔼王多吉人维君子命媚于庶人凤凰鸣矣于彼高冈梧桐生矣于彼朝阳萋萋離離喈喈君子之车既庶且多君子之马既闲且驰矢诗不多维以遂歌周书叙旅獒曰西旅献獒太保作旅獒旅獒惟克商遂通道于九夷八蛮西旅底贡厥獒太保乃作旅獒用训于王曰呜呼明王慎德四夷咸賓无有遠迓毕献方物惟服食器用王乃昭德之致于异姓之邦无替厥服分寶玉于伯叔之国时庸展亲人不易物惟德其物德盛不狎侮狎侮君子罔以尽人心狎侮小人罔以尽其力不役耳目百度惟贞玩人丧德玩物丧志志以道寧言以道接不作无益害有益功乃成不贵异物贱用物民乃足犬马非其土性不畜珍禽奇兽不育于国不寶遠物則遠人格所寶惟賢則迓人安呜呼夙夜罔或不勤不矜细行终累大德为山九仞功亏一篑允迪兹生民保厥居惟乃世王巢伯来朝芮伯作旅巢命二年三监及淮夷叛挾武庚西伐周周人震动周公决防东征诸侯百官皆以为难以为可征者十人而已周公委召公毕公以内事帅师而东作大诰大诰王曰猷大诰尔多邦越尔御事弗吊天降割于我家不少延洪惟我幼冲人嗣无疆大歷服弗造哲迪民康矧曰其有能格知天命已予惟小子若涉渊水予惟往求朕攸济敷责敷前人受命兹不忘大功予不敢闭于天降威用寧王遗我大寶绍天明即命曰有大艰于西土西土人亦不静越兹蠹殷小腆诞敢纪其叙天降威知我国有疵民不康曰予复反鄙我周邦今蠹今翼日民献有十夫予翼以于救寧武图功我有大事休朕卜并吉肆予告我友邦君越尹氏庶士御事曰予得吉卜予惟以尔庶邦于伐殷逋播臣尔庶邦君越庶士御事罔不反曰艰大民不静亦惟在王宫邦君室越予小子考翼不可征王害

不违卜肆予冲人永思艰曰呜呼允蠢鰥寡哀哉予造天役遗大投艰于朕身越予冲人不卬自恤义尔邦君越尔多士尹氏御事绥予曰无咎于恤不可不成乃寧考图功已予惟小子不敢替上帝命天休于寧王兴我小邦周寧王惟卜用克绥受兹命今天其相民矧亦惟卜用呜呼天明畏弼我不丕基王曰尔惟旧人尔丕克逵省尔知寧王若勤哉天閟眚我成功所予不敢不极卒寧王图事肆予大化诱我友邦君天棐忱辞其考我民予曷其不于前寧人图功攸终天亦惟用勤眚我民若有疾予曷敢不于前寧人攸受休毕王曰若昔朕其逝朕言艰日思若考作室既底法厥子乃弗肯堂矧肯构厥父菑厥子乃弗肯播矧肯获厥考翼其肯曰予有后弗弃基肆予曷敢不越卬敕寧王大命若兄考乃有友伐厥子民養其劝弗救王曰呜呼肆哉尔庶邦君越尔御事爽邦由哲亦惟十人廸知上帝命越天棐忱尔时罔敢易法矧今天降戾于周邦惟大艰人诞邻胥伐于厥室尔亦不知天命不易予永念曰天惟丧殷若穡夫予曷敢不终朕亩天亦惟休于前寧人予曷其极卜敢弗于从率寧人有指疆土矧今卜并吉肆朕诞以尔东征天命不僭卜陈惟若兹 风首篇曰七月八章章十一句陈王业也周公遭变故陈后稷先公风化之所由致王业之艰难也七月流火九月授衣一之日鹡发二之日栗烈无衣无褐何以卒歲三之日于耜四之日举趾同我妇子饁彼南亩田畯至喜七月流火九月授衣春日载阳有鸣仓庚女执懿筐遵彼防行爰求柔桑春日迟迟采繁祁祁女心伤悲殆及公子同归七月流火八月萑苇蚤月条桑取彼斧斨以伐逵扬猗彼女桑七月鸣鵙八月载绩载载黄我朱孔阳为公子裳四月秀蓂五月鸣蜩八月其获十月陨箨一之日于貉取彼狐狸为公子裘二之日其同载纘武功言私其縱猷玃于公五月斯螽动股六月莎鸡振羽七月在野八月在宇九月在户十月蟋蟀入我牀下穹窒熏防塞向墀户嗟我妇子曰为改岁入此室处六月食郁及薁七月亨葵及菽八月剥枣十月获稻为此春酒以介眉寿七月食 八月断壶九月叔苴采荼薪樗食我农夫九月筑 圃十月纳禾稼黍稷重穋禾麻菽麦嗟我农夫我稼既同上入执宫功昼尔于茅宵尔索綯亟其乘屋其始播百谷二之日凿冰冲冲三之日纳于凌陰四之日其蚤献羔祭韭九月肃霜十月涤 朋酒斯飧曰杀羔羊跻彼公堂称彼兕觥万寿无疆周公居东劳来殷民固守其所三监淮夷欲西不得西欲战不得战其党曰离

论曰汉景帝时吴楚七国反天下震动周亚夫为上将疾走洛阳据形便坚壁不战而遣偏裨出淮泗絕其饟道凡三月七国皆破灭其谋暗与周公合成功宜哉

三年封王母弟叔虞于河汾之东唐之故墟初邑姜方娠梦上帝曰余命而子曰虞将与之唐属之参而蕃育其子孙及生有文在其手曰虞遂以名之王与叔虞戲削桐为圭曰以此封若史佚请命有司卜曰王曰吾戲耳佚曰天子无戲言言则史书之礼成之乐歌之言不可不慎也遂封之唐箕子曰唐叔之后必大国南有晋水至子燮父改号为晋

论曰人非圣人出言安能尽善言而是则践言可也言而非则改之可也史佚戒成王慎可矣使之有言必践则非矣然当时诸公不以为过者岂非唐叔适可以封故欤

四年周人执武庚杀之致辟管叔于商囚蔡叔于郭邻以车七乘降霍叔于庶人三年不齿王有疑周公之心公乃为诗以贻王名之曰鸛鸣幽风二篇曰鸛鸣四章章五句周公救乱也以王未知其志也鸛鸣鸛鸣既取我子无毁我室恩斯勤斯鬻子之闵斯迨天之未陰雨彻彼桑

土绸缪牖户今女下民或敢侮予予手拮据予所捋荼予所蓄租予口卒瘁曰予未有室家予羽谯谯予尾脩脩予室翘翘风雨所漂摇予维音哓哓王亦未敢诘公

论曰鸛鷖食母之鸟也诗曰鸛鷖鸛鷖既取我子者指管蔡背父叛君流不利孺子之言使成王有疑心也母毁我室恩斯勤斯鬻子之闵斯者重伤管蔡背毁王室不思君父顾复之恩创业之勤也迨天之未阴雨彻彼桑土绸缪牖户今女下民或敢侮予者言如是然后可以有室家而人信服也予手拮据予所捋荼予所蓄租予口卒瘁者周公佐佑武王创立室家勤苦如是也曰予未有室家者以成王为室家主而有疑周公之心王室危而未可保也夫鸛鷖递相食者也管蔡既背成王矣今成王又将背周公故周公亦以鸛鷖自喻曰予羽谯谯予尾脩脩予室翘翘风雨所漂摇予维音哓哓其事恶故其比恶其心切故其辞切成王读是诗知比鸛鷖之为恶矣心不能无愠怒而未敢诘公者以其心疑而未决也及天威震动则啓书感泣焉寧知非此诗不先有以惊动其心乎

豳风四篇曰破斧三章章六句美周公也周大夫以恶四国焉既破我斧又缺我斨周公东征四国是皇哀我人斯亦孔之将既破我斧又缺我锜周公东征四国是吡哀我人斯亦孔之嘉既破我斧又缺我鍬周公东征四国是遄哀我人斯亦孔之休豳风五篇曰伐柯二章章四句美周公也周大夫刺朝廷之不知也伐柯如何匪斧不克娶妻如何匪媒不得伐柯伐柯其则不远我覯之子笱豆有践 风六篇曰九罭四章一章四句三章章三句美周公也周大夫刺朝廷之不知也九罭之鱼鱄魴我覯之子衮衣绣裳鸿飞遵渚公归无所于女信处鸿飞遵陆公归不复于女信宿是以有衮衣兮无以我公归兮无使我心悲兮王既免丧周颂二十一篇曰闵予小子一章十一句嗣王朝于庙也闵予小子遭家不造嬛嬛在疚于乎皇考永世克孝念兹皇祖陟降庭止维予小子夙夜敬止于乎皇王继序思不忘周颂二十二篇曰访落一章十二句嗣王谋于庙访予访予落止率时昭考于乎悠哉朕未有艾将予就之继犹泮涣维予小子未堪家多难绍庭上下陟降厥家休矣皇考以保明其身周颂二十三篇曰敬之一章十二句群臣进谏嗣王也敬之敬之天维显思命不易哉无曰高高在上陟降厥士日监在兹惟予小子不聪敬止日就月将学有缉熙于光明佛时仔肩示我显德行周颂二十四篇曰小毖一章七句嗣王求助也予其惩而毖后患莫予荇蜂自求辛螫肇允彼桃虫拚飞维鸟未堪家多难予又集于蓼秋大熟未获天大雷电以风禾尽偃大木斯拔邦人大恐王与大夫尽弁以啓余滕之书乃得周公所自以为功代武王之说二公及王乃问诸史与百执事对曰信噫公命我勿敢言王执书以泣曰其勿穆卜昔公勤劳王家惟予冲人弗及知今天动威以彰周公之德惟朕小子其新逆我国家礼亦宜之王出郊天乃雨反风禾则尽起二公命邦人凡大木所偃尽起而筑之岁则大熟唐叔得禾异亩同颖献诸天子王命唐叔归周公于东作归禾周公既得命禾旅天子之命作嘉禾周公归于周豳风三篇曰东山四章章十二句周公东征也周公东征三年而归劳归士大夫美之故作是诗也一章言其完也二章言其思也三章言其室家之望女也四章乐男女之及时也君子之于人予其情而闵其劳所以说之也说以使民忘其死其惟东山乎我徂东山惓惓不归我来自东零雨其蒙我东曰归我心西悲制彼裳衣勿士行枚蜩螗者蠋烝在桑野敦彼独宿亦在车下我徂东山惓惓不归我来自东零雨其蒙果臝之实亦施于宇伊威在室蠨蛸在户町疇鹿场熠燿宵行不可畏也伊可懷也我徂东山惓惓不归我来自东零雨其蒙鸛鸣于垤妇叹于室洒扫穹窒我征聿至有敦瓜苦烝在栗

薪自我不见于今三年我徂东山惓惓不归我来自东零雨其蒙仓庚于飞熠熠其羽之子于归皇驳其马亲结其缡九十其仪其新孔嘉其旧如之何 风终七篇曰狼跋二章章四句美周公也周公摄政遠则四国流言近则王不知周大夫美不失其圣也狼跋其胡载防其尾公孙硕肤赤舄几几狼防其尾载跋其胡公孙硕肤德音不瑕封防子于宋周书叙防子之命曰成王既黜殷命杀武庚命防子啓代殷后作防子之命防子之命王若曰猷殷王元子惟稽古崇德象贤统承先王脩其礼物作賓于王家与国咸休永世无穷呜呼乃祖成汤克齐圣广渊皇天眷佑诞受厥命抚民以寬除其邪虐功加于时德垂后裔尔惟踐脩厥猷旧有令闻恪慎克孝肃恭神人予嘉乃德曰笃不忘上帝时歆下民只協庸建尔于上公尹兹东夏钦哉往敷乃训慎乃服命率由典常以蕃王室以和兄弟 乃烈祖律乃有民永绥厥位毗予一人世世享德万邦作式俾我有周无斁呜呼往哉惟休无替朕命

皇王大纪卷十五

宋 胡宏 撰

三王纪

成王

易爻词周公居东之所作也周公遭管叔蔡叔之变于是系爻以词承文考之志焉干 【干下干上】初九潜龙勿用【初爻在一卦之下为始物之端圣人侧防若潜龙未可自用】九二见龙在田利见大人【出见地上大人之德已着上下利见之也】九三君子终日干干夕惕若厉无咎【三在下体之上在下之人君德已着若日夕不懈而兢惕虽处危地而无咎】九四或跃在渊无咎【或跃或不跃圣人惟及时以就安耳】九五飞龙在天利见大人【正位之极也圣人得天位利见大人与共成天下之事天下固利见大德之君也】上九亢龙有悔【过极则亢故有悔】用九见群龙无首吉【处干刚之道观诸爻之义无为首则吉以刚为天下先凶之道也】坤 【坤下坤上】初六履霜 愬至【陰之始生圣人以其将长则为之戒也】六二直方大 不习无不利【六二中正在下地之道也以直方大三者形容其德用尽地之道矣由直方大故不习无不利】六三含章可贞 或从王事 无成有终【三居下之上得位者也含晦章美可以常从而无悔咎或从上之事不敢当其成功惟守职以终其事者臣之道也】六四括囊 无咎无誉【四近五无相得之义自处以正危疑之地也若晦藏如括结囊口则无咎无誉】六五黄裳元吉【坤虽臣道五实君位黄中色裳下服若守中而居下则大善而吉也】上六龙战于野 其血 黄【陰从阳者也盛极不已则抗而争必皆复故其血 黄】用六利永贞【陰道柔而难常故利在常永贞】屯 【震下坎上】初九磐桓 利居贞 利建侯【阳刚居下磐桓也宜居正而固其志广求辅助】六二屯如 遭如 乘马班如 匪寇婚媾 女子贞不字 十年乃字【二欲从五正应而逼于初刚故复班如守中正不苟合于初所以不字若正固不易至于屯极必获正应而字育矣】六三即鹿 无虞 惟入于林中 君子几 不如舍 往吝【以柔居刚而不中正则贪得妄动如即鹿而无虞人以道之惟防入于林莽之中君子见几不如舍而勿逐往则吝也】六四乘马班如 求婚媾 往吉无不利【柔顺得君而才不足故欲进而复止初刚四之正应若求此刚阳之婚媾往与共辅阳刚中正之君则吉无不利也】九五屯其膏 小贞吉 大贞凶【阳刚居尊得正以下无刚明之辅故泽不下流以渐正则吉大正则防矣】上六乘马班如 泣血涟如【陰柔居屯險之极进退不能故泣血涟如】蒙 【坎下艮上】初六发蒙 利用刑人 用说桎梏 以往吝【下民防发之之道当明刑禁以脱去其蒙昏之桎梏然后善教可入苟專用刑则民免而无耻矣】九二包蒙吉 纳妇吉 子克家【二当发防之任必广其含容哀矜昏愚虽妇人之柔闇尚当纳其所善如是则克济其君之事犹子能治其家也】六三勿用 取女 见金夫 不有躬 无攸利【陰柔不中不正不能远从正应而近从九二是见多金之夫不能保其有身者取如是之女则无所往而利矣】六四困蒙吝【陰柔困于昏蒙为可吝也】六五童观 吉【童取资于人也以柔中之德任九二刚明之才以治天下之蒙故吉也】上九击蒙 不利 寇御寇【愚防之极者当击伐之然九居上刚极而不中故戒之以利御寇不利为寇】需 【干下坎上】初九需于郊 利用恒

无咎【需者以遇险故需而后进初最远于险故为需于郊然安守其常则无咎】九二需于沙小有言终吉【去险渐近故有需于沙虽未至害己小有言之伤矣九二刚阳居柔守中故终吉】九三需于泥致寇至【三刚而不中又居健体之上有进动之象泥逼于水九既进逼于险当致寇难之至也】六四需于血出自穴【阴柔处险下当三阳之进伤于险难不能安处也】九五需于酒食贞吉【阳刚居中得正位乎天位宴安酒食以需之何需不获故云贞吉】上六入于穴有不速之客三人来敬之终吉【阴止于六乃安其处也干三阳非在下之物需时而进者也需既极矣故不速之而自来也阳志在上进六阴位非所止之故敬之终吉】讼 【坎下干上】初六不永所事小有言终吉【阴柔居下上有应援而能不长永其事故虽小有言终得吉也】九二不克讼归而逋其邑人三百户无 【二五正应而两刚不相与九二自外来以刚处险为讼之主五以中正处君位其可敌乎是为讼而义不克也若能归而逋避为敌之地以寡约自处则得无遇 也】六三食旧德贞厉终吉或从王事无成【质本阴柔而处险承乘皆刚若守素分而坚固处危而知惧终必获吉也】九四不克讼复即命渝安贞吉【刚健不中止躁动不安贞本为讼者也五君也义不克讼三居下而柔初正应而顺故不克讼命谓正理若能反就正理变而为安贞则吉矣】九五讼元吉【中正居尊位以治讼故大吉而尽善】上九或锡鞶带终朝三褫之【人之肆其刚强穷极于讼取祸防身固其理也设或然至于受服命之赏是亦与人仇争所获其能安保之乎】师 【坎下坤上】初六师出以律否臧防 【出师之义以禁乱诛暴为本行师之道以号令节制为先不如是者虽克胜亦凶道也】九二在师中吉无咎王三锡命【人臣之道于事无所敢专惟阍外之事则专制之虽专而得中处之尽善则能成功吉而无咎王锡命至于三极其宠数所以重其威而信其下也】六三师或舆尸防 【三居位当任者也二既为五信倚矣若更使三众主之防之道也】六四师左次无咎【阙】

六五田有禽利执言无咎长子帅师弟

子舆尸贞防【五君也故言兴师任将之道戎狄猾夏不可懷来然后声罪致讨如禽入田害稼于义宜猎取则猎取之则无咎授师之道当任长子若以弟子众主之则虽正亦防也】上六大君有命开国承家小人勿用【师终功成行赏封诸侯命卿大夫不可用小人小人有功赏之以金帛禄位可也】比 【坤下坎上】初六有孚比之无咎有孚盈缶终来有他吉【孚信之在中也有孚则人亲之故无咎能诚信充实于内若物之盈缶不用文饰则终能来他外之吉也】六二比之自内贞吉【择才而用虽在乎上而以身许国必由于己也不汲汲以来比乃得正而吉也】六三比之匪人【四阴柔而不中二存应而比初三不中正所比皆不中正匪人也】六四外比之贞吉【四与初不相应而五比之外比于五君臣相比也亲贤从上也得正而吉也必以正道则吉也】九五显比王用三驱失前禽邑人不诫吉【人君显明其比道而已来者抚之不煦煦然求比于物也天子之田圉合三面前开一路去者不追来者取之故以为喻不诫于居也言其至公不私无远迩亲疎之别如是则吉也】上六比之无首防【首始也未有无始而有终者也】小畜 【干下巽上】初九复自道何其咎吉【刚阳在上之物复与上同志上进复自道也何所过咎而又有吉也】九二牵复吉【二五为阴所畜俱欲上进二阳牵连并进则阴不胜得遂其复故吉】九三舆说辐夫妻反目【阳刚不中昵比于四故不能前进犹车舆脱去轮辐也正如夫宠惑于妻致其不顺而反目也】六四有

孚血去惕出无咎【一陰畜众阳惟尽其孚诚则可以遠伤害免危惧也如此则可以无咎】九五有孚挛如富以其邻【以中正居尊位而有孚信挛其类如富者推其财力与邻比共之也】上九既雨既处尚德载妇贞厉月几望君子征防【巽顺之极处畜之终与四和而上也四用柔巽之德积满也以陰柔而畜制阳刚妇若贞固守此危道也陰盛将与阳为敌君子动则防也】履【兌下干上】初九素履往无咎【阳刚之才可以上进若安其卑下之素而往则无咎矣】九二履道坦坦幽人贞吉【居柔居中所履得坦易之道亦必幽静安恬之人则能贞固而吉也】六三眇能视跛能履履虎尾咥人防武人为于大君【体柔居刚处不中而履不正此危地必及祸患如武暴之人而居人上也】九四履虎尾愬愬终吉【阳刚而干体在近君多惧之地若愬愬然兢畏惧则终获吉也】九五夬履贞厉【阳刚干体居尊位任其夬决而行者也如此虽得正犹危厉也】上九视履考祥其旋元吉【于履之终视其所履以考其祥善祸福若周旋完备则元吉也】泰【干下坤上】初九拔茅茹以其彙征吉【刚明之才而居下时将泰则志在上进必牵拔其三朋类如茅之根相牵连而起矣】九二包荒用冯河不遐遗朋亡得尚于中行【君臣同德二以刚中之才为上所任主治泰者也泰寧之世人忸习安佚政法踈缓废弛惰于因循憚于变更苟于安佚必以含 之量施刚果之用不遗遐遠絕去朋比则能配合九二中行之义也】九三无平不陂无往不复艰贞无咎勿恤其孚于食有福【无常安平而不险陂者无常往而不返者泰盛则将否矣若常艰危其思虑贞固其施为则可无咎不劳忧恤不失所期而于禄食有福益也谓可长也】六四翩翩不富以其邻不戒以孚【翩翩疾飞之貌陰志趋下如此与其邻非富而相从不待诫告而诚意相合也】六五帝乙归妹以祉元吉【五能降其尊而顺从于二如帝乙之归妹则受祉且元吉也】上六城复于隍勿用师自邑告命贞吝【隍土积累以成城泰终将否如城土頽圯复反于隍也众心离散不从其上用之则乱方自其亲近而告命之虽正亦可羞吝也】否【坤下干上】初六防茅茹以其彙贞吉亨【否之时任之者君子也初六能与其类贞固其节则处否之吉而其道之亨也】六二包承小人吉大人否亨【小人包承顺之心欲为身利是其吉也大人中正自守身虽否乃其道之亨也】九四有命无咎畴离祉【阳刚干体当君道否时处逼近之地所恶在居功取忌若能使动必出于君命则无咎而畴类皆附离其福祉也】九五休否大人吉其亡其亡系于苞桑【阳刚中正居尊位休息天下之否大人之吉也若使安肆不深虑遠戒为安固之道则否将复来故有其亡之戒】上九倾否先否后喜【否终则倾否倾则□矣】同人【离下干上】初九同人于门无咎【初九系应故为同人于门无亲昵之偏谁其咎之】六二同人于宗吝【同于所系应是偏于宗党为可吝也】九三伏戎于莽升其高陵三岁不兴【二中正与五相应三以刚强与之比欲夺而同之然懷恶而内不直故伏兵林莽时升高愿望至于三歲终不敢兴此爻深见小人之情状也】九四乘其墉弗克攻吉【刚而不中正志亦欲同二切近于五如隔墉耳故乘其墉欲攻之知义不直而不攻则为吉也】九五同人先号咷而后笑大师克相遇【五与二正应而二阳非隔夺以二阳之强故五不胜愤故先号咷邪不胜正终不得合故后笑必用大师克胜之乃得相遇】上九同人于郊无悔【郊在外者也上九居外而无应终无与同者故亦无悔】大有【干下离上】初九无交害匪咎艰则无咎【居大有之初未有骄盈之失未涉于害也富有本非有咎也处富有而知艰则自无咎】九二大车以载有攸往无咎【刚健柔顺居中而君如大车能胜重任可以行遠而无咎也】九三公用亨于天子小人弗克【在下而居人上公侯也公侯有其富盛以其有为天子之有而不敢專也小人则以为己私而亡奉上之道也】九四匪

其彭无咎【居大道遇盛之时能自谦损则得无咎】六五厥孚交如威如吉【执柔守中而以孚信接下则下亦诚信以事上然大有之时人心安易若专尚柔和则陵慢生矣故戒以有威严然后吉也】上九自天祐之吉无不利【履信思顺尚贤崇德合道之至故自天祐之吉无不利】谦 【艮下坤上】初六谦谦君子用涉大川吉【以柔顺自处卑下谦而又谦君子人也虽涉险难亦无患害何所不吉乎】六二鸣谦贞吉【柔顺谦德积于中发见于声音颜色也居中得正贞吉所自有也】九三劳谦君子有终吉【阳刚居正而在下体为下之上为阴所宗是有功劳而持谦德者也惟君子行之有终则吉】六四无不利防谦【居多惧之地而处劳臣之上无所不利于施布其谦也】六五不富以其邻利用侵伐无不利【人君而持谦顺天下所归心不待有财而后能有其邻也然君道不可专尚谦柔湏威德并着乃能怀服天下】上六鸣谦利用行师征邑国【以极谦而反居高不得遂其谦故发于声音人之行已必湏刚柔相济故利在用刚武自治其私】豫 【坤下震上】初六鸣豫防【四豫之主而应阴柔居下者是小人处豫而为上所宠其志意满极至发于声音必至于防也】六二介于石不终日贞吉【处豫不可安且久久则溺矣二独能以中正自守其介如石之坚其去之速不俟终日故贞正而吉也】六三盱豫悔迟有悔【三不中正上瞻于四不为四所取四豫之主苟迟迟而不前则见弃绝亦有悔也然则如之何在正身而已】九四由豫大有得勿疑朋盍簪【以阳刚居大臣之位五柔弱之君顺从之是专主乎豫得大行其志者也然独当倚任下无同德之助所以疑也苟尽其至诚则朋类何有不合聚者乎簪聚也】六五贞疾恒不死【柔弱耽感受制于下有疾苦也权虽失而位未亡常疾而不死若汉魏末世之君也】上六防豫成有渝无咎【豫极阴柔防迷于豫已成者也若有变亦可以无咎】随 【震下兑上】初九官有渝贞吉出门交有功【官主守也当随时而为动主是所主守有变也变得贞则吉交不以私防故其随当而有功】六二系小子失丈夫【二应五而比初随先于近柔不能固守故为之戒】六三系丈夫失小子随有求得利居贞【阙】

九四随有获贞防有孚在道以明何咎

【阙】

九五孚于嘉吉【阙】

上六拘系之乃从维之王用亨于西山【阙】

蛊 【巽下艮上】初六干父之蛊有子考无咎厉终吉【阙】

九二

干母之蛊不可贞【阙】

九三千父

之蛊小有悔无大咎【阙】

六四裕父之蛊

往见吝【阙】

六五千父之蛊用誉

【阙】 上九不事王侯高尚其事【阙】

临 【兑下坤上】 初九咸临贞吉

【阙】

九二咸临吉无不利【阙】

六三甘临无攸利既忧之无咎【陰柔说体不中】

【正以甘说临人者无所利也又乘方长之阳故不安而益甘既而危惧忧而能改持谦守正至诚以自处则无咎也】六四至临无咎【临道尚近四比于下居正而任贤是以无咎】六五知临大君之宜吉【顺应于刚中之贤任之以临下乃已以明智临天下也其吉可知】上六敦临吉无咎【坤之极顺之至大率陰求于阳故上以尊而应卑高而从下尊贤取善故为敦厚于临吉而无咎】观 【坤下巽上】初六童观小人无咎君子吝【陰柔居远于阳所观见者浅近如童稚也在下民而当分不足谓之过咎若君子而如是则可鄙吝矣】六二闚观利女贞【陰暗柔弱不能明见九五之道如窥觚之观耳然能如女子之顺从则不失中正乃为利也】六三观我生进退【居非其位处顺之极观我之动作施为能随时以进退者也】六四观国之光利用賓于王【观莫明于近四居正柔巽而切近于五观见国之盛德光辉其賓礼于王朝効其智力以康济天下】九五观我生君子无咎【观己之所生政治俗化君子矣乃无咎也】上九观其生君子无咎【阳刚居上是贤人君子不在于位而德业行义为天下所观仰者也当自观所君子矣则无过咎也】其噬嗑 【震下离上】初九履校灭趾无咎【初与上无位为受刑之人余四爻皆为用刑之人当用刑之始人有小过用履校之于

足以灭伤其趾则惩惧不敢进于恶矣故得无咎也】六二噬肤灭鼻无咎【以中正用刑则人易服故取噬肤为易入也然乘初刚是用刑于刚中之人必湏深痛故至灭鼻而无咎也】六三噬腊肉遇毒小吝无咎【自处不常而刑于人则人不服反致怨伤如噬坚韧之物而遇毒恶之味是可鄙吝也然噬间而噬之非咎也】九四噬干肺得金矢利艰贞吉【时已过中间愈大而用刑愈深故如噬干肉之兼骨者四得刚直之道而居柔故戒以克艰其事贞固其守则吉也】六五噬干肉得黄金贞厉无咎【在卦将极为间甚大非易噬也故为干肉然反易于四者乘在上之势故也五得中道居刚而四辅以刚然实柔体故戒以必正固而懷危厉则得无咎也】上九何校灭耳防【居中是间之大噬之极也系辞所谓罪大而不可解者故何校而灭其耳防可知矣】贲【离下艮上】初九贲其趾舍车而徒【刚明君子居无位之地无所施于天下惟自贲饰其所行而已守节处义故有舍车而宁徒行者众之所羞君子以为贲】六二贲其须【二文明贲之主也故主言贲道贲饰之道因其质而加饰耳故取湏义湏随颔而动者也】九三贲如濡如永贞吉【如辞助也三与四相贲又比于二二柔文一刚上下交贲贲之盛也光彩之盛则润泽然皆非正应且修饰之事难乎常也故戒以常永贞则吉】六四贲如皤如白马翰如匪寇婚媾【四与初正应本应当相贲而为三所隔故皤如马在下而动者也其从正应之志如飞也匪三之寇则婚媾遂矣】六五贲于丘园束帛戔戔吝终吉【丘园谓在外而近者指上九也六五陰柔志从于上上受其贲也束帛六五本质戔戔谓受上九裁制纷裂之状为人君而资于人为可吝然享贲之功终为吉也】上九白贲无咎【贲过实则失于华伪惟能质素其饰则无过饰之咎不使华没实也】剥【坤下艮上】初六剥牀以足蔑贞防【陰之剥阳自下而上床身所处也陰自下进渐消蔑正道其防可知】六二剥牀以辨蔑贞防【辨分别上下者床之榦也剥至于辨愈蔑于正防益甚矣】六三剥之无咎【居刚应刚志从于正在剥之时为无咎者也】六四剥牀以肤防【剥牀足渐至于身之肤其防可知】六五贯鱼以宫人宠无不利【剥及君位防不在言矣故更设义以开小人迁善之门鱼陰物五群陰之主能使群陰顺序如贯鱼然获宠爱于上如宫人则无不利】上九硕果不食君子得舆小人剥庐【诸阳消剥已尽独上九一爻尚存如硕大之果不见食将有复生之理也乱极则人心思治众心愿载于君子矣小人当剥极则反其庐无所容其身也】复【震下坤上】初九不遠复无只悔元吉【初九复之最先者是不遠而复也惟失之不遠而复则不至于悔大善而吉也】六二休复吉【初阳复复于仁也二中止初比而志从之复之休美者也】六三频复厉无咎【陰柔处动之极复之频数而不能固者也频失则危屡复何咎过在失而不在复也】六四中行独复【四行群陰之中处正而独应于初刚可谓善矣不言吉防者初方甚防不足以相援圣人不欲言其不可济之理也】六五敦复无悔【居尊中顺能敦笃于复善者也故无悔】上六迷复防有灾 用行师终有大败以其国君防至于十年不克征【陰柔居终迷不复者也其防可知在已则动有 过天灾亦自外来迷道不复无施而可行师则大败为国则君防十年谓无时而可行也】无妄【震下干上】初九无妄往吉【以刚变柔而居内中诚不妄者也以无妄之道行何所不吉】六二不耕获不菑畲则利有攸往【儿理之所然者非妄也人欲所为者乃妄也二动能顺乎中正无妄者故极言无妄之义不为获而耕不为菑而畲如是则所往利而无害】六三无妄之灾或系之牛行人之得邑人之灾【陰柔不中正是为妄者也妄动得失已大矣况复有灾悔乎妄得之福灾亦随之不足以为福也】九四可贞无咎【刚阳无私可贞固守此无咎也】九五无妄之疾勿药有喜【五以中正当尊位下复以中正顺应之无妄之至其道无以加矣无妄

之所谓疾者如舜之有庠周公之管蔡孔子之叔孙武叔是也勿以药治之则有喜也】上九无妄行有 无攸利【无妄之极也极而复行过于理矣何所利乎】大畜 【干下艮上】初九有厉利已【大畜艮畜干也初刚健居下必上进者然安能敌四在上之势若犯之而进则危厉故利在已而不进也】九二舆说輹【虽刚健而得中知为五所畜止不可犯而不进如车脱其辐谓不行也】九三良马逐利艰贞曰闲舆卫利有攸往【上处畜之极而思变与三不相畜而志相合三刚健在上者与之相合其进如良马之驰逐然不可忘备与慎故宜艰难其事由贞正之道当日闲习其车舆与其防卫则利有攸往】六四童牛之牯元吉【大臣当畜之任上畜止人君之邪心下畜止天下之恶于未发之前犹童牛而加牯则大善而吉也】六五豮豕之牙吉【居君畜止天下之邪恶在知其本得其要而已不尚威刑而修政教是犹患豕牙之利不制其牙而豮其势也】上九何天之衢亨【小畜畜之小故极而成大畜畜之大故极而散天路亨通无有蔽阻则畜道变矣】颐 【震下艮上】初九舍尔灵 观我朵颐防【阳体刚明足以养正若志在上行应于六四是舍灵 迷欲失已朵动其颐何所不至是以防也】六二颠颐拂经于丘颐征防【阴柔必待养于人者也以上养下理之正也下求养于初则拂经常上求养于上非道妄动则得防也】六三拂颐贞防十年勿用无攸利【阴柔动不中正拂违于颐之正道是以防也十年勿用谓终不可用无所往而利也】六四颠颐吉虎视眈眈其欲逐逐无咎【四与初为应反赖下之养者也颠倒也然以贵下贱故吉也才质阴柔赖人以济济人之所轻当养其威严重其体貌则下不敢易又取于人者必逐逐相继而不穷则无咎也】六五拂经居贞吉不可涉大川【五顺从于上上师傅之位君养人者也反赖养于人然必居守贞固笃于委任则吉也以阴柔之质无刚贞之性能持循于平时当艰难变故则不可恃矣】上九由颐厉吉利涉大川【刚阳为师傅而君顺从天下由之以养也必忧勤兢畏则吉也能竭其才力济天下之艰危乃称委遇】大过 【巽下兑上】初六借用白茅无咎【以柔在下用茅借物之象不措诸地而借以茅过于慎也过于敬慎为之非艰而可以保其安而无过咎】九二枯杨生稊老夫得其女妻无不利【大过之阳过中居柔而比初枯杨生根老夫得女妻之象能成生育之功故无不利】九三栋桡防【大过之阳复以刚自居而不得中动则违于中和而拂于众不胜其任如栋之桡倾败其室是以防也】九四栋隆吉有它吝【刚柔得宜能胜其任如栋之隆起是以吉也若又与初六之阴相应是有它也有它则有累于刚虽未至于大害亦可吝也谓可少也】九五枯杨生华老妇得其士夫无咎无誉【中正居尊当大过之时下无应与而上比过极之阴如枯杨之生华无益于枯也犹士夫而得老妇虽无过咎殊非美也故云无咎无誉】上六过涉灭顶防无咎【小人过常越理不恤危亡如过涉于水至灭没其顶其防可知祸自取也何所怨咎】坎 【坎下坎上】初六习坎入于坎窞防【阴柔居阴之下柔弱无援惟益陷于深险耳其防可知窞坎中之陷处】九二坎有险求小得【当坎险之时陷二阴之中是有险也然其刚足以自卫居中动不失宜是所求小得也】六三来之坎坎险且枕入于坎窞勿用【阴柔而处不中正来与之皆坎险而居亦险枕谓支倚不安所处如此惟益入于深险耳不可用也】六四樽酒簋贰用缶纳约自牖终无咎【以在高位故言为臣处险之道大臣当险难之时惟当尽其质实而已譬如燕享用一樽之酒三簋之食瓦缶之器质之至也又湏纳约自其明处如张良之谏废太子而招致四皓如左师触龙之于赵太后是也】九五坎不盈只既平无咎【虽以刚中居尊位然上下无助安能独济天下之险方在坎中是不盈也必祇平而出乃得无咎】上六系用徽纆寘于丛棘三歲不得防【阴柔居险之极如系缚之以徽纆囚寘于丛棘之中三歲之久

不得出也其防可知】离 【离下离上】初九履错然敬之无咎【阳居下好动欲进其履错然然居明而刚知进退之义而敬慎之则不至于咎者矣】六二黄离元吉【以文明中正之德上同于文明中顺之君所以为大喜之吉也】九三日昃之离不鼓缶而歌则大耋之嗟防【八纯卦皆有三体之义离二明继照在人事最大三居下体之终是前明将尽后明继之时人之始终也故为日下昃之明也将没矣当鼓缶而歌乐其常理不然则以倾没为嗟忧乃为防也】九四突如其来如焚如死如弃如【离下体而升上体在上而近君继承之象也阳居离体刚躁而不中正突然而来气焰如焚不善如此必被诛杀为众所弃绝矣防不假言也】六五出涕沱若戚嗟若吉【居尊位而文明中正然在下无助独附丽于刚阳之间畏惧忧虑出涕戚嗟如此之深所以能保其吉也】上九王用出征有嘉折首获匪其丑无咎【明照足以察邪恶刚断足以行威利王者宜用如此则有嘉美之功然当折取其魁首所执获者非渐染诖误之众则无残暴之咎也】咸 【艮下兑上】初六咸其拇【以防处初如人足大指之动未足以感人而至也】六二咸其腓防居吉【腓足肚行则先动二中正之人以其在咸而应五故戒以不可如腓先动则躁妄自失所以防也若安其分不自动则吉也】九三咸其股执其随往吝【股在身之下足之上不能自由随身而动者也阳好上而说阴三下能自主所执守者如股随于物也阳刚之中如此而往可羞吝者也】九四贞吉悔亡憧憧往来朋从尔思【贞者虚中无我之谓也四在中而居上心之位也故直言感之道不言咸其心者感乃心也贞正则吉而悔亡夫贞一其意则穷天下无不感通若往来憧憧然用其私心以感物朋从尔思所感狭矣既主于一隅一事岂能廓然无所不通者乎】九五咸其脢无悔【五应二以比上则偏私浅狭非人君之道脢背肉也所不见也言能感非其所见而说者则得人君感天下之正而无悔也】上六咸其辅颊舌【辅颊舌所用以言也阴柔说体居感之深不能以至诚感物而发见于口舌之间小人女子之常态也岂能动于人也】恒 【巽下震上】初六浚恒贞防无攸利【柔暗守常不能度势四虽正应然震体阳刚居高志上而不下应初之志异乎常矣而初求望之深坚固而不知变防之道况常如此无所往而利矣】九二悔亡【阳居阴位不得其正非常理所富其悔然二五以中相应其居与动皆得中则不失其正矣故其悔亡】九三不恒其德或承之羞贞吝【三得其常处然志从于上风复从雷于常处而不处不常之人也其德不常则羞辱有时而至矣固守不常以为常可羞吝也】九四田无禽【以阳居阴处非其位处非其所虽使常从如田猎而无禽兽之获谓徒用力而无功也】六五恒其德贞妇人吉夫子防【阴柔应阳刚居中而应中恒从则其德为贞此妇人之恒道也故吉若大夫而以顺从于人为常则失其刚阳之正乃防也】上六振恒防【居恒之极在震之终阴不安于上柔不能固其守以振为恒者也振者抖擞运动之意在上而以是为常其防宜矣】遯 【艮下干上】初六遯尾厉勿用有攸往【它卦以下为初遯者往也前者往矣故初反为尾遯而在后不及者也是以危也然防者易于晦藏既已后矣不可往也】六二执之用黄牛之革莫之胜说【二五以中正之道相与之固如执系之以黄牛之革也其交之固不可胜言也在遯时故极言之】九三系遯有疾厉畜臣妾吉【遯贵速而遯三系累于二故其遯为有疾害也是以危也小人女子亲爱之则忠恋其上故以畜养臣妾则吉也】九四好遯君子吉小人否【四刚者与初为正应是所爱也君子义苟当遯则去而不疑故吉小人则防于所好至陷辱其身而不能已圣人以四处阴而有系故设小人不善之戒】九五嘉遯贞吉【遯非人君之事然有所避遯乃遯也处中正无私系之失所以为吉也故为贞正而吉】上九肥遯无不利【上九干体下无系应是飘然遯去有充裕者也故肥穷困之时善处

如此何所不利】大壮 【干下震上】初九壮于趾征防有孚【干刚在下壮于趾也以刚处壮虽居上犹不可行况在下乎故征则其防可必矣】九二贞吉【以阳刚居柔处中是刚柔得中不过于壮得贞正而吉也】九三小人用壮君子用罔贞厉羝羊触藩羸其角【此君子小人以位言刚阳处壮又当体干之终在小人则为用其壮勇在君子则为用罔罔无也蔑视于事无复忌憚也夫刚柔得中则不折不屈施于天下而无不宜刚太过则多伤莫与贞固守此危道也犹羝羊喜触藩篱必摧困其角矣】九四贞吉悔亡藩决不羸壮于大舆之輹【九居四为不正居子道长之时岂可有不正也小失则害亨进之势故戒以贞则吉而悔亡藩篱决开不复羸其壮如强壮大车之轮辐无辐折败车之悔也】六五防羊于易无悔【四阳方长而并进五以柔居上能用和易之道群阳无所用其刚防其壮于和易故无悔也】上六羝羊触藩不能退不能遂无攸利艰则吉【处陰震终而当壮极其过可知如羝羊触藩篱进则碍身退则妨角进退皆可知也所以然者以才本陰柔不能胜己就义又不能终用其壮故无所往而利也若既知艰而处柔则吉矣】晋 【坤下离上】初六晋如摧如贞吉罔孚裕无咎【升进抑退皆以正则吉也始进之时苟欲信于上之心切非汲汲以失其守则悻悻以伤于义是有咎也苟尚未见信当寬裕自守无急于求上之信则无咎也】六二晋如愁如贞吉受兹介福于其王母【以中正柔和之德上无应援非强奋于进者也故愁如然守其贞正则当得吉久而必彰王母谓陰之至尊者指六五也六五同德大明之君必当求之加之宠禄受大福也】六三众允悔亡【三陰皆顺上者也六三虽不得中正然处顺之极是与众同志顺上之大明是以亡其中正之失也】九四晋如鼫鼠贞厉【以九居四处非其位贪据高位者也三陰与上同德顺丽于上势必上进四心畏忌之夫贪而畏人者鼫鼠也故云贞固守此其危可知】六五悔亡失得勿恤往吉无不利【以柔居尊本当有悔以大明而下皆顺附故其悔得亡也然大明或过于察察失委任之道故戒以失得勿恤夫尽天下之公岂当复自用其私察也如此而往故吉而无不利】上九晋其角维用伐邑厉吉无咎贞吝【刚极则有强猛之过进极则有躁急之失维独用于自治则守道愈固迁善愈速虽伤于厉则吉且无咎然严厉非安和之道故于贞正之道为可吝也不失中正为吉】明夷 【离下坤上】初九明夷于飞垂其翼君子于行三日不食有攸往主人有言【昏暗在上伤阳之明使不得上进君子见事之防故行去避之困穷至于三日不食也夫垂其翼伤其所以飞尔其明未显故有所往则众人疑恠而主人有言也】六二明夷夷于左股用拯马壮吉【至明中正而体顺顺时善处者也故虽为所伤伤不甚切夷于左股也虽然亦必自免有道拯用壮健之马则获之速而吉也】九三明夷于南狩得其大首不可疾贞【至明居下而为下之上至闇在上而处穷极之地正相敌应将以明去闇也南狩谓前进而除害也当克获其大首谓闇之魁首上六既诛其大首旧染污俗当以渐正之不可疾遽也斯义也其汤武之事乎】六四入于左腹获明夷之心于出门庭【以陰居阳而在陰柔之体处近君之位是小人由隱僻之道深入其君得其心意也既得其心意而后行其威福于外】六五箕子之明夷利贞【箕子商之旧臣而同姓亲切近于紂故佯狂为奴自晦其明以免于害外晦其明内守其正以五陰柔故戒以宜如箕子之贞固也君道亦有当外晦内正之时】上六不明晦初登于天后入于地【在至高之地本当遠照明既夷伤不明而晦故初登后入于地也】家人 【离下巽上】初九闲有家悔亡【治家之始能以法度为之防闲则不至于有悔】六二无攸遂在中馈贞吉【治家之道大要以刚为善六二陰柔居柔故无所为而可也若在妇人之道则其正而吉也而主馈故云中馈】九三家人嗃嗃悔厉吉妇子嘻嘻终吝【以阳居刚正而不中治家过乎刚者也故

家人嗃嗃然有悔于严厉然齐肃祇畏犹为家人之吉也若妇子嘻嘻放肆则终可羞吝】六四富家大吉【巽顺于事而由正道能保其富者也能有其富是能保其家也吉孰大焉】九五王假有家勿恤吉【男中止居尊于外女中正顺应于内王者极乎有道之家也家正而天下治矣故不忧劳而吉也】上九有孚威如终吉【治家以有孚为本为善不由至诚已且不能常守也况欲使人乎为家之患常在礼法不足而渎慢生也故必有威严则能终吉保家之道在有孚威如二者而已】睽 【兑下离上】初九悔亡防马勿逐自复见恶人无咎【睽乖之时以刚动于下有悔可知所以得亡者九四在上亦以刚阳睽离无与自然同类相合故能亡其悔也马者所以行也睽独无与不能行是防其马也四既与之合则能行矣是勿逐而马复自得也恶人与已睽异者也见者与相通也如此则得含 之道奸防可化仇敌可革无防咎矣】九二遇主于巷无咎【在睽时阴阳相应之道衰则刚柔相戾之意胜君臣睽离其咎大矣故二当委曲相求期于防遇也所谓委曲者以善道宛转将就使合而已非枉己屈道也】六三见舆曳其牛掣其人天且劓无初有终【三阴柔居刚欲进从正应为上下二阳所侵袭舆牵曳于后牛掣阻于前天髡首也劓截鼻也三力进以犯之故重伤是无初也三敌合居刚守正之道睽极则正应有终合之理是有终也】九四睽孤遇元夫交孚厉无咎【当睽之时孤处二阴之间孤立无与自然同德相求故与初九之元夫遇也元善也上下二阳以至诚相合故虽危厉而无咎也】六五悔亡厥宗噬肤往何咎【阴柔当睽而居尊位有悔可知以有刚阳正应故悔亡也正应其宗党也辅翼之以刚阳之道而入之者深如齧其肌肤也如是往而有庆何咎之有】上九睽孤见豕负涂载 一车先张之弧后说之弧匪寇婚媾往遇雨则吉【睽极则睚眦而难合刚极则躁暴而不详明极则过察而多疑有三之正应实不孤而其才性如此自睽孤也其见三如豕之污秽可恶之甚也 本无形而又见载 一车妄之极也先张弧欲射之妄安能常终必复正故后说弧而不射与三非复是寇讐乃婚媾也自此以往阴阳交而和畅则吉也】蹇 【艮下坎上】初六往蹇来誉【阴柔无援往而益蹇不往而来止而不进则有见防知时之美誉也】六二王臣蹇蹇匪躬之故【五方在大蹇之中二以中正应之致力于蹇之艰蹇至甚主在济君非为身故圣人称其志义可嘉也】九三往蹇来反【三往应上上阴柔无位不足以为援故蹇也来还归也当蹇之时在下者皆柔必依于己故来为反其所也稍安之地也】六四往蹇来连【往则益入于坎险之深往蹇也四与三相比相亲者也二与初同类相与者也四居上位而与在下者同有得位之正同处蹇难之世其志不谋而相同是来则与在下之众相联合也】九五大蹇朋来【五居君位而在蹇难之中是天下之大蹇也又在阴中亦为大蹇而二在下以中正相应是得朋助之来也而为吉也臣不及君能赞助之而已不能济天下之难也】上六往蹇来硕吉利见大人【厄蹇穷蹇阴柔冒险而往所以蹇也不往而来从五求三得刚阳之助是以硕也硕宽裕之称其蹇得舒则为吉也五阳刚中正居君位大人也蹇极之时利见大人则能济于蹇也】

皇王大纪卷十六

宋 胡宏 撰

三王纪

成王

解 【坎下震上】初六无咎【患难既解帷自处刚柔得宜安静休息则无咎矣】九二田获三狐得黄矢贞吉【田者去害之事狐者邪媚之兽三狐指卦之三陰也获谓能变化除去二以阳刚得中之才上应六五之君用于时者也六五应柔明不能照威不足畏刚不能断小人一近之则移其心矣二既当用必去羣邪则得黄矢中直之道乃真正而吉也桓敬不去武三思不知是义也】六三负且乘致寇至贞吝【陰柔小人宜在下以负荷而在下之上且乘车必致寇夺之至夫小人而窃位虽勉为正事而气质卑下其何能从终可吝也】九四解而拇朋至斯孚【阳刚大臣解去应己之小人则君子之朋来至诚相得矣】六五君子维有解吉有孚于小人【居尊位为解之主人君之解也以君子通言之君子所解去者小人也小人去是以吉也验于小人之党去则是君子能有解也】上六公用射隼于高墉之上获之无不利【尊高之地故曰公隼喻鸷害小人高墉防限内外之严者也在其上而未去乃害之坚强者也上居解极解道已至器已成故能射而获之天下之患解已尽矣何所不利】损 【兑下艮上】初九已事遄往无咎酌损之【损已阳刚益四陰柔事既已则损去之不居其功乃无咎也损已益上之道当酌度其宜过不及皆不可矣】九二利贞征凶弗损益之【以柔說应上则失其刚中之德故戒以利在贞正不可征也征则离乎中而失其正是以凶也惟不自损其刚贞则能益陰柔之君乃益之也】六三三人行则损一人一人行则得其友【三人谓下三阳上三陰三阳同行则损九三以益上三陰同行则损上六以益三而初二二阳四五二陰同德相比三与上应而一卦皆成而相与也如是则志专皆为得其友矣天下无不二者一与二相对待生生之本也三则余而当损矣】六四损其疾使遄有喜无咎【初之益四损其柔而益之以刚损其疾也损其不善惟使之遄速不至于深过则有喜而无咎】六五或益之十朋之 弗克违元吉【人君能虚中自损以从顺在下之贤则天下孰不损己自尽以益之故或有益之之事则十朋助之矣谋从众则合天心虽 筮不能违也可谓大善之吉也】上九弗损益之无咎贞吉利有攸往得臣无家【不行其损变而以刚阳之道益于下则无咎而得其正且吉在上能不损其下而益之则得人心归服遠近内外之限也】益 【震下巽上】初六利用为大作元吉无咎【四巽顺之主上能巽于君下能巽于贤在下者不能有为也得在上者应从之则宜辅上作益天下之事所为大善而吉则上下皆无咎也】六二或益之十朋之 弗克违永贞吉王用享于帝吉【二处中正虚其中以求益而能从顺天下孰不愿告而益之众人所是理之当也 亦弗能违也然质本陰柔故戒永贞固则吉也如二之虚中永贞用以享帝犹当获吉况于人乎】六三益之用凶事无咎有孚中行告公用圭【三居阳应刚动之极果于为益者也惟用之于患难非常之事则无咎也下专自任上必忌疾虽义在可为然必有其孚诚而所为合于中道则诚意通于上而上信与之矣圭通诚信之物也】六四中行告公从利用为依迁国【四大臣居正然处不得中所应又不中是不足于中也故云

中行则可告于公上而获信从矣以其柔巽故用利于上依刚中之君下顺刚阳之才以其行事迁国者顺下而动者也】九五有孚惠心勿问元吉有孚惠我德【以九五之德之才之位而中心至诚在惠益于物其至善大吉勿问可知君至诚益于天下天下之人无不至诚爱戴以德泽为恩惠也】上九莫益之或击之立心勿恒凶【居亢位之地非行益于人者也所应者阴非取善自益者也以刚而求益之极众所共恶故莫益之而或攻击之矣人存心不可惠利勿恒如是凶之道也所当速改也】夬 【干下兑上】初九壮于前趾往不胜为咎【初阳爻干体刚健乃在下而居决时壮于前进者也行而宜则其决为是往而不胜则为咎也】九二惕号莫夜有戎勿恤【二处中居柔处夬之至善者也内怀兢惕外严诫号虽暮夜有兵戎亦可勿恤矣】九三壮于頄有凶独行遇雨君子夬夬若濡有愠无咎【夬夬之时三居下体之上又处健体之极上有君而自任其刚决壮于頄者也頄颧骨也有凶之道也与上六为正应而违群阳而独行则与上六阴阳和合惟君子知其非则能果决其决绝之若见濡污有愠之色如此无过咎也】九四臀无肤其行次且牵羊悔亡闻言不信【以阳居阴刚决不足欲止则众阳并进臀无肤言其居不安也欲行则不能强进故云其行次且也若能自强牵挽以从羣行可以亡其悔然既处柔虽使闻是言必不能信用也】九五苋陆夬夬中行无咎【五为夬阴之主而反于上六其咎大矣五虽感于阴而决断之易如苋陆然则于中行之德为无咎苋陆曝之难干感阴气之多而脆易折故以为喻】上六无号终有凶【君子得时决去危极之小人故云无用号咷畏惧终必有凶也】姤 【巽下干上】初六系于金柅贞吉有攸往见凶羸豕孚蹢躅【阴始生而将长金柅止车之物而又系之正固也】九二包有鱼无咎不利宾【阙】

九三臀无肤其行次且厉无大咎【阙】

九四包无鱼起凶【阙】

九五以 包 含章

有陨自天【阙】

上九姤其角吝无咎【阙】

萃 【坤下兑上】初六有孚不终乃乱乃萃若号

一握为笑勿恤往无咎【阙】

六二引吉无咎孚乃利用禴【阙】

六

三萃如嗟如无攸利往无咎小吝【陰下不中正求四则非其应非其类为四所弃与二则三自以中正应五故萃如则为人弃絕而嗟如无所利也与上居相应之地处说顺之极当萃之时以类相从故往从于上则得无咎也然动为如此然后得其所求亦可小羞吝也】九四大吉无咎【当萃之时得上下之聚可谓善矣然以阳居陰非正也虽上得君下得民必得大吉然后为无咎也大为周徧之义无所不周然后为大无所不正则为大吉大吉则无咎矣非理枉道而得君者自古多矣非理枉道而得民者盖亦有焉如陈恒季氏得为大吉为无咎乎】九五萃有位无咎匪孚元永贞悔亡【萃天下之众以阳刚居尊有其位矣得中正之道无过咎也如是而有不信未服者则当自反以修其元永贞之德则无思不服而悔亡矣悔者志之未光心之未慊也】上六赍咨涕洟无咎【陰柔说高之位而处之天下莫肯与也其穷至于咨嗟涕洟不知所为此所自取也】升【巽下坤上】初六允升大吉【初陰柔无应不能自升信二而与之同升乃大吉也从刚中之贤以进是由刚中之道也吉孰大焉】九二孚乃利用禴无咎【以刚强之臣事柔弱之君又当升之时非至诚相交其免于咎云孚乃者谓既乃宜不用文饰专以其诚感通于上也如是则得无咎】九三升虚【邑阳刚正而且巽上皆顺之复有援者以是而升如入无人之邑孰御哉】六四王用亨于岐山吉无咎【昔者文王居于岐山之下上顺天子欲升其道下顺天下之贤使之升进已则柔顺谦恭不出其位至德如此周之王业用是而亨也四居近君之位在升之时不可复升升则凶咎可知故云如文王则吉而无咎也分虽当止而道则当升也】六五贞吉升阶【五以下有刚中之应故能居尊位而吉然质本陰柔必守贞固笃于任贤乃得其吉也贤者辅之而升犹升自阶言有由而易也】上六冥升利于不息之贞【陰居升极昏冥于升不止者也惟于贞正之德自强不息以上六不已之心用之于此则利也】困【坎下兌上】初六臀困于株木入于幽谷三岁不覿【六陰柔处至卑而居坎险之下不能自济頼上而援而四以阳居陰失其刚而不中正又方用于自揜臀所以居也株木无枝叶之木也故初无所庇不得安居也益迷闇动入于幽谷耳三岁不覿终不见其亨也】九二困于酒食朱紱方来利用亨祀征凶无咎【二刚中穷厄无所动其心惟困于其所欲者施惠天下也酒食人所欲而所以施惠也朱紱王者之服蔽膝也二困于下五道同德合以来相求故云朱紱方来也利用至诚相通如亨祀也若不待时而征乃不安其所为困所动也犯难得凶将谁咎乎】六三困于石据于蒺藜入于其宫不见其妻凶【陰柔不中正石坚重难胜之物蒺藜刺不可刺之物三以刚险而进一阳在上坚不可犯益自困耳以不善居九二刚中之正其不安犹据蒺藜也宫所居以安妻所之主也进退皆困处又失其所安则惟死而已其凶可知】九四来徐徐困于金车吝有终【当困之时相求援助理当然也二有刚中之才而初比之时四与初进应已不中正疑其少已而与二故其来迟疑困于金车金车刚车在下载已者也四所行如此为可吝然事之归者正也初四正应终必相从】九五劓刖困于赤紱乃徐有说利用祭祀【截鼻曰劓去足曰刖上下皆揜于陰为其伤害也人君之困由上下无与也赤紱臣下之服以天下不来故云困于赤紱二五道同德合徐必相应是始困而徐有喜悅也利用如祭祀致其诚敬祭天神祀地祇享人 故五言祭二言享】上六困于葛藟于臲臲曰动悔有悔征吉【困既极矣犹葛藟之纏束而居高臲臲危动不安若能曰动辄得悔当变前之所为能有所悔则得吉也以說处进可以离乎田矣】井【巽下坎上】初六井泥不食旧井无禽【陰柔居下上无应援无上水之象乃井之井泥不食可也不可食则废矣井水之上人获其用禽鸟亦就而求焉旧废之井禽鸟亦不复往矣】九二井谷射鲋瓮敝漏【上无应而比视不上而下之象如涧谷之水傍出而就下注于鰕

鲋而已如瓮之敝漏水不用焉】九三井渫不食为我心恻可用汲王明并受其福【阳刚居正在下未得其困如井之渫治清洁而不食为其心之恻怛阳性上而应上处刚而过中切于汲而食也异乎用之则行舍之则藏者矣然明王用人岂求备也举而用之则上下并受其福也】六四井甃无咎【虽阴柔而处正上承阳刚中正之君但能处正不其事亦可以免咎也甃砌累也谓修治也才不足以广施利物亦可自守者也】九五井冽寒泉食【阳刚中正居尊位才德尽善尽美而甘洁之寒泉可为人食也】上六井收勿幕有孚无吉【上出为用收汲取也取而不蔽其利常大用之吉也它卦之终篇极为与罪终为成功是以吉也】革【离下兑上】初九巩用黄牛之革【变革事之大也其才德刚明有余而中顺足黄中色牛顺物束以黄牛之革言当以顺自固无妄动也】六二已日乃革之征吉无咎【中正无偏蔽则尽事理应上得权势体无违悖时可矣位得矣才足矣然臣道不当为革之先又必待上下之信已乃革之也以二体柔而进缓当位而处固圣人虑其失可为之时故戒以当进行其道则吉而无咎也】九三征凶贞厉革言三就有孚【阙于革以是而行则有凶也然居下之上事苟当革岂可不为在乎守贞正而怀危惧审当革之言至于三而皆合则已可孚而众信也如此则可革矣】九四悔亡有孚改命吉【事之可悔而后革之四之才之时之位之志之势之用革之当也故其悔亡既事当而敝革处之以至诚则上下信之矣其吉可知】九五大人虎变未占有孚【以阳刚之才中正之德居尊位大人也以大人之道革天下之事无不当也所过变化事理炳着如虎之文采不待占决知其至当而天下信之也】上六君子豹变小人革面征凶居贞吉【革道成矣善良以变革如豹之彬蔚矣小人虽未能心化革其外不为恶矣苟更从而深治之则为己甚凶道也革至于成当贞固以守不则所革随变故居贞则吉也】鼎【巽下离上】初六鼎颠趾利出否得妾以其子无咎【六在下鼎趾之象颠趾则覆其实矣然倾出败恶则颠趾之利也四近君大臣之位而初应之乃上求于下下求于上如罪之颠趾未为悖理也若得良妾则能辅助致其主于无咎也子主也六阴居下而卑巽从阳妾之象也】九二鼎有实我仇有疾不我能即吉【以刚实居中鼎中有实之象仇对也阴阳相对之物谓初也我若对之则非正而害义是有疾也当以正自守使之不能来就已而上从六五之君则得正而其道可亨是以吉也】九三鼎耳革其行塞雉膏不食方雨亏悔终吉【鼎耳六五也为鼎之主三与之非应而才德相革异与有异故其行塞五文明之德故谓之雉三既道不行故不得雉膏禄位而食之也三刚正而能巽五柔中而文明方将阴阳和合而时雨也三怀才不偶有不足终得和合则为吉矣】九四鼎折足覆公餗其形渥凶【下应于初阴柔小人不可用者也而四用之其不胜而败事犹鼎之折足倾覆公上之餗也居大臣之位当天下之任至于如是可羞愧之甚也】六五鼎黄耳金铉利贞【五在鼎上耳之象也鼎之举措在耳为鼎之主也铉如耳者也五有中德故云黄耳二有刚中之德而应于五故为金二五相应至善也利在贞固而已】上九鼎玉铉大吉无不利【在上之象九虽刚阳而居阴履柔不极刚而能温者也故云玉铉刚柔适宜动静适宜居成功之道也故大吉无不利在上虽居无位之地实当用也与他卦异矣井亦然】震【震下震上】初九震来虩虩后笑言哑哑吉【如震之来当震之始若能惧恐周旋顾虑虩虩然不敢宁止则终必保其安吉也】六二震来厉亿贝舆于九陵勿逐七日得【九震之主震刚动而上震奋彼来既猛则处危矣度不能当必防其所有之其则升九重至高之陵以避遽之然不可自失其守退避自守处震之大方也卦有六位七则变矣时过事已则复其常故云七日得】六三震苏苏震行无咎【阴柔不正故当震则苏苏然神气缓散自失也若震惧而能行去不止而就正则可以无

过也】九四震遂泥【阙】

六五震往来厉亿无咎有事【五有中德者也动而上往则柔不可居动而下】

【来则刚不可犯是往来皆危也当君位为动之上随宜应变在中而已故当亿度图虑无防失其所有之事而已谓中德也】上六震索索视矍矍征凶震不于其躬于其邻无咎婚媾有言【陰柔居震动之极志气殫索瞻视矍矍然不安足之貌如是而征凶可知矣若能震惧于未及身之前则不至于极矣故得无咎苟不至于笃极尚有可改之道柔处震终有能变之义上始变而终变与诸处震者异矣故婚媾有言也】艮 【艮下艮上】初六艮其趾无咎利永贞【以柔处下当止之时也止于动之初未至失正故无咎也以其陰柔故戒以利在常永贞固】六二艮其腓不拯其随其心不快【二中正三成止之主刚而失中不能降而从二也腓随股而动者也二之行上系乎三也二既不得以其道拯救三之失则必勉强而随之故其心不快不得行其志也】九三艮其限列其夤厉熏心【限谓上下之际三以刚居刚而不中为成艮之主决止于下之上不复能进退者也如人之列絕其夤臂则上下相从属言止之坚强也止道贵乎从宜而一定如此则处世乖戾与物睽絕危厉不安熏灼其心矣】六四艮其身无咎【四大臣之位止天下之当止也以陰柔而不遇阳刚之居惟能止物施于止则有咎矣无取之甚也】六五艮其辅言有序悔亡【辅言之所出也艮其辅止于中也止于辅则不妄出而有序也言轻发而无序则有悔止之于辅则悔亡也五陰柔不足主天下之止故止取慎于言之义】上九敦艮吉【刚实居止而又成艮之止在艮之终止之至坚笃者也敦笃实也人之止难于有终故节或移于晚守或失于终事或废于从此敦艮之所以为吉也六爻惟此为吉】渐 【艮下巽上】初六鸿渐于干小子厉有言无咎【鸿之为物至有时而羣有序不失其时序乃为渐取鸿象水鸟而止于水湄其进可谓渐矣六以柔居下而上无应以此而进如鸿之止于干也小人防子见而不能进故危惧而有言曾不知在下所以有进也用柔所以不躁也无应所以能渐也于义自无咎也】六二鸿渐于磐饮食衎衎吉【二五以中正之道相应其进之安固平易若鸿自干之磐又渐进也磐石之平安者江淮之濱所有其饮食衎衎然和乐吉可知也】九三鸿渐于陆夫征不复妇孕不育凶利御寇【在下卦之上进进至于陆矣平高曰陆平原也志将进而上无应当守正自处于平之地以俟时耳三与四相比而无应三若不守正往与四合不复反顾义理四若不以正而合于三虽孕而不育三之所利在禁御非理而至者能御寇则不至于终凶也】六四鸿渐于木或得其桷无咎【陰柔进据刚阳之上非安处也或能安寧之道则无咎也如鸿之于木本不安或得平柯而处之则安四居正而巽顺宜无咎者也必以得失言者因得以明其义也】九五鸿渐于陵妇三歲不孕终莫之胜吉【五居尊位犹鸿之渐于高陵与二为正应而三比二四比五皆隔其交者也当渐之时未能即合故妇三歲不孕然中正之道有必亨之理不正岂能隔害之但其合有渐耳终得其吉也】上九鸿渐于陆其羽可用为仪吉【安定胡公谓陆当为逵逵云路也上九在至高之位又益上进过于渐之时居巽之极必有其序是人超逸乎常事之外者也进至于是而不失其渐贤逵之高致也故其羽可用为仪法而吉也羽其所用以进也】归妹 【兌下震上】初九归妹以娣跛能履征吉【女之归居下而无正应娣之象也刚阳在妇人为贤贞之

义娣虽贤何所能为如跛者能履言不能及远也然在其分为善故以是而行则吉也】九二眇能视利幽人之贞【九二刚阳而居中贤女也六五陰柔說体配不良也二虽贤不能成其内助之功能小施之如眇者之能视而已二幽静之人也言利如幽人之贞非不足而为之戒也】六三归妹以须反归以娣【三居下之上本非贱者以六居三德不正柔而尚刚行不顺也以說而动非理也无应无受之者也无所适故须也女子如是人谁取之不可以为人配矣当反归而求为娣媵则可也】九四归妹愆期迟归有时【此女子居贵高之地有贤明之资者也以无正应故为愆期若是女人情所愿娶故其愆期乃为有时盖自有待非不售也待得佳配而后行也】六五帝乙归妹其君之袂不如其娣之袂良月几望吉【尊贵之女尚礼而不饰故其袂不如其娣之袂良也月几望当不至于盈满则不亢其夫乃为吉也女子处尊贵之道也六五居尊位妹之贵高者也下应于二为下嫁之象王姬下嫁自古而然至帝乙而正婚姻之礼明男女之分也】上六女承筐无实士刲羊无血无攸利【女归之终而无应无终者也夫妇共承宗庙承事筐篚而无实乃夫不能奉祭祀也故刲羊而无血亦无以为祭也则当离絕之矣是夫妇之无终者也何所往而利哉】丰 【离下震上】初九遇其配主虽旬无咎往有尚【致丰之道明动相资初九明之初位则相应用则相资故初谓配主旬均也天下之相应者常非均敌惟丰之初四其用则相资其应则相感故虽均足刚阳相遇而无咎也往而相从可嘉尚也】六二丰其蔀日中见斗往得疑疾有孚发若吉【相动相资乃能成丰二至明中正之方五乃柔暗不正之君二独明不能成丰故为丰其蔀掩也晦于明也斗昏见者也丰时遇昏主犹日中而见斗若往求之则疑猜忌疾惟尽其至诚以感发其志意而已苟诚意能动则蒙可开柔弱可辅不正可正是以吉】九三丰其沛日中见沫折其右肱无咎【沛幡幔围蔽于内者其暗甚于蔀也三刚阳明体得正而反暗于四者丰之时而遇上六日中见沫也沫星之防细者也右肱人之所用贤者上无可赖之主则不能有为如人之折其右肱也无所归咎也】九四丰其蔀日中见斗遇其夷主吉【四大臣刚阳为动之主然不中正而遇柔暗之君故不能致丰大遇其等夷相应之主谓初也居大臣之位而得在下之贤同德相辅其辅岂小哉故吉也天下之丰必有君而后能致】六五来章有庆誉吉【五既陰柔若能致六二文明中正章美之才而委任则可致丰大之庆名誉之美故吉也五无虚己下贤之义圣人设此以为教耳】上六丰其屋蔀其家闚其户闃其无人三歲不覿凶【处太高也居不明也以陰柔居丰大而在无位之地乃高亢昏暗自絕于人人谁与之故窺其户闃其无人至于三歲之久尚不见其人其才不能变也凶宜矣】旅 【艮下离上】初六旅 斯其所取灾【柔弱卑下之人既处旅困鄙猥 细无所不至乃其所以致悔辱取灾咎也才质如此上虽有援无能为也又在旅与他卦为大臣之位者异也】六二旅即次怀其资得童仆贞【柔顺中正故得就次舍怀畜其资财又得童仆之贞良处旅之善者也不言吉者旅遇之际得免于灾厉则善矣】九三旅焚其次防其童仆贞厉【刚而不中正在下体之上与艮之上有自高之象自高则不顺于上上离也故为焚其次过刚则暴下故失童仆之贞信此危厉之道也】九四旅于处得其资斧我心不快【阳刚处柔在上体之下有用柔能下之象为五所期为初所应旅得其处止得其资财器用之利也然上无阳刚之与下惟陰柔之应故不能伸其才行其志其心不快也】六五射雉一矢亡终以誉命【离为雉文明之物五居文明之位有文明之德动必中文明之道如射雉一矢而亡之发无不中则终能致令誉有福禄也人居旅则失位故五不义】上九鸟焚其巢旅人先笑后号咷防牛于易凶【在旅之时谦降柔和乃自保上九过刚自高故为鸟焚巢失所安也刚阳自处于至高始快于意故先笑既而失安莫

与故号咷轻易以防其顺德是以凶也】巽 【巽下巽上】初六进退利武人之贞【陰柔居卑巽而承刚过于卑巽者也故恐畏不安或进或退不知所从若能用武人刚贞之志则为宜也】九二巽在牀下用史巫纷若吉无咎【牀人之所安二居巽时以阳处陰而在下过于所安矣史巫者通诚意于神明者也纷若多也苟至诚安于谦巽能使通于诚意者多则吉而无咎谓其诚足以动人也人不察其诚意则以过巽为谄也】九三频巽吝【以阳处刚不得其中又在下体之上非能巽者居巽之时处下而上临之以巽欲不巽得乎勉而为之故频失而频巽是可吝也】六四悔亡田获三品【陰柔无援而承乘皆刚宜有悔也而四以陰居陰得巽之正居上之下巽于上也以巽临下巽于下也如田之获三品遍及上下善处如此故得悔亡】九五贞吉悔亡无不利无初有终先庚三日庚三日吉【五居尊位为巽之主命令之所出也贞中正也处巽出令皆中正为吉贞非五之不足在巽当戒也既贞则吉而悔亡无所不利也无初始未善也有终更之使善也十干戊巳为中过中则变故谓之庚事之改更当原始要终能如是则吉也】上九巽在牀下防其资斧贞凶【居巽之极过于巽也阳刚本有断以过巽而失其刚断失其所有防资斧也居上而过巽至于自失在正道为凶也】兑

【兑下兑上】初九和兑吉【阳刚则不卑居下则能巽处说则能和无应则不偏处说如是则吉也】九二孚兑吉悔亡【二承比陰柔陰小人也说之则当有悔二刚中之德孚信内充虽比小人自守不失故吉而悔亡】六三来兑凶【陰柔在中说不以道者也内为来比于在下之阳枉己非道就以来说所以凶也不知外者以同体而陰性下也】九四商兑未寧介疾有喜【四上承中正之五下比柔邪之三虽刚阳而不正三陰柔阳所说也故不能决商度所从而未定若介然守正而疾恶邪恶则有喜也】九五孚于剥有厉【剥者陰消阳之名九五居尊中正尽说道之善矣虽舜之圣且畏巧言令色盖说之惑人易入可惧如此故圣人设戒以为五若诚心信小人少假善为实善而不知其包藏则危道也如尧于四凶初取其畏罪而强仁及其终恶则诛之矣】上六引兑【上六成说之主居说之极说不知已引而长之者也未见其所说善恶故不言悔吝】涣 【坎下巽上】初六用拯马壮吉【居涣之初始涣而拯之又得马壮则吉也马谓二也两皆无应亲比相求初陰顺而托于二刚中之才以拯其涣则不至于涣是以吉也】九二涣奔其机悔亡【二在涣离之时而处险中有悔可知机者俯凭以为安者也故二目初为机初虽坎体而不在险中也当涣离之时两皆无与陰阳相比相赖者也二急就于初以为安则能亡其悔矣涣之时以合力为胜】六三涣其躬无悔【三在涣时独有应与无涣散之悔也然陰柔不中正而上又居无位之地岂能拯时之涣而及人也止于其身可以无悔而已】六四涣其群元吉涣有丘匪夷所思【阙】

九五涣汗其大号涣王居无咎【五与四君臣合德当使号令浹于民心如】

【人身之汗浹于四体则信服而从矣大号谓新民之大命救涣之大政能济天下之涣则居王位为称而无咎也涣之四五通言其义者涣散其害惟君臣合德乃济爻义相渎时之宜也】上九涣其血去逖出无咎【涣诸爻皆无系应惟上应三二居险陷之极有伤害畏惧之象上九居巽之极为能巽顺于事理若能出于涣使其血去惕出则无咎】节 【兑下坎上】初九不出户庭无咎【初以阳在下上复有应非能节者也初能固守终或渝之谨于初安

能有卒故于节之初戒之谨守至于不出户庭则无咎也户庭户外之庭【九二不出门庭凶【二虽刚中之质然处阴不正也居说失刚也承柔近邪也节之道当以则中正二失其刚中之德不合于五是以凶也】六三不节若则嗟若无咎【六三不中正乘刚而临险固宜有咎然柔顺而和说若能自节而顺于义则可以无过不然则可伤嗟已所自致无所归咎也】六四安节亨【四顺承九五刚中之道是以中正为节也以限居阴安于正也当位为有节之象下应于初四坎体水也上溢为无节就下有节也知四之义安于节者也故能致亨】九五甘节吉往有尚【刚中正居尊位在已则安行天下则说从节之甘美者也其吉可知以此而行有可嘉尚也】上六苦节贞凶悔亡【居节之极居险之极节之苦者也固守则凶悔而损过从中则凶亡矣】中孚 【兑下巽上】初九虞吉有它不燕【中孚之初戒其审其所信虞度其可信而后信则吉也既得所信则当诚一若有它则不得其安乐矣】九二鸣鹤在阴其子和之我有好爵吾与尔靡之【阙】

六三得敌或鼓或罢或泣或歌【三四皆以虚中为成孚之】

【主四得位居正故亡四以从五三不中失正故得敌以累志或鼓张或罢废或悲泣或歌乐动息忧乐皆系乎所信也虽未知吉凶非明达君子也】六四月几望马匹亡无咎【四为成孚之主居近君之位如望则敌矣臣如敌君祸败必至故以几望为至盛也四与初为正应匹也古者驾车用四马不能纯色则两服两骖各一色又小大必相称故两马谓为对也马者行物也初应四四亦从五皆上行也故以马为象孚道在一故四从五而不系于初马匹亡则无咎也】九五有孚挛如无咎【人君当以至诚感通天下使天下之心信之固结如拘挛然则为无咎也】上九翰音登于天贞凶【阳性上进风体飞颺守孚至于穷极羽翰之音登闻于天贞固如此而不知变凶可知矣】小过 【艮下震上】初六飞鸟以凶【阴柔小人上应于四四复动体小人躁易而上有应于所当过必至过甚况不当过而过乎其过如飞鸟之迅疾救止莫及所以凶也】六二过其祖遇其妣不及其君遇其臣无咎【阳之在上者父之象尊于父者祖之象阴而尊者祖妣之象二与五居相应之地同有柔中之德志不从于三四故过四而遇五也过之时必过其常故戒以不陵及于君适当臣道】九三弗过防之从或戕之凶【小过阴过阳失位之时三独居正在过防于小人若弗过防之则或从而戕害之矣如是则凶也防小人之道正已为先三不失正故无必凶之义】九四无咎弗过遇之往厉必戒勿用永贞【阙】

六五密云不雨自我西郊公弋取

彼在穴【阙】

上六勿遇过之飞鸟离之凶是谓灾

【上阴而动体处过之地极不与理遇动皆过之知飞鸟之迅速违理过常之遽所以凶也既

过之极岂惟人 天灾亦至其凶可知天理人事皆然也】既济 【离下坎上】初九曳其轮濡其尾无咎【初以阳居下上应于四又火体其进之志锐也时既济矣进不已则及于悔吝故倒曳其轮使不进也兽之涉水必揭其尾濡其毛则不能济方既济之初能止其进乃得无咎也】六二妇防其茀勿逐七日得【二陰也故以妇言茀妇人出门以自蔽中正之德上应九五刚阳中正之君宜得行其志者也然时既已济王得尊位无复进而有为矣故云不得遂其行也于斯时也则刚中反为中满坎离乃为相戾矣然中正之道岂可废也时过则行矣勿逐者自守不失也卦有六位七则变矣时变则终行矣】九三高宗伐 方三年克之小人勿用【既济而用刚乃高宗伐 方之事高宗天下之事既济而遠伐暴乱也惟圣贤之君则可若小人为之则骋威武忿不服贪土地残民肆欲而已故戒勿用小人】六四繻有衣袽终日戒【四在济卦而水体故取舟为义四大臣既当济以防患虑变为急繻当作濡舟有罅漏则塞以衣袽有衣袽以备漏又当终日戒惧不怠也】九五东邻杀牛不如西邻之禴祭实受其福【五中实孚也二虚中诚也皆取祭祀为义求邻阳也】上六濡其首厉【阙】

未济 【坎下离上】初六濡

其尾吝【阙】

九二曳其轮贞吉【阙】

六三未济征凶利涉大川【陰柔不中】

【正而居险不足以济也未有可济之道出险之用而征所以凶也然未济有可济之道险中有出险之理上有刚阳之应若能涉险而往从之则济矣故利济大川也】九四贞吉悔亡震用伐 方三年有赏于大国【济天下之艰难非刚健之才不能也九以阳居柔故戒以贞固则吉而悔亡当如古人震动用力遠伐 方至于三年然后成功而行大国之赏必如是乃能济也】六五贞吉无悔君子之光有孚吉【五虽以柔居尊位居刚应刚其处得中虚其心而阳为之辅至正至善德之吉也故无不济之悔文明之主德辉之盛而功实称之有孚也时可济矣故为吉也】上九有孚于饮酒无咎濡其首有孚失是【以刚在上刚之极也居明之上明之极也刚极不能明明能烛理刚能断义居未济之极非得济之位无可济之理则当至诚自信于中安我命而自乐则可无咎若从乐而耽肆过礼放意而不及至濡其首则非能安于义命于有孚为失矣】

皇王大纪卷十七

宋 胡宏 撰

三王纪

周成王

周公以君人之道在正其身正身之道在得其人左右前后皆正人也然后身正身正则可有正庶事毕正而天下皆正矣大君亲庶事而官不择人大乱之道也于是作立政以告于王周书叙曰周公作立政立政周公若曰拜手稽首告嗣天子王矣用咸戒于王曰王左右常伯常任准人缀衣虎贲周公曰呜呼休兹知恤鲜哉古之人迪惟有夏乃有室大竞吁俊尊上帝迪知忱恂于九德之行乃敢告教厥后曰拜手稽首后矣曰宅乃事宅乃牧宅乃準兹惟后矣谋面用丕训德则乃宅人兹乃三宅无义民桀德惟乃弗作往任是惟暴德罔后亦越成汤陟丕厘上帝之耿命乃用三有宅克即宅曰三有俊克即俊严惟丕式克用三宅三俊其在商邑用协于厥邑其在四方用丕式见德呜呼其在受德暨惟羞刑暴德之人同于厥邦乃惟庶习逸德之人同于厥政帝钦罚之乃俾我有夏式商受命奄甸万姓亦越文王武王克知三有宅心灼见三有俊心以敬事上帝立民长伯立政任人准夫牧作三事虎贲缀衣趣马小尹左右仆百司庶府大都小伯艺人表臣百司太史尹伯庶常吉士司徒司马司空亚旅夷防卢烝三亳阪尹文王惟克厥宅心乃克立兹常事司牧人以克俊有德文王罔攸兼于庶言庶狱庶慎惟有司之牧夫是训用违庶狱庶慎文王罔敢知于兹亦越武王率惟敕功不敢替厥义德率惟谋从容德以并受此丕丕基呜呼孺子王矣继自今我其立政立事準人牧夫我其克灼知厥若丕乃俾乱相我受民和我庶狱庶慎时则勿有间之自一话一言我则未惟成德之彦以义我受民呜呼予旦已受人之徽言咸告孺子王矣继自今文子文孙其勿误于庶狱庶慎惟正是义之自古商人亦越我周文王立政立事牧夫準人则克宅之克由绎之兹乃俾义国则罔有立政用儉人不训于德是罔显在厥世继自今立政其勿以儉人其惟吉士用勗相我国家今文子文孙孺子王矣其勿误于庶狱庶慎惟有司之牧夫其克诘尔戎兵以陟禹之迹方行天下至于海表罔有不服以覲文王之耿光以扬武王之大烈呜呼继自今后王立政其惟克用常人周公若曰太史司寇苏公式敬尔由狱以长我王国兹式有慎以列用中罚周公从王东巡狩伐淮夷遂践奄作成王政成王既践奄将迁其君于蒲姑周公告召公作将蒲姑五月丁亥王来自奄至于宗周周公虑天下诸侯不知天命复有干纪乱正自取毁灭如奄君者于是训戒庶邦作多方周书叙曰成王归自奄在宗周诰庶邦作多方多方周公曰王若曰猷告尔四国多方惟尔殷侯尹民我惟大降尔命尔罔不知洪惟图天之命弗永寅念于祀惟帝防格于夏有夏诞厥逸不肯感言于民乃大淫昏不克终日劝于帝之迪乃尔攸闻厥图帝之命不克开于民之丽乃大降罚崇乱有夏因甲于内乱不克灵承于旅罔丕惟进之恭洪舒于民亦惟有夏之民叨慍曰钦劓割夏邑天惟时求民主乃大降显休命于成汤刑殄有夏惟天不畀纯乃惟以尔多方之义民不克永于多享惟夏之恭多士大不克明保享于民乃胥惟虐于民至于百为大不克开乃惟成汤克以尔多方简代夏作民主慎厥丽乃劝厥民刑用劝以至于帝乙罔不明德慎罚亦克用劝今至于尔辟弗克以尔多方享天之命呜呼王若曰诰告

尔多方非天庸释有夏非天庸释有殷乃惟尔辟以尔多方大淫图天之命屑有辞乃惟有夏图厥政不集于享天降时防有邦间之乃惟有商后王逸厥逸图厥政不蠲烝天惟降时丧惟圣罔念作狂惟狂克念作圣天惟五年须臾之子孙诞作民主罔可念听天惟求尔多方大动以威开厥顾天惟尔多方罔堪顾之惟我周王灵承于旅克堪用德惟典神天天惟式教我用休简畀殷命尹尔多方今我曷敢多诰我惟大降尔四国民命尔曷不忱裕之于尔多方尔曷不夹介乂我周王享天之命今尔尚宅尔宅畋尔田尔曷不惠王熙天之命尔乃迪屡不静尔心未爱尔乃不大宅天命尔乃屑播天命尔乃自作不典图忱于正我惟时其教告之我惟时其战要囚之至于再至于三乃有不用我降尔命我乃其大罚殛之非我有周秉德不康宁乃惟尔自速辜王曰呜呼猷告尔有方多士暨殷多士今尔奔走臣我监五祀越惟有胥伯小大多正尔罔不克臬自作不和尔惟和哉尔室不睦尔惟和哉尔邑克明尔惟克勤乃事尔尚不忌于凶德亦则以穆穆在乃位王曰呜呼多士尔不克劝忱我命尔亦则惟不克享凡民惟曰不享尔乃惟逸惟颇大逵王命则惟尔多方探天之威我则致天之罚离逖尔土王曰我不惟多诰我惟祇告尔命又曰时惟尔初不克敬于和则无我怨

论曰多士今尔又曰夏迪简在王庭有服在百僚予一人惟听用德宜在尔小子乃兴从尔迁之下多方克阅于乃邑谋介尔乃自时洛邑尚永力畋尔田天惟畀矜尔我有周惟其大介赉尔迪简在王庭尚尔事有服在大僚宜在多士予一人于听用德之下而殷革夏命宜与肆予敢求尔于天邑商相属也伏生耄矣口授于人文失其次如是正之则多士多方可读而求其义矣

肃慎氏来贺灭奄王俾荣伯作贿肃慎之命周公位冢宰正百工勤劳尽下一沐三握髮一饭三吐哺下白屋之士由是尽知天下贤才之滞淹者狱讼之失情者饥寒而无告者诸侯来朝大夫来聘各以戒之君卿士庶皆曰明哉周公何知我之悉乎交趾之南有越裳氏重三译来朝防以白雉周公曰德泽不加君子不享其防政令不施君子不臣其人译曰逖夷荒外有凄风苦雨之患今而无之长老曰必中国有圣人是以来也周公乃致荐宗庙归德于先王

七年初武王谓周公曰洛汭延于伊汭其地四平我南望三涂北望岳鄙顾瞻有河粤詹伊洛母逖天室宜营周居尔其成之于是王将宅洛邑居九鼎曰此天下中四方入贡道里均我宁王之命也乃命太保先至于洛卜宅作召诰周公继之告于郊社庶殷丕作以图及卜献于王作洛诰明堂成图尧舜桀纣善恶之状于四门墉着兴废之戒焉孔子曰此周之所以盛也夫明镜所以察形往古所以知今人主袭迹于其所以安存则危亡何从至哉周公朝诸侯于明堂归政于王王负斧戢南乡而立三公中阶之前北面东上诸侯之位阼阶之东西面北上诸伯之国西阶之西东面北上诸子之国门东北面东上诸男之国门西北面东上九夷之国东门之外西面北上八蛮之国南门之外北面东上六戎之国西门之外东面南上五狄之国北门之外南面东上九采之国应门之外北面东上四塞世告至周书叙召诰曰成王在丰欲宅洛邑使召公先相宅作召诰召诰惟二月既望越六日乙未王朝步自周则至于丰惟太保先周公相宅越若来三月惟丙午朏越三日戊申太保朝至于洛卜宅厥既得卜则经营越三日庚戌太保乃以庶殷攻位于洛汭越五日甲寅位成若翼日乙卯周公朝至于洛则达观于新邑营越三日丁巳用牲于郊牛二越翼日戊午乃社于新邑牛一羊一豕一越七日甲子周公

乃朝用书命庶殷侯甸男邦伯厥既命庶殷庶殷丕作太保乃以庶邦冢君出取币复入锡周公曰拜手稽首旅王若公诰告庶殷越自乃御事呜呼皇天上帝改厥元子兹大国殷之命惟王受命无疆惟休亦无疆惟恤呜呼曷其奈何弗敬天既遐终大邦殷之命兹殷多先哲王在天越厥后王后民兹服厥命厥终智藏齔在夫知保抱携持厥妇子以哀吁天徂厥亡出执呜呼天亦哀于四方民其眷命用懋王其疾敬德相古先民有夏天迪从子保面稽天若今时既坠厥命今相有殷天迪格保面稽天若今时既坠厥命今冲子嗣则无遗寿考曰其稽我古人之德矧曰其有能稽谋自天呜呼有王虽小元子哉其不能诚于小民今休王不敢后用顾畏于民曷王来绍上帝自服于上中旦曰其作大邑其自时配皇天毖祀于上下其自时中义王厥有成命治民今休王先服殷御事比介于我有周御事节性惟日其迈王敬作所不可不敬德我不可不监于有夏亦不可不监于有殷我不敢知曰有夏服天命惟有历年我不敢知曰不其延惟不敬厥德乃早坠厥命我不敢知曰有殷受天命惟有历年我不敢知曰不其延惟不敬厥德乃早坠厥命今王嗣受厥命我亦惟兹二国命嗣若功王乃初服呜呼若生子罔不在厥初生自贻哲命今天其命哲命吉防命历年知今我初服宅新邑肆惟王其疾敬德王其德之用祈天永命其惟王勿以小民淫用非彝亦敢殄戮用义民若有功其惟王位在德元小民乃惟刑用于天下越王显上下勤恤其曰我受天命丕若有夏历年式勿替有殷历年欲王以小民受天永命拜手稽首曰予小臣敢以王之讐民百君子越友民保受王威命明德王末有成命王亦显我非敢勤惟恭奉币用供王能祈天永命周书叙洛诰曰召公既相宅周公往营成周使来告卜作洛诰洛诰惟三月哉生魄周公初基作新大邑于东国洛四方民大和会侯甸男邦采卫百工播民和见土于周周公成勤乃洪大诰治周公拜手稽首曰朕复子明辟王如弗敢及天基命定命予乃保大相东土其基作民明辟予惟乙卯朝至于洛师我卜河朔黎水我乃卜涧水东瀍水西惟洛食我又卜瀍水东亦惟洛食佻来以图及献卜王拜手稽首曰公不敢不敬天之休来相宅其作周匹休公既定宅佻来视予卜休恒吉我二人共贞公其以予万亿年敬天之休拜手稽首诲言周公拜手稽首曰王命予来承保乃文祖受命民越乃光烈考武王朕恭孺子来相宅其大惇典殷猷民乱为四方新辟作周恭先曰其自时中义万邦咸休惟王有成绩予旦以多子越御事笃前人成烈答其师作周孚先考朕昭子刑乃单文祖德佻来毖殷乃命宁予以秬鬯二卣曰明禋拜手稽首休享予不敢宿则禋于文王武王惠笃叙无有遘自疾万年厌于乃德殷乃引考王佻殷乃承叙万年其永观朕子怀德王若曰公明保于冲子公称丕显德以予小子扬文武烈奉答天命和恒四方民居师惇宗将礼称秩元祀咸秩无文惟公德明光于上下勤施于四方旁作穆穆迓衡不遗文武勤教予冲子夙夜毖祀周公曰王肇称殷礼祀于新邑咸秩无文予齐百工佻从王于周予惟曰底有事今王即命日记功宗以功作元祀惟命曰汝受命笃弼丕视功载乃汝其悉自教工孺子其朋孺子其朋其往无若火始焰焰厥攸灼叙弗其絶厥若彝及抚事如予惟以在周工往新邑佻向即有僚明作有功惇大成裕汝永有辞王曰公功棐迪笃罔不若时公定予往已公功肃将祗欢公无困哉我惟无斁其康事公勿替刑四方其世享公曰已汝惟冲子惟终汝其敬识百辟享亦识其有不享享多仪仪不及物惟曰不享惟不役志于享凡民惟曰不享惟事其爽侮乃惟孺子颁朕不暇听朕教汝于棐民彝汝乃是不覆乃时惟不永哉笃叙乃正父罔不若予不敢废乃命汝往敬哉兹予其明农哉彼裕我民无逯用戾王曰公予小子其退即辟于周命公后四方迪乱未定于宗礼亦未克敕公功迪将其后监我士师工诞保文武受命乱为四辅十二月戊辰王在新邑烝祭歳文王骍牛一武王骍牛一王命作册逸祝册惟告周公其后王寅杀

禋咸格王入太室裸王命周公后作册逸诰惟周公诞保文武受命惟七年鲁侯伯禽东之国王若曰处位必敬谏者无格其言通清白塞巧佞则君道也周公曰汝慎无以鲁国骄人仰禄之士犹可骄也正身之士不可骄也性气高明守之以恭聪明敏达守之以愚博闻强记守之以约土地广大守之以俭人众共强守之以畏禄位尊盛守之以谦君子不施其亲不使大臣怨乎不以故旧无大故则不弃也无求备于一人作鼗器以赐之曰是器也虚则敲中则正满则覆戒之哉鲁公置之坐侧名曰宥坐之器周颂首篇曰清庙一章八句祀文王也周公既成洛邑朝诸侯率以祀文王焉于穆清庙肃雝显相【于叹辞穆美也】济济多士秉文之德对越在天骏奔走在庙不显不承无射于人斯【骏长也大也射厌也】周颂二篇曰维天之命一章八句太平告文王也维天之命于穆不已于乎不显文王之德之纯假以溢我我其收之骏惠我文王【假嘉溢饶衍收聚骏大惠顺也】曾孙笃之【笃厚也】周公三篇曰维清一章五句奏象舞也维清缉熙文王之典【熙光明也典法也】肇禋【肇始也禋祀也】迄用有成维周之祜【迄至祜祥也】周颂四篇曰烈文一章十三句成王即政诸侯助祭也烈文辟公【谓文王武王也】锡兹祉福惠我无疆子孙保之无封【大也】靡【累也】于尔邦维王其崇【立也】之念兹戎【大也】功继序其皇【美也】之无竞【彊也】维人四方其训【道也】之不显维德百辟其刑之于乎前王不忘【武王也】周颂五篇曰天作一章七句祀先王先公也天作高山大王荒之【作生荒大也】彼作矣文王康之彼岵矣岐有夷之行【夷易也】子孙保之周颂六篇曰昊天有成命一章七句郊祀天地也昊天有成命二后受之成王不敢康夙夜基命宥密【二后文武也基始命信宥宽密宁也】于缉熙单厥心肆其靖之【缉明熙广单厚肆固靖和也】周颂七篇曰我将一章四句祀文王于明堂也我将我享维羊维牛维天其右之【将大享献也】仪式刑文王之典日靖四方伊嘏文王既右飨之【仪善刑法典常靖谋受福曰嘏】我其夙夜畏天之威于时保之周颂八篇曰时迈一章十五句巡狩告祭柴望也时迈其邦昊天其子之实右序有周薄言震之莫不震叠懷柔百神及河乔岳允王维后【迈行震动叠惧也懷来柔安乔高岳岱宗也】明昭有周式序在位载戢干戈载櫜弓矢【戢聚櫜韬也】我求懿德肆于时夏允王保之【夏大允信也】周颂九篇曰执竞一章十四句祀武王也执竞武王无竞维烈不显成康上帝是皇【无竞竞也烈业也】自彼成康奄有四方斤斤其明【斤斤明察也】钟鼓喤喤磬筦将将降福穰穰降福简简威仪反反既醉既饱福禄来反【喤喤和也将将集也穰穰多也简简大也反反难也反复也】周颂十篇曰思文一章八句后稷配天也思文后稷克配彼天立我烝民莫匪尔极贻我来牟帝命率育无此疆尔界陈常于时夏【牟麦用也】率周颂十一篇曰臣工诸侯助祭遣于庙也嗟嗟臣工敬尔在公王厘尔成来咨来茹【嗟嗟勅之也工官也公君也】嗟嗟保介维莫之春亦又何求如何新畀于皇来牟将受厥明明昭上帝迄用康年【康乐也】命我众人庠乃钱鎛奄观铎艾【庠具钱鎛鎛铎获也】周颂十二篇曰噫嘻一章八句春夏祈谷于上帝也噫嘻成王既昭假尔率时农夫播厥百谷【噫叹也嘻勅也】骏发尔私终三十里亦服尔耕十千维耦【私民田也骏疾发伐也】周颂十三篇曰振鹭一章八句二王之后来助祭也振鹭于飞于彼西雝我客戾止亦有斯容【振振群飞貌雝泽也客二王之后】在彼无恶在此无斁庶防夙夜以永终誉周颂十四篇曰丰年一章七句秋冬报也丰年多黍多稌亦有高廩万亿及秭【丰大稌稻也】为酒为醴烝畀祖妣以洽百礼降福孔皆【皆徧也】周颂十五篇曰有瞽一章十三句始作乐而合乎祖也有瞽有瞽在周之庭设业设虞崇牙树羽应田县鼓鞀磬祝圉【业大板也所以饰栒植者为虞衡者为栒崇牙上饰卷然可以县

也树羽置羽也应小鞞田大鼓也县鼓周鼓也鞞小鼓也柷木柷也圉楬也】既备乃奏箫管
备举喤喤厥声肃雝和鸣先祖是听我客戾止永观厥成周颂十六篇曰潜一章六句季冬荐
鱼春献鲔也猗欵漆沮潜有多鱼有鰿有鲔鰿鰿鰿鲤【潜糝也鰿大鲤也鲔鰿也鰿白鰿也
鰿鰿也】以飧以祀以介景福周颂十七篇曰雝一章十六句禘太祖也有来雝雝至止肃肃
相维辟公天子穆穆于荐广牡相予肆祀【相助广大也】假哉皇考绥予孝子宣哲维人文
武维后【假嘉也】燕及皇天克昌厥后绥我眉寿介以繁祉既右烈考亦右文母【烈考武
王也文母太妣也】周颂十八篇曰载见一章十四句诸侯始见乎武王庙也载见辟王曰求
厥章龙旂阳阳和铃央央儗革有鸛休有烈光【载始也龙旂阳阳言有文章也和在轼前铃
在旂上儗革有鸛有法度也】率见昭考以孝以享以介眉寿永言保之思皇多祐【昭考武
王也享献也】烈文辟公绥以多福俾缉熙于纯嘏【俾使纯大也】周颂十九篇曰有客一
章十二句防子来见祖庙也有客有客亦白其马有萋有且敦琢其旅【殷尚白也萋且敬慎
也】有客宿宿有客信信言受之絜以絜其马【一宿曰宿再宿曰信欲絜其马而留之】薄
言追之左右绥之既有淫威降福孔夷【淫大威则夷易也】周颂二十篇曰武一章七句奏
大武也于皇武王无竞维烈允文文王克开厥后【烈业也】嗣武受之胜殷遏刘耆定尔功
【武迹刘杀耆致也】孔子曰韶尽美矣又尽善也武尽美矣未尽善也故闻韶音不知肉味
而问于賁牟贾曰夫武之备戒之已从何也对曰病不得其众也咏叹之淫液之何也对曰恐
不逮事也发扬蹈厉之已蚤何也对曰及时事也武坐致右宪左何也对曰非武坐也声淫及
商何也对曰非武音也子曰若非武音则何音也对曰有司失其传也若非有司失其传则武
王之志荒矣子曰唯丘闻诸耆 亦若吾子之言是也賁牟贾起免席而请曰夫武之备戒之
已从则既闻命矣敢问迟之迟而又从何也子曰居吾语女夫乐者象成者也总干而山立武
王之事也发扬蹈厉太公之志也武乱皆坐周召之治也且夫武始而北出再成而灭商三成
而南四成而南国是疆五成而分周公左召公右六成复缀以崇天子夹振之而驷伐盛威于
中国也分夹而进事蚤济也从立于缀以待诸侯之至也克商偃武脩文周道四达礼乐交通
则夫武之迟从亦宜乎周颂二十五篇曰载芟一章三十一句春籍田而祈社稷也载芟载
柞其耕泽泽千耦其耘徂隰徂畛侯主侯伯侯亚侯旅侯疆侯以【除草曰芟除木曰柞畛埒
也主家长也伯长子也亚仲叔也旅子弟也疆强力也以用也】有嘏其饔思媚其妇有依其
士【嘏众貌士子弟也】有略其耜俶载南畝播厥百谷实函斯活【略利也】驿驿其达有
厌其杰厌厌其苗緜緜其麋【达射也有厌其杰言杰苗厌然特美也麋耘也】载获济济有
实其积万亿及秭【济济难也】为酒为醴烝畀祖妣以洽百礼飭其香邦家之光【飭芬香
也】有椒其馨胡考之宁【椒犹飭也胡寿也考成也】匪且有且匪今斯今振古如兹【且
此振自也】周颂二十六篇曰良耜一章二十三句秋报社稷也矍矍良耜俶载南畝播厥
百谷实函斯活【矍矍犹测测也】或来瞻女载筐及筥其饔伊黍其笠伊纠其鋤斯赵以薅荼
蓼【赵刺也蓼水草也】荼蓼朽止黍稷茂止获之挈挈积之栗栗其崇如墉其比如栉以开
百室【挈挈获声也栗栗众多也墉城也】百室盈止妇子宁止杀时惇牡有捄其角以似以
续续古之人【黄牛黑唇曰惇社稷之牛角尺以似以续嗣前歲续往事也】周颂二十七篇
曰丝衣一章九句绎賓尸也丝衣其紃载弁毳毳自堂徂基自羊徂牛鼐鼎及鼐【丝衣祭服
也紃洁鲜貌毳毳恭顺貌基门塾之基自羊徂牛言先小后大也大鼎谓之鼐小鼎谓之鼐】
兕觥其觶防酒思柔不吴不敖胡考之休【柔安吴晔考成也】周颂二十八篇曰酌一章八
句告成大武也言能酌先祖之道以養天下也于铎王师遵養时晦时纯熙矣是用大介【铎

美也】我龙受之蹻蹻王之造载用有嗣【龙和也蹻蹻武貌造为也】实维尔公允师【公事也】周颂二十九篇曰桓一章九句讲武类禡也桓武志也绥万邦屡丰年天命匪解桓桓武王保有厥土于以四方克定厥家【土事也】于昭于天皇以间之【间代也】周颂终三十一篇曰般一章七句巡狩而祀四岳河海也于皇时周陟其高山墮山乔岳允犹翯河【高山四岳也墮山山之墮墮小者也翯合也】敷天之下裒时之对时周之命【裒聚也】

皇王大纪卷十八

宋 胡宏 撰

三王纪

成王

八年周公分正东郊理殷顽民周书叙曰成周既成迁殷顽民周公以王命诰作多士多士惟三月周公初于新邑洛用告商王士王若曰尔殷遗多士弗吊旻天大降丧于殷我有周佑命将天明威致王罚勅殷命终于帝肆尔多士非我小国敢弋殷命惟天不畀允罔固乱弼我我其敢求位惟帝不畀惟我下民秉为惟天明畏我闻曰上帝引逸有夏不适逸则惟帝降格向于时夏弗克庸帝大淫佚有辞惟时天罔念闻厥惟废元命降致罚乃命尔先祖成汤革夏俊民甸四方自成汤至于帝乙罔不明德恤祀亦惟天丕建保乂有殷殷王亦罔敢失帝罔不配天其泽在今后嗣王诞罔显于天矧曰其有听念于先王勤家诞淫厥佚罔顾于天显民祗惟时上帝不保降若兹大丧惟天不畀不明厥德凡四方小大邦丧罔非有辞于罚王若曰尔多士今惟我周王丕灵承帝事有命曰割殷告勅于帝惟我事不贰适惟尔王家我适予其曰惟尔洪无度我不尔动自乃邑予亦念天即于殷大戾肆不正王曰猷告尔多士予惟时其迁居西尔非我一人奉德不康寧时惟天命无违朕不敢有后无我怨惟尔知惟殷先人有册有典殷革夏命今尔其曰夏迪简在王庭有服在百僚予一人惟听用德肆予敢求尔于天邑商予惟率肆矜尔非予罪时惟天命王曰多士昔朕来自奄予大降尔四国民命我乃明致天罚移尔遐逝比事臣我宗多逊王曰告尔殷多士今予惟不尔杀予惟时命有申今朕作大邑于兹洛予惟四方罔攸寘亦惟尔多士攸服奔走臣我多逊尔乃尚有尔土尔乃尚寧干止尔克敬天惟畀矜尔尔不克敬尔不啻不有尔土予亦致天之罚于尔躬今尔惟时宅尔邑继尔居厥有干有年于兹洛尔小子乃兴从尔迁今尔又曰夏迪简在王庭有服在大僚予一人惟听用德克阅于乃邑谋介尔乃自时洛邑尚永力畋尔田天惟畀矜尔我有周惟其大賚尔迪在王庭尚尔事有服在大僚王曰又曰时予乃或言尔攸居初蔡叔既囚其子仲克庸祗德周公以为卿士叔卒乃命诸王邦之蔡周书叙曰蔡叔既没王命蔡仲践诸侯位作蔡仲之命蔡仲之命王若曰小子胡惟尔率德改行克慎厥猷肆予命尔侯于东土往即乃封敬哉尔尚盖前人之愆惟忠惟孝尔乃迈迹自身克勤无怠以垂宪乃后率乃祖文王之彝训无若尔考之违王命皇天无亲惟德是辅民心无常惟惠之懷为善不同同归于治为恶不同同归于乱尔其戒哉慎厥初惟厥终终以不困不惟厥终终以困穷懋乃攸绩睦乃四隣以蕃王室以和兄弟康济小民率自中无作聪明乱旧章详乃视听无以侧言改厥度则予一人汝嘉王曰呜呼小子胡汝往哉无荒弃朕命蔡仲之国过洛见周公周公曰不如吾者勿与处累我也与我齐者勿与处无益我也惟贤于己者可与处也

九年甲午周书叙曰成王既黜殷命灭淮夷还归在丰作周官周官惟周王抚万邦巡侯甸四征弗庭绥厥兆民六服羣辟罔不承德归于宗周董正治官王曰若昔大猷制治于未乱保邦于未危曰唐虞稽古建官惟百内有百揆四岳外有州牧侯伯庶政惟和万国咸寧夏商官倍

亦克用父明王立政不惟其官惟其人今予小子祇勤于德夙夜不逮仰惟前代时若训迪厥官立太师太傅太保兹惟三公论道经邦燮理阴阳官不必备惟其人少师少傅少保曰三孤贰公 化寅亮天地弼予一人冢宰掌邦治统百官均四海司徒掌邦教敷五典扰兆民宗伯掌邦礼治神人和上下司马掌邦政统六师平邦国司寇掌邦禁诘奸慝刑暴乱司空掌邦土居四民时地利六卿分职各率其属以倡九牧阜成兆民六年五服一朝又六年王乃时巡考制度于四岳诸侯各朝于方岳大明黜陟王曰呜呼凡我有官君子钦乃攸司慎乃出令令出惟行弗惟反以公灭私民其允懷学古入官议事以制政乃不迷其尔典常作之师无以利口乱厥官蓄疑败谋怠忽荒政不学墙面莅事惟烦戒尔卿士功崇惟志业广惟勤惟克果断乃罔后艰位不期骄禄不期侈恭俭惟德无载尔伪作德心逸日休作伪心劳日拙居宠思危罔不惟畏弗畏入畏推贤让能庶官乃和政厯举能其官惟尔之能称匪其人惟尔不任王曰呜呼三事暨大夫敬尔有官乱尔有政以佑乃辟永康兆民万邦惟无斁周官太宰之职掌建邦之六典一曰治典二曰教典三曰礼典四曰政典五曰刑典六曰事典以八法治官府一曰官属以举邦治二曰官职以辨邦治三曰官联以防官治四曰官常以听官治五曰官成以经邦治六曰官法以正邦治七曰官刑以糾邦治八曰官计以弊邦治以八则治都鄙一曰祭祀以驭其神二曰法则以驭其官三曰废置以驭其吏四曰禄位以驭其士五曰赋贡以驭其用六曰礼俗以驭其民七曰刑赏以驭其威八曰田役以驭其众以八柄诏王羣臣一曰爵以驭其贵二曰禄以驭其富三曰予以驭其幸四曰置以驭其行五曰生以驭其福六曰夺以驭其贫七曰废以驭其罪八曰诛以驭其过以八统诏王驭万民一曰亲亲二曰敬故三曰进贤四曰使能五曰保庸六曰尊贵七曰达吏八曰礼賔以九职任万民一曰三农生九谷二曰园圃毓草木三曰虞衡作山泽之材四曰薮牧以养蕃鸟兽五曰百工飭化八材六曰商贾阜通货贿七曰嫔妇化治丝枲八曰臣妾聚斂疏材九曰闲民无常职转移执事以九赋斂财贿一曰邦中二曰四郊三曰邦甸四曰家削五曰邦县六曰邦都七曰关市八曰山泽九曰币余以九式均节财用一曰祭祀二曰賔客三曰丧荒四曰羞服五曰工事六曰币帛七曰刍秣八曰匪颁九曰好用以九贡致邦国之用一曰祀二曰嫔三曰器四曰币五曰材六曰货七曰服八曰旂九曰物以九两系邦国之民一曰牧以地二曰长以贵三曰师以贤四曰儒以道五曰宗以族六曰主以利七曰吏以治八曰友以任九曰薮以富正月之吉始和布治于邦国都鄙乃县治象之法于象魏使万民观治象挟日而斂之乃施典于邦国而建其牧立其监设其参傅其伍陈其殷置其辅乃施法于官府而建其正立其贰设其攷陈其殷置其辅歲终则令百官府各正其治受其防听其致事而诏王废置三歲则大计羣吏之治而诛赏之小宰掌建邦之官刑以治王宫之政令凡宫之糾禁以官府之六叙正羣吏一曰以叙正其位二曰以叙进其治三曰以叙作其事四曰以叙制其食五曰以叙受其会六曰以叙听其情以官府六属举邦治一曰天官二曰地官三曰春官四曰夏官五曰秋官六曰冬官属各六十大事从其长小事则专达以官府之六职辨邦治一曰治职以平邦国以均万民以节财用二曰教职以安邦国以寧万民以怀賔客三曰礼职以和邦国以谐万民以事 神四曰政职以服邦国以正万民以聚百物五曰刑职以诘邦国以糾万民以除盜賊六曰事职以富邦国以养万民以生百物以官府之六联合邦治一曰祭祀二曰賔客三曰丧荒四曰军旅五曰田役六曰斂弛凡小事皆有联以官府之八成经邦治一曰听政役以比居二曰听师田以简稽三曰听闾里以版图四曰听称责以傅别五曰听禄位以礼命六曰听取予以书契七曰听卖买以质剂八曰听出入以要会以听官府之六计 羣吏之治一曰廉善二曰廉能三曰廉敬四曰廉正五曰廉法

六曰廉辨以法掌祭祀朝覲会同賓客之戒具军旅田役丧荒亦如之七事者令百官府共其财用治其施舍听其治讼月终则以官之叙受羣吏之要赞冢宰受防歲终则令羣吏致事正歲帅治官之属而观治象之法徇以木铎曰不用法者国有常刑乃退以宫刑宪禁于王宫令于百官府曰各修乃职攷乃法待乃事以听王命其有不共则国有大刑宰夫掌治朝之法以正王及三公六卿大夫羣吏之位掌其禁令叙羣吏之治以待賓客之令诸臣之复万民之逆掌百官府之征令辨其八职一曰正掌官灋以治要二曰师掌官成以治凡三曰司掌官灋以治目四曰旅掌官常以治数五曰府掌官契以治藏六曰史掌官书以赞治七曰胥掌官叙以治叙八曰徒掌官令以征令歲终则令羣吏正歲防月终则令正月要旬终则令正日成而以考其治治不以时举者以告而诛之正歲则以灋警戒羣吏令修宫中之职事书其能者与其良者而以告于上大司徒以土防之灋辨五地之物生一口山林宜毛物宜阜物其民毛而方二曰川泽宜鳞物宜膏物其民黑而津三曰丘陵宜羽物宜覈物其民專而长四曰坟衍宜介物宜莢物其民皙而瘠五曰原隰宜羸物宜丛物其民丰肉而庠以荒政十有二聚万民一曰散利二曰薄征三曰缓刑四曰弛力五曰舍禁六曰去防七曰眚礼八曰杀哀九曰蕃乐十曰多昏十有一曰索 神十有二曰除盗贼以保息六养万民一曰慈防二曰养老三曰振穷四曰恤贫五曰寛疾六曰安富以本俗六安万民一曰媿宫室二曰族坟墓三曰联兄弟四曰联师儒五曰联朋友六曰同衣服颁职事十有二人于邦国都鄙使以登万民一曰稼穡二曰树蓺三曰作材四曰阜蕃五曰飭材六曰通材七曰化材八曰敛材九曰生材十曰学艺十有一曰世事十有二曰服事以乡三物教万民而實兴之一曰六德知仁圣义忠和二曰六行孝友睦婣任恤三曰六艺礼乐射御书数以乡八刑纠万民一曰不孝之刑二曰不睦之刑三曰不婣之刑四曰不弟之刑五曰不任之刑六曰不恤之刑七曰造言之刑八曰乱民之刑以五礼防万民之伪而教之中以六乐防万民之情而教之和凡万民之不服教而有狱讼与有地治者听而断之其附于刑者归于土歲终则令教官正治而致事正歲令于教官曰各共尔职修乃事以听王命其有不正则国有常刑小司徒掌建邦之教灋以稽国中及四郊都鄙之夫家九比之数辨其贵贱老防废疾凡征役之施舍与其祭祀饮食丧纪之禁令使六乡之大夫各登其乡之众寡六畜车辇辨其物以歲时入其数乃防万民之卒伍以起军旅以作田役以比追胥以令贡赋及三年则大比大比则受邦国之比要乡大夫正月之吉受教灋于司徒退而颁之于其乡吏使各以教其所治辨其可任者国中自七尺以及六十野自六尺以及六十有伍皆征之其舍者国中贵者贤者能者服公事者老者疾者皆舍歲终则令六乡之吏皆防政致事大比则攷其德行道艺而兴贤者能者此谓使民兴贤出使长之使民兴能入使治之族师五家为比十家为联五人为伍十人为联四闾为族八闾为联使之相保相受刑罚庆赏相及相共以受邦职以役国事以相葬埋比长五家相受相和亲有臯竒衰则相及师氏掌以媿诏王以三德教国子一曰至德以为道本二曰敏德以为行本三曰教德以知逆恶教三行一曰孝行以亲父母二曰友行以尊贤良三曰顺行以事师长居虎门之左司王朝掌国中失之事以教国子弟凡国之贵游子弟学焉凡祭祀賓客防同丧纪军旅王举则从听治亦如之保氏掌谏王恶而养国子以道乃教之六艺一曰五礼二曰六乐三曰五射四曰五御五曰六书六曰九数乃教之六仪一曰祭祀之容二曰賓客之容三曰朝廷之容四曰防纪之容五曰军旅之容六曰车马之容凡祭祀賓客防同丧纪军旅王举则从听治亦如之司谏掌纠万民之德而劝之朋友正其行而强之道艺巡问而观察之以时书其德行道艺辨其能而可任于国事者以攷乡里之治以诏废置以行赦宥司救掌万民之衰恶过失而诛让之以礼防禁而救之

凡民之有褒恶者三让而罚三罚而士加明刑耻诸嘉石役诸司空其有过失者三让而罚三罚而归于圜土凡歲时有天患民病则以节巡国中及郊野而以王命施惠大宗伯掌吉礼以实柴燹燎禋祀昊天上帝血祭社稷五祀五岳狸沈祭山林川泽醯辜祭四方百物享先王春祠夏禴秋尝冬烝凶礼哀邦国一曰丧二曰荒三曰吊四曰禴五曰恤所以补诸侯也賓礼春日朝夏日宗秋日覲冬曰遇时防殷同聘煩所以图事比功陈谟协虑也所以发禁施政结好除慝也军礼大师以用之大均以恤之大田以简之大役以任之大封以合之嘉礼饮食亲宗族兄弟昏冠成男女賓射亲故旧朋友飧燕亲四方賓客賑膳亲兄弟之国贺庆亲异姓之国以礼乐合天地之化百物之产以事 神以谐万民凡大祭祀卜日宿眡滌濯洌鬯省牲饗奉玉盥诏大号若王不与祭祀则摄位凡大祭祀王后不与则摄而荐豆笾彻大賓客则摄而载果朝覲防同则为上相大丧亦如之王命诸侯则侯

论曰武王定天下命周公制礼追王大王王季文王上祀先公以天子之礼夫先公之于先王虽有遠近侯王之制皆吾祖也故一事以天子之礼刘歆附防成书乃曰享先王则袞冕享先公享射则鷩冕是降先公于先王使与賓客为伍也天下寧有是故周礼之书颠倒人伦不可以为经也

又曰天子有天下祭祀以立本莫先于宗庙莫大于天莫重于社稷山川祀之经也观周家庚戌之礼则 神之序可知矣周礼乃曰祀山川则毳冕祭社稷则絺冕是以社稷降于山川也故刘歆颠倒 神其书不得与易诗书春秋比也

小宗伯掌建国之神位右社稷左宗庙掌五礼之禁令与其用等掌三族之别以辨亲疎其正室皆谓之门子毛六牲辨其名物而颁之于五官使共奉之辨六齍之名物与其用使六宫之人共奉之大祭祀省牲眡滌濯逆盥省饗将瓚裸赐卿大夫士爵则侯大师立军社奉主车大甸馐兽颁禽防同军旅甸役之禱祠肆仪为位肆师掌立大祀用玉帛牲牷立次祀用牲币立小祀用牲大祭祀展牺牲表齍盛告防展器陈告备及果筑鬻礼成则告事毕凡事佐宗伯郁人掌裸器凡裸玉濯之陈之以赞裸事鬯人掌共秬鬯凡祭祀社壇用大鬯祭门用瓢齎庙用脩凡山川四方用蜃凡裸事用概凡醢事用散大丧之大湆设斗共其衅鬯凡王之斋事共其秬鬯凡王吊临共介鬯天府掌祖庙之守藏凡国之玉镇大宝器藏焉若祭天之司民司禄而献民数谷数则受而藏之守祧掌守先王先公之庙祧其遗衣服藏焉若将祭祀则各以其服授尸冢人掌公墓之地辨其兆域而为之图先王之塋居中以昭穆为左右凡诸侯居左右以前卿大夫士居后各以其族凡死于兵者不入兆域凡有功者居前以爵等为丘封之度与其树数凡祭墓为尸凡诸侯及诸臣塋于墓者授之兆为之跽均其禁令国民族塋使皆有私地域职丧掌诸侯及卿大夫士之丧莅其禁令乐师掌教国子小舞凡舞有帔舞有羽舞有皇舞有旄舞有干舞有人舞教乐仪行以肆夏趋以采齐车亦如之环拜以钟鼓为节大胥掌学士之版以待致诸子春入学舍采合舞秋颁学合声小胥掌学士之征令而比之瞽其不敬者正乐县之位王宫县诸侯轩县卿大夫判县士特县辨其声凡县钟磬半为堵全为肆大师掌六律六同以合陰阳之声阳声黄钟大簇姑洗蕤宾夷则无射陰声大吕应钟南吕林钟小吕夹钟皆文之以五声宫商角征羽皆播之以八音金石土革丝木匏竹教六诗曰风曰赋曰比曰兴曰雅曰颂以六德为之本以六律为之音小师掌教鼓鼗祝敔埙箫管 歌鼓 击颂磬笙

磬凡为乐器以十有二律为之数度以十有二声为之齐量凡和乐亦如之编钟以钟鼓奏九夏王夏肆夏昭夏纳夏章夏齐夏族夏祴夏鼙夏鼗鼓鞀竽笙埙籥箫箛篪管舂牍应雅以教祴乐击土鼓鞀豳诗祈年于田祖以乐田畯

论曰乐舞所以象德也故必于其人必于其事必于其时不于其人不于其事不于其时则为无义人心不厌鬼神不飨也刘歆奈何牵合周礼之文乃曰黄帝之云门以祀天神尧之咸池以祀地示舜之韶以祀四望禹之大夏以祀山川成汤之大濩以祀先妣夫以云门祭天犹可言也地示乌知尧之咸池四望乌知舜之韶山川乌知禹之大夏而周之先妣乌能知商汤之大濩也哉设礼作乐而不知其义则何以为礼乐也彼刘歆者叛父背君不祥之人也是乌知礼乐世儒瞽瞍然推尊其书使与圣经并此愚之所以拊膺太息论之而不能自己者也又曰天命之谓性王者受命于天宰制天下其所以祭祀天地者尽其心以成吾性耳非有天地神示在吾度外有形体状貌可得见而承事之也刘歆周礼曰乐六变而天神皆降八变而地示皆出此岂君子知理之言类巫祝造妖怪者之辞也则又以为神降示出然后可得而礼曾不知乐所以导和礼所以为节作乐乃所以行礼礼神也岂待神降示出然后行礼哉夫天地之道一往一来否泰相因变化无方人日用而不穷不可以智虑测度不可以才能作为者谓之 神 神特以往来言之道固一体不可分也先儒多以神属之天 属之人我知其不知神之情状矣故易书诗春秋皆无如周礼之文者然则刘歆伪妄其可不辟乎

太卜与其属掌三《三》之法一曰玉兆二曰瓦兆三曰原兆其经兆之体皆百有二十其颂皆千有二百兆分为四一曰方二曰功三曰义四曰弓掌三《三》易一曰连山二曰归藏三曰周易其经卦皆八其别皆六十有四掌三《三》梦一曰致梦二曰觴梦三曰咸陟其经运十其别九十以八命者赞三兆三《三》易三《三》之占以观国家之吉凶以诏救政冯相氏掌十有二《三》十有二月十有二辰十有二十有八星之次冬夏致日春秋致月辨四时之序以防天位保章氏辨九州封域之分星至星辰日月之变动辨十《三》一曰禋二曰象三曰防四曰监五曰闇六曰瞢七曰弥八曰叙九曰隤十曰想以观天下之迁分妖祥辨吉凶以五《三》之物辨丰荒之《三》象以十有二风察天地之和命乖别之妖祥以诏救政访序事占梦以岁时观天地之防辨《三》阳之气以日月星辰占六《三》之吉凶一曰正二曰噩三曰思四曰寤五曰喜六曰惧季冬聘王梦献吉梦于王舍萌于四方遂令巫始雒欧疫堂赠无方无筭春招弭以除疾殃太祝掌六《三》之辞以事 神示一曰顺祝顺丰年也二曰年祝求永真也三曰吉祝祈福祥也四曰化祝弭灾兵也五曰瑞祝逆时雨寧风旱也六曰防祝逖罪疾也掌六《三》以同 神示一曰类二曰造三曰禴四曰祭五曰攻六曰說作六《三》以通上下亲疏逖近一曰祠二曰命三曰诰四曰防五曰祷六曰谏辨六号一曰神二曰鬼三曰示四曰牲五曰蠶六曰帀辨九祭一曰命二曰衍三曰炮四曰周五曰振六曰擣七曰絕八曰燎九曰共辨九拜一曰稽首二曰顿首三曰空首四曰振动五曰吉六曰防七曰奇八曰褒九曰肃以享右祭祀国有大故裁弥祀社稷禱祠大师宜于社造于祖设军社类上帝有事于四望及军归献于社大防同造于庙宜于社过大山川则用事焉反行舍

奠建邦国先告后土用牲币禁督逆祀命者旱暵则令巫舞雩有寇戎则保郊祀于社大史掌六典灋则约剂以贰六官颁告朔于邦国闰月诏王居门终月祭祀与执事读礼书而协事大防同朝覲执书以诏王小史掌邦国之志奠系世辨昭穆若有事则诏王之忌讳读礼灋佐太史卿大夫之防赐諡读诂内史掌王之八枋之法以诏王治一曰爵二曰禄三曰废四曰置五曰杀六曰生七曰予八曰夺执国法及国令之贰以攷政事以逆防计受纳访以诏王听治凡命诸侯及孤卿大夫则策命之凡四方之事书内史读之掌书王命遂贰之外史掌书外令掌四方之志掌三皇五帝之书掌达书名于四方御史掌邦国都鄙及万民之治令以赞冢宰掌赞书凡数从政者

皇王大纪卷十九

宋 胡宏 撰

三王纪

周成王

大司马制畿封国以正邦国设仪辨位以等邦国进黻兴功以作邦国建牧立监以维邦国制军诘禁以纠邦国施贡分职以任邦国简稽乡民以用邦国均守平则以安邦国比小事大以和邦国以九伐之灋正邦国冯弱犯寡则 之贼黻害民则伐之暴内陵外则坛之野荒民散则削之负固不服则侵之贼杀其亲则正之放弑其君则残之犯令陵政则杜之外内乱鸟兽行则灭之凡令赋以地与民制之上地食者三之二其民可用者家三人中地食者半其民可用者二家五人下地食者三之一其民可用者家二人中春教振旅中夏教茺舍中秋教治兵中冬教大阅大合军以行禁令以救无辜伐有罪大防同则率士庶子而掌其政令大祭祀飨食羞牲鱼授其祭司勲掌六乡赏地之灋以等其功王功曰勲国功曰功民功曰庸事功曰劳治功曰力战功曰多凡有功者铭书于王之太常祭于大烝司勲诏之凡赏无常轻重眡功凡颁赏地三之一食唯加田无国征掌固掌脩城郭沟池树渠之固颁其士庶子及其众庶之守造都邑治其固与其守灋凡国都之竟有沟树之固郊亦如之民皆有职焉若有山川则因之 人各掌其方之道治与其禁令司士掌羣臣之版辨其年歳与其贵贱周知邦国都家县鄙之数卿大夫士庶子之数以诏王治以德诏爵以功诏禄以能诏事以久奠食唯赐无常正朝仪之位辨其贵贱之等王南乡三公北面东上孤东面北上卿大夫西面北上王族故士虎士在路门之右南面东上大仆大右大仆从者在路门之左南面西上司士摈孤卿特揖大夫以其等旅揖士旁三揖王还揖门左揖门右大仆前王入内朝皆退凡祭祀帅其属而割牲羞俎豆司右掌羣右之政令凡军旅防同合其车之卒伍而比其乘属其右凡国之勇力之士能用五兵者属焉虎贲氏掌先后王而趋以卒伍旅贲氏掌执戈盾夹王车而趋大仆掌正王之服位出入王之大命掌诸侯之复逆王眡朝则前正位而退入亦如之建路鼓于大寝之门外以待达穷者与遽令王出入则自左馭而前驱凡军旅田役赞王鼓救日月亦如之小臣掌王之小命诏相王之王灋仪掌三公及孤卿之复逆正王之燕服位王之燕出入则前驱御仆掌羣吏之逆及庶民之复掌王之燕令 仆掌五寝扫除之事大馭掌馭玉路以祀及犯軼王自左馭馭下祝登受轡犯軼遂驱之及祭酌仆仆左执轡右祭两轂祭軛乃饮凡馭路行以肆夏趋以采齐凡馭路仪以鸾和为节戎仆掌馭戎车掌倅车之政以巡守及兵车之防齐仆掌馭金路以賓朝覲宗遇飧食道仆掌馭象路以朝夕燕出入掌贰车之政令田仆掌馭田路以田以鄙掌佐车之政凡田王提马而走诸侯晋大夫驰车仆掌戎路之萃广车之萃阙车之萃革车之萃轻车之萃凡师共革车各以其萃校人辨六马之属种马一物戎马一物齐马一物道马一物田马一物弩马一物天子十有二闲马六种邦国六闲马四种家四闲马二种马八尺以上为龙七尺以上为騊六尺以上为马职方氏掌天下之图周知其利害使同贯利东南曰州其山镇曰防稽其泽薮曰具区其川三江其浸五湖其利金锡竹箭其民二男五女其畜宜鸟兽其谷宜稻正南曰荊州其山镇曰衡山其泽薮曰云梦其川江汉其浸潁湛其利丹银齿

革其民一男二女其畜宜鸟兽其谷宜稻河南曰豫州其山镇曰华山其泽藪曰圃田其川荥雒其浸波澆其利林漆丝枲其民二男三女其畜宜六扰其谷宜五种正东曰青州其山镇曰沂山其泽藪曰望诸其川淮泗其浸沂沭其利蒲鱼其民二男二女其畜宜鸡狗其谷宜稻麦河东曰兖州其山镇曰岱山其泽藪曰大野其川河洸其浸卢维其利蒲鱼其民二男三女其畜宜六扰其谷宜四种正西曰雍州其山镇曰岳山其泽藪曰蒲其川泾汭其浸渭洛其利玉石其民三男二女其畜宜牛马其谷宜黍稷东北曰幽州其山镇曰医无间其泽藪曰豸養其川河洸其浸淄时其利鱼盐其民一男三女其畜宜四扰其谷宜三种河内曰冀州其山镇曰霍山其泽藪曰杨紆其川漳其浸汾潞其利松柏其民五男三女其畜宜牛羊其谷宜黍稷正北曰并州其山镇曰恒山其泽藪曰昭余祁其川滹沱呕夷其浸涿易其利布帛其民二男三女其畜宜五扰其谷宜五种凡邦国大小相维王设其牧制其职各以其所能制其贡各以其所有形方氏掌制邦国之地域而正其封疆无有华离之地使小国事大国大国比小国大司寇掌三典一曰刑新国用轻典二曰刑平国用中典三曰刑乱国用重典以五刑纠万民一曰野刑上功纠力二曰军刑上命纠守三曰乡刑上德纠孝四曰官刑上能纠职五曰国刑上愿纠暴以圜土聚教罢民凡害人者寘之圜土弗使冠饰而施职事焉以明刑耻之其能改者上罪三年而舍中罪二年而舍下罪一年而舍反于中国不齿三年其不能改而出圜土者杀凡圜土之刑人也不亏体其罚人也不亏财以两造禁民讼入束矢于朝然后听之以两剂禁民狱入钧金三日乃致于朝然后听之以嘉石平罢民凡万民之有罪过而未丽于灋而害于州里者桎梏而坐诸嘉石役诸司空重罪旬有三日坐朞役其次九日坐九月役其次七日坐七月役其次五日坐五月役其下罪三日坐三月役使州里任之则宥而舍之以肺石达穷民凡远近惇独老防之欲有复于上而其长弗达者立于肺石三日士听其辞以告于上而罪其长凡诸侯之狱讼以邦典定之凡卿大夫之狱讼以邦灋断之凡庶民之狱讼以邦成弊之小司寇以五刑听万民之狱讼附于刑用情讯之至于旬乃弊之读书则用灋凡命夫命妇不躬坐狱讼凡王之同族有罪不即市奉而适甸师氏以待刑杀以五声听狱讼求民情一曰辞听二曰色听三曰气听四曰耳听五曰目听以八辟丽邦灋附刑罚一曰议亲二曰议故三曰议贤四曰议能五曰议功六曰议贵七曰议勤八曰议宥听民之所刺宥以施上服下服之刑大比登民数自生齿以上登于天府内史司防冢宰贰之以制国用孟冬司民献民数于王王拜受之以图国用而进退之歳终则令羣士计狱弊讼登中于天府司刑掌五刑之灋以丽万民之罪墨罪五百劓罪五百宫罪五百刖罪五百杀罪五百若司寇听狱弊讼则以五刑之灋诏刑罚而以辨罪之轻重墨者使守门劓者使守关宫者使守内刖者使守圜髡者使守积司刺掌三刺三宥三赦之法以赞司寇听狱讼一刺曰讯羣臣再刺曰讯羣吏三刺曰讯万民一宥曰不识再宥曰过失三宥曰遗忘一赦曰幼弱再赦曰老耄三赦曰憊愚以此三法求民情断民中而施上服下服之罪司约掌邦国及万民之约剂治神之约为上治民之约次之治地之约次之治功之约次之治器之约次之治摯之约次之凡大约剂书于宗彝小约剂书于丹图若有讼者则珥而辟藏其不信者服墨若大乱则六官辟藏其不信者杀司盟凡邦国有疑防同则掌其盟约之载既盟则贰之司隸帅其民而搏盗贼凡囚执人之事士师掌五禁左右刑罚一曰官禁二曰官禁三曰国禁四曰野禁五曰军禁以木铎徇于朝书而县于门闾禁庶民之乱暴力正者矫诬犯禁者作语言而不信者禁野之横行径逾者禁山之苑泽之沈者禁川游者御晨行者禁宵行者夜游者禁以兵革趋行者禁驰骋于国中者禁跽呼叹鸣于国中者行歌哭于国中之道者防禁行作不时者不物者防酒谨酒以五戒先后刑罚毋使罪丽于

民一曰誓用之于军旅二曰诰用之于防同三曰禁用诸田役四曰纠用诸国中五曰宪用诸都鄙掌土之八成一曰邦沟二曰邦城三曰邦谿四曰犯邦令五曰矫邦令六曰邦盗七曰邦朋八曰邦诬

论曰此司寇之书宅心忠恕虽条贯阙失而防刑之意深殆周公之遗法也欤春秋之时郑子产赵宣子始出入先王用刑之法作为刑书末流至于暴秦以斩劓人为不足而夷人之三族帝王五刑之典尽废而墨劓剕宫大辟五虐之刑独行天下之人摇手触重罪而无轻刑以当之汉孝文哀民之无辜于是废肉刑而立笞与弃市之法虽防民之意甚至而未知先王五刑之本也故当斩右趾者弃市笞者往往至死虽名为轻刑而实杀人与专用肉刑无异故后世不得不更之以轻至于令有笞杖徒流绞斩虽差善于汉然使人自新之路犹狭绳人以罪之法犹急非帝王以刑弼教之意也虞书曰象以典刑鞭作官刑扑作教刑金作赎刑怙终贼刑此乃帝王正五刑也又曰流宥五刑五刑有服五服三就五流有宅五宅三居是此正五刑皆有流宥之法也墨劓剕宫大辟贼刑之科目也后世止以是为五刑故肉刑一废遂不可复非不可复也不行帝王正五刑而专以贼刑当天下之罪惨莫甚焉自非天下之至不仁者孰忍专用之若尽复正五刑于当绞斩之科增立劓剕与宫无遂绝人命而笞杖悉行流宥之法无轻折辱人典刑所以待士大夫也昔人为辅相士大夫失行有能不显其过随宜他叙人以为媿至于无敢犯者意其近似典刑流宥之法也鞭刑所以待府史胥徒在官之有过者扑刑所以待士农工商从师之不率者嘉石之役疑其近似鞭刑流宥之法也朝庠之礼疑其近似扑刑流宥之法也虽鞭扑轻刑圣人犹慎行之待人如此其有礼也人岂得不生媿耻其能使天下人人有士君子之行无足怪也流宥之而不改然后刑之刑之而不改然后当之以墨劓剕宫大辟则又审其轻重而许之赎又流宥之今之三流圜土之禁其近之乎及其终不改然后残贼其肌体虽杀之所谓以生道杀之也其谁不心悦诚服乎行之以歲月頑鈍无耻之风宜亦少衰矣

大司徒掌天下土地之图周知九州之地域广轮之数辨其山林川泽丘陵坟衍原隰之名物而辨其邦国都鄙之数制其畿疆而沟封之设其社稷之壇而树之田主各以其野之所宜木遂以名其社与其野载师掌任土之法以物地事授地职而待其政令以廛里任国中之地以场圃任园地以宅田士田贾田任近郊之地以官田牛田赏田牧田任遠郊之地以公邑之田任甸地以家邑之田任稍地以小都之田任县地以大都之田任疆地凡任地国宅无征园廛二十而一近郊十一遠郊二十而三甸稍县都皆无过十二唯其漆林之征二十而五凡宅不毛者有里布凡田不耕者出屋粟凡民无职事者出夫家之征以时征其赋闾师掌国中及四郊之人民六畜之数以任其力以待其政令以时征其赋凡任民任农以耕事贡九谷任圃以树事贡草木任工以飭材事贡器物任商以市事贡货贿任牧以畜事贡鸟兽任嫔以女事贡布帛任衡以山事贡其物任虞以泽事贡其物凡无职者出夫布凡庶民不畜者祭无牲不耕者祭无盛不树者无椁不蚕者不帛不绩者不衰遗人掌邦之委积以待施惠乡里之委积以恤民之艱阨门关之委积以養老孤郊里之委积以待賓客野鄙之委积以待羈旅县都之委积以待防荒凡賓客防同师役掌其道路之委积凡国野之道十里有庐庐有饮食三十里有宿宿有路室路室有委五十里有市市有 馆 馆有积凡委积之事巡而比之以时颁之均人掌均地政均地守均地职均人民牛马车輶之力政凡均力政以歲上下丰年则公旬用三

日焉中年则公旬用二日焉无年则公旬用一日焉防札则无力政无财赋不收地守地职不均地政三年大比则大均廩人掌九谷之数以待国之匪颁调赐稍食以歳之上下数邦用凡万民之食食者人四鬴上也人三鬴中也人二鬴下也若食不能人二鬴则令邦移民就谷诏王杀邦用司市以次叙分地而经市以陈肆辨物而平市以政令禁物靡而均市以商贾阜货而行布以度量成贾而征儋以质剂结信而止讼以贾民禁伪而除诈以刑罚禁鬻而去盗以泉府同货而敛除大市以质小市以剂大市日一而市百族为主朝市朝时商贾为主夕市夕时贩夫贩妇为主凡陈货贿名相近者相远也实相近者相迕也而平正之凡治货贿六畜珍异亡者使有利者使阜害者使亡靡者使防国防荒札丧则市无征而作布凡市伪飭之禁在民商工贾皆十有二市刑小刑宪罚中刑徇罚大刑扑罚其附于刑者归于土国君过市则刑人赦夫人过市罚一幕世子过市罚一帑命夫过市罚一盖命妇过市罚一帷凡天患禁贵儋者使有恒贾四时之珍异亦如之防人掌敛布帛布总布质布罚布防布入于泉府以敛布之不售货之滞于民用者以其贾买之物揭而书之以待不时而买者卖者各从其抵都鄙从其主国人郊人从其有司然后予之凡除者祭祀无过旬日丧纪无过三日凡民之货者与其有司辨而授之以国服为之息约以国之所用来偿以此使为息也禁鬻器鬻乱者出入相凌犯者以属游饮食于市者若不可禁则搏而戮之坐而论道谓之王公作而行之谓之士大夫审曲面势以飭五材以辨民器谓之百工百工之事皆圣人之所作也智者创物巧者述之守之世谓之工天有时地有气材有美工有巧合此四者然后可以为良也攻木之工七轮舆弓庐匠车梓攻金之工六筑冶鳧防段桃攻皮之工五函鲍鞞韦裘设色之工五画绘钟筐防刮摩之工五玉柳雕矢磬搏埴之工二陶旅有虞氏上陶夏后氏上匠殷人上梓周人上舆故一器而工聚焉者车为多车有六等辘有三度轴有三理軫之方也以象地也盖之圜也以象天也轮辐三十以象日月也盖弓二十有八以象星也龙旂九旂以象大火也鸟旟七旂以象鹑火也熊旗六旂以象伐也蛇四旂以象营室也弧旌枉矢以象弧也论曰谨按孔子定书周官六卿冢宰掌邦治统百官均四海者也今以刘歆所成周礼攷之太宰掌建邦之六典夫太宰统五官之典以为治者岂于五官之外更有治典哉则掌建六典歆之妄也太宰之属六十小宰也司防也司书也职内也职歳也职币也是六官之所掌词繁而事复类皆簿书期防之末俗吏掊克之所为而非赞冢宰进退百官均一四海之治者也古之君国子民者以义为利不以利为利故百乘之家不畜聚斂之臣与其有聚斂之臣寧有盗臣今天官有宰夫者攷羣都县鄙之治乘其财用之出入凡失财用物辟名者诛之其足用长财善物者赏之夫君相守恭俭而不尚未作使民务本则足用长财之要也百官有司谨守其职岂敢逾越制度自以足用长财为事若刘歆之說是使百官有司不守三尺上下交征利椎剥其民以危亡其道非周公致太平之典也古之王者守礼寡欲由义而行无所忌讳不畏灾患今天官甸师乃曰丧事代王受眚灾此楚昭宋景之所不为者也而谓周公立以为训开后王忌讳之端乎先王之制凡官府次舍列于库门之外所以别内外严贵贱也今宫正乃比宫中之官府次舍之众寡又曰去其奇衰之民则是妃嫔与官吏众庶杂处帘陛不严而内外乱矣宫伯掌王宫之士庶子郑一以为宫中诸吏之嫡庶宿卫王宫者也天子深居九重前朝后市谨之以门卫严之以城郭沟池环之以乡遂县都藩之以侯甸男邦采卫守之以夷蛮戎狄周匝四垂中天下而立定四海之民周公乃于宫中置诸史又以其士庶子卫王宫何示人不广而自削弱如此也王后之职恭俭不妬忌帅夫人嫔妇以承天子奉宗庙而已矣今内宰凡建国佐后立市岂后之职也哉内小臣掌王后之命后有好事于四方则使往有好令于卿大夫则亦如之閭人掌守

王宫中门之禁说者以为此二官奄者墨者也妇人无外事以贞洁为行若外通诸侯内交羣下则将安用君矣夫人臣尚无境外之交曾谓后而可乎古者不使刑人守门公家不畜刑人大夫弗養士遇诸涂弗与言也周公作立政戒成王以恤左右綴衣虎賁欲其皆得俊乂之人今反以隐宫刑余在日月之侧开乱亡之端乎寺人内竖贱人非所贵也女祝掌宫中禱祠禴禴之事夫祭祀之礼天子公卿大夫士行之于外后妃夫人嫔妇供祭服笾豆于内凡天地宗庙山川百神祀有常典又安用此么麼禱祠禴禴于宫中此殆汉世女巫执左道入宫中乘妃姬争妬与为厌胜之事者刘歆乃以为太宰之属置于王宫其诬周公也甚矣冢宰当以天下自任故王者内嬖嫔妇敌于后外宠庶孽齐于嫡宴游无度衣服无章赐予无节法度之废将自此始虽在内廷为冢宰者真当任其责者也若九嫔之妇法世妇之宫具女御之功事女史之内政典妇之女功后夫人之职也王安石以为皆统于冢宰则王所以治内可谓至公而尽正矣夫顺理而无阿私之谓公由理而无邪曲之谓正脩身以齐家此王者治国平天下之定理所自尽心者苟身不能齐家而以付之冢宰为王也悖理莫甚焉又可谓之公正乎噫安石真奸人哉四方职贡各有定制王者为天下主财奉礼义以養天下无非王者之财也不可以有公私之异今大府乃有式贡之余财以共玩好之用不防有如李唐之君受裴延龄之欺罔者乎玉府乃有王之金玉良货贿之藏不防有如汉桓灵置私库者乎内府乃有四方金玉齿革良货贿之献而共王之好赐不防有如李唐之君受四方美余之轻侮者乎王之裘服宜夫人嫔妇之任也今既有司裘又有缝人屨人等九官则皆掌衣服者也膳夫酒正之职固不可废又有醋人盐人等十有六官则皆掌饮食者也医师之职固不可废又有兽医等五官皆医事也幕次舍之事固不可废而皂隸之所作也亦置五官焉凡此类不应冗濫如是且皆执技以事上役于人者也而以为冢宰进退百官均一四海之属何也汉兴经五伯七雄圣道絕灭大乱之后陈平为相尚不肯任廷尉内史之事况周公承文武之德相成王为太师乃广置宫阙猥防衣服饮食技艺之官以为属必不然矣其末则又有夏采之官焉专掌王崩复土者呜呼安得是不祥之人哉礼官临大变一时行之可矣乃预置官以俟王崩而行其职何不祥之甚也太宰之属六十有二攷之未有一官完善者则五卿之属可知矣而可谓之经与易诗书春秋配乎又按周公司徒掌邦教敷五典者也司空掌邦土居四民者也世传周礼缺冬官愚攷其书而质其事则冬官未尝阙也乃刘歆颠迷妄以冬官事属之地官其大纲已失乱如是又可信以为经与易诗书春秋配乎昔先王盛时不令而行不禁而止天下风动无一物不得其所其次犹令行禁止天下无冤民今刘歆司徒之属有调人者掌和万民之难有辟讎之法有交讎之令有成鬪怒之书此下陵上替政令不行之明征也周公力平王室身致太平其经世之典固如是哉王者提纲抚世已受大不窺小今刘歆司徒之属有防人者凡珍异之有滯者斂而入于膳府其细已甚矣细已甚而民不伤者未之有也夫齐民非有势禁也徒以财利相役犹能制人之命破人之产招怨生祸况人君居九重以雷霆之威万钧之势而细可行哉百官有司必承望风防御人于国门之外使民欲与之偕亡而后已也又有泉府者掌买卖商贾之滯货斂散百姓之賒贷夫审于音者聳于官理势自然王者布正大之德以治世不行煦沫姑息之惠以沽名乃能张理天纲整顿万姓若夫买卖賒贷之事正市井商贾争锥刀之末而草莽细民私相交际之所为也岂大君之所宜及哉其言颠悖如是乃尊以为经使与易诗书并是学者之不察也愚又攷刘歆王畿之制邦中为六卿四郊为六遂遂外为邦甸甸外为家削削外为邦县县外为邦都名虽不同其制度则一不应更有异也其所载乡遂之官比与里皆下士一人间与鄣皆中士一人族与鄙皆上士一人党与县皆下大夫一人州与遂皆

中大夫一人乡卿一人王畿八百万家略计其所当置卿大夫士已有百余人矣成王固曰唐虞稽古建官惟百夏商官倍今子小子仰惟前代时若训迪厥官說者谓周官三百也今乃冗滥如是又设三百六十职焉其妄诞不经昭昭矣自刘歆成书独郑康成推贊之真周公之罪人也谨按刘歆汉家贅宗室向之子附防王莽变乱旧章残贼本宗以趋荣利周礼之书本成于孝武之时为其杂乱藏之秘府不以列于学宫及成哀之世歆得校理秘书始列序为经众儒共排其非惟歆以为是夫歆不知天下有三纲以亲则背父以尊则背君与周公所为正相反者也其所列序之书假托周官之名勦入私說希合贼莽之所为尔王安石乃酷好乱臣贼子伪妄之书而废大圣垂老笔削之经弃恭俭而崇汰侈舍仁义而营货财不数十年夷戎乱华首足易位涂炭天下未知终始原祸乱之本乃在于是呜呼悲夫有天下者尚监之哉

皇王大纪卷二十

宋 胡宏 撰

三王纪

成王

十一年周公在丰将没作无逸用训于王周公薨王命君陈纘周公之任作君陈鲁公来奔丧初周公欲葬成周王葬公于毕告周公作亳姑諡曰文公孔子曰昔者周公事文王行无专制事无由己身若不胜衣言若不出口奉持于前洞洞焉若将失之可谓能子矣武王崩成王幼周公承之成文武之德听天下之政七年致政于成王请而后为复而后行无擅志无矜色可谓能臣矣鲁公奉周公主归国徐夷乘丧作乱鲁公治兵于费作费誓子夏问诸孔子曰三年之丧卒哭金革之事无辟也者欤孔子曰夏后氏三年之丧既殡而致事殷人既葬而致事记曰君子不夺人之亲亦不可夺亲此之谓乎子夏曰金革之事无辟也者非欤孔子曰吾闻诸老聃昔者鲁公伯禽有为为之也今有三年之丧从其利者则吾不知也

论曰孔子定书必有先后之义经秦焚燬圣人之意不可尽见愚详攷经文禹当尧时别九州平水土而载于夏书之首者此夏后氏之所以王天下也今虽以载于帝尧之时读者探本索原固未失圣人之意矣高宗惟传说之言是听殷所以衰而复兴礼所以废而复起黷于祭祀其初年时事也若不能改致有彤日之异又何以高宗故今载彤日之训于说命之前以不没高宗改过从善致中兴之实也康诰叙曰成王既伐管叔蔡叔以殷余民封康叔谨按康叔者成王之叔父也不应称之曰朕其弟成王者康叔之犹子也不应称曰乃寡兄其曰兄曰弟者盖武王命康叔之辞也故史记武王封康叔于卫且康叔文王之子叔虞成王之弟也周公东征叔虞已得封于唐王命归周公于东岂有康叔得封反在唐叔之后者乎故不得不舍书叙而从经史也周公东征三年而归明年奉王东伐淮夷遂践奄还归于丰而作多方及营洛邑成周成反政于王分正东郊而作多士以多士在多方之前既无大义而时不可逆是以正之也武王崩之年师尚父犹在成王二年三监叛尚父不任征讨而周公自行者是尚父已薨矣周公不见知于成王所以敢将兵居外者恃召父为保尔不然周公其可离成王左右乎故君奭之作在元年而不在乱定之后也以无逸系于周公将没者考于君奭立政洛诰诸篇周公于成王皆有冲孺幼小之称而无逸独无故知其为最后也凡此皆本之经文非敢以胷臆乱古书之旧或有尚论古人之君子盍试攷诸是乎非耶又从而正之可也

周书叙无逸曰周公作无逸无逸周公曰呜呼君子所其无逸先知稼穡之艰难乃逸则知小人之依相小人厥父母勤劳稼穡厥子乃不知稼穡之艰难乃逸乃谚既诞否则侮厥父母曰昔之人无闻知周公曰呜呼我闻曰昔在殷王中宗严恭寅畏天命自度治民只惧不敢荒寧肆中宗之享国七十有五年其在高宗时旧劳于外爰暨小人作其即位乃或亮陰三年不言其惟不言言乃雍不敢荒寧嘉靖殷邦至于小大无时或怨肆高宗之享国五十有九年其在祖甲不义惟王旧为小人作其即位爰知小人之依能保惠于庶民不敢侮齔寡肆祖甲之享

国三十有三年自时厥后立王生则逸不知稼穡之艰难不闻小人之劳惟耽乐之从自时厥后亦罔或克寿或十年或七八年或五六年或三四年周公曰呜呼厥亦惟我周太王王季克自抑畏文王卑服即康功田功徽柔懿恭怀保小民惠鲜齔寡自朝至于日中旰不遑暇食用咸和万民文王不敢盘于游田以庶邦惟正之供文王受命惟中身厥享国五十年周公曰呜呼继自今嗣王则其无淫于观于逸于游于田以万民惟正之供无皇曰今日耽乐乃非民攸训非天攸若时人不则有愆无若殷王受之迷乱酗于酒德哉周公曰呜呼我闻曰古之人犹胥训告胥保惠胥教诲民无或胥诮张为幻此厥不听人乃训之乃变乱先王之正刑至于大小民否则厥心违怨否则厥口诅祝周公曰呜呼自殷王中宗及高宗及祖甲及我周文王兹四人迪哲厥或告之曰小人怨汝詈汝则皇自敬德厥愆曰朕之愆允若时不啻不敢含怒此厥不听人乃或诮张为幻曰小人怨汝詈汝则信之则若时不永念厥辟不宽绰厥心乱罚无罪杀无辜怨有同是丛于厥身周公曰呜呼嗣王其监于兹周书叙君陈曰周公既没命君陈分正东郊成周作君陈君陈王若曰君陈惟尔令德孝恭惟孝友于兄弟克施有政命汝尹兹东郊敬哉昔周公师保万民民懷其德往慎乃司兹率厥常懋昭周公之训惟民其又我闻曰至治馨香感于神明黍稷非馨明德惟馨尔尚式时周公之猷训惟日孜孜无敢逸豫凡人未见圣若不克见既见圣亦不克由圣尔其戒哉尔惟风下民惟草图厥政莫或不艰有废有兴出入自尔师虞庶言同则绎尔有嘉谋嘉猷则入告尔后于内尔乃顺之于外曰斯谋斯猷惟我后之德呜呼臣人咸若时惟良显哉王曰君陈尔惟 周公丕训无依势作威无倚法以削宽而有制从容以和殷民在辟予曰辟尔惟勿辟予曰宥尔惟勿宥惟厥中有弗若于汝政弗化于汝训辟以止辟乃辟狃于奸宄败常乱俗三细不宥尔无忿疾于顽无求备于一夫必有忍其乃有济有容德乃大简厥脩亦简其或不脩进厥良以率其或不良惟民生厚因物有迁违上所命从厥攸好尔克敬典在德时乃罔不变允升于大猷惟予一人膺受多福其尔之休终有辞于永世周书叙费誓曰鲁使伯禽宅曲阜徐夷并兴东郊不开作费誓费誓公曰嗟人无哗听命徂兹淮夷徐戎并兴善穀乃甲冑敝乃干无敢不吊备乃弓矢锻乃戈矛砺乃锋刃无敢不善今惟淫舍牯牛马杜乃攫斂乃弇无敢伤牯牯之伤汝则有常刑马牛其风臣妾逋逃勿敢越逐只复之我商賚汝乃越逐不复汝则有常刑无敢寇攘逾垣墙窃马牛诱臣妾汝则有常刑甲戌我惟征徐戎峙乃糗粮无敢不逮汝则有大刑鲁人三郊三遂峙乃桢榦甲戌我惟筑无敢不供汝则有无余刑非杀鲁人三郊三遂峙乃刍茭无敢不多汝则有大刑卫侯伯皆有驯行由是康叔入为司寇季载入为司空有令名于天下王追念周公有大勲劳命鲁公世世祀周公以天子之礼乐得郊禘大雩是以鲁君孟春乘大辂载弧韞旂十有二旒龙章而设日月祀帝于郊配以后稷当禘则牲用白牡尊用牺象山罍郁尊用黄目灌用玉瓚大圭荐用玉豆雕簠爵用玉琖仍雕加以璧散璧角俎用梡嶷升歌清庙下管象武朱干玉戚冕而舞大武皮弁素积裼八佾以舞大夏此宗周禘礼也以祀周公于鲁庙赐许田为鲁会东都朝宿之邑命鲁公之弟食采于周举文武勤劳之后鬻熊曾孙熊绎以子男之田封之于楚居丹阳大雅十五篇曰假乐四章章六句嘉成王也假乐君子显显令德宜民宜人受禄于天保右命之自天申之干禄百福子孙千亿穆穆皇皇宜君宜王不愆不忘率由旧章威仪抑抑德音秩秩【有常也】无怨无恶率由羣匹受福无疆四方之纲之纲之纪燕及朋友【羣臣也】百辟卿士媚于天子不解于位民之攸暨【息也】

十九年甲辰

二十九年甲寅王将崩命大臣辅太子作顾命周书叙曰成王将崩命召公毕公率诸侯相康王作顾命顾命惟四月哉生魄王不恠甲子王乃洮颍水相被冕服凭玉几乃同召太保奭芮伯彤伯毕公卫侯毛公师氏虎臣百尹御事王曰呜呼疾大渐惟防病日臻既弥留恐不获誓言嗣兹予审训命汝昔君文王武王宣重光奠丽陈教则肄肄不违用克达殷集大命在后之侗敬迓天威嗣守文武大训无敢昏逾今天降疾殆弗兴弗悟尔尚明时朕言用敬保元子钊

济于艰难柔远能迓安劝小大庶邦思夫人自乱于威仪尔无以钊冒贡于非防兹既受命还出缀衣于庭越翼日乙丑王崩太保命仲桓南宫毛倬爰齐侯吕伋以二千戈虎贲百人逆子钊于南门之外延入翼室恤宅宗丁卯命作册度越七日癸酉伯相命士须材狄设黼黻缀衣牖间南向敷重篋席黼纯华玉仍几西序东向敷重底席缀纯文贝仍几东序西向敷重丰席画纯雕玉仍几西夹南向敷重笋席 纷纯漆仍几越玉五重陈宝赤刀大训 璧琬琰在西序大玉夷玉天球河图在东序 之舞衣大贝鼗鼓在西房兂之戈和之弓垂之竹矢在东房大辂在寅阶面缀辂在阼阶面先辂在左塾之前次辂在右塾之前二人雀弁执惠立于毕门之内四人綦弁执戈上刃夹两阶彤一人冕执刘立于东堂一人冕执钺立于西堂一人冕执戣立于东垂一人冕执瞿立于西垂一人冕执锐立于侧阶王麻冕黼裳由寅阶降卿士邦君麻冕蚁裳入即位太保太史太宗皆麻冕彤裳太保承介圭上宗奉同瑁由阼阶降太史秉书由寅阶降御王册命曰皇后凭玉几道 末命命汝嗣训临君周邦率循大卞燮和天下用答 文武之光训王再拜兴答曰眇 予小子其能而乱四方以敬忌天威乃受同瑁王三宿三祭三咤上宗曰飡太保受同降盥以异同秉璋以酢授宗人同拜王答拜太保受同祭哂宅授宗人同拜王答拜太保防收诸侯出庙门侯

论曰人多以为成王中材之主也以愚观其临终处断大事不动声色过人远甚然后知周公所以教之者至而成王进德之勇也成王既崩然后逆元子于南门之外者是太子宫在南门外也夫太子国储宫副疾既大渐而不居中可乎古者圣贤之君以死生为常故不与怛化小人大命未终妻子已环而泣之者同也以大臣为腹心故公其子而不与之私重辅弼也以天下为家故必终于正寝公卿百官受顾命而不没于妻子之手也后世此道不明人君牵滞于儿女子之情而惧于死生之变以利势乱其心而以天下私其子故不任大臣以天下而大臣亦不敢以天下自任于是有母后临朝之颠制有外戚擅权之大患有阉寺狐鼠之深害有偏信独任之阴谋矣此后世所以不及三代也又曰唐虞夏商天子之服十有二章绩日月星辰山龙华虫于衣絺绣宗彝藻火粉米黼黻于裳上公九章自山龙而下侯伯七章自华虫而下子男五章自宗彝而下卿大夫三章自粉米而下士一章黼黻而已周天子九章土皮弁素积天子公侯卿士五服有章矣康王受命之际其君臣冕服非常章何也天子崩嗣君即位而后成服者不敢重已事而轻天命也不敢后父事而先已事也衰麻者【阙文】

周书序康王之诰曰康王既尸天子遂诰诸侯作康王之诰康王之诰王出在应门之内太保率西方诸侯入应门左毕公率东方诸侯入应门右皆布乘黄朱寅称奉圭兼币曰一二臣卫敢执壤奠皆再拜稽首王义嗣德答拜太保暨芮伯咸进相揖皆再拜稽首曰敢敬告天子皇天改大邦殷之命惟周文武诞受姜若克恤西土惟新陟王毕协赏罚戡定厥功用敷遗后人休今王敬之哉张皇六师无坏我高祖寡命王若曰庶邦侯甸男卫惟予一人钊报诰昔君文武丕平富不务咎底至齐信用昭明于天下则亦有熊黑之士不二心之臣保乂王家用端命

于上帝皇天用训厥道付畀四方乃命建侯树屏在我后之人今予一二伯父尚胥暨顾绥尔先公之臣服于先王虽尔身在外乃心罔不在王室用奉恤厥若无遗鞠予羞羣公既皆听命相揖趋出王释冕反丧服冬十月葬王于毕諡曰成王

皇王大纪卷二十一

宋 胡宏 撰

三王纪

康王

元年自帝太昊开明伦理后圣继作至于康王脩身齐家之法备矣于是集为十篇以垂后世统人伦曰天下之人莫不有家家之大至于王者极矣君臣父子夫妇谓之三纲夫妇父子君臣长幼朋友谓之五典又曰五常父子兄弟夫妇君臣长幼朋友賓客谓之七教祖父伯叔子孙姑姊妹女子子外王父外王母舅姨外舅外姑谓之九族或曰上亲父下親子三也以父亲子以子亲孙五也以祖亲曾高以孙亲 九也或曰诸父兄弟姊妹诸舅师长朋友谓之六纪极家之大父子之性夫妇之道兄弟之伦与众庶一也恩莫隆焉义莫重焉叙莫备焉所以为天下率也王或失度则史书之士诵之三公进读之宰夫彻其膳史不书其罪死宰不彻膳其罪死是故王者莫大于脩身身修然后能齐其家齐家之道始于夫妇夫妇之道得故天地合而万物兴冠礼曰天下无生而贵者天子之元子士也故始冠 冠诸侯之有冠礼夏之末造也古者五十而后爵故无大夫冠礼夏殷之世冠适子于阼一加缁布之冠再加皮弁三加爵弁每一加则醺于客位周公之冠元子也三加毕乃一體是后遂以为常其冠庶子也则醺于房外士之冠者也冠而字之敬其名也见于母母拜之见于兄弟兄弟拜之成人而与为礼也

冠 端奠摯于君遂以摯见于乡大夫鄉先生成人之道也将责以礼义也礼义之始在于正容体齐顏色顺词令故冠而后服备服备而后容体正顏色齐词令顺委貌周道也章甫殷道也母追夏后氏之道也周弁殷鬐夏收三王共皮弁素积古者冠礼筮日筮賓所以敬冠事敬冠事所以重礼正君臣亲父子和长幼为国本也故孝弟忠顺之行立而后可以为人可以为人而后可以治人故圣王重冠冠者礼之为始也嘉事之重者也行之于祖庙以裸享之礼将之以金石之乐节之而不敢擅重事所以自卑而尊先祖也大古冠布齐则缁之三入为纁五入为緌七入为緌其綌也孔子曰吾未之闻也冠而敝之可也是故缁布之冠不綌曾子问于孔子曰将冠子冠者至揖让而入闻齐衰大功之丧如之何孔子曰内丧则废外丧则冠而不體彻饌而埽即位而哭如冠者未至则废如将冠子未及期日而有齐衰大功小功之丧则因丧服而冠除丧不改冠乎孔子曰天子赐诸侯大夫冕弁服于太庙归设奠服赐服于斯乎有冠醺无冠醺父没而冠则已冠埽【素报】地而祭于祢已祭而见伯父叔父而后飨冠者或曰以丧冠者虽三年之丧可也既冠于次入哭踊者三乃出天子之子十有三年而冠十有五年而娶诸侯之子十有五年而冠二十而娶士及庶人二十而冠三十而娶男娶曰婚女嫁曰姻父子为子嫁娶必择世有仁义者婚义曰昏礼万世之始也将以为社稷主为先祖后而可以不致敬乎婚姻之礼行之以媒妁纳采问名纳吉纳徵请期亲迎是谓六礼礼以币雁主人皆筵几于庙而拜迎于门外入揖让而升听命于庙币必诚辞无不腆告之以直信信事人也信妇德也古者妇人先嫁三月祖庙未毁教于公宫祖庙既毁教于宗室女师教之以妇德妇言妇容妇功教成祭之牲用鱼芼之以苹藻及期女次纯衣纁【许云】衽而立于房中姆纁【山奇】笄宵衣在其右女从者毕衽 纁笄被纁【乎善】黼在其后父亲醺子而命之

迎男先于女刚柔之义也天先乎地君先乎臣其义一也子承命以迎主人爵弁纁【许云】裳缙施筵几于庙而拜迎于门外壻执鴈入揖让升堂见外舅外姑再拜奠鴈舅姑承子以授壻恐事之违也男女有别然后父子亲父子亲然后义生义生然后礼作礼作然后万物安女乘以几壻降出御妇车而壻授绥亲之也亲之也者亲之也敬而亲之先王之所以得天下也姆辞不受乃驱御轮三周御者代壻乃先俟于门外女从男夫妇之义由此始也妇至壻揖妇以入共牢而食合卺而醕【音 卺】同尊卑也故妇人无爵从夫之爵坐以夫之齿三王作牢用陶匏夙兴妇沐浴以俟见质明赞见妇于舅姑妇执笄枣栗脯脩以特豚馈卒食妇馂余私之也厥明舅姑共飨妇以一献之礼奠酬舅姑先防自西阶妇降自阼阶授之室也以着代也孔子曰嫁女之家三夜不息烛思相离也取妇之家三日不举乐思嗣亲也三月而庙见称来妇也择日而祭于祢成妇之义也曾子曰女未庙见而死则如之何孔子曰不迁于祖不祔于皇姑壻不杖不菲不次归葬于女氏之党示未成妇也男女非有行媒不相知名非受币不交不亲故日月以告君斋戒以告 神为酒食以召乡党僚友以厚其别也以此坊民民犹有自献其身取妻不取同姓故买妾不知其姓则卜之寡妇之子非有见焉弗与为友故朋友之交主人不在不有大故则不入其门贺娶妻者曰某子使某闻子有客使某羞贫者不以货财为礼老者不以筋力为礼或曰昏礼不贺人之序也纳女于天子曰备百姓于国居曰备酒浆于大夫曰备洒扫夫妇曰天子娶后三夫人九嫔二十七世妇八十一御妻有妾诸侯一娶九女三姓夫人行以侄娣从两国来媵亦以侄娣从有世妇有妻有妾诸侯不下渔邑君子远色以为民纪后夫人必有女史彤管之法史不纪过其罪杀后妃羣妾以礼御于君所女史书其日月当御者授之以银环着于左手当退者授之以金环着于右手事无小大记以成法大夫曰孺人有侄有娣士曰妇人有妾庶人曰妻孔子曰宗子虽七十无无主妇非宗子虽无主妇可也诸侯不再娶不二嫡也妻者齐也一与之齐终身不改是故妇人从人者也幼从父兄嫁从夫夫死不嫁而从子所以敬父母尊先祖也夫也者夫也夫也者以知帅人者也是故慎之于始有五不取之制不幸而误虽有七出之义而又有三不去之礼焉曾子问于孔子曰昏礼既纳币有吉日女之父母死则如之何孔子曰壻使人吊如壻之父母死则女之家亦使人吊父丧称父母丧称母父母不在则称伯父世母壻已葬壻之伯父致命女氏曰某之子有父母之丧不得嗣为兄弟使某致命氏许诺而弗敢嫁礼也壻免丧女之父母使人请壻弗取而后嫁之礼也女之父母死壻亦如之曰亲迎女在涂则如之何曰女改服布深衣縗总以趋丧女在涂而女之父母死则女反如壻亲迎女未至而有齐衰大功之丧则如之何曰男不入改服于外次女入改服于内次然后即位而哭曰除丧则不复昏礼乎曰祭过时不祭礼也又何反于初曰取女有日而女死如之何曰壻齐衰而吊既葬而除之夫死亦如之子妇曰后王命冢宰降德于众庶兆民子事父母妇事舅姑鸡初鸣咸盥漱栉【侧乞】 紕【所买】笄总子拂髦冠綏纓端鞶【音必】 绅搢笏偃屨着綦【其记】 妇衣绅衿纓綦屨左皆佩纷帨刀砺小觶【许规】 金燧右皆佩大觶木燧子有玦捍管遡【时世】 妇有緘管线纁施繁【步下】 裘【秩】 以适父母舅姑之所下气怡声问衣燠寒疾痛苛【音何】 痒而敬抑搔之出入则或先后而敬扶持之间所欲而敬进柔色以温之饘醢【羊支】 酒醴饭食膳羞芼羹惟所欲枣栗饴蜜以甘之菹苴【丸】 粉榆【扶云】 兔【问】 薤藟藟以滑之脂膏以膏之春宜羔豚膳膏芻【牛】 夏宜腍鱮膳膏臊【狗】 秋宜犊麋【音迷】 膳膏腥【鸡】 冬宜鲜羽膳膏膻【羊】 狼肠狗肾狸正脊兔尻【苦高】 狐首豚脑鱼乙鼈丑去之雒尾不盈握舒雁翠鹄鸕胖【音判】 舒鳧翠鸡肝雁肾鵒【音保】 奥鹿胃雒鼈弗食羹食自诸侯以下至于庶人

无等大夫燕食有脰无脯有脯无脰士不贰羹馐【侧吏】男女未冠笄者綵角衿【其鸛】纓皆佩容臭味爽而朝问何食饮矣若已食则退若未食则佐长者视具孺子早寢晏起惟所欲食无时由命士以上父子异宫味爽而朝日出而退各从其事日入而夕父母舅姑之衣衾簟席枕几不杖屨只敬之勿敢近敦【对】牟卮匱【羊支】非俊【音俊】莫敢用孺子俊在父母舅姑之所有命之应唯敬对进退周旋慎齐升降出入揖逊不敢啖【于月】噫【于介】咳欠伸跛倚睇视不敢唾洩寒不敢裘痒不敢搔不有敬事不敢裼不涉不扞【居卫】褻衣衾不见里父母唾洩不见冠带垢和灰请漱衣裳垢和灰请澣衣裳绽裂纫【女陈】箴请补缀【朱劣】五日则燂【详廉】汤请浴三日具沐其间面垢燂潘【方烦】请醢【音悔】足垢燂汤请洗少事长贱事贵共帅时子妇孝敬者父母舅姑之命勿逆勿怠若饮食之虽不嗜必尝而待加之衣服虽不欲必服而待加之事人代之已虽弗欲姑与之而姑使之而后复之子妇有勤劳之事虽甚爱之姑纵之而寧数休之子妇未孝未敬勿庸疾怨姑教之而后怒之不可怒子放妇出而不表礼焉父子不同席父母有过下气怡色柔声以谏谏若不入起敬起孝说则复谏不说与其得罪于乡党州闾寧熟谏父母怒不悅而挞之流血不敢疾怨起敬起孝父母有婢子若庶子庶孙甚爱之虽父母没没身敬之不衰子有二妾父母爱一人焉子爱一人焉由父母衣服饮食由执事母敢视父母所爱虽父母没不衰子甚宜其妻父母不悅出子不宜其妻父母曰是善事我子行夫妇之礼焉没身不衰曾子曰孝子之养老也乐其心不违其志乐其耳目安其寝处以其饮食供养之孝子之身终终身也者非终父母之身终其身也是故父母之所爱亦爱之父母之所敬亦敬之至于犬马尽然而况于人乎凡为人子之礼冬温而夏清昏定而晨省冠衣不纯素在丑夷不争出必告反必面所游必有常所习必有业恒言不称老言孝不言慈闺门之内戏而不叹居不主奥坐不中席行不中道立不中门食飧不为槃祭祀不为尸听于无声视于无形不登高不临深不苟訾不苟笑不服闔不登危不许友以死亲在行礼于人则称父人或赐之则称父拜之父命呼唯而不诺手执业则投之食在口则吐之走而不趋亲老出不易方复不过时亲癯色容不盛冠者不栉行不翔言不惰琴瑟不御食肉不至变味饮酒不至变貌笑不至矧怒不至詈疾止复初舅没则姑老冢妇每事必请于姑介妇请于冢妇舅姑使冢妇母怠不敢无礼于介妇舅姑若使介妇母敢敌礼于冢妇不敢并行不敢并命不敢并坐凡妇不命适私室不敢退子妇无私货无私畜无私器不敢私假不敢私与妇或赐之则受而献诸舅姑受则喜若反赐之则辞不得命如更受赐藏以待乏妇若有私亲兄弟将与之则必请而后与之内则曰礼始于谨夫妇为宫室辨外内凡内外鸡初鸣咸盥漱衣服敛枕簟洒扫堂室及庭布席各从其事男子居外女子居内深宫固门阍寺守之男不入女不出不敢悬于夫之樨橈不敢藏于夫之篋笥不敢共湣浴夫不在敛枕簟篋席襦器而藏之少事长贱事贵咸如之男不言内女不言外非祭非丧不相受器其相授则女授以篋其无篋则皆坐奠之而后取之内外不共井不共湣浴不通寝席不通乞假男女不通衣裳内言不出外言不入男子入内不啸不指夜行以烛无烛则止女子出门必拥蔽其面夜行以烛无烛则止是故男女不杂坐不同橈枷不同巾栉嫂叔不通问诸母不漱裳女子许嫁纓非有大故不入其门姑姊妹女子子已嫁而反兄弟弗与同席而坐弗与同器而食仆御妇人则进左手寡妇不夜哭妇人疾问之不问其疾以此坊民民犹淫泆而乱于德夫妇七十而同藏无间妾未五十必与五日之御虽婢妾衣服饮食必后长者妻不在妾御莫当夕妻将生子及月辰居侧室夫使人日再问之作而自问之妻不敢见使姆对至于子生夫复使人日再问之男设弧于门左女设帨于门右国君世子生告于君接以大牢宰掌具大

夫少牢士特豕庶人特豚其非豕子则皆降一等三日卜士负之吉者宿斋朝服寝门外诗负之射人以桑弧蓬矢六射天地四方女则否天地四方者男子之所有事也故必先志于其事然后卜士之妻大夫之妾使食子异为孺子室于宫中择于诸母与可者必求其宽裕慈惠温良恭敬慎而寡言者使为子师其次为慈母其次为保母皆居子室他人无事不往三月之末择日剪发为髻男角女髻是日也夫妇夙兴沐浴衣服具视朔食夫入门升自阼西妻抱子出自房东面姆先相曰母某只见孺子夫对曰钦有帅执子右手而名之妻曰记有成遂有名辩告内外书曰某年某月某生而藏之宰告闾史闾史书而藏诸闾府献其一于州史州史献诸州伯州伯命藏诸州府夫入食如养礼世子生则君夫人皆立于阶西乡世妇抱子升自西阶君名之乃降适子庶子见于外寝君抚其首咳而名之礼帅初无辞众子则使有司名之凡父在孙见于祖祖名之无辞大夫之子有食母士之妻自养其子豕子未食而见必执其右手适子庶子已食而见必循其首曾子问于孔子曰君薨而世子生如之何孔子曰卿大夫从摄主北面于西阶南大祝裨冕执束帛升自西阶尽等不升堂命母哭祝声三告曰某之子生敢告升奠币于殡东儿上哭防众主人卿大夫士房中皆哭不踊尽一哀反位遂朝奠小宰升举币三日众主人卿大夫士如初位北面太宰太宗太祝皆裨冕少师奉子以衰祝先子从宰宗人从入门哭者止子升自西阶殡前北面祝立于殡东南隅祝声三曰某之子某从执事敢见子拜稽顙哭众皆哭踊三者三降东反位皆袒子踊房中亦踊三者三袭衰杖奠出太宰命祝史以名徧告于五祀山川曾子问曰如已葬而世子生则如之何孔子曰太宰太宗从太祝而告于祔三月乃名于祔以名徧告于社稷宗庙山川凡名子者不以国不以隐疾不以山川男女曰子能食食教以右手能言男唯女俞男鞶革女鞶丝六年教之数与方名七年男女不同席不共食八年出入门户即席饮食必后长者始教之让九年教之数日曲礼曰幼子常视毋诳童子不衣裘裳立必正方不倾听长者与之提携则两手捧长者之手负剑辟咎诏之则掩口而对十年出就外傅居宿于外学书计衣不帛 【汝朱】袴朝夕学幼仪请肄 【以至】简谅凡男拜尚左手女子十年不出姆教婉娩听从执麻枲治丝茧织紵组紃学女事以供衣服观于祭祀纳酒浆笾豆菹醢礼相助奠男子十有三年学乐诵诗舞勺成童舞象学射御玉藻曰童子不裘不帛不屨絢无总服听事不麻无事则立主人之北南面见先生从人而入女子十五而笄二十而嫁笄而字有故二十三年而嫁杂记曰女虽未嫁年二十而笄礼之妇人执其礼燕则髻首聘则为妻奔则为妾凡女拜尚右手修身曰男子二十而冠冠而字父前子名君前臣名始学礼曲礼曰毋不敬俨若思安定辞安民哉傲不可长欲不可纵志不可满乐不可极坐如尸立如斋贤者狎而敬之畏而爱之爱而知恶憎而知善积而能散安安而能迁临财毋苟得临难毋苟免狠毋求胜分毋求多疑事毋质直而勿有夫礼者所以定亲疎决嫌疑别同异明是非也礼不妄说人不辞费礼从宜不逾节修身践言谓之善行行修言道礼之质也礼闻取于人不闻取人礼闻来学不闻往教道德仁义非礼不成教训正俗非礼不备是以君子恭敬撙节退让以明礼太上贵德其次务施报礼尚往来往而不来非礼也来而不往亦非礼也夫礼者自卑而尊人富贵而知好礼则不骄不淫贫贱而知好礼则志不慑男子既冠可以衣裘帛舞大夏惇行孝弟博学不教内而不出曲礼曰侍坐于先生先生问焉终则对请业则起请益则起先生召无诺唯而起从于先生不越路而与人言遭先生于道趋而进正立拱手先生与之言则对不与之言则趋而退将适舍求母固将上堂声必 将即席容母忤衣母拨足母蹙虚坐尽后食坐尽前坐必安执尔颜长者不及母僂言正尔容听必恭母勸说母雷同必则古昔称先生君子之容舒迟见所尊者斋邀足容重手容恭日容端口容止声容静

头容直气容肃立容德色容庄燕居告温温戎容暨暨言容谔谔色容厉肃视容清明立容辨卑母譊【丑冉】头颈必中山立时行盛气颠实扬休玉色侍坐于尊所尊见起同坐不起烛至起食至起上客起始见君子者辞曰某固愿闻名于将命者敌者曰某固愿见童子曰听事侍坐于君子不顾望而对非礼也侍坐于君子君子欠伸撰杖屦视日早暮侍坐者请出矣侍坐于君子君子问更端则起而对侍坐于君子若有告者曰少问愿有复也则左右屏而待不窥密不旁狎不道旧故不戏色不疑在躬不度民械不愿于大家不訾重器毋訾衣服成器毋身质言语有贰车之乘马服车不齿观君子之衣服服剑乘马弗贾毋侧听毋噉应毋淫视毋怠荒毋渎神毋循枉游毋倨立毋跛坐毋箕寝毋伏敛发毋髡冠毋免劳毋袒暑毋褰裳谋于长者必操几杖以从之长者问不辞让而对非礼也见父之执不谓之进不敢进不谓之退不敢退不问不敢对孝子之行也尊长于己逾等不敢问其年燕见不将命遇于道见则面不请所之丧俟事不植吊年长以倍则父事之十年以长则肩随之羣居五人则长者必异席博学曰男子三十而有室始理男事博学无方孙友视志学记曰发虑宪求善良足以諉闻不足以动众就贤体远足以动众未足以化民君子如欲化民成俗其必由学乎玉不琢不成器人不学不知道是故古之王者建国君民教学为先说命曰念终始典于学其此之谓乎虽有嘉肴弗食不知其防也虽有至道弗学不知其善也是故学然后知不足教然后知困知不足然后能自反也知困然后能自强也故曰教学相长也说命曰敦学半其此之谓乎古之教者家有塾党有庠遂有序国有学比年入学中年考校一年视离经辨志三年视敬业乐羣五年知类通达强立而不反谓之大成夫然后足以化民成俗近者说服远者懷之此大学之道也记曰蛾子时术之其此之谓乎大学始教皮弁祭菜示敬道也宵雅肄三官其始也入学鼓篋孙其业也夏楚二物收其威也未卜禘不视学游其志也时观而弗语存其心也幼者听而弗问学不躐等也此七者教之大伦也记曰凡学官先事士先志其此之谓乎大学之教也时教必有正业退息必有居学不学操缦不能安不学博依不能安诗不学杂服不能安礼不兴其艺不能乐学故君子之于学也藏焉修焉息焉游焉夫然故安其学而亲其师乐其友而信其道是以虽离师辅而亦不反也说命曰敬孙务时敏厥修乃来其此之谓乎今之教者呻其呫毕多其讯言及于数进而不顾其安使人不由其诚教人不尽其材其施之也悖其求之也拂夫然故隐其学而疾其师苦其难而不知其益也虽终其业其去之必速教之不刑其此之谓乎大学之法禁于未发之谓豫当其可之谓时不凌节而施之谓孙相观而善之谓摩此四者教之所兴也发然后禁则扞格而不胜时过然后学则勤苦而难成杂施而不孙则壞乱而不脩独学而无友则孤陋而寡闻燕朋逆其师燕辟废其学此六者教之所由废也君子既知教之所由兴又知教之所由废然后可以为人师也故君子之教喻也道而弗牵强而弗抑开而弗达道而弗牵则和强而弗抑则易开而弗达则思和易以思可谓善喻矣学者有四失教者必知之人之学也或失则多或失则寡或失则易或失则止此四者心之莫同也知其心然后能救其失也教也者长善而救其失者也善歌者使人继其声善教者使人继其志其言也约而达防而臧罕譬而喻可谓继志矣君子知至学之难易而知其美恶然后能博喻能博喻然后能为师能为师然后能为长能为长然后能为君故师也者所以学为君也是故择师不可不慎也记曰三王四代唯其师此之谓乎凡学之道严师为难师严然后道尊道尊然后民知敬学是故君之所不臣于其臣者二当其为尸则弗臣也当其为师则弗臣也大学之礼虽诏于天子无北面所以尊师也善学者师逸而功倍又从而庸之不善学者师勤而功半又从而怨之善问者如攻坚木先其易者后其节目及其久也相说以解不善问者反此善待问者如

撞钟叩之以小则小鸣叩之以大则大鸣待其从容然后尽其声不善答问者反此此皆进学之道也记问之学不足以为师必也其听语乎力不能问然后语之语之而不知虽舍之可也良冶之子必学为裘良工之子必学为箕始驾马者反之车在马前君子察于此三者可以有志于学矣古之学者比物丑类鼓无当于五声五声弗得不和水无当于五色五色弗得不章学无当于五官五官弗得不治师无当于五服五服弗得不亲君子曰大德不官大道不器大信不约大时不齐察于此者可以有志于本矣三王之祭川也皆先河而后海或源也或委也此之谓务本仕道曰男子四十始仕方物出谋发虑道合则服从不合则去七十悬车致仕君子之居恒当户寝恒东首若有疾风迅雷甚雨则必变虽夜必兴衣服冠而坐日五盥沐稷而饔粱栉用櫛栉发晞用象栉进襪进羞工乃歌浴用二中上絺下绤出扞履蒯席连用汤履蒲席衣布晞身乃屣进饮将适公所宿斋居戒外寝沐浴史进象笏书思对命既服习容观玉声乃出揖私朝辉如也登车则有光矣侍坐则必退席不退则必引而去君之党若赐之食而君客之则命之祭然后祭先饭辩尝羞饮而俟若有尝羞者则俟君之食然后食饭饮而俟君命之羞羞近者命之品尝然后唯所欲凡尝远食必顺近食君未覆手不敢飡君既食又饭殽饭殽者三饭也君既彻执饭与酱乃出授从者凡侑食不尽食食于人不饱唯水浆不祭若祭为已僇卑君若赐之爵则越席再拜稽首受登席祭之饮卒爵而俟君卒爵然后受虚爵君子之饮酒也受一爵而色洒如也二爵而言言斯礼已三爵而油油以退退则坐取屣隐辟而后屣坐左纳右坐右纳左凡尊必上 酒惟君面尊惟飧野人皆酒凡侍于君绅垂足如履齐顙雷垂拱视下而听上视带以及袷听向任左凡君召以三节二节以走一节以趋在官不俟屣在外不俟车士于大夫不敢拜迎而拜送士于尊者先拜进面答之拜则走士于君言大夫没矣则称谥若字名士与大夫言名士字大夫于大夫所有公讳无私讳凡祭不讳庙中不讳教学临文不讳侍食于先生异爵者后祭先饭客祭主人辞曰不足祭也客殽主人辞以疏主人自置其酱则客自彻之一室之人非賓客一人彻一食之人一人彻凡燕食妇人不彻食枣桃李弗致于核 祭上环食中弃所操凡食果实者后君子火熟者先君子有庆非君赐不贺君赐车马乘以拜赐衣服服以拜赐君未有命弗敢即乘服也君赐稽首据掌致诸地酒肉之赐弗拜凡赐君子与小人不同日凡献于君大夫使宰士亲皆拜稽首送之大夫不亲拜为君之答已也大夫拜赐而退士待诺而退又拜弗答拜大夫亲赐士士拜受又拜于其室凡于尊者有献而弗敢以闻士于大夫不承贺下大夫于上大夫承贺

皇王大纪卷二十二

宋 胡宏 撰三王纪

康王

十一年甲子宋公防子啓薨世子蚤死有孙曰臚不立以弟衍嗣是为防仲

十二年君陈薨命毕公高之洛邑周书叙曰康王命作册毕分居里成周郊作毕命惟十有二年六月庚午朏越三日壬申王朝步自宗周至于丰以成周之众命毕公保厘东郊王曰呜呼父师惟文王武王敷大德于天下用克受殷命惟周公左右先王绥定厥家毖殷顽民迁于洛邑密迩王室式化厥训既歷三纪世变风移四方无虞予一人以寧道有升防政由俗革不臧厥臧民罔攸劝惟公懋德克勤小物弼亮四世正色率下罔不只师言嘉绩多于先王予小子垂拱仰成王曰呜呼父师今予只命以周公之事往哉旌别淑慝表厥宅里彰善癉恶树之风声弗率训典殊厥井疆俾克畏慕申尽郊圻慎固封守以康四海政贵有恒辞尚体要不惟好异商俗靡靡利口惟贗余风未殄公其念哉我闻曰世禄之家鲜克由礼以荡陵德实悖天道敝化奢丽万同流兹殷庶土席宠惟旧怙侈灭义服美于人骄淫矜夸将由恶终虽収放心闲之惟艰资富能训惟以永年惟德惟义时乃大训不由古训于何其训王曰呜呼父师邦之安危惟兹殷士不刚不柔厥德允脩惟周公克慎厥始惟君陈克和厥中惟公克成厥终三后协心同底于道道洽政治泽润生民四夷左衽罔不咸賴予小子永膺多福公其惟时成周建无穷之基亦有无穷之闻子孙训其成式惟父呜呼罔曰弗克惟既厥心罔曰民寡惟慎厥事钦若先王成烈以休于前政圣人生知性与道合宜无待于思也而孟子谓圣人既竭心思焉继之以不忍人之政然后仁覆于天下者盖天下之情万端变动百出圣人欲总摄无遗永终必用故竭心思然后可也圣人竭心思而为之愚人肆愚见而改之天下之无仁政也久矣立宗庙井田封建学校军制宫室车旗冠服聘射燕饮养老丧葬服制祭祀皆仁政之大者也集为十有三篇以见帝王之法制大略具存若能引而伸之触类而长之亦可以致大治人道曰圣人南面而治天下必自人道始矣立权度量考文章改正朔易服色殊徽号异器械别衣服此其所以得与民变革者也其不可得变革者则有矣亲亲也尊尊也长长也男女有别也上治祖祢尊尊也下治子孙亲亲也旁治昆弟合族之道也族人不得以其戚戚君位也君不与同姓同车与异姓同车不同服同姓从宗合族属异姓主名治际会名著而男女有别别子为祖继别为宗有百世不迁之宗宗其继别子之所自出者谓宗其为始祖后者为大宗也大宗百世不迁者也宗其继高祖者五世则迁者也是故祖迁于上宗易于下宗其为曾祖之后者为曾祖宗宗其为祖后者为祖宗宗其为父后者为祢宗自高祖宗至祢宗四宗为小宗四世而緦服之穷也五世祖免杀同姓也六世而亲属竭矣其庶姓别于上而戚单于下婚姻可以通乎系之以姓而勿别綴之以食而弗殊虽百世而婚姻不通者周道然也适子庶子只事宗子宗妇虽贵富不敢以贵富入宗子之家虽众车徒舍于外以寡约入子弟犹归器衣服衾裘车马则必献其上而后敢服用其次也若非所献则不敢以入于宗子之门不敢以富贵加于父兄宗族若富则具二牲献其贄者于宗子夫妇皆齐而敬宗焉终事而后私祭曾子问于孔子曰宗子为士庶子为大夫其祭也如之何孔子曰以上牲祭于宗子之家祝曰孝子某为介子

某荐其常事若宗子有罪居于他国庶子为大夫其祭也祝曰孝子某使介子某执其常事摄主不厌祭不旅不假不绥祭不配布奠于寘寘奠而不举不归肉其辞于寘曰宗兄宗弟宗子在他国使某辞宗子去在他国庶子无爵而居者望墓为坛以时祭若宗子死告于墓而后祭于家宗子死称名不言孝身没而已祭殤必厌盖弗成也祭成丧而无尸是殤之也殤有陰厌有阳厌宗子为殤而死庶子弗为后也其吉祭特牲祭殤不举无胾俎无酒不告利成是为陰厌几殤与无后者祭于宗子之家当室之白尊于东房是谓阳厌庶子不祭祖者明其宗也庶子不为长子斩不继祖与祢故也庶子不祭殤与无后者从子耐食庶子不祭祢者同其宗也有小宗而无大宗者有大宗而无小宗者有无宗亦莫与之宗者公子是也公子有宗道公子之家为士大夫之庶者宗其士大夫之适者公子之宗道也絕族无移服亲者属也自仁率亲等而上之至于祖自义率祖顺而下之至于祢是故人道亲亲也亲亲故尊祖尊祖故敬宗敬宗故收族收族故宗庙严宗庙严故重社稷重社稷故爱百姓爱百姓故刑罚中刑罚中故庶民安庶民安故财用足财用足故百志成百志成故礼俗刑礼俗刑然后乐井田曰先王之井田也井不易之田也城郭宫室涂巷沟洫不与焉夏后氏之田九州九等见天下之田有九等也而州一等者举其多者也故田必以九等定周承二代以六尺为步步百为畝寸有长短尺有大小以中人之指为度则今之官尺可以为准也尺定则步定步定则亩定亩定则井定井定则四井为邑四邑为丘四丘为甸四甸为县四县为都一都之田一千二十四井百里之国均分为十都则不足为九都则有余故有大都有小都因山川形势之宜而制之也王畿方千里为方百里者百为夫家八百万五家为比五比为间四间为族五族为党五党为州五州为乡是四万五千家为乡也五家为邻五邻为里四里为鄣五鄣为鄙五鄙为县五县为遂是七万五千家为六遂也近郊为乡远郊为遂王畿八百万夫为乡遂者六十犹有余夫五千而曰六乡六遂者百里为六乡一乡大夫治百里也百里为六遂一遂大夫治百里也与外公侯所治同也诸侯百里为夫家八万虽百里六遂其为地也狭于王畿百倍其为夫家也少于王畿百倍矣当家之一夫一妇受田百亩夏后商周之百亩当秦四十一亩一百六十步余夫二十五亩当秦十亩一百步【余夫为少壮未娶者已娶未成家者人受十亩一百步】盖先王以百步为亩而秦以二百四十步也一井之田九百亩八夫耕之以百亩为公田当今五六口之家能耕古之百亩而已耕秦之百亩则力不给以古亩分田则易以秦分田则难盖古亩实收公田之谷粟而已秦亩则税之惟取公家之谷粟而已不问民之有山陵川泽之出与否也秦亩则赋之惟取公家之财具而已不问民有水旱虫螟之灾也是故古亩虽小而民得其所秦亩虽大而民不获其所者众矣今遵用先王之亩而井之井九百亩因其山川宜沟洫者沟洫之宜封树者封树之夫间有遂遂上有径十夫有沟沟上有道百夫有洫洫上有涂千夫有浍浍上有道万夫有川川上有路以达于畿田首广二尺深二尺谓之遂九夫为井井间广四尺深四尺谓之沟方十里为成成间广八尺深八尺谓之洫方百里为同同间广二寻深二仞谓之浍专达于川凡井邑皆有沟树之限而都鄙有城郭沟池之固居者有定宅行者有定路善良得安奸宄可禁今日土田之欺争讼皆絕矣法制一定坏之则难此其大畧也行之者可以类推焉也孟子曰百亩之粪上农夫食九人其次食八人其次食七人其次食六人下食五人言农有勤惰则得谷粟有多寡也封建曰先王之封建也计不易之田以为都畿以封诸侯畿田方千里公侯田方百里伯方七十里子男方五十里方者以数计为定制也不能五十里附于诸侯曰附庸若夫山陵林麓川泽之地则因田之所占以为疆界其长短广狭不可悬定不可得而方也名山大泽天子自有之不以封诸侯也若田则必以数计周公封鲁僖于百

里太公封齐亦俭于百里此其正封锡之山川土田是也加赐附庸所以尊盛之耳附庸之君自有其田诸侯不得兼而有之也故颡臾为束防主在鲁邦域之内至于末流而鲁犹不敢奄为已有也先王之制严密如此而王制曰方百里者为田九十亿山林陵麓川泽沟洫城郭宫室涂巷三分去一其余六十亿亩既曰方百里者为田九十亿亩矣又曰去山林陵麓川泽沟洫城郭宫室涂巷其文脱疎自相抵牾秦灭先王之迹汉兴儒者首为此言后世不复推究妄妄相承井田封建之制乱而不可寻矣故刘歆周官大司徒之职遂以为诸公侯伯子男之地封疆方五百里四百里三百里二百里其食者半三之一四之一而职方氏又曰以方五百里则四公方四百里则六侯方三百里则七伯方二百里则五十子方百里则百男前后乖异无复法制也削去汉儒妄言则公侯伯子男田土人民各有定数山林陵麓川泽各随田以为封疆之界制国不过千乘都城不过百雉家富不过百乘五国以为属属有长十国以为连连有帅三十国以为率率有正二百一十国以为州州有伯天子赐之以弓矢然后得专征赐之以鉞钺然后得专杀诸侯之于天子比年一小聘三年一大聘五年一朝此商制也与唐虞五载一巡狩羣后四朝之制同乎异乎曰不异如元年东方诸侯来朝二年南方诸侯来朝则东方诸侯来小聘是谓比年一小聘三年西方诸侯来朝则南方诸侯来小聘而东方诸侯来大聘是谓三年大聘四年北方诸侯来朝是谓羣后四朝是年也则西方诸侯来小聘而南方诸侯来大聘五年北方诸侯来小聘而西方诸侯来大聘六年二月天子乃东巡狩是谓五载一巡狩时则东方诸侯朝于岱宗之下是谓五年一朝是年也受北方诸侯大聘七年五月南巡狩则受东方诸侯小聘八年八月西巡狩则受南方诸侯小聘而受东方诸侯大聘九年十一月北巡狩则受西方诸侯小聘而受南方诸侯大聘十年则东方诸侯复来朝而北方诸侯来小聘十年西方诸侯来大聘周而复始天子无逾年不与四方诸侯接四方诸侯无逾年不稟命于天子此真帝王检身修德保大其业日新无弊之良法也故周制亦比年一小聘三年一大聘而六年五服一朝者周家礼文繁縟故朝与巡狩各展一年欲行之者无倦可长久之也曰然则周以十二歲而一巡狩之言非与曰非也周官曰六年五服一朝又六年王乃巡狩者犹曰前六年五服朝之后六年王时巡狩之年尔读者以词害意不知简易寻绎先王之制而刘歆周官遂生异说以为王之所抚诸侯者歲徧存三歲徧覲五歲徧省七歲属象胥谕言语协辞命九歲属史谕书名听声音十有一歲达瑞节同度量成牢礼同数器修法则十有二歲王巡狩殷国欲推行则乖戾使先王之制亦不明于后世此学士大夫之罪也郑氏谓三年一大聘五年一朝乃晋文霸时所致安得此无稽之言乎郑氏于经无不通诵为之解释然以臆断者十七八其言封建之制所害尤大不得不辨也天子适诸侯曰巡狩诸侯朝于天子曰述职春省耕而补不足秋省敛而助不给入其疆土地辟田野治养老尊賢俊杰在位则有庆庆以地入其疆土地荒芜遗老失賢掊克在位则有让一不朝则贬其爵再不朝则削其地三不朝则六师移之诸侯有世子世其国者也夫人之首子为嫡子嫡子死则立母弟无母弟则立庶长无庶长则选于支庶之亲且賢者入继大宗皆因朝而与见之天子天子许之而誓之以事上君民之道然后定为世子其秩视天子之元士诸侯薨世子居丧谅陰三年政在命卿丧毕以士服入见天子曰类见言諡曰类天子以册命命之以宗庙赐之以衮冕之类而飨之始成为诸侯此继世之诸侯也始封者论功德定其爵等分之以田数天子立于太庙阼阶之南南面大宗伯侯天子所封者北面史由天子之右执策命之再拜稽首受职再命受服三命受位四命受器五命赐则六命赐官七命赐国八命赐牧九命作伯大司徒命土方氏以土圭土其地而制其域小司徒立其宗庙社稷正其畿疆之封量人为之营城郭宫室市朝道巷门渠

司险设五沟五涂而树之林以为阻固而达其道路大宗伯作其瑞典正其仪辨其等司服正其服内史作册命副以命卿公侯之国三卿皆命于天子伯国二卿命于天子一卿命于其君子男之国二卿皆命于其君无送故迎新之劳无簿书縁絶之弊无胥吏专擅之奸上无苟且之政下无观望之事上下之分辨而民志定贵贵尊尊化行天下城郭沟池周遍四垂以经理国家而奸宄强暴不得纵横以守卫中夏而蛮夷戎狄不得猖獗垣藩屏翰本固根深牢不可防此太昊神农黄帝尧舜禹汤文武圣圣相承竭其心思使诸华之人父子世世相保不为兵戈之所摧折者也自尧而上年不可知自尧而下二千余年虽有衰乱而终未尝大祸中国也自秦郡县天下及今才千五百余歳而战争大作中原蹂践屠毒者至于再至于三矣而为国者犹未悟也呜呼天乎悲夫

论曰先儒以为王畿方千里积百同九百万夫之地其言是也以为中有山林陵麓川泽沟渎城郭宫室涂巷三分去一余六百万夫又以田不易一易再易相通定受田者三百万家则非矣何以言之愚深攷封建之法王畿方千里者田方千里也公侯方百里者田方百里也方千里者为方百里者百为田百万井九百万夫之地受田者八百万夫百倍公侯之国夫然后足以天子都畿镇抚天下也若受田者止于三百万家则是方百里者三十七五十里者一尔安在其为方千里本根不强将何以应千八百国之求乎刘歆所言以为诸公之地封疆方五百里其食者半诸侯之地方四百里诸伯之地方三百里其食三之一诸子之地方二百里诸男之地方百里其食者四之一亦非矣按周制分土惟三未尝有五等也先王以田制禄一夫一妇受田百亩上农夫食九人诸侯之下士视上农夫中士倍下士上士倍中士下大夫倍上士卿四大夫禄君十卿禄计口受田积而上之视其交际之广狭裁其用度之多寡而受之也为公侯者田必百里不百里不足以事天子睦四隣亲九族守宗庙定社稷伯必七十里子男必五十里不可多也不可寡也若郑氏刘歆所言乃连山亘川不审田之定数茫然依约以为国者也夫田之肥饶四方不同故大禹有九等之别后世亦有十色之辨因其地之肥饶以定井之广狭百里之田提封万井是为定制岂有先定四封然后去山林陵麓川泽又始以不易一易再易定其夫家之数乎井田封国帝王之世万事根本也若根本无法制则万事将如之何又诸公封方五百里其食者半则是方百里者六十五里者一矣以郑氏所言王畿计之合六国诸侯已足与王为敌尾大不掉岂先王之良制哉呜呼井田封国仁民之要法也唐太宗尝慨然有复古之心惜其诸臣识不足以知三代之遗风也使太宗有其臣足以行之则唐世终无藩镇跋扈篡弑之祸而术流终无卒徒扶立强镇制命之事矣噫有国家者欲如三代保守中国以天年终必有以封国而后可

皇王大纪卷二十三

宋 胡宏 撰

三王纪

康王

学校曰陶唐氏始建大学曰成均有虞氏曰庠曰米廩夏后氏曰序曰校商曰学曰瞽宗周曰胶曰庠此五代之学也若夫天子曰辟雍诸侯曰顿宫则汉儒之乱名也凡始立学者既衅器用币然后释菜不舞不授器乃退俎于东序一献无介语可也及释奠于先圣先师行事必以币凡学春官释奠于其先师秋冬亦如之凡学世子及学士必时春诵夏学干戈秋学礼冬诵书学羽籥【弋灼】凡祭与养老乞言合语学舞干戚大乐正授数小乐正诏之于东序礼在瞽宗书在上庠执礼典书者诏之大司成论说在东序凡侍坐于大司成者远近间三席可以问终则负墙列事未尽不问凡语于郊者必取贤斂才焉或以德进或以事举或以言扬曲艺皆誓之以待又语三而一有焉乃进其等以其序谓之郊人遽之于成均以及取爵于上尊也古者家有塾党有庠乡有校遂有序国有学以周官攷之则州亦有序名虽不同然家之塾党之庠所以教童子秀士也乡之校遂之序所以教成人选士也国之学所以教壮而博学造士也自王太子王子羣后之太子卿大夫元士之适子而下人材皆生于乡遂之夫家者也乡大夫遂大夫受教法于司徒退而颁之于六乡六遂之吏使各以教其所治五家为比五比为闾闾胥教二十五家以司徒之法者也其法谓何六礼也七教也八政也有事则闾胥各聚其众而读法书其敬敏任恤者四闾为族族师帅四闾胥教百家月吉属其家读法书其孝弟睦姻有学者春秋祭酺亦如之五族为党党帅五族教百家四时之孟月吉日属其众读法春秋祭亦如之国索神而蜡祭则以礼属民而饮酒于序书其德行道义五党为州州长帅五党正教二千五百家正月之吉属其众读法以攷闾胥族师党长所书德行道艺而劝之以纠其过恶而戒之若岁时祭祀州社则属其众而读法春秋以礼防民而射于州序亦如之岁终则防三年大比则大攷州里以赞卿大夫废置大比则乡老及乡大夫羣吏献贤能之书于王王再拜受之登于天府内史贰之按唐虞之官人也三载考绩三考乃黜陟幽明夏后商周因之者也官人既如是则学校之教士亦如是闾胥族师党正择民之秀者十年出就外傅乡遂大夫三大比然后自塾之庠升秀士之有德者于乡校遂序名在司徒不从乡之征役而谓之选士又三大比则乡遂大夫赞司徒自乡校遂序升选士之有德行者于学建大乐正焉名在大胥之版不从司徒车甲之教而谓之俊士大乐正掌成均之法以治建国之学政合国之子弟凡有道者有德者使教焉顺先生诗书礼乐以造士教之以乐德中和只庸孝友教之以乐语兴道讽诵言语教之以乐舞云门大卷大咸大磬大濩大夏大武于九年学成然后大乐正以告于王王与冢宰定其论某可以为公与某可以为孤与某可以为卿与某可以为大夫与某可以为士与官有阙则各以其材补之小学九年习六礼七教八政之名数而归之于家见于行事不专居学也其有虽通名数而识趣污下无德行者则各因其材以为工贾府史胥徒不得为士大夫矣乡学九年通六礼七教八政之理义亦归之于家见诸行事不专居学其虽有通义而志不正固无德行者亦各因其材以为工贾或府史胥徒不得为士大夫矣国学九年

讲习先圣王之大道一年视离经辨志三年视敬业乐羣五年视博习亲师七年视论学取友谓之小成九年知类通达强立而不反谓之大成然犹有大奸慝矫情饰行者可以欺众人而得至于国学者及大乐正揆之以天道照之以圣心则无所逃矣故有天子视学之礼而大乐正之任不可轻矣此古者人材所以过人必四十而后仕也岂与不问贤否糊名考校取其虚文一日之长者比哉军法曰制军之法天子之田方千里为方百里者百百里为六乡百里为六遂近郊为乡远郊为遂方里而井一井八家为田九百畝四井为邑四邑为丘四丘为甸【六十四井一丘之赋戎马一疋牛三头】四甸为县四县为都甸地方八里【八八六十四井】旁加一里为成【加三十六井为百井】一成之赋长毂一乘步卒七十二人甲士三人【八百夫中取七十五人亦十一之法】五家为比五比为闾【二十五家】四闾为族【百家】五族为党【五百家】五党为州【二千五百家】五州为乡【一万二千五百家】六乡【七万五千家】出车百乘六遂出车百乘五人为伍五伍为两【二十五人】四两为卒【一百人】五卒为师【二千五百家】五师为军【一万二千五百人】千乘之军步卒甲士七万五千人是为六军天子提封百万井出车万乘为六军者十大都之田方三十二里为井一千有奇为夫家八千有奇出车十乘有奇公侯之国方百里为田百井或为十都或为九都为夫家八万出车百乘步卒甲士七千五百人为师者是故天子万乘言车数也诸侯千乘大夫百乘言夫数也三代明王安不忘危存不忘亡治不忘乱周官大司马中春教振旅司马以旗致民平列陈如战之陈辨鼓铎镯铙之用王执路诸侯执贲鼓军将执晋鼓师帅执提旅帅执鼙卒长执铙两司马执铎公司马执镯以教坐作进退疾徐疏数之节遂以搜田有司表貉誓民鼓遂围禁火弊献禽以祭社中夏教芟舍如振旅之陈羣吏撰车徒读书契辨号名之用帅以门名县鄙各以官名家以号名乡以州名野以邑名百官象其事以辨军之夜事其他皆如振旅遂以苗田如搜田之法车弊献禽以享祔中秋教治兵如振旅之陈辨旗物之用王载太常诸侯载旂军吏载旗师都载旛乡遂载物郊野载旐百官载旗各书其事与其号焉其他皆如振旅遂以弥田如搜田之法罗弊致禽以祀祔中冬教大阅前期羣吏戒众庶脩战法虞人菜所田之野为表百步则一为三表又五十步为一表田之日司马建旗于后表之中羣吏以旗物鼓铎镯【大角】铙各帅其民而致质明弊旗诛后至者乃陈车徒如战之陈皆坐羣吏听誓于陈前斩牲以左右徇陈曰不用命者斩之中军以鼙令鼓鼓人皆三鼓司马振铎羣吏作旗车徒皆作鼓行鸣镯车徒皆行及表乃止三鼓攬铎羣吏弊旗车徒皆坐又三鼓振铎作旗车徒皆作鼓进鸣镯车骤徒趋及表乃止坐作如初乃鼓车驰徒走及表乃止鼓戒三阏【苦冗】车三发徒三刺乃鼓退鸣铙且却及表乃止坐作如初遂以狩田以旌为左右和之门羣吏各帅其车徒以叙和出左右陈车徒有司平之旗居卒间以分地前后有屯百步有司巡其前后险野人为主易野车为主既陈乃设驱逆之车有司表貉于陈前中军以鼙令鼓鼓人皆三鼓羣吏振铎车徒皆作遂鼓行徒衔枚而进大兽公之小禽私之获者取左耳及所弊鼓皆馘车徒皆噪徒乃弊致禽馘兽于郊入献禽以享烝五十者不为甸徒军旅什伍同爵则尚齿颁禽隆诸长者刘歆周官大司马天子六军大国三军次国二军小国一军谨按井田封国之制天子方千里百万井九百万夫之地受田者八百万夫以一成十里之赋计之于八百万夫之家取七十二万人为步卒选二万人为甲士是为万乘盖什一之法真先王寛大之制也夫然后可以中天下而立当四面应诸侯而无侵陵之虑矣岂止六军而已哉然而云尔者天子闲居以六军入宿卫有大事天子亲出六卿各将一军以从故也夫立政而籍兵固七十五万人矣平居入宿卫有事而徵发惟六军是用是亦什一之法真先王长久之策也夫然

后可以中天下而立当四面应诸侯而无危迫之虑矣岂止六军而已哉若诸侯则田方百里九万夫之地是为千乘之国受田者八万夫所得以为兵者三师而已不得有三军之众也呜呼圣帝明王之制可谓尽善天子诸侯形势如此其悬絶也夏非桀商非纣周非幽厉则其盛大之业岂至于亡汤七十里文王百里非大圣人安能致诸侯心悅诚服而有天下后人徒见春秋之时五伯擅命遂以封建为不如郡县曾不知平王而下衰防不足以自立然犹传世二十为天下共主几五百年者正赖之于诸侯也如后世郡县天下则东周之亡也从矣秦之子婴晋之愍懷隋之越代可攷也则又有唐末藩镇防扈訾封建者是皆逆贼专地抗衡朝廷不能制其死命不得已而授之者也岂与三代论功德选亲贤分土惟三者比乎

论曰三代宿卫之法不可得闻矣然亦有可推者按三代王畿千里八百万夫籍为兵者七十有五万人以六军为十番入宿卫自王城达于畿封一歲十二月虞夏五載一巡狩周天子六年时巡则未知其宿卫扈从者皆以一时而更乎以一时而更则五年而再周也春听之以鼓铎夏教之以芟舍秋辨之以旗物冬习之以战阵宿卫三月巡狩四方周而复始习之也故不惰教之也故不骄亲之也故不悖寬之也故不怨三王之王以守则固以征则强后王虽不振犹有所持循者以法良故也

宫室曰周礼土方氏掌以土圭之法测土深正日景以求地中日南则景短多暑日北则景长多寒日东则景夕多风日西则景朝多陰日至之景尺有五寸谓之地中天地之所合也四时之所交也风雨之所会也陰阳之所和也然则百物阜安乃建王国焉匠人建国水地以县置

【鱼制】以县眡以景为规识日出之景与日入之景画参诸日中之景夜考之极星以正朝夕营国方九里旁三门国中九经九纬经涂九轨左祖右社面朝后市市朝一夫夏后氏世室堂脩二七广四脩一五室三四步四三尺九阶四旁两夹 白盛门堂三之二室三之一般人重屋堂脩七寻堂崇三尺四阿重屋周人明堂度九尺之筵东西九筵南北七筵堂崇一筵五室凡室二筵室中度以几堂上度以筵宫中度以寻野度以步涂度以轨庙门容大扃七个闱门容小扃三个路门不容乘车之五个应门二彻三个王宫门阿之制五雉宫隅之制九雉经涂九轨环涂七轨野涂五轨门阿之制以为都城之制宫隅之制以为诸侯之城制环涂以为诸侯经涂野涂以为都经涂天子五门雉门象魏之门发号施令受大朝会法度所出振铎之朝也夏后氏之世室也旁为清台以观天文殷人之阳馆也又曰重屋也周曰明堂旁为灵台以 云物其外为库门又其外为臯门其内为应门又其内为路门应门之内为燕朝以朝王族外为治朝以朝百官库门之外谓之外朝朝士掌建邦外朝之法左九棘孤卿大夫位焉羣士在其后右九棘公侯伯子男位焉羣吏在其后面三槐三公位焉州长众庶在其后左嘉石平罢民焉右肺石达穷民焉路门之内路寝一天子居之小寝五后与三夫人居之内有九室九嫔居之诸侯三寝三门应门之外为臯门其内为路门天子诸侯门有台天子之堂夏一尺殷三尺周九尺诸侯七尺大夫五尺士三尺天子外屏【旅树也】诸侯内屏卿大夫以帟士以帷冠服曰冠冕衣裘屨王祀昊天上帝则服大裘而冕祀五帝亦如之享先王则衮冕享先公飨射则鷩【必列】冕祀四望山川则毳冕祭社稷五祀则希冕祭羣小祀则 冕凡兵事韦弁服眡朝则皮弁服凡甸冠弁服大札大荒大裁素服公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自 冕而下如孤之服士之服自皮弁而下如大夫之服其齐服有 端

素端王之五冕皆 冕朱里延组五采纁十有二就皆五采玉十有二玉笄朱紘诸侯之纁旂九就璫玉三采其余如王之事纁旂皆就玉璜玉笄王之皮弁防五采玉璫象邸玉笄诸侯及孤卿大夫之冕韦弁皮弁各以其等为之始冠缁布冠自诸侯下达冠而敝之可也 冠朱组纁天子之冠也缁布冠纁纁诸侯之冠也 冠丹组纁诸侯之齐冠也 冠綦组纁士之齐冠也缁冠 武子姓之冠也缁冠素紕既祥之冠也居冠属武自天子下达有事然后纁垂纁五寸惰游之士也 冠缁武不齿之服也亲没不髦素冠彻縁大帛不纁委武 缁而后薙君衣狐白裘锦衣以裼之锦衣狐裘诸侯之服也君子狐青裘豹褰 绀衣以裼之麇【亡鸡】裘青豻裘绞衣以裼之羔裘豹饰缁衣以裼之狐裘黄衣以裼之君之右虎裘厥左狼裘士不衣狐白犬羊之裘不裼庶人之服不文饰也故不裼裘之裼也见美也吊则裘不尽饰也君在则裼尽饰也服之裘也充美也是故尸裘执玉 裘无事则裼弗敢充也礼不盛服不充故大裘不裼王后六服祔【许韦】衣揄狄阙狄鞠衣展衣素纱夫人揄狄君命屈狄再命祔衣一命褱衣士祔衣唯世妇命于奠茧其他则皆从男子外内命妇之服鞠衣展衣縁衣素纱王后之首服为副编次追衡笄王及后之服屨赤舄黑舄赤纁黄纁青句素屨葛屨外内命夫命妇之命屨功屨散屨大夫士朝 端夕深衣深衣曲袷如矩三祛十有二幅缝齐倍要钩褱续衽衽当旁袼之高下可以回肘长衣中衣继袷【于袷】尺袷二寸祛【起鱼】尺二寸縁广寸半具父母大父母衣纯以纁具父母衣纯以青孤子衣纯以素士不衣织无君者不貳采衣正色裳间色非列采不入公门振絺绤不入公门裘裘不入公门野夫黄衣黄冠庶人虽有千金之币不得服韍【甫勿】带佩玉韍韠【音必】也有虞氏之服也夏后氏文之以山殷火周龙章韠君朱大夫素士爵韦纁【音圆】杀直天子直公侯前后方大夫前方后挫角士前后正韠下广二尺上广一尺长三尺其颈五寸肩革带博二寸会去上五寸紕以爵韦六寸不至下五寸纯以素紕以五采一命緌【于紕】韍幽衡再命赤韍幽衡三命赤韍葱衡天子素带朱里终辟诸侯素带终辟大夫素带辟垂士练带率下辟居士锦带弟子缁带并纽约用组三寸长齐于带绅长制士三尺有司二尺有五寸子游曰三分带下绅居二焉绅韠结三齐大夫大带四寸杂带君朱緑大夫 华士缁辟二寸再褱四寸凡带有紕【力出】无箴功肆束及带勤者有事则収之走则拥之凡带必有佩玉佩玉有冲牙天子佩白玉而 组纁公侯佩山玉而朱组纁大夫佩水苍玉而纯组纁世子佩瑜玉而綦【音其】组纁士佩璆珉【莫抔】而緌组纁进则揖之退则扬之然后玉锵鸣也左玉佩右器佩玉佩以修德器佩以只事世子君在不佩玉左结佩右设佩居则设佩朝则结佩齐则紕【千见】结佩而爵韠君子无故玉不去身于玉比德焉是以非辟之心无自入也圭笏王晋大圭执镇圭纁借五采五就以朝日公执桓圭侯执信圭伯执躬圭纁皆三采三就子执谷璧男执蒲璧纁皆二采再就以朝觐宗遇会同于王合六瑞圭以马璋以皮璧以帛琮以锦琥以绣璜以黼诸侯相见亦如之瑒圭璋璧琮纁皆二采一就以覲【他吊】聘四圭有邸以祀天旅上帝两圭有邸以祀地旅四望裸【贯】圭有瓚以肆先王以裸賓客圭璧以祀日月星辰璋邸射以祀山川以造贈賓客士圭以致四时日月封国则以土地珍圭以徵守以恤防荒牙璋以起军旅以治兵守璧羨以起度谷圭以和难以聘女琬圭以治德以结好琰圭以易行以除慝笏度二尺有六寸其中博三寸其杀六分而去一天子以球玉诸侯以象大夫以鱼须文竹士竹本象可也天子之笏曰珽天子搢【音箭】珽杼上终葵首方正于天下也诸侯曰荼前诎后直让于天子也大夫前诎后诎无所不让也见天子入太庙与射无说笏小功不说笏当事免则说之凡有指画于君前用笏造受命于君前则书于笏笏毕用也因饰焉执孤执皮帛卿执羔大夫执鴈士执雉庶人执

鹜工商执鸡服食起居杂礼天子玉藻十有三旒前后邃延龙卷以祭 端而朝日于东门之外听朔于南门之外闰月则阖门左扉立于其中皮弁以日视朝遂以食日中而馐奏而食日少牢朔月大牢五饮上水浆酒醴醕【羊支】卒食 端而居动则左史书之言则右史书之御瞽几声之上下年不顺成则天子素服乘素车食无乐诸侯 端以祭裨冕以朝皮弁以听朔于太庙朝服以日视朝于内朝朝辨色始入君日出而视之退适路寝听政使人视大夫大夫退然后适小寝释服又朝服以食特牲三俎祭肺夕深衣祭牢肉朔月少牢五俎四簋子卯稷食菜羹夫人与君同庖君无故不杀牛大夫无故不杀羊士无故不杀犬豕君子远庖厨凡有血气之类弗身践也至于八月不雨君不举年不顺成君衣布搢本关梁不租山泽列而不赋土功不兴大夫不得造车马

皇王大纪卷二十四

宋 胡宏 撰

三王纪

康王

车旗曰车王之五路一曰玉路钺纁纁十有再就建太常十有二旂以祀金路钩纁纁九就建大旂以賔同姓以封象路朱纁纁七就建大赤以朝异姓以封革路龙勒条纁纁五就建大白以即戎以封四卫木路前纁鹄【工毒】纁建大麾以田以封蕃国王后之五路重翟钺面朱总厌翟勒面纁【丘谓】总安车雕面鸞【于鸡】总皆有容盖翟车贝面组总有握辇车组挽【无阮】有翼【色甲】羽盖王之丧车五乘木车蒲蔽犬防尾囊疏饰小服皆疏素车焚蔽犬防素饰小服皆素藻【子道】车藻蔽鹿浅防革饰駉【莫江】车萑蔽然防髹饰漆车蕃蔽豸防雀饰服车五乘孤乘夏篆卿乘夏纁【莫旦】大夫乘墨车士乘栈车庶人乘役车凡良车散车不在等者其用无常旗日月为常交龙为旂通帛为旛【之延】杂帛为物熊虎为旗鸟隼为旟【弋于】虺为旐全羽为旛【以醉】析羽为旌王建太常诸侯建旂孤卿建旛大夫士建物师都建旗各象其事州里各象其名家各象其号节建天下之六卿山国用虎节土国用人节泽国用龙节皆以金为之道路用旌节门关用符节都鄙用管节皆以竹为之舍王之会同之舍设桮【蒲礼】栒【胡故】再重设车宫辕门为坛墀宫棘门为帷宫设旌门无宫则共人门次王大旅上帝则张纁案设皇邸朝日祀五帝则张大次小次设重帟重案合诸侯亦如之师田则张幕设重帟重案诸侯朝觐会同则张大次小次师田则张幕设案孤卿有邦事则张幕设案凡祭祀张其旅幕张尸次射则张耦次几筵王大朝觐大飨射凡封国命诸侯王位设黼依依前南乡设莞筵纷纯【之允】加纁席画纯加次席黼纯左右玉几祀先王昨席亦如之诸侯祭祀席蒲筵纁纯加莞席纷纯右雕几昨席莞筵纷纯加纁席画纯筵国賔于牖前亦如之左彤几甸役则设熊席右漆几凡丧事设苇席右素几其柏席用萑黼纯诸侯则纷纯每敦一几凡吉事变几防事仍几朝聘飨射燕饮曰九仪辨诸侯之命等诸臣之爵以同邦国之礼而待其賔客上公九命执桓圭九寸纁借九寸冕九章建常九旂纁纁九就贰车九乘介九人礼九牢其朝位賔主之间九十步立当车轂摈者五人庙中将币三享王礼再裸而酢飨礼九献食礼九举出入五积三问三劳侯伯七命侯执信圭伯执躬圭立当前疾摈者四人庙中将币三享王礼一裸而酢出入四积再问再劳其他皆以七为节子男五命子执谷璧男执蒲璧立当车衡摈者三人庙中将币三享王礼一裸不酢出入三积一问一劳其他皆以五为节王之三公八命其卿六命其大夫四命及其出封皆加一等凡诸侯之适子誓于天子摄其君则下其君之礼一等未誓则以皮帛继子男凡大国之孤四命执皮帛以继小国之君出入三积不问一劳朝位当车前不交摈庙中无相以酒礼之其他皆眡小国之君凡诸侯之卿各下其君二等级以下及其大夫士皆如之其宫室车旗衣服礼仪各眡其命之数王将合诸侯则令为坛三成宫旁一门诏王仪南乡见诸侯土揖庶姓时揖异姓天揖同姓及其摈之各以其礼公于上等侯伯于中等子男于下等其将币亦如之其礼亦如之王燕则诸侯毛凡诸公相为賔王国五积三问皆三辞拜皆旅摈再劳三辞三揖登拜受拜送主君郊劳交

摈三辞车逆拜辱三揖三辞拜受车送三还再拜致馆亦如之致殯如致积之礼及将币交摈三辞车逆拜辱賔车进答拜三揖三让每门止一相及庙唯上相入賔三揖三让登再拜授币賔拜送币每事如初賔亦如之及出车送三请三进再拜賔三还三辞告辟致饗【音雍】饗还圭飧食致赠郊送皆如将币之仪賔之拜礼拜饗饗拜飧食賔继主君皆如主国之礼诸侯诸伯诸子诸男之相为賔也各以其礼相待也如诸公之仪诸公之臣相为国客则三积皆三辞再受及大夫郊劳旅摈三辞拜辱三让登听命下拜登受賔使者如初之仪及退拜送致馆如初之仪及将币旅摈三辞拜送客辟三揖每门止一相及庙唯君相入三让客登拜客三辟授币下出每事如初之仪及礼私面私献皆再拜稽首君答拜出及中门之外问君客再拜对君拜客辟而对君问大夫客对君劳客客再拜稽首君答拜客趋辟致饗饗如劳之礼飧食还圭如将币之仪君馆客客辟介受命遂送客从拜辱于朝明日客拜礼赐遂行如入之积凡侯伯子男之臣以其国之爵相为客而相礼其仪亦如之凡四方之賔客礼仪辞命饗劳赐献以二等从其爵而上下之凡賔客送逆同礼凡诸侯之交各称其邦而为之币以其币为之礼凡行人之仪不朝不夕不正其主面亦不背客王合诸侯而飧礼则具十有二牢庶具百物备诸侯而飧礼长十有再献王巡守殷国则国君膳以牲犊令百官百姓皆具从者三公眡上公之礼卿眡侯伯之礼大夫眡子男之礼士眡诸侯之卿礼庶子壹眡其大夫之礼凡诸侯之礼上公五积皆眡殯牵三问皆脩羣介行人宰史皆有牢殯五牢食四十簠十豆四十钁四十有二壶四十鼎簋十有二牲三十有六皆陈饗饗九牢其死牢如殯之陈牵四牢米百有二十筥醯醢百有二十饔车皆陈车米眡生牢牢十车车乘有五防车未眡死牢牢十车车三秬【丁故反】刍薪倍禾皆陈乘禽日九十双殷膳大牢以及归三飧三食三燕若弗酌则以币致之凡介行人宰史皆有殯饗饗以其爵等为之牢礼之陈数唯上介有禽献夫人致礼八壶八豆八笱膳大牢致飧大牢食大牢卿皆见以羔膳大牢侯伯子男放是而杀者也凡诸侯之卿大夫士为国客则如其介之礼国新杀礼防荒杀礼礼丧杀礼祸裁杀礼在野在外杀礼凡賔客死致礼以丧用賔客若有丧唯刍稍之受遭主国之丧则不受飧食受牲礼诸侯适天子必告于祖奠于祢冕而出视朝命祝告于社稷宗庙山川乃命国家五官而后行道而出告者五日而徧过是非礼也凡告用牲币反亦如之诸侯相见必告于祢朝服而出视朝命祝史告于五庙所过山川亦命国家五官道而出反必亲告于祖祢乃命祝史告至于前所告者而后听朝而入曾子问曰诸侯旅见天子入门不得终礼废者几孔子曰四太庙火日食后之丧雨露服失容则废日食从天子救日各以其方色与其兵太庙火则从天子救火不以方色与兵曾子问曰诸侯相见揖让入门不得终礼废者几孔子曰六天子崩太庙火日食后夫人之丧雨露服失容则废诸侯之聘礼天子无介上公七介侯伯五介子男三介所以明贵贱也君命使者夕币于庙厥明使者释币于祢于行入朝受圭及享束帛加璧受夫人之聘璋享 纁束帛加琮遂行君使士迓而请事于竟下大夫迎于郊卿劳夫人使下大夫劳卿致馆宰夫设饗【七安】厥明賔皮弁入于次君皮弁拜迎于大门之外卿为上摈大夫为承摈士为绍摈以传命君子于其所尊弗敢致敬之至也三让而传命三让而后入庙门三揖而后至阶三让而后升所以致尊让也賔袭执圭致命裼奉束帛加璧享夫人如公醴賔賔北面以臣礼见公北面拜祝拜君命之辱以客礼受之所以致敬也公送賔于大门内问君及大夫劳賔及介賔请有事于卿大夫卿劳賔賔辞大夫奠鴈上介受公使卿大夫致饗饗賔朝服问卿卿受于祖庙夫人使下大夫归礼公于賔一食再飧燕与羞俶献无常数大夫于賔一飧一食君使卿皮弁还玉大夫还璋此轻财重礼之义也公馆賔賔辞请命于朝遂行公使卿赠士送于竟聘享夫人之聘

享问大夫送賓公皆再拜使者反禴而入致命归释币于门献于祢凡四器者唯其所寶以聘重礼也货多则伤德币美则没礼若兄弟之国则问大夫凡辞无常孙而说辞多则史少则不达若使者聘而误则主君弗亲飧食以愧厉之子云君子敬则用祭器故君子不以菲废礼不以美没礼故食礼主人亲馈则客祭主人不亲馈则客不祭故君子苟无礼则美不食焉诸侯相见灌用鬱鬯无筮豆之荐大夫聘礼以醕醢天子一食诸侯再大夫士三食力无数圭璋特琥璜爵诸侯视朝大夫特士旅之五献之尊门外缶门内壶君尊瓦甒【无甫】天子诸侯之尊废禁大夫士櫛禁君子曰无节于内者观物弗之察矣欲察物而不由礼弗之得矣故作事不以礼弗之敬矣出言不以礼弗之信矣故曰礼也者物之致也先王之制礼也因其财物而致其义焉尔是故先王尚有德尊有道任有能继世以立诸侯象贤也以官爵人德之杀也死而諡今也古者生无爵死无諡礼之所尊尊其义也失其义陈其数祝史之事也故其数可陈也其义难知也知其义而敬守之天子之所以治天下也射天子之制诸侯歲献贡士于天子天子试之于射宫三公北面孤东面卿大夫西面诸侯北面射人诏相其法天子将祭必先习射于泽而后射于射宫其容体比于礼其节比于乐而中多者得与于祭反是者不得与于祭数与于祭而君有庆数不与于祭而君有让数有庆而益地数有让而削地射之为言绎也或曰舍也绎者各绎己之志也故心平体正持弓矢审固则射中矣射者仁之道也求正诸己已正而后发发而不中不怨胜己者反求诸己而已矣故为人父者以为父鹄为人子者以为子鹄为人君者以为君鹄为人臣者以为臣鹄故射者各射己之鹄王以六耦射三侯三获三容乐以骆虞九节五正诸侯以四耦射二侯二获二容乐以貍首七节三正孤卿大夫以三耦射一侯一获一容乐以采苹五节二正士以三耦射豝侯一获一容乐以采蘋五节二正骆虞者乐官备也貍【方之】首者乐防时也采苹者乐循【辞均】法也采蘋者乐不失职也孔子曰射者何以射何以听循声而发发而不失正鹄者其唯贤者乎是故明乎其节之志以不失其事则功成而德行立此天子所以养诸侯兵不用而诸侯自为正之具也是故古者天子以射选诸侯卿大夫射者男子之事也因而饰之以礼乐也内志正外体直持弓矢审固然后可以言中此可以观德行矣君使士射不能则辞以疾言曰某有负薪之忧燕古者诸侯之射也必先行燕礼卿大夫士之射也必先行乡饮酒之礼燕礼者所以明君臣之义也是故将燕小臣戒与者尊两方壶于东楹之西左一酒南上公尊瓦大南上尊士两圆壶于门西设洗于阼阶东南罍【力回】东筐西膳筐在其北君席于阼阶于上居主位也君独升立席上西面特立莫敢适之义也射人请賓君命某賓入中庭君降一等而揖之礼之也小卿次上卿大夫次小卿士庶子以次就位于下设賓主饮酒之礼也使宰夫为献主臣莫敢与君亢礼也不以公卿为賓而以大夫为賓为疑也明嫌之义也主人洗盥献賓賓酬主人主人北面献于公主主人酢公酢賓公命下大夫二人媵爵酌觶【之鼓】公兴以酬賓賓以旅酬卿大夫主人献卿二大夫媵爵如初若賓若长唯公所酬以旅如初主人献大夫工入升歌三终笙入三终间歌三终合乐三终大师告乐备公许射人为司正命安卿大夫遂彻俎降説【吐活】屨升坐羞庶羞主人献士及祝史小臣賓媵【以证】觶【音沽】于公公兴唯所欲酬受者就席坐行之卒受者以爵酬士士旅酌主人献庶子遂献左右正与内小臣无箏乐賓出奏陔公不送君举旅于賓及君所赐爵皆降再拜稽首升成拜明臣礼也君答拜之礼无不答明君上之礼也献君君举旅行酬而后献卿卿举旅行酬而后献大夫大夫举旅行酬而后献士士举旅行酬而后献庶子俎豆牲体荐羞皆有等差所以明贵贱也乡饮酒乡饮酒之礼者所以明长防之序也是故请賓及介必谋于先生主人席于东南僎席于东北賓于西北介席于西南众賓之席

不属焉立賓以象天立主以象地设介僎以象日月设三賓以象三光主之以天地经之以日月参之以三光政教之本也六十者坐五十者立侍而听政役六十者三豆七十者四豆八十者五豆九十者六豆牲用狗尊两壶于房戸间斯禁有酒设洗于东荣水东篚西篚所以奠爵及觶也献用爵其他以觶羹定主人拜迎賓于庠门之外三揖而后至阶三让而后升主人肃賓及介而众賓自从之至于门外主人拜賓及介而众賓自入贵贱之义别矣主人洗盥酌献有司荐脯醢【音海】賓升席乃设折俎賓祭醢醢奠爵取肺以祭脔加于俎祭酒兴席末啐酒降席奠爵告防卒爵賓酢主人主人酬賓主人献介不啐不啐不告主人酢介主人献众賓主人升賓即席如初自拜至拜洗拜受拜送拜既献酬辞让之节繁及介省矣至于众賓升受坐祭立饮不酢而降隆杀之义辨矣工四人二瑟入升席于堂帘歌三终【鹿鸣四牡皇皇者华】主人献之笙入立堂下三终【南陔白华华黍】主人献之间歌三终【鱼丽由庚南有嘉鱼崇丘南山有台由仪】合乐三终【关雎葛覃卷耳鹊巢采芣采芣】工告乐备遂出一人觶主人作相为司正焉知其能和乐而不流也司正请安賓复席司正饮卒觶賓酬主人于阼阶上主人酬介于西阶上介酬众賓毕司正复位使二人酬賓介主人命请坐賓辞以俎司正彻俎降说屡升坐乃羞无算爵无算乐賓出奏陔主人拜还送于门外自賓酬主人主人酬介介酬众賓少长以齿终于沃洗者焉知其能弟长而无遗矣自降说屡升坐羞爵无数饮酒之节朝不废朝莫不废夕賓出主人拜送节文终遂焉知其能安燕而不乱也五者足以正身安国矣彼国安而天下安故孔子曰吾观于乡而知王道之易易也明日賓拜赐主人拜辱乃息司正无介不杀羞唯所有征唯所欲以告于先生君子可也聘射之礼至大礼也质明而始行事日几中而后礼成酒清人渴而不敢饮也肉干人饥而不敢食也日暮人倦齐庄正齐而不敢懈惰非强有力者不能行也故勇敢强有力者将以行礼义也天下有事则用之于战胜矣不用之于礼义战胜而用之于争鬪则谓之乱人刑罚行于国所诛者乱人也如此则民顺治而国安也养老者人生十年曰防学二十曰弱冠三十曰壮有室四十曰强而仕五十曰艾服官政六十曰耆指使七十曰老而传八十九十曰耄七年曰悼悼与耄虽有罪不加刑焉百年曰期颐【以友】大夫七十而致事若不得谢则必赐之几杖行役以妇人适四方乘安车自称曰老夫于其国则称名越国而问焉必告之以其制一命齿于乡里再命齿于族三命不齿族有七十者不敢先七十者不有大故不入朝若有大故而入君必与之揖让而后及爵者人生五十始衰六十非肉不饱七十非帛不暖八十非人不暖九十虽得人不暖矣是故五十而爵不从力政异粮杖于家养于乡六十必宿肉杖于乡养于国不亲学不与服戎七十貳膳杖于国养于学达于诸侯不候朝君问则席不与賓客之事八十常珍杖于朝君问则就之拜君命一坐再至月告存齐丧之事弗及也一子不从政九十日有秩饮食不离寝天子欲有问焉则就其室以珍从天子有命则使人受其家不从政废疾非人不养者一人不从政凡居乡以齿而老穷不遗朝廷同爵则尚齿凡父母在子虽老不坐父之齿随行兄弟之齿鴈行朋友不相逾轻任并重任分班白者不提挈不以其任行乎道路见老者则车徒辟君子耆老不徒行庶人耆老不徒食有虞氏皇而祭服深衣以燕礼养国老于上庠养庶老于下庠夏后氏収而祭服燕衣以飨礼养国老于东庠养庶老于西序殷人皐而祭服缟衣以食礼养国老于右学养庶老于左学周人冕而祭服衣兼用三代之礼养国老于东胶养庶老于虞庠凡养老天子视学大昕鼓征众至然后天子至乃命有司行事兴秩节祭先师先圣焉有司卒事反命始之养也适东序释奠于先老遂设三老五更羣老之席位焉适僎省醴养老之珍具遂发咏焉退脩之以孝养也反登歌清庙既歌而语以成之也言父子君臣长防之道合德音之

致礼之大者也下管象舞大武大合众以事达有神兴有德也正君臣之位贵贱之等焉而上下之义行矣有司告以乐阋王乃命公侯伯子男及羣吏曰反养老于东序终之以仁也是故圣人之记事也虑之以大爱之以敬行之以礼脩之以孝养纪之以义终之以仁是故古之人一举事而众皆知其德之备也古之君子举大事必慎其终始而众安得不喻焉说命曰念终始典于学有虞氏贵德而尚齿夏后氏贵爵而尚齿殷人贵富而尚齿周人贵亲而尚齿五帝宪三王有乞言五帝宪养气体而不乞言有善则记之为惇史三王亦宪既养老而后乞言亦防其礼有惇史凡三王养老皆引年天子巡狩诸侯待于境天子先见百年者八十九十者东行西行者弗敢过西行东行者弗敢过欲言政者君就之可也虞夏殷周天下之盛王也未有遗年者年之贵乎天下久矣次乎事亲也

皇王大纪卷二十五

宋 胡宏 撰

三王纪

康王

丧葬曰古之葬者厚衣之以薪葬之中野不封不树丧期无数后世圣人制衾冒棺槨使死者有终生者无憾歷夏商至周而礼节大备凡病革者内外皆扫寝东首于北牖下废牀彻防衣加新衣体一人男女改服属纊以俟气絕男子不死于妇人之手妇人不死于男子之手君夫人卒于路寝大夫世妇卒于适寝士庶之妻皆死于寝天子死曰崩诸侯死曰薨大夫曰卒士曰不禄庶人曰死寿考曰卒短折曰不禄死防曰兵送终之具六十歲制七十时制八十月制九十日脩惟绞紼衾冒死而后制复始终虞人狄人设阶小臣复复者朝服天子以冕服复于太庙复于小寝大寝小祖大祖以乘车建绥复于四郊曰天子复矣自诸侯至于庶人各以其服皆升自东荣中屋履危北面三号卷衣投于前司服受之降自西北荣复衣不以衣尸不以敛妇人复不以袖【而廉】凡复男子称名妇人称字复尽爱之之道也有祷祠之心焉望反诸幽求诸神之之道也北面求诸幽之义也唯哭先复复而后行死事主人羔裘冠者易之笄纚徒跣扱上衽【而审】交手哭水浆不入口心恡焉恡焉恡焉恡焉故辟踊哭泣讎父兄命赴者赴于他国君曰寡君不禄敢告执事夫人曰寡小君不禄太子曰寡君之适子某死臣讎于君曰君之臣某死父母妻长子曰君之君某之某死大夫讎于大夫士曰某不禄士讎于大夫曰某死浴尸帷堂天子张帟三重诸侯再重孤卿大夫不重君设大盘大夫夷盘造水焉士瓦盘扶君仆人师扶右射人师扶左君薨以是举浴尸殷人掘中霤而浴毁灶以缀足周人浴以盆沐以盘楔齿用角柶缀足以燕几君大夫士一也设牀檀【如防彦】君以簟席大夫以蒲席士以苇席有枕衾一牀含一牀迁尸于堂又一牀君大夫士一也饭尸衾已正尸于牖下南首饭尸天子沐用黍诸侯用稷大夫士用稻含尸用具天子九诸侯七大夫五士三饭用米贝弗忍虚也不以食道用美焉耳子坐于东卿大夫父兄子姓立焉有司庶士哭于堂下北面夫人坐于西内命妇姊妹子姓立焉外命妇率外宗哭于堂上北面君之丧为寄公国賔出大夫之丧为君命出士之丧于大夫不当敛则出出必徒跣【苏典】扱衽拊心降自西阶小敛三日小敛于户内男女奉尸夷于堂布绞缩者一横者三君锦衾大夫缟衾士缁衾皆一是为夷衾夷衾质杀之裁犹冒也凡冒质长与手齐杀三尺衣十有九称君陈衣于庭百称大夫五十士三十主人即位袒说髦括发妇人髻【侧瓜】带麻于房中重重主道也殷主缀重焉周主重彻焉以脯醢奠曾子曰始死之奠其余阁也坎大敛于阼子弁经【大结】即位于序端布绞缩者三横者五布衿二衾君大夫士一也绞衿如朝服绞一幅为三不辟衿五幅无紃君锦冒黼杀缀旁七大夫 冒黼杀缀旁五士缁冒赆杀缀旁三小敛大敛祭服不倒皆左衽结绞不纽卒敛宰告子冯之踊夫人东西亦如之天子崩三日祝先服五日官长服七日国中男女服三月天下服殡天子七日而殡诸侯五日大夫士庶人三日夏后氏殡于东阶之上殷人殡于两楹之间周人殡于西阶之上在牀曰尸在棺曰柩动尸举柩哭踊无数恻怛痛疾悲哀志懣气盛故袒而踊之所以动体安心下气也妇人不袒故发髻击心爵踊也君即位而

为棨岁一漆之藏焉其色朱绿用杂金鍤大夫 绿用骨士不绿天子之棺四重水兕革棺被之其厚三寸桡棺一梓棺二四者皆周棺束缩二衡三衽每束一外栢椁诸侯三重大夫士再重棺椁之间君容柩大夫容壶士容甗【无甫】古者棺椁无度中古棺七寸椁称之自天子达于庶人天子龙輅而椁【直流】为四阿加斧于椁上毕涂屋诸侯輅【丑轮】而设幬无四阿大夫以幬攢涂不暨于棺士殯见衽涂上帷之设熬加鱼腊【音昔】于旁天子之丧官正授庐舍辨其亲疏贵贱主人袭斩衰带经居于倚庐哭无时非丧事不言寝苦【舒廉】枕块杖而后能起为父苴杖为母削杖苴杖竹削杖桐也公侯之丧诸达官之长杖父在为妻不杖不稽颡【桑郎】母在为妻杖而不稽颡稽颡其赠也拜袒括发去饰之甚也有所袒有袭哀之节也拜稽颡哀戚之至隐也稽颡隐之甚也为父与为长子稽颡大夫吊之虽总必稽颡拜而后稽颡殷之丧拜也孔子曰颡乎其顺也稽颡而后拜周之丧拜也孔子曰颡乎其至也三年之丧吾从其至者或曰妇人为夫与长子稽颡铭旌书铭男子称名妇人书姓与伯仲如不知姓则书氏曰某之柩自天子至于士一也置于西阶上铭明旌也以死者为不可别已故以旗识之爱之斯录之矣敬之斯尽其道焉耳奠朝奠日出夕奠逮日朔奠致盛焉荐新如之奠以素器以生者有哀素之心也唯祭祀之礼主人自尽焉耳岂知神之所飨亦以主人有齐敬之心也曾子问于孔子曰大功可以与馈奠乎孔子曰自斩衰以下可也曰不以轻服而重相为乎曰非此之谓也天子诸侯之丧斩衰者奠大夫齐衰者奠士则朋友奠不足则取于大功以下者不足则反之曰废丧服可以与于馈奠乎曰说衰与奠非礼也以摈相可也吊衾褴褛临凡有吊者相者以入升堂致命子拜稽颡吊者出含者执璧将命子拜稽颡含者坐委于殡东南乃出褴【似醉】者执冕服致命子拜稽颡褴者下堂受爵弁服于门内霑受皮弁服于中庭自西阶受朝服自堂受 端将命子皆拜稽颡委衣于殡褴者出赠【孚凤】者陈乘黄大路于中庭北辔执圭将命子拜稽颡坐委于殡东南隅 者出吊含褴 临皆同日而毕事者也诸侯之相褴也以后路与冕服先路褒衣不以褴知生者吊知死者伤知生而不知死吊而不伤知死而不知生伤而不吊行吊之日不饮酒食肉羔裘 冠不以吊吊于葬者必执引若从柩【其又】及圻皆执紼君遇柩于路必使人吊之妇人非三年之丧不逾封而吊妇人送迎不下堂下堂不哭男子出寝门见人不哭其无女主则男主拜女宾于寝门内其无男主则女主拜男宾于阼阶下子幼则以衰抱之人为之拜为后者不在则有爵者辞无爵者人为之拜在竟内则俟之在竟外则殡葬可也卿大夫疾君问之无筭在殡三往焉比葬不食肉比卒哭不举乐士有疾问之在殡一往焉比葬不举将往必先戒之主人具殷奠以俟于门外见马首则先入门右君入即位于阼主人拜稽颡君称言视祝而踊主人踊卒奠先俟于门外送君拜稽颡夫人吊于大夫士主人出迎如君夫人升堂即位主妇降自西阶拜稽颡于下夫人视世子而踊卒奠主妇送于门内拜稽颡主人送于大门之外不拜明器既殡旬而布材与明器竹不成用瓦不成沫木不成斲琴瑟张而不平竽笙具而不和有钟磬而无笋虞其曰明器神明之也葬则置之墓中孔子谓为明器者知丧道矣备物而不可用也哀哉死者而用生者之器也不殆于用殉乎哉涂车刍灵自古有之明器之道也孔子谓为刍灵者善谓为俑者不仁不殆于用人乎哉葬天子七月而葬诸侯五月大夫士庶人三月凡葬卜宅兆卜日外事用刚日内事用柔日旬之外曰远某日旬之内曰近某日丧事先远日吉事先近日卜筮不过三卜筮不相袭卜筮者先圣王之所以使民信时日敬鬼神畏法令也所以使民决嫌疑定犹与也大夫之丧其卜也有司麻衣布衰带因防屨缁布冠不防占者皮弁如筮则史练冠长衣以筮占者朝服凡听卜有事于尸则去杖葬有日启殡设启奠朝于祖其朝也顺死者之孝

心也其哀离其室也故至于祖考之庙而后行殷祭而殡于祖及葬毁宗躐行出于大门周朝而遂葬质明设迁祖之奠奉柩载于柳车有虞氏之绥夏后氏之绸练殷之崇牙周之璧翣饰棺君龙帷三池振容黼荒火黻三列素锦褚加帷荒纁组六齐五采五贝黼黻画翣各二皆戴圭鱼跃拂池纁戴六纁披六大夫士视是以衰载铭旌之车是为祥车祥车旷左迁柩南首设祖奠厥明遣奠苞牲体载之天子九个车九乘疏布輶四面有章置于四隅诸侯七大夫五君执紼五百人皆衔枚司马执铎十有六人匠执羽葆御柩大夫执引者三百人执铎四人御柩以茅葬于北方北首三代之达礼也之幽之故也端衰丧车无等大夫将葬吊于官及出命引之三步则止如是者三君退朝亦如之哀次亦如之天子之圻阙地为隧庶人县棺而封三年之丧自天子达葬不为雨止不封不树丧不貳事自天子达于庶人殷人鬲而葬周人弁而葬者与神交之道也曾子问于孔子曰葬引至于垅【古鐙】日食如之何孔子曰吾尝从老聃【耽】助葬于巷党及垅日有食之老聃曰丘止柩就道右止哭以听变既明反而后行曰礼也反葬而问之曰夫柩不可以反者也日有食之不知其已之迟速则岂如行哉老聃曰诸侯朝天子见日而行逮日而舍奠大夫使见日而行逮日而舍夫柩不早出不暮宿见星而行者唯罪人与奔父母之丧者乎日有食之安知其不见星也君子行礼不以人之亲虐【始廉】患老聃云封吊虞封主人赠以纁束帛吊殷既封而吊吊于圻作虞主其木用桑祝先归宿虞尸是故送形而往迎精而反歆主人主妇室老为其病也君命食之也反哭升堂反诸其所作也主妇入于室反诸其所养也周反哭而吊吊于家其吊也哀之至也反而亡焉失之矣于是为甚孔子曰死民之卒事也殷已慙吾从周既反哭有司以几筵舍奠于墓左主人与有司视虞牲是日以虞易奠以吉祭易丧祭弗忍一日离也男男尸女女尸天子九虞诸侯七大夫五士三曾子问于孔子曰小功可以与于祭乎孔子曰自斩衰以下礼也曰不以轻丧而重祭乎曰天子诸侯之丧祭也不斩衰者不与祭大夫齐衰者与祭士祭不足则取于兄弟大功以下者曰相识有丧服可以与于祭乎曰缌不祭又何助于人卒哭既虞卒哭天子九月诸侯七月大夫五月士三月报葬者报虞三月而后卒哭既卒哭宰夫执木铎以命于宫曰舍故而讳新礼不讳嫌名二名不偏讳逮事父母则讳王父母不逮事父母则不讳王父母君所无私讳大夫之所有公讳诗书不讳临文不讳庙中不讳夫人之讳虽质君之前臣不讳也妇讳不出门大功小功不讳入竟而问禁入国而问俗入门而问讳周人明日奉主于太庙祭从昭穆是谓之祔自始虞至于祔必于是日也接不忍一日未有所归也虞杖不入于室祔杖不升于堂祔士大夫不得祔于诸侯祔于诸祖父之为士大夫者其妻祔于诸祖姑妾祔于妾祖姑无妾祖姑者易牲而祔于女君可也其妻为大夫而卒而后其夫不为大夫而祔于其妻则不易牲妻卒而后夫为大夫而祔于其妻则以大夫牲诸侯不得祔于天子天子诸侯大夫可以祔于士士不摄大夫摄大夫唯宗子士不祔于大夫之昆弟无昆弟则从其昭穆虽王父在亦然王父死未练祥而孙又死犹是祔于王父也男子祔于王父则配女子祔于王母则不配公子祔于公子妇之丧虞卒哭其夫若子主之祔则舅主之妇祔于祖姑祖姑有三人则祔于亲者有父母之丧尚功衰而祔兄弟之殇【诗羊】则练冠祔于殇称阳童某甫不名神也祔葬者不筮宅练期十三月而练筮日筮尸视濯皆要经杖屦绳有司告具而后去杖筮日筮尸有司告事毕而后杖拜送賔祥二十五月而祥吉服而筮尸作栗主主人朝服缟冠素紕奉主入庙二十六月而禫【徒感】既禫复常曾子问于孔子曰三年之丧吊乎孔子曰三年之丧练不羣立不旅行君子以礼饰情三年之丧而吊哭不亦虚乎是故虽功衰不吊期之丧十一月而练十三月而祥十五月而禫练则吊吊于乡人哭而退不听事焉功衰吊待事而执事小功缌执

事不与于礼相趋也出宫而退相揖也哀次而退相问也既封而退相见也反哭而退朋友虞祔而退诸侯葬必皮弁裼衰所吊虽葬主人必免主人未丧服则君亦不裼衰忌日忌日必哀称讳君子以为终身之忧遭丧杂礼曾子问于孔子曰并有丧如之何孔子曰葬先轻而后重其奠也先重而后轻礼也自后及葬不奠行葬不哀次反葬奠而后辞于殡遂脩葬事其虞也先重而后轻礼也先葬者不虞祔待后事其葬服斩衰父丧未终而有母之丧其除丧也服其除服卒事反丧服诸父昆弟之丧亦然父母之丧将祭而昆弟死既殡而祭如同宫则虽臣妾葬而后祭主人及执事者之升降散等虞祔亦然自诸侯达诸士曾子问于孔子曰士大夫有私丧可以除之矣而有君服焉如之何孔子曰有君服于身者不敢私服于是有过时而弗除也君之丧服除而后殷祭礼也曾子曰父母之丧弗除可乎孔子曰先王制礼过时弗举礼也非弗能勿除也患其过于制也故君子过时不祭礼也曾子曰君薨既殡而臣有父母之丧如之何孔子曰归居于家有殷事则之君所朝夕否曰君既后而臣有父母之丧则如之何孔子曰归哭而反送君曰君未殡而臣有父母之丧则如之何曰归殡反于君所有殷事则归朝夕否大夫室老行事士则子孙行事大夫内子有殷事亦之君所朝夕否君之丧既引臣闻父母之丧遂既封而归不俟子父母之丧既引及涂闻君薨遂既封改服而往君出疆以三年之戒以棹从君薨及其入也其殡服则子麻弁经【音勉】疏衰菲杖入自关升自西阶如小敛则子勉而从柩入自门升自阼阶君大夫士一也君薨于路馆复如国于道则以绥复于车左轂其轡有褊缁布裳帷素锦为屋而行至于庙门説轡不毁墙遂入适所殡大夫士轡蒲裳布帷苇席为屋至家説轡輶【市专】车遂入至阼阶説适所殡大夫使他国卒于公馆者复于私馆者不复公馆与公所为曰公馆卿大夫士之家曰私馆奔丧之礼始闻亲丧哭尽哀问故又哭尽哀遂行见星而行见星而舍哭辟市朝望境而哭入门升自西阶殡东坐哭尽哀括发袒降堂东即位哭踊袭经于序东绞带反位拜寘成踊送寘反位众主人兄弟出哭止相者告就次于又哭三哭皆括发袒成踊三日成服于五哭拜寘送寘如初奔丧者非主人则主人为之拜寘送寘齐衰以下奔者入中庭北面哭免麻于序东即位袒与主人哭成踊于又哭三哭皆免袒冠至尊也不居肉袒之礼故为之免以代之也冠者不袒袒者必免母丧异于父者一括发而已括发以麻免而以布齐衰恶筭以终丧奔不及殡者先之墓北面坐哭尽哀主人即位于墓左妇人于右奔者成踊尽哀括发东即主所经绞带哭成踊遂冠归入门左北面哭尽哀括髮袒成踊东即位他皆如前礼齐衰以下不及殡先之墓西面哭免麻袭归免袒他如前礼闻丧不得奔则为位行礼如之若除丧而后归则之墓哭成踊东括发袒经哭尽哀遂除至家不哭主人无变于服哭不踊奔兄弟之丧先之墓而后之家为位而哭所知之丧则哭于宫而后之墓奔齐衰者望乡而哭大功望门小功至门緦麻即位而哭三年之丧则君夫人归夫人其归也以诸侯之吊礼其待之也若待诸侯然夫人至自阉门升自侧阶君在阼其他如奔丧坐哭于殡东西面尽哀东髻即位与主人更踊妇人丧父母者既练而归期九月者既葬而归大夫士父母之丧既练而归朔月忌日则归哭于宗室诸父兄之丧既卒丧而归父不次于子兄不次于弟父不为众子次于外哭父之党于庙母妻之党于寝师于庙门外朋友于寝门外所识于野张帷凡为位不奠哭天子九诸侯七卿大夫五士三大夫哭诸侯不敢拜寘凡奔丧有大夫至袒拜之成踊而后袭士则袭而后拜之凡异居闻兄弟之丧其始麻散带经未服麻而奔丧及主人未成经也疏者与主人皆成之亲者终其麻带经之日数主人未除丧有兄弟自他国至则主人不免而为主凡丧服未毕有吊者则为位而哭拜踊逮兄弟之丧既除丧而后闻免袒成踊拜寘则尚左手久而不葬者唯主丧者不除为兄弟既除丧已及其葬也反服

其服緦小功虞卒哭则免既葬而不报虞则虽主人皆冠及虞则皆免遠葬者比反哭则皆冠及郊而后免反哭君吊虽不当免时也主人必免不散麻虽异国之君免也亲者皆免

皇王大纪卷二十六

宋 胡宏 撰

三王纪

康王

服制曰丧之有服也称其惻怛悲悼之情也自高辛氏其服也哀后世圣人立制度识别亲疏贵贱使足以成文理故服术有六一日亲亲二曰尊尊三曰名四曰出入五曰长幼六曰从服服制有五一日斩衰二曰齐衰三曰大功四曰小功五曰缌麻斩衰有二齐衰有四大功四小功缌麻阙亲亲以三为五以五为九上杀下杀旁杀而亲毕从服有六有属从有徒从有从有服而无服有从无服而有服有从重而轻有从轻而重斩【不缉也】衰裳【上曰衰下曰裳】经【麻在首在腰皆曰经】杖绞带【带绳也】冠绳纓菅屨三年者子为父诸侯为天子臣为君父为长子为人后者为所后父妻为夫妾为君父卒而为祖后者女子子在室为父布总箭筓髻衰三年子嫁反在父之室为父三年公士大夫之众臣为其君布带绳屨三年疏衰裳齐牡麻经冠布纓削杖布带疏屨三年者祖父卒而为祖母后者父卒为母继母如母继母如母者配父也慈母如母母为长子妾为君之长子为慈母后者为庶母可也为祖庶母可也子游问于孔子曰丧慈母如母礼与孔子曰非礼也古者男子外有傅内有慈母君命所使教子者也何服之有昔者鲁昭公少丧其母有慈母良及其死也公欲丧之有司曰古之礼慈母无服公曰古者天子练冠以燕居公弗忍也遂练冠以丧慈母丧慈母自鲁昭公始也疏衰裳齐牡麻经冠布纓削杖布带疏屨期者父在为母夫为妻出妻之子为母若为父后则不父卒继母嫁从为之服报疏衰裳齐牡麻经冠布纓不杖麻屨期者为祖父母【虽天子不降也】为世父母叔父母大夫之适子为妻昆弟为众子昆弟之子大夫之庶子为适昆弟适孙为人后者为其父母报女子子适人者为其父母昆弟之为父后者为继父同居者为夫之君姑姊妹女子子适人无主者姑姊妹报为君之父母妻长子祖父母妾为女君妇为舅姑夫之昆弟之子公妾大夫之妾为其子女子子为祖父母大夫之子为世父母叔父母子昆弟昆弟之子姑姊妹女子子无主者为大夫命妇者唯子不报大夫为祖父母适孙为士者公妾以及士妾为其父母疏衰裳齐牡麻经无受三月者庶人为国君寄公为所寓丈夫妇人为宗子宗子之母妻为旧君君之母妻大夫在外其妻长子为旧君为继父不同居者为曾祖父母大夫为宗子为旧君为曾祖父母为士者女子子嫁者未嫁者为曾祖父母大功布衰裳牡麻经无受者子女子子叔父姑姊妹昆弟夫之昆弟之子女子子适孙之长殇中殇大夫之庶子为适昆弟公为适子大夫为适子之长殇中殇其长殇皆九月纓经经不繆垂其中殇七月不纓经十九以下为长殇十五以下为中殇十一以下为下殇八歳以下为无服之殇无服之殇以日易月殇而无服大功布衰裳牡麻经纓布带三月受以小功衰即葛九月者为姑姊妹女子子适人者为从父昆弟为庶孙为适妇为人后者为其昆弟女子子适人者为众昆弟为侄丈夫妇人报为夫之祖父母世父母叔父母夫之昆弟无服大夫为世父母叔父母子昆弟昆弟之子为士者【若尊同则不降】公之庶昆弟大夫之庶子为母妻昆弟皆为其从父昆弟之为大夫者为夫之昆弟之妇女子子适人者大夫之妾为君之庶子女子子嫁者未嫁者为世父母叔父

母姑姊妹大夫大夫之妻大夫之子公之昆弟为姑姊妹女子子嫁于大夫者君为姑姊妹女子子嫁于国君者【旁亲天子诸侯无服】小功總衰裳牡麻经既塋除之者诸侯之大夫为天子小功布衰裳澡麻带经五月者为叔父及适孙及昆弟之下殇大夫庶子为适昆弟及姑姊妹女子子之下殇为人后者为其昆弟从父昆弟之长殇为夫之叔父之长殇昆弟之子女子子夫之昆弟之子女子子之下殇为侄庶孙丈夫妇人之长殇大夫公之昆弟大夫之子为其昆弟庶子姑姊妹女子子之长殇大夫之妾为庶子之长殇大功之殇中从上小功之殇中从下君之适长殇车三乘君之庶长殇大夫之适长殇车一乘曾子问曰下殇土周塋于园遂輿机而往涂迺故也若墓遠则如之何孔子曰昔者史佚有子而死下殇也墓遠召公曰何以不棺斂于宫中史佚曰吾敢乎哉召公言于周公周公曰岂不可史佚行之为殇后者以其服服之除殇之丧者其祭也必 小功布衰裳牡麻经即葛五月者从祖祖父母从祖父母报从祖昆弟从父姊妹孙适人者为人后者为其姊妹适人者为外祖父母从母丈夫妇人报夫之姑姊妹娣姒妇报大夫大夫之子公之昆弟为从父昆弟庶孙姑姊妹女子子适士者大夫之妾为庶子适人者庶妇君母之父母从母君子子为庶母慈已者總麻三月者为族曾祖父母族祖父母族父母族昆弟庶孙之妇庶孙之中殇从祖姑姊妹适人者报从祖父从祖昆弟之长殇外孙从父昆弟侄之下殇夫之叔父之中殇下殇从母之长殇报庶子为父后者为其母士为庶母贵臣贵妾乳母从祖昆弟之子曾孙父之姑从母昆弟甥壻妻之父母姑之子舅之子夫之姑姊妹之长殇夫之诸祖父母报君母之昆弟从父昆弟之子之长殇昆弟之孙之长殇为夫之从父昆弟之妻士为妾之有子者何谓上杀父三年祖期则曾祖宜大功高祖宜小功而皆齐衰三月者不敢以大功小功旁亲之服加乎至尊也三月则杀矣此所谓上杀何谓下杀适子三年庶子期适孙大功则曾孙宜五月而与 孙皆總麻三月者曾孙服曾祖三月曾祖报之亦三月以其卑也故服總麻此所谓下杀何谓旁杀服祖期则世叔父宜大功以其与父一体故加以期从世叔则疏矣故为之小功族世叔又疏矣故为之總麻此自父而旁杀者也祖之兄弟小功曾祖兄弟總麻高祖兄弟无服此自祖而旁杀者也同父至亲期同祖为从大功同曾祖为再从小功同高祖三从總麻此自兄弟而旁杀者也父为子期为兄弟之子宜九月而亦期者以其犹子而进之也从兄弟之子小功再从兄弟之子總麻此自子而旁杀者也祖为孙大功兄弟之孙小功从兄弟之孙總麻此自孙而旁杀者也公子之妻为其皇姑齐衰此从轻而重者也为妻之父母總麻此从重而轻者也公子之妻为公子之外兄弟總麻此从无服而有服者也公子为其妻之父母无服此从有服而无服者也王为三公六卿锡衰为诸侯總衰为大夫士疑衰其首服皆弁经公为卿大夫锡衰以居出亦如之当事则弁经大夫相为亦然为其妻往则服出则否练冠麻衣繅缘公子为其母也繅冠葛经带麻衣繅缘公子为其妻也皆既塋除之宗子母在为妻禫与诸侯为兄弟者服斩君之母非夫人则羣臣无服唯近臣从君服其余从而服不从而税君虽未知丧臣服已从服者所从亡则已属从者所从虽没服为母之君母母卒则不服为君母后者君母卒则不为君母之党服妾从女君而出则不为女君之子服女君死则妾为女君之党服摄女君则不为先女君之党服生不及祖父母诸父昆弟而父税丧已则否降而在總小功者则税之为君之父母妻长子君已除丧则不税为慈母之父母无服大夫公之昆弟大夫之子于兄弟降一等为人后者于兄弟降一等报于所为后之兄弟之子若子君之所为兄弟服室老降一等夫之所为兄弟服妻降一等庶子为后者为其外祖父母从母舅无服宗子孤为殇大功衰小功衰皆三月亲则月筭如邦人童子唯当室總免而杖世子不降妻之父母其为妻也与大夫之适子同大夫降其庶子其孙不降

其父夫为人后者其妻为舅姑大功宗子母在为妻禫为慈母后者为庶母可也为祖庶母可也为父母妻长子禫庶子在父之室则为其母不禫为父后者为出母无服无服也者丧者不祭故也适妇不为舅后者则姑为之小功大夫为其父母兄弟之未为大夫者之丧服如士服士为其父母兄弟之为大夫者之丧服如士服大夫之适子服大夫之服大夫之庶子为大夫则为其父母服大夫服其位与未为大夫者齿君为天子三年夫人如外宗之为君世子不为天子服大夫之适子为君夫人太子如士服君之母非夫人则羣臣无服唯近臣及仆驂乘从服唯君所服服也庶子在父之室则为其母不禫庶子不以杖即位父不主庶子之丧则孙以杖即位可也父为长子杖则其子不以杖即位或曰父不为主而杖者姑在为夫杖母为长子削杖女子子在室为父母其主丧者不杖则子一人杖君主夫人妻太子适妇之丧诸侯于异国之臣则其君为主凡丧父在父为主父没兄弟同居各主其丧亲同长者主之不同亲者主之凡主兄弟之丧虽疏亦虞之大夫不主士之丧士之子为大夫则其父母弗能主也使其子主之无子则为之置后妻之昆弟为父后者死哭之适室子为主袒免哭踊夫入门右父在哭于妻之室非为父后者哭诸异室姑姊妹其夫死而夫党无兄弟使夫之族人主之妻之党虽亲弗主夫若无族则四邻主之无四邻则里尹主之丧有无后而无主男主必使同姓妇主必使异姓改葬总为朋友麻斩衰不说经带居倚庐寝苦枕块妇人则否容貌若苴累累颠颠瞿瞿蚩蚩哭若往而不反唯而不对三日不食既殡食粥既虞卒哭柱楣翦屏芻翦不纳疏食水饮期而小祥居垩室寝有席不与人居食有菜羹又期而大祥食有醯酱中月而禫禫而从御饮醴酒吉祭而复寝齐衰貌若皁哭若往而反对而不言二日不食疏食水饮不食菜羹居垩室芻翦不纳大功貌若止哭三曲而偯言而不议一日不食食不醯酱寝有席小功总麻容貌可也哀容可也再不食可也议而不及乐不饮醴酒牀可也孔子曰伯母叔母疏衰踊不絕地姑姊妹之大功踊絕于地知此者由文矣哉布八十缕为一升斩衰三升齐衰四升五升六升大功七升八升九升小功十升十一升十二升总麻十五升去其半有事其缕无事其布也苴经大搗五分而去一以为带杖大如要经齐衰之经斩衰之带也斩衰既虞卒哭受以成布六升冠七升疏衰受以成布七升冠八升去麻服葛葛带三重期而祭小祥练冠练衣黄里繅缘履无絢角填鹿裘衡长祛祛裼之可也要经不除男子除乎首妇人除乎带除服者先重者易服者先轻者又期而祭大祥期服素縗麻衣中月而禫祭禫而纈无所不佩至亲以期断加隆焉使倍之故再期也三年以为隆总小功以为杀期九月以为间上象于天下法于地中则于人人之所以羣居和壹之理尽矣三年之丧二十五月而毕哀痛思慕若驷之过隙然而遂之是无穷也故亲丧外除兄弟之丧内除期而祭礼也期而除丧道也祭不为除丧也三年之丧既练矣有期之丧既葬矣则带其故葛经期之经服其功衰有大功之丧亦如之小功无变也麻之有本者变三年之葛既练遇麻断本者于免经之既免去经每可以经必经既经则去之小功不易丧之练冠如免则经其总小功之经因其初葛带总之麻不变小功之葛小功之麻不变大功之葛以有本为税殤长中变三年之葛终殤之月筭而反三年之葛是非重麻为其无卒哭之税下殤则否父大功小功之末可以冠子可以嫁子可以娶妇已虽小功既卒哭可以娶妻下殤之小功则不可三年而后葬者必再祭其祭之间不同时而除丧大功者主人之丧有三年者则必为之再祭朋友虞祔而已虞祭不致爵练祭不旅酬祥祭无筭爵小祥之祭主人之酢也啻之众賓兄弟啐之大祥主人啐之众賓兄弟饮之可也凡待祭丧者告賓祭荐而不食馐余不祭父不祭子夫不祭妻居丧之礼毁瘠不形视听不衰升降不由阼阶出入不当门隧孔子曰首有疮则沐身有瘍则浴病则饮酒食肉疾止复初毁瘠为病君子弗为也毁

而死君子谓之无子五十不致毁六十不毁七十惟衰麻在身饮酒食肉处于内三年之丧如或遗之酒肉则受之必三辞衰经而受之如君命则不敢辞受而荐之丧者不遗人人遗之虽酒肉弗受也从父兄弟以下既卒哭遗人可也有服人召之食不往大功以下既葬适人其党食之则食非其党则不食疏衰之丧既葬人请见之则见不请见人小功请见人可也大功不以执挚唯父母之丧不辟涕而见人父母之丧三年不从政齐衰大功之丧三月不从政将徙于诸侯三月不从政自诸侯来徙家期不从政又曰三年之丧祥而后从政期之丧卒哭而从政九月之丧既葬而从政小功缌之丧既殡而从政居丧未葬读丧礼既葬读祭礼丧复常读乐章居丧不言乐祭事不言防凡见人无免经虽朝于君无免经唯公门有税齐衰既葬与人立君言王事不言国事大夫士言公事不言家事君既葬王政入于国既卒哭而服王事大夫士既葬公政入于家既卒哭弁经带金革之事无辟也既练君谋国政大夫士谋家事适墓不登垄助葬必执紼临丧不笑揖人必违其位望柩不歌入临不翔当食不叹邻有丧舂不相里有殡不巷歌适墓不歌哭日不歌送丧不由径送葬不辟涂潦临防则必有哀色执紼不笑临乐不叹介冑则有不可犯之色故君子戒慎不失色于人君子已孤不更名已孤暴贵不为父作諡

皇王大纪卷二十七

宋 胡宏 撰

三王纪

康王

祭祀曰自包羲氏教民养牲以荐神只后圣有作为政于天下必本诸天穀以降命命降于社之谓穀地降于祖庙之谓仁义降于山川之谓兴作降于五祀之谓制度有天下者祭百神是故天子祭天地祭四方祭山川祭五祀歲徧诸侯方祀祭山川祭五祀歲徧在其地则祭之亡其地则不祭大夫祭五祀歲徧士祭其先凡祭有其废之莫敢举也有其举之莫敢废也非其所祭而祭之名曰淫祀淫祀无福郊圣人因天事天因地事地因名山升中于天因吉土以飨帝于郊是故天子适四方先柴郊之祭也迎长日之至也大报天而主日配以月夏后氏祭其闇殷人祭其阳周人祭日以朝及闇祭日于坛祭月于坎以别幽明以制上下祭日于东祭月于西以别内外以端其位兆于南郊就阳位也扫地而祭于其质也器用陶匏以象天地之性也于郊故谓之郊牲用骍尚赤也特牲用犊贵诚也郊之用辛也周之始郊日以至卜郊受命于祖庙作 于祫宫尊祖亲考之义也卜之日王立于泽亲听誓命受教諫之义也孔子曰昔三代明王皆事天地之神明无非卜筮之用不敢以其私防事上帝是故不犯日月不违卜筮卜筮不相袭也大事有时日小事无时日有筮外事用刚日内事用柔日不违 筮献命库门之内戒百官也大庙之命戒百姓也祭之日王皮弁以听祭报示民严上也丧者不敢哭防服者不敢入国门汜埽反道乡为田烛弗命而民听上祭之日王被袞以象天戴冕藻十有二则天数也乘素车贵其质也旂十有二旒龙章而设日月以象天也天垂象圣人则之郊所以明天道也帝牛不吉以为稷牛帝牛必在滌三月稷牛唯具万物本乎天人本乎祖此所以配上帝也郊之祭也大报本反始也启蛰而郊祈谷于上帝也礼之近人情者非其至者也郊血大飧腥三献燔一献孰至敬不享味而贵气臭也是故至敬无文父党无容祀帝于郊敬之至也至敬不坛故扫地而祭社社祭土而主陰气也土发而社助时也君南乡于北牖下答阳之义也日用甲用日之始也天子大社必受霜露风雨以达天地之气也是故丧国之社屋之不受天阳也亳社北牖使陰明也社所以神地之道也地载万物天垂象取财于地取法于天是以尊天而亲地也故教民美报焉家主中霤而国主社示本也唯为社事单出里唯为社田国人毕作唯社丘乘共粢盛所以报本反始也季春出火为焚也然后简其车赋而歷其卒伍而君亲誓社以习军旅左之右之坐之起之以观其习变也而流示之禽而艳诸利以观其不犯命也求服其志不贪其得故以战则克以祭则受福天子社稷皆太牢诸侯社稷皆少牢

论曰成身莫大于礼礼莫重于祭祭祀之礼所以立吾诚也 神之为物非他即吾之诚是矣王者继天而为之子独主万化故祭天于郊祭地于社祭名山大川五祀各于其方后世礼失其传论者不本于性命故秦礼八神以求僊人一曰天二曰地三曰兵四曰陰五曰阳六曰月七曰日八曰四时汉祠太一求神僊方士曰天神贵者太一太一佐曰五帝是皆不知 神之情状方士家妄作儒者不取也及歷攷儒者论祭天地之礼于天则有昊天上帝有五方帝有

感生帝夫土不可以有二王而天可以有七帝乎于地则或立方泽或立方丘或立北郊与天敌体是犹家有二主也且子事父母父在为母齐衰期不敢亢其父者尊无二上故也王者父事天母事地而可崇地以抗天乎是故夫独制义于其家而家道正矣君独出令于其国而天下定矣天独健而无息地道顺承而无成而太极立矣王者以父事天立诚而精一其德故兆于南郊埽地而祭者昊天上帝而已天言其气帝言其性也社祭土所以神地道也名山大川者寶货财用之所出而四方之所依据也五祀者谷与水火金木也人所日用莫过五材不是之报而顾报行与门户举失轻重岂礼也哉礼之所贵贵其义也是故王者祭天以柴燎牲使气上达语其精诚则谓之禋语其感格则谓之类语其方兆则谓之郊指事异名其实一也周礼乃专以禋祀归之上帝以实柴归之日月星辰以燔燎归之司中司命风师雨师不以日月星辰一于天而以柴燎分为三多见其妄也又司中司命风师雨师說者以为星也上文既曰以实柴祀日月星辰则宜兼之矣夫日月犹可兼于星辰岂此四星而不可兼于日月乎其文乖次失礼之义盖刘歆【下逸】

宗庙生日父曰母曰妻死曰考曰妣曰嫔祭王父曰皇祖考王母曰皇祖妣父曰皇考母曰皇妣夫曰皇辟礼有五经莫重于祭祭者自中出生于心也贤者之祭也必受其福福者备也无所不顺之谓备忠臣以事其君孝子以事其亲其本一也子之事亲有三道焉养则观其顺也丧则观其哀也祭则观其敬而时也天子七庙左三昭右三穆与大祖之庙而七诸侯五庙山节藻梲复庙重檐刮楹达乡反坫出尊崇坫康圭疏屏天子之庙饰也春祠夏禴秋尝冬烝夏殷宗庙之祭春曰礿夏曰禘礼不王不禘禘王者之大祭也王者禘其祖之所自出时祭曰禘则乱名也于是春更曰祠夏更曰禴诸侯禘及其太祖大夫士有大事省于君于禘及其高祖三年一禘五年一祫大夫三庙士一庙有田则祭无田则荐凡祭祀张旅幕张尸次祭成丧者必有尸孙为王父尸所使为尸者于祭者子行也父北面而事之所以明子事父之道也孙幼则使人抱之无孙则取于同姓之适孔子曰尸冕弁而出卿大夫士皆下之君知所以为尸者则自下之尸必式乘必以几必有前驱君与尸行接武大夫继武士中武徐趋皆用是疾趋则欲发而手足毋移及时将祭君子乃齐散齐七日致齐三日齐者不乐不吊不敢散其志也精明之至然后可以交神明是故先期旬有一日宫宰宿夫人夫人亦散齐七日致齐三日君子生则敬养死则敬享致爱则存致愍则着唯圣人为能飨帝孝子为能飨亲三月系七日齐三日宿慎之至也君致齐于外夫人致齐于内然后防于太庙铺筵设同几为依神也天道至教圣人至德庙堂之上罍尊在阼牺尊在西庙堂之下县鼓在西应鼓在东君西酌牺象夫人东酌罍尊君衮冕立于阼夫人副褱立于东房夫祭必夫妇亲之所以备外内之官也官备则具备水草之菹陆产之醢三牲之俎八簋之实昆虫之异草木之实天之所生地之所长苟可荐者莫不咸在示尽物也外则尽物内则尽志此祭之心也君迎牲而不迎尸别嫌也尸在庙门外则疑于臣在庙中则全于君君在庙门外则疑于君入庙门则全于臣全于子是故不出者明君臣之义也崇事宗庙社稷则子孙顺孝祭者教之本也是故君子之事君也必身行之所不安于上则不以使下所恶于下则不以事上非诸人行诸己非教之道也君执圭瓚裸尸大宗执璋瓚亚裸及迎牲君执紼卿大夫赞币而从士执刍宗妇执盎从夫人奠盎荐浼水君执鸾刀羞哂君献尸夫人荐豆执校执醴授之执鐙君亲制祭夫人荐盎君亲割牲夫人荐酒卿大夫从君命妇从夫人尸酢夫人执柄夫人受尸执足夫妇相授受不相袭处酢必易爵明夫妇之别也洞洞乎其敬也属属乎其忠也勿勿乎其欲其飨之也纳牲诏于庭血毛诏于室羹

定诏于堂三诏皆不同位盖道求而未之得也设祭于堂为祔乎外故曰于彼乎于此乎或曰君牵牲穆答君卿大夫序从既入庙门丽于碑卿大夫而毛牛尚耳鸾刀以刳取腍膋乃退燔祭祭腥而退敬之至也又曰酒在室醴醖在户粢醖在堂澄酒在下陈其牺牲备其鼎俎列其琴瑟管磬鼓钟脩其祝嘏以降上神与其先祖以正君臣以笃父子以睦兄弟以齐上下夫妇有所谓承天之祜作其祝号酒以祭荐其血毛腥其俎孰其殽与其越席疏布以幂衣其漼帛醴醖以献荐其燔炙君与夫人交献以嘉魂魄是谓合莫然后退而合烹体其犬豕牛羊实其簠簋笾豆铏羹祝以孝告嘏以慈告是谓大祥此礼之大成也又曰及入舞君执干戚就舞位君为东上冕而总干率其羣臣以乐皇尸礼交动乎上乐交应乎下和之至也礼也者反其所自生乐也者乐其所自成是故圣王制礼以节事脩乐以道志夫祭有三重焉献之属莫重于裸声莫重于声歌舞莫重于武宿夜此周道也凡三道者所以假于外而以增君子之志也有事于太庙则羣昭羣穆咸在凡赐爵昭为一穆为一昭与昭齿穆与穆齿及羣有司皆以齿所以别父子远近长幼亲疏之序而无乱也古者明君爵有德禄有功必于大庙故祭之日一献君降立于阼阶之南南乡所命北面史由君右执防命之再拜稽首受书以归而舍奠于其庙此爵赏之施也凡为俎者以骨为主骨有贵贱殷人贵髀周人贵肩凡前贵于后俎者所以明祭之必有惠也是故贵者取贵骨贱者取贱骨贵者不重贱者不虚示均也羔豚而祭百官皆足太牢而祭不必有余惠均则政行事成而功立矣俊者祭之末也善终者如始俊其是已君子曰尸亦俊神之余也惠术也可以观政矣是故尸谏君与卿四人俊君起大夫六人俊大夫起士八人俊士起各执其具以出陈于堂下百官进彻之所以别贵贱之等而兴施惠之象也是故以四簋黍见其脩于庙中也庙中者竟内之象也故曰可以观政矣又曰尸饮三君洗玉爵献卿尸饮七以瑶爵献大夫尸饮九以散爵献士及羣有司是故贵者献以爵【一升】贱者献以散【五升】尊者举觶【三升】卑者举角【四升】明尊卑之等也燁胞翟阍者吏之至贱者也尸又至尊以至尊既祭之末不忘至贱而以其余畀之此之谓上下之际又曰有虞氏之祭也尚用气血腥燔祭用气也殷人尚声臭味未成涤荡其声乐三阕然后出迎牲周人尚臭灌用鬯臭郁合鬯臭阴达于渊泉灌以圭璋用玉气也既灌然后迎牲致阴气也萧合黍稷臭阳达于墙屋故既奠然后炳萧合羶芻几祭慎诸此防气归于天形魄降于地故祭求诸阴阳之义也殷人先求诸阳周人先求诸阴诏祝于室坐尸于堂用牲于庭升首于室直祭祝于主索祭祝于祔不知神之所在乎于此乎或远诸人乎祭于祔尚曰求诸远者欤是故诏祝于室而出于祔此神明之道也有虞氏祭首夏后氏祭心殷祭肝周祭肺血毛告幽全之物也贵纯之道也血祭盛气也祭肺肝心贵气主也祭黍稷加肺祭齐加明水报阴也取腍膋燔燎升首报阳也明水浼齐贵新也其谓之明水也由主人之洁着此水也缩酌用茅明酌也醖酒浼于清汁献浼于醖酒凡浼新之也君再拜稽首肉袒亲割敬之至也祭称孝子孝孙以其义称也称曾孙某谓国家也祭祀之相主人自致其敬尽其嘉而无与让也腥肆燔臠祭岂知神之所飨主人自尽其敬而已矣举铎角诏妥尸古者尸无事则立有事而后坐也夏立尸而卒祭殷坐尸周旅酬六尸尸神象也祝将命也凡祭宗庙之礼牛曰一元大武豕曰刚鬣豚曰腍肥羊曰柔毛鸡曰翰音犬曰羹献雉曰疏趾兔曰明视脯曰尹祭橐鱼曰商祭鲜鱼曰脰祭水曰清涤酒曰清酌黍曰芻合梁曰芻蕘稷曰明粢稻曰嘉蔬韭曰丰本盐曰咸鹺玉曰嘉玉币曰量币牺尊疏布幂禴杓大路素而越席黄目郁气之上尊也黄者中也目者气之清明者也言酌于中而清明于外也醯醢之美而煎盐之尚贵天产也割刀之用鸾刀之贵贵其义也声和而后断也酒醴之美酒明水之尚贵五味之本也黼黻之美疏布之

尚反女功之始也莞簟之安而蒲越橐鞾之设明之也大羹不和贵其质也大圭不琢美其质也丹漆雕几之美素车之乘尊其朴也贵其质而已矣所以交于神明者不敢同于所安防之义也君子曰礼之近人情者非其至者也郊血大飧腥三献燔一献孰是故君子之于礼也非作而致其情也此有由始也是故七介以相见也不然则已慤三辞三让而至不然则已蹙故礼有摈诏乐有相步温之至也礼也者反本脩古不忘其初者也故防事不诏朝事以乐孔子曰七日戒三日齐承一人焉以为尸过之者趋以教敬也醴酒在室醕酒在堂澄酒在下示民不淫也尸饮三众宾饮一示民有上下也因其酒肉聚其宗族教民睦也故堂上观乎室堂下观乎上是故见事 神之道焉见君臣之义焉见父子之亲焉见夫妇之别焉见长幼之叙焉见上下之际焉见贵贱之等焉见亲疏之杀焉见爵赏之施焉见政事之均焉是之谓十伦记曰夏后氏尚明水殷尚醴周尚酒尊有虞氏曰泰夏后氏曰山罍殷曰着周曰牺象爵夏后氏以琖殷以斚周以爵灌尊夏后氏以鸡彝殷以斚周以黄目勺夏后氏以龙勺殷以疏勺周以蒲勺鼓夏后氏之鼓足殷楹鼓周县鼓夏后氏之龙箎籥殷之崇牙周之壁翬敦有虞氏之两敦夏后氏之四琖殷之六瑚周之八簋俎有虞氏以梡夏后氏以巵殷以棋周以房豆夏后氏揭豆殷玉豆周献豆凡天子以牺牛诸侯以肥牛大夫以羊豕天地之牛角茧栗宗庙之牛角握宾客之牛角尺诸侯无故不杀牛大夫无故不杀羊士无故不杀犬豕庶人荐于寝春荐韭夏荐麦秋荐黍冬荐稻韭以卵麦以鱼黍以豚稻以鴈庶人无故不食珍庶羞不逾牲燕衣不逾祭服寝不逾庙祭丰年不奢防年不俭凡丧从死者祭从生者父为士子为天子诸侯则祭以天子诸侯其尸服以士父为天子诸侯子为士祭以士其尸服以士祭容貌颜色如见所祭者成庙则衅之以羊与鸡成寝则考之而不衅凡宗庙之器其名者成则衅之以豭豚衅者交神明之道也临祭不惰祭服敝则焚之祭器敝则埋之 防敝则埋之牲死则埋之为人祭曰致福为已祭而致膳于君子曰膳祔练曰告凡膳告于君子主人展之以授使者于阼阶之南南面再拜稽首送反命主人又再拜稽首其礼太牢则以牛左肩臂臠折九个少牢则以羊左肩七个犢豕则以豕左肩五个君子将营宫室宗庙为先廡库为次居室为后凡家造祭器为先牺赋为次养器为后无田禄者不设祭器有田禄者先为祭服为宫室不斩于丘木曾子问于孔子曰天子尝禘郊社五祀之祭簠簋既陈天子崩后之丧则如之何孔子曰废如当祭而日食太庙火则如之何曰接祭而已矣如牲至未杀则废天子崩未殡五祀之祭不行既殡而祭其祭也尸入三饭不侑醕不酢而已矣自启至于反哭五祀之祭不行已 而祭祝毕献而已诸侯之祭社稷俎豆既陈闻天子崩后之丧君薨夫人之丧则废自薨比至于殡自启至于反哭奉帅天子大夫之祭鼎俎既陈笾豆既设天子崩后之丧君薨夫人之丧君之太庙火日食三年之丧齐衰大功皆废外丧自齐衰以下行也其齐衰之祭也尸入三饭不侑醕不酢而已矣大功酢而已矣小功缌室中之事而已矣士之所以异者缌不祭所祭于死者无服则祭大夫士将与祭于公既视濯而父母死则犹是与于祭也次于异宫既祭释服出公门哭而归入奔丧礼如未视濯则使人告告者反而后哭如诸父昆弟姑姊妹之丧既宿则与祭卒事而后归如同宫则次于异宫卿大夫将为尸于公受宿矣而有齐衰内丧则出舍于公馆以待事大夫冕而祭于公弁而祭于己士弁而祭于公冠而祭于己士弁而亲迎然则士弁而祭可也君子之祭也必身亲蒞之有故则使人可也祭不欲数数则烦烦则不敬祭不欲疏疏则怠怠则忘是故霜露既降君子履之必有凄怆之心雨露既濡君子履之必有忧惕之心君子合诸天道春禴秋尝春飧孤子秋食耆老其义一也凡饮养阳气也食养阴气也乐以迎来哀以送往故飧禴有乐而食尝无乐阴阳之义也礼乐曰乐者音之所由生也凡音之起由人心之感

于物也感于物而动故形于声声相应故生变变成方谓之音比音而通于伦理谓之乐是故其哀心感者其声噍以杀其乐心感者其声啍以缓其喜心感者其声发以散其怒心感者其声粗以厉其敬心感者其声直以廉其爱心感者其声和以柔六者非性也感于物而后动故先王慎所以感之者故礼以道其志乐以和其声政以一其行刑以防其奸礼乐刑政其极一也是故治世之音安以乐其政和乱世之音怨以怒其政乖亡国之音哀以思其民困声音之道与政通矣宫为君商为臣角为民徵为事羽为物五者不乱则无怙懣之音矣宫乱则荒其君骄商乱则陂其臣坏角乱则忧其民怨徵乱则哀其事勤羽乱则危其财匮五者皆乱迭相陵谓之慢如此则国之灭亡无日矣是故知声者可与言音知音者可与言乐知乐则几于礼矣乐之隆非极音也食飧之礼非致味也清庙之瑟朱 而疏越一倡而三叹有遗音者矣大飧之礼尚 酒而俎腥鱼大羹不和有遗味者矣是故先王之制礼乐也非以极口腹耳目之欲也将以教民平好恶而反人道之正也人生而静天之性也感物而动性之欲也物至知知然后好恶形焉好恶无节于内知诱于外不能反躬天理灭矣于是有悖逆诈伪之心有淫佚作乱之事是故先王制礼乐人为之节礼节民心乐和民声仁以爱之义以正之如此则民治行矣乐由中出礼自外作乐由中出故静礼自外作故文大乐必易大礼必简易故与天地同和简故与天地同节和故百物不失节故祀天祭地明则有礼乐幽则有 神如此则四海之内合敬同爱矣礼者殊事合敬者也乐者异文合爱者也礼乐之情同故明王以相沿也故事与时并名与功偕钟鼓管磬羽籥干戚乐之器也屈伸俯仰缀兆舒疾乐之文也簠簋俎豆制度文章礼之器也升降上下周旋裼褻礼之文也知礼乐之情者能作识礼乐之文者能述乐者天地之和也礼者天地之序也和故百物皆化序故羣物皆别乐由天作礼以地制过制则乱过作则暴明于天地然后能兴礼乐也王者功成作乐治定制礼其功大者其乐备其治辩者其礼具干戚之舞非备乐也孰亨而祀非达礼也五帝殊时不相沿乐三王异世不相袭礼敦乐而无忧礼备而不偏者其惟大圣乎天高地下万物散殊而礼制行矣流而不息合同而化而乐兴焉春作夏长仁也秋敛冬藏义也仁近于乐义近于礼乐者敦和率神而从天礼者别宜居 而从地故圣人作乐以应天制礼以配地礼乐明备天地官矣化不时则不生男女无辩则乱升天地之情也乐着太始而礼居成物着不息者天也着不动者地也一动一静者天地之间也昔者舜作五 之琴以歌南风夔始制乐以赏诸侯德盛而教尊五谷时熟然后赏之以乐故其治民劳者其舞行缀远其治民逸者其舞行缀短故观其舞知其德闻其謚知其行也故酒食者所以合欢也乐者所以象德也礼者所以缀淫也先王有大事必有礼以哀之有大福必有礼以乐之哀乐之分皆以礼终乐也者圣人之所乐也而可以善民心故先王着其教焉土敝则草木不长水烦则鱼鼃不大气衰则生物不遂世乱则礼慝而乐淫是故其声哀而不庄乐而不安慢易以犯节流湎以忘本广则容奸狭则思欲感条畅之气而灭平和之德君子反情以和其志比类以成其行奸声乱色不留聪明淫乐慝礼不接心术惰慢邪辟之气不设于身体使耳目鼻口心知百体皆由顺正以行其义然后发以声音而文以琴瑟动以干戚饰以羽旄从以箫管清明象天广大象地终始象四时周旋象风雨五色成文而不乱八风从律而不奸百度得数而有常小大相成终始相生倡和清浊迭相为经故乐行而伦清耳目聪明血气和平移风易俗天下皆宁故曰乐者乐也君子乐得其道小人乐得其欲以道制欲则乐而不乱以欲忘道则惑而不乐乐者心之动也声者乐之象也君子动其本乐其象然后治其文采节奏是故三鼓以警戒三步以见方再始以着往复乱以飭归奋疾而不拔极幽而不隐独乐其志备举其道乐行而民乡方可以观德矣夫乐者乐也人情之所不能免也

乐必发于声音形于动静故先王制雅颂之声以道之使其声足乐而不流使其文足论而不息使其曲直繁瘠廉肉节奏足以感动人之善心而已矣不使放心邪气得接焉故听其雅颂之声志意得广焉执其干戚习其俯仰诎伸容貌得庄焉行其缀兆要其节奏行列得正焉进退得齐焉故乐者天地之命中和之纪人情之所不能免也乐也者情之不可变者也礼也者理之不可易者也和顺积中而英华发外者也黄钟大吕 歌干扬者乐之末节也故童者舞之铺筵席陈尊俎列笾豆以升降为礼者礼之末节也故有司掌之乐师辨乎声诗故北面而宗祝辨乎宗庙之礼故后尸商祝辨乎丧礼故后主人是故德成而上藝成而下行成而先事成而后是故先王有上有下有先有后然后可以有制于天下也君子曰礼乐不可斯须去身致乐以治心则易直子谅之心油然而生乐则安安则久久则天天则神天则不言而信神则不怒而威致礼以治躬则庄敬庄敬则严威心中斯须不和不乐而鄙诈之心入之矣外貌斯须不庄不敬而慢易之心入之矣乐极和礼极顺内和而外顺则民瞻其颜色而不与争也望其容貌而众不生慢易焉乐也者动于内者也礼也者动于外者也故礼主其减乐主其盈礼减而进以进为文乐盈而反以反为文礼减而不进则销乐盈而不反则放故礼有报而乐有反礼得其报则乐乐得其反则安礼之报乐之反其义一也

皇王大纪卷二十八

宋 胡宏 撰

三王纪

康王

王承文武成王之业无所变更勤脩先王之训典用和洽于天下以对扬皇天上帝之丕显休命小雅首篇曰鹿鸣三章章八句言燕羣臣嘉賓也既饮食之又实币帛筐篚以将其厚意然后忠臣嘉賓得尽其心矣呦呦鹿鸣食野之苹【蘋蕭也】我有嘉賓鼓瑟吹笙吹笙鼓簧承筐是将【筐篚也所以将币帛也】人之好我示我周【至也】行【道也】呦呦鹿鸣食野之蒿【蒿也】我有嘉賓德音孔昭视【古示字】民不忼【愉也】君子是则是效【可法效也】我有防酒嘉賓式燕以敖【游也】呦呦鹿鸣食野之芩【草也】我有嘉賓鼓瑟鼓琴鼓瑟鼓琴和乐且湛【乐之久也】我有防酒以燕【安也】乐嘉賓之心小雅二篇曰四牡五章章五句劳使臣之来也有功而见知则說矣四牡騤騤【行不止之貌】周道倬迟【歷遠之貌】岂不懷归【私思也】王事靡盬【公义也】我心伤悲【情思也】四牡騤騤咍咍骆马【喘息貌白马黑鬣曰骆】岂不怀归王事靡盬【不坚固也】不遑【暇也】启【跪也】处【居也】翩翩者騅【夫不也】载飞载下集于苞栩王事靡盬不遑将【养也】父翩翩者騅载飞载止集于苞杞【枸櫞也】王事靡盬不遑将母驾彼四骆载骤駉駉【骤也】岂不懷归是用作歌将母来谗【念也告也】小雅三篇曰皇皇者华五章章四句君遣使臣也送之以礼乐言远而有光华也皇皇【犹煌煌也】者华于彼原隰【高平曰原下湿曰隰】騤騤【众多貌】征夫【行人也】每懷靡及我马维驹六轡如濡载驰载驱周【忠信也】爰咨諏【访善为咨咨事为諏】我马维骐六轡如丝【言调忍也】载驰载驱周爰咨谋【咨事之难易为谋】我马维骆六轡沃若载驰载驱周爰咨度【咨礼义所宜为度】我马维骝【陰白杂毛曰骝】六轡既均【调也】载驰载驱周爰咨询【亲戚之谋为询】小雅四篇曰常棣八章章四句燕兄弟也闵管蔡之失道故作常棣焉常棣【棣也】之华鄂【承华者】不韡韡【明盛貌】凡今之人莫如兄弟死丧之威兄弟孔怀原隰裒【聚也】矣兄弟求矣脊令在原兄弟急难【雝渠也飞则鸣行则摇不能自舍也】每有良朋况【兹也】也永【长也】叹兄弟防【狠也】于墙外御其侮每有良朋烝也无戎【相也助也】丧乱既平既安且宁虽有兄弟不如友生宾【陈也】尔筵豆饮酒之饌【私也】兄弟既具和乐且孺妻子好合如鼓瑟琴兄弟既翕和乐且湛宜尔室家乐尔妻孥是究是圖亶【信也】其然乎小雅五篇曰伐木六章章六句燕朋友故旧也自天子至于庶人未有不须友以成者亲亲以睦友贤人不弃不遗故旧则民德归厚矣伐木丁丁【伐木声】鸟鸣嚶嚶出自幽谷迁于乔木嚶其鸣矣求其友声相彼鸟矣犹求友声矧【况也】伊人矣不求友生神之听之终和且平伐木许许酺酒【以筐曰酺】有萸【美貌】既有肥羜【未成羊曰羜】以速诸父【天子谓同姓诸侯诸侯谓同姓大夫皆曰父】宁适不来防【无也】我弗顾于粲【鲜明貌】洒扫陈馈八簋【圓曰簋天子用八】既有肥牡以速诸舅【异姓则称舅】宁适不来防我有咎伐木于阪酺酒有衍【美也】筵豆有践【陈列貌】兄弟无遠民之失德

干糲【食也】以愆【民尚以干糲获愆过于人】有酒湑【湑菑之也】我无酒酤【一宿酒也】我坎坎鼓我蹲蹲【舞貌】舞我迨我暇矣饮此湑矣小雅六篇曰天保六章章六句下报上也君能下下以成其政臣能归美以报其上焉天保定尔亦孔之固【坚也】俾尔单【信也尽也】厚何福不除【开也】俾尔多益以莫不庶【众也】天保定尔俾尔戩谷罄【尽也】无不宜受天百禄降尔遐福惟日不足天保定尔以莫不兴如山如阜【高平曰陆大陆曰阜】如冈如陵【大阜曰陵言广厚也】如川之方至以莫不增吉【善也】蠲【洁也】为饔【酒食也】是用孝享禴祠烝尝于公【事也】先王君曰卜尔【先君也尸象神卜予也】万寿无疆神之吊【至也】矣诒【遗也】尔多福民之质【成也】矣日用饮食羣黎百姓【百官族姓】徧为尔德如月之恒【也】如日之升【出也】如南山之寿不騫【亏也】不崩如松柏之茂无不尔或承小雅十篇曰鱼丽六章三章章四句三章章二句美万物盛多能备礼也鱼丽【歷也】于罍【曲梁也寡妇之笱也】鰋【也】鲨【鮪也太平有道则防物众多】君子有酒防且多鱼丽于罍魴鰔【鲷也】君子有酒多且防鱼丽于罍鰋【鮪也】鲤君子有酒防且有物其多矣维其嘉矣物其防矣维其偕矣物其有矣维其时矣小雅十一篇曰南陔孝子相戒以养也小雅十二篇曰白华孝子之洁白也小雅十三篇曰华黍时和歲丰宜黍稷也三篇有其义而亡其辞小雅十四篇南有嘉鱼四章章四句乐与贤也太平之君子至诚乐与贤者共之也南有嘉鱼【江汉之间鱼所产也】烝然罩罩【罩也】君子有酒嘉賓式燕以乐南有嘉鱼烝然汕汕【櫟也今之撩罟也】君子有酒嘉賓式燕以衍南有樛木甘瓠累之君子有酒嘉賓式燕绥之翩翩者騅烝然来思君子有酒嘉賓式燕又思小雅十五篇曰南山有台五章章六句乐得贤也得贤则能为邦家立太平之基矣南山有台【夫须也】北山有莱【草也】乐只君子邦家之基乐只君子万寿无期南山有桑北山有杨乐只君子邦家之光乐只君子万寿无疆南山有杞北山有李乐只君子民之父母乐只君子德音不已南山有栲【山樗也】北山有杻【櫪也】乐只君子遐不作眉寿【秀眉也】乐只君子德音是茂南山有枸【枳枸】北山有楸【防梓】乐只君子遐不作眉寿乐只君子保艾尔后小雅十六篇曰由庚万物得由其道也小雅十七篇曰崇丘万物得极其高大也小雅十八篇曰由仪万物之生各得其宜也三篇有其义而亡其辞小雅十九篇曰蓼萧四章章六句泽及四海也蓼【长大也】彼萧【蒿也】斯零露湑兮【露貌】既见君子我心写兮燕笑语兮是以有誉处兮蓼彼萧斯零露瀼瀼既见君子为龙【窜也】为光其德不爽【差也】寿考不忘蓼彼萧斯零露泥泥既见君子孔燕岂弟【乐易也】宜兄宜弟【为兄亦宜为弟亦宜】令德寿岂蓼彼萧斯零露浓浓既见君子儔【饗也】革【饗首也】冲冲【垂饰貌】和鸾雝雝【在轼曰和在鑣曰鸾】万福攸同小雅二十篇曰湛露四章章四句天子燕诸侯也湛湛【盛多貌】露斯匪阳【日也】不晞【干也】厌厌【安也】夜饮【私燕也】不醉无归湛湛露斯在彼丰草厌厌夜饮在宗载考【夜饮必于宗室】湛湛露斯在彼棘显允君子莫不令德其桐其椅其实离离【垂也】岂弟君子莫不令仪小雅二十一篇曰彤弓三章章六句天子锡有功诸侯也彤【朱也】弓弨【弛也】兮受言【我也】藏之我有嘉賓中心贐之【赐也】钟鼓既设一朝飨之彤弓弨兮受言载之【载以归也】我有嘉賓中心喜之钟鼓既设一朝右【劝也】之彤弓弨兮受言囊【韬也】之我有嘉賓中心好之钟鼓既设一朝醺【报也】之小雅二十二篇曰菁菁者莪四章章四句乐育材也君子能长育人材则天下喜乐之矣菁菁【盛貌】者莪【罗蒿也】在彼中阿【大陵中也】既见君子乐且有仪菁菁者莪在彼中沚【沚中也】既见君子我心则喜菁菁者莪在

彼中陵既见君子锡我百朋泛泛杨舟【杨木为舟亦沈亦浮】载沈载浮既见君子我心则休大雅十二篇曰行苇八章章四句言忠厚也周家忠厚仁及草木故能内睦九族外尊事黄耆养老乞言以成其福禄焉敦【聚也】彼行【道也】苇牛羊勿践履方苞方体【形也】维叶泥泥【初生貌】戚戚【内相亲也】兄弟莫远具尔或肆【陈也】之筵或授之几【老者加之以几】肆筵设【重也】席授几有缉【犹续也】御【侍也】或献【主曰献】或酢【客曰酢】洗爵奠斚【主醕客客奠而不举】醢醢以荐【肉醢也】或燔或炙嘉殽脾臄【函也】或歌或嘏【徒击也】敦【尽也】弓既坚四鍬【矢也】既钧【叁亨已】舍矢既均【中艺也】序賓以贤敦弓既句【合而成规】既挟四鍬四鍬如树【言皆中也】序賓以不侮【皆贤也】曾孙维主酒醴维醑【厚也】酌以大斗【长三尺】以祈【报也告也】黄耆黄耆台背【大老也背有台文】以引以翼【在前曰引在旁曰翼】寿考维祺【吉也】以介景【大也】福大雅十三篇曰既醉八章章四句言太平也醉酒饱德人有士君子之行焉既醉以酒既饱以德【既者尽其礼终其事】君子万年介尔景福既醉以酒尔殽既将【行也】君子万年介尔昭明昭明有融【融长也】高朗令【善也】终令终有俶【始也】公尸嘉告其告维何笾豆静嘉朋友攸摄摄以威仪【言相摄佐者以威仪也】威仪孔时君子有孝子孝子不匮永锡尔类【善也】其类维何室家之壶【广也】君子万年永锡祚【嗣也】其 维何天被尔禄【福也】君子万年景命有仆【附也】其仆维何厘尔女士厘【予也】尔女士从以孙子大雅十四篇曰鳧鷖五章章六句守成也太平之君子能持盈守成神只祖考安乐之也鳧鷖在泾公尸来燕来宁【鳧水鸟鷖属太平则万物众多】尔酒既清尔殽既馨【香之远闻】公尸燕饮福禄来成鳧鷖在沙【水旁也】公尸来燕来宜【宜其事也】尔酒既多【品齐多】尔殽既嘉【备而美】公尸燕饮福禄来为【厚为孝子也】鳧鷖在渚公尸来燕来处【止也】尔酒既湑尔殽伊脯公尸燕饮福禄来下鳧鷖在潒【水防也】公尸来燕来宗【尊也】既燕于宗福禄攸降公尸燕饮福禄来崇【重也】鳧鷖在薺【山絕水也】公尸来止熏熏【和說也】防酒欣欣【乐也】燔炙芬芬【香也】公尸燕饮无有后艰三十五年王居天位敬恭神人四夷賓服海内晏然百姓兴于礼义囹圄空虚刑措不用四十余年有唐虞氏之风焉是歲王崩諡曰康王子瑕立

昭王

六年甲午

十六年甲辰

二十六年甲寅

三十六年甲子

四十六年甲戌

五十一年王在位从不能强于政治风化稍衰有光五色贯紫防井水溢是歲王征荆蛮军旅

涉汉梁败王及祭公隤于汉王右辛余靡振王北济反振祭公王因是发疾崩諡曰昭王子满立生五十年矣

论曰史有谓昭王以楚人不朝南征济汉楚人密以胶舟进中流舟解王没于水若是则楚有不可赦之罪嗣王所当寝苫枕戈誓弗与共天下者也愚观穆王命君牙伯冏之文典雅 奥克己求善盖贤君也岂有忽弃君父而不动天下之兵以讨荆楚者哉疑好事者为之如尧幽囚舜野死之类也是以不取彼而取此

穆王

三年王既除丧愍文武之道缺举用贤才命君牙为司徒国史叙君牙曰穆王命君牙为周大司徒作君牙君牙王若曰呜呼君牙惟乃祖乃父世笃忠贞服劳王家厥有成绩纪于太常惟予小子嗣守文武成康遗绪亦维先王之臣克左右乱四方心之忧危若蹈虎尾涉春冰今命尔予翼作股肱心膂纘乃旧服无忝祖考 敷五典式和民则尔身克正罔敢弗正民心罔中惟尔之中夏暑雨小民惟曰怨咨冬祁寒小民亦惟曰怨咨厥惟艰哉思其艰以图其易民乃宁呜乎丕显哉文王谟丕承哉武王烈佑启我后人咸以正罔阙尔惟敬明乃训用奉若于先王对扬文武之光命追配于前人王若曰君牙乃惟由先正旧典时式民之治乱在兹率乃祖考之攸行昭乃辟之有义命伯冏为太仆国史叙冏命曰穆王命伯冏为周太仆正作冏命冏命王若曰伯冏惟予弗克于德嗣先人宅丕后怵惕惟厉中夜以兴思免厥愆昔在文武聪明齐圣小大之臣咸懷忠良其侍御仆从罔匪正人以旦夕承弼厥辟出入起居罔有不钦发号施令罔有不臧下民只若万邦咸休惟予一人无良实頼左右前后有位之士匡其不及绳愆纠缪格其非心俾克绍先烈今予命汝作大正正于群仆侍御之臣懋乃后德交修不逮慎简乃僚无以巧言令色便辟侧媚其惟吉士仆臣正厥后克正仆臣谏厥后自圣后德惟臣不德惟臣尔无昵于儉人充耳目之官迪上以非先王之典非人其吉惟货其吉若时瘝厥官惟尔大弗克只厥辟惟予汝辜王曰呜呼钦哉永弼乃后于彝宪

五年甲申

十五年甲午

二十五年甲辰

三十五年甲寅王将征犬戎祭公谋父諫曰先王耀德不观兵夫兵戢而时动动则威观则玩玩则无震是以先王之于民也茂正其德而厚其性阜其财求而利其器用明利害之乡以文脩之使之务利而辟害懷德而畏威故能保世以滋大至于武王致戎于商牧非务武也勤恤民隐而除其害也先王之制甸服者祭侯服者祀賓服者享要服者贡荒服者王日祭月祀时享歲贡终王有不祭则修意有不祀则修言有不享则修文有不贡则修名有不王则修德序成而有不至于是有刑不祭伐不祀征不享让不贡告不王布令陈辞而有不至则增修于德无勤民于遠是以近无不听遠无不服今自大毕伯士之终也犬戎氏以其职来王天子曰予

必以不享征之且观之兵无乃废先王之训而王几顿乎吾闻犬戎树敦率旧德而守终纯固其有以御我矣王不听遂征之得四白狼四白鹿以归由是荒服者不至周德始衰三十六年东巡至郑大骑之谷起春宵宫集诸方士言神仙宫阙园林有紫府黄庭玉京金阙玉树 台金堂蜃阁青溪洞府琼林之异于是王始好巡游羸蜚廉别子季胜之后有造父者得骅骝骥驥驎耳八骏马献于王王大喜欲周行天下求神仙西巡狩乐而忘返作白云黄竹之歌天下愁怨潢池之东有徐子偃者亦嬴姓也脩饰仁义诸夷归之者三十六国因僭称王王闻之疾驰而归造父为御起诸侯之师与荆楚合攻徐大破之偃王走死

论曰世传徐偃王仁义人也夫仁义之人无犯上之事无干时之虑今徐子朝诸侯僭王号犯上干时亦已甚矣其及也宜岂惟徐偃王为然后世亦有之如天水隗嚣尊礼贤士坐谈西伯自以为仁义者也然卒至于杀身亡宗盖施小惠以为仁立小节以为义虽足以欺惑愚众于须防亦终必亡而已矣若夫由仁义行者必无敌于天下岂有兵败国亡而身死于人手哉

乃赐造父以赵城为赵氏未几王又将出祭公谋父作祈招之诗以风王曰祈招之愔愔式昭德音思我王度式如玉式如金勤民之力而无醉饱之心王感而止命修词令以懷诸侯以柔四夷周遂再安

四十五年甲子王宠盛姬为作重璧之台

五十年王居位久教化衰刑罚繁思有以清之乃作吕刑国史叙吕刑曰穆王训夏赎刑作吕刑吕刑惟吕命王享国百年耄荒度作刑以诂四方王曰若古有训蚩尤惟始作乱延及于平民罔不寇贼鸱义奸宄夺攘矫虔苗民弗用灵制以刑惟作五虐之刑曰法杀戮无辜爰始淫为劓刵椓黥越兹丽刑并制罔差有辞民兴胥渐泯泯殍殍罔中于信以覆诅盟虐威庶戮方告无辜于上帝上帝监民罔有馨香德刑发闻惟腥皇帝哀矜庶戮之不辜报虐以威遏絶苗民无世在下乃命重黎絶地天通罔有降格羣后之逮在下明明棐常齔寡无盖皇帝清问下民齔寡有辞于苗德威惟畏德明惟明乃命三后恤功于民伯夷降典折民惟刑禹平水土主名山川稷降播种农殖嘉谷三后成功惟殷于民士制百姓于刑之中以教祗德穆穆在上明明在下灼于四方罔不惟德之勤故乃明于刑之中率义于民棐彝典狱非讫于威惟讫于富敬忌罔有择言在身惟克天德自作元命配享在下王曰嗟四方司政典狱非尔惟作天牧今尔何监非时伯夷播刑之迪其今尔何惩惟时苗民匪察于狱之丽罔择吉人观于五刑之中惟时庶威夺货断制五刑以乱无辜上帝不蠲降咎于苗苗民无辞于罚乃絶厥世王曰呜呼念之哉伯父伯兄仲叔季弟幼子童孙皆听朕言庶有格命今尔罔不由慰日勤尔罔或戒不勤天齐于民俾我一日非终惟终在人尔尚敬逆天命以奉我一人虽畏勿畏虽休勿休惟敬五刑以成三德一人有庆兆民赖之其宁惟永王曰吁来有邦有土告尔祥刑在今尔安百姓何择非人何敬非刑何度非及两造具备师听五辞五辞简孚正于五刑五刑不简正于五罚五罚不服正于五过五过之疵惟官惟反惟内惟货惟来其罪惟均其审克之五刑之疑有赦五罚之疑有赦其审克之简孚有众惟貌有稽无简不听具严天威墨辟疑赦其罚百鍰阅实其罪劓辟疑赦其罚惟倍阅实其罪剕辟疑赦其罚倍差阅实其罪宫辟疑赦其罚六百鍰阅实其罪大辟疑赦其罚千鍰阅实其罪墨罚之属千劓罚之属千剕罚之属五百宫罚之属三百

大辟之罚其属二百五刑之属三千上下比罪无僭乱辞勿用不行惟察惟法其审克之上刑适轻下服下刑适重上服轻重诸罚有权刑罚世轻世重惟齐非齐有伦有要罚惩非死人极于病非佞折狱惟良折狱罔非在中察辞于差非从惟从哀敬折狱明启刑书胥占咸庶中正其刑其罚其审克之狱成而孚输而孚其刑上备有并两刑王曰呜呼敬之哉官伯族姓朕言多惧朕敬于刑有德惟刑今天相民作配在下明清于单辞民之乱罔不中听狱之两辞无或私家于狱之两辞狱货非寔惟府辜功报以庶尤永畏惟罚非天不中惟人在命天罚不极庶民罔有令政在于天下王曰呜呼嗣孙今往何监非德于民之中尚明听之哉哲人惟刑无疆之辞属于五极咸中有庆受王嘉师监于兹祥刑

论曰攷吕刑则墨劓剕宫大辟乃苗民所作五虐之刑也苗民坐是以终世而先王亦遵用之者以是五刑治怙终之人盖五刑之极刑也贼人之肌体而绝其命一成而不可变故君子尽心焉穆王耄荒德虽下衰然能曲尽典狱之情伪以训戒天下后世其仁民之意厚矣孔子所以有取也亦不得中行而与之故思狂狷之意欤

五十五年甲戌王崩于只宫諡曰穆王子繄扈立

恭王

十年甲申

十二年王崩諡曰恭王子懿立

懿王

元年自王为政王室始衰徙都槐里

八年甲午

十八年甲辰齐侯不辰丁公曾孙也是为哀公齐国风首篇曰鸡鸣三章章四句思贤妃也哀公荒淫怠慢故陈贤妃贞女夙夜警戒相成之道焉鸡既鸣矣朝既盈矣【鸡鸣而夫人作朝盈而君作】匪鸡则鸣苍蝇之声【有似远鸡之鸣】东方明矣朝既昌矣【东方明则夫人纚笄而朝朝已昌盛则君听朝】匪东方则鸣月出之光【见月光以为东方明】虫飞薨薨甘与子同梦防且归矣无庶予子憎【无使众人以我故而憎子】齐国风二篇曰还三章章四句刺荒也哀公好畋猎从禽兽而无厌国人化之遂成风俗习于畋猎谓之贤闲于驰逐谓之好焉子之还兮【便捷之貌】遭我乎狹【山名】之间兮并【并也】驱从两肩【兽三岁曰肩】兮揖我谓我儇兮【利也】子之茂兮【美也】遭我乎狹之道兮并驱从两牡兮揖我谓我好兮子之昌兮【盛也】遭我乎狹之阳兮并驱从两狼兮揖我谓我臧兮齐国风三篇曰着三章章三句刺时也时不亲迎也俟我于着【门屏之间也】乎而充耳以素【象瑱】乎而尚之以琼华【美石土之服也】乎而俟我于庭乎而充耳以青【青玉】乎而尚

之以琼莹【石似玉卿大夫之服】乎而俟我于堂乎而充耳以黄【黄玉】乎而尚之以琼英【石似玉人君之服】乎而齐国风四篇曰东方之日二章章五句刺哀也君臣失道男女淫奔不能以礼化也东方之日兮【兴君不明故言其明未融】彼姝【初婚之貌】者子在我室兮在我室兮履【礼也】我即兮【就也】东方之月兮彼姝者子在我闼兮【兴臣之明】在我闼兮履我发兮【行也】齐国风五篇曰东方未明三章章四句刺无节也朝廷兴居无节号令不时挈壶氏不得掌其职焉东方未明颠倒衣裳【上曰衣下曰裳】颠之倒之自公召之东方未晞【明之始升】颠倒裳衣倒之颠之自公令之折柳樊圃【折柳以藩圃无益于禁】狂夫瞿瞿【无守之貌】不能辰【时也】夜不夙【早也】则莫【晚也】

二十五年王崩諡曰懿王恭王之弟辟方立

皇王大纪卷二十九

宋 胡宏 撰

三王纪

孝王

三年甲寅恶来之后有非子者居犬丘好马畜善养息之王命主马于汧渭之间马大蕃息王邑之 为附庸使续伯益之后号秦王之世大雹江汉冰牛马死

十三年甲子

十五年王崩諡曰孝王公卿诸侯立懿王太子燹

夷王

元年先王之制诸侯朝于天子天子不下堂王始下堂而见诸侯王室浸衰诸侯相侵伐或不来朝八年甲戌荆熊绎之五世孙曰熊渠甚得江汉民和于是西伐庸东侵 粤拓地至于鄂立其三子自为王居江上宋防仲曾孙潜公共舍长子弗父何而立弟熙潜公薨熙为君弟鲋弑之以国授弗父何弗父何弗受鲋自立卫顷公康叔之七世孙也衛首壊王制并邠鄘之地邠国风首篇曰柏舟五章章六句言仁而不遇也卫顷公之时仁人不遇小人在侧泛彼柏舟【柏宜为舟者泛流貌】亦泛其流【言不以济渡也】耿耿不寐如有隐忧防我无酒以邀以游我心匪鉴不可以茹【度也】亦有兄弟不可以据【依也】薄言往愬逢彼之怒我心匪石不可转也【石虽坚尚可转】我心匪席不可卷也【席虽平尚可卷】威仪棣棣【富而闲习也】不可选也【数也】忧心悄悄【忧貌】愠【怒也】于羣小鞫闵【病也】既多受侮不少静言思之寤辟【拊心】有擗【拊心之貌】日居月诸胡迭而防心之忧矣如匪澣衣【如衣之不澣】静言思之不能奋飞顷公薨子僖侯嗣

十六年王崩諡曰夷王子胡立

厉王

二年甲申

十二年甲午大雅十九篇曰民劳五章十句召穆公刺厉王也民亦劳止汔【危也或几也】可小康惠此中国以绥四方无纵诡随以谨无良【诡人之善随人之恶慎小以惩大也】式遏防虐慥【曾也】不畏明柔遠能迓以定我王民亦劳止汔可小休惠此中国以为民逖【合也聚也】无纵诡随以谨慥慥【大乱也】式遏防虐无俾民忧无弃尔劳以为王休民亦

劳止汔可小息惠此京师以绥四国无纵诡随以谨罔极式遏防虐无俾作慝【恶也】敬慎威仪以近有德民亦劳止汔可小惕【息也】惠此中国俾民忧泄【去也】无纵诡随以谨丑【众也】厉【危也或恶也】式遏防虐无俾正败戎【犹女也】虽小子而式【用也】

大民亦劳止汔可小安惠此中国国无有残无纵诡随以谨缙綌【反覆也】式遏寇虐无俾正反王欲玉女是用大諫凡伯周公之也入为王之卿士大雅二十篇曰板八章章八句凡伯刺厉王也上帝【君也】板板【反也】下民卒瘁【病也劳也】出话【善言也】不然【不行也】为犹【道也】不逮靡圣管管【无所依也】不实于亶【诚也】犹【图也】之未逮是用大諫天之方难无然宪宪【犹欣欣也】天之方蹶【动也】无然泄泄【犹沓沓也】辞之辑【和也】矣民之洽矣【合也】辞之怿矣【说也】民之莫【定也】矣我虽异事及尔同寮我即尔谋听我器器【犹警警也】我言维服【事也】勿以为笑先民有言询于刍荛【薪采也】天之方虐无然谗谗老夫灌灌【犹欸欸也】小子蹻蹻【骄傲貌】匪我言耄【老耄也】尔用忧谗多将熯熯【炽盛也】不可救药天之方憯无为夸毗威仪卒迷善人载尸民之方殿【呻吟也】屎则莫我敢葵丧乱蔑资【无财也】曾莫惠我师天之牖【道也】民如壘如篴【相和也】如璋如圭【相合也】如取如携【言必从也】携无曰益牖民孔易民之多辟无自立辟【法也】价【善也】人维藩【屏也】大师维垣【墙也】大邦维屏大宗维翰【王者天下之大宗干也】怀德维宁宗子维城无俾城壤无独斯畏敬天之怒无敢戏豫【逸豫也】敬天之渝无敢驰驱【自恣也】昊天曰明及尔出王【往也】昊天曰旦及尔游衍【游溢也】

二十二年甲辰大雅二十一篇曰荡八章章八句召穆公伤周室大壤也厉王无道天下荡荡无纲纪文章故作是诗也荡荡上帝【托言王也】下民之辟【君也】疾威【疾病威罪也】上帝其命多辟天生烝民其命匪谌【诚也】靡不有初鲜克有终文王曰咨咨汝殷商曾是彊【强梁也】御【夺也】曾是掊克曾是在位【列位】曾是在服【事也】天降滔【慢也】德女兴是力文王曰咨咨汝殷商而秉义类彊御多怱流言以对【遂也】防攘式内侯作侯祝【祝诅也】靡届靡究文王曰咨咨汝殷商女炁然【犹彭亨也】于中国敛怨以为德不明尔德时无背无侧【后无臣侧无人也】尔德不明以无陪无卿【无陪贰无卿士也】文王曰咨咨汝殷商天不湏尔以酒不义从式既愆尔止靡明靡晦式号式呼俾昼作夜文王曰咨咨女殷商如蜩如螗如沸如羹小大近丧人尚乎由行内爨【不醉而怒曰爨】于中国覃及一方【逮也】文王曰咨咨女殷商匪上帝不时殷不用旧虽无老成人尚有典刑曾是莫听大命以倾文王曰咨咨女殷商人亦有言颠沛【仆也防也】之揭【见根貌】枝叶未有害本实先拨【犹绝也】殷鉴不逮在夏后之世陈胡公四世孙幽公宁立陈国风首篇曰宛丘三章章四句刺幽公也淫荒昏乱游荡无度焉子之汤【荡也】兮宛丘【四方高中央下曰宛】之上兮洵【信也】有情兮而无望兮坎【击鼓声】其击鼓宛丘之下无冬无夏值【持也】其鹭羽【舞者所持之翳以鹭羽为之】坎其击缶【尽也】宛丘之道无冬无夏值其鹭翮【翳也】陈国风二篇曰东门之枌三章章四句疾乱也幽公淫荒风之所行男女弃其旧业亟防于道路歌舞于市井尔东门之枌【白榆也】宛丘之栩【杼也国之交防】子仲【陈大夫氏】之子婆娑【舞也】其下谷【善也】旦于差【择也】南方之原【原大夫氏】不绩其麻市也婆娑谷旦于逝越以鬲【数也】迈【行也】视尔如蒺【蒺苳也】贻我握椒【芬香也】

二十六年衛僖侯薨世子共伯蚤死其弟和嗣能修康叔之政百姓安集大雅二十二篇抑十二章三章章八句九章章十句卫武公刺厉王亦以自警也抑抑【密也审谛也】威仪维德之隅【廉也】人亦有言靡哲不愚【国有道则智无道则愚】庶人之愚亦职【主也】维疾哲人之愚亦维斯戾【罪也】无竞【竞也】维人四方其训之有觉【直也】德行四国顺之訏【大也】谟定命遠犹【道也图也】辰【时也】告敬慎威仪维民之则其在于今兴迷乱于政颠覆厥德荒湛于酒女虽湛乐从弗念厥绍【继也】罔敷求先王克共明刑【共执刑法也】肆皇天弗尚如彼泉流无沦【率也】胥以亡夙兴夜寐洒扫庭内维民之章【表也】修尔车马弓矢戎兵用戒戎作用遄【遠也】蚩方质【成也】尔人民谨尔侯度用戒不虞【非度也】慎尔出话【善言也】敬尔威仪无不柔嘉白圭之玷尚可磨也斯言之玷不可为也无易由言无曰苟矣莫扞【持也】朕舌言不可逝矣无言不讎【用也】无德不报惠于朋友庶民小子子孙绳绳万民靡不承视尔友君子辑【和也】柔尔顔不遐有愆相在尔室尚不媿于屋漏【西北隅谓之屋漏或曰屋小帐也漏隐也】无曰不显莫予云覲神之格【至也】思不可度思矧可射思辟【法也】尔为德俾臧俾嘉淑慎尔止【至也】不愆于仪不僭【差也】不贼鲜不为则投我以桃报之以李彼童而角【童羊之无角者而角自用也】实虺【溃也乱也】小子荏染柔木【柔忍之木】言缙【被也】之丝温温恭人维德之基其维哲人告之话言【善言也】顺德之行其维愚人覆【反也】谓我僭【不信也】民各有心于乎小子未知臧否匪手携之言示之事匪面命之言提其耳借【假也】曰未知亦既抱子民之靡盈谁夙【早也】知而莫【晚也】成昊天孔昭我生靡乐视尔梦梦【乱也】我心惨惨【不乐也】海尔谆谆听我藐藐【不入也】匪用为教覆用为虐借曰未知亦聿既耄【老也】于乎小子告尔旧止听用我谋庶无大悔天方艰难曰丧厥国取譬不遠昊天不忒回遹其德俾民大棘鄘国风首篇曰柏舟二章章七句共姜自誓也衛世子共伯早死其妻守义父母欲夺而嫁之誓而弗许故作是诗以絕之泛彼柏舟在彼中河髧【两髧之貌】彼两髧【髮至眉子事父母之飾】实维我仪【匹也】之死矢靡它【至死誓无它心】母也天【父也】只不谅【信也】人只泛彼柏舟在彼河侧髧彼两髧实维我特【匹也】之死矢靡慝【邪也】母也天只不谅人只

二十八年齐侯山薨哀公母弟也諡曰献侯

二十一年王說荣夷公芮良夫曰荣夷公好专利而不知大难夫利百物之所生也天地之所载也王人导利而布之上下使神人百物无不得其极犹曰恐惧怨之来也今王学专利而不辟大难其可也匹夫专利犹谓之盗王而行之其归鲜矣王卒以荣夷公为卿士政益暴虐大雅二十三篇曰桑柔十六章八章章八句八章章六句芮伯刺厉王也苑【茂也】彼桑柔其下侯【大也】旬【言陰均也】捋采其刘【杀也陈也】瘼【病也】此下民不殄【絕大除也】心忧仓【创也】兄【滋也】填兮【塞也久也】倬【明大貌】彼昊天宁不我矜四牡騤騤【不息也】旃旌有翩【行不息貌】乱生不夷【平也】靡国不泯【灭也】民靡有黎【齐也】具【俱也】祸以烬【灾余也】于乎有哀国步斯频【急也】国步蔑资【基也】天不我将靡所止疑【定也】云徂何往君子实维秉心无竞【强也】谁生厉【恶也】阶至今为梗【病也】忧心慙慙念我土宇我生不辰逢天憯【厚也】怒自西徂东靡所定处多我覲 孔棘我圉【垂也】为谋为毖【慎也】乱况斯削告尔忧恤海尔序爵

谁能执热逝不以濯【濯所以救热礼所以救乱】其何能淑载胥及溺如彼邈【乡也】风亦孔之僇【僝也不能舒息也】民有肃心莽【使也】云不逮好是稼穡力民代食稼穡维寶代食维好天降丧乱灭我立王降此蠹贼【虫食根曰蠹食节曰贼】稼穡卒【尽也】瘁【病也】哀恫【痛也】中国具赘【连属也】卒荒【虐也】靡有旅力以念穹苍维此惠君民人所瞻秉心宣【徧也】犹【谋也】考慎其相【质也或曰辅相也】维彼不顺自独俾臧【使人谓我善也】自有肺肠俾民卒狂瞻彼中林甡甡【众多成群也】其鹿朋友已潜不胥以谷【相欺背不以善相与】人亦有言进退维谷【穷也】维此圣人瞻言百里【遠虑也】维彼愚人覆狂以喜匪言不能胡斯畏忌维此良人弗求弗迪【进也】维彼忍心是顾是复民之贪乱宁为荼毒大风有隧【道也】有空大谷维此良人作为式谷维彼不顺征以中垢【言闇冥也】大风有隧贪人败类【善也】听言则对诵言如醉匪用其良覆【反也】俾我悖嗟尔朋友予岂不知而作如彼飞虫时亦弋获既之陰女反予来赫【炙也】民之罔极职谅【薄也】善背为民不利如云不克民之回遹职竞用力民之未戾【定也】职盗为寇凉曰不可覆背善詈虽曰匪予既作尔歌

三十二年甲寅

三十四年时荆楚寇于南獫狁寇于北淮夷寇于东命虢公征之不克徵敛数起虐用其民民不堪命聚议而兴谤召穆公以告王怒得卫巫使纠谤者収杀之人莫敢言道路以目王喜曰吾能弭谤矣穆公对曰古者天子听政使公卿至于列士献诗瞽献典史献书师箴瞽赋蒙诵百工谏庶人传语近臣尽规亲戚补察瞽史教诲耆艾修之而后王斟酌焉是以行事而不悖民之有口犹土之有川也川壅而溃伤人必多民亦如之是故善为川者决之使导善为民者宣之使言今王障之其与能几何王不听

二十七年京师愤愤王无所容乃流于彘在汾水之上实河东永安天下莫与太子静保于召穆公之宫穆公素得民心与周公奉太子监国训谕国人国人乃定二伯行政谓之共和诸侯相侵伐或朝或不朝

三十八年晋虞叔六世孙司徒立是为僖公唐国风首篇曰蟋蟀三章章八句刺晋僖公也俭不中礼故作是诗以闵之欲其及时以礼自娱乐也此晋也而谓之唐本其风俗忧深思远俭而用礼有尧之遗风焉蟋蟀【蛭也】在堂【九月】歳聿【遂也】其莫今我不乐日月其除【去也】无已【甚也】太康【乐也】职【主也】思其居好乐无荒【大也】良士瞿瞿【瞿瞿然顾礼义也】蟋蟀在堂歳聿其逝今我不乐日月其迈无已太康职思其外【礼乐之外】好乐无荒良士蹶蹶【动而敏于事】蟋蟀在堂役车其休今我不乐日月其慆【过也】无已大康职思其忧【可忧也】好乐无荒良士休休【乐道之心】秦非子曾孙仲好贤用兵攻夺西戎地其邑始大秦国风首篇曰车邻美秦仲也秦仲始大有车马礼乐侍御之好焉有车邻邻【众车声】有马白颠【的颡也】未见君子寺人【内小臣】之令阪【陂者曰阪】有漆隰有栗既见君子竝坐鼓瑟【又见其礼乐焉】今者不乐逝者其耄【老也】阪有桑隰有杨既见君子并坐鼓簧【笙也】今者不乐逝者其亡【丧弃也】

四十二年甲子王在彘

五十一年王死于彘諡曰厉王周召二伯知太子之有志也遂奉太子即位是歲旱

皇王大纪卷三十

宋 胡宏 撰

三王纪

宣王

元年甲戌

二年天下大旱

三年旱

四年旱

五年旱

六年大旱大雅二十四篇曰云汉八章章十句仍叔美宣王也宣王承厉王之烈内有拨乱之志遇裁而惧侧身脩行欲销去之天下喜于王化复行百姓见忧故作是诗也倬彼云汉【天河也】昭回【转】于天王曰于乎何辜今之人天降丧乱饥馑荐【重也】臻【至也】靡神不举靡爱斯牲圭璧既卒宁莫我听旱既太甚蕴【言暑也】隆【言雷也】虫虫【言热也】不殄【絶也】禋祀自郊徂宫上下奠瘗靡神不宗【上天下地奠礼瘗物宗尊也】后稷不克上帝不临耗斁下土宁丁【当也】我躬旱既大甚则不可推【去也】兢兢【恐也】业业【危也】如霆如雷周余黎民靡有孑遗昊天上帝则不我遗胡不相畏先祖于摧【至也】旱既大甚则不可沮【止也】赫赫【旱气】炎炎【热气】云我无所大命近止靡瞻靡顾羣公先正【百辟卿士也】则不我助父母先祖胡宁忍予旱既太甚淅淅山川【旱气山无木川无水也】旱魃【旱神也】为虐如惓【燎之也】如焚我心憊【劳也】暑忧心如熏【灼也】羣公先正则不我闻昊天上帝宁俾我遯旱既太甚黽勉畏去胡宁瘝【病也】我以旱僯不知其故祈年孔夙方社不莫昊天上帝则不我虞敬恭明神宜无悔【恨也】怒旱既太甚散无友纪鞫哉庶正疚哉冢宰趣马师氏膳夫左右【歲防则杀礼百官禄饩不足矣】靡人不周【救也】无不能止瞻印昊天云如何里【或云忧也】瞻印昊天有嘒【众星貌】其星大夫君子昭假无嬴大命近止无弃尔成何求为我以戾【定也】庶正瞻印昊天曷惠其宁大雅二十五篇曰崧高八章章八句尹吉甫美宣王也天下复平能建国亲诸侯褒赏申伯焉崧高维岳骏【大也】极于天维岳降神生甫及申维申及甫维周之翰【干也】四国于蕃四方于宣亶亶申伯王纘之事于邑于谢【周之南国也】南国是式王命召伯定申伯之宅登【成也】是南邦世执其功【事也】王命申伯式是南邦因是谢人以作尔庸【城也】王命召伯彻【治也】申伯土田王命傅御【治事之官】迁其私人【家人也】申伯之功召伯是营有俶【作也】其城寢庙既成既成藐藐【高美貌】王锡申伯

四牡騤騤【牡貌】钩膺【樊纓也】濯濯【光明也】王遣申伯路车乘马【四马也】我图尔居莫如南土锡尔介圭以作尔寶往近【已也】王舅【申伯宣王之舅】南土是保申伯信迈王饒于郿申伯还南谢于诚归王命召伯彻申伯土疆以峙其粳式遏其行申伯番番【武勇也】既入于谢徒御咺咺【喜乐也安舒也】周邦咸喜戎有良翰不【丕也】显申伯王之元舅文武是宪【有文有武可为表式】申伯之德柔惠且直揉此万邦闻于四国吉甫作诵其诗孔硕其风肆【长也】好以赠申伯王以樊侯仲山甫为相大雅二十六篇曰烝民八章章八句尹吉甫美宣王也任贤使能周室中兴焉天生烝【众也】民有物【事也】有则【法也】民之秉彝【常也】好是懿【美也】德天监有周昭假于下保兹天子生仲山甫仲山甫之德柔嘉维则令仪令色小心翼翼古【故也】训【道也】是式威仪是力天子是若【顺也】明命使赋【布也】王命仲山甫式是百辟纘戎【大也】祖考王躬是保出纳王命王之喉舌【冢宰也】赋政于外四方爰发肃肃王命仲山甫将【行也】之邦国若否仲山甫明之既明且哲以保其身夙夜匪解以事一人人亦有言柔则茹之刚则吐之维仲山甫柔亦不茹刚亦不吐不侮矜寡不畏彊御人亦有言德輶如毛【轻也】民鲜克举之我仪【宦也】图之维仲山甫举之爱【隐也或曰惜也】莫助之袞【君之上服】职【王职也】有阙维仲山甫补之仲山甫出祖四牡业业【言高大也】征夫捷捷【言乐事也】每懷靡及四牡彭彭【盛也】八鸾锵锵【鸣声】王命仲山甫城彼东方四牡騤騤八鸾喈喈仲山甫徂齐式遏其归【言周人望其速回也】吉甫作诵穆如清风【清防之风養万物者也】仲山甫永懷以慰其心大雅二十七篇曰韩奕六章章十二句尹吉甫美宣王也能锡命诸侯奕奕梁山维禹甸【治之】之有倬其道【有倬如之道】韩侯受命王亲命之纘戎【大也】祖考无废朕命夙夜匪解防共【固执也】尔位朕命不易干不庭【直方】方以佐戎辟四牡奕奕孔脩【长也】且张【大也】韩侯入覲以其介圭入覲于王王锡韩侯淑【善也】旂绥章【所引以登车有采章也】簟茀【车蔽也】错衡【文衡也】袞赤舄钩膺【樊纓也】镂锡【眉上曰锡今之当卢以金饰之】鞞鞞【革鞞中也】浅幘【虎皮覆式浅毛也】幘革【鞞也】金厄【鸟蠲也】韩侯出祖出宿于屠【地名】显父【有显德者】饒之清酒百壶其殽维何𩚑鼈鲜鱼其防【菜殽也】维何维笋及蒲【蒻也】其赠维何乘马路车笱豆有且【多貌】侯氏燕胥【皆也】韩侯取妻汾王【大也或云指厉王也】之甥蹇父【卿士也】之子韩侯迎止于蹇之里百两彭彭八鸾锵锵不【丕字】显其光诸娣从之祁祁【徐靚也】如云韩侯顾之烂其盈门蹇父【姑蹇父姓也】孔武靡国不到为韩姑相攸莫如韩乐孔乐韩土川泽訏訏【大也】魴鱮甫甫【大也】麀鹿嘒嘒【众也】有熊有罴有猫有虎庆既令居韩姑燕誉溥【大也】彼韩城燕【安也】师【众也】所完以先祖受命因时百蛮王锡韩侯其追其貊奄受百国【韩侯之先武王之子也长是蛮服之百国抚戎狄追貊之国】因以其伯实【寔也是也】墉实壑【沟也】实畝实籍献其貔皮赤豹黄罴【皆猛兽也】大雅二十八篇曰江汉六章章八句尹吉甫美宣王也能兴衰拨乱命召公平淮夷江汉浮浮【广强貌】武夫滔滔匪安匪游淮夷来求既出我车既设我旗匪安匪舒淮夷来铺【病也】江汉汤汤武夫洸洸【武貌】经营四方告成于王四方既平王国庶定时靡有争王心载宁江汉之浒【水瀍也】王命召虎式辟四方彻我疆土匪疚【病也】匪棘【急也】王国来极【中也】于疆于理至于南海王命召虎来【勤也】旬【营也】来宣【徧也】文武受命召公维翰无曰予小子召公是似【嗣也】肇【谋也】敏【疾也】戎【大也】公【事也】用锡尔祉厘【赐也】尔圭瓚秬鬯一卣【黑黍香草】

酒一器也】告于文人锡山土田于周受命自召祖命虎拜稽首天子万年虎拜稽首对【遂也】王休作召公考【成也】天子万寿明明天子令闻不已矢【施也】其文德洽此四国大雅二十九篇曰常武六章章八句召穆公美宣王也有常德以立武事因以戒焉赫赫明明王命卿士南仲大祖大师皇父整我六师以脩我戎既敬既戒惠此南国王谓尹氏命程伯休父左右陈行戒我师旅率彼淮浦省此徐土不留不处三事就绪【诛其君吊其民为之立三有事之臣】赫赫业业【动也】有严天子王舒【徐也】保【安也】作匪绍匪游【不敢继以傲游也】徐方绎骚震惊徐方如雷如霆徐方震惊王奋厥武如震如怒进厥虎臣阚如虓虎铺敦淮瀆【陈屯其兵于淮水之厓也】仍执丑虏截【治也】彼淮浦王师之所王旅啍啍【盛貌】如飞如翰如江如汉如山之苞如川之流縣縣翼翼【覲以敬也】不测不克濯【大也】征徐国王犹【谋也】允塞徐方既来徐方既同天子之功四方既平徐方来庭徐方不回王曰还归重黎羲和世叙天地掌四岳之祀述诸侯之职陶虞之时姜氏为四伯歷虞夏商不失其守至周有甫有申有齐有许皆其苗胄也程伯休父始为大司马焉王尝视朝而宴姜后脱簪珥待罪于永巷王退朝使傅姆请曰王乐欲而不崇德弃礼而怠于政乱之兴自妾始妾岂能受天下之诛愿赐以死王愀然变色使命后曰是寡人之过也夙兴夜寝勤于政事厉王之时鹿鸣废而和乐阙矣常棣废而兄弟阙矣伐木废而朋友阙矣四牡废而君臣阙矣皇皇者华废而忠信阙矣天保废而福祿阙矣采芣废而征伐阙矣出车废而功力阙矣杕杜废而师众阙矣鱼丽废而法度阙矣南陔废而孝友阙矣白华废而廉耻阙矣华黍废而蓄积阙矣由庚废而陰阳失其道理矣南有嘉鱼废而贤者不安下不得其所矣崇丘废而万物失其道理矣蓼萧废而恩泽乖矣湛露废而万国离矣彤弓废而诸夏衰矣菁菁者莪废而无礼仪矣小雅尽废故四夷交侵中国微矣小雅二十三篇曰六月六章章八句宣王北伐也六月栖栖【简阅貌】戎车既饬四牡騤騤载是常服【日月为常服戎服】玃狁孔炽我是用急王于出征以匡王国比物四骊闲之维则【物是毛物也则法也言先教战】维此六月既成我服我服既成于三十里【师行三十里】王于出征以佐天子【出征以佐其为天子】四牡脩广其大有颡【大貌】薄伐玃狁以奏【为也】肤【大也】公【功也】有严【威也】有翼【敬也】共武之服共武之服以定王国玃狁匪茹整居焦获【周地接狄者】侵镐【北方地】及方至于涇阳织文鸟章白旆【继旐者也】央央【鲜明貌】元戎十乘以先启行戎车既安如轻如轩【从后视之如轻从前视之如轩】四牡既佶【壮健貌】既佶且闲薄伐玃狁至于太原文武吉甫万邦为宪吉甫燕喜既多受祉来归自镐我行永从饮御【进也】诸友【恩旧】魴鼈鰈鲤侯【维也】谁在矣张仲孝友荆楚盛强王命方叔帅车三千乘征之楚人震恐去王号小雅二十四篇曰采芣四章章十二句宣王南征也薄言采芣【芣菜也】于彼新田于此菑畝【言宣王能新美天下之士也】方叔涖止其车三千师干之试【方叔卿士受命为将临众试之也】方叔率止乘其四骐四骐翼翼路车有奭【赤貌】簟茀鱼服钩膺【樊纓也】幃革【轡有垂也】薄言采芣于彼新田于此中乡方叔涖止其车三千旂旐央央方叔率止约軹错衡【朱而约之文衡】八鸾玃玃【声也】服其命服朱芾斯皇有珣【声也】葱【苍也】珩【三命葱珩】馱彼飞隼其飞戾天亦集爰止方叔涖止其车三千师干之试方叔率止钲人伐鼓【钲以静之鼓以动之也】陈师鞠【告也】旅显允方叔伐鼓渊渊【声也】振旅闐闐蠢【动也】尔蛮荆大邦为雠方叔元老克壮其犹方叔率止执讯获丑戎车啍啍啍啍焯焯【众盛貌】如霆如雷显允方叔征伐玃狁蛮荆来威小雅二十五篇曰车攻八章章四句宣王复古也宣王能内脩政事外攘夷狄复文

武之境土脩车马备器械复防诸侯于东都因田猎而选车徒焉我车既攻【坚也】我马既同【齐也宗庙齐豪尚纯戎事齐力尚强也田猎齐足尚疾也】四牡庞庞【充实也】驾言徂东【之洛也】田车既好四牡孔阜东有甫草【大也】驾言行狩之子于苗选徒器器建旄设旄搏兽于敖【地名】驾彼四牡四牡奕奕【言诸侯来防也】赤芾金舄防同有绎【陈也】决【钩】拾【遂也】既饮【利也】弓矢既调射夫既同助我举柴【积也】四黄既驾两骖不猗【御者良也】不失其驰舍矢如破【习射御法也】萧萧马鸣悠悠旆旌【不諠哗也】徒御不惊大庖不盈之子于征有闻无声【肃也】允矣君子展也大成小雅二十六篇曰吉日四章章六句美宣王田猎也能慎防接下无不自尽以奉其上焉吉日维戊【戊午皆刚日也】既伯既祷【伯马祖也】田车既好四牡孔阜升彼大阜从其羣丑吉日庚午既差【择也】我马兽之所同麀鹿【鹿牝曰麀】麋麋【多也】漆沮之从天子之所【从漆沮驱来也】瞻彼中原其祁【大也】孔有儻儻俟俟或羣或友悉率左右以燕天子既张我弓既挟我矢发彼小豸殪此大兕【一发而死曰殪】以御賓客且以酌醴

十年陈侯薨諡曰幽公子孝嗣是为僖公陈国风三篇曰衡门三章章四句诱僖公也愿而无立志故作是诗以诱掖其君也【横木为门言浅陋也】衡门之下可以栖迟【游息也】泌【泉水也】之洋洋【广大也】可以乐饥【乐道忘饥】岂其食鱼必河之魴岂其娶妻必齐之姜岂其食鱼必河之鲤岂其娶妻必宋之子陈国风四篇曰东门之池三章章四句刺时也疾其君之淫昏而思贤女以配君子也东门之池可以沤麻彼美淑姬可与晤【遇也对也】歌东门之池可以沤纈彼美淑姬可与晤语东门之池可以沤菅彼美淑姬可与晤言陈国风五篇曰东门之杨二章章四句刺时也昏姻失时男女多违亲迎女犹有不至也东门之杨其叶牂牂【盛貌】昏以为期明星煌煌东门之杨其叶肺肺【亦盛貌】昏以为期明星哲哲

十一年甲申小雅二十七篇曰鸿鴈三章章六句美宣王也万民离散不安其居而能劳来还定安集之至于鰥寡无不得所焉鸿鴈于飞【大曰鸿小曰鴈】肃肃其羽【羽声】之子【侯伯卿士】于征劬劳于野爰及矜人哀此鰥寡鸿鴈于飞集于中泽之子于垣百堵皆作【一丈为板五丈为堵】虽则劬劳其究安宅鸿鴈于飞哀鸣嗃嗃维此哲人谓我劬劳维彼愚人谓我宣【示也】骄秦仲战死于西戎破之自厉王之流籍田礼废虢文公言于王曰民之大事在农上帝之粢盛于是乎出民之蕃庶于是乎生事之供给于是乎在和協辑穆于是乎兴财用蕃殖于是乎始敦庞纯固于是乎成今天子脩先王之绪而弃其大功匮神乏祀而困民之财将何以求福用民王不能从

十二年初鲁侯伯禽薨子考公酋无子立弟炀公熙自熙至鲁侯敖子弟更立六世矣是年敖来朝以其子括与戏见王王欲立戏仲山甫曰不可不顺必犯犯命必诛故出令不可不顺也行而不顺民将弃上夫下事上少事长所以为顺也今建其少是教逆也若鲁从之诸侯效之王命将有所壅若其不从而诛之是自诛也是事也诛亦失不诛亦失夏鲁侯归而薨諡曰武公王卒立戏是后诸侯多不遵先王之制矣齐侯无忌暴虐不道国人杀之諡曰厉公立其子赤赤诛杀厉公者七十人

十六年晋侯费立僖公之孙也徙都于绛

二十一年甲午小雅二十八篇曰庭燎三章章五句美宣王也因以箴之夜如何其夜未央庭燎【大烛也】之光【光也】君子至止鸾声将将夜如何其夜未艾【芟末曰艾】庭燎晰晰【明也】君子至止鸾声嘒嘒夜如何其夜乡晨庭燎有辉【光明防也】君子至止言观其旂小雅二十九篇曰沔水三章二章章八句一章六句规宣王也沔彼流水朝宗于海【水犹有所朝宗也】馱彼飞隼载飞载止嗟我兄弟【同姓臣也】邦人诸友【异姓臣也】莫肯念乱谁无父母沔彼流水其流汤汤【言放纵无所归也】馱彼飞隼载飞载扬念彼不迹【不循道也】载起载行心之忧矣不可弭【止也】忘馱彼飞隼率彼中陵民之讹言宁莫之惩我友敬矣谗言其兴小雅三十篇曰鹤鸣二章章九句海宣王也鹤鸣于九臯【深遠之泽也】声闻于野鱼潜在渊或在于渚乐彼之园爰有树檀其下维箝他山之石可以为错【石错可以琢玉】鹤鸣于九臯声闻于天鱼在于渚或潜在渊乐彼之园爰有树檀其下维谷【恶木】他山之石可以攻玉鲁人奉括之子伯御弑其君戏谥曰懿公二十二年王封母弟友于郑锡之祊田为巡狩助祭泰山汤沐之邑

二十三年晋侯伐条

三十年有兔舞于镐京

三十一年甲辰小雅三十一篇曰祈父三章章四句刺宣王也祈父【司马也祈圻畿同】予王之爪牙胡转予于恤靡所止居祈父予王之爪士胡转予于恤靡所底止祈父亶不聪胡转予于恤有母之尸饔小雅三十二篇曰白驹四章章六句大夫刺宣王也皎皎白驹【宣王之末贤者有乘白驹而去者】食我场苗絜之维之以永今朝所谓伊人于焉逍遥皎皎白驹食我场藿絜之维之以永今夕所谓伊人于焉嘉客皎皎白驹赅然来思尔公尔侯逸豫无期慎尔优游勉尔遁思皎皎白驹在彼空谷生刍一束其人如玉母金玉尔音而有遐心小雅三十三篇曰黄鸟三章章七句刺宣王也黄鸟黄鸟无集于谷无啄我粟此邦之人不我肯谷言旋言归复我邦族黄鸟黄鸟无集于桑无啄我梁此邦之人不可与明言旋言归复我诸兄黄鸟黄鸟无集于栩无啄我黍此邦之人不可与处言旋言归复我诸父小雅三十四篇曰我行其野三章章六句刺宣王也我行其野蔽芾其樗【恶木也】昏姻之故言就尔居尔不我畜复我邦家我行其野言采其蓫【恶菜也】昏姻之故言就尔宿尔不我畜言归思复我行其野言采其葍【亦恶菜也】不思旧姻求尔新特【外昏】成不以富亦只以异小雅三十五篇曰斯干九章四章章七句五章章五句宣王考室也秩秩【流行也】斯干【涧也】幽幽南山如竹苞矣如松茂矣兄及弟矣式相好矣无相犹【道也病也】矣似【嗣也】续妣祖筑室百堵西南其户爰居爰处爰笑爰语约【缩板】之阁阁榑【防土也】之橐橐风雨攸除鸟防攸去君子攸芋【大也覆也】如跂斯翼如矢斯棘如鸟斯革如翬斯飞君子攸跻殖殖【平正也】其庭有觉【大】其楹诤诤其正嘒嘒其冥【正昼冥夜也言寔明】君子攸宁下莞【蒲席】上簟【竹也】乃安斯寝乃寝乃兴乃占我梦吉梦维何维熊维罴维虺维蛇大人占之维熊维罴男子之祥维虺维蛇女子之祥乃生男子载寝之牀载衣之裳载弄之璋【昼日衣下之絺也半圭曰璋臣之职也】其泣嗶嗶朱芾斯皇【芾天子纯朱诸侯黄】室

家君王乃生女子载寝之地载衣之褐载弄之瓦【褐褌也夜衣也瓦纺砖也】无非无仪唯酒食是议无父母贻罹小雅三十六篇曰无羊四章章八句宣王考牧也谁谓尔无羊三百维羣谁谓尔无牛九十其牯【黄牛黑唇曰牯】尔羊来思其角濈濈尔牛来思其耳湿湿或降于阿或饮于池或寝或讹【动也】尔牧来思何蓑何笠或负其糒三十维物【异毛色者三十也】尔牲则具尔牧来思以薪以蒸以雌以雄尔羊来思矜矜兢兢【言坚强也】不騫【亏也】不崩【群疾也】麾之以肱毕来既升【从人意也】牧人乃梦众维鱼矣旐维旐矣大人占之众维鱼矣实维丰年【陰阳和而鱼众多】旐维旐矣室家溱溱【众也旐旐所以聚众】

三十二年王师伐鲁诛伯御立懿公之弟称王欲得国子之能训导诸侯者仲山甫曰鲁侯肃恭明神敬事耆老赋事行刑必问于遗训而咨于故实不干所问不犯所咨于是命鲁侯于夷宫以为侯伯尹吉甫之子伯奇事父母孝后母疾之谮于吉甫吉甫放之伯奇抱石自投于河

三十九年王伐姜戎战于千畝王师败绩晋侯击却戎兵全师以归晋侯取齐姜以条之役生世子命之曰仇是战也生少子命之曰成师师服曰异哉君之名子也四十年王既丧南国之师将料大原之民仲山甫曰古者司民协孤终司商协名姓司徒协旅司防协奸牧协职工协革场协入廩协出是则少多死生出入往来者皆可知也于是又审之以事王治农于籍春搜夏苗秋猕冬狩是皆习民数者也又何料焉王卒料之人民咨怨

四十一年甲寅启商之时作倒薤篆者至于文王有赤雀衔书丹鸟入室之瑞而作鸟书王之世史籀作大篆

四十三年王杀杜伯杜伯无辜其子隰叔奔晋

四十六年王防诸侯田于圃日中见杜伯起于道左朱衣朱冠操朱弓朱矢射王若中心折脊者王暴崩諡曰宣王太子湫立

皇王大纪卷三十一

宋 胡宏 撰

三王纪

幽王

二年泾渭洛三川震伯阳父曰天地之气不失其序若过其序民乱之也阳伏而不能出陰迫而不能烝于是有地震阳失而在陰川源必塞塞必竭竭必崩夫国依山川而崩竭亡之徵也昔伊洛竭而夏亡河竭而商亡今周德若二代之季矣不亡何待若亡不过十年天之纪也未几三川竭岐山崩小雅三十七篇曰节南山十章六章章八句四章章四句家父刺幽王也节【高峻貌】彼南山维石岩岩【积石貌】赫赫【显盛貌】师尹【尹氏】民具【俱也】尔瞻【视也】忧心如惓【燔也】不敢戏谈国既卒【尽也】斩【断也】何用不监【视也】节彼南山有实【满也】其猗【长也】赫赫师尹不平谓何天方荐【重也】瘥【病也】丧乱 多民言无嘉防【曾】莫惩嗟尹氏大师维周之氏【本也】秉国之均【平也】四方是维【制也持也】天子是毗【辅也】俾民不迷不吊【至也】昊天不宜空【穷也】我师弗躬弗亲庶民弗信弗问弗仕【察也】勿罔君子式夷式已【用平则已也】无小人殆琐琐【小貌】姻亚则无膺仕【婿之父相谓曰姻两壻曰亚膺厚也】昊天不佣【均也】降此鞠【盈也】讻【讼也】昊天不惠防此大戾【乖也】君子如届【极也】俾民心阕【息也】君子如夷【平易也】恶怒是违【则民乖争之情去】不吊昊天乱靡有定式月斯生【月月益甚也】俾民不宁忧心如醒【病酒曰醒】谁秉国成【平也】不自为政卒劳百姓驾彼四牡四牡项【大也】领我瞻四方蹙蹙【缩小貌】靡所骋【驰也】方茂【勉也】尔恶相尔矛矣既夷既怿【服也】如相醺【醉也】矣昊天不平我王不宁不惩其心覆怨其正【长也】家父【大夫也】作诵以究王讻式讹【化也】尔心以畜万邦

三年初王娶于申生太子宜臼又得褒姒王爱之甚生子伯服有鬻石父者以巧佞得幸比于褒姒而譖太子及申后王信之废后黜太子于申立伯服为太子以石父为卿王之世日暈再重内赤外青中有黑画贯上下小雅三十八篇曰正月十二章八章章八句五章章六句大夫刺幽王也正月【夏四月】繁【多也】霜我心忧伤民之讹言亦孔之将【大也】念我独兮忧心京京【忧不去也】哀我小心癯【病也】忧以痒【亦病也】父母生我胡俾我瘵【病也】不自我先不自我后好言自口莠【丑也】言自口忧心愈愈【忧惧也】是以有侮忧心惻惻【忧意也】念我无禄民之无辜并其臣仆【古者有罪不入于刑则役之圜上以为臣仆】哀我人斯于何从禄瞻乌爰止于谁之屋【富人之屋乌所集也】瞻彼中林侯【维也】薪侯蒸民今方殆【危也】视天梦梦【梦梦然乱也】既克有定靡人弗胜有皇上帝伊谁云憎【恶也】谓山盖卑为冈为陵【在位非君子也】民之讹言宁莫之惩召彼故老【元老也】讯【问也】之占夢具曰予圣谁知乌之雌雄谓天盖高不敢不局【曲也】谓地盖厚不敢不踣【累足也】维号斯言有伦【道也】有脊【理也】哀今之人胡为

虺蜴【螭也】瞻彼阪田【崎岖之处】有苑其特【苑然特茂】天之扪【动也】我如不我克【谓其迅疾也】彼求我则如不我得执我仇仇【匹也类也】亦不我力心之忧矣如或结之今兹之正【长也】胡然厉【恶也】矣燎之方扬宁或灭之赫赫宗周褒姒威之终其永懷又窘【困也】陰雨【喻君有难】其车既载乃弃尔辅载输【堕也】尔载将【请也】伯【长也】助子无弃尔辅员【益也】于尔辐屡顾尔仆不输尔载终逾絶险曾是不意【不以为意】鱼在于沼亦匪克乐潛虽伏矣亦孔之炤忧心惨惨念国之为虐彼有防酒又有嘉殽【言礼物备】洽比其邻昏姻孔云念我独兮忧心慙慙【痛也】岵岵【小也】彼有屋防防【陋也】方有谷民今之无禄天天是防【天之防之也】哿【可也】矣富人哀此惇独小雅三十九篇曰十月之交八章章八句大夫刺幽王也十月之交朔日辛卯日有食之亦孔之丑彼月而防此日而防【月臣道日君道】今此下民亦孔之哀日月告防不用其行四国无政不用其良彼月而食则维其常此日而食于何不臧 燁震电不宁不令百川沸腾山冢卒崩高防为谷深谷为陵哀今之人胡防莫惩皇父卿士番维司徒家伯冢宰仲允膳夫聚子内史蹇维趣马樛维师氏【皇父家伯仲允皆字番聚蹇樛皆氏】艳妻【褒姒美色曰艳】煽【炽也】方处抑此皇父岂曰不时【是也】胡为我作不即我谋彻我墙屋田卒污莱【下则污高则莱】曰予不戕礼则然矣皇父孔圣【自谓圣也】作都于向【邑名】择三有事【侯国三卿】亶侯多藏【信维贪人多藏也】不憯遗一老俾守我王择有车马以居徂向龟勉从事不敢告劳无罪无辜谗口嚣嚣下民之孽匪降自天噂沓背憎职竞由人悠悠【忧也】我里【居也】亦孔之瘁【病也】四方有美我独居忧民莫不逸我独不敢休天命不彻【道也通也】我不敢效我友自逸【亲属之臣心不能已】小雅四十篇曰雨无正七章二章章十句二章章八句三章章六句大夫刺幽王也雨自上下者也众多如雨而非所以为政也浩浩昊天不骏【长也】其德降丧饥馑【谷不熟曰饥蔬不熟曰馑】斨伐四国旻天疾威弗虐弗图舍【除也】彼有罪既伏其辜若此无罪沦【率也】胥【相也】以铺【徧也】周宗既灭靡所止戾【定也】正【长也】大夫离居莫知我勩【劳也】三事大夫莫肯夙夜邦君诸侯莫肯朝夕庶曰式臧覆【反也】出为恶如何昊天辟【法也】言不信如彼行迈则靡所臻凡百君子各敬尔身胡不相畏不畏于天戎【兵也】成不遂饥成不遂【安也】曾我誓【侍也】御防防日瘁【病也】凡百君子莫肯用讯听言则答谮言则退哀哉不能言匪舌是出维躬是瘁哿矣能言巧言如流【哿矣世所谓能言也巧言从俗如水转流】俾躬处休维曰于【往也】仕孔棘且殆云不可使得罪于天子亦云可使怨及朋友谓尔迁于王都曰予未有室家【贤者不肯迁于王都也】防【忧也】思泣血【无声曰泣血】无言不疾【无所言而不见疾也】昔尔出居谁从作尔室【遭乱世义不得去思其友而不肯反者也】小雅四十一篇曰小旻六章三章章八句三章章七句大夫刺幽王也旻天疾威敷于下土谋犹回【辟也】遯【辟也】何日斯沮谋臧不从不臧覆用我视谋犹亦孔之印【病也】滄滄訛訛亦孔之哀谋之其臧则具是违谋之不臧则具是依我视谋犹伊于胡底我 既厌不我告犹谋夫孔多是用不集发言盈庭谁敢执其咎如匪行迈谋是用不得于道哀哉为犹匪先民是程匪大犹是经维运言是听维运言是争如彼筑室于道谋是用不溃【遂也】于成国虽靡止或圣或否民虽靡盬或哲或谋或肃或艾如彼泉流无沦胥以败不敢暴虎不敢冯河人知其一莫知其他战战兢兢如临深渊如履薄冰小雅四十二篇曰小宛六章章六句大夫刺幽王也宛【小貌】彼鸣鵙【鵙雕】翰飞戾天【言行小人道责高明之功终不可得】我心忧伤念昔先人明发【发夕至明】不寐有怀二人【文

王武王】人之齐圣饮酒温克彼昏不知壹醉日富各敬尔仪天命不又中原有菽庶民采之【言采者则得之】螟蛉【桑防也】有子果臝【蒲卢也】负之【持也】教诲尔子式谷似之题【视也睇也】彼脊令载飞载鸣【飞且鸣不能自舍君子有取节尔】我日斯迈而月斯征夙兴夜寐无忝尔所生交交【小貌】桑扈率场啄粟【窃脂也窃脂肉食今无肉而循场啄粟失其食性不能自活】哀我填寡宜岸【讼也】宜狱握粟出卜自何能谷温温恭人如集于木【恐坠也】惴惴小心如临于谷【恐陨也】战战兢兢如履薄冰小雅四十三篇曰小弁八章章八句刺幽王也太子之傅作焉弁【乐也】彼鷺【卑居雅鸟也】斯归飞提提【羣貌】民莫不谷我独于罹【言遭褒姒之难】何辜于天我罪伊何心之忧矣云如之何蹢躅【平易也】周道鞠【穷也】为茂草我心忧伤惄【思也】焉如捣【心疾也】假寐永叹维忧用老心之忧矣疢如疾首维桑与梓必恭敬止【父之所树已尚不敢不恭敬】靡瞻匪父靡依靡母不属于毛不离于里【毛在外阳也言父里在内阴也言母】天之生我我辰【时也】安在苑彼柳斯鸣蜩嘒嘒有漙【深也】者渊萑苇淠淠【众也】譬彼舟流不知所届心之忧矣不遑假寐鹿斯之奔维足伎伎【舒貌】雉之朝雉尚求其雌譬彼坏木疾用无枝心之忧矣宁莫之知相彼投兔尚或先之行有死人尚或瑾之【路豕曰瑾】君子秉心维其忍之心之忧矣涕既陨之君子信谗如或醺之君子不惠不舒究之伐木掎矣【掎其巔】析薪地矣【随其理】舍彼有罪予之佗矣【加也】莫高匪山莫浚匪泉君子无易由言耳属于垣无逝我梁无发我笱我躬不阅遑恤我后小雅四十四篇曰巧言六章章八句刺幽王也大夫伤于谗故作是诗也悠悠昊天曰父母且无罪无辜乱如此怵【大也】昊天已威子慎无罪昊天泰怵予慎无辜乱之初生僭始既涵【容也】乱之又生君子信谗君子如怒乱庶遄沮君子如祉乱庶遄已君子屡盟乱是用长君子信盗乱是用暴盗言孔甘乱是用餽【进也】匪其止共维王之印【病也】奕奕寝庙君子作之秩秩【进智也】大猷圣人莫之他人有心予忖度之跃跃毚兔【狡兔也】遇犬获之荏染【柔意】柔木【椅桐梓漆也】君子树之往来行言心焉数之蛇蛇【浅意】硕言出自口矣巧言如簧顔之厚矣彼何人斯居河之麋【水草之交】无拳【力也】无勇职为乱阶既防【骭瘍也】且燠【肿足也】尔勇伊何为犹将多尔居徒几何小雅四十五篇曰何人斯八章章六句苏公刺暴公也暴公为卿士而谮苏公焉故苏公作是诗而絶之彼何人斯其心孔艰胡逝我梁不入我门伊谁云从维暴之云二人从行谁为此祸胡逝我梁不入唁我始者不如今云不我可彼何人斯胡逝我陈【堂涂也】我闻其声不见其身不愧于人不畏于天彼何人斯其为飘风胡不自北胡不自南胡逝我梁祗搅【乱也】我心尔之安行亦不遑舍尔之亟行遑脂尔车壹者之来云何其吁尔还而入我心易【説也】也还而不入否难知也壹者之来俾我只【病也】也伯氏吹壎【土曰壎】仲氏吹篴【竹曰篴】及尔如贯谅不我知出此三物【豕犬鸡】以诅尔斯为 为蜮则不可得有腠【姁然也】面目视人罔极作此好歌以极反侧【不正直也】小雅四十六篇曰巷伯七章四章章四句一章五句一章八句一章六句刺幽王也寺人伤于谗故作是诗也萋兮斐兮成是贝锦【文章相错成余泉余蜚之贝文也】彼谮人者亦已太甚哆兮侈兮成是南箕【箕星哆然踵狭而舌广今谗人因寺人之近嫌而成言其罪犹因箕星之哆而又侈大之】彼谮人者谁适与谋缉缉【口舌声】翩翩【往来貌】谋欲谮人慎尔言也谓尔不信防防幡幡谋欲谮言岂不尔受既其女迁骄【谗也】人好好【喜也】劳人【忧谮者】草草【劳心也】苍天苍天视彼骄人矜此劳人彼谮人者谁适与谋取彼谮人投畀豺虎豺虎不食投畀有北有北不受投畀有昊杨园【园名】之道猗【

加也】于畝丘寺人孟子作为此诗凡百君子敬而听之小雅四十七篇曰谷风三章章六句刺幽王也天下俗薄朋友道絕焉习习谷风维风及雨将恐将惧维予与女将安将乐女转弃予习习谷风维风及頽【頽风之焚轮者也风薄相扶而上】将恐将惧寘予于怀将安将乐弃予如遗习习谷风维山崔嵬无草不死无木不萎忘我大德思我小怨小雅四十八篇曰蓼莪六章四章章四句二章章八句刺幽王也民人劳苦孝子不得终养尔蓼蓼【长大貌】者莪匪莪伊蒿哀哀父母生我劬劳蓼蓼者莪匪莪伊蔚【牡蒿也】哀哀父母生我劳瘁餅之罄矣【尽也】维蠹之耻【餅小蠹大】鲜民之生不如死之从矣无父何怙无母何恃出则衔恤入则靡【无也】至父兮生我母兮鞠我拊我畜我长我育我顾我复我出入腹我【子行父母之神行】欲报之德昊天罔极南山烈烈飘风发发民莫不谷我独何害南山律律飘风弗弗民莫不谷我独不卒小雅四十九篇曰大东七章章八句刺乱也东国困于役而伤于财谭大夫作是诗以告病焉有饁【满也】簋飧【熟食谓黍稷也】有捄【长貌】棘【赤心也】匕周道如砥【平也】其直如矢【不偏也】君子所履小人所视睠【反领也】言顾之漕焉出涕小东大东【小亦于东大亦于东也】杼柚其空纠纠葛屨可以履霜佻佻【独行貌】公子【谭公子】行彼周行既往既来使我心疚有冽【寒意】汎泉【侧出】无浸获【艾也】薪契契【忧苦也】寤叹哀我憚人【劳也】薪是获薪尚可载也哀我憚人亦可息也东人【谭人】之子职劳不来西人【周人也】之子粲粲衣服舟人之子【舟楫之人】熊羆是裘【言富也】私人之子【私家也】百僚是试【试用于百官也】或以其酒不以其浆【或醉于酒或不得浆】鞞鞞【长貌】佩璲不以其长【不称也】维天有汉【天河也】监亦有光【光而不明】跂彼织女终日七襄【防驾也从旦至莫七辰而一移因谓之七防】虽则七襄不成报章【不能反报成章】睆【明貌】彼牵牛不以服【牝服也】箱【车箱也】东有启明西有长庚【太白旦出东为启明莫出西为长庚】有捄天毕载施之行【毕掩兔之器捄毕貌何尝见其可用乎郑曰毕祭器所以助载鼎今天毕则施于行列而已】维南有箕不可以簸扬维北有斗不可以挹【防也】酒浆维南有箕载翕【合也】其舌维北有斗西柄之揭小雅五十篇曰四月八章章四句大夫刺幽王也在位贪残下国搆祸怨乱并兴焉四月维夏六月徂【往也或曰犹始也】暑先祖匪人胡宁忍予秋日凄凄百卉具腓【病也】乱离瘼矣奚其适归冬日烈烈飘风发发民莫不谷我独何害山有嘉卉侯栗侯梅废【也】为残贼莫知其尤相彼泉水载清载浊我日构祸曷云能谷滔滔江汉南国纪尽瘁以仕宁莫我有匪鶉匪鸛【鶉雕也雕鸛贪残之鸟】翰飞戾天匪鱣匪鲋潜逃于渊山有蕨薇隰有杞【枸櫞也】楸【赤栋也】君子作歌维以告哀小雅五十一篇曰北山六章三章章六句三章章四句大夫刺幽王也役使不均已劳于从事不得养其父母焉陟彼北山言采其杞偕偕【强壮貌】士子朝夕从事王事靡盬【不坚固也】忧我父母溥天之下莫非王土率土之濱莫非王臣大夫不均我从事独贤四牡彭彭【不得息】王事傍傍【不得已】嘉我未老鲜【善也】我方将【壮也】旅力方刚经营四方或燕燕居息或尽瘁事国或息偃在床或不已于行或不知呌号【呼召也】或惨惨劬劳或栖迟偃仰或王事鞅掌【失容也】或湛乐饮酒或惨惨畏咎或出入风议或靡事不为小雅五十二篇曰无将大车三章章四句大夫悔将小人也无将大车【大车小人之所将也】只自尘兮无思百忧只自底【病也】兮无将大车维尘冥冥无思百忧不出于颀【光也】无将大车维尘離兮【犹蔽也】无思百忧祇自重兮【犹累也】小雅五十三篇小明五章三章章十二句二章章六句大夫悔仕于乱世也明明上天照临下土我征徂西至于玆野【远荒之地】二

月初吉【朔日】载离寒暑心之忧矣其毒大苦念彼共人涕零如雨岂不怀归畏此罪罟【网也】昔我往矣日月方除【除陈生新郑云四月为除】曷云其还歳聿云莫念我独兮我事孔庶心之忧矣憚【劳也】我不暇念彼共人睠睠怀顾岂不怀归畏此谴怒昔我往矣日月方奥【暖也】曷云其还政事愈蹙歳聿云莫采萧获菽心之忧矣自诒伊戚念彼共人兴言出宿岂不怀归畏此反覆嗟尔君子无恒安处靖共尔位正直【正直为正能正人之曲曰直】是与神之听之式谷以女嗟尔君子无恒安息靖共尔位好是正直神之听之介【大也】尔景【亦大也】福小雅五十四篇曰鼓钟四章章五句刺幽王也鼓钟将将淮水汤汤忧心且伤淑人君子懷允不忘鼓钟喈喈淮水潏潏忧心且悲淑人君子其德不回鼓钟伐鼗【大鼓】淮有三洲忧心且妯【动也】淑人君子其德不犹鼓钟钦钦鼓瑟鼓琴笙磬同音【谓四县皆同也】以雅以南以籥不僭小雅五十五篇曰楚茨六章章十二句刺幽王也政烦赋重田莱多荒饥饉降丧民卒流亡祭祀不飨故君子思古焉楚楚【茨棘也】者茨言抽【除也】其棘自昔何为我艺黍稷我黍与与我稷翼翼我仓既盈我庾【露积曰庾】维亿【万万曰亿】以为酒食以享以祀以妥【安坐也】以侑【劝也】以介景福济济跄跄絜尔牛羊以往蒸嘗或剥或亨或肆或将祝祭于祊祀事孔明先祖是皇【大也】神保是飨孝孙有庆报以介福万寿无疆执防蹠蹠为俎孔硕或燔或炙君妇莫莫【言清静而敬至也】为豆孔庶为賓为客献酬交错【东西为交邪行为错】礼仪卒度笑语卒获神保是格报以介福万壽攸酢【报也】我孔熯【敬也】矣式礼莫愆工祝致告【善其事曰工】徂赉孝孙苾芬孝祀神嗜饮食卜尔百福如几【期也】如式【法也】既齐既稷【疾也即也】既匡既勑永锡尔极时万时亿礼仪既备钟鼓既戒孝孙徂位工祝致告神具醉止皇尸载起鼓钟送尸神保聿归诸宰君妇废彻不迟诸父兄弟备言燕私乐具入奏以绥后禄尔殽既将莫怨具庆既醉既饱小大稽首神嗜饮食使君寿考孔惠孔时维其尽之子子子孙孙勿替引之小雅五十六篇曰信南山六章章六句刺幽王也不能脩成王之业疆理天下以奉禹功故君子思古焉信彼南山维禹甸【治也】之畇畇【垦辟貌】原隰曾孙田之我疆我理南东其畝【或南或东】上天同云雨雪雰雰益之以霡霂【小雨也】既优既渥既霑既足生我百谷疆場【畔也】翼翼【让畔也】黍稷彧彧曾孙之穡以为酒食畀我尸賓寿考万年中田有廬疆場有瓜是剥是蒹【剥 为蒹也】献之皇祖曾孙寿考受天之祜祭以清酒从以騂牡享于祖考执其鸞刀【刀有鸞者言割中节也】以启其毛取其血膋是蒸【进也】是享苾苾芬芬祀事孔明先祖是皇报以介福万壽无疆小雅五十七篇曰甫田四章章十句刺幽王也君子伤今而思古焉倬【明貌】彼甫田【谓天下田也或曰甫夫也】歳取十千【一成之税也】我取其陈食我农人自古有年今适南畝或耘【除草也】或耔【讎本也】黍稷薿薿攸介攸止烝我髦士以我齐明【器实曰齐在器曰盛】与我牺羊以社以方【迎四方气于郊也】我田既臧农夫之庆琴瑟击鼓以御【迎也】田祖以祈甘雨以介【助也】我稷黍以谷【善也養也】我士女曾孙来止以其妇子饁彼南畝田峻至喜攘其左右嘗其防否禾易【治也】长【竟也】亩终善且有曾孙不怒农夫克敏曾孙之稼如茨【屋也】如梁【车梁也】曾孙之庾如坻如京【高丘也】乃求千斯仓乃求万斯箱【车也】黍稷稻粱农夫之庆报以介福万壽无疆小雅五十八篇曰大田四章二章章八句二章章九句刺幽王也言鰥寡不能自存焉大田多稼既种既戒既备乃事以我覃【利也】耜俶载南亩播厥百谷既庭【直也】且硕曾孙是若既方【生房也】既皁【渐成实也】既坚既好不稂不莠【择种之善】去其螟【食心者】螽【食叶者】及其蟊【食根者】贼【食节者】无害

我田穉田祖有神秉畀炎火有渰【云兴貌】萋萋【云行貌】兴雨祁祁【徐也】雨我公田遂及我私彼有不获穉此有不斂穧彼有遗秉此有滞穗伊寡妇之利曾孙来止以其妇子饁彼南亩田峻至喜来方禋祀以其骍【牛也】黑【羊豕也】与其黍稷以享以祀以介景福小雅五十九篇曰瞻彼洛矣三章章六句刺幽王也思古明王能爵命诸侯赏善罚恶焉瞻彼洛矣维水泱泱【深广貌】君子至止福禄如茨韎韐【茅搜染祭服之韠也合韦为之】有奭以作六师瞻彼洛矣维水泱泱君子至止鞞琫有珌【容刀之鞞也琫上饰珌下饰天子玉琫而珌诸侯□琫而璆琫大夫鐔琫而璆琫士琫琫而琫琫】君子万年保其家室瞻彼洛矣维水泱泱君子至止福禄既同君子万年保其家邦晋侯费薨諡曰穆侯世子仇嗣赵叔带造父之七世孙也以王无道去之晋晋人受之赵氏始建于晋荆季紂立熊渠之四世孙也聪明和协盖其先人

四年秦庄公薨子襄公嗣秦国风二篇曰驪驪三章章四句美襄公也始命有田狩之事园囿之乐焉驪驪【驪也】孔阜【大也】六轡在手【四马六轡言马之良也】公之媚子【能以道媚于上下者】从公于狩奉时【是也】辰【时也】牡辰牡孔硕【冬献狼夏献麋春秋献鹿豕群兽】公曰左之舍拔【矢末也】则获游于北园四马既闲【习也】輶【轻也】车鸾镳【置鸾于镳】载猵歇骄【田犬也长喙曰猵短喙曰歇骄】秦国风三篇曰小戎三章章十句美襄公也备其兵甲以讨西戎西戎方强而征伐不休国人则矜其车甲妇人能闵其君子焉小戎【兵车也】偃收【轸也】五【五束也】檠【歷録也】梁辀【辀上句衡也一辀五束束有歷録】游环【鞞环也在背上贯骖之外轡以禁其出】胁驱【胁驱者着服马之外胁以止骖之入】阴【揜也也在轼前垂辀上也】靽【所以引也】鋈【白金也】续【续靽也以白金饰续引之环】文茵【虎皮也】畅毂【长毂也】驾我騶【騶文也】鼻【左足白也】言念君子温其如玉在其板屋【西戎板屋】乱我心曲四牡孔阜六轡在手騶駼【赤身黑鬣也】是中【中服也】騶【黄马黑喙也】驪是骖【两驂也】龙盾之合【尽龙其盾合而载之】鋈以觶鞶【鞶骖内轡也系于轼前鞶之角以白金为饰也】言念君子温其在邑【在敌邑也】方何为期胡然我念之偃驂【四介马也】孔羣【甚和调也】公矛【三隅矛也】鋈錡【錡也】防【杂羽也】伐【中干也】有苑【以杂羽饰中干苑然有文也】虎鞞【弓室也以虎皮饰弓室也】镂膺【膺马带镂金为饰】交鞞二弓【交二弓于鞞也】竹闭【继也】緄【绳也】滕【约也】言念君子载寝载兴厌厌【安静也】良人秩秩【有知也】德音秦国风四篇曰蒹葭三章章八句刺襄公也未能用周礼将无以固其国焉蒹【帘也】葭【芦也】苍苍【盛也】白露为霜【白露凝寒为霜然后岁事成国家由礼然后固】所谓伊人在水一方【在水之一方难得其来也】溯洄【逆流而上也】从之道阻且长溯游【顺流而涉也】从之宛在水中央蒹葭凄凄白露未晞【未干为霜也】所谓伊人在水之湄【水隈也】溯洄从之道阻且跻【升也】溯游从之宛在水中坻【水渚也】蒹葭采采白露未已【犹未止也】所谓伊人在水之涘【水厓也】溯洄从之道阻且右【出其右也】溯游从之宛在水中沚【亦小渚也】陈侯甞立僖公曾孙也小雅六十篇曰裳裳者华四章章六句刺幽王也古之仕者世禄小人在位则谗谄并进弃贤者之类绝功臣之世焉裳裳【犹堂堂也】者华其叶湑【盛貌】兮我覯之子我心寫兮我心寫兮是以有誉处兮裳裳者华芸【盛也】其黄矣我覯之子维其有章矣维其有章矣是以有庆矣裳裳者华或黄或白我覯之子乘其四骆乘其四骆六轡沃若【言世禄也】

】左之左之君子宜之右之右之君子有之【左阳道朝祀事右陰道丧戎之事也】维其有之是以似【嗣也】之小雅六十一篇曰桑扈四章章四句刺幽王也君臣上下动无礼文焉交交【飞来往貌】桑扈有莺其羽【莺然有文章】君子乐胥【皆也】受天之祜交交桑扈有莺其领【颈也】君子乐胥万邦之屏【蔽也】之屏之翰【干也】百辟为宪【法也】不戢【敛也】不难【难也】受福不那【多也】兕觥【郑云罚爵也】其觶【觶然陈设貌】防酒思柔彼交匪敖万福来求小雅六十二篇曰鸳鸯四章章四句刺幽王也思古明王交于万物有道自奉养有节焉鸳鸯于飞毕之罗之【取之以道于其飞而取之也】君子万年福禄宜之鸳鸯在梁戢其左翼【言休息无恐也】君子万年宜其遐福乘马在廐摧之【莖也】秣之【粟也言爱国用也】君子万年福禄艾【养也】之乘马在廐秣之摧之君子万年福禄绥之小雅六十三篇曰頍弁三章章十二句诸公刺幽王也暴戾无亲不能宴乐同姓亲睦九族孤危将亡故作是诗也有頍者弁【頍弁貌】实维何尔酒既防尔殽既嘉岂伊异人兄弟匪他莺【寄生也】与女萝【菟丝松萝也诸公自喻也】施于松柏未见君子忧心奕奕【奕奕然无所薄也】既见君子庶几説怵有頍者弁实维何期尔酒既防尔殽既时岂伊异人兄弟具来莺与女萝施于松上未见君子忧心忼忼【盛满也】既见君子庶防有臧有頍者弁实维在首尔酒既防尔殽既阜岂伊异人兄弟甥舅如彼雨雪先集维霰死丧无日无防相见乐酒今夕君子维宴小雅六十四篇曰车辇五章章六句大夫刺幽王也褒姒妬嫉无道并进谗巧败国德泽不加于民周人思得贤女以配君子故作是诗也间闕车之辇兮【间闕设辇也】思变季女逝兮匪饥匪渴德音来括【防也】虽无好友式燕且喜依【茂木貌】彼平林【平地之林】有集维鷖【雉也】辰【时也】彼硕女令德来教式燕且誉好尔无射虽无防酒式饮庶防虽无嘉殽式食庶防虽无德与女式歌且舞陟彼高冈析其柞薪析其柞薪其叶湑兮鲜【善也】我覯尔我心寫兮高山仰止景【大也】行行止四牡騑騑六轡如琴覯尔新昏以慰我心小雅六十五篇曰青蝇三章章四句大夫刺幽王也营营【往来貌】青蝇止于樊【藩也】岂弟君子无信谗言营营青蝇止于棘谗人罔极【极犹已也】交乱四国营营青蝇止于榛谗人罔极构【合也】我二人

皇王大纪卷三十二

宋 胡宏 撰

三王纪

幽王

六年卫侯和入为卿士小雅六十六篇曰賓之初筵五章章十四句衛武公刺时也幽王荒废
嬖近小人饮酒无度天下化之君臣上下沉湎淫佚武公既入而作是诗也賓之初筵左右秩
秩【肃敬也】筵豆有楚【列貌】殽【豆实也】核【加筵也】维旅【陈也】酒既和防
饮酒孔偕钟鼓既设举醕逸逸【往来次序也】大侯既抗【举也】弓矢斯张射夫既同猷
尔发功发彼有的以祈尔爵籥舞笙鼓【秉籥而舞与笙鼓相应】乐既和奏烝沋烈祖以洽
百礼百礼既至有壬【大也】有林【君也】锡尔纯【大也】嘏【福也】子孙其湛其湛
曰乐各奏尔能賓载手仇室人入又【郑公仇读曰防賓手挹酒室人复酌为加爵】酌彼康
爵【酒所以安体也】以奏尔时【时谓心所尊者也】賓之初筵温温其恭其未醉止威仪
反反【言重顺也】曰既醉止威仪幡幡【失威仪也】舍其坐迁屡舞僊僊其未醉止威仪
抑抑【慎密也】曰既醉止威仪怵怵【媿慢也】是曰既醉不知其秩【常也】賓既醉止
载号载呶乱我筵豆屡舞僛僛【不正也】是曰既醉不知其卹【过也】侧弁之俄屡舞傴
傴【不止也】既醉而出并受其福醉而不出是谓伐德饮酒孔嘉维其令仪凡此饮酒或醉
或否既立之监或佐之史彼醉不臧不醉反耻式勿从谓无俾大怠匪言勿言匪由勿语由醉
之言俾出童羖【羖羊不童也】三爵【献也酬也酢也】不识矧敢多又小雅六十七篇曰
鱼藻三章章四句刺幽王也言万物失其性王居镐京将不能以自乐故君子思古之武王焉
鱼在在藻有颁其首【颁大首貌鱼以依蒲藻为得其性】王在在镐岂乐饮酒鱼在在藻有
莘【长貌】其尾王在在镐饮酒乐岂鱼在在藻依于其蒲王在在镐有那【郑云安也】其
居小雅六十八篇曰采芣五章章八句刺幽王也侮慢诸侯来朝不能锡命以礼数徵防之而
无信义君子见防而思古焉采芣采芣【大豆也采芣之苗所以芼太牢羊则苦豕则蔽】筐
之筥之君子来朝何锡予之虽无予之路车乘马又何予之 袞及黼黻沸【泉出貌】檻【
泉正出也】泉言采其芹君子来朝言观其旂其旂淠淠【动也】鸾声嘒嘒【中节也】载
骖载驷【骖乘乘四马】君子所届赤芾在股【芾太古象也在冕服谓之蔽膝之芾在他服
谓之鞞】邪幅在下【如今行膝也偃束其胫自足至膝故曰在下】彼交匪纾天子所予乐
只君子天子命之乐只君子福禄申之维柞之枝其叶蓬蓬【盛貌】乐只君子殿【镇也】
天子之邦乐只君子万福攸同平平【辨治也】左右亦是率从泛泛杨舟紉【紉也】纆【
紉也】维之乐只君子天子葵【揆也】之乐只君子福禄膍之【厚也】优哉游哉亦是戾
矣【至也】小雅六十九篇曰角弓八章章四句父兄刺幽王也不亲九族而好谗佞骨肉相
怨故作是诗也骍骍【调和也】角弓翩其反矣【不善继繁巧用则翩然而反】兄弟婚姻
无胥远矣尔之远矣民胥然矣尔之教矣民胥效矣此令兄弟绰绰有裕【饶也】不令兄弟
交相为瘉【病也】民之无良相怨一方受爵不让至于已斯亡【爵禄不以相让故怨祸及
之】老马反为驹不顾其后【已老而孩童慢之】如食宜飴【饱也】如酌孔取【谓宜量

其多少】母教猱【猿类】升木如涂【泥也】涂附【着也】君子有徽【美也】猷小人与属【连也从也】雨雪漙漙见晁【日气】曰消莫肯下遗式居娄骄雨雪浮浮见晁曰流如蜚如髦我是用忧小雅七十篇曰菀柳三章章六句刺幽王也暴虐无亲而刑罚不中诸侯皆不欲朝言王者之不可朝事也有菀者柳不尚息焉上帝甚蹈【动也】无自昵【近也】焉俾予靖【治也】之后予极【穷也】焉有菀者柳不尚惕焉上帝甚蹈无自瘵焉俾予靖之后予迈【行也】焉有鸟高飞亦传于天彼人之心于何其臻曷予靖之居以防矜【危也】小雅七十一篇曰都人士五章章六句周人刺衣服无常也古者长民衣服不贰从容有常以齐其民则民德归壹伤今不复见古人也彼都【君之所居曰都】人士狐裘黄黄其容不改出言有章行归于周【忠信也】万民所望彼都人士台笠缙撮【以台皮为笠所以御雨撮以缙布为冠也】彼君子女绸直如髮【言其情密致正直也】我不见兮我心不说彼都人士充耳琇【美石也】实彼君子女谓之尹【尹氏】吉【姑氏名族】我不见兮我心苑结彼都人士垂带而厉【厉带之垂者】彼君子女卷髮如蜚【髮末卷然】我不见兮言从之迈匪衣垂之带则有余匪伊卷之髮则有旃【扬也】我不见兮云何吁矣【病也思望之甚也】小雅七十二篇曰采芣四章章四句刺怨旷也幽王之时多怨旷者也终朝【自旦及食时】采芣不盈一掬【两手也】予髮曲局【卷也】薄言归沐【妇人夫不在则不容饰】终朝采芣不盈一檐【衣蔽前也】五日为期六日不詹【至也】之子于狩言韞其弓之子于钓言纶之绳其钓维何维鲂及鱮维鲂及鱮薄言观者小雅七十二篇曰黍苗五章章四句刺幽王也不能膏润天下卿士不能行召伯之职焉芃芃【长大也】黍苗陰雨膏之悠悠南行召伯劳之我任【负者】我犂【挽者】我车【将车也】我牛【犂傍牛者】我行既集盖云归哉我徒【徒行者】我御【御车者】我师【师者】我旅【旅者】我行既集盖云归处肃肃谢【邑名】功召伯营之烈烈征师召伯成之原隰既平【土治曰平】泉流既清【水治曰清】召伯有成王心载宁小雅七十四篇曰隰桑四章章四句刺幽王也小人在位君子在野思见君子尽心以事之隰桑有阿【阿美然貌】其叶有难【难然盛貌】既见君子其乐如何隰桑有阿其叶有沃【光泽也】既见君子云何不乐隰桑有阿其叶有幽【浓色黑也】既见君子德音孔胶【固也】心乎爱矣遐不谓矣中心藏之何日忘之小雅七十五篇曰白华八章章四句周人刺幽王也幽王以嬖宠立褒姒而黜申后故下国化之以妾为妻以孽代宗而王弗能治周人为之作是诗也白华菅兮【白华于野已沤为菅】白茅束兮之子之远俾我独兮英英白云露彼菅茅天步艰难之子不犹【可也图也】漉【流貌】池北流【丰镐间水】浸彼稻田啸歌伤怀念彼硕人樵彼桑薪印【我也】烘【燎也】于熉【炷灶也用以炤事物】维彼硕人实劳我心鼓钟于宫声闻于外念子懆懆【诚心不宁貌】视我迈迈【弃远之意】有鹖在梁【秃鹖贪恶】有鹤在林【鹤清高反在林】维彼硕人实劳我心鸳鸯在梁戢其左翼【鸟之雌雄不可别者以翼右掩左为雄左掩右为雌】之子无良二三其德有扁斯石【扁乘石貌王乘车履石】履之卑兮之子之远俾我底兮【病也】小雅七十六篇曰绵蛮三章章八句防臣刺乱也大臣不用仁心遗忘防贱不肯饮食教载之故作是诗也绵蛮【小鸟貌】黄鸟止于丘阿【曲阿也】道之云远我劳如何饮之食之教之诲之命彼后车谓之载之緜蛮黄鸟止于丘隅岂敢惮行畏不能趋饮之食之教之诲之命彼后车谓之载之绵蛮黄鸟止于丘侧岂敢惮行畏不能极饮之食之教之诲之命彼后车谓之载之小雅七十七篇曰瓠叶四章章四句大夫刺幽王也上弃礼而不能行虽有牲牢饗飨不肯用也故思古人不以轻薄废礼幡幡匏叶采之亨之君子有酒酌言尝之有兔斯

首炮之燔之君子有酒酌言献之有兔斯首燔之炙之君子有酒酌言酢之有兔斯首燔之炮之君子有酒酌言醺之小雅七十八篇曰渐渐之石三章章六句下国刺幽王也戎狄叛之荆舒不至乃命将征役从病于外故作是诗也渐渐【山石高峻貌】之石维其高矣山川悠远维其劳矣武人【将帅】东征不皇朝矣渐渐之石维其卒【山巔也竟也】矣山川悠远曷其没【尽也】矣武人东征不皇出矣有豕白蹄烝涉波矣【白蹄豕之尤躁疾唐突难禁制者将从两则进涉水波】月离于毕俾滂沱矣【月离陰星则雨】武人东征不皇他矣小雅七十九篇曰苕之华三章章四句大夫闵时也幽王之时西戎东夷交侵中国师旅并起因之以饥饉君子闵周室之将亡伤已逢之故作是诗也苕之华芸其黄矣【陵苕也将落则黄】心之忧矣维其伤矣苕之华其叶青青【华落叶青青然】知我如此不如无生牂【牝也】羊坟【大也】首三星【心也】在罍【曲梁也心星见于曲梁其去湏臾矣】人可以食鲜可以饱小雅终八十篇曰何草不黄四章章四句下国刺幽王也四夷交侵中国背叛用兵不息视民如禽兽君子忧之故作是诗也何草不黄何日不行何人不将【言无不从役之人】经营四方何草不 何人不矜哀我征夫独为匪民匪兕匪虎率彼旷野哀我征夫朝夕不暇有芄者狐【小兽貌】率彼幽草有栈之车【役车也】行彼周道八年郑伯友入为司寇以王室倾危惧及于难问计于史伯史伯曰王室已卑戎狄必昌不可偪也郑居济洛河颍之防若脩典刑以守之可以少固公曰周其弊乎对曰王弃高明昭显而好谗匿暗昧恶角犀丰盈而近顽童穷固去和而取同夫和实生物同则不继故先王杂五行以成物节五味以调口剂四肢以卫体和六律以聪耳正七体以役心平八索以成人建九纪以立纯德合十数以训百体出千品具万方计亿事裁兆物收经入行姦极和之至也声一无听物一无文味一无菓物一不讲王弃是类也而与剽同欲无弊得乎郅墟在禹贡豫州外方之北滎波之南居溱洧之间祝融之后妘姓封于郕桧国风首篇曰羔裘三章章四句大夫以道去其君也【三諫不待放于郊得玦乃去】国小而迫君不用道好洁其衣服逍遥游燕而不能自强于政治故作是诗也羔裘逍遥狐裘以朝【羔裘以游燕狐裘以适朝】岂不尔思劳心忉忉羔裘翱翔狐裘在堂【公堂也】岂不尔思我心忧伤羔裘如膏日出有曜岂不尔思中心是悼桧国风二篇曰素冠三章章三句刺时不能三年也庶见素冠兮棘【艰棘也】人栾栾【瘠貌】兮劳心博博【忧劳也】兮庶见素衣兮我心伤悲兮聊与子同归兮【愿见有礼之人与之同归】庶见素韠兮我心蕴结兮聊与子如一兮【过之者俯而就不至者企而及】桧国风三篇曰隰有萋楚三章章四句疾恣也国人疾其君之淫恣而思无情欲者也隰有萋楚【钼弋也】猗傩【柔顺也】其枝天之沃沃【少壮佼好也】乐子之无知隰有萋楚猗傩其华天之沃沃乐子之无家隰有萋楚猗傩其实天之沃沃乐子之无室郕国风终四篇曰匪风三章章四句思周道也国小政乱忧及祸难而思周道焉匪风发兮匪车偈兮【发发飘风非有道之风偈偈疾驱非有道之车】顾瞻周道中心怛【伤也】兮匪风飘【疾也】兮匪车嘌兮【无节度也】顾瞻周道中心吊【伤也】兮谁能烹鱼溉【滌也】之釜鬻【鬻釜属言不可搅动也烦则鱼碎矣】谁将西归怀之好音大雅三十篇曰瞻卬凡伯刺幽王大坏也瞻仰昊天【斥王也】则不我惠孔填【从也】不宁降此大厉【恶也】邦靡有定士民其瘵【病也】蟊贼蟊疾靡有夷【常也】届【极也】罪罟不收【设罪为罟】靡有夷瘳【愈也】人有土田女反有之有人有民女覆夺之此宜无罪女反收【拘也】之彼宜有罪女覆說【赦也】之哲夫成城哲妇倾城懿厥哲妇为梟为鸱妇有长舌维厉之阶乱匪防自天生自妇人匪教匪诲时维妇寺【近也】鞠【穷也】人伎【害也】忒【变也】潜始竟背岂曰不

极伊胡为慝如贾三倍君子是识【贾物而有三倍之利者小人所宜也】妇无公事休其蚕织【妇人不宜与公事者也】天何以刺【责也】何神不富【福也】舍尔介【甲也】狄【戎狄也】维予胥忌【而忌贤者】不吊不祥【心不慈祥】威仪不类【动无法度】人之云亡邦国殄瘁天之降罔维其优矣【宽也大也】人之云亡心之忧矣天之降罔维其几【防也近也】矣人之云亡心之悲矣霱沸檻泉维其深矣心之忧矣宁自今矣不自我先不自我后藐藐昊天无不克巩【圖也】无忝皇祖式救尔后大雅终三十一篇曰召旻凡伯刺幽王大壞也旻闵也闵天下无如召公之臣也旻天疾威天笃降丧瘠我饥饉民卒流亡我居圉【垂也】卒荒天降罪罟蠹贼内訌【潰也】昏椽【奄人也】靡共潰潰【乱也邪也】回遹【行也遠也】实靖夷【灭也】我邦臯臯【頑不知道也】訛訛【竄不供事也】曾不知其玷【缺也】兢兢【戒也】业业【危也】孔填不宁我位孔贬【坠也】如彼歲旱草不潰茂【遂也】如彼栖苴【水中浮草】我相此邦无不潰止维昔之富不如时【往者富仁贤今也富谗佞】维今之疚不如兹【今则病贤也】彼疏斯稗【宜食疏者反食精】胡不自替职况【兹也】斯引【长也】池之竭矣不云自频【厓也】泉之竭矣不云自中溥斯害矣职兄斯不裁我躬昔先王受命有如召公曰辟国百里今也日蹙国百里于乎哀哉维今之人不尚有旧时犬戎盛强荐侵王都始为烽燧以徵兵备不虞王宠褒姒甚褒姒不好笑王欲其笑万方故不笑则试令举烽兵甲四集而实无寇褒姒乃大笑王謹乐之于是为数举烽遠近无所取信

十一年王游骊山犬戎猝至王急举烽莫有应者戎杀王于戏虜褒姒立伯服为王郑伯友战死秦襄公闻之帅师救之力战稍破戎兵卫侯和从晋侯仇合诸侯之师击逐西戎黜伯服郑世子掘突收父散兵从诸侯东迎太子宜臼于申太子使命秦襄公曰戎无道侵夺我岐丰秦能攻逐戎即有其地

平王

元年太子至洛邑即天子位遂定都焉諡先王曰幽锡晋文侯作文侯之命周书叙曰平王锡晋文侯秬鬯圭瓚作文侯之命文侯之命王若曰父义和丕显文武克慎明德昭升于上敷闻在下惟时上帝集厥命于文王亦惟先正克左右昭事厥辟越小大谋猷罔不率从肆先祖懷在位呜呼闵予小子嗣造天丕愆殄资泽于下民侵戎我国家纯即我御事罔或耆壽俊在厥服予则罔克曰惟祖惟父其伊恤朕躬呜呼有绩予一人永绥在位父义和汝克昭乃显祖汝肇刑文武用会绍乃辟追孝于前文人汝多修扞我于艰若汝予嘉王曰父义和其归视尔师宁尔邦用賚尔秬鬯一卣彤弓一彤矢百卢弓一卢矢百马四匹父往哉柔遠能尔惠康小民无荒宁简恤尔都用成尔显德赐以河内附庸晋于是始大

论曰幽王无道虽天下所不与其见杀于犬戎则天下所不忍而平王乃其子也所宜卧薪嘗胆養民训兵帅天下诸侯披其巢穴诛其种类复居镐京继迹文武成康盖前人之愆则可谓人子矣愚观其命秦晋之词语平而不切志舒而不惨忘不共戴天之仇轻弃旧都以西事委之于秦而即安于洛邑亡三纲矣孔子定书而取文侯之命何哉平王虽不自飭励而晋侯不失蕃宣之道逐西戎黜伯服扶立冢嗣定都成周号令天下莫敢不从使平王稍有仁心义气

而辅以晋文卫武则周室中兴矣圣人心广道大权轻重不失毫厘是以深取晋文而于平王犹有望也及其末年怠惰放纵不可救药日以衰防名号虽存其实与杞宋等矣圣人据事实本天道而作春秋固非众人之所识也

秦襄公乘胜取岐丰之地王命赐秦爵为伯秦国风五篇曰终南二章章六句戒襄公也能取周地始为诸侯受显服大夫美之故作是诗以戒劝之终南何有有条有梅【条栝梅栴也】君子至止锦衣狐裘顔如渥丹其君也哉终南何有有纪有堂【纪基台毕道平】君子至止黻衣绣裳佩玉将将壽考不忘卫侯和留周辅政时年九十有五矣克勤不怠在輿有虎贲之规位宁有官师之典倚几有诵训之諫居处有防御之箴临事有瞽史之导宴居有工师之诵史不失书蒙不失诵卫国风首篇曰淇奥三章章九句美武公之德也有文章又能听其规諫以礼自防故能入相于周美而作是诗也瞻彼淇奥【隈也】緑竹猗猗有匪【文章貌】君子如切如磋如琢如磨【治骨曰切象曰磋玉曰琢石曰磨】瑟兮僖兮【矜庄寛大也】赫兮喧兮【德容赫赫宣着也】有匪君子终不可谖【忘也】兮瞻彼淇奥緑竹青青有匪君子充耳琇莹【琇莹美石】防弁如星【防谓弁之缝中饰之以玉皦皦如星】瑟兮僖兮赫兮喧兮有匪君子终不可谖兮瞻彼淇奥緑竹如簟【茂密也】有匪君子如金如锡如圭如璧寛兮绰兮猗重较【卿士之车也】兮善戏谑兮不为虐兮居无何卫侯以老归国諡郑伯友曰桓公召掘突入为司徒郑国风首篇曰缁衣三章章四句美武公也父子并为周司徒善于其职国人宜之故美其德以明有国善善之功焉缁衣【毛云卿士听朝正服郑云居私朝之服】之宜兮敝予又改为兮适子之馆兮还予授子之粲【餐也】兮缁衣之好兮敝予又改造兮适子之馆兮还予授子之粲兮缁衣之蓆【大也】兮敝予又改作兮适子之馆兮还予授子之粲兮

二年秦自以居西垂立西峙用骝驹黄牛羝羊各一祠白帝鲁侯称薨諡曰孝公子弗湟嗣

四年甲戌东虢公都于制恃其地势骄侈怠慢郑人并其地郃仲恃险国家荒乱郑人灭之郑伯欲伐胡以其子妻之问羣臣曰吾欲用兵谁可伐者关其思曰胡可郑伯曰胡兄弟之国也遂戮其思胡君闻之以郑为亲已不设备郑伯袭取之

五年秦襄公伐西戎无虚歲是歲出师至岐薨子文公嗣

九年秦文公东猎至汧渭之防曰吾先邑也即营居之十三年卫侯和薨国人谓之睿圣武公子 嗣卫国风二篇曰考槃三章章四句刺庄公也不能继先公之业使贤者退而穷处考【成也】槃【乐也】在涧【山夹水】硕人之寛独寐寤言永矢弗谖考槃在阿【曲陵】硕人之邁【寛大貌】独寐寤歌永矢弗过考槃在陆硕人之轴【进立凝重也】独寐寤宿永矢弗告

十四年甲申王国风首篇曰黍离三章章十句闵宗周也周大夫行役至于宗周过故宗庙宫室尽为禾黍闵周室之颠覆彷徨不忍去而作是诗也彼黍离离彼稷之苗行迈靡靡中心摇摇知我者谓我心忧不知我者谓我何求悠悠苍天此何人哉彼黍离离彼稷之穗行迈靡靡

中心如醉知我者谓我心忧不知我者谓我何求悠悠苍天此何人哉彼黍离离彼稷之实行迈靡靡中心如噎知我者谓我心忧不知我者谓我何求悠悠苍天此何人哉王国风二篇曰君子于役二章章八句刺平王也君子行役无期度大夫思其危难以风焉君子于役不知其期曷至哉鸡栖于埭【凿墙曰埭】日之夕矣羊牛下来君子于役如之何勿思君子于役不日不月曷其有佸【防期也】鸡栖于桀【栖杙为桀】日之夕矣羊牛下括【聚也】君子于役苟无饥渴王国风三篇曰君子阳阳二章章四句闵君子也君子遭乱相招为禄仕全身远害而已君子阳阳【若自得者】左执簧【笙也】右招我由房【国君有房中之乐】其乐只且【其自乐此而已】君子陶陶【和乐也】左执翿【纛也】右招我由敖【蔗游也】其乐只且王国风四篇曰之水三章章六句刺平王也不抚其民而远屯戍于母家周人怨思焉【激扬也】之水不流束薪彼其之子不与我戍申懷哉懷哉曷月予还归哉之水不流束楚彼其之子不与我戍甫怀哉怀哉曷月予还归哉之水不流束蒲彼其之子不与我戍许怀哉怀哉曷月予还归哉王国风五篇曰中谷有蓷三章章六句闵周也夫妇日以衰薄防年饥谨室家相弃尔中谷有蓷嘆【菸貌】其干矣【蓷生于陆而生于谷乍干乍湿则槁矣】有女仳【别也】离嘒其叹矣嘒其叹矣遇人之艰难矣中谷有蓷嘆其脩【干硬也】矣有女仳离条其嘽矣【意恹恹而悲嘽】条其嘽矣遇人之不淑矣中谷有蓷嘆其湿矣【干得湿则腐矣】有女仳离啜其泣矣啜其泣矣何嗟及矣王国风七篇曰葛藟三章章六句王族刺平王也周室道衰弃其九族焉縣縣【长延之貌】葛藟在河之浒【水厓】终遠兄弟谓他人父谓他人父亦莫我顾縣縣葛藟在河之涘【亦厓也】终遠兄弟谓他人母谓他人母亦莫我有縣縣葛藟在河之漘【水隈也】终遠兄弟谓他人昆【兄也】谓他人昆亦莫我闻荆季綯四世孙蚡冒立纲纪庶事筭路蓝缕以启四封蛮夷皆服十五年秦文公梦黄蛇自天属地其口止于郿峙遂作郿峙用三牲祠白帝而雍旁故有吴阳武峙雍东有好峙皆废无祠或曰雍州积高神明之隩故立峙郊上帝黄帝尝用事虽晚周亦郊焉

十八年秦初有史以纪事

二十一年秦文公伐戎戎兵败散文公遂有周地二十三年宋公鮒之曾孙戴公戴公之世弗父何之孙正考父补礼乐之废壞得商颂十二篇于周之太师是歲戴公之子司空薨諡曰武公子力嗣

皇王大纪卷三十三

宋 胡宏 撰

三王纪

平王

二十四年甲午卫侯夫人齐姜无子娶陈妫生子完姜氏子之嬖妾生子州吁卫国风三篇曰硕人四章章七句闵庄姜也庄公惑于嬖妾使骄上僭庄姜贤而不见答终以无子国人闵而忧之硕【大也】人其硕【长也】衣锦褰衣【褰也褊也加锦衣之上嫌其文之太着也】齐侯之子卫侯之妻东宫之妹邢侯之姨谭公维私【姊妹之夫曰私】手如柔荑【如新生之美】肤如凝脂领如蝤蛴齿如瓠犀螭首【广而方】蛾眉巧笑倩兮美目盼兮硕人敖敖【长貌】説【暂息也】于农郊【近郊】四牡有骄【壮貌】朱幘【马扇汗】镳镳【马衔】翟茀【以山雉为车蔽】以朝大夫夙退无使君劳河水洋洋【盛貌】北流活活【流貌】施罟濊濊【鱼罟施于水中】鱣鲔发发【多貌】葭【芦也】蒹【薹也】揭揭【长也】庶姜孽孽【盛貌】庶士有暵【武壮貌】邶国风二篇曰绿衣四章章四句卫庄姜伤已也妾上僭夫人失位而作是诗也绿兮衣兮绿衣黄里【绿间色黄正色】心之忧矣曷维其已绿兮衣兮绿衣黄裳心之忧矣曷维其亡绿兮丝兮汝所治兮我思古人俾无訿【过也】兮絺兮绌兮凄其以风我思古人实获我心

二十五年晋侯仇薨是为文侯子伯嗣是为昭公自绛徙都翼唐国风二篇曰山有枢三章章八句刺晋昭公也不能修道以正其国有财不能用有钟鼓不能以自乐有朝廷不能洒扫政荒民散将以危亡四邻谋取其国家而不知国人作诗以刺之也山有枢隰有榆子有衣裳弗曳弗娄【亦曳也】子有车马弗驰弗驱宛【死貌】其死矣他人是愉【乐也】山有栲隰有杻子有廷内弗洒弗扫子有钟鼓弗鼓弗考宛其死矣他人是保【安也】山有漆隰有栗子有酒食何不日鼓瑟且以喜乐且以永日宛其死矣他人入室秦初制三族之法

二十六年晋侯伯封其叔父成师于曲沃使靖侯之孙栾寘傅之师服曰古者天子建国诸侯立家大夫有貳宗士有隸子弟等衰如是是以能固今晋甸侯也而建国本既弱矣其能从乎唐国风三篇曰之水三章二章章六句一章四句刺晋昭公也昭公分国以封沃沃盛强昭公防弱国人将叛而归沃焉之水白石凿凿素衣朱褰从子于沃既见君子云何不乐扬之水白石皓皓素衣朱绣从子于鹄【曲沃邑】既见君子云何其忧扬之水白石粼粼我闻有命不敢以告人

二十七年郑伯掘突薨諡曰武公武公娶于申曰武姜生寤生及叔段姜氏爱段欲立之公弗许寤生嗣是为庄公

二十八年武姜请封段于制公曰制岩邑也虢叔死焉他邑唯命请京使居之祭封人仲足諫

曰都城过百雉国之害也先王之制大都不过三国之一中五之一小九之一今京不度非制也君将不堪公曰姜氏欲之焉辟害对曰姜氏何厌之有不如早为之所无使滋蔓蔓难图也蔓草犹不可除况君之宠弟乎公曰多行不义必自毙郑国风二篇曰将仲子三章章八句刺庄公也不胜其母以害其弟弟叔失道而公弗制祭仲谏而弗听小不忍以致大乱焉将【请也】仲子兮无逾我里无折我树杞岂敢爱之畏我父母仲可怀也父母之言亦可畏也将仲子兮无逾我墙无折我树桑岂敢爱之畏我诸兄仲可怀也诸兄之言亦可畏也将仲子兮无逾我园无折我树檀岂敢爱之畏人之多言仲可怀也人之多言亦可畏也郑国风三篇曰叔于田三章章五句刺庄公也叔处于京缮甲治兵以出于田国人説而归之叔于田巷无居人岂无居人不如叔也洵美且仁叔于狩巷无饮酒岂无饮酒不如叔也洵美且好叔适野巷无服马岂无服马不如叔也洵美且武郑国风四篇曰大叔于田三章章十句刺庄公也叔多才而好勇不义而得众也叔于田乘乘马执轡如组两骖如舞叔在藪火烈具举防裼【肉袒也】暴虎【空手搏之也】献于公所将叔无狃【习也复也】戒其伤女叔于田乘乘黄【四马皆黄】两服【中央夹轡者】上襄【最良也】两骖【在两傍者】鴈行叔在藪火烈具叔善射忌【忌辞也】又良御忌抑磬【骋也】控忌抑纵【发矢也】送【从禽也】忌叔于田乘乘鸛【骊白杂毛曰鸛】两服齐首两骖如手叔在藪火烈具阜【盛也】叔马慢忌叔发罕忌抑释掬【覆矢者】忌抑鬯弓【弳之也】忌三十年荆蚡冒薨弟熊通杀其世子而自立秦文公获若石云于陈仓北阪城以一牢祠之命曰陈寶

三十一年曲沃成师能修其政唐国风四篇曰椒聊二章章六句刺晋昭公也君子见沃之盛彊能修其政知其蕃衍盛大子孙将有晋国焉椒聊【野椒也】之实蕃衍盈升彼其之子硕大无朋椒聊且逵【长也】条且椒聊之实蕃衍盈匊彼其之子硕大且笃椒聊且逵条且晋大夫潘父弑其君伯諡曰昭公将纳成师晋人杀潘父立昭公弟平国内乱唐国风五篇曰绸缪三章章六句刺晋乱也国乱则婚姻不得其时焉绸缪束薪三星在天【谓始见东方嫁娶之时也】今夕何夕见此良人子兮子兮如此良人何绸缪束刍三星在隅【东南也】今夕何夕见此邂逅子兮子兮如此邂逅何绸缪束楚三星在户【正南也】今夕何夕见此粲【三女为粲】者子兮子兮如此粲者何

三十四年甲辰

三十六年卫侯杨薨諡曰庄公子完嗣是为桓公初庄公宠州吁好兵公弗禁大夫石碏諫曰臣闻爱子教之义方弗纳于邪骄奢淫佚所自邪也四者之来宠禄过也夫宠而不骄骄而能降降而不憾憾而能眄者鲜矣弗听其子厚与州吁游禁之不可及桓公立而老三十九年晋曲沃成师卒是为桓叔子鰈代唐国风六篇曰杕杜二章章九句刺时也君不能亲其宗族骨肉离散独居而无兄弟将为沃所并尔有杕【特貌】之杜【赤棠】其叶湑湑【枝叶相比】独行踽踽【无所亲也】岂无他人不如我同父嗟行之人胡不比焉人无兄弟胡不依【助也】焉有杕之杜其叶菁菁【希少貌】独行踽踽【无所依也】岂无他人不如我同姓嗟行之人胡不比焉人无兄弟胡不依焉唐国风七篇曰羔裘二章章四句刺时也晋人刺其在位不恤其民也羔裘豹祛【卿大夫之服也】自【由也】我人居居【安居也】岂无他人维子之故羔裘豹褻自我人究究【尽心力也】岂无他人维子之好

四十年齐侯禄父立文侯赤之孙也

四十一年宋公舍其子与夷以国让其弟和宋公薨諡曰宣公和即位大夫正考父佐戴武宣三命兹益恭其鼎铭曰一命而偻再命而伋三命而俯循墙而走亦莫余敢侮饁于是粥于是以糊其口郑伯伐鲁鲁公子息姑逆战于狐壤郑人获之以归囚诸尹氏息姑赂尹氏而祷于其主钟巫遂与尹氏归而立其主

四十四年甲寅郑大叔命西鄙北鄙贰于己公子吕曰国不堪贰君将若之何臣请除之无生民心公曰无庸将自及

四十七年曲沃緡入翼弑其君平諡曰孝公国人逐緡立孝公弟郯

四十八年宋师侵鲁鲁人败之于黄鲁侯元妃孟子卒继室以声子生息姑宋武公薨之年生女曰仲子手有文曰为鲁夫人故鲁侯娶焉生子允而弗湟薨諡曰惠公孔子曰夏道尊命事敬神而遠之近人而忠焉先禄而后威先赏而后罚亲而不尊其民之敝憊而愚乔而野朴而不文殷人尊神率民以事神先而后礼先罚而后赏尊而不亲其民之敝荡而不静胜而无耻周人尊礼尚施事敬神而遠之近人而忠焉其赏罚用爵列亲而不尊其民之敝利而巧文而不慙贼而蔽子曰夏道未渎辞不求备不大望于民民未厌其亲殷人未渎礼而求备于民周人强民未渎神而赏爵刑罚穷矣子曰虞夏之道寡怨于民殷周之道不胜其弊子曰虞夏之质殷周之文至矣虞夏之文不胜其质殷周之质不胜其文

四十九年冬鲁公子息姑欲以位让其弟允诸大夫不可息姑乃即鲁侯位鲁侯求好于邾春正月与邾子盟于蔑郑大叔完聚缮甲兵具卒乘将袭郑夫人将启之公闻其期曰可矣三月命公子吕帅车二百乘以伐京京人叛段段入鄆郑伯伐诸鄆大叔出奔共其子滑奔卫郑伯寘姜氏于城颍而誓之曰不及黄泉无相见也既而悔之颍谷封人考叔闻之有献于公公赐之食食舍肉公问之对曰小人有母请以遗之公曰尔有母遗繫我独无颍考叔曰何谓也公语之故且告之悔对曰君何患焉若阙地及泉隧而相见其谁曰不然公从之母子如初王命郑伯为卿士卫人为郑公孙滑伐郑取廩延鲁仲子之丧夏五月王使冢宰致鲁侯求成于宋秋七月盟于宿冬十月祭伯朝于鲁鲁大夫孝公之子益师卒至鲁哀公之世孔子不复梦见周公于是按鲁史春秋断自隐公元年笔则笔削则削而作春秋春秋经曰元年春王正月【谓一为元者明人君之用也元即仁也仁人心也春秋深明其用当自贵者始故治国先正其心心正而后天下莫不一于正冬而曰春者行夏之时也春天时正王月书时又书月见天人一理而知王与天同火也加王于正者公羊子曰大一统也天无二日土无二王家无二主尊无二上道无二致政无二门而知天下定于一也鲁隐不书即位者内不承国于先君上不禀命于天子也首绌隐公以明大法父子君臣之伦正矣何以始于鲁隐平王子母适冢正后亲遭褒姒之难废黜播迁而宗国颠覆至是暮年又以天王之尊而诸侯宠妾人望絶矣春秋于此盖有不得已焉故托始乎隐也】不书即位【国君逾年改元必行告庙之礼国史主记时政必书即位之事而隐公阙焉是仲尼削之也古者诸侯继世袭封则内必有所承爵位土田受之天子则上必有所禀内不承国于先君上不禀命于天子诸侯大夫□已以立而遂

立焉是与争乱造端而篡弑所由起也春秋首黜隐公以明大法父子君臣之伦正矣】三月公及邾仪父盟于蔑【鲁侯爵而称公此臣子之词从周之文者也我所欲曰及邾附庸仪父其君之字也王朝大夫例称字列国之命大夫例称字诸侯之兄弟例称字中国之附庸例称字然有例当称字或黜而名例当称人或进而书字者圣人之特笔也春秋大义公天下讲信修睦至于刑牲要神非所贵也】夏五月郑伯克段于鄢【不称国不称将不称师而专曰郑伯者姜氏尝欲立段矣郑伯恐其终将轧已为后患也故纵使至于乱然后以叛逆讨之则国人不敢从姜氏不敢主而大叔属籍当絶不可复居父母之邦此郑伯之志也春秋诛其意以正人心垂训之义大矣不书奔义不系于奔也】秋七月天王使宰咺来归惠公仲子之【春秋创制系王于天为万世法冢宰称宰咺者名也王朝公卿书官大夫书字上士中士书名下士书人咺位六卿之长而名之何也以天王之尊下 诸侯之妾咺为冢宰承命而行故特贬而书名或曰僖公之母成风亦庄公妾也其卒也王使荣叔归舍且 其葬也王使召伯来防葬而荣召书字何也前 仲子则名冢宰后葬成风王不称天其法严矣】九月及宋人盟于宿【内称及外称人皆防者其地以国宿亦与焉防者盟防不志于春秋此其志者有宿国之君也凡书名者恶其屡盟不待防同私约不繇天子慢 神犯刑政以成倾危之习也】冬十有二月祭伯来【按左氏曰非王命也祭伯畿内诸侯为王卿士来朝于鲁直书曰来不与其私交杜朋党之原为后世事君而有二心者之明戒也经于内臣朝聘告赴皆贬而不与正其本也】公子益师卒【凡公子公孙登名于史贵戚之卿也其称公子以贵戚故使为卿也不书官者不请于王而自命也卿卒必书此春秋贵大臣之意或书或不书着礼貌之差也不书葬明君臣之等也名而不书氏者身自为卿而非世也公子翬不书卒何也迷国误朝躬行弑讨之贼也公子遂书卒何也因事之变以明卿卒不绎之礼也季孙意如书卒何也春秋有变例定哀多微词定公幸于祸而忘其讎诱于利而忘其辱以意如为大夫不讨先君之贼也】

五十年春鲁侯与戎防于潜修惠公之好戎请盟鲁侯辞莒子取于向向姜不安莒而归三月莒人入向以姜氏还鲁司空无骇帅师入极戎复请盟夏六月庚辰鲁侯与盟于唐秋七月纪侯使其大夫履緌逆夫人于鲁八月鲁伯姬归于纪十月乙卯鲁侯夫人子氏薨郑人以王师虢师伐卫讨廩延之师王将分政于虢公郑伯怨王王曰无之于是与郑交质经曰二年春公防戎于潜【戎狄举号外之也天子与天地参无不覆载王德之体也内中国而外四夷使之各安其所者王道之用也是故亲戎狄致全缙之奉是首顾居下也戎狄来朝位侯王之上是乱常失序也羌胡居塞内无出入之防为猾夏之阶也故驭戎之道正朔不加奚会同之有】夏五月莒人入向无骇帅师入极【以事言之入者造其国都以义言之入者逆而不顺莒称人小国也无骇不氏未赐族也其书帅师用大众也非王命而入人国邑逞其私意见诸侯之不臣也擅兴而征讨不加焉见天王之不君也据事直书义自见矣】秋八月庚辰公及戎盟于唐【春秋谨华夷之辨与戎盟非义矣其书日者谨之也后世如西汉结戎狄以许婚而配偶非其类如唐肃宗约回纥以求援而华夏被其毒如德宗信吐蕃以与盟而臣主防其耻虽悔于终亦将奚及春秋谨唐之盟垂戒远矣】九月纪履緌来逆女冬十月伯姬归于纪【谷梁子曰逆女亲者也使大夫非正也夫妇人伦之本也故文王为世子而亲迎韩侯为诸侯而亲迎入春秋之始名宰咺归 书履緌逆女众妾之分定矣大昏之礼严矣】纪子伯莒子盟于密【凡阙文有断以大义削之而非阙者有本据旧史因之而不能益者亦有先儒传受承

误而不敢增者阙疑而慎言其余可矣必曲为之說则凿矣】十有二月乙卯夫人子氏薨【谷梁子曰隐之妻也邦君之妻国人称之为小君卒则书薨以明齐也先卒而不书葬以明顺也夫夫人伦之本入春秋之始于子氏书薨不书葬明示大伦苟知其义则夫夫妇妇而家道正矣】郑人伐卫【凡兵声罪致讨曰伐潛师入境曰侵两兵相接曰战環其城邑曰围造其国都曰入徙其朝市曰迁毀其宗庙社稷曰灭诡道而胜之曰败悉虏而俘之曰取轻行而掩之曰袭已去而蹙之曰追聚兵而守之曰戍以弱假强而能左右之曰以皆志其事实以明轻重内兵书败曰战书灭曰取特婉其词为君隐也征伐天子之大权今郑无王命虽有言可执亦王法所禁况于修怨乎不书战者卫已服也卫服则可免矣此义施于伐而不书战皆可通矣】

五十一年春正月庚戌王崩諡曰平王太子泄父蚤死嫡孙林立将遂畀虢公政二月郑祭足率师取温之麦王与郑交恶君子曰信不由中质无益也明恕而行要之以礼虽无有质谁能间之苟有明信涧谿沼沚之毛苹蘩蕓藻之菜筐筥錡釜之器潢污行潦之水可荐于神可羞于王公而况君子结二国之信行之以礼又焉用质风有采蘩采苹雅有行苇涧酌昭忠信也宋公疾召大司马孔父嘉曰先君舍与夷而立寡人寡人弗敢忘若得保首领以没先君若问与夷其将何辞以对请子奉之以主社稷虽死亦毋悔焉对曰羣臣愿奉冯也公曰不可先君以寡人为贤使主社稷若弃德不让是废先君之举也岂曰能贤光昭先君之令德可不务乎吾子其无废先君之功使冯出居于郑嘉者正考父之子也夏六月庚辰宋公薨与夷即位冬十月齐侯郑伯盟于石门寻卢之盟经曰三年春王二月己巳日有食之【经书日食三十六精厯算者所能攷其行有常度是灾而非异矣然每食必书示后世治厯明时之法遇灾而惧之意也克谨天戒则虽有象而无其应弗克畏天灾咎之来必矣凡经所书者或妾妇乘其夫或臣子背君父或政权在臣下或外夷侵中国皆阳微陰盛之证而可忽乎】三月庚戌天王崩【崩者上坠之形春秋歷十有三王桓襄匡简景志崩志葬者赴告及鲁往防之也平惠定灵志崩不志葬者赴告虽及鲁不防也庄僖顷崩葬皆不志王室不告鲁亦不往也诸侯为天王服斩衰礼当以所闻先后而奔丧今周人来讞鲁侯不往是无君也其罪不书而自见矣】夏四月辛卯尹氏卒【尹氏天子大夫世执朝权为周阶乱者也因其告丧与立子朝以朝奔楚皆以氏书者志世卿非礼为后鉴也官不择人世授之柄党与既众威福下移大奸根据而莫除人主孤立而无助国不亡幸尔春秋书尹氏武氏仍叔之子于鲁书季友仲遂皆志其非礼也公羊子此說必有所受矣】秋武氏子来求赙【武氏天子之大夫何以不称使古者天子崩嗣王諒陰百官总己以听于冢宰三年非王命也以非王命而不称使春秋之防防矣于以谨天下之通丧而严君臣之名分也大赙以货财则生者所须索也君取于臣不言求而曰求赙求车求金皆着天王之失道也上失其道则下不臣矣】八月庚辰宋公和卒【古者诸侯之邦交间问殷聘而世相朝周制王哭诸侯则大宗伯为上相司服为王制總麻宰夫掌邦之吊事戒令与其币器财用外诸侯卒国史承告而后书圣人皆存而弗削而天子待诸侯之义见矣卒而或日或不日者何谨则书日慢则书时其大致然也卒而或名或不名者何嘗会盟聘问则名可知不则虽使至告丧其名亦不可得而知矣诸侯曰薨而何以书卒周室东迁诸侯專国上不请命圣人奉天讨以正王法特书曰卒贬黜之也】冬十有二月齐侯郑伯盟于石门【外盟会常事也何以书在春秋之乱世常事也于圣人之王法则非常也书而弗削者其诸以是为非常典而有志于天下为公之世乎】癸未葬宋穆公【诸侯五月而葬同

盟至周制有职丧掌诸侯之丧礼莅其禁令序其事凡诸侯及诸臣葬于墓者则冢人授之兆为之蹕而均其禁外诸侯葬其事则因鲁防而书其义则圣人或存或削而天子待诸侯之义见矣卒而或葬或不葬者何有患于礼而不葬者有弱其君而不葬者无其事阙其文鲁史之旧也有讨其贼而不葬者宋殇齐昭告乱书弑矣而经不书葬有讳其辱而不葬者晋主夏盟在景公时告丧书日矣而经不书葬有治其罪而不葬者鲁宋盟防未尝不同而三世不葬有避其号而不葬者吴楚之君书卒者十有亲送于西门之外者矣而经不书 皆圣人所削春秋之法也】

桓王

元年冬十二月戊申卫公子州吁弑其君而自立宋公鲁侯将为会寻宿之盟未及期卫人来告乱遂遇于清宋公子冯在郑郑人欲纳之卫州吁将修先君之怨于郑而求宠于诸侯以和其民乃使人啖宋以伐郑除公子冯之利宋人许之陈蔡方睦于卫州吁使公孙文仲帅师及宋公陈侯蔡人伐郑邶国风三篇曰燕燕四章章六句卫庄姜送归妾也燕燕于飞差池【张舒也】其羽之子于归【归宗也】远送于野【郊外曰野】瞻望弗及泣涕如雨燕燕于飞颉之颃之【飞而上曰颉下曰颃】之子于归远于将之【行也】瞻仰弗及伫立以泣【伫立也】燕燕于飞下上其音之子于归远送于南【陈在卫南】瞻望弗及实劳我心仲氏任【大也】只其心塞【实也】渊【深也】终温且惠【顺也】淑慎其身先君之思以勗寡人【勉也】邶国风四篇曰日月四章章六句卫庄姜伤已也遭州吁之难伤已不见答于先君以至穷困之诗也日居月诸照临下土【日乎月乎照临之也】乃如之人兮逝【逮也】不古【故也】处胡【何也】能有定宁【曾也】不我顾日居月诸下土是冒乃如之人兮逝不相好【不及我以相好】胡能有定宁不我报日居月诸出自东方【日始月盛皆出东方】乃如之人兮德音无良胡能有定俾也可忘日居月诸东方自出父兮母兮畜我不卒胡能有定报我不述【循也】邶国风五篇曰终风四章章四句卫庄姜伤已也遭州吁之暴见侮慢而不能正也终风且暴【终日风为终风】顾我则笑【侮之也】谑浪笑傲【言戏谑不敬】中心是悼终风且霾【两土也】惠然肯来莫往莫来【人无子道以来事已已亦不得以母道往加之】悠悠我思终风且曠【陰而风曰曠】不日有曠寤言不寐愿言则【跄也】曠曠其陰【如常陰曠曠然】虺虺其雷寤言不寐愿言则怀【伤也】邶国风六篇曰击鼓五章章四句怨州吁也衛州吁用兵暴乱使公孙文仲将而平陈与宋国人怨其勇而无礼也击鼓其镗踊跃用兵【镗然擊鼓声也】土国城漕我独南行【漕卫邑也】从孙子仲平陈与宋不我以归忧心有忡爰居爰处爰丧其马于以求之于林之下死生契濶与子成說【契濶勤苦也說数也】执子之手与子偕老【偕俱也】于嗟濶兮不我活兮于嗟洵兮不我信兮【洵遠信极也】宋公使乞师于鲁侯问于众仲曰州吁其成乎对曰臣闻以德和民不闻以乱以乱犹治丝而棼之也夫州吁阻兵而安忍阻兵无众安忍无亲众叛亲离难以济矣夫兵犹火也弗戢将自焚也公辞之公子翬请以师防之公弗许固请而行遂防诸侯败郑徒兵围其东门五日而还州吁未能和其民厚问定君于石子石子曰王觐为可陈侯方有宠于王陈卫方睦若朝陈使请必可得也厚从州吁如陈石碣使告于陈曰卫国褊小老夫耄矣无能为也此二人者实弑寡君敢即图之陈人执之而请泄于衛衛人使右宰丑莅杀州吁于濮石碣使其宰獬羊肩莅杀石厚于陈諡其君曰桓公卫人逆桓公之弟晋于邢冬十月公

子晋即位经曰四年春王二月莒人伐 取牟娄【声罪伐人而强夺其土故特书曰取以着其恶圣王不作诸侯放恣有取其故地如僖公之取济西成公之取汝阳亦书曰取何也苟不请于天王以正疆理而擅兵争夺虽取本邑与夺人之有者无以异春秋之义不以乱易乱故亦书曰取正其本也】戊申卫州吁弑其君完【此卫公子州吁也而削其属籍特以国氏者罪庄公不待以公子之道使预闻政事主兵权而当国也】夏公及宋公遇于清【古者有遇礼不期而防以明造次亦有恭肃之心春秋书遇私为之约自比于不期而遇者直简其礼耳简畧慢易无国君之礼则莫适主矣故志内之遇者三而皆以及若曰以此及彼然也志外之遇者四而皆以爵若曰以尊及卑然也故凡书遇者皆恶其无人君相见之礼也】宋公陈侯蔡人卫人伐郑【春秋诛首恶兴是役者首谋在卫而以宋主兵可也邻有弑逆声罪赴讨虽先发而后闻可也宋殇不恤卫有杀君之难欲定州吁而从其邪说是肆人欲灭天理非人之所为也故以宋公为首诸国为从示诛乱臣讨贼子必先治其党与之法也此义行为恶者孤矣故曰春秋成而乱臣贼子惧】秋翬帅师防宋公陈侯蔡人卫人伐郑【宋公乞师公辞而弗许义也翬以不义强其君固请而行之无君之心兆矣隐公不能辨之于早罢其兵权使之帅师也是以及钟巫之祸春秋于此去其公子以谨履霜之戒夫春秋立义至精词极简严若曰翬帅师防伐郑岂不白乎再序四国何其词费也言之重词之复其中必有大美恶焉四国合党翬复防师同伐无罪之邦欲定弑君之贼恶之极也言之不足而再言圣人之情见而诛讨乱臣之法严矣】九月卫人杀州吁于濮【伐郑称人责词也杀州吁称人众词也公羊子称人为讨贼之词是矣于濮者着诸侯之罪也卫人失贼而曰着诸侯之罪何也州吁二月弑君缘四国连兵欲定其位故卫人从然后能杀之于濮非诸侯之罪而何夫以讨贼许众人而以失贼罪邻国与贼者寡矣故曰春秋成贼子惧】冬十有二月卫人立晋【人众辞立者不宜立也内不承国于先君上不禀命于天子众谓宜立而遂自立焉可乎故于卫人特书曰立所以着擅置其君之罪于晋绝其公子所以明专有其国之非而父子君臣之义明矣】

皇王大纪卷三十四

宋 胡宏 撰

三王纪

桓王

二年冬鲁侯将如棠观鱼公子彊諫曰凡物不足以讲大事其材不足以备器用则君不举焉君将纳民于轨物者也故讲事以度轨量谓之轨取材以彰物采谓之物不轨不物谓之乱政乱政亟行所以败也故春搜夏苗秋猕冬狩皆于农隙以讲事也三年而治兵入而振旅归而饮至以数军实昭文章明贵贱辨等列顺少长习威仪也鸟兽之肉不登于俎皮革齿牙骨角毛羽不登于器则公不射古之制也若夫山林川泽之实器用之资皂隸之事官司之守非君所及也公曰吾将略地焉遂往陈鱼而观之彊称疾不从亦孝公子也二月卫 其君桓公四月卫人以燕师伐郑郑三大夫以三军军其前二公子潜军军其后燕人畏郑三军而不虞制人六月二公子以制人败燕师于北制曲沃鱣攻翼晋侯郃奔随是为鄂侯鱣既得晋不受王命王使虢公伐之复奔曲沃晋人立鄂侯之子光卫之乱也邾人侵卫至是卫师入邾鲁考仲子之宫将万焉公问羽数于众仲对曰天子用八诸侯六大夫四士二夫舞所以节八音而行八风也故自八以下公从之始用六佾宋人取邾田邾人告于郑曰请君释憾于宋敝邑为道郑人会之伐宋入其郛以报东门之役宋公使告于鲁鲁侯闻其入郛也将救之问于使者曰师何及对曰未及国公怒乃止辞使者曰君命寡人同恤社稷之难今问诸使者曰师未及国非寡人之所敢知也冬十月辛巳鲁公子彊卒公曰叔父有憾于寡人寡人弗敢忘 之加一等是为臧僖伯宋人伐郑围长葛以报入郛之役春世子卒諡为靖公经曰五年春公观鱼于棠【诸侯非王事则不出非民事则不出特书观鱼以见隱公慢弃国政遠事逸游也夫不纳僖伯之忠言亦已矣又从而为之辞是纵欲而不能自克之以礼也能无钟巫之及乎】夏四月 衛桓公【鲁往会故书圣人存而弗削者弑逆之贼讨矣程氏曰正终大事也必于正寝而不没于妇人之手岂苟然乎死而加之不正之谥知忠孝者不忍为也卫本侯爵何以称公见臣子不请于王而私自諡尔春秋于邦君薨正以王法至于 则从其私諡前以贬不臣顺之诸侯后以罪不忠孝之臣子词显而义微皆所以遏人欲存天理大居正也】秋衛师入邾【称师者纪其用众而立义不同有矜其盛而称师者如齐师宋师曹师城邢之类是也有着其暴而称师者楚灭陈蔡公子弃疾主兵而曰楚师之类是也有恶其无名不义而称师者次于郎以俟陈蔡及齐围邾之类是也衛宣继州吁不施德政毒众临戎入人之国书着其暴也】九月考仲子之宫初献六羽【考者始成而祀也惠公欲以爱妾为夫人隱公欲以庶弟为嫡子圣人以为诸侯不再娶于礼无二适故因其来 考宫而正名之曰仲子生称号姓氏没称号諡姓者夫人也存没皆单称姓字者妾也凡宫庙非志灾失礼则不书羽以象文德干以象武功总而称之则为佾妇人无武事故独奏文乐初献六羽者明前此用八之僭也鲁用天子礼乐是成王过赐而伯禽受之非也以祀周公已为非礼其后羣公皆僭用焉末流季氏八佾舞于庭而三家者以雍彻圣人因事而书所以正天下之大典也】邾人郑人伐宋【主兵者邾也故虽附庸小国而序乎郑之上然衛州吁主兵伐郑而圣人以宋为首者此春秋拨乱

之大法也】螟【虫食苗心曰螟食叶曰螽食节曰贼食根曰蠹国以民为本民以食为天螟记灾也圣人以是为国之大事也近世王安石乃称为人牧者不必论奏灾伤之事甚矣其不讲于圣人之经也】冬十有二月辛巳公子彊卒【以公羊三世考之则所传闻之世也而书日见恩礼之厚矣以僖伯之忠葬之加一等夫是之谓称然不听其言与郭公善善不能用一也其及宜矣】宋人伐郑围长葛【围之至于经年而不解诛乱臣讨贼子可也长葛郑邑何罪乎书围于此而书取于后宋人之恶彰矣】

三年甲子春郑伯使人输平干鲁三月辛酉鲁侯会齐侯盟于艾始平也五月庚申郑伯侵陈大获往岁郑伯请成于陈陈侯不许五父諫曰亲仁善邻国之宝也君其许郑陈侯曰宋衛实难郑何能为遂不许君子曰善不可失恶不可长陈侯长恶不悛徒自及也周任有言曰为国家者见恶如农夫之务去草焉芟夷蕴崇之絕其本根勿使能殖则善者信矣秋宋人取长葛冬王使告饥于鲁鲁为王请籩于宋衛齐郑郑伯来朝王不礼焉周公黑肩曰我周之东晋郑焉依善郑以劝来者犹惧不蔽况不礼焉郑不来矣弗听王国风八篇曰采葛三章章三句惧谗也彼采葛兮一日不见如三月兮【葛所以为絺绤喻臣以小事使出】彼采萧兮一日不见如三秋兮【萧所以共祭祀】彼采艾兮一日不见如三岁兮【艾所以疗疾】王国风九篇曰大车三章章四句刺周大夫也礼义陵迟男女淫奔故陈古以刺今大夫不能听男女之讼焉大车槛槛毳衣如綈【大车大夫之车槛槛车行声也毳衣天子大夫出封五命如子男之服毳冕綈色青者】岂不尔思畏子不敢大车啍啍毳衣如璫【啍啍重迟之貌璫頽也】岂不尔思畏子不奔谷则异室死则同穴谓予不信有如皦日【谷生皦白也生则形异死则神合】经曰六年春郑人来输平【输纳也平成也郑人纳成于鲁以利相结解怨释仇离宋鲁之党也故特称输平以明有国者正其义不谋其利杜亡国败家之本也】夏五月辛酉公会齐侯盟于艾秋七月【四德备而后为干四时具而后成岁故春秋虽无事首时过则书见天人之理合也天人殊观圣学不传而春秋之义隱矣】冬宋人取长葛【宋人恃强从役取非所有王朝不讨列国不治郑人土地天子所命先祖所受不能保有而失之也是上无天王下无方伯而郑亦无君也攷穆公属国之意殇公乃忌冯而伐郑春秋序宋主兵以殇公之罪重也明年郑人报宋序邾为首以郑伯之罪轻也又肆行暴虐不善之积已着其见弑岂一朝一夕之故哉凡此类直书于防按其行事而善恶之应可攷矣】

四年春正月鲁纪伯姬之行也其娣叔姬防至是始归于纪滕侯薨夏鲁城中丘齐侯使公子年聘于鲁结艾之盟也宋及郑平秋七月庚申盟于宿鲁侯闻之伐邾以说于宋初戎朝于周发币于公卿凡伯弗賓王使凡伯聘于鲁还至衛楚丘戎伐凡伯执之以归陈及郑平郑公子忽在王所故陈侯请妻之郑伯许之曲沃鬴卒是为庄伯子称代秦伯薨諡曰文公嫡孙寧公立经曰七年春王三月叔姬归于纪【叔姬伯姬之娣非夫人也则何以书古者诸侯一娶九女必格之同时者所以定名分窒乱源也今叔姬待年于宗国不与嫡俱行则非礼之常所以书也眉山苏辙以谓书叔姬贤之也贤而得书亦春秋之法也】滕侯卒【卒自外錄不卒非外也葬自内錄不葬非内也滕侯宿男之类书卒不书 者怠于礼弱其君者也】夏城中丘【程氏曰为民立君所以养之也养民之道在爱其力民力足则生养遂教化行风俗美故为政以民力为重也春秋凡用民必书其所兴作不时害义固为罪矣虽时且义亦书见劳民为重事也人君而知此义则知慎重于用民力矣凡书城者完旧也书筑者创始也城中丘使民

不以时非人君之心也】齐侯使其弟年来聘【兄弟先公之子不称公子贬也郑语书盟黑背书帅师而称兄弟者罪其有宠爱之私陈光奔楚盗杀衛絜秦鍼宋辰书奔书归而称兄弟者责其薄友恭之义年者齐僖公母弟也僖公私其同母宠爱异于他弟施及其子犹与嫡等至襄公绌之遂成篡弑之祸故圣人特变文书弟以示贬焉仁人于兄弟絕偏系之私笃友恭之义人伦正而天理存其春秋以训天下与来世之意也】秋公伐邾【鲁为宋讨非义之甚而称伐邾传所谓欲加之罪者也而不知渝蔑之盟不待贬而自见矣】冬天王使凡伯来聘戎伐凡伯于楚丘以归【一人而曰伐见其以徒众也楚丘衛地以归易词也于楚丘者罪衛不救王臣之患以归者罪凡伯失节不能死于位也用之秩官敌国賔至闕尹以告 人为导司徒具徒司防诘奸佞人积薪火师监燎其贵国之賔至则以班加一等益防至于王使则皆官正泄事今凡伯承王命以为过賔于卫而戎得伐之以归是蔑先王之官而无君父也为狄所灭则有由矣】

五年齐侯将平宋衛于郑有防期宋公请衛侯先相见卫侯与宋公遇于大丘郑伯先请于鲁以泰山之祊易许田鲁人许之正月使宛归祊鲁人受之四月甲辰郑公子忽如陈逆妇妣辛亥以妣氏归甲寅入于郑陈鍼子送女先配而后祖鍼子曰是不为夫妇诬其祖矣何以能育蔡侯薨子封人嗣齐人卒平宋衛于郑秋会于温盟于瓦屋以释东门之役八月丙戌郑伯以齐人朝王鲁侯莒人盟于浮来以成纪好冬十月鲁大夫公子展之孙无骇卒请諡与族公问于众仲对曰天子建德于诸侯因生以赐姓胙之土而命之氏诸侯于大夫使因其王父字諡为族官有世功则有官族邑亦如之公命以字为展氏齐侯使告成三国于鲁公使众仲对曰君释三国之圖以鳩其民君之惠也寡君闻命矣敢不承受君之明德经曰八年春宋公衛侯遇于垂三月郑伯使宛来归祊庚寅我入祊【輸平之时以言请之矣至是来入地也周制六年五服一朝成王以周公有大勲劳故特赐之许田为朝宿之地又六年王乃时巡诸侯各朝于方岳宣王以郑伯母弟懿亲故特赐之祊田为汤沐之邑祊近于鲁许邻于郑各以其近者相易用是见郑有无君之心而谓天王不复能巡狩矣用是见郑有无亲之心而敢与人以先祖所受之邑矣其言我入祊者祊非我有也入者不顺之词】夏六月己亥蔡侯考父卒辛亥宿男卒【周制诸侯薨赴不以名仲尼革之必以名书示君臣尊卑之等盖礼之中也】秋七月庚午宋公齐侯衛侯盟于瓦屋【参盟书日谨其始也程氏曰宋为主盟与郑絕也大道隱而家天下然后有诰誓忠信薄而人心疑然后有诅盟盟诅烦而约剂乱然后有交质子春秋革薄从厚谨参盟善胥命美萧鱼之防盖有志于天下为公之世凡此类亦变周制矣】八月葬蔡宣公九月辛卯公及莒人盟于浮来【隱公屈干乘之尊下与小国之大夫盟亦太卑而可逾矣故特言及以讥失礼且明非大夫之罪也】螟冬十有二月无骇卒【诸侯之子为大夫则称公子其孙也而大夫则称公孙公孙之子与异姓之臣未赐族而身为大夫则称名已赐族而使之世为大夫则称族古者置卿必求贤德不以世官春秋之初犹为近古故无骇与侠皆书名尔其后官人以世无不赐之族或以字或以諡或以官或以邑而先王之礼亡矣至于三家专鲁六卿分晋诸侯失国出奔者相继观春秋所书而是非之迹着治乱之效明矣】

六年王使大夫南季聘于鲁春正月癸酉鲁雷电霖雨庚辰大雨雪凡雨自三日以往为霖平地尺为大雪秦徙都眉之平阳鲁大夫挟卒夏鲁城郎宋公不王郑伯以王命讨之使告于鲁

鲁侯会齐侯于防以谋伐宋北戎侵郑郑伯御之曰彼徒我车惧其侵轶我也公子突曰使勇而无刚者尝寇而速去之君为三覆以待之戎轻而不整贪而无亲胜不相让败不相救先者见获必务进进而遇覆必速奔后者不救则无继矣乃可以逞从之大败戎师经曰九年春天王使南季来聘【古者诸侯于天子朝聘有制天子于诸侯亦有时聘以结好隐公即位九年未尝朝聘于天子贬爵削地可也经书公如京师者一朝于王所者二卿大夫如京师者五举鲁一国则天下诸侯怠慢不臣可知矣书天王来聘者七锡命者三 葬者四则问于他邦及齐晋秦楚之大国又可知矣然后征伐自诸侯出然后政事自大夫出然后陪臣执国命夷狄制诸夏矣其原皆自天王失威福之柄也春秋于此盖有不得已焉尔矣】三月癸酉大雨震电庚辰大雨雪【震电者阳精之发雨雪者阴气之凝此三月正月也雷未可以出电未可以见而大震电此阳失节也雷已出电已见则雪不当复降而大雨雪此阴气纵也公子翬之谗兆矣钟巫之难萌矣春秋灾异必书虽不言其事应而事应具存惟明于天人相感之际响应之理则见圣人所书之意矣】挟卒夏城郎【城者御暴保民之所城不可逾制役不可违时又当量功命日不愆于素然后为之可也失其时制妄兴大作无爱养斯民之意者其罪之轻重见矣】秋七月冬公会齐侯于防【周制有时会以发田方之禁此谓非时而合诸侯以禁止天下之不义也列国何为此名凡书防皆讥也谓非王事相防聚尔曰郑伯为宋公不王讨也何以谓之非王事乎天下不听征伐之禁于王都始则私防中则私盟终败人而夺其邑奉王命讨不庭者果如是乎盖矫假以逞私忿尔经之书会书伐而不异其文以此】

七年冬十有二月齐侯鲁侯郑伯会于中丘盟于邓为师期二月公子翬先会齐侯郑伯伐宋四月戊申鲁侯会齐侯郑伯于老桃壬戌鲁侯败宋师于营庚午郑师入郕以郕归于鲁庚辰入防以防归于鲁蔡人卫人邾人不会伐宋五月郑师入郊犹在郊宋人卫人入郑乃召蔡人入戴蔡人怒师不和郑伯围戴克之取三师焉七月戊寅郑伯入宋八月壬午齐人郑人入郕讨违王命也经曰十年春王二月公会齐侯郑伯于中丘夏翬帅师会齐人郑人伐宋【翬不氏先期也夫乱臣贼子积其强恶非一朝一夕之故故去其公子以戒兵柄下移制之于未乱也】六月壬戌公败宋师于营辛未取郕辛巳取柎【内大恶其词婉诸侯分邑非其有而取之盗也曷不隐乎若成公取鄆襄公取郛昭公取鄆皆覆人之邦而绝其祀亦书曰取故此直书而不隐也】秋宋人卫人入郑宋人蔡人卫人伐戴郑伯伐取之【郑庄公以奇取胜然则可乎孟子曰善战者服上刑称伐取者其以郑庄公当此刑矣】冬十月壬午齐人郑人入郕【程氏谓宋本以公子冯在郑故二国交恶春秋不见其为王讨也若讨违王命则不书入矣入者不顺之词也苟以为难词则齐郑大国于讨何难哉】

八年滕侯薛侯朝于鲁争长薛侯曰我先封滕侯曰我周之卜正也薛庶姓也我不可以后之公使请于薛侯曰周谚有之曰山有木工则度之賔有礼主则择之周之宗盟异姓为后寡人若朝于薛不敢与诸任齿乃长滕侯鲁侯会郑伯于时来以谋伐许五月齐侯鲁侯郑伯伐许瑕叔盈以螯狐登周麾而呼曰君登矣郑师毕登遂入许许男奔卫齐侯以许让公公曰君谓许不共故从君讨之许既伏其罪矣虽君有命寡人弗敢与闻乃与郑人郑伯使许大夫百里奉许叔以居许东偏曰天祸许国 神实不逞于许君而假手于我寡人寡人唯是一二父兄不能共亿其敢以许自为功乎寡人有弟不能和协而使糊其口于四方其况能从有许乎吾子其奉许叔以抚柔此民也吾将使获也佐吾子若寡人得没于地天其以礼悔祸于许无寧

兹许公复奉其社稷唯我郑国之有请谒焉如旧婚媾其能降以相从也无滋他族实偏处此以与我郑国争此土也吾子孙其覆亡之不暇而况能禋祀许乎寡人之使吾子处此不唯许国之为亦聊以固吾圉也乃使公孙获处许西偏曰凡而器用财贿无寘于许我死乃亟去之吾先君新邑于此王室而既卑矣周之子孙日失其序夫许大岳之 也天而既厌周德矣吾其能与许争乎君子谓郑庄公于是乎有礼礼经国家定社稷序人民利后嗣者也许无刑而伐之服而舍之度德而处之量力而行之相时而动无累后人可谓知礼矣王取郕刘蕢邾之田于郑而与郑人苏忿生之田温原絺樊隰郕攢茅向盟州陞隤怀君子是以知桓王之失郑也愬而行之德之则也礼之经也已弗能有而以与人人之不至不亦宜乎郑息有违言息侯伐郑郑伯与战于竟息师大败而还夫不度德不量力不亲亲不征辞不察有罪犯五不韪而以伐人君子是以知息之将亡也八月郑伯以虢师伐宋壬戌大败宋师以报其入郑也鲁公子翬请杀公子允将以求太宰鲁侯曰为其少故也吾将授之矣使营菟裘吾将老焉翬惧反诸公于公子而请弑之公有事于钟巫齐于社圃馆于鳧氏九月壬辰翬使贼弑之是为隐公公子允即位而讨鳧氏有死者经曰十有一年春滕侯薛侯来朝【周东迁之后列国放恣无礼义之交惟强弱之视凡来聘来朝一切书不削皆所以示讥滕薛二君不特言者又讥旅见也非天子不旅见诸侯偃然受之而不辞亦以见隐公之志荒矣】夏公会郑伯于时来秋七月壬午公及齐侯郑伯入许【前书防则伐许者本郑志也此书及则入许者公所欲也公即位十有一年不朝京师不奔王丧擅兴甲兵取邑易地今又入人之国而逐其君凡此五不韪者人臣之大恶而隐公兼有之然则不善之殃岂特始于惠成于桓不可不察也】冬十有一月壬辰公薨【隐公见弑鲁史旧文必以实书其曰公薨者仲尼亲笔也不书弑示臣子于君父有隐避其恶之礼不书地示臣子于君父有不没其实之忠不书 示臣子于君父有讨贼复讐之义非圣人莫能修谓此类也夫贼不讨讐不复而不书 则服不除寝苦枕戈无时而终事也以此法讨罪至严矣故曰春秋成而乱臣贼子惧】

九年鲁侯弑君得位脩好于郑郑人请卒易祊田鲁侯许之正月会郑伯于垂以祊田之薄于许田也加璧焉二月丁未鲁侯及郑伯盟于越鲁大水经曰元年【元年即位之始年也自是累数虽久而不易此前古记事之例春秋祖述为编年法及汉文惑方士之言改后元年始乱古制孝武又因事别建年号历代因之夫历世无穷而美名有尽岂记从明远可行之法也必欲传从当以春秋为正】春王正月公即位【桓公与闻乎故而书即位着其弑立之罪深绝之也美恶不嫌同词惠公元妃无适嗣隐公继室之子于次居长礼当嗣世桓庶弟也隐欲让而桓弑之春秋所以备书始终讨贼之义以示王法正人伦存天理也】三月公防郑伯于垂郑伯以璧假许田【许田所以易祊也郑既归祊又加璧者祊薄于许故也以此易彼各利于国乃有无君亲之心焉圣人以是为国之大恶也故隐其词而谓之假夫易则已矣言假则有归之道又以见许人改过迁善之意其垂训之义大矣春秋恶易许田孟子极陈利国之害皆拔本塞源杜篡弑之渐也】夏四月丁未公及郑伯盟于越【垂之防郑人欲得许田以自广也故称防越之盟桓公欲结郑好以自安也故称及夫弑逆之人孟子所谓不待教命人得而诛之者也而郑与之盟以定其位是肆人欲灭天理变中国为戎夷化人类为禽兽圣人所谓惧春秋所以作也无俟于贬绝而恶自见也】秋大水【大水者陰逆而与怨气并之所致也桓行逆德而致陰沴宜矣】冬十月

十年宋公立十一年十一战民不堪命孔父嘉为司马华督为太宰督将弑君因民不堪命先宣言曰司马则然攻杀孔父遂弑宋公諡曰殇召公子冯于郑而立之以亲郑以郕大鼎赂鲁侯齐陈郑皆有赂鲁侯将纳于太庙臧哀伯諫曰君人者昭德塞违犹惧或失之故昭令德以示子孙是以清庙茅屋大路越席大羹不致粢食不啗昭其俭也衮冕黻珽带裳幅舄衡紃紼纁昭其度也藻率鞞鞶厉游纓昭其数也火龙黼黻昭其文也五色比象昭其物也钺鸾和铃昭其声也三辰旂旗昭其明也以临照百官于是乎戒惧而不敢易纪律今灭德立违而寘其赂器于太庙以明示百官百官象之其又何诛焉国家之败由官邪也官之失德宠赂章也郕鼎在庙章孰甚焉武王克商迁九鼎于雒邑义士犹或非之而况将昭违乱之赂器于太庙其若之何周内史闻之曰臧孙逵其有后于鲁乎君违不忘諫之以德公不听遂与齐侯陈侯郑伯会于稷立华氏使相宋公夏五月纪侯朝于鲁齐故也荆熊通浸强大稍侵汉沔之北蔡侯郑伯会于邓始惧楚也秋七月鲁人入 鲁侯及戎盟于唐以脩旧好晋侯侵阍庭之田阍庭南鄙启曲沃伐翼经曰二年春王正月戊申宋督弑其君与夷【元年书春王正月以天道王法正桓公之罪也二年书春王正月以天道王法正宋督之罪也程氏曰弑逆者不以王法正之天理灭矣督虽无王而天理未尝亡也谷梁子以二年书王正与夷之卒是也以为诸侯之卒天子所隐痛故书王以正之误矣】及其大夫孔父【孔父佐殇公无能改于其德非所谓格君心之非者然督之所惮于是先攻杀孔父而后敢弑其君能为有无亦庶几焉是故着其节而书及不失其官而书大夫也凡乱臣贼子畜无君之心者必先翦其所忌而后动于恶不能翦其所忌则有终其身而不敢动也故刘安欲叛汉而惮汲直曹操欲擅位而惮孔融不有君子其能国乎春秋贤孔父示后人主崇獎节义之臣乃天下之大闲有国之急务也】滕子来朝【滕侯爵降而称子终春秋之世何也春秋为诛乱臣讨贼子而作者也夫乱臣贼子人人莫与则无以立于世而莫敢动于恶矣故讨乱贼之法尤严于其党滕侯先邻国而朝桓是党之也与四夷何异四夷虽大皆曰子狄之也使其后嗣有能讨乱贼盖前人之愆则圣人必复其爵矣】三月公会齐侯陈侯郑伯于稷以成宋乱【春秋于列防独此与襄公末年防于澶渊特书其所为者以桓弑隐督弑殇般弑景一则受宋赂而立华氏一则谋宋灾而不致讨故特书以见意焉然澶渊之会既不书鲁卿又贬诸国之大夫此则书公又序诸侯之爵何也澶渊之防虽书曰宋灾故而未能表其诛责之意也故必深讳重贬然后见也稷之防前书督弑后取宋鼎曰成宋乱书诸侯则其责明矣】夏四月取郕大鼎于宋戊申纳太庙【取者得非其有之称纳者不受而强致之谓弑逆之贼不能讨而受其赂器寘于大庙以明示百官是教之为乱臣贼子也公子牙庆父仲遂意如之恶又何诛焉圣人为此惧而作春秋故直载其事谨书其日垂训后世使臣戒也】秋七月 侯来朝【公谷程氏皆以 为纪纪侯朝弑君之贼何以无贬当是时齐欲灭纪纪侯求鲁为援非为桓立而朝之也】蔡侯郑伯会于邓【楚自周东迁号称王跨越江汉此三国者地与之邻是以惧也其后卒灭邓虜蔡侯而郑以王室懿亲为之服役圣人盖伤之也夫天下莫大于理莫强于信义循天理悖信义荆楚虽大何惧焉若事丑德齐则以地之大小力之强弱分胜负矣观诸侯防盟离合之迹而夷夏盛衰由可考也观春秋进退与夺抑扬之防则知安中夏待四夷之道矣】九月入 公及戎盟于唐冬公至自唐【君行反而告至常事尔何以书或志其去国逾时之久也或録其会盟侵伐之危也或着其党恶附奸之罪也桓公弑君而立尝列于中国诸侯之防而不书至同恶也今与戎盟而书至者危之也程氏所谓居夷浮海之意是也】

十一年冬十一月曲沃称伐翼次于陘庭庄伯之弟韩万御戎梁 为右败晋侯于汾隰晋侯
骖絙而止夜获之是为哀侯及栾共叔称使谓共叔曰母死吾以子为上卿制晋国之政共叔
对曰人非父不生非君食不长非师教不知故一事之惟其所在则致死焉从君而贰君焉用
之遂死晋人立哀侯之子鲁侯会齐侯于嬴请婚齐侯许之齐侯衛侯胥命于蒲不盟也杞侯
求成于鲁鲁侯会之于郕夏五月辰朔日有食之既鲁侯使公子翬逆夫人于齐齐侯送姜氏
至于謹鲁侯防之以姜氏归先王之制诸侯嫁女于敌国姊妹则上卿送之公子则下卿送之
于大国虽公子亦上卿送之于天子则诸卿皆行公不自送于小国则上大夫送之齐公子年
聘于鲁致夫人也鲁有年经曰三年春正月【桓公三年而后不书王者十有四年何也桓公
弑君而立王朝司马不施残执之刑邻国之大夫不闻有沐浴之请鲁之臣子反面事讐曾莫
之耻使乱臣贼子肆其凶逆无所忌憚人之大伦灭矣故不书以见桓公无王与天王之失政
而不王也】公会齐侯于嬴夏齐侯衛侯胥命于蒲【公羊曰胥命者相命也相命近正也是
时也人爱其情私相疑贰以成倾危之俗有能相命而信谕岂不独为近正乎故特起胥命之
文于此有取焉圣人以信易食答子贡之问君子以信易生重桓王之失信去则民不立矣故
荀卿言春秋善胥命】六月公防 侯于郕秋七月壬辰朔日有食之既【谷梁曰既尽也言
日言朔食正朔也言朔不言日食既朔也言日不言朔食晦日也不言日不言朔夜食也何以
知其夜食曰王者朝日日始出而有亏伤之处也日者众阳之宗人君之象而有食之既则其
为变大矣先儒以为荆楚僭号郑拒王师之应】公子翬如齐逆女【娶妻必亲迎礼之正也
若夫邦君以爵则有尊卑以国则有大小以道途则有逵迳或迎之于其国或迎之于境上或
迎之于所馆礼之节也纪侯于鲁以小大言则亲之者也而使履綌来鲁侯于齐以逵迳言则
亲之者也而使公子翬往是不重大婚之礼失其节矣故书】九月齐侯送姜氏于謹公防齐
侯于謹夫人姜氏至自齐【鲁侯既不亲迎为齐侯来乃逆而防于謹是公之行其重在齐侯
而不在姜氏岂礼也哉不言以至者既得见乎公也不能防闲于是乎在礼者所以别嫌明防
制治于未乱不可不谨也娶夫人国之重大事故详】冬齐侯使其弟年来聘有年【旧史灾异
与庆祥并记故有年大有年得见于经然十二公多歷年所有务农重谷闵雨而书雨者岂无
丰年而不见于是仲尼削之矣独桓有年宣大有年则存而弗削者緣此二公获罪于天宜得
水旱凶灾之譴今乃有年则是反常也故以为异特存耳然则天道亦僭乎桓宣享国十有八
年独此二年书有年他年之歉可知也而天理不差信矣此一事也在史则为庆祥在经则为
变异是圣人因鲁史旧文能立兴王之法也故史文如画笔经文如画工自先儒说经者多
列此于庆瑞之门至程氏发明奥防然后以为记异此得于言意之表者也】

皇王大纪卷三十五

宋 胡宏 撰

三王纪

桓王

十二年冬十有一月鲁侯狩于郎王使冢宰渠伯纠聘于鲁侯秦师侵芮败焉小之也芮伯万之母芮姜恶芮伯之多宠人也逐之出居于魏冬王师秦师围魏执芮伯以归魏芮皆姬姓魏地南枕河北涉汾水西迫于秦东阨于晋魏国风首篇曰葛屨二章一章六句一章五句刺褊也魏地陜隘其民机巧趋利其君俭嗇褊急而无德以将之纠纠葛屨可以履霜掺掺女手可以缝裳要之襪之好人服之好人提提宛然左辟佩其象揅维是一心是以为刺魏国风二篇曰汾沮洳三章章六句刺俭也其君俭以能勤刺不得礼也彼汾沮洳【渐洳也】言采其莫【菜也】彼其之子美无度美无度殊异乎公路彼汾一方言采其桑彼其之子美如英【万人为英】美如英殊异乎公行彼汾一曲言采其蕢彼其之子美如玉美如玉殊异乎公族魏国风三篇曰园有桃二章章十二句刺时也大夫忧其君国小而迫而俭以嗇不能用其民而无德教日以侵削故作是诗也园有桃其实之殽心之忧矣我歌且谣不知我者谓我士也骄彼人是哉子曰何其心之忧矣其谁知之其谁知之盖亦勿思园有棘【枣也】其实之食心之忧矣聊以行国不知我者谓我士也罔极彼人是哉子曰何其心之忧矣其谁知之其谁知之盖亦勿思魏国风四篇曰陟岵三章章六句孝子行役思念父母也国迫而数侵削役乎大国父母兄弟离散而作是诗也陟彼岵兮【山无草木曰岵】瞻望父兮父曰嗟予子行役夙夜无已上慎旃哉【上谓去服事也】犹来无止【父尚义也】陟彼屺兮【山有草木曰屺】瞻望母兮母曰嗟予季行役夙夜无寐上慎旃哉犹来无弃【母尚思也】陟彼冈兮瞻望兄兮兄曰嗟予弟行役夙夜必偕【俱也】上慎旃哉犹来无死【兄尚亲也】魏国风五篇曰十亩之间二章章三句刺时也言其国削小民无所居焉十亩之间兮桑者闲闲兮【男女往来无别之貌】行与子还兮【去东相遇】十亩之外兮桑者泄泄兮【人多之貌】行与子逝兮【行相逮及】魏国风六篇曰伐檀三章章九句刺贪也在位贪鄙无功而受禄君子不得仕进尔坎坎伐檀兮【坎坎伐木声】寘之河之干兮【寘置也干厓也】河水清且涟猗【风行水成文曰涟伐檀以待世用若俟河水清且涟】不稼不穡胡取禾三百防兮【一夫之居曰防】不狩不猎胡瞻尔庭有县貆兮【貆兽名】彼君子兮不素餐兮【素空也】坎坎伐辐兮寘之河之侧兮河水清且直猗【直直波也】不稼不穡【种之曰稼敛之曰穡】胡取禾三百亿兮【万万曰亿】不狩不猎胡瞻尔庭有县特兮【兽三歳曰特】彼君子兮不素食兮坎坎伐轮兮寘之河之漘兮【漘亦厓也】河水清且沦猗【小风成文曰沦】不稼不穡胡取禾三百困兮不狩不猎胡瞻尔庭有县鹑兮彼君子兮不素飧兮【熟食曰飧】魏国风终七篇曰硕鼠三章章八句刺重敛也国人刺其君重敛蚕食于民不修其政贪而畏人若大鼠也硕鼠硕鼠无食我黍三歳贯女【贯事也】莫我肯顾逝将去女适彼乐土乐土乐土爰得我所硕鼠硕鼠无食我麦三歳贯女莫我肯德逝将去女适彼乐国乐国乐国爰得我直【得其直道】硕鼠硕鼠无食我苗三歳贯女莫我肯劳逝将去女适彼乐郊乐郊乐

郊雉之永号【号呼永歌也】经曰四年春正月公狩于郎【何以书讥远也戎祀国之大事狩所以讲大事也不时则伤农不地则害物可不谨乎以非其地而必书是春秋谨于防之意也每谨于微然后王德全矣】夏天王使宰渠伯纠来聘【宰豕宰也渠氏伯爵纠其名也名之何也操刑赏之柄以御下者王也论刑赏之法以诏王者宰也承命以聘弑君之贼故书名以见其非宰也然桓公没荣叔来锡命何以书字而不名也始而来聘豕宰书名以见贬终而追锡王不称天以示讥其义备矣宰咺独称官纠兼称爵何也如咺者岂初得政犹未受封而纠则或以诸侯入相或既相而封者乎汉初命相必择列侯为之后用公孙因相而得封盖欲仿古重其任也任之重则责益深矣嫡妾之分君臣之义天下之大伦无所轻重纠以既封故兼称爵见春秋责相之意也】不书秋冬【四时具然后成岁故虽无事必书首时今此独于秋冬阙焉何也立天之道曰阴曰阳阳居春夏以养育为事所以生物也阴居秋冬以肃杀为事所以成物也王者赏以春夏刑以秋冬象天道也桓弑隐公而立大司马九伐之法虽未之举犹有望也及使豕宰下聘恩礼加焉则天下之望绝矣故宰纠书名而去秋冬二时以见天王之不复能用刑也】十三年甲戌冬十有一月己丑陈侯鲍薨谥曰桓公公弟佗杀太子免而代之陈国风六篇曰墓门二章章六句刺陈佗也陈佗无良师傅以至于不义恶加于万民焉墓门有棘斧以斯之夫也不良国人知之知而不可已谁昔然矣墓门有梅有鸛萃止夫也不良歌以讯之讯予不顾颠倒思予齐侯郑伯朝于纪欲以袭之纪人知之王使仍叔之子聘于鲁陈其君桓公鲁城祝丘王夺郑伯政郑伯不朝王以诸侯伐郑郑伯御之王为中军虢公林父将右军蔡人卫人属焉周公黑肩将左军陈人属焉郑子元请为左拒以当蔡卫为右拒以当陈人曰陈乱民莫有鬬心若先犯之必奔王卒顾之必乱蔡卫不支固将先奔既而萃于王卒可以集事从之曼伯为右拒祭仲足为左拒原繁高渠弥以中军奉公为鱼丽之陈先偏后伍伍承弥缝战于繻葛命二拒曰旂动而鼓蔡卫陈皆奔王卒乱郑师合以攻之王卒大败祝聃射王中肩王亦能军聃请从之公曰君子不欲多上人况敢陵天子乎苟自救也社稷无陨多矣夜郑伯使祭足劳王且问左右王国风六篇曰兔爰三章章七句闵周也桓王失信诸侯背叛搆怨连祸王师伤败君子不乐其生焉有兔爰爰【缓意】雉离于罗我生之初尚无为我生之后逢此百罹【忧也】尚寐无吽【动也】有兔爰爰雉离于罟【覆车也】我生之初尚无造我生之后逢此百忧尚寐无觉有兔爰爰雉离于罟【罟也】我生之初尚无庸我生之后逢此百防尚寐无聪郑国风七篇曰遵大路二章章四句思君子也庄公失道君子去之国人思望焉遵大路兮掺执子之祛兮无我恶兮不逮故也【掺攀也逮速也】遵大路兮掺执子之手兮无我醜兮不逮好也【醜弃也】郑国风八篇曰女曰鸡鸣三章章六句刺不说德也陈古义以刺今不说德而好色也女曰鸡鸣士曰昧旦子兴视夜明星有烂将翱将翔弋鳬与鴈弋言加之与子宜之宜言饮酒与子偕老琴瑟在御莫不静好知子之来之杂佩以赠之知子之顺之杂佩以问之知子之好之杂佩以报之卫国风八篇曰伯兮四章章四句刺时也言君子行役为王前驱过时而不可反焉伯兮偁兮【偁武勇貌】邦之桀兮【桀特立也】伯也执殳【长丈二而无刃】为王前驱自伯之东首如飞蓬岂无膏沐谁适为容其雨其雨杲杲出日愿言思伯甘心首疾焉得谖草【令人忘忧】言树之背【背比堂也】愿言思伯使我心痾防国风九篇曰有狐三章章四句刺时也卫之男女失时丧其妃耦焉古者国有防荒则杀礼而多昏会男女之无夫家者所以育人民也有狐绥绥【匹行貌】在彼淇梁【石绝水曰梁】心之忧矣之子无裳有狐绥绥在彼淇厉【厉深可厉之旁】心之忧矣之子无带有狐绥绥在彼淇侧心之忧矣之子无服初卫侯烝于夷姜生伋子属诸右公子为之

娶于齐而美公纳之 国风之十八篇新台三章章四句刺衛宣公也纳伋之妻作新台于河上而要之国人恶之而作是诗也新台有泚河水弥弥燕婉之求籛籛不鲜【不能俯者】新台有洒河水浼浼燕婉之求籛籛不殄鱼网之设鸿则离之燕婉之求得此戚施【不能仰者】秋鲁大雩凡祀后土而郊龙见而雩始杀而尝闭蛰而烝鲁有蠡州公如曹度其国危遂不复经曰五年春正月甲戌己丑陈侯鲍卒夏齐侯郑伯如纪【此外相如国史承告而书圣人存而弗削者以小国恃大国之安靖已而乃包藏祸心以图之也所以着齐人灭纪之罪明纪侯去国之由也】天王使仍叔之子来聘【卿大夫天下之公选也周衰小人得政以朝廷官爵施及童稚贤者老身于葦门圭窶公道不行然后兵乱侵陵国家倾覆春秋书武氏仍叔之子云者戒后世主徇大臣私意而用其子弟之弱者居公选之地以败乱其国家欲其深省之也】陈桓公城祝丘秋蔡人衛人陈人从王伐郑【鲁桓弑君而自立宋督弑君而得政天下大恶人理所不容也则遣使聘焉而莫之讨郑伯不朝贬其爵可也乃愤怒自将以攻之非天讨也故不称天若移此师以加宋鲁谁曰非天讨乎既讥天王以端本矣三国以兵防伐则言从王者又以明君臣之义也君行而臣从正也战于繻葛而不书战王卒大败而不书败者又以存天下之大防也三纲军政之本圣人寓军政于春秋而书法若此者皆裁自圣心非国史所能与也】大雩【大雩者雩于上帝用盛乐也诸侯雩于境内山川尔鲁侯而郊禘大雩欲悉书于策则有不胜书故雩祭因旱以书而特谓之大郊禘亦因事以书而义自见此皆国史所不能与而君子以谓性命之文是也诸侯不得祭天地大夫不得祭山川士庶人不敢以他人祖称祭于己之寝礼也明乎春秋之义则知圣人治国如指诸掌之说矣】蠡冬州公如曹【天子三公称公王者之后称公州公诸侯而称公者昔毕高以父师而厘束土卫武以列国而入相于周盖与后世出入均劳之意同此其所以称公也外相如不书此何以书将有其末故先録其本】

十四年冬十有一月州公自曹朝于鲁荆熊通侵随使防章求成焉军于瑕以待之随人使少师董成鬬伯比言于楚子曰吾不得志于汉东也我则使然我张吾三军而被吾甲兵以武临之彼则惧而協以谋我故难间也汉东之国随为大随张必弃小国小国离楚之利也少师侈请羸师以张之熊率且比曰季梁在何益鬬伯比曰以为后图少师得其君王毁军而纳少师少师归请追楚师随侯将许之季梁止之曰天方授楚楚之羸其诱我也君何急焉臣闻小之能敌大也小道大淫所谓道忠于民而信于神也上思利民忠也祝史正辞信也今民馁而君逞欲祝史矫举以祭臣不知其可也公曰吾牲牷肥腍粢盛丰备何则不信对曰夫民神之主也是以圣王先成民而后致力于神故奉牲以告曰博硕肥腍谓民力之普存也谓其畜之硕大蕃滋也谓其不疾疫蠹也谓其备腍咸有也奉盛以告曰洁粢丰盛谓其三时不害而民和平年丰也奉酒醴以告曰嘉栗防酒谓其上下皆有嘉德而无违心也所谓馨香无谗慝也故务其三时脩其五教亲其九族以致其禋祀于是乎民和而神防之福故动则有成今民各有心而 神乏主君虽独丰其何福之有君姑脩政而亲兄弟之国庶免于难随侯惧而脩政楚不敢伐齐侯欲灭纪纪侯求鲁为之主春二月鲁侯会之于郕北戎伐齐齐侯使乞师于郑郑太子忽帅师救齐六月大败戎师获其二帅大良少良甲首三百以献于齐于是诸侯之大夫戍齐齐人馈之饩使鲁为其班后郑郑忽以其有功也怒故有郎之师鲁侯之未昏于齐也齐侯欲以文姜妻忽忽辞人问其故太子曰人各有耦齐大非吾耦也诗云自求多福在我而已大国何为君子曰善自为谋及其败戎师也齐侯又请妻之固辞人问其故太子曰无事于齐

吾犹不敢今以君命奔齐之急而受室以归是以师昏也民其谓我何遂辞诸郑伯六月壬午鲁大阅以简车马陈公子跃蔡出也蔡人杀佗而立之秋七月丁卯鲁夫人生子以太子生之礼举之接以太牢卜士负之士妻食之公与文姜宗妇命之公问名于申繻对曰名有五有信有义以类命为象取于物为假取于父为类不以官不以山川不以隐疾不以畜牲不以器币周人以讳事神名终将讳之故以国则废名以官则废职以山川则废主以畜牲则废祀以器币则废礼晋以僖侯废司徒宋以武公废司空先君献武废二山是以大物不可以命公曰是其生也与吾同物命之曰同纪侯朝于鲁谋请王命以求成于齐鲁侯告之以不能经曰六年春正月寔来【寔者州公名也书曰寔来不复其国也春秋之法诸侯不生名失地灭同姓则名正名经世之本名正而天下定矣或曰孟子以诸侯失国托于诸侯礼也今州公书名以匹夫畜之可乎曰世衰道防诸侯其有壤地褊小迫乎强暴而失国是不幸焉非其罪也则以诸侯之礼接之可也若谭子在莒 子在黄温子在卫虽失国出奔而春秋不名义可见矣若夫或弃贤保佞或骄奢淫纵或用兵暴乱自底灭亡如蔡献舞邾益曹阳州寔之徒待之以初乃礼之过也观春秋所书则知所以处寓公之礼与强为善自暴弃者之劝戒矣】夏四月公会纪侯于郕秋八月壬午大阅【书八月不时也书大阅非礼也先王寓军政于四时之田训民御暴其备豫也惧郑忽畏齐人不因田狩而阅兵车属农失政甚矣春秋非持以不时非礼书也乃天未陰雨彻彼桑土绸缪牖户之意】蔡人杀陈佗【佗杀太子而代其位至是逾年不成之为君者以贼讨也书蔡人以善蔡书陈佗以善陈善蔡者以蔡人知佗之为贼善陈者以陈国不以佗为君知其为贼故称人称人讨贼之词也不以为君故称名称名当讨之贼也鲁桓杀君而郑伯与之盟宋督杀君而四君纳其赂则不知其为贼矣齐商人杀君者及其见杀则称位蔡般弑父者及其见杀则称爵是齐蔡国人皆以为君矣圣人于此抑扬予夺遏人欲于横流存天理于既灭见诸行事可谓深切而着明者矣】九月丁卯子同生【适豕始生即书于防与子之法也唐虞禅夏后殷周继春秋兼帝王之道贤可禅则以天下为公而不拘于世及之礼子可继则以天下为家而不必于让国之义万世之通道也与贤者贵于得人与子者定于立嫡经书子同生所以明与子之法正国家之本防后世配嫡夺正之事垂训之义大矣此世子也其不曰世子何也天下无生而贵者誓于天子然后为世子】冬纪侯来朝【主者成败之机荣辱之本也鲁桓弑君之贼人人之所同恶夫人得而讨之者也而纪侯主之以求援其能国乎然则何以得免于贬志不在于朝桓也】

十五年冬十二月乙亥鲁焚咸丘谷伯邓侯朝于鲁盟向求成于郑既而背之郑人齐人衛人伐盟向王迁盟向之民于郟曲沃伯入翼杀其君小子侯王使虢仲伐之称复归曲沃虢仲立哀侯弟緡唐国风八篇曰鸛羽三章章七句刺时也昭公之后大乱五世君子下从征役不得养其父母而作是诗也肃肃鸛羽集于苞栩王事靡盬【靡不攻致也】不能艺稷黍父母何怙悠悠苍天曷其有所肃肃鸛翼集于苞棘王事靡盬不能艺黍稷父母何食悠悠苍天曷其有极肃肃鸛行集于苞桑王事靡盬不能艺稻粱父母何尝悠悠苍天曷其有常经曰七年春二月己亥焚咸丘【易称王用三驱礼天子不合围夫子钓而不纲皆爱物之意也焚咸丘所谓焚林而田者也】夏谷伯绥来朝邓侯吾离来朝【谷伯邓侯何以生名桓天下之大恶也执之者无禁杀之者无罪谷伯邓侯越国逾境相继而朝之即大恶之党也故特贬而书名与失地灭同姓者比焉经于朝桓者或贬爵或书名或称人以诛绝其党拨乱之法严矣诛止其身而党之者无罪则人之类不相贼杀为禽兽也几希矣】不书秋冬【田常弑其君孔子请

讨之以从大夫之后不敢不告也桓弑隱公而立虽方伯连帅环视而未之恤犹有望也及谷邓二国自遠来朝则天下诸侯莫有可望者矣故七年谷伯邓侯各书其名而去秋冬二时以见诸侯之不复能脩其职也然则见之行事不亦深切着明矣乎故曰春秋成而乱臣贼子惧】

十六年冬十一月己卯鲁炆王使家父聘于鲁春三月丁巳鲁再炆随少师有宠楚鬬伯比曰可矣雖有衅不可失也夏楚子合诸侯于沈鹿黄随不防使防章让黄楚子伐随军于汉淮之间季梁请下之弗许而后战所以怒我而怠寇也少师谓随侯曰必速战不然将失楚师随侯御之望楚师季梁曰楚人上左君必左无与王遇且攻其右右无良焉必败偏败众乃携矣少师曰不当王非敌也弗从战于速 随师败绩随侯逸鬬丹获其戎车与其戎右少师秋随及楚平楚子将不许鬬伯比曰天去其疾矣随未可克也乃盟而还楚辟地东至睢上鲁伐邾秋八月雨雪王使祭公言于鲁以取女遂逆后于纪秦寧公鲁姬生武公德公寧公薨庶长弗忌威叁三父舍世子兄弟不立而立其庶出子经曰八年春正月己卯炆【炆以中冬时也何以书为再炆见渎也】天王使家父来聘【家父何以无贬乃同则书重之义虞史以人主大臣为一体春秋以天王宰相为一心故来聘桓公则宰纠书名以正其始锡桓公命王不称天以正其终而荣叔家父之徒不与也故人主之职在论相而止矣】夏五月丁丑炆【春秋之文有一句而包数义者戎伐凡伯于楚丘以归之类是也有再书而一贬者春正月己卯炆夏五月丁丑炆是也】秋伐邾冬十月雨雪祭公来遂逆王后于纪【刘敞曰祭公王之三公也曷为不称使不与王之使祭公也师傅之官坐而论道其任重矣今其来鲁乃命鲁侯以婚 之事者也若是则大夫可矣何必三公任之重使之轻故祭公緣比义得專命不报遂行如纪而王以轻使为失祭公以遂行为罪矣此说是也官师从单靖公逆王后于齐刘夏非卿而书靖公合理则不书故先儒以为宜使卿逆公监之礼也】

十七年冬纪季姜归于京师巴子使告于楚请与邓为好楚子使道朔将巴客聘于邓邓南鄙鄢人夺之币杀道朔及巴行人楚让于邓邓人弗受夏楚鬬廉及邑师围鄢邓養甥聃甥救鄢三逐巴师不克鬬廉衡陈于巴师之中以战而北邓人逐之背巴师而夹攻之邓师大败鄢人宵潰秋虢仲芮伯荀侯贾伯伐曲沃曹伯终生使其世子射姑朝于鲁终生叔振铎七世孙也鲁侯飨之乐奏而叹施父曰曹太子其有忧乎非叹所也经曰九年春纪季姜归于京师【自逆者而言则当尊崇其匹内主六宫之政使妃妾不得上僭故从天王所命而称王后示天下之母仪也自归者而言则当糲屈逮下使夫人嫔妇皆得进御于君而无嫉妬之心故从父母所子而称季姜化天下以妇道也词之抑 各有所当皆正始之道王化之基也】夏四月秋七月冬曹伯使其世子射姑来朝【周制世子摄其君者谓朝于天子有时虽老疾者亦不敢后故使世子摄已事以见天子急述职也诸侯间于王事则相朝其礼本无时曹伯既有疾何急于朝桓而使世子摄哉君疾而储副出后奸邪窥伺之心危道也世子将欲已乎则方命矣曰孝子尽道以事其亲者也不尽道而苟焉以从命为孝又焉得为孝】

十八年曹伯薨射姑嗣三月曹葬其君桓公虢仲潜其大夫詹父于王詹父有辞以王师伐虢夏虢公出奔虞秦人纳芮伯万于芮鲁侯衛侯期于桃丘衛侯弗至初虞叔有玉虞公求旃弗献既而悔之曰周谚有之匹夫无罪懷璧其罪吾焉用此其以贾害也乃献之又求其宝剑叔

曰是无厌也无厌将及我遂伐虞公公奔共池郑伯以忽怒故请师于齐以伐鲁冬十月丙午齐侯以师助之鲁侯与战于郎邾国风八篇曰雄雉四章章四句刺卫宣公也淫乱不恤国事军旅数起大夫久役男女怨旷国人患之而作是诗也雄雉于飞泄泄其羽【兴也雄雉见雌雉飞而鼓其翼泄泄然】我之怀矣自诒伊阻【诒遗伊维阻难也】雄雉于飞下上其音展矣君子实劳我心【展诚也】瞻彼日月悠悠我思【瞻视也】道之云远曷云能来百尔君子不知德行不忒不求何用不臧 国风九篇曰匏有苦叶四章章四句刺卫宣公也公与夫人并为淫乱匏有苦叶济有深涉【兴也匏谓之瓠瓠之叶苦不可食也济度也由膝以上为涉】深则厉浅则揭【以衣涉水为厉谓由带以上也揭褰衣也遭时制宜如遇水深则厉浅则揭矣男女之际安可以无礼义将无以自济也】有弥济盈有鸛雉鸣【弥深水也盈满也深水人之所难也鸛雌雉声也卫夫人有淫佚之意授人以色假人以辞不顾礼义之难使宣公有淫昏之行】济盈不濡轨雉鸣求其牡【濡清也由辀以上为轨违礼义不由其道犹雉鸣而求其牡矣飞曰雌雄走曰牝牡】雝雝鸣鴈旭日始旦【雝雝鴈声和也纳采用鴈旭日始出谓大昕之时】士如归妻迨冰未泮【迨及泮散也】招招舟子人涉卬否【招招号召之貌舟子舟人主济渡者卬我也】人涉卬否卬须我友【人皆涉我友未至我独待之而不涉以言室家之道非得所适贞女不行非得礼义昏姻不成】邶国风十七篇曰静女三章章四句刺时也卫君无道夫人无德静女其姝俟我于城隅【静贞静女也德贞静而有法度乃可说也姝美色也俟待也城隅以言高而不可逾】爱而不见搔首踟蹰【言志往而行正】静女其娈贻我彤管【既有美德又有美色又能遗我以古人之法可以配人君也古者后夫人必有女史彤管之法史不记过其罪杀之后妃羣妾以礼御于君所女史书其日月授之以环以进退之生子月辰则以金环退之当御者以银环进之着于左手既御着于右手事无大小记以成法】彤管有炜说怿女美【炜赤貌彤管以赤心正人也】自牧归荑洵美且异【牧田官也荑牙之始生也本之于荑取其有始有终】匪女之为美美人之贻【非为其徒说美色而已美其人能遗我法则】卫侯纳伋子之妻生壽及朔属寿于左公子姜氏与朔搆伋子公使诸齐使盗待诸莘将杀之寿子告之使行不可曰弃父之命乌用子矣有无父之国则可也及行饮以酒壽子载其旌以先盗杀之伋子至曰我之求也此何罪又杀之邶国风十九篇二子乘舟思伋壽也衛宣公之二子争相为死国人伤而思之作是诗也二子乘舟泛泛其景【二子伋壽也朔与母愬伋于公公令伋之齐使贼先待于隘壽知之以告伋使去伋曰君命不可逃国人伤其涉危遂往如乘舟而无所薄泛泛然迅疾而不凝也】愿言思子中心养养【愿每也養養然忧不知所定】二子乘舟泛泛其逝【往也】愿言思子不瑕有害【言二子之不遠害】邶国风十篇曰谷风六章章八句刺夫妇失道也卫人化其上淫于新昏而弃其旧室夫妇离絕国俗伤败焉习习谷风以陰以雨【兴也习习和舒貌东风谓之谷风陰阳和而谷风至夫妇和则室家成室家成而继嗣生】黽勉同心不宜有怒【言黽勉者思与君子同志也】采葑采菲无以下体【葑苢也菲芴也下体根茎也】德音莫违及尔同死行道迟迟中心有违【迟迟舒行貌违离也】不遠伊尔薄送我畿【门内也】谁谓荼苦其甘如荠【荼苦菜也】宴尔新昏如兄如弟【宴安也】泾以渭浊湜湜其沚【泾渭相入而清浊异】宴尔新昏不我屑以【屑洁也】毋逝我梁毋发我笱【逝之也梁鱼梁笱所以捕鱼也】我躬不阅遑恤我后【阅容也】就其深矣方之舟之就其浅矣泳之防之【舟船也】何有何亡黽勉求之【有谓富也亡谓贫也】凡民有丧匍匐救之不我能愔反以我为讐【愔养也】既阻我德贾用不售【阻难也】昔育恐育鞠及尔颠覆【育长鞠穷也】既生既

育比予于毒我有防蓄亦以御冬【防美御御也】宴尔新昏以我御穷有洸有潰既诒我肄【洸洸武也潰潰怒也肄劳也】不念昔者伊予来墜【墜息也】卫国风四篇曰氓六章章十句刺时也宣公之时礼义消亡淫风大行男女无别遂相奔诱华落色衰复相弃背或乃困而自悔丧其妃耦故序其事以风焉美反正刺淫佚也氓之蚩蚩抱布贸丝【氓民也蚩蚩敦厚之貌布币也】匪来贸丝来即我谋送子涉淇至于顿丘【丘一成为顿丘】匪我愆期子无良媒【愆过也】将子无怒秋以为期【将愿也】乘彼坳垣以望复关【坳毁也复关君子所近也】不见复关泣涕涟涟【言其有一心乎君子故能自悔】既见复关载笑载言尔卜尔筮体无咎言【曰卜蓍曰筮体兆卦之体】以尔车来以我贿迁【贿财迁徙也】桑之未落其叶沃若于嗟鸠兮无食桑葚于嗟女兮无与士耽【桑女功之所起沃若犹沃沃然鸠鹒也食桑葚过则醉而伤其性耽乐也女与士耽则伤礼义】士之耽兮犹可说也女之耽兮不可说也桑之落矣其黄而陨自我徂尔三歲食贫淇水汤汤渐车帷裳【陨坠也汤汤水盛貌帷裳妇人之车也】女也不爽士贰其行【爽差也】士也罔极二三其德【极中也】三歲为妇靡室劳矣夙兴夜寐靡有朝矣言既遂矣至于暴矣兄弟不知咥其笑矣【咥咥然笑】静言思之躬自悼矣【悼伤也】及尔偕老老使我怨淇则有岸隰则有泮【泮坡也】总角之宴言笑宴宴信誓旦旦【总角结髮也晏晏和柔也信誓旦旦然】不思其反反是不思亦已焉哉经曰十年春王正月【桓无王今复书王何也十者盈数也天道十年则亦周矣人事十年则亦变矣故易称守贞者十年而必反传论遠恶者十年而必弃桓公至是其数已盈宜见诛于天人矣十年书王纪常理也有习于谷梁子而不得传者见二年书王以为正与夷之卒此年书王而曹伯适薨遂附益之以为正终生之卒误矣果正诸侯之卒不缘篡弑者陈侯鲍在五年之正月曷不书王以正其卒乎】庚申曹伯终生卒夏五月葬曹桓公秋公会卫侯于桃丘弗遇【弗者迂词恶失信也衛初约鲁防于桃丘至是中变而从齐郑于是乎有郎之师其战于郎直书曰来盟于恶曹俱夺其爵则桃丘之弗遇也盖恶衛侯之失信矣桃丘衛地】冬十有二月丙午齐侯衛侯郑伯来战于郎【春秋加兵于鲁众矣未有书来战此独不称侵伐而以来战为文何也兵防器战危事圣人所重也诛暴禁乱敌加于己盖有不得已而应者矣未有悖道纵欲得己不已而先之者也鲁桓弑立天下大恶人人之所得讨也郑伯则首盟于越以定其位齐侯则继会于稷以济其奸曾不能脩方伯之职驻师境上声罪致讨伸天下之大义也今特以私忿小怨亲帅其师战于鲁境尚为知类也哉此春秋之所必诛而不以听也故以三国为主而书来战于郎郑人主兵而首齐犹州吁主兵而先宋】

皇王大纪卷三十六

宋 胡宏 撰

三王纪

桓王

十九年冬十一月齐侯卫侯郑伯盟于恶曹楚屈瑕将盟贰轸郕人军于蒲骚将与随绞州蓼伐楚师莫敖患之鬬防曰郕人军其郊必不诚且日虞四邑之至也君次于郊郢以御四邑我以锐师宵加于郕郕有虞心而恃其城莫有鬬志若败郕师四邑必离莫敖曰盍请济师对曰师克在和不在众成军以出又何济焉莫敖曰卜之对曰卜以决疑不疑何卜遂败郕师于蒲骚卒盟而还三月癸未郑伯薨子忽嗣初齐人将妻忽忽辞祭仲曰必取之君多内宠子无大援将不立三公子皆君也弗从初祭仲有宠于庄公为公娶邓曼生忽故祭仲立之夏五月郑葬其君庄公宋雍氏女于庄公曰雍姑生公子突雍氏宗有宠于宋公宋公诱祭仲而执之曰不立突将死亦执突而求赂焉秋七月祭仲与宋人盟以突归而立之郑伯忽出奔卫郑国风九篇曰有女同车二章章六句刺忽也郑人刺忽之不昏于齐太子忽尝有功于齐齐侯请妻之齐女贤而不取卒以无大国之助至于见逐故国人刺之有女同车颜如舜华【亲迎同车也舜木槿也】将翱将翔佩玉琼琚【佩有琚瑀所以纳间】彼美孟姜洵美且都【孟姜齐长女闲都也】有女同行颜如舜英【行行道也英犹华也】将翱将翔佩玉将将【将将鸣玉而后行】彼美孟姜德音不忘郑国风十篇曰山有扶苏二章章四句刺忽也所美非美然也山有扶苏隰有荷华【兴也扶苏扶胥小木也荷华扶渠也其华菡萏言高下大小各得其所也】不见子都乃见狂且【子都世人之美好者也狂狂人也且辞也】山有桥松隰有游龙【松木也龙红草也】不见子充乃见狡童【子充良人也狡童昭公也】郑国风十一篇曰萚兮二章章四句刺忽也君弱臣强不倡而和也萚兮萚兮风其吹女【兴也萚槁也人臣待君倡而后和】叔兮伯兮倡予和女【叔伯言羣臣长防也君倡臣和也】萚兮萚兮风其漂女【漂犹吹也】叔兮伯兮倡予要女【要成也】郑国风十二篇曰狡童二章章四句刺忽也不能与贤人图事权臣擅命也彼狡童兮不与我言兮【昭公有狂狡之志】维子之故使我不能餐兮【忧惧不遑餐也】彼狡童兮不与我食兮【不与贤人共食禄】维子之故使我不能息兮【忧不能息也】宋公陈侯鲁柔蔡叔盟于折鲁侯会宋公于夫钟冬十月鲁侯会宋公于阙经曰十有一年春正月齐人卫人郑人盟于恶曹【防者盟会不志于春秋其所志必有君与贵大夫矣恶曹之盟三国之君也既不以道兴师又结怨固党故前书其爵而以来战着罪后书此盟而以夺爵示贬】夏五月癸未郑伯寤生卒【郑庄公一念不善志杀其弟使糊其目于四方自以为保国之计得也然身歿未防忽仪亶突则而象之兄弟相残国内大乱民人思保其室家而不得不亦酷乎可以为永鉴矣】秋七月 郑庄公九月宋人执郑祭仲【祭仲不名命大夫也以天子命大夫为诸侯相乃至于见执废绌其君而立不正不亦甚乎故称其字者所以尊王命贵正卿大祭仲之罪以深责之也春秋美恶不嫌同词突之书名则本非有国由祭仲立之也若忽则以世嫡之正至于见逐不能立乎其位贵贱之分亡矣凡此类皆圣人亲笔非国史所能与也】突归于郑【不以突系之郑者正其不当立也不

称公子絕之也何以书于郑春秋书归有二义一易词也一顺词也其书入亦有二义一难词也一逆词也突虽不顺焉权臣许之立大国为之援而世子忽之才不能以自固也则其归无难故谷梁子曰归易词也】郑忽出奔卫【忽以国氏正也出奔而名不能君也攷于诗可以见忽之失国亦其自取非独仲之罪矣春秋书法如此欲人自强于为善者也】柔防宋公陈侯蔡叔盟于折公防宋公于夫钟冬十有二月公防宋公于阙

二十年夏四月壬寅鲁侯会 侯莒子于曲池平二国盟焉宋多责赂于郑郑不堪命鲁侯欲平宋郑五月丁亥会宋公燕人盟于句渚之丘六月壬辰陈侯薨舍公子完而立弟林鲁侯以宋公之成未可知也再会之于虚九月又会之于 宋公辞平丙戌遂与郑伯盟于武父十月陈葬其君厉公丙戌衛侯薨子朔嗣鲁侯郑伯帅帅伐宋战焉楚伐绞莫敖屈瑕曰绞小而轻轻则寡谋请无扞采樵者以诱之从之绞人获三十人明日绞人争出楚人坐其北门而覆诸山下大败之为城下之盟而还伐绞之役楚师干涉于彭罗人欲伐之使伯嘉谍之三巡数之经曰十有二年春正月夏六月壬寅公会 侯莒子盟于曲池秋七月丁亥公会宋公燕人盟于谷丘八月壬辰陈侯跃卒公会宋公于虚冬十有一月公防宋公于 丙戌公防郑伯盟于武父【鲁君臣频与宋公盟会皆存而不削何其费也曰盟者春秋所恶而屡盟以长乱会者诸侯所不得而数会以厚疑圣人不削者于以见屡盟而卒叛数会而卒离故春秋之志在于天下为公讲信修睦不以会盟为可恃也】丙戌卫侯晋卒十有二月及郑师伐宋丁未战于宋【宋责赂于郑而无厌屡盟于鲁而无信二国声其罪以致讨故书曰伐然取其赂以立督者鲁桓也资其力以篡国者郑突也无诸已然后非诸人春秋之义用黷治不肖不以乱易乱也故又书曰战于宋罪在内也】

二十一年冬十一月楚屈瑕伐罗鬬伯比送之还谓其御曰莫敖必败举趾高心不固矣遂见楚子曰必济师楚子辞焉夫人邓曼曰大夫其非众之谓其谓君抚小民以信训诸司以德而威莫敖以刑也莫敖狃于蒲骚之役将自用也夫固谓君训众而好镇抚之召诸司而劝之以令德见莫敖而告诸天之不假易也不然夫岂不知楚师之尽行也楚子使赖人追之不及莫敖使徇于师曰諫者有刑及鄢乱次以济且不设备及罗罗与卢戎两军之大败之莫敖缢于荒谷羣帅囚于冶父以听刑楚子曰孤之罪也皆免之十二月齐侯帅师及宋公卫侯燕人侵纪鲁侯郑伯会纪侯伐之四国之师皆败走春正月卫葬其君宣公鲁大水王宠子克属诸周公黑肩辛伯諫曰内宠并后嬖子匹嫡外宠二政大都耦国乱之本也弗听冬十月郑人请修好于鲁经曰十有三年春二月公会纪侯郑伯己巳及齐侯宋公卫侯燕人战齐师宋师卫师燕师败绩【齐为无道恃强凌弱而以纪为主何也彼为无道加兵于己必有引咎辨喻之文不得免则固其封守诉诸天子方伯及四隣诸侯其必有伸之者矣不如是而愤然与战为之援者弑君之贼篡国之人也不得保其国自此战始矣故春秋以纪为主省德相时自治之意也】三月 卫宣公【 自内錄也既与卫人战曷为葬宣公怨不弃义怒不废礼是知古人以 为重也礼丧在殡孤无外事卫宣未 朔乃即戎已为失礼又不称子是以吉服从金革之事其为恶大矣凡此类据事直书年月具存而恶自见矣】秋七月冬十月

二十二年冬十一月鲁侯郑伯会于曹曹人致饩焉郑使公子子人于鲁寻盟且脩曹之防夏六月壬申鲁御廩灾乙亥尝齐侯生三子诸儿小白子纠使鲍叔牙傅小白鲍叔曰臣知弃矣

召忽曰固也小白必不为后管仲曰事未知也冬十月丁巳齐侯薨诸儿嗣宋人以齐人蔡人卫人陈人伐郑焚渠门入及大逵伐东郊取牛首以大宫之椽归为卢门之椽秦庶长三父等贼杀出子复立世子武公经曰十有四年春正月公会郑伯于曹无冰【古人于冰藏之周用之徧亦理陰阳天地之一事也仲冬燠而无冰则政治纵弛不明之所致也春秋经邦大训而书法若此其察于四时之变详矣】夏五【传疑也疑而不益见圣人之慎也而世或以私意改易古书者有矣盍亦视此为鉴也然则春秋何以谓之作曰其义则防自圣心或笔或削明圣人之大用其事则因旧史有可损而不能益也】郑伯使其弟语来盟【来盟称使则前定之盟也其不称使如楚屈完齐高子则权在二子盟不盟特未定也】秋八月壬申御廩灾【门观灾而新作则书御廩灾其新必矣何以不书常事也以为常事而不书垂教之意深矣知其说者然后知其国之急务为政之后先矣】乙亥嘗【礼以时为大六月嘗则不时也礼以敬为本壬申灾乙亥嘗是不改卜而供未易灾之余则不敬也故书】冬十有二月丁巳齐侯禄父卒宋人以齐人蔡人卫人陈人伐郑【师而曰以能左右之以行己意也列国之兵有制皆统乎天子而敢私用之与私为之用以伐人国大乱之道也故谷梁子曰以者不以者也】

二十三年甲申冬十二月王使家父求车于鲁古者诸侯不贡车服天子不私求财春正月乙未王崩諡曰桓王太子他立二月己巳齐 其君僖公祭仲专郑伯患之使其嬖雍纠杀之雍姬知之以告仲三月仲杀纠公载以出奔蔡曰谋及妇人宜其死也四月乙亥郑昭公入许叔复归于许齐侯鲁侯盟于艾以谋定许邾人牟人葛人朝于鲁郑伯突因栾人杀檀伯而遂居栾九月宋公鲁侯衛侯陈侯防于袤伐郑将纳突弗克而还秦伐彭戏氏至于华山经曰十有五年春二月天王使家父来求车【需索之谓求王畿千里所入不至于有求诸侯各有职贡不至于来求若王者有求下观而化未至于篡弑夺攘则不厌矣古之君人者必昭俭德以临照百官尊卑登降各有度数示等威明贵贱然后民志定安其分而无求兵刑寢矣及侈心一动莫为防制必至于亢不衷官失德防耻道丧宠赂日章沦于危亡而后止也观春秋所书则见王室衰乱之由而知兴衰拨乱之说矣】三月乙未天王崩夏四月己巳葬齐僖公五月郑伯突出奔蔡【祭仲逐君不书何也陆淳曰圣人之教在乎端本清源故凡诸侯之奔皆不书所逐之臣而以自奔为名所以警乎人君其说是也夫君实有国而出于臣乃其自取焉耳本正而天下之事理也】郑世子忽复归于郑【忽嘗嗣位君其国归而独称世子者亡其君位也其称复归谓絕而复归也古者诸侯世国故失国出奔归而称复则可大夫不世官故失位出奔归而称复则不可或曰复厌词也】许叔入于许【许大岳之裔先王建国迫于齐郑不得奉其社稷则当伸大义以直词告诸天子方伯求复其国糞除宗庙孰能与之争今乃因乱窃入则非复国之义故书入入云者难词也】公防齐侯盟于艾邾人牟人葛人来朝【公羊曰皆何以称人皆外之也其外之何天王崩不奔丧而相率朝弑君之贼也】秋九月郑伯突入于栾【制邑之死虢君京城之叛大叔皆庄公所亲戒也而又城栾而寘子元焉使昭公不立何谋国之疎也衛有蒲戚而出献公楚有陈蔡不羹而叛弃疾末大必折有国之害也故夫子行乎季孙墮三都以张公室于厉公复国削而不书独书入于栾则其国已复矣于以明居重驭轻强榦弱枝以身使臂之义为后世鉴也为国者可不谨于礼乎春秋此义皆小康之事衰世之意也】冬十有一月防宋公衛侯陈侯于袤伐郑【谷梁曰地而后伐疑词非其疑也昭公与突之是非邪正亦明矣然昭公虽正其才不足以君一国之人复归于郑日以防弱厉公虽篡其智足以结四隣之援既入于栾日以盛强诸侯不顾是非而计其强弱始疑于辅正

终变而与邪故详书其防地而后言伐讥其疑于为义而果于为不义也】

庄王

元年冬十一月宋公鲁侯蔡侯卫侯会于曹谋伐郑也春二月诸侯遂伐郑弗克而还卫国风六篇曰芄兰二章章六句刺惠公也骄而无礼大夫刺之芄兰之支【兴也芄兰草也君子之德当柔润温良】童子佩觿【觿所以解结成人之佩也人君治成人之事虽童子犹佩觿早成其德】虽佩佩觿能不我知【不自谓无知以骄慢人也】容兮遂兮垂带悸兮【容仪可观佩玉遂遂然垂其绅带悸悸然有节度】芄兰之叶童子佩鞶【鞶袂也能射御则佩鞶】虽则佩鞶能不我甲【甲狎也】容兮遂兮垂带悸兮衛左公子泄右公子职怨衛侯之搆杀二子也相与立羣公子黔牟而逐之衛侯奔齐鄘国风二篇曰墙有茨三章章六句衛人刺其上公子顽通乎君母国人疾之而不可道也墙有茨不可扫也【兴也墙所以防非常茨蒺藜也欲扫去之反伤墙也】中葍之言不可道也【中葍内葍也】所可道也言之丑也【于君丑也】墙有茨不可襄也中葍之言不可详也【详审也】所可详也言之长也【长恶长也】墙有茨不可束也【束而去之】中葍之言不可读也【读抽也】所可读也言之辱也【辱辱君也】鄘国风三篇曰君子偕老三章一章七句一章八句一章九句刺卫夫人也夫人淫乱失事君子之事故陈人君之德服饰之盛宜与君子偕老也君子偕老副笄六珈【能与君子俱老乃宜居尊位服盛服也副者后夫人之首饰编髮为之笄衡笄也珈笄饰之最盛者所以别尊卑】委委佗佗如山如河【委委者行可委曲从迹也佗佗者德平易也山无不容河无不润】象服是宜【象服尊者所以为饰】子之不淑云如之何【有子若是何谓不善乎】玼兮玼兮其之翟也【玼鲜盛貌褕翟□翟羽饰衣也】鬢髮如云不屑髭也【鬢黑髮也如云言美长也屑洁也】玉之瑱也象之拭也【瑱塞耳也拭所以摘髮也】扬且之皙也【眉之广皙白皙】胡然而天也胡然而帝也【尊之如天审谛如帝】嗟兮嗟兮其之展也防彼纆紲是袷袷也【礼有展衣者以丹縠为衣防覆也紲之靡者为纆当是袷袷延之服也】子之清扬扬且之顔也【清视清明也 广 而顔角丰满】展如之人兮邦之媛也【展诚也美女为媛】鄘国风五篇曰鶉之奔奔二章章四句刺卫宣姜也卫人以为宣姜鶉鵲之不若也鶉之奔奔鵲之疆疆【鶉则奔奔鵲则疆疆然】人之无良我以为兄【良善也兄谓君之兄】鵲之疆疆鶉之奔奔人之无良我以为君【君国小君】鄘国风四篇曰桑中三章章七句刺奔也衛之公室淫乱男女相奔至于世族在位相窃妻妾期于幽远政散民流而不可止【卫之公室淫乱谓宣惠之世男女相奔不待媒氏以礼会之也世族在位取姜氏弋氏庸氏者也窃盗也幽远谓桑中之野】爰采唐矣沫之乡矣【爰于也唐防菜名沫衛邑】云谁之思美孟姜矣【姜姓也言世族在位有是恶行】期我乎桑中要我乎上宫送我乎淇之上矣【桑中上宫所期之地淇水名】爰采麦矣沫之北矣云谁之思美孟弋矣【弋姓也】期我乎桑中要我乎上宫送我乎淇之上矣爰采葑矣沫之东矣云谁之思美孟庸矣【庸姓也】期我乎桑中要我乎上宫送我乎淇之上矣 国风七篇曰凯风四章章四句美孝子也衛之淫风流行虽有七子之母犹不能安其室故美七子能尽其孝道以慰其母心而成其志焉凯风自南吹彼棘心【兴也南风谓之凯风乐夏之长养棘难长养者】棘心夭夭母氏劬劳【夭夭盛貌劬劳病苦也】凯风自南吹彼棘薪【棘薪其成就者】母氏圣善我无令人【圣也】爰有寒泉在浚之下【浚衛邑也在浚之下言有益于浚】有子七人母氏劳

苦睨睨黄鸟载好其音【睨睨好貌】有子七人莫慰母心【慰安也】经曰十有六年春正月公会宋公蔡侯衛侯于曹夏四月公防宋公衛侯陈侯蔡侯伐郑【春会于曹蔡先于卫四月伐郑衛先于蔡王制诸侯之爵次其先后有序不可乱也春秋时霸者以意之向背为升降诸国以势之强弱为上下蔡尝先衛今序陈下者先儒以为后至也以至先后易其序是以利率人而不要诸礼也后世有以醵赏诱人之趋事赴功以重罚沮人之奉公守正意亦如此夫乱之所由生也则仪位以为阶春秋防防杜渐尤严于名分考其所书意自见矣】秋七月公至自伐郑【其致罪纳突也罪桓之上无王法恣为不义而莫之禁也】冬城向十有一月衛侯朔出奔齐

二年冬十一月丙辰鲁侯齐侯纪侯会盟于黄鲁侯平齐纪且谋衛故也十有二月丙午鲁侯邾子防盟于雒三月齐人侵鲁疆疆吏来告公曰疆場之事慎守其一而备其不虞姑尽所备事至而战又何谒焉丙午及齐师战于奚四月丁丑蔡侯薨弟献舞嗣蔡人召蔡季于陈六月季自陈归于蔡蔡人嘉之癸巳蔡人葬其君桓侯鲁宋衛伐邾天子有日官诸侯有日御日官居卿以底日日御不失日以授百官于朝八月朔日有食之不书日官失之也郑国风十三篇曰褰裳二章章五句思见正也狂童恣行国人思大国之正已也子惠思我褰裳涉溱【惠爱也溱水名也】子不我思岂无他人狂童之狂也且【狂行童昏所化也】子惠思我褰裳涉洧【洧水名也】子不我思岂无他士【士事也】狂童之狂也且郑国风十四篇曰丰一章二章章三句二章章四句刺乱也婚姻之道阙阳倡而陰不和男行而女不随子之丰兮俟我乎巷兮【丰丰满也巷门外也】悔予不送兮【时有违而不至者】子之昌兮俟我乎堂兮【昌盛壮貌】悔予不将兮【将行也】衣锦褻衣裳锦褻裳【衣锦褻裳嫁者之服】叔兮伯兮驾予与行【叔伯迎己也】裳锦褻裳衣锦褻裳叔兮伯兮驾予与归郑国风十五篇曰东门之墠二章章四句刺乱也男女有不待礼而相奔者也东门之墠茹藎在阪【东门城东门也墠除地町町者茹藎茅搜也男女之际近而易则如东门之墠遠而难则如茹藎在阪】其室则迓其人甚遠【迓近也得礼则近不得礼则遠】东门之栗有践家室【栗行上栗也践浅也】岂不尔思子不我即【就也】郑国风十六篇曰风雨三章章四句思君子也乱世则思君子不改其度焉风雨凄凄鸡鸣喈喈【兴也风雨凄凄然鸡鸣犹守时而鸣喈喈然】既见君子云胡不夷【胡何夷说也】风雨潇潇鸡鸣胶胶【潇潇暴疾也胶胶犹喈喈也】既见君子云胡不瘳【瘳愈也】风雨如晦鸡鸣不已【晦昏也】既见君子云胡不喜郑国风十七篇曰子衿二章章四句刺学校废也乱世则学校不脩焉青青子衿悠悠我心【青衿青领也学子之所服】纵我不往子寧不嗣音【嗣习也古者教以诗乐诵之歌之 之舞之】青青子佩悠悠我思【佩玉也士佩璫珉而青组绶】纵我不往子寧不来【不来者言不一来也】佻兮达子在城阙兮【佻达往来相见貌乘城而见阙】一日不见如三月兮【言礼乐不可一日而废】郑忽素恶高渠弥渠弥因猎射而杀之諡曰昭公祭仲立公子亶郑国风十八篇曰之水二章章六句闵无臣也君子闵忽之无忠臣良士终以死亡而作是诗也扬之水不流束楚【扬激扬也激扬之水可谓不能流湔束楚乎】终鲜兄弟维予与女无信人之言人实迂女【迂诳也】扬之水不流束薪终鲜兄弟维予二人【二人同心也】无信人之言人实不信秦人诛三父等夷三族讨其弑出子也经曰十有七年春正月丙辰公会齐侯纪侯盟于黄二月丙午公会邾仪父盟于雒五月丙午及齐师战于奚六月丁丑蔡侯封人卒秋八月蔡季自陈归于蔡【季字也归顺词刘敞曰若季者所谓智足以与权而不乱力

足以得国而不居遠而不携迹而不迫者也是以见贵于春秋】癸巳葬蔡桓侯【啖助曰蔡桓何以称侯盖蔡季之贤知请諡也人亦多爱其君莫能爱君以礼而季能行也此贤者所以异于众人也然则鲁君生而称公可乎曰生而称公为虚位礼之文也没而系諡为定名礼之实也春秋诸侯虽伯子男葬皆称公志其失礼之实为后世戒欲其以正终也人子不以非所得而加于父是为孝人臣不以非所得而加于君是为忠其垂训之义大矣】及宋人卫人伐邾冬十月朔日有食之

三年冬十有一月鲁侯将与夫人如齐申繻曰女有家男有室无相渎也谓之有礼易此必败不听防齐侯于泺遂与夫人同如齐齐侯通焉公谪之以告齐国风九篇曰敝笱三章章四句刺文姜也齐人恶鲁桓公防弱不能防闲文姜使至淫乱为二国患焉敝笱在梁其鱼鲋鰋【兴也鰋大鱼】齐子归止其从如云【如云言盛也】敝笱在梁其鱼鲋鰋【鲋鰋大鱼】齐子归止其从如雨【加雨言多也】敝笱在梁其鱼唯唯【唯唯出入不制】齐子归止其从如水【水喻众也】二月丙子齐侯设享使公子彭生乘鲁侯薨于车鲁人告于齐曰寡君畏君之威不敢寧居来修旧好礼成而不反无所归咎恶于诸侯请以彭生除之齐人杀彭生鲁人以其君丧归世子同嗣齐侯师于首止郑子亹会之高渠弥相齐人杀子亹而轅高渠弥祭仲逆子仪于陈而立之郑国风十九篇曰出其东门二章章六句闵乱也公子互争兵革不息男女相弃民人思保其室家焉出其东门有女如云【如云众多也】虽则如云匪我思存【思不存乎相救急】缟衣綦巾聊乐我员【缟衣白色男服也綦巾苍艾色女服也愿室家得相乐也】出其闾閤有女如荼【闾曲城也閤城台也荼英荼也言皆丧服也】虽则如荼匪我思且缟衣茹蘆聊可与娱【茹蘆茅搜之染女服也娱乐也】郑国风二十篇曰野有蔓草二章章六句思遇时也君之泽不下流民穷于兵革男女失时思不期而会焉野有蔓草零露漙漙【兴也野四郊之外蔓延也漙漙然盛多也】有美一人清扬婉兮邂逅相遇适我愿兮【清扬眉目之间婉然美也邂逅不期而防适其时愿】野有蔓草零露瀼瀼【瀼瀼盛貌】有美一人婉如清扬邂逅相遇与子偕臧【臧善也】郑国风终二十一篇曰溱洧二章章十二句刺乱也兵革不息男女相弃淫风大行莫之能救焉溱与洧方涣涣兮【溱洧郑两水名涣涣春水盛也】士与女方秉蕳兮【蕳兰也】女曰观乎士曰既且且往观乎洧之外洵訏且乐【訏大也】维士与女伊其相谑赠之以勺药【勺药香草】溱与洧浏其清矣【浏深貌】士与女殷其盈矣【殷众也】女曰观乎士曰既且且往观乎洧之外洵訏且乐维士与女伊其相谑赠之以勺药周公欲弑王而立子克辛伯以告王杀黑肩子克奔燕冬十月己丑鲁葬其君桓公经曰十有八年春王正月【是年鲁桓已终复书王者春秋之时诸侯篡弑者已列于会则不复致讨孔子为此惧作春秋于十八年复书王者明弑君之贼虽身已歿而王法不得赦也又防桓十五年天王崩至是新君嗣立三年之丧毕矣明弑君之贼虽在前朝而古今之恶一也然则篡弑者不容于天地之间身无存歿时无古今皆得讨而不赦圣人之法严矣故曰春秋成而乱臣贼子惧】公防齐侯于泺公与夫人姜氏遂如齐【与者许可之词公于齐姜委曲从顺无所不可敝笱之诗所以刺也故为乱者文姜而春秋罪桓公治其本也干者夫道也以乘御为才坤者妇道也以承顺为事易着于乾坤述其理春秋施于桓公见其用也】夏四月丙子公薨于齐【鲁君弑者不地以见弑今书薨于齐不歿其实乎前书公与夫人姜氏如齐后书夫人孙于齐去其姓氏而庄公不书即位则其实亦明矣】丁酉公之丧至自齐秋七月冬十有二月己丑葬我君桓公【公羊曰贼未讨何以书葬讐在外也谷梁子

曰讐在外者不责逾国而讨于是也故十八年书王而桓公书葬惟可与权者其知之矣】

四年春正月鲁桓夫人以桓公之不得其所也归于齐先王之制天子嫁女于诸侯必使诸侯同姓者主之诸侯嫁女于大夫必使大夫同姓者主之王女之嫁于齐者鲁世为之主至是王将妻齐侯使鲁大夫单伯逆之于京师鲁人以桓公之见杀于齐疑欲弗为之主遂为王姬筑别馆馆之于外八月乙亥陈侯薨弟杵臼嗣王使荣叔锡鲁桓公命于是鲁遂主王姬归于齐王国风终十一篇曰丘中有麻三章章四句思贤也庄王不明贤人放逐国人思之而作是诗也丘中有麻彼留子嗟【留大夫氏子嗟字也丘中境垆之处尽有麻麦草木乃彼子嗟之所治】彼留子嗟将其来施施【施施难进之意】丘中有麦彼子国【子国子嗟父】彼留子国将其来食【子国复来我乃得食】丘中有李彼之子彼留之子贻我佩玖【玖石次玉者言能遗我美实】齐侯帅师迁纪三邑邾鄆郚以为已属经曰元年春王正月【鲁庄公虽世嫡可以有国然未誓于王则得称世子擅有其国故不书即位】三月夫人孙于齐【夫人与闻乎弑臣子义不共戴天而嗣君夫人所出也恩如之何徇私情则害天下之大义举王法则伤母子之至恩此国论之难断者也梁人有继母杀其父者而其子杀之有司欲当以大逆孔季彦曰文姜与弑鲁桓春秋去其姜氏绝不为亲与凡人等也今宜以非司寇而擅杀当之不得以逆论也人以为允孙者顺让委逵之词使若不为人子所逐以全恩也有若去而弗返深绝之也然则恩轻而义重矣圣人取河广之诗者明宋襄公之重本亦此义也垂训逵矣】夏单伯逆王姬【单伯者鲁之命大夫也逆王姬使鲁为之主也其不言如者鲁君弑于齐使之主婚姻与齐为礼谷梁子以为义不可受于京师也此明忘亲释怨则无以立人道矣】秋筑王姬之馆于外【鲁主王姬之嫁旧矣馆于国中必有常处今特筑之于外者谷梁子以为仇讐之人非所以接婚姻也衰麻非所以接弁冕也知其不可故特筑之于外也筑之于外不若辞而弗主之为正也春秋于此一事再书再书又再书者其义以复讐为重示天下后世臣子不可忘君亲之意】冬十月乙亥陈侯林卒王使荣叔来锡桓公命【啖助曰不称天王宠篡弑以渎三纲也春秋书王必称天所履者天位也所行者天道也所赏者天命也所刑者天讨也桓公弑君篡国而王不能诛反追命之无天甚矣桓无王王无天非小恶也与葬成风使妾并嫡无以异故其文一施之范甯以为非义之所存误矣】王姬归于齐【鲁主王姬在他时常事不书此独书者以归于齐故也逆于京师筑馆于外而不书归于齐则无以见其罪之在也书归于齐而后忘亲释怨之罪着矣春秋复讐之义明矣】齐师迁纪邾鄆郚【此纪三邑也邑不言迁迁不言师其以师迁之者见纪民犹足与守而齐人强暴用大众以迫之为已属也凡书迁者自是而灭矣春秋兴灭国继绝世则迁国邑者不再贬而罪已见矣】

皇王大纪卷三十七

宋 胡宏 撰

三王纪

庄王

五年冬十二月陈葬其君庄公鲁公子庆父伐邾于余丘齐侯夫人王姬薨讣于鲁鲁侯为之大功或曰由鲁嫁故为之服姊妹之服冬十二月鲁桓夫人会齐侯于禚齐国风六篇曰南山四章章六句刺襄公也鸟兽之行淫乎其妹大夫遇是恶作诗而去之南山崔崔雄狐绥绥【兴也南山齐南山崔崔高大也国君尊严如南山崔崔然雄狐相绥绥然无别失陰阳之匹】鲁道有荡齐子由归【荡平易也齐子文姜也】既曰归止曷又懷止【懷思也】葛屨五两冠綌双止【葛屨服之贱者冠綌服之尊者】鲁道有荡齐子庸止【庸用也】既曰庸止曷又从止艺麻如之何衡从其畝【艺树也衡猎之从猎之种之然后得麻】取妻如之何必告父母【必告父母庙】既曰告止曷又鞠止【鞠穷也】析薪如之何匪斧不克【克能也】取妻如之何匪媒不得既曰得止曷又极止【极至也】宋公薨子防嗣经曰二年春王二月葬陈庄公夏公子庆父帅师伐于余丘【国而曰伐此邑尔其曰伐何也志庆父之得兵权也鲁在春秋中见弑者三君其贼未有不得兵权者羽父专命再为主将仲遂擅兵两世故翬弑隱公而寫氏不能明其罪庆父弑子般而成季不能遏其恶公子遂杀恶及视而叔仲惠伯不能免其死夫岂一朝一夕之故哉春秋所书为戒遠矣】秋七月齐王姬卒【夫服称情而为之者也庄公于齐王姬比内女为之服厚矣如不共戴天之念何故特卒王姬比内女嫁为诸侯妻者以着其罪】冬十有二月夫人姜氏会齐侯于禚【妇人无外事送迎不出门见兄弟不逾閭在家从父既嫁从夫夫死从子今庄公不能防闲其母失子道矣或曰子可以制母乎夫死从子通乎其下况于国君君者人神之主风教之本也不能正家如正国何若庄公者哀痛以思父戒敬以事母威刑以督下车马仆从莫不俟命夫人徒徃乎夫人之徃也则公威命之不行哀戚之不至尔】乙酉宋公冯卒

六年冬十一月鲁公子溺会齐师伐卫宋葬其君庄公三月葬桓王纪侯使其弟季以 请为附庸于齐纪于是乎始判鲁侯次于滑将会郑伯谋纪故也郑伯辞以难凡师一宿为舍再宿为信过宿为次王伐随讨其尊荆楚随告絶于楚经曰三年春王正月溺会齐师伐卫【谷梁子曰其不称公子何也恶其防仇讐伐同姓故贬而名之也有父之讐而释怨其罪大矣况与合党兴师伐人国乎】夏四月葬宋庄公五月葬桓王【天子七月而葬同轨毕至诸侯五月同盟至大夫三月同位至士逾月外姻至王崩至是盖七年矣先儒或言天子不志葬又曰常事也夫事孰有大于葬天子者而可以不志乎死生始终之际人道之大变岂以是为常事而不书也】秋纪季以酈入于齐【季纪侯之弟也天下无道强众相陵天子不能正方伯不能伐纪侯命之屈已事齐请后五庙其亦不得已而为之者非其罪也所以书字而无贬乎入云者难词也】冬公次于滑【春秋纪兵伐而书次以次为善救而书次以次为讥鲁纪有婚姻之好当恤其患于齐有父之讎不共戴天苟能救纪抑齐一举而两善并矣见义不为而有畏

也故书公次于滑以讥之也易于谦之六五则曰利用侵伐师六四则曰左次无咎进退勇怯顾义如何尔或以勇为鼓乱误矣】

七年冬十二月鲁桓夫人享齐侯于祝丘春正月纪夫人伯姬卒楚王熊通荆尸授师子焉以伐随将齐入告夫人邓曼曰余心荡邓曼叹曰王禄尽矣盈而荡天之道也若师徒无亏王薨于行国之福也王遂行卒于櫛木之下令尹鬬祁莫敖屈重除道梁滢营军临随随人惧行成莫敖以王命入盟随侯且请为防于汉汭而还济汉而后发丧諡曰武王子熊贙嗣始都于郢齐侯及陈侯郑伯遇于垂谋属纪也纪侯不能下齐以与纪季大去其国虽其夫人未葬亦不能恤也四月齐人为之 伯姬鲁侯会齐侯狩于禚经曰四年春王二月夫人姜氏享齐侯于祝丘【两君相见享于庙中礼也今夫人去其国而享诸侯甚矣】三月纪伯姬卒夏齐侯陈侯郑伯遇于垂【苏辙曰郑伯子仪也春秋有一国而二君者郑突卫伋始终为君子仪君郑十有四年剽君卫十有一年皆能君者也突之入以篡弑之出以恶仪剽虽国人所立而突弑在焉非所以为安也故四人者春秋莫适与也因其寄耳君子不幸而处于此如子臧季札可也不如是则乱不止为此说者善矣然而郑伯实厉公也非子仪也】纪侯大去其国【大阅大雩大搜讥其僭也大无者志仓廩之竭也大去者委之而不顾也或曰以争国为小以去国为大而为之者也夫有国家者以义言之则当効死而勿去以道言之亦可去而不守昔太王去邠从之者如归市纪侯去国曰以防灭故圣人与其不争而去异于失地之君而不名不与其去而不存是故书叔姬归鬻而不録纪侯之卒明其为君之末矣】六月乙丑齐侯葬纪伯姬【齐襄迫逐纪侯使不及葬其夫人而去然后见其罪矣或曰葬之礼也夫弑鲁君灭其婚姻之国而葬其女是犹加刃于人以手抚之也斥言齐侯贱之也或曰恶其诈也如纪似礼存季似义葬伯姬似仁恶似而非者】秋七月冬公及齐人狩于禚【谷梁子曰何以人齐侯所以卑公也何为卑公公于齐侯不与共戴天而与之狩是忘亲释怨非人子矣故称及称人以着其罪也】

八年鲁桓夫人如齐齐国风十篇曰载驱五章章四句齐人刺襄公也无礼义故盛其车服疾驱于通道大都与文姜淫播其恶于万民焉载驱薄薄簟茀朱鞞【薄薄疾驱声也簟方文茀也车之蔽曰茀诸侯之路车有朱革之质而羽饰】鲁道有荡齐子发夕【发夕自夕发至旦】四骖济济垂辔瀾瀾【四骖言物色盛也济济美貌垂辔辔之垂者瀾瀾众也】鲁道有荡齐子岂弟【言文姜于是乐易然】汶水汤汤行人彭彭【汤汤大貌彭彭多貌】鲁道有荡齐子翱翔【翱翔犹彷徨也】汶水滔滔行人儻儻【滔滔流貌儻儻众貌】鲁道有荡齐子遊遨邠黎来朝于鲁齐侯宋公鲁侯陈侯蔡侯伐衛纳衛侯朔经曰五年春王正月夏夫人姜氏如齐师【师者众多之地攷于载驱之诗可见矣曰会曰享犹为之名也至是如齐师羞恶之心亡矣夫人之行不可复制矣春秋书此以戒后世谨礼于防虑患于早之意也】秋邠黎来来朝【夷狄附庸例书名邠黎来介葛卢是也能修朝礼故特书曰朝其后王命以为小邾子盖于此已能自进于礼矣】冬公会齐人宋人陈人蔡人伐卫【鲁桓十六年卫侯朔出奔齐经书其名者以王命絶之也谷梁子曰是齐侯宋公而人之何也人诸侯所以人公也其人公何也逆王命也】

九年王使子突救防诸侯兵强王师不能禁朔遂入卫放黔牟于周杀二公子齐侯以卫赂分

送于诸侯齐国风七篇曰甫田三章章四句大夫刺襄公也无礼义而求大功不修德而求诸侯志大心劳所以求者非其道也无田甫田维莠骄骄【兴也甫大也大田过度而无人功终不能获】无思远人劳心忉忉【忉忉忧劳也】无田甫田维莠桀桀【桀桀犹骄骄也】无思远人劳思怛怛【怛怛犹忉忉也】婉兮变兮总角卬兮未几见兮突而弁兮【婉变少好貌总角聚两髦也卬幼稚也弁冠也】齐国风八篇曰卢令三章章二句刺荒也襄公好田猎毕弋而不修民事百姓苦之故陈古以风焉卢令令其人美且仁【卢田犬令令纓环声言人君能有美德尽其仁爱百姓欣而奉之爱而乐之顺时遊田百姓共其乐同其获故百姓闻而说之其声令令然】卢重环【重环子母环也】其人美且鬢【鬢好貌】卢重鋤【鋤一环贯二也】其人美且偲【偲才也】楚文王伐申过邓邓祁侯曰吾甥也止而享之驪甥聃甥养甥请杀楚子邓侯弗许三甥曰亡邓国者必此人也若不早图后君噬脐其及圖之乎圖之此为时矣邓侯曰人将不食吾余对曰若不从三臣抑社稷实不血食而君焉取余弗从还年楚子伐邓秦伐邽冀之戎初县之经曰六年春王正月王人子突救卫夏六月卫侯朔入于卫秋公至自伐卫【王人防者子突其字也以下士之防超从大夫之列者褒救卫也朔陷杀其兄罪固大矣然其父所立诸侯莫得而治也王治其旧恶而废之可也又借诸侯之力以抗王命故卫朔书名书入以着其恶王人书字书救以着其善外则诸侯书人内则鲁侯书至而春秋之情见矣或曰子突王之子弟也用兵大事而委诸子弟使无成功故书人以讥之必若此言是春秋以成败论事而不计理也使诸侯顾逆顺则子突虽防自足以中王命彼阮肆行矣虽天子亲临将有请从如祝聃者况其下乎子突不胜五国使之得入也其亦不幸尔矣幸不幸命也守义循理者法也君子行法以佚命故其褒贬如此】冬齐人来归卫俘【卫俘者卫寶也朔以弟弑兄篡国上逆王命人理所不容彼诸侯者岂其弗察而援之甚力未有以验其丧心失志迷惑之端也及书齐人归卫寶然后知其有欲货之心而后动于恶也世衰道防贿赂公行使君臣父子兄弟终去仁义懷利以相与不至于篡弑夺攘则不厌也春秋特书此事结正诸侯之罪垂戒明矣】

十年甲午鲁桓夫人防齐侯于防春二月辛卯夜恒星不见夜中星陨如雨五月大水无麦苗鲁桓夫人会齐侯于谷齐国风终十一篇曰猗嗟三章章六句刺鲁庄公也齐人伤鲁庄公有威仪技艺然而不能以礼防闲其母失子之道人以为齐侯之子焉猗嗟昌兮颀而长兮【猗嗟叹辞昌盛也颀长貌】抑若兮【抑美色广】美目兮【好目眉】巧趋跄兮射则臧兮【跄巧趋貌】猗嗟名兮美目清兮【目上为名目下为清】仪既成兮终日射侯不出正兮展我甥兮【二尺曰正外孙曰甥】猗嗟变兮【变壮好貌】清婉兮【婉好眉目也】舞则选兮射则贯兮【选齐贯中也】四矢反兮以御乱兮【四矢乘矢】秦初县社郑灭小虢经曰七年春夫人姜氏会齐侯于防夏四月辛卯夜恒星不见夜中星陨如雨【恒星者列星也如雨者言众也人事感于下天变动于上前此者五国连衡旅拒王命后此者齐桓晋文更霸中国政归盟主而王室遂虚其为法度废絶威信陵迟之象着矣汉成帝永始中亦有星陨之异而五侯擅权贼莽居摄汉之宗支扫荡几尽天之示人显矣春秋谨于天象至矣】秋大水无麦苗【书大水畏天灾也无麦苗重民命也畏天灾重民命见王者之心矣忽天灾而不惧轻民命而不图国之亡无日矣春秋所以谨之也】冬夫人姜氏会齐侯于谷【防鲁地也谷齐地也初会于禚次享于祝丘又次如齐师又一歲而再会其为恶益远矣明年无知弑诸儿其祸淫之明验矣】

十一年冬十一月鲁侯帅师次于郎以俟陈蔡陈蔡不至甲午治兵鲁侯及齐侯围郕郕降于齐公子庆父请伐之公曰我实不德齐师何罪遂还鲍叔牙见齐侯之无常也叹曰君使民慢乱将作矣奉小白出奔莒齐侯使连称管至父戍葵丘 时而往曰及 而代期戍公问不至请代弗许故谋作乱僖公之母弟曰夷仲年生公孙无知有宠于僖公衣服礼秩如适齐侯绌之二人因之以作乱九月齐侯防于姑棼遂田于贝丘见大豕从者曰公子彭生也公惧队车伤足而反徒人费遇贼鬪死于门中石之纷如死于阶下贼入弑公而立无知管夷吾召忽奉公子纠出奔鲁经曰八年春王正月师次于郎以俟陈蔡人【用大众曰师次止也伐而次者有整兵慎战之意其次善之也救而次者有缓师畏敌之意其次讥之也俟而次者有无名妄动之意曰次曰以俟者深贬之也】甲午治兵【役从不用则有失伍离次逃亡溃散之虞故复申明军法以整齐之其志非善之也讥黜武也】夏师及齐师围郕郕降于齐师秋师还【春秋正例君将不称帅师者以君为重也今庄公亲将其次其及其还皆不称公者重众也既不称公又以为重众何也轻举大众妄动从役俟陈蔡而陈蔡不至围郕不服歷三时而后还则无名黜武非义害人未有如此之甚也至是师为重矣义系于师故不书公以着劳民动众之罪为世戒春秋王道轻重之权衡此类是矣】冬十有一月癸未齐无知【无知曷为不称公孙而以国氏罪僖公也弑君者无知于僖公何罪乎不以公孙之道待无知使恃宠而当国也按无知者夷仲年之子年者僖公母弟也私其同母异于它弟施及其子衣服礼秩如嫡此乱本也故于年之来聘特以弟书于无知之弑不称公孙着其有宠而当国也垂戒之义明矣古者亲亲与尊贤并行而不相悖故尧亲九族必克明峻德而后九族睦周封同姓必庸康叔蔡仲而后王室强徒知宠爱亲属而不急于尊贤使为仪表明亲亲之道必有篡弑之祸矣】弑其君诸儿【按左氏齐侯防于姑棼遂田于贝丘徒人费遇贼于门先入伏公出而鬪死石之纷如死于阶下是皆死节者也春秋重死节之臣而法有特书其不见于经何也如费等所谓便嬖私昵之臣逢君之恶田猎毕弋而不修民事使百姓苦之者也与大臣孔父仇牧义形于色不畏强御以身死其职则异矣当是时管仲隰朋鲍叔皆沉于下寮不见用也而徒人费石之纷如乃得居左右襄公之所疎遠亲信者如此故以齐国之强大一也桓公用之则九合诸侯不以兵车由亲贤人遠小人所以兴也襄公用之不能保其身死于戸下由亲小人遠贤人所以亡也此二人虽死于难与自经于沟渎而莫之知者犹不逮焉乃致乱之臣死而不偿贵又何取乎】

十二年春齐雍廩杀无知鲁侯及齐大夫盟于甄齐无君也夏鲁侯伐齐纳子纠桓公自莒先入初桓公亟举兵作伪主以行孔子曰天子巡守迁庙主行今取七庙之主以行则失之矣且庙无虚主虚主者唯天子崩诸侯薨与去其国与祫祭于祖为无主耳吾闻诸老聃曰天子崩国君薨则祝取羣庙之主而藏诸祖庙礼也卒哭成事而后主各反其庙君去其国太宰取羣庙之主以从礼也祫祭于祖则祝迎四庙之主出庙必辟曰古者师行无迁主则何主曰主命曰何谓也孔子曰天子诸侯将出必以币帛皮圭告于祖祢遂奉以出载于齐车以行每舍奠焉而后就舍反必告设奠卒敛帛玉藏诸两阶之间乃出盖贵命也六月庚申鲁侯及齐师战于干时鲁师败绩公丧戎辂传乘而归鲍叔言于齐侯曰管夷吾寬惠柔良智勇治于高傒忠信可以结百姓礼义可法于四方君若欲霸诸侯使相可也遂帅师言于鲁曰子纠亲也请君讨之管召讎也请受而甘心焉鲁施伯曰管子天下之材也所居之国必得志于天下若令在齐长为鲁国忧矣必杀之鲁杀子纠于生窦将杀管召齐使者固请桎而予之召忽自杀鲍叔

得管仲比至三衅三浴之齐侯迎于郊与之坐而问焉曰我先君惟女是崇惟田是好百姓困穷戎士冻馁社稷防亡孤欲大振齐国雪先君之耻奈何仲对曰先君之恶不可也不敬宗庙民乃上校身者治之本也地之生财有时人之用力有倦而君上之欲无穷苟不敬百姓无度量于其间则上下相疾而危亡至矣先王知与之取不为不可成不求不可得下令于流水之源令顺民心明必死之路开必得之门不然城郭沟池不足以固守兵甲勇力不足以应敌博地多才不足以有众矣公曰敢问何谓度量仲对曰五谷者民之司命百物之主也珠玉黄金刀布者天下之通货也人君重五谷禁末产视本末重轻而准之以币谨持其权以调贵贱则利归于国而敬老慈防恤孤养疾矜独问病通穷困接绝乏政可施矣是故仓廩实而知礼节衣食足而知荣辱礼义防耻是为四维四维张则君令行四维不张国乃灭亡公曰敢问何以张四维而行令仲对曰制人羣擅杀生令行禁止者君之分也仰制奉法卑贱敬畏者臣之分也威不两错政不二门置仪设法爱人不私赏恶人不私罚以公制论以法制断不知亲疎遠近贵贱以法制行之令而不行令不法也法而不行令不审也审而不行赏罚轻也重而不行赏罚不信也信而不行不以身先之也禁胜于身令行于人民之从上也不从口之所言从情之所好未有多禁而能多止者也未有多令而能多行者也令重则君尊君尊则国安故曰令者人主之大宝君国之重器也牧民者欲民之有礼也欲民之有礼小礼不可不谨也小礼不谨于国求百姓之行大礼不可得也欲民之有义也欲民之有义小义不可不行也小义不行于国求百姓之行大义不可得也欲民之有防有耻也小廉不脩于国小耻不息于国求百姓之有大廉大耻不可得也故礼不逾节义不自进廉不蔽恶耻不从枉不逾节则上位安不自进则民无巧诈不蔽恶则行自全不从枉则邪事不生一维绝则倾二维绝则危三维绝则覆四维绝则灭倾可正危可安覆可起灭则不可复错也百姓国之本也百姓之所欲者饮食也所愿者安乐也苟足其欲赡其愿则能用之矣故昔者圣王之治民也参其国伍其鄙定民之居成民之事以选贤才公曰善命仲定制仲制齐国为二十一乡工商之乡六士乡十五公帅五乡国子帅五乡高子帅五乡臣立三宰工立三族市立三乡泽立三虞山立三衡五家为轨五人为伍轨长帅之十轨为里五十人为小戎里有司帅之四里为连二百人为卒连长帅之十连为乡二千人为旅乡良人帅之万人为军五乡之帅帅之故有中军之鼓有高子之鼓有国子之鼓春以搜振旅秋以狝治兵伍之人祭祀同福死丧同恤夜战声相闻昼战目相识居同乐行同和死同哀三十家为邑邑有司十邑为卒卒有帅十卒为乡乡有帅三乡为县县有帅十县为属属有大夫五属故立五大夫立五正各使听一属处士就间燕处工就官府处商就市井处农就田野士农工商少而习焉其心安焉不见异物而迁焉故其父兄之教不肃而成其子弟之学不劳而能正月之朝乡长复事君亲问焉五属大夫复事君亲问焉謏寡功者曰制地分民如一何独寡功教不善政不治一再则宥三则不赦乃问曰于子之乡于子之属有居处好学孝悌聪惠质仁发闻于乡里者有拳勇股肱之力秀出于众者有则以告有孝而不告谓之蔽明有勇而不告谓之蔽贤其罪五有司已于事而竣君又问曰有不慈孝于亲不长悌于乡骄躁淫暴不用上令者不以告谓之下比其罪五有司已于事而竣乡长属大夫于是退而进贤君亲见之遂使役官官长期而书伐以告且选其贤者而复用之以补用之不善政者君召而与语訾相其质设之以国家之患而不疚升以为上卿之赞谓之三选公曰善举国以听于仲行其法于是乡长退而修乡以及于五属大夫退而修属以及于邑伍与邑退而修家是故匹夫有善可得而举也有不善可得而诛也故乡不越长朝不越爵罢士无伍罢女无家民皆勉为善士有终身之功不为一朝之计齐国大治齐侯遊于郊有甯戚者饭牛

于车下击牛角而商歌公闻之曰非常人也将用之羣臣曰是衛人也盍往问之固贤人也任之未晚公曰问之恐其有小恶以小恶而忘其大美此所以失天下之士也且人固难全宜用其长管仲言于齐侯曰争天下者必先争人是故圣人卑礼以下天下之贤闲进退习词令臣不如隰朋请立为大行人知经界尽地利臣不如甯戚请立为大司田使三军之士视死如归臣不如王子城父请立为大司马决狱折中臣不如賓胥无请立为大理知无不言不避死亡臣不如东郭牙请立为大諫公从之公有善仲未尝不叹有过未尝不諫諫而不从终諫不止鲁浚洙以备齐也经曰九年春齐人杀无知【不书雍廩而曰齐人者讨贼之词也无知不称君者已不能君齐人亦莫之君也】公及齐大夫盟于莒【及者内为志大夫不名者义系于齐而不系于大夫之名氏也曰公及齐大夫盟者讥公之释父讎也有父之讎而不知报乃欲安定其国家而图其后嗣则人伦废天理灭矣故圣人云以直报怨以德报德】夏公伐齐纳纠齐小白入于齐【二传经云只书纠子纠小白皆以庶子出奔而纠弟也故不书子明不当立也小白九也故系诸齐明其宜有齐也宜有齐而不称公子内无所承上不请命也桓公于王法虽可絶视子纠则当立故管氏相桓公徙义而召忽之死圣人比诸匹夫匹妇之谅而自经者也纳者不受而强致之称入者难词也】秋七月丁酉葬齐襄公八月庚申及齐师战于干时我师败绩【败绩者公也内不言败此其言败者为与讎战虽败亦荣也然何以不言公若庄公以复讎举事则此战为义战当书公冠于败绩之上与沙随之不得见重丘之不与盟为比以示荣矣而庄公本欲纳讐人之子谋定其国家不为复讐与之战也是故讳公以重贬其忘亲释怨之罪其义深切着明矣】九月齐人取子纠杀之【取者不义之词纳纠不称子者明不当立也杀纠复称子者明不当杀也或夺或予于义各安春秋精意也纠虽争立越在他国置而勿问可也必欲杀之然后快于心其不仁亦甚矣然后世以传让为名而取国者必杀其主以为一人心防后患意与此同流毒岂不速哉故孟子曰五霸三王之罪人仲尼之徒无道桓文之事者】冬浚洙【固国以保民为本轻用民力妄兴大作邦本一摇虽有长江洞庭彭蠡河汉之险犹不足凭而况洙乎书浚洙见劳民于守国之末务而不知本为后戒也】十三年冬齐侯欲从事于诸侯管仲请反侵地以安四邻重皮币以聘頼于诸侯为游士八十人奉之以裘马多之以资币使号召天下之贤士以皮币玩好鬻之四方以覩其上下之所好择其淫乱者而征之于是齐侯将伐鲁管仲諫曰兵有天论必先论其器论其士论其将论其主器滥恶不利以其士予敌士不可用以其将与敌将不知兵以其主与敌人主不务积德于兵以其国与敌不听遂伐鲁鲁侯将御之曹刿请见问何以战公曰余不爱衣食于民不爱牲玉于神对曰小赐不咸民不归也独恭不优神弗福也公曰小大之狱虽不能谿必以情断对曰忠之属也可以一战冬十一月公与之乘战于长勺公将鼓之刿曰未可齐人三鼓刿曰可矣齐师败绩公将驰之刿曰未可下视其辙登轼而望之曰可矣遂逐齐师既克公问其故对曰夫战勇气也一鼓作气再而衰三而竭彼竭我盈故克之夫大国难测也惧有伏焉吾视其辙乱望其旗靡故逐之鲁侯侵宋春正月宋人迁宿齐师宋师伐鲁次于郎鲁侯御之公子偃曰宋师不整可败也宋败齐必还自雩门窃出防臯比而先犯之大败宋师于乘丘齐师还是战也县贲父御公卜国为右公坠左车授绥公曰末之卜也县贲父曰他日不败绩而今败绩是无勇也遂死之圉人浴马有流矢在白肉公曰非其罪也遂诛之士之有谏自此始也齐大夫付乙颇用事管仲言于齐侯曰内有疑妻之妾则宫乱矣庶有疑嫡之子则家乱矣朝有疑相之臣则国乱矣臣以不才委命而付乙与政惟君裁焉齐侯诛付乙齐侯曰吾欲富于财而借树畜可乎仲对曰惟山海可于是煮渠夷之盐封金铁之山动者死罪列轻重九府行伊尹

之術不加賦于民而國用大饒昔禹治河自大陸澤之北防為九道曰徒駭曰太史曰馬頰曰覆釜曰胡蘇曰簡沽曰鉤盤曰鬲津徒駭最北鬲津最南其中二百餘里齊侯欲富國務廣其地治河并行徒駭于八河之地課樹藝建城邑通魚鹽于東萊使關市讥而不征齊制重罪賕以犀甲一防輕罪賕以韞櫜一防小罪譴以金分索訟者三禁而不可上下坐成以束矢美金以鑄劍防惡金以鑄鉏夷斤斲甲兵大足有革車八百乘輕諸侯之幣以重其禮垂囊而入捆載而歸拘之以利結之以信示之以武小國諸侯莫之敢背蔡侯息侯皆娶于陳息妫將歸過蔡蔡侯曰吾姨也止而見之弗寘息侯聞之怒使告于楚曰伐我吾求救于蔡而伐之楚王從之秋七月敗蔡師于莘以蔡侯歸自是漢沔江淮間諸侯皆服于楚齊侯之出也過譚譚不禮焉及其入也諸侯皆賀譚又不至八月齊人滅譚譚子奔莒蔡侯以莘故繩息妫以語楚王楚王滅息以息妫歸經曰十年春王正月公敗齊師于長勺【經不書齊師伐魯者意責魯也詐戰曰敗敗者為主或曰長勺魯也齊師至此所謂敵加于己不得已而后應者也疑若無罪焉何以見責乎善為國者不師善師者不陳善陳者不戰故行使則有文告之詞而疆場則有守御之備至于善陳德已衰矣而況兵刃相接又以詐謀取勝乎故書魯為主以責之皆已亂之道寡怨之方王者之事也】二月公侵宋三月宋人遷宿【宿非欲遷為宋人之所遷也懷土常物之大情遷國重事也雖違害就利去危即安猶恐或沉于眾不肯率從而況迫于橫逆非其所欲棄久宅之田里刈新徙之蓬蒿道途之勤營筑之勞起怨咨傷和氣豈不惻然有隱乎肆行莫之顧也其不仁亦甚矣凡書遷不再貶而惡已見矣】夏六月齊師宋師次于郎公敗宋師于乘丘【齊侯輕舉大眾深入他國肆其報復之心誠有罪也魯人若能奉其辭令二國去矣偷得一時之捷而積四鄰之忿此小人之道故次者不以其事勝者不以其理交讥之】秋七月荆敗蔡師于莘以蔡侯獻舞歸【蔡侯何以名絕之也凡書敗書滅書入而以其君歸皆名者為其服為臣虜故絕之也若蔡獻舞潞嬰兒沈嘉許斯頓防胡豹曹陽邾益之類是矣國君死社稷正也逃之雖罪猶有耻焉虜甚矣楚人滅防以夔子歸獨不名者夔子以無罪見討雖國滅身為臣虜其義直其詞初不服也是以獨假之爵而不名也春秋之法諸侯不生名失地則生而名之比于賤者欲使人君戰戰兢兢長守富貴無危溢之行也】冬十月齊師滅譚譚子奔莒【齊責譚失事大之禮可矣而滅之可乎滅而書奔責不死位也不書出國亡無所出也國滅身奔而不能守其富貴何以書爵無取滅之罪為橫逆所加不能勝至于出奔則亦不幸焉爾其義蓋未絕也故齊師滅譚譚子奔莒楚人滅 子奔黃狄滅溫溫子奔衛所以皆存其爵不比于失地之君而名之也然則吳滅徐徐子章羽奔楚何以獨名按左氏吳伐徐徐子斷其髮携其夫人以逆吳子既已屈服而后奔豈有興復之志乎獨書名所以絕之也春秋之義雖在于抑強扶弱又責弱者之不自強于為善也故其書法如此耳】

十四年宋人侵魯魯侯御之宋師未陳而薄之敗諸馘獲其大夫南宮長萬宋大水魯侯使弔焉曰天作淫雨害于粢盛若之何不弔宋公使公子御說對曰孤實不敬天降之災又以為君忧拜命之辱臧文仲曰宋其興乎禹湯罪已其興也勃焉桀紂罪人其亡也忽焉且列國有凶稱孤禮也言惧而名禮其庶乎既而聞之曰公子御說之辭也臧孫達曰是宜為君有恤民之心宋人請南宮長萬于魯魯人歸之宋公斬之曰始吾敬子今子魯囚也吾弗敬子矣病之經曰十有一年春王正月夏五月戊寅公敗宋師于鄆秋宋大水【凡外災告則書所謂災者害及民物如水火兵戎之寇是也諸侯于四鄰有恤病救急之義則告為得禮而不可以不弔故四國同災許人不弔君子以是知許之先亡也凡志災見春秋有謹天戒恤民隱之心王者之

事也】冬王姬归于齐【按周制王姬嫁于诸侯车服不系其夫下王后一等礼亦隆矣春秋之义尊君抑臣其书王姬下嫁曷为与列国之女同辞而不异乎曰阳唱而阴和夫先而妇从天理也述天理训后世则虽以王姬之贵其当执妇道与公侯大夫士庶人之女何异哉自秦而后尤欲尊君抑臣为治而不得其道至谓列侯尚公主使男事女夫屈于妇逆阴阳之位故王阳条奏世务指此为失而长乐王回亦以其 至父母不敢畜其子舅姑不敢畜其妇人伦悖于上风俗坏于下其流至此然后知春秋书王姬侯女同词而不异圣训之义大矣】十五年春正月纪叔姬归于鄫南宫万弑宋公于防泽遇仇牧于门批而杀之遇太宰督于东宫又杀之公子御说奔亳南宫牛猛获帅师围亳萧叔大心及戴武宣穆庄之族以曹师伐之杀牛立御说諡先公曰闵公获奔卫万奔陈宋人请获于卫卫人欲勿与石祈子曰天下之恶一也恶于宋而保于我保之何补得一夫而失一国与恶而弃好非谋也卫人归之亦请南宫万于陈以赂陈人使妇人饮之酒而以犀革裹之比及宋手足皆见宋人皆醢之王崩諡曰庄王太子胡齐立经曰十有二年春王三月纪叔姬归于鄫【鲁庄四年纪侯去国叔姬至此始归于鄫者纪侯方卒故叔姬至此然后归耳归顺词以宗庙在鄫归奉其祀也不以亡故而亏妇道鲁人高其节义恩礼有加焉是故其归于鄫其卒其葬史册悉书夫子修书存而弗削使与卫之共姜同垂不朽为后世劝若夏侯令女曹爽之弟妇也寡居守志父母欲夺而嫁之誓而弗许而曰曹氏全盛之时尚欲保终况今衰亡何忍弃之闻者为之感动其闻叔姬之风而兴起者乎】夏四月秋八月甲午宋万弑其君捷及其大夫仇牧【太宰督亦死前而不书者身有罪也大夫死于弑君之难而有不书者故知孔父牧息皆所取也夫仇牧徒杀其身不能执贼亦足取乎食焉不避其难义也虽不能执贼亦足为求利焉而逃其难者之训矣惟此义不行然后有视弃其君犹土梗弁髦曾莫之省而三纲绝矣】冬十月宋万出奔陈【万已醢矣曷为不书杀万而 闵公乎夫天下之恶一也陈人不以万为贼而纳之又受宋人之赂而使妇人饮之酒是与贼为党非政刑也特书出奔陈而闵公不 以着陈人与贼为党之罪而不能正天讨其法严矣故曰春秋成而乱臣贼子惧】

皇王大纪卷三十八

宋 胡宏撰

三王纪

厘王

元年冬齐侯宋公陈侯蔡侯邾子会于北杏以平宋乱遂人不至齐人灭遂而戍之遂虞帝之所出殷所封也齐伐鲁取汶阳曰以报长勺之役管仲谏曰君不竞于德而竞于兵外诸侯设备内百姓设诈国无危难矣齐侯曰请会鲁侯而盟之可乎仲曰可鲁侯召曹子曰寡人勿欲会曹子曰会之臣请从于是鲁侯会齐侯于柯将盟曹子抚剑而进管仲曰两君为好子将何求对曰请复汶阳之田齐侯许之乃盟宋人背北杏之会经曰十有三年春齐侯宋人陈人蔡人邾人会于北杏【齐桓何以及四国之防者会是宋公邾子也然则何以称人春秋之世以诸侯而主天下会盟之政自北杏始其后宋襄晋文楚庄秦穆交主夏盟迹此而为之者也桓公非受命之伯诸侯自相推戴以为盟主是无君矣故国称人以诛始乱正王法也齐桓称爵其与之乎上无天子下无方伯有能会诸侯安中国而免民于左枉则虽与之可也诛诸侯者正也与桓公者权也或曰桓公始平宋乱遂得诸侯故四国称人言众与之也】夏六月齐人灭遂【见灭而书灭亡国之善词上下之同力也其亦不幸焉尔灭人之国而绝其世罪莫重焉齐称人防者耳凡书灭者不待再贬而恶已见】秋七月冬公防齐侯盟于柯【始及齐平也世讐而平可乎于传有之敌惠敌怨不在后嗣鲁庄于齐襄当其身则释怨不复故圣人详加讥贬以着其罪今易世矣而桓公始合诸侯安中国攘夷狄尊天王乃欲修怨怒邻而危其社稷可谓孝乎故长勺之役专以责鲁而柯之盟公与齐皆书其爵则以为释怨而平可也或称齐襄公复九世之讐而春秋贤之信乎以柯之盟词无贬则知其妄矣】

二年春齐人陈人曹人代宋鲁单伯防之取成于宋而还郑伯突自栎侵郑获傅瑕瑕曰苟舍我吾请纳君与之盟而赦之瑕杀子仪突入郑遂杀瑕使谓原繁曰傅瑕贰周有常刑既伏其罪矣纳我而无二心者吾皆许之上大夫之事吾愿与伯父图之且寡人出伯父无里言入又不念寡人寡人憾焉对曰先君桓公命我先人典司宗祀社稷有主而外其心其何二如之苟主社稷国内之民其谁不为臣臣无二心天之制也子仪在位十四年矣而谋召君者庸非二乎庄公之子犹有八人若皆以官爵行赂劝贰而可以济事君其若之何臣闻命矣乃缢而死初内蛇与外蛇鬪于郑南门中内蛇死六年而厉公入公闻之问于申繻曰犹有妖乎对曰人之所忌其气焰以取之妖由人兴也人无衅焉妖不自作人弃常则妖兴楚息妫生二子曰魇曰颺未言楚王问之对曰吾一妇人而事二夫纵弗能死其又奚言楚王以蔡侯灭息夏五月遂入蔡鲁单伯会齐侯宋公衛侯郑伯于鄆经曰十有四年春齐人陈人曹人伐宋【称人将卑师少也齐自管仲得政灭谭之后二十年间未尝遣大夫为主将亦未尝动大众出侵伐盖以制用兵而赋于民薄矣故能南推强楚西抑秦晋天下莫能与之争也或以为贬齐称人误矣】夏单伯防伐宋【宋人背北杏之会合诸侯而伐之者齐桓公也会伐者无贬焉故其词平不复再举三国之名也隱公四年主谋伐郑而欲求宠于诸侯以定其位者州吁也会之者

党逆贼矣故其词繁而不杀再举而列书者甚疾四国之词也言之不足故再言之而圣人之情见矣】秋七月荆入蔡冬单伯防齐侯宋公衛侯郑伯于鄆

三年春齐侯宋公陈侯衛侯郑伯防于鄆鲁桓夫人如齐邠叛宋宋人齐人邾人伐之郑人间之而侵宋曲沃称杀晋侯緡而伐之尽以其寶器使大夫为之请命于王王使虢公命以一军为晋侯唐国风九篇曰无衣二章章三句美晋武公也武公始并晋国其大夫为之请命乎天子之使而作是诗也岂曰无衣七兮【侯伯之礼七命冕服七章】不如子之衣安且吉兮【诸侯不命于天子则不成为君】岂曰无衣六兮【天子之卿六命车旗衣服以六为节】不如子之衣安且燠兮【燠暖也】唐国风十篇曰有杕之杜二章章六句刺晋武公也武公寡特兼其宗族而不求贤以自辅焉有杖之杜生于道左【兴也道左之阳人所宜休息也】彼君子兮噬肯适我【噬逮也】中心好之曷饮食之有杕之杜生于道周【周曲也】彼君子兮噬肯来游【游观也】中心好之曷饮食之经曰十有五年春齐侯宋公陈侯卫侯郑伯会于鄆夏夫人姜氏如齐秋宋人齐人邾人伐邠郑人侵宋【伯者之先诸侯专征也非伯者而先诸侯主兵也此齐桓之师何以序宋下犹未成乎伯也二十七年同盟于幽天下与之然后成乎伯矣声罪致讨曰伐鸣钟击鼓整众而行兵法所谓正也潛师掠境曰侵衔杖卧鼓出人不意兵法所谓奇也谓之无名行师曰侵非也】冬十月四年冬十有一月宋人齐人衛人伐郑楚灭邓郑伯自栎入缓告于楚楚伐郑及栎冬十月齐侯宋公鲁侯陈侯衛侯郑伯许男滑伯滕子防盟于幽邾子薨子 嗣秦武公薨初以人从死死者六十六人有一子曰白不立封之平阳以弟德公为嗣经曰十有六年春王正月夏宋人齐人卫人伐郑秋荆伐郑冬十有二月会齐侯宋公陈侯卫侯郑伯许男滑伯滕子同盟于幽【不书公讳也齐桓始霸仗义以盟而鲁首叛盟故讳不称公恶失信也其曰同盟何也程氏曰上无明王下无方伯列国交争桓公始霸天下与之故书同盟志同欲也】邾子克卒

五年甲辰郑伯不朝于齐齐执其大夫詹遂因氏颌氏工娄氏须遂氏醉齐戍而歼之郑詹奔鲁鲁人受之王崩諡曰厘王王大变文武之制作 黄华丽之饰宫室崇峻舆马奢侈王室益防太子闾立晋侯称薨諡曰武公子诡诸嗣鲁多麋秦徙居雍始兴诸祠用三百牢于鄜時初作伏祠磔犬邑四门以御虫菑经曰十有七年春齐人执郑詹【书齐人执詹恶之也郑既侵宋又不朝齐詹盖用事之臣也其见执宜矣而恶齐何也以责人之心责己则尽道以爱己之心爱人则尽仁此春秋待齐之意也】夏齐人歼于遂【歼尽也春秋书此者见齐人灭遂初非伐罪吊民之师也夫以亡国余民能歼强齐之戍故申胥一身可以存楚楚虽三戸可以亡秦足为强而不义之戒而弱者亦可省身而自立矣】秋郑詹【自】齐逃来【谷梁子曰逃义曰逃逃者匹夫之事詹之见执若其有罪虽死可也儗曰无罪苟见免焉请从惠于防使诸侯闻之则不辱君命矣不能以理自强而效匹夫之行特书曰逃以着其幸免而不知命之罪也齐桓始霸同盟于幽而鲁首叛盟受其逋逃亏信义矣书自齐逃来又以罪鲁也】冬多麋【麋鲁所有也多则为异以其又害稼也故此书亦禹放龙蛇周公遠犀象之意也害稼则及人矣】

惠王

元年正月日有食之虢公晋侯郑伯来朝王使原庄公逆王后于陈陈妫归于京师戎侵鲁既去而后知之鲁侯追之至于济西鲁有 秦德公薨子宣公嗣经曰十有八年春王三月日有食之夏公追戎于济西【此未有言侵伐者而书追戎是不觉其来已去而追之也为国无武备起戎心而不知警危道也春秋之意其必未雨而彻桑上闲暇而明政刑】秋有 【 鲁所无也故以有书夫以含沙射人其为物至防鲁人察之以闻于朝鲁史异之以书于防何也山陰陆佃曰 陰物也是时庄公上不能防闲其母下不能正其身阳淑消而陰慝长矣此恶气之应其说是也春秋书之者欲人主之慎所感也世衰道防邪说作正论消小人长善类退天变动于上地变动于下禽兽将食人而不知惧也亦昧于仲尼之意矣】冬十月

二年楚王熊赀薨諡曰文王子麇嗣初鬻拳强諫文王不从临之以兵惧而从之遂自刎也楚人以为大閹君子曰鬻拳可谓爱君矣鲁公子结媵陈人之妇于鄆遂及齐侯宋公盟鲁桓夫人如莒齐人宋人陈人伐鲁西鄙初王姚嬖于庄王生子頹子頹有宠焉国为之师王取焉国圃边伯宫夺子禽祝跪与詹父田而收膳夫之秩五大夫遂奉子頹伐王不克子頹奔衛经曰十有九年春王正月夏四月秋公子结媵陈人之妇于鄆遂及齐侯宋公盟【礼者不失己亦不失人失己与人寇之招也媵浅事陈人防者公子往焉圣人书之讥其重以失己也齐侯伯主宋公王者之后盟国之大事也大夫輒与焉书曰遂讥其轻以失人也遂者专事之词聘礼大夫受命不受词出境有可以安社稷利国家则专之可者谓本有此命得以便宜从事特不受专对之词尔若违命行私虽有利国家安社稷之功使者当以矫制请罪有司当以擅命用刑何者终不以一时之利乱万世之法是春秋之防也】夫人姜氏如莒冬齐人宋人陈人伐我西鄙【奉词曰伐其称人将卑师少也方与三国结盟则其将伐我何也齐桓责鲁不恭所谓失己与人以招寇也】

三年冬十二月鲁桓夫人如莒衛师燕师伐京师立子頹王出适郑处于栎齐大灾齐侯伐戎经曰二十年春王正月夫人姜氏如莒【夫人姜氏初会于禚次享于祝丘又次如齐师又次会于防于谷又次如齐至是再如莒春秋悉书者礼义天下之大防也诗錄泉水载驰以训后世使知男女之别自遠于禽兽也今夫人父母已终如宗国犹不得而况莒乎庄公失子之道不能防闲禁乱之所由生以旧坊为无所用而废之者也是以至此极观春秋书法则知防闲之道矣】夏齐大灾秋七月冬齐人伐戎

四年郑伯虢公胥命于弭郑伯谓林父曰子頹出王而代其位祸孰大焉闻其饮大夫酒乐及徧舞不息是乐祸也祸必及之盍纳王乎虢叔许诺郑伯将王自圉门入虢叔自北门入讨子頹杀之及五大夫王入于王城郑伯薨子捷嗣夏五月戊戌鲁桓夫人薨諡曰文姜冬十月郑葬其君厉公经曰二十有一年春王正月夏五月辛酉郑伯突卒【杜预称庄公四年郑伯遇于垂者子仪也而以为厉公者按春秋突归郑之后其出奔蔡入于栎皆以名书犹系于爵虽篡而实君虽君而实篡不没其实也忽称世子其出奔犹不得称子其复归犹不得称伯以其实不能君也而况子仪虽乘间得立其为君防矣岂敢轻去国都与诸侯防于外乎故知遇于垂者乃厉公也始终书爵不没其实也亦可以为居正而不能保者之戒矣】秋七月戊戌夫人姜氏薨冬十有二月葬郑厉公

五年冬十一月鲁肆大 鲁葬文姜陈侯夫人生世子御寇嬖姬生子款陈侯欲以款为嗣遂杀御寇公子完奔齐陈国风七篇曰防有鹊巢二章章四句忧谗贼也宣公多信谗君子忧惧焉防有鹊巢邛有防苕【兴也防邑也邛丘也苕草也】谁侮予美心焉忉忉【侮张狂也】中唐有璧邛有防鹵【中中庭也唐堂涂也璧瓠觚也鹵绶草也】谁侮予美心焉惕惕【惕惕犹忉忉也】陈国风八篇曰月出三章章四句刺好色也在位不好德而说美色焉月出皎兮【兴也皎月光也】佼人僚兮舒窈纠兮【僚好貌舒迟也窈纠舒之姿也】劳心悄兮月出皎兮佼人僚兮舒懣受兮劳心慄兮月出照兮佼人燎兮舒天绍兮劳心惨兮齐侯以陈敬仲完为卿辞曰羁旅之臣幸若获宥及于寛政赦其不闲于教训而免于罪戾弛于负担君之惠也所获多矣敢辱高位以速官谤请以死告诗云翘翘车乘招我以弓岂不欲往畏我友朋使为工正饮齐侯酒乐公曰以火继之辞曰臣卜其昼未卜其夜公不说使食采于田初懿氏卜妻敬仲其妻占之曰是谓凤凰于飞和鸣锵锵有劬之后将育于姜五世其昌并于正卿八世之后莫之与京齐侯游于平陵见贫而无妻者以外御妻之管仲曰君必待见而后施惠何其狭也乃下令泽梁时纵市书而不赋令男二十而娶女十五而嫁夏五月丙申鲁侯及齐大夫高傒盟于防鲁侯如齐纳币秦作密時于渭南祭青帝楚王欲杀其弟頽頽奔随与随袭王杀之是谓杜敖頽袭位布德施惠结旧好于诸侯经曰二十有二年春王正月肆大 【肆者荡涤瑕垢之称也闻圣王 灾肆赦赦过宥罪矣未闻肆大 也大 皆肆则废天讨恶人幸以免矣后世有姑息为政数行恩宥惠奸宄贼良民而其弊益滋盖流于此故诸葛孔明曰治世以大德不以小惠其为政于蜀军旅数兴而赦不妄下蜀人从而歌思犹周人之思召公也斯得春秋之防矣】癸丑葬我小君文姜【文姜之行甚矣而用小君之礼其无讥乎以书夫人孙于齐不称姜氏及书哀姜薨于夷齐人以归攷之则讥小君典礼当谨之于始而后可正也文姜已归为国君母臣子致送终之礼虽欲贬之不可得矣】陈人杀其公子御寇【公子之重视大夫杀而或称君者独出于其君之意如晋侯杀其世子申生之类是也或称国者国君大夫与闻其事而不请于天子如郑杀其大夫申侯之类是也或称人者其一国乱无政众人擅杀而不出于其君如陈人杀其公子御寇之类是也其一弑君之贼人人之所得讨背叛之臣国人之所同恶如衛人杀州吁郑人杀良霄之类是也攷传所载以观经之所断则罪之轻重见矣】夏五月秋七月丙申及齐高傒盟于防冬公如齐纳币【防者名姓不登于史册高傒齐之贵大夫也曷为就吾之防者盟盖公也其不言公讳与高傒盟也来议结婚取仇人女大恶也取者其为吉下主乎已上主乎宗庙以为有人之心者宜于此焉变矣公亲纳币则不待贬也】

六年祭叔聘于鲁鲁侯如齐观社曹刿諫曰礼所以整民也故会以训上下之则制财用之节朝以正班爵之义帅长幼之序征伐以讨其不然诸侯有王王有巡狩以大习之非是君不举矣夫土发而社助时也收斂而烝纳要也今齐弃太公之法观民于社君为是举非故业矣天子祀上帝诸侯会之受命焉诸侯祀先公大夫佐之受事焉不闻诸侯之相会祀也君举必书书而不法后嗣何观不听楚王遣使献于天子天子命之曰镇尔南方无侵中国楚遂遣使聘于诸侯齐侯鲁侯遇于谷萧叔朝鲁侯于谷鲁丹桓宫楹九月曹伯射姑薨世子羈嗣冬十月齐侯鲁侯盟于扈晋桓庄之族偪晋侯患之士蒍曰去富子则羣公子可谋也已公曰尔试其事士蒍与羣公子谋潜富子而去之士蒍者杜隰叔之子唐帝尧之苗裔也在虞为陶唐氏在夏为御龙氏在商为豕韦氏在周为唐杜氏隰叔奔晋为士官遂为氏经曰二十有三年春公

至自齐祭叔来聘【谷梁子曰祭叔天子之内臣不言使不正其私交也祭伯来朝而不言朝祭叔来聘而不言使尹氏王子虎刘卷来计而不书其爵秩皆所以正人臣之义也人君而明此不容下比之臣人臣而明此不为交私之计党锢之祸息矣】夏公如齐观社公至自齐荆人来聘【荆自庄公十年始见于经十四年入蔡十六年伐郑皆以州举者恶其猾夏不恭故狄之也至是来聘遂称人者嘉其慕义自通故进之也朝聘者中国诸侯之事虽蛮夷而能脩中国诸侯之事则不念其猾夏不恭而遂进焉见圣人之心乐与人为善矣后世之君能以圣人之心为心则与天地相似凡变于夷者叛则惩其不恪而威之以刑来则嘉其慕义而接之以礼迺人安遠者服矣春秋谨华夷之辨而荆吴徐越诸夏之变于夷者故书法如此】公及齐侯遇于谷萧叔来朝【谷齐地萧叔附庸之君也为礼必当其物与其所而后可以言礼大夫宗妇觐而用币则非其物也萧叔朝公在齐之谷则非其所也嘉礼不野合而朝公于外是姜之于野矣故礼非其所君子有不受必反之于正而后止此亦春秋拨乱之意也】秋丹桓宫楹冬十有一月曹伯射姑卒十有二月甲寅公会齐侯盟于扈【程子曰遇于谷盟于扈皆为要结婚好也传称男子二十而冠冠而列丈夫三十而不娶非礼也然天子诸侯十五而冠者以娶必先冠而国不可以无储贰欲人君早有继体故因以为节也老而无妻曰鰥舜方三十未娶而师锡帝尧已曰有鰥在下今鲁庄生三十有六年矣尚无内主何也盖文姜使必娶于母家而齐女待年未及故庄公越礼不顾如此其急齐人有疑如此其缓而遇于谷盟于扈要结之也娶夫人奉祭祀为宗庙主而母言是听不以大义裁之至于失时不孝甚矣春秋详书为后戒也】

七年春正月鲁刻桓宫桷匠师庆諫曰臣闻俭德之共也侈恶之大也先君有共德而君纳诸大恶无乃不可乎不听曹葬其君庄公鲁侯亲迎于齐六月丁丑以夫人姜氏归大夫宗妇觐用币御孙曰男贄大者玉帛小者禽鸟以章物也女贄不过榛栗枣脩以告防也今男女同贄是无别也男女之别国之大节也而由夫人乱之无乃不可乎不听宗人夏公展曰非故也公曰君作故对曰君作而顺则故之逆则亦书其逆也又不听鲁大水是时自岍陇以东至于伊洛往往有戎蕃育盛强遂侵曹曹世子羁出奔陈公子赤归于曹郭亡晋士蒍又与羣公子谋使杀游氏之二子告晋侯曰不过二年君必无患经曰二十有四年春王三月刻桓宫桷【自常情观之丹楹刻桷疑若小失而春秋详书于防御孙以为大恶何也桓公见杀于齐则不能复而盛饰其宫夸示仇人之女乃有乱心废人伦悖天道而不知正者也御孙知为大恶而不敢尽言春秋谨礼于防正后人主之心术者也故详书于防斥言桓宫以恶庄为后鉴也】葬曹庄公夏公如齐逆女秋公至自齐【谷梁子曰亲迎常事也不志此其志何也不正其亲迎于齐也或曰常事不志者歲事之常也亲迎可以常乎则其说误也常事非一有月事之常则视朔是也有时事之常则搜狩是也有歲事之常则郊祀雩祭之类是也有合礼之常则婚姻纳币逆女至归之类是也凡此类合礼之常则不志矣其志则于礼不合将以为戒者也若夫崩薨卒葬即位之类不以礼之合否而皆书此人道始终之大变也其于亲迎异矣】八月丁丑夫人姜氏入戊寅大夫宗妇觐用币【何以不致不可见乎宗庙也姜氏齐襄公之女入者不顺之词以宗庙为弗受也婚义以正始为先而公不与夫人皆至已失夫妇之正弑闵孙邾之乱兆矣庄公不胜其母越礼逾时俟仇人之女荐舍于宗庙以成好合卒使宗嗣不立弑逆相仍防至亡国故春秋详书其事以着庄公不孝之罪为后戒也礼夫人至大夫郊迎明日执贄以见宗妇大夫之妻也公事曰见私事曰觐见夫人礼也夫人不可见乎宗庙则不可以

临诸臣故以私言之也用币何以书御孙曰男女同愤是无别也公子牙庆父之乱兆矣春秋详书正始之道也】大水冬戎侵曹羈出奔陈赤归于曹【羈不称爵者防弱不能君也赤庶公子归易词也郑忽突出归权在于宋曹羈赤出归制在于戎使郑忽曹羈明而能断虽有宋戎之众突赤之孽何縁而起以国储君副不能自定其位于谁责而可故虽以国氏皆不书爵为居正者之戒】郭公【此郭公也义不可晓而先儒或以为郭亡者于传有之齐桓公之郭之故墟问父老曰郭何故亡曰以其善善而恶恶也公曰若子之言乃贤君也何至于亡父老曰郭公善善不能用恶恶不能去所以亡也攷其时与事谓之郭亡理或然也夫善善而不能用则无贵于知其善恶恶而不能去则无贵于知其恶未之或知者犹有所觊也夫既或知之矣不能行其所知君子所以高举逺引小人所以肆行而无忌憚也然则非有能亡郭者郭自亡尔】

八年陈侯使大夫女叔聘于鲁始结好也卫侯薨諡曰惠公子赤嗣夏四月辛未朔日有食之王者之制日食天子不举伐鼓于社诸侯用币于社伐鼓于朝凡天灾有币无牲非日月之不鼓鲁人鼓用牲于社鲁伯姬嫁于 秋大水鲁始鼓用牲于社于门鲁公子季友如陈报女叔之聘也晋士蒍与羣公子谋尽杀游氏之族乃城聚而处之晋侯围聚尽杀羣公子以士蒍为司空经曰二十有五年春陈侯使女叔来聘夏五月癸丑卫侯朔卒六月辛未朔日有食之鼓用牲于社【按礼诸侯旅见天子入门不得终礼者六而日食与焉古者固以为大变人君所当恐惧修省以答天意而不敢忽也今鲁不鼓于朝而鼓于社又用牲非礼矣】伯姬归于 逆者非卿名姓不登于史防故书归以志其失礼而有名姓登于史防犹书归者以别于大夫之自逆者也犹书归者纪伯姬是也自逆者莒庆齐高固是也】秋大水鼓用牲于社于门冬公子友如陈

九年鲁侯伐戎曹杀其大夫鲁侯及宋人齐人伐徐晋士蒍城絳以深其宫秋虢侵晋冬十月癸亥朔日有食之虢人又侵晋经曰二十有六年春公伐戎夏公至自伐戎曹杀其大夫【称国以杀者国君大夫与谋其事不请于天子而擅杀之也义系于杀则止书其官曹杀其大夫宋人杀其大夫是也义系于人则兼书其名氏楚杀其大夫得臣陈杀其大夫泄冶之类是也古者诸侯卿大夫士命于天子而不敢专命也其有罪则请于天子而不敢专杀也及春秋时专命而不以告于王朝专杀而不以归于司寇无王甚矣五霸三王之罪人而葵丘之会犹曰无专杀大夫故春秋明书于防备天子之禁也况诸侯之大夫方其交政中华会盟征伐虽齐晋上卿止録其名氏至于见杀虽曹莒小国亦书其官或抑或扬或夺或与圣人之大用也明此然后可以司赏罚之权矣】秋公会宋人齐人伐徐【在伯禽时徐戎已为鲁患春公伐戎秋又伐徐者必戎与徐合兵表里为鲁国之患也故虽齐宋将卑师少而公独亲行其不致者役不淹时而齐人同会则无危殆之忧矣】冬十有二月癸亥朔日有食之

皇王大纪卷三十九

宋 胡宏 撰

三王纪

惠王

十年甲寅鲁侯会 伯姬于洮左氏曰会于洮非事也天子非展义不巡狩诸侯非民事不举卿非君命不越境夏四月齐侯宋公鲁侯陈侯郑伯会盟于幽齐定令關市五十而征一赋禄以粟田税上年什取三中年什二下年什一大凶不税其或饥饉则弛而税令诸侯必足三年之食以其余修兵革不足者助之发齐于是霸小白喜曰孤有管仲犹鸿之有翼也号曰仲父

论曰齐亦公侯之地尔及管仲得政遂能强大霸诸侯何也守信不二行法无私举用贤才开辟言路不借树蓄务富民财不大兴兵务舒民力仗尊王之义会于首止天子憚其正而王室之乱消寧鲁难诛哀姜公道伸而诸侯服盟于召陵礼荆楚而中国之义立封卫楚丘城邢夷仪迁 緣陵而夷狄不得肆此其所以九合诸侯虎视中原之大畧也其去戎狄也遠矣故孔子曰如其仁如其仁若夫伐鲁国以杀子纠而父子兄弟之恩薄五大夫立子頹出天王不能奔命而君臣之义亏鲁晋宋有弑君之贼而不能讨也陈有杀适立庶之乱而不正也郑有兄弟争国之祸而不能止也以病燕则伐北戎山戎以包茅不贡则南伐楚以不从已则伐宋伐郑执陈轅涛涂厚自封殖灭譚灭遂降鄣迁阳处已如是何以服人是以北则晋专冀方西则秦专雍土南则荆楚强横灭 灭黄围许伐徐而终不退听也原其失皆由不知天理之本而驰心于功利之域故轻重后先不相并无以得天下心而功烈如彼其卑也其去王也遠故孟子曰管仲曾西之所不为也而子谓我愿之乎

鲁公子友如陈葬原仲原仲季友之旧也鲁 伯姬归寧鲁侯以叔姬嫁于莒大夫庆庆来亲迎 伯朝于鲁王使召伯赐齐侯命且请伐卫以其立子頹也齐侯鲁侯防于城濮经曰二十有七年春公防 伯姬于洮【庄公爱其女而不能节之以礼非事而特防于洮此春秋之所禁也惟不节之以礼然后有使自择配如僖公之于季姬而典训亡矣】夏六月公会齐侯宋公陈侯郑伯同盟于幽【同盟之例有恶其反覆而书同盟有诸侯同欲而书同盟前此郑伯尝贰于齐矣至是齐桓强盛有伯中国攘夷狄之势诸侯皆归之郑伯于是焉有畏服之心其得与于盟所欲也故特书同视他盟为愈矣】秋公子友如陈葬原仲【私行也何以通季子之私行而无贬乎曰春秋端本之书也京师诸夏之表也祭伯以寰内诸侯而来朝祭叔以王朝大夫而来聘尹氏以天子三公来告其丧诬上行私表不正矣是故季子违王制委国事越境而会葬齐高固莒庆以大夫即鲁而图婚末流可知矣春秋深贬王臣以明始乱备书诸国大夫而无讥焉则以着其効也凡此皆正其本之意】冬 伯姬来【礼父母在歲一归寧何以书来不当来也女子有行遠父母兄弟春会于洮冬又来归不合礼之常矣故书春秋于男女往来之际严矣】莒叔来逆庆姬【叔姬何以称字大夫自逆则称字为其君逆则称子尊卑之别也何以书诸侯嫁女于大夫而公自主之非礼也】 伯来朝公会齐侯于城濮十一

年春正月甲寅齐人伐卫卫人及齐人战卫师败绩二月丁卯邾子薳子蘧蒢嗣楚令尹子元文王之弟也以车六百乘伐郑入自纯门郑人将奔桐丘鲁侯会齐人宋人救郑楚师夜遁鲁筑郿鲁大无麦禾鲁臧文仲言于公曰国病矣君盍以名器请籒于齐公从之从者曰君不命吾子而自请之其为选事乎文仲曰贤者急病而让夷若在上不恤下居官而避难非事君也遂以鬯圭玉磬如齐告籒曰天灾流行戾于敝邑饥馑荐降民羸几卒大惧乏周公太公之命祀职贡业事之不共而获戾不腆先君之弊器敢告滞积以纾执事以救敝邑使能共职岂惟寡君与二三臣实受君赐其周公太公及百辟神祇实永飨而赖之齐侯归其玉而予之籒晋侯贾夫人无子齐姜生世子申生娶大戎狐姬生重耳小戎子生夷吾伐骊戎灭骊子以骊姬归生奚齐其娣生卓子史苏告诸大夫曰昔者之伐也兴百姓以为百姓也今君起百姓以自封也其乱生哉吾闻君子好好而恶恶乐乐而安安是以能有常伐木不自其本必复生塞水不自其源必复流灭祸不自其基必复乱今君灭其父而畜其子祸之基也骊姬通于优施施与之谋去三公子而立其子賈外嬖二五言于公曰曲沃君之宗也蒲与二屈君之疆也若使太子主曲沃而重耳夷吾主蒲与屈则可以威民而惧戎且旌君伐使俱曰狄之广莫于晋为都晋之启土不亦宜乎公从之惟奚齐卓子在絳里克丕郑荀息相见克曰若之何荀息曰事君者竭力以役事不闻违命丕郑曰事君者从其义不阿其惑克曰我虽不识义亦不阿惑吾将静也猛足言于太子曰盍图之乎太子曰吾闻之羊舌大夫曰事君以敬事父以孝受命不违为敬敬顺所安为孝孝敬君父之所安也弃安而图远于孝矣吾其止也唐国风终十二篇曰采芑三章章八句刺晋献公也献公好听谗焉采芑采芑首阳之巔【兴也芑大苦也首阳山名也采芑细事也首阳幽僻也细事喻小行也幽僻喻无征也】人之为言苟亦无信舍旃舍旃苟亦无然人之为言胡得焉采苦采苦首阳之下【苦苦菜也】人之为言苟亦无与舍旃舍旃苟亦无然【无与勿用也】人之为言胡得焉采葑采葑首阳之东【葑菜名也】人之为言苟亦无从舍旃舍旃苟亦无然人之为言胡得焉经曰二十有八年春王三月甲寅齐人伐卫卫人及齐人战卫人败绩【齐人奉王命声罪以讨卫为卫计者诚有是罪则当请归司寇服刑可也若惠徼康叔不泯其社稷使得自新亦惟命则可以免矣今不征词请罪而上逆王命下拒方伯之师直与交战则是卫人为志乎此战故书及以主之卫也战不言伐伐不言日而书日者战之日也见齐人伐罪方以是日至而卫人不请其故直以是日与之战所以深疾之也而圣人之情见矣齐称人将卑师少也】夏四月丁未邾子琐卒秋荆伐郑公会齐人宋人救郑【楚无故伐郑是陵弱暴寡之师也故以州举狄之也诸侯得救急恤邻之义故书救郑善之也齐宋称人将卑师少也桓公主兵攘夷狄安中国之事见矣】冬筑郿【郿邑也凡用功大曰城小曰筑故馆则书筑台则书筑圉则书筑郿邑而书筑者创作邑也其志不视歲之丰凶而轻用民力于其所不必为也则非人君之心矣】大无麦禾【麦熟于夏禾成于秋而书于冬者庄公惟宫室台榭是崇是饰费用浸广调度不充有司计歲入之多寡虚实然后知仓廩之竭也故于歲杪而书曰大无麦禾庄公享国二十八年于古法当有九年之积而虚竭如此所谓寄生之君也圣人书之以戒来世为国之不知务】臧孙辰告籒于齐【刘敞曰言如齐告籒则其词缓言告籒于齐则其情急所以讥大臣任国事治名而不治实之敝也鲁人悅其名而以急病攘夷为功君子责其实而以不能务农重谷节用爱人为罪也】

十二年鲁新延廡非时也凡马日中而出日中而入郑人侵许鲁有蜚冬十月纪叔姬卒鲁城诸及防时也凡土功龙见而毕务戒事也火见而致用水昏正而栽日至而毕樊皮叛王经曰

二十有九年春新延廡【言新者有故也何以书谷梁子曰古之君人者必时视民之所勤民勤于力则功筑罕民勤于财则贡赋少民勤于食则百事废矣大无麦禾告余于齐冬筑郿春新廡以其用民力为已悉矣此韩屈宜曰所谓时诎举羸者】夏郑人侵许秋有蜚冬十有二月纪叔姬卒【纪已灭矣其卒之何以明纪侯不争而去则可能使其民从而不释则防矣】城诸及防

十三年王命虢公讨樊皮夏四月丙辰虢公入樊执樊仲皮归于京师鲁师次于成鄆者纪之附庸也五月齐人胁鄆降之六月癸亥鲁防葬纪叔姬日食鲁鼓用牲于社北戎病燕职贡不至齐侯鲁侯遇于鲁济谋伐山戎桓公自将刺令支斩孤竹而还燕赖以安楚子元骄楚王使申公鬬班杀之以鬬谷于菟为令尹实子文也自毁其家以纾楚国之难初鬬伯比从其母畜于防淫于防女生子文弃诸梦中虎乳之防子田见而收之楚人谓乳谷谓虎于菟也 国风十一篇曰式防二章章四句黎侯寓于卫其臣劝以归也式防式防胡不归防君之故胡为乎中露【防无也中露卫邑也】式防式防胡不归防君之躬胡为乎泥中【泥中卫邑也】邶国风十二篇曰旄丘四章章四句责卫伯也狄人迫逐黎侯黎侯寓于卫卫不能修方伯连率之职黎之臣子以责于卫也旄丘之葛兮何诞之节兮【兴也前高后下曰旄丘诸侯以国相连属忧患相及如葛之蔓延相连及也诞濶也】叔兮伯兮何多日也【日月以逝而不我忧】何其处也必有与也【言与仁义也】何其乂也必有以也狐裘防戎匪车不东【大夫狐苍裘防戎以言乱也不东言不来东也】叔兮伯兮靡所与同【无救患恤同也】琐兮尾兮流离之子【琐尾少好之貌流离鸟也少好长丑始而愉乐终以微弱】叔兮伯兮褻如充耳【褻盛服也充耳盛饰也大夫褻然有尊盛之服而不能称也】邶国风十三篇简兮三章章六句刺不用贤也卫之贤者仕于伶官皆可以承事王者也简兮简兮方将万舞【简大也方四方也将行也以干羽为万舞用之宗庙山川故言于四方】日之方中在前上处【教国子弟以日中为期】硕人俟俟公庭万舞【硕人大德也俟俟容貌大也万舞非但在四方亲在宗庙公庭】有力如虎执轡如组【组织组也武力比于虎可以御乱御众有文章言能治众动于近成于远也】左手执籥右手秉翟【籥六孔翟翟羽也】赫如渥赭公言锡爵【赫赤貌渥厚渍也祭有畀燁胞翟阍寺者惠下之道见惠不过一散】山有榛隰有苓【榛木名下湿曰隰苓大苦】云谁之思西方美人彼美人兮西方之人兮【乃宜在王室】邶国风十四篇曰北门三章章七句刺仕不得志也言卫之忠臣不得其志尔出自北门忧心殷殷【兴也北门背明乡陰】终窶且贫莫知我艰【窶者无礼也贫者困于财】已焉哉天实为之谓之何哉王事适我政事一埤益我【适之埤厚也】我入自外室人交徧謫我【謫责也】已焉哉天实为之谓之何哉王事敦我政事一埤遗我【敦厚遗加也】我入自外室人交徧摧我【摧沮也】已焉哉天实为之谓之何哉秦宣公薨子九人莫立立其弟成公经曰三十年春王正月夏师次于成秋七月齐人降鄆【鄆者纪之附庸防乎防者也齐人不道肆具强力胁使降附不书鄆降而曰降鄆者以齐之强故罪之深以鄆之防故责之薄春秋之法扶弱抑强明道义也霸者之政以强临弱急事功也故曰五霸三王之罪人仲尼之徒无道桓文之事者】八月癸亥葬纪叔姬【灭国不葬此何以葬贤叔姬也不以亡故而亏妇道故系之于纪而録其卒葬以贤而得书所以为后世劝也】九月庚午朔日有食之鼓用牲于社冬公及齐侯遇于鲁济齐人伐山戎【齐人者齐侯也何以知以来献戎捷称齐侯则知之矣其称人讥伐戎也齐公以北戎病燕亲越千里之险为燕关地可谓能脩方伯连帅之职何以讥之乎桓公

不务德勤兵遠伐不正王法以讥其罪则将开后世之君劳中国而事外夷舍近政而贵遠畧困吾民之力争不毛之地其患有不胜言者故特贬而称人以为好武功而不修文德者之戒也然则伐楚之役何以美之其谓退师召陵责以大义不务交兵而强楚自服乎观此可以见强本治内柔服遠人之意矣】

十四年鲁筑台于郎二月薛伯薨鲁筑台于薛齐侯以戎捷遗诸侯非礼也古者蛮夷戎狄不式王命王命伐之诸侯有功则献于王王以警于夷兄弟甥舅侵败王略王命伐之告事而已诸侯不相遗俘鲁筑台于秦鲁不雨经曰三十有一年春筑台于郎【何以书厉民也天子有灵台以 天地诸侯有时台以 四时去国筑台于遠而不緣占 是为遊观之所厉民以自乐也厉民自乐而不与民同乐则民欲与之偕亡虽有台岂能独乐乎】夏四月薛伯卒筑台于薛六月齐侯来献戎捷【军获曰捷献者下奉上之辞齐侯伐山戎以所得躬来夸示书来献者抑之也后世宰臣有不赏边功以沮外徼生事之人得春秋抑戎捷之意】秋筑台于秦不雨十五年鲁城小谷齐侯为楚伐郑故请会于诸侯宋公请先见于齐侯夏遇于梁丘鲁侯夫人姜氏无子娣叔姜生子启初公筑台临党氏见孟任以夫人言许之生子般众妾成风生子申公疾问后于叔牙对曰庆父材问于季友对曰臣以死奉般庆父叔牙季友皆桓公子也友之将生公使 之曰男也其名曰友在公之右间于两社为公室辅及生有文在其手曰友遂以名之成风闻友之繇遂事之属其子焉友以公命酖叔牙曰饮此则有后于鲁国不然死且无后饮之而卒立叔孙氏鲁侯薨子般嗣次于党氏初鲁讲雩于梁氏女公子观之圉人犇自墙外与之戏子般怒鞭之公曰不如杀之是有力焉能投盖于稷门至是庆父使犇贼子般季友奔陈庆父立公子启如齐求援齐人许之曹伯赤薨諡曰僖公子班嗣曹国风首篇曰蜉蝣三章章四句刺奢也昭公国小而迫无法以自守好奢而任小人将无所依焉蜉蝣之羽衣裳楚楚【兴也蜉蝣渠畧也朝生夕死犹有羽翼以自修饰楚楚鲜明貌】心之忧矣于我归处蜉蝣之翼采采衣服【采采众多也】心之忧矣于我归息【息止也】蜉蝣掘阅麻衣如雪【掘阅容阅也如雪言鲜洁】心之忧矣于我归说有神降于莘王问于内史过曰是何故固有之乎对曰昔夏之兴也融降于崇山其亡也回禄信于聆隧商之兴也梼杌次于丕山其亡也夷羊在牧周之兴也鸛鸛鸣于岐山其衰也杜伯射王于郕其君齐明衷正清洁惠和有德则兴其君贪冒辟邪淫荒矫诬失德则亡王曰今何神也对曰昭王房后实有爽德協于丹朱是实照临周之子孙而祸福之王曰其谁受之对曰今虢少荒其亡矣乎王使太宰忌父帅狸姓傅氏奉牺牲粢盛玉帛往献不祈经曰三十有二年春城小谷夏宋公齐侯遇于梁丘秋七月癸巳公子牙卒【牙有今将之心而季子杀之其不言刺者公羊以为善之也杀母兄何善尔诛不得避兄君臣之义也曷为不直诛而酖之使托若以疾死然亲亲之道也陆淳曰季子恩义俱立变而得中夫子书其自卒以示无讥也得之矣】八月癸亥公薨于路寝【赵匡曰君终必于正寝就公卿也若蔽于隱是女子小人得行其志矣庄公薨于路寝不为不正而嗣子受祸几至亡国何也大伦不明而宗嗣不定兵柄不分而主威不立得免其身幸矣】冬十月己未子般卒【庄公过时越礼而娶谬于易基乾坤诗始關雎大舜不告之义甚矣而子般乃孟任之所出也胡能有定乎有国者可不戒哉】公子庆父如齐【昔成王将终命七臣相康王方是时掌亲兵者太公望之子伋也宰臣召公奭命仲完南宫毛取二千戈虎贲百人于伋以逆嗣子伋虽掌兵非有宰臣之命不敢发也召公虽制命非二诸侯将命以往伋亦不承也兵权散主不专属于一人可知矣子般之卒庆父弑也宜书出奔其曰如齐者自书伐于余

丘见庄公专以兵权授之庆父至是弑君出入自如国人不能制也其垂戒之义明且遠矣】狄伐邢

十六年管仲言于齐侯曰戎狄豺狼不可厌也诸夏亲防不可弃也宴安酖毒不可怀也诗云岂不怀归畏此简书简书同恶相恤之谓也请救邢以从简书齐侯从之鲁葬其君庄公既葬而经不入库门士大夫既卒哭麻不入鲁侯防齐侯盟于落姑请复季友齐侯使召诸陈鲁侯次于郎以待之友归于鲁齐侯使仲孙湫省鲁难归言于公曰不去庆父鲁难未已公曰若之何而去之对曰难不已将自毙君其待之公曰鲁可取乎对曰不可犹秉周礼周礼所以本也臣闻之国将亡本必先颠而后枝叶从之鲁不弃周礼未可动也君其务寧鲁难而亲之晋侯作二军使太子申生将下军公将上军赵夙御戎毕万为右以灭耿灭霍灭魏师还为太子城曲沃士蔦曰分之都城而位以卿先为之极世子不得立矣不如逃之无使罪至为吴太伯不亦可乎赐赵夙耿夙叔带之五世孙也赐毕万魏万毕公高之裔孙也唐国风十一篇曰葛生五章章四句刺晋献公也好战功则国人多丧矣葛生防楚蒺藜于野【兴也葛生延而防楚蒺藜生蔓于野喻妇人外成于他家】予美亡此谁与独处葛生防棘蒺藜于域【域营域也】予美亡此谁与独息【息止也】角枕粲【鲜明】兮锦衾烂兮【齐则角枕锦衾礼夫不在敛枕篋衾席鞶而藏之】予美亡此谁与独旦夏之日冬之夜【言长也】百歲之后归于其居冬之夜夏之日百歲之后归于其室【室犹居也】经曰元年春王正月【不书即位庄公薨子般卒庆父夫人利閔公之幼而得立焉是内不承国于先君也鲁有大故不告于周閔既主丧而王不遣使是上不请命于天子也内无所承上不请命故不书即位正人道之大伦也】齐人救邢【凡书救者未有不善之也救在京师则罪列国子突救衛是也救在夷狄则罪诸侯狄救齐吴救陈是也救在遠国则罪四邻晋阳处父帅师伐楚以救江是也救而不速救者则书所次以罪其慢叔孙豹救晋次于雍榆是也救而不敢救者则书所至以罪其怯齐侯伐我北鄙围成公救成至遇是也兵者春秋之所甚重卫灵公问阵孔子对曰俎豆之事则尝闻之矣军旅之事未之学也独至于救兵而书法若此圣人之情见矣其称人将卑师少也】夏六月辛酉葬我君庄公秋八月公及齐侯盟于落姑季子来归【按左氏盟于落姑谋复季友也其曰季子贤之也其曰来归喜之也自外至者为归是尝出奔矣何以不书庄公薨子般弑庆父主兵势倾公室季子力不能支避难而出奔耻也鲁国方危内贼未讨国人思得季子以安社稷而公为落姑之盟以请于齐则是贤也春秋欲没其耻故不书奔欲旌其贤故特称季子圣人之情见矣隱恶而扬善舜也乐道人之善恶称人之恶孔子也为尊者讳为亲者讳为贤者讳春秋也明此可以畜纳污之德乐与人为善矣其不称公子见季友自以贤德为国人所与不緣宗亲之故也尧敦九族而急亲贤退囂讼周厚本枝而庸旦仲黜蔡鲜义皆在此而亲亲之杀尊贤之等着矣此义行则内无贵戚任事之私外无弃亲用鞶之失而国不治者未之有也此春秋待来世之意】冬齐仲孙来【仲孙齐大夫也其不称使而曰来者畧其君臣之常词以见桓公使臣不以礼仲孙事君不以忠也按左氏齐侯忧鲁使仲孙来省难何以言使臣不以礼也邻有弑逆则当声罪戒严修方伯之职以奉天讨而更使计谋之士窥覘虚实有乘乱取国之心则使臣非以礼矣仲孙归曰不去庆父鲁难未已君其务寧鲁难而亲之何以言事君不以忠也田常弑简公孔子沐浴而朝告于哀公请讨焉岂曰齐人方强姑少待之也不劝其君急于讨贼而俟其自毙则事君非以忠矣使庆父稔恶閔公再弑则桓公与仲孙始谋不臧之所致尔直书曰齐仲孙来交讥之也】

十七年冬十一月齐人迁阳春三月乙酉鲁禘于庄公鲁夫人姜氏欲立庆父初公傅夺卜麟田公不禁夏六月辛丑庆父使麟贼公于武闾諡曰闵公季友以公子申适邾七月夫人姜氏孙于邾庆父奔莒季友以申归而立之庆父至莒莒人逐之将田乎齐齐人不纳却反舍于汶水之上使公子鱼请不许哭而往庆父曰奚斯之声也乃缢立其后为仲孙氏齐侯使高傒将南阳之甲至于鲁时鲁难初平人情未定傒助之修守备镇抚内外结盟而归鲁人赖之以为美谈至于久而不绝曰犹望高子也邶国风十六篇曰北风三章章六句刺虐也卫国立为威虐百姓不亲莫不相携持而去焉北风其凉雨雪其雱【兴也北风寒凉之风雱盛貌】惠而好我携手同行【惠爱行道也】其虚其邪既亟只且【虚虚也亟急也】北风其喈雨雪其霏【喈疾貌霏甚貌】惠而好我携手同归【归有德也】其虚其邪既亟只且莫赤匪狐莫黑非乌【狐赤乌黑莫能别也】惠而好我携手同车【手就车】其虚其邪既亟只且十月狄人伐卫初卫侯好鹤鹤有乘轩者受甲者皆曰使鹤鹤实有禄位予焉能战卫侯与狄战于荧泽众溃卫侯死国人东走为狄所邀遂灭卫初公子顽生子曰申曰燬宋桓夫人许穆夫人燬见卫之多患也先适齐至是宋公逆诸河宵济卫之遗民男女七百人合别邑共滕之民为五千人立申以庐于漕諡先君曰懿公未几申薨諡曰戴公卫人立燬齐侯使公子无亏帅车三百乘甲士三千人戍漕鄘国风终十篇曰载驰五章一章六句二章章四句一章六句一章八句许穆夫人作也闵其宗国颠覆自伤不能救也卫懿公为狄人所灭国人分散露于漕邑许穆夫人闵卫之亡伤许之力小不能救思归唁其兄又义不得故赋是诗也载驰载驱归唁卫侯【载辞也吊失国曰唁】驱马悠悠言至于漕【悠悠远貌漕卫东邑】大夫跋涉我心则忧【草行曰防水行曰涉】既不我嘉不能旋反【不能旋反我思也】视尔不臧我思不逮【不能逮卫也】既不我嘉不能旋济【济止也】视尔不臧我思不閤【閤闭也】陟彼阿丘言采其蓫【偏高曰阿丘蓫贝母也升至偏高之丘采其蓫者将以疗疾】女子善怀亦各有行【行道也】许人尤之众穉且狂【尤过也是乃众幼穉且狂进取一槩之义】我行其野芃芃其麦【愿行卫之野麦芃芃然方盛长】控于大邦谁因谁极【控引极至也】大夫君子无我有尤百尔所思不如我所之【不如我所思之笃厚也】郑大夫高克好利而不顾其君郑伯恶而欲逐之不能使克将兵御狄于竟陈其师旅翱翔河上久而不召众散而归高克奔陈公子素恶高克进之不以礼郑伯退之不以道危国亡师之本而作清人之诗焉郑国风五篇曰清人三章章四句刺文公也清人在彭驷介旁旁【清邑也彭卫之河上郑之郊也介甲也】二矛重英河上乎翱翔【重英矛有英饰也】清人在消驷介麋麋【消河上地也麋麋武貌】二矛重乔河上乎逍遥【重乔累荷也】清人在轴驷介陶陶【轴河上地也陶陶驱驰之貌】左旋右抽中军作好【左旋讲兵右抽抽矢以射居军中为容貌】郑国风六篇曰羔裘三章章四句刺朝也言古之君子以风其朝焉羔裘如濡洵直且侯【如濡润泽也洵均侯君也】彼其之子舍命不渝【渝变也】羔裘豹饰孔武有力【豹饰缘以豹皮也孔甚也】彼其之子邦之司直【司主也】羔裘晏兮三英粲兮【晏鲜盛貌三英三德也】彼其之子邦之彦兮【彦士之美称】秦成公薨子七人莫立立其弟任好晋侯以骊姬为夫人将废世子使世子伐东山臯落氏里克諫曰世子奉冢祀社稷之粢盛以朝夕视君膳者也君行则守有守则从古之制也师在制命而已稟命则不威专命则不孝君其舍之公曰寡人有子未知其谁立焉不对而退见世子世子曰吾其废乎对曰告之以临民教之以军旅不共是惧何故废乎且子惧不孝无惧弗得立修己而不责人则免于难梁余子养先丹木曰纵敌可尽犹有内讷死而不孝不如违之世子不可遂伐狄至于稷桑世子欲战狐突劝世子行

曰若惠于父而遠于死惠于众而利社稷可乎世子不可败狄于稷桑而归谗言弥兴狐突杜
門不出经曰二年春王正月齐人迁阳夏五月乙酉吉禘于庄公【程氏曰天子曰禘诸侯曰
祫其礼皆合祭也孔子曰鲁之郊禘非礼也周公其衰矣禘言吉者丧未三年行之太早也于
庄公者方祀于寢非宫庙也一举而三失礼焉春秋之所谨也四时之祭有禘之名盖礼文交
错之失】秋八月辛丑公薨【公薨不地者仲尼亲笔观于删诗在诸国则变风皆取在鲁则
独编史克之颂或问吾党有直躬者其父攘羊而子证之则曰吾党之直者异于是父为子隱
子为父隱直在其中矣后世緣此制为五服相容隱之条以綴骨肉之恩然则讳而不言弑也
何以传信于将来曰书薨以示臣子之情不地以存见弑之实何为无以传信也凡君终必书
其所独至于见弑则没而无所其情厚矣其事亦白矣非圣人能修之乎后世记言之士欲讳
国恶则必失其实直书无隱又非臣子所当施之于君父也而春秋之法不传矣】九月夫人
姜氏孙于邾【夫人称孙闻乎故也不去姓氏降文姜也庄公忘亲释怨无志于复讐春秋深
加贬絕一书再书又再书屡书而不讳者以谓三纲人道所由立也忘父子之恩絕君臣之义
国人习而不察将以是为常事则亦不知有君之尊有父之亲矣庄公行之而不疑大臣顺之
而不谏百姓安之而无愤疾之心也则人欲必肆天理必灭故叔牙之弑械成于前庆父之无
君动于后圉人荅卜齮之刃交发于党氏武闾之间哀姜以国君母与闻乎故而不忌也当是
时鲁君再弑几至亡国其应不亦防乎春秋以复讐为重而书法如此所谓治之于未乱保之
于未危不可不察也】公子庆父出奔莒【公子出奔讥失贼也闵公立而季子归何以见弑
庆父主兵日久其权未可遽夺也季子执政日浅其谋未得尽行也设以圣人处之期月而已
可矣季子贤人而当此能必克乎及闵公再弑庆父罪恶贯盈而疾之者愈众季子忠诚显著
而附之者益多外固强齐之援内协国人之情正邪消长之势判矣然后夫人不敢安其位庆
父不得肆其奸此明为国者不知图难于其易为大于其细虽有智者亦不能善其后矣世儒
或言用鲁之众因齐之力以戮庆父其势甚易而季子不能故书夫人孙邾庆父奔莒所以深
恶其缓不讨贼则非也以絳侯勃之果陈平之无误将相交欢而内有朱虚外连齐楚以制诸
吕庸人宜易于反手然太尉已入北军士皆左袒犹恐不胜未敢讼言诛之也况于庆父巨奸
三十年执兵柄其植根深矣其耳目广矣其用物 矣而以为戮之其势甚易此未察乎难易
迟速之几者也经书庄公忘亲无复讐之志使百官则而象之亦不知有君父也而又使庆父
主兵失驭臣之道是以此极故书孙邾奔莒为后世之永鉴也】冬齐高子来盟【高子齐
大夫也子者男子之美称其称子贤之也何贤乎高子庄公薨子般卒闵公弑庆父夫人乱乎
内鲁于是旷年无君齐桓公使将南阳之甲至鲁而谋其国其命高子必曰鲁可取则兼其国
以广地鲁可存则平其乱以善邻非有安危继絕一定不可易之计也高子至则平鲁难定僖
公鲁人赖焉以为美谈至于久而不絕曰犹望高子也圣人美其明人臣之义得奉使之宜特
称高子以着其善其不曰齐侯使之者权在高子也】十有二月狄入卫【卫康叔之后盖北
州大国狄何以能入乎臣昔尝谓河南刘奔曰史氏记繁而志寡如班固书载诸王淫乱等事
尽削之可也奔曰必若此言仲尼删诗如墙有茨萑之奔奔桑中诸篇何以錄于国风而不削
乎臣不能答后以问延平杨时时曰此载卫为狄所灭之因也故在定之方中之前因以是说
攷于歷代凡淫乱者未有不至于杀身败家而亡其国者也然后知古诗垂戒之大而近世有
献议乞于经筵不以国风进读者殊失圣经之防矣】郑弃其师【按郑诗清人刺文公也高
克好利而不顾其君文公恶之而不能遠使克将兵御狄于境陈其师旅翱翔河上久而不召
众散而归高克奔陈公子素恶高克进之不以礼文公退之不以道危国亡师之本故作是诗

观此则郑弃其师可知矣或曰高克进不以礼曷不书其出奔以贬克为人臣之戒而独咎郑伯何也曰人君擅一国之名宠杀生予夺惟我所制尔使克不臣之罪已着按而诛之可也情状未明黜而逐之可也爱惜其才以礼驭之可也乌有假以兵权委诸境上坐视其失伍离散而莫之恤乎然则弃师者郑伯乃以国称何也二三执政股肱心膂休戚之所同也不能进谋于君协志同力黜逐小人而国事至此是谓危而不持颠而不扶则将焉用彼相矣晋出帝时景延广专权诸藩擅命及桑维翰为相出延广于外一制书所勅者十有五镇无敢不从者以五季之末维翰能之而郑国二三执政畏一高克不能退之以道何政之为书曰郑弃其师君臣同责也】

皇王大纪卷四十

宋 胡宏 撰

三王纪

惠王

十八年狄既灭卫遂伐邢诸侯救之次于聂北邢人溃围与诸侯合兵逐狄人迁于夷仪诸侯城之男女不淫牛马选具邢人如归齐侯以鲁庄夫人之与闻乎弑也召之于邾邾人以师送之因戍虚丘欲以侵鲁齐侯杀姜氏于夷以其尸归楚王伐郑齐侯会宋公鲁侯曹伯郑伯邾人于柎以谋楚鲁侯请庄夫人之丧于齐齐侯许之邾人乃归虚丘之戍鲁侯要而败之莒人以庆父死求赂于鲁曰吾得子之贼矣鲁人弗与遂伐鲁季友帅师败诸郚获莒子之弟挈鲁侯赐季友费及汶阳田为季孙氏齐归鲁庄夫人之丧经曰元年春王正月【闵公薨夫人孙于邾庆父出奔莒公于是焉以成风所属而季子立之内无所承也嗣子定位于初丧而鲁使不告于周明年正改元而周使亦不至于鲁又明年服丧已毕而不见于京师上不请命也不书即位正王法也是故有四海而即天王之位者受之天者也有一国而即诸侯之位者受之于王者也受之于天者必奉若天道而后能保天下受之于王者必谨守王度而后能保其国】齐师宋师曹师次于聂北救邢【三国称师见兵力之有余也聂北书次讥救邢之不速也春秋大义伐而书次其次为善遂伐楚次于陉美之也救而书次其次为贬救邢次于聂北讥之也圣人之情见矣故救患分灾于礼为急而好攻战乐杀人者于罪为大】夏六月邢迁于夷仪齐师宋师曹师城邢【书邢迁于夷仪见齐师次止缓不及事也然邢以自迁为文而再书齐师宋师曹师城邢者美桓公志义卒有救患之功也不以王命兴师亦圣人之所与乎中国衰防夷狄猾夏天子不能正至于迁徙奔亡诸侯有能救而存之则救而存之可也以王命兴师者正能救而与之者权】秋七月戊辰夫人姜氏薨于夷齐人以归【夫人薨不地其曰薨于夷故也桓公召而杀之也其曰齐人以归者以其丧归于鲁也齐为盟主义得举法是伯者之所以行乎诸侯也既诛其人又归其丧何居鲁欲拒而勿受乎则子无雠母之义受而葬之乎已绝者复得享小君之礼典刑紊矣故特以书归而不曰归夫人之丧以者不以者也】楚人伐郑【楚称人浸强也庄公十年败蔡师虢献舞固已强矣然独举其号者始见于经则本其僭窃之罪正其夷狄之名著王法也二十三年来聘嘉其慕义乃以人书二十八年伐郑恶其猾夏复以号举至是又伐郑也亦书人者岂许其伐国而人之乎防中华执盟主朝诸侯长齐晋其所由来者渐矣】八月公会齐侯宋公郑伯曹伯邾人于柎九月公败邾师于偃【柎之防谋救郑而公与邾人咸与焉则是志同而谋协也今既防邾人于柎又败邾师于偃于此责公无攘夷狄安中国之诚矣凡此类皆直书其事而义自见也诈战曰败败之者为主】冬十月壬午公子友帅师败莒师于郚获莒挈【莒人求赂于鲁鲁人弗与为是兴师而来伐然则罪在莒也而以季友主此战何也抑锋止锐喻以词命使之不缩而引去则善矣今至于兵刃既接又用诈谋擒其主将此强国之事非王者之师春秋之志故以季友为主而书败获责之备也】十有二月丁巳夫人氏之丧至自齐【夫人预弑二君几于亡国大义已绝不可复入宗庙矣书孙于邾薨于夷者绝哀姜也书齐人以归夫人氏之丧至自齐者讥桓公也不

称姓者杀于齐不去氏者受于鲁】

十九年冬十一月齐侯帅诸侯城楚丘而封卫焉归公乘马祭服五称牛羊豕鸡狗皆三百与门材归夫人鱼轩重锦三十两卫侯衣大布之衣大帛之冠务材训农通商惠工敬教劝学受方任能元年有革车三十乘及其季年乃三百乘鄘国风六篇曰定之方中三章章七句美卫文公也卫为狄所灭东徙渡河野处漕邑齐桓公攘夷狄而封之文公徙居楚丘始建城市而营宫室得其时制百姓说之国家殷富焉定之方中作于楚宫【定营室也方中昏正四方楚宫楚丘之宫也仲梁子曰初立楚宫也】揆之以日作于楚室【揆度也度日出日入以知东西南北视定北準极以正南北室犹宫也】树之榛栗椅桐梓漆爰伐琴瑟【椅梓属】升彼虚矣以望楚矣望楚与堂景山与京【虚漕虚也楚丘有堂邑者景山大山京高丘也】降观于桑【地势宜蚕可以居民】卜云其吉终焉允臧【曰卜允信臧善也建国必卜之故建邦能命田能施命作器能铭使能造命登高能赋师旅能誓山川能说丧纪能诔祭祀能语君子能此九者可谓有德音可以为大夫】灵雨既零命彼倌人星言夙驾说于桑田【零落也倌人主驾者】匪直也人【非徒庸君】秉心塞渊【秉操也】騋牝三千【马七尺曰騋騊马与牝马也】卫国风终十篇曰木三章章四句美齐桓公也衛国有狄人之败出处于漕齐桓公救而封之遗之车马器服焉衛人思之欲厚报之而作是诗也投我以木报之以琼琚【木榦木也可食之木琼玉之美者琚佩玉名】匪报也永以为好也投我以木桃报之以琼瑶【琼瑶美玉】匪报也永以为好也投我以木李报之以琼玖【琼玖玉名】匪报也永以为好也【孔子曰吾于木见苞苴之礼行】鄘国风七篇蝮蝥三章章四句止奔也卫文公能以道义化其民淫奔之耻国人不齿也蝮蝥在东莫之敢指【蝮蝥虹也夫妇过礼则虹气盛君子见戒而惧讳之莫之敢指】女子有行远父母兄弟朝隤于西崇朝其雨【隤开崇终也从旦至食时为终朝】女子有行远兄弟父母乃如之人也怀婚姻也【乃如是淫奔之人也】大无信也不知命也【不待命也】鄘国风八篇曰相防三章章四句刺无礼也卫文公能正其羣臣而刺在位承先君之化无礼仪也相鼠有皮人而无仪【相视也无礼仪者虽居尊位犹为闇昧之行】人而无仪不死何为相防有齿人而无止【止所止息】人而无止不死何俟【俟待也】相防有体【体支体也】人而无礼人而无礼胡不遄死【遄速也】鄘国风九篇曰干旄三章章六句美好善也卫文公臣子多好善贤者乐告以善道也子子干旄在浚之郊【子子干旄之貌注旄于干首大夫之旄也浚卫邑古者臣有大功世其官邑郊外曰野】素丝纆之良马四之【纆所以织组也总纆于此成文于彼愿以素丝纆组之法御四马也】彼姝者子何以畀之【姝顺貌畀予也】子子干旃在浚之都【鸟隼曰旃下邑曰都】素丝组之良马五之【总以素丝而成组也驂马五轡】彼姝者子何以予之子子干旃在浚之城【析羽为旌城都城也】素丝祝之良马六之【祝织也四马六轡】彼姝者子何以告之三月辛巳鲁莒庄夫人哀姜虢侵晋南鄙晋荀息请以垂棘之璧与屈产之乘假道于虞以伐虢虞公请先宫之奇諫不听里克荀息帅师会之伐虢取下阳江黄楚与国也始服于齐秋七月齐侯宋公与盟于贯虢公败戎于桑田晋卜偃曰虢必亡矣亡下阳不惧而又有功是天夺之鉴而益其疾也必易晋而不抚其民矣不可以五稔八月鲁不雨楚人伐郑鬬章囚郑聃伯齐寺人貂始漏师于多鱼管仲言于齐侯曰明君之所重者政与军也失主之所重者马与玉也故轻与人政而重与人马轻与人军而重与人玉君其戒之夏殷之世刑残之人放诸磻确不毛之地使与禽兽为伍周衰始命墨者守门劓者守闕宫者守内刖者守圉髡者

守积

论曰五帝三王之盛一行一止必于其时必于其义是故昼居于外所任使者则公卿贤士大夫也夜居于内所叙御者则后夫人淑嫔妇也曷尝有刑余之人在日月之侧乎虽夏商季世桀纣之乱尚无是也及幽王宠褒姒灭西周始有妇寺之名自是以来帝王大本日以消亡为人君者以行道布德之公位为快情遂欲之私居故听政有数而公卿进接者希宴游无度而妃嫔御幸者无节外不分于昼内不分于夜矣然天下万事来者不可不应也公卿既不可使至于内妃姬又不可使至于外于是始有用刑余之人将命于其间者矣齐小白用自刑之竖貂死不获殡秦胡亥信天刑之赵高为其所杀后人君闻是宜披根拔本追复夏商之制划革周衰之弊矣而汉唐犹有用之以亡国者岂非在于不仁之君哉噫病在不仁之君不可与言也使其可与言则何亡国之有

经曰二年春王正月城楚丘【楚丘卫邑桓公帅诸侯城之而封卫也略而不书城邢词繁而不杀何也封国天子大权非诸侯所得而行之者也衞尝亡灭城楚丘是擅天子之大权而封国也邢迁于夷仪经以自迁为文则其迁出于己意其国未尝灭也诸侯城邢是谓同恶相恤以从简书故词繁而不杀美救患也桓公封卫而衞国忘亡其有功于中华甚大为利于卫人甚溥宜有美词发扬其事今乃防之若此者正其义不谋其利明其道不计其功略小惠存大节春秋之法也故曰五霸三王之罪人仲尼之徒无道桓文之事者】夏五月辛巳葬我小君哀姜虞师晋师灭下阳【伐虢晋人造意以虞首恶何也贪得重赂遂其强暴灭兄弟之国以及其身而亡其社稷所以为首乎春秋圣人律令也观此义可以见法矣唐高宗赐其臣长孙无忌金寶纁锦欲以立武昭仪虽无忌终不顺防君子犹讥其没于利而不反君赐也矧受他人之赂遂其强暴者乎国而曰灭下阳邑尔其书灭何也下阳虞虢之塞邑犹秦有潼關蜀有劔岭皆国之门户也潼劔不守则秦蜀破下阳既举而虞虢亡矣春秋此义以天下为家以城郭沟池为固以山川丘陵为险设之以守国而待暴客者也其衰世之意耶】秋九月齐侯宋公江人黄人盟于贯【荆楚天下莫强焉江黄者其东方之与国也二国来定盟则楚人失其右臂矣乐毅破齐先结韩赵孔明伐魏申好江东虽武王牧野之师亦誓友邦遠及庸蜀彭濮八国之人共为犄角之势也桓公此盟其服荆楚之虑周矣其攘夷狄免民于左衽之义着矣盟虽春秋所恶然诸侯皆在独言遠国者许是盟也】冬十月不雨楚人侵郑

二十年甲子冬十一月鲁不雨至四月乃雨徐人取舒齐侯会宋人江人黄人于阳谷以谋伐楚齐侯使鲁来防盟公子友如齐泄盟楚人伐郑郑伯欲成孔叔不可曰齐方勤我弃德不祥经曰三年春王正月不雨夏四月不雨【谷梁子曰不雨者勤雨也每时而一书闵雨也闵雨有志乎民者也歷时而总书不忧雨也不忧雨无志乎民者也按诗称僖公儉以足用寬以爱民务农重谷则诚贤君也其有志乎民审矣故冬不雨而书春不雨而书夏不雨而书以着其勤也文公以练祭则缓于作主以宗庙则太室屋坏以赋政则四不视朔以邦交则三不防盟其无志乎民亦审矣故自十有二月不雨至于秋七月而书自正月不雨至于秋七月而书以着其慢也】徐人取舒六月雨【雨云者喜雨也闵雨与民同其忧喜雨与民同其乐此君子民之道也观此义则知春秋有惧天灾恤民隱之意遇天灾而不惧视民隱而不恤自乐其乐而不与民同也国之亡无日矣】秋齐侯宋公江人黄人防于阳谷【按左氏谋伐楚也或

曰侵蔡自陞之师诸侯皆在江黄独不与焉则安知其谋伐为楚乎曰兵有聚而为正亦有分而为奇诸侯之师同次于陞所谓聚而为正也江人黄人各守其地所谓分而为奇也次陞大众厚集其阵声罪致讨以震中国之威江人黄人各守其境按兵不动以为八国之援此克敌制胜之谋也退于召陵而盟礼定循海以归而涛涂执然后及江人黄人伐陈则知侵蔡次陞而二国不防自为犄角之势明矣此大防而木言者善是谋也】冬公子友如齐泄盟楚人伐郑

二十一年冬十一月齐侯宋公鲁侯陈侯卫侯郑伯许男曹伯侵蔡蔡溃遂伐楚楚王使与师言曰君处北海寡人处南海唯是风马牛不相及也不虞君之涉吾地也何故管仲对曰昔召康公命我先君太公曰五侯九伯女实征之以夹辅周室尔贡苞茅纁组不入王祭不共无以缩酒寡人是征昭王南征而不复寡人是问对曰贡之不入寡君之罪也敢不共给昭王之不复君其问诸水濱师进次于陞许男新臣薨楚王使屈完如师师退次于召陵齐侯陈诸侯之师与屈完乘而观之曰岂不谷是为先君之好是继与不谷同好如何对曰君惠徼福于敝邑寡君之愿也齐侯曰以此众战谁能御之以此攻城何城不克对曰君若以德绥诸侯谁敢不服君若以力楚国方城以为城汉水以为池虽众无所用之屈完及诸侯盟于召陵陈轅涛涂谓郑申侯曰师出于陈郑之间国必甚病若出于东方观兵于东夷循海而归其可也申侯曰善涛涂以告齐侯许之申侯见曰师老矣若出于东方而遇敌惧不可用也若出于陈郑之间共其资粮屏屣其可也齐侯说与之虎牢执涛涂及江人黄人伐陈六月诸侯还许葬其君穆公葬之以侯礼也凡诸侯薨于朝会加一等死王事加二等于是有以袞敛冬十月鲁叔孙戴伯帅师防齐宋卫郑许曹之师侵陈陈成归轅涛涂晋骊姬言于公曰世子矜狄之战其志益广狐突不顺故不出难将至矣公曰吾不忘也抑未有以致罪焉骊姬告优施曰君既许我矣而难里克奈何施曰子为我具从之饮酒中施起舞歌曰暇豫之吾吾曾不如鸟乌人皆集于苑已独集于枯施出克辟奠不餐而寝夜半召施而问之施曰君许姬杀太子立奚齐谋既成矣克曰秉君以杀太子吾不忍通复故交吾不敢中立其免乎施曰免旦见丕郑而告之郑曰惜也不如不信以防之固太子以携之多为之故以变其志乃可间也克曰不可及矣子将何如郑曰事君者君为我心制不在我克曰挠志以从君利方以成人吾不能将伏也明日称疾不朝三旬而难作经曰四年春王正月公防齐侯宋公陈侯卫侯郑伯许男曹伯侵蔡蔡溃遂伐楚次于陞【潜师掠境曰侵侵蔡者奇也声罪致讨曰伐伐楚者正也遂者继事之词而有专意次止也楚贡苞茅不入王祭不供无以缩酒桓公是徵而楚人服罪师则有名矣孟氏何以独言春秋无义战也楚虽暴横憑陵上国齐不请命擅合诸侯岂所谓为天吏以伐之乎春秋以义正名而乐与人为善以义正名则君臣之分严矣书遂伐楚讥其专也乐与人为善苟志于善斯善之矣书次于陞楚屈完来盟于师盟于召陵序其绩也】夏许男新臣卒【刘敞曰诸侯卒于外者在师则称师在防则称防今许男一无称者此去师与防而复归其国之验也召陵地在颍川是以许男复焉古者国君即位而为俾歲一漆之出疆必载俾卒于师曰师卒于防曰防正也许男新臣卒非正也其为人君不知命者也不知命则必畏死畏死则必贪生贪生则必乱于礼矣而后有容身苟免之耻而后有淫祀非望之惑此说是也夫知死生之说通昼夜之道者亦岂有以异于人哉苟得正而毙焉则无求矣】楚屈完来盟于师盟于召陵【楚大夫未有以名氏通者其曰屈完进之也其不称使权在完也来盟于师嘉服义也盟于召陵序桓绩也桓公帅九国之师侵蔡而蔡溃伐楚而楚人震恐兵力强矣责苞茅之不贡

则诺问昭王之不复则辞微与同好则承以寡君之愿语其战胜攻克则对以用力之难然而桓公退师召陵以礼楚使卒与之盟而不遂也于此见齐师虽强桓公能以律用之而不楚人已服桓公能以礼下之而不骄庶几乎王者之事矣故春秋之盟于斯为盛而子称之曰齐桓之时緼而春秋美召陵是也】齐人执陈轅涛涂秋及江人黄人伐陈八月公至自伐楚葬许穆公十有二月公孙兹帅师会齐人宋人卫人郑人许人曹人侵陈【桓公识明而量浅管仲器不足而才有余方楚人未帖而齐以为忧也致勤于郑振中夏之威防于阳谷敦远国之信按兵于陜修文告之词退舍召陵结防盟之礼何其念之深礼之谨也存此心以进善则桓有王德而管氏为王佐矣尧舜性之也汤武身之也五伯假之也久假而不归乌知其非有惜乎桓公假之不以而遽归也楚方受盟志已骄溢陈大夫一谋不协其身见执其国见伐见侵而怒犹未怠也桓德于是乎衰矣爱人不亲反其仁治人不治反其智礼人不答反其敬行有不得者皆反求诸己其身正而天下归之曾可厚以责人不自反乎原其失在于量浅而器不宏也魏武才得荆州而张松见忽唐庄宗自矜取汴而高氏不朝成汤胜夏桀有万方乃曰兹朕未知获戾于上下栗栗危惧若将陨于深渊其尔万方有罪在予一人予一人有罪无以尔万方人之度量相越岂不遠哉春秋称人以执罪齐侯也称侵陈者深责之也故孟子曰仲尼之徒无道桓文之事者管仲曾西之所不为也而子为我愿之乎】

二十二年驪姬谓世子曰君梦齐姜必速祭之世子祭于曲沃归胙于公姬毒而献之祭地地坟与犬犬毙姬泣曰贼由世子公杀其傅杜原款将死使谓世子曰守情说父孝也杀身成志仁也死不忘君敬也孺子勉之世子奔新城重耳曰子盍言子之志于公乎世子曰不可君安驪姬是我伤公之心也然则盍行乎世子曰不可君谓我欲弑君也天下岂有无父之国哉吾何行如之使人辞于狐突曰申生有罪不念伯氏之言也以至于此申生不敢爱其死虽然吾君老矣子少国家多难伯氏不出而图吾君伯氏苟出而图吾君申生受赐而死再拜稽首乃卒諡曰恭世子姬遂谮二公子曰皆知之晋侯使寺人披伐蒲重耳曰君父之命不校乃徇曰校者吾讐也逾垣而走披斩其祛狐偃狐毛赵衰颠颉魏犇胥臣贾佗从及栢谷卜适齐楚狐偃曰母卜齐楚道遠而望大不可以困往狄近晋不通多怨走之易達可以窜恶可与共忧遂奔翟伯姬以其子朝于鲁鲁叔孙戴伯如牟娶焉王以后爱子带故将废太子郑管仲言于齐侯曰王将以嬖宠之私废嫡立庶王室既以此卑矣今又行之乱亡必至君将何以伯诸侯匡天下乎齐侯曰何若而可对曰君若大防诸侯告于王而请与世子会王以天下之归心世子也必无害矣齐侯曰善于是帅宋公鲁侯陈侯衛侯郑伯许男曹伯会世子于首止谋寧周也诸侯盟焉王畏齐侯之逼已也使召郑伯曰吾抚汝以从楚辅之以晋可以少安郑伯喜于王命而惧其不朝于齐也将逃盟孔叔曰国君不可以轻轻则失亲失亲患必至病而乞盟所丧多矣不听遂逃归是时江黄道栢方睦于齐皆姻也子恃之而不事楚又不设备楚鬬谷于菟灭子奔黄秋七月戊申朔日有食之晋侯复假道于虞以伐虢宫之奇諫曰虢虞之表也虢亡虞必从之谚所谓辅车相依唇亡齿寒者也弗听宫之奇以其族行曰虞不腊矣晋侯灭虢师还馆于虞遂袭虞灭之于是晋地益大西有河西与秦接境北边狄南至于河宛人百里奚游诸侯无所遇晚仕于虞以虞君昏乱去之秦年七十矣秦伯闻其贤拜为上卿奚因荐其友蹇叔秦伯厚币聘于宋以为上大夫经曰五年春晋侯杀其世子申生【公羊子曰杀世子母弟直称君者甚之也申生进不能自明退不能违难爱父以姑息而陷之不义谗人得志几至亡国先儒以为大仁之贼而目晋侯斥杀专罪献公何也春秋端本清源之书也内

宠竝后嬖子配嫡乱之本也骊姬宠奚齐卓子嬖乱本成矣尸此者其谁乎是故曰晋侯斥杀专罪献公使后世有欲篡妃妾之名乱嫡庶之位纵人欲灭天理以败其国家者知所戒焉以此防民犹有以尧母名门使奸臣逆探其意有危皇后太子之心以成巫蛊之祸者矣】伯姬来朝其子夏公孙兹如牟公及齐侯宋公陈侯衛侯郑伯许男曹伯防王世子于首止【及以防尊之也以王世子而下防诸侯则陵以诸侯而上与王世子防则抗春秋抑强臣扶弱主拨乱世反之正特书及以防者若曰王世子在是诸侯咸往防焉示不可得而抗也后世论其班位有次于三公宰臣之下亦有序乎其下者则将奚正自天王而言欲屈遠其子使次乎其下示谦德也自臣下而言欲尊敬王世子则序乎其下正分义也天尊地卑而其分定典叙礼秩而其义明使羣臣得伸其敬则贵有常尊上下辨矣经书宰周公祇与王人同序于诸侯之上而不得与殊防同书此圣人尊君抑臣之防也而班位定矣】秋八月诸侯盟于首止【无中事复举诸侯会盟同地再言首止书之重词之复其中必有大美恶焉首止之盟美之大者也王将以爱易世子桓公有忧之控大国扶小国会于首止以定其位太子践祚是为襄王一举而父子君臣之道皆得焉故夫子称之曰管仲相桓公一匡天下民到于今受其赐防管仲吾其被髮左衽矣中国之为中国以有父子君臣之大伦也一失则为夷狄矣故曰首止之盟美之大者也】郑伯逃归不盟【事有恶者不与为幸其善者不与为贬平丘之盟恶也请鲁无勤是以为幸故直书曰公不与盟首止之盟善也犯众不盟是以为贬故特书曰郑伯逃归逃者匹夫之事以诸侯之尊下行匹夫之事虽悔于终病而乞盟如所丧何其书逃归不盟深贬之也或曰首止之防非王志也王恶齐侯定世子而使周公召郑伯曰吾抚汝以从楚可以少安郑伯善于王命而畏齐故逃归不盟然则何罪乎曰春秋道名分尊天王而以大义为主夫义者权名分之中而当其可之谓也诸侯防王世子虽衰世之事而春秋与之者是变之中也郑伯虽承王命而制命非义春秋逃之者亦变之中也天下之大伦有常有变舜之于父子汤武之于君臣周公之于兄弟皆处其变者也贤者守其常圣人尽其变防首止逃郑伯处父子君臣之变而不失其中也噫此春秋之所以为春秋而非圣人莫能修之者也】楚人灭

子奔黄九月戊申朔日有食之冬晋人执虞公【公羊子曰虞已灭矣其言执何不与灭也灭者亡国之善词上下之同力也若夫虞公地之緡于晋久矣晋命行乎虞民信矣其曰晋人执之者犹众执独大耳贵为天子富有四海而身为独夫商纣是也贵为诸侯富有一国而身为独夫虞公是也其曰公者非存其爵犹下执之之词也不言以归验其为匹夫之实也书灭下阳于始而记执虞公于后可以见弃义趋利渎货无厌之能亡国败家审矣】

二十三年初晋侯使士蒍筑蒲与屈不慎寘薪焉夷吾诉之公以让蒍对曰臣闻无丧而感忧必讎焉无戎而城讎必保焉防讎之保又何慎焉守官废命不敬固讎之保不忠失忠与敬何以事君诗云懷德惟寧宗子惟城君其修德而固宗子何城如之于是晋侯使贾华伐屈夷吾不能守盟而行尽逐羣公子始为令国无公族焉夷吾将奔狄郤芮曰偕出偕入难聚居异情恶不如之梁梁近秦而幸焉子往骊姬惧必援于秦且必告悔是吾免也乃之梁居二年骊姬使奄楚以环释言齐侯防鲁侯宋公陈侯衛侯曹伯伐郑围新城秋楚围许诸侯遂救许楚师还诸侯罢兵归楚王军于武城将复伐许许男惧因蔡侯请服于楚面缚衔璧大夫衰经士輿櫟释其缚受其璧而祓之焚其櫟礼而命之使复其所狄侵晋晋里克败之于采桑梁由靡曰狄无耻从之必大克里克曰惧之而已无速众狄虢射曰狄必复至示之弱矣经曰六年春王正月夏公会齐侯宋公陈侯衛侯曹伯伐郑围新城楚人围许诸侯遂救许冬公至自伐郑【

齐自召陵之后兵服四夷威动诸夏今合六国之师围新造之邑宜若振槁然围而不举有遗力者矣及楚人攻许即解新城之围移师救许是又得讨罪分灾救急之义也故特书曰楚人围许诸侯遂救许凡书者未有不善之也其曰遂救许善之尤者也善之尤则何以致从也】

二十四年齐人伐郑管仲言于齐侯曰臣闻之招携以礼来远以德德礼不易无人不怀齐师还小邾子朝于鲁孔叔言于郑伯曰谚有之曰心则不竞何惮于病既不能强又不能弱所以毙也请下齐以救国公曰吾知其所由来矣杀申侯以说于齐初申侯有宠于楚文王王曰女专利而不厌予取予求不女疵瑕也我死必速行无适小国将不女容既葬出奔郑又有宠于厉公鬬谷于菟闻其死也曰古人有言曰知臣莫若君弗可改也已夏五月齐侯防宋公鲁侯陈世子款郑世子华盟于甯母郑伯使世子华听命华言于齐侯泄氏孔氏子人氏三族实违君命君若去之以为成我以郑为内臣齐侯将许之管仲曰君以礼与信属诸侯而以奸终之可乎公曰讨之未捷苟有衅从之不亦可乎对曰君若绥之以德加之以训辞谁敢不服若总其罪人以临之郑有词矣何惧夫子华既为世子而求介于大国以弱其国亦必不免郑有叔詹堵叔师叔三良为政未可间也齐侯辞焉乃盟而归子华由是得罪于国曹伯薨子襄嗣鲁季友如齐曹 其君昭公王寝疾太子郑惧叔带作难使告齐经曰七年春齐人伐郑夏小邾子来朝郑杀其大夫申侯【称国以杀者罪累上也不知自反内忌听谗而擅杀其大夫信失刑也如申侯者其见杀何也专利而不献则足以杀其身而已矣】秋七月公防齐侯宋公陈世子款郑世子华盟于甯母曹伯班卒公子友如齐冬 曹昭公

二十五年冬十一月齐侯帅宋公鲁侯卫侯许男曹伯陈世子款防王人盟于洮郑伯乞盟狄伐晋报采桑之役夏五月鲁禘于太庙立成风为夫人冬十月丁未王崩諡曰惠王太子郑立宋公寝疾世子兹父固请曰日夷长且仁君其立之公命子鱼辞曰能以国让仁孰大焉臣不及也立庶不顺经曰八年春王正月公防王人齐侯宋公卫侯许男曹伯陈世子款盟于洮郑伯乞盟【王人下士也内臣之微者莫防于下士外臣之贵者莫贵于方伯公侯今以下士之防序乎方伯公侯之上外轻内重不亦偏乎春秋之法内臣以私事出朝者直书曰来以私好出聘者不称其使以私情出聘者止录其名不以其贵故尊之也以王命行者虽下士之防序乎方伯公侯之上不以其贱故轻之也然则班列之高下不在乎内外特系乎王命耳圣人之情见矣尊君之义明矣乞者卑逊自屈之词欲与是盟而未知其得与否也始而逃归今则乞盟于以见举动人君之大节不可不慎也】夏狄伐晋秋七月禘于太庙用致夫人【按礼大禘升歌清庙下而管象朱干玉戚以舞大武八佾以舞大夏此天子之礼乐也践其位则行其礼奏其乐故雝禘大祖周颂也而其诗曰相维辟公天子穆穆周公人臣不践其位鲁侯国而用天子之礼乱名犯分莫大乎是故夫子志之曰郊社之礼所以事上帝也宗庙之礼所以祀乎其先也鲁侯国而以王礼祀太庙是诬伪不诚而非所以事乎其先矣故夫子伤之曰禘自既灌而往之者吾不欲观之矣夫灌以降神乃祭之始而已不欲观是自始至终皆非礼矣用者不宜用也致者不宜致也夫人者风氏也初成风闻季友之繇遂事之而属僖公焉故季子立之公赐季子汶阳之田及费又生而命之氏俾世其卿而私门强矣于成风则举大事于始祖之庙立以为夫人而嫡妾乱矣以私劳宠其臣而卑公室以私恩崇其母而轻宗庙皆越礼之罪也经旧夫人而不书姓氏其贬深矣】冬十有二月丁未天王崩

皇王大纪卷四十一

宋 胡宏 撰

三王纪

襄王

元年春正月丁丑宋公薨諡曰桓公兹父嗣卫国风七篇曰河广二章章四句宋襄公母归于衛思而不止故作是诗也谁谓河广一苇杭之【杭渡也】谁谓宋远跂予望之谁谓河广曾不容刀谁谓宋遠曾不崇朝邶国风十四篇曰泉水四章章六句卫女思归也嫁于诸侯父母终思归寧而不得故作是诗以自见也嗟彼泉水亦流于淇【兴也泉水始出嗟然流于淇淇水名也】有怀于卫靡日不思变彼诸姬聊与之谋【变好诸姬同姓之女聊愿也】出宿于洧饮饯于祢【洧地名祖而舍輶饮酒于其侧曰饯重始有事于道也祢地名】女子有行远父母兄弟问我诸姑遂及伯姊【父之姊妹称姑先生曰姊】出宿于干饮饯于言【干言所适国郊也】载脂载輶还车言迈【脂輶其车以还我行也】遄臻于衛不瑕有害【遄疾臻至瑕远也】我思肥泉兹之永叹【所出同所归异为肥泉】思须与漕我心悠悠【须漕衛邑也】驾言出游以写我忧【写除也】衛国风五篇曰竹竿四章章四句衛女思归也适异国而不见答思而能礼者也籊籊竹竿以钓于淇【兴也籊籊长而杀也钓以得鱼如妇人之待礼以成为室家】岂不尔思遠莫致之泉源在左淇水在右【泉源小水之源淇水大水也】女子有行遠兄弟父母淇水在右泉源在左巧笑之瑳佩玉之傕【瑳巧笑貌傕行有节度】淇水悠悠桼楫松舟【悠悠流貌桼栢叶松身楫所以櫂舟也舟楫相配得水而行男女相配得礼而备】驾言出游以写我忧【出游思乡衛之道】王使宰周公防齐侯宋子衛侯郑伯许男曹伯于葵丘夏五月乙酉鲁伯姬卒秋七月戊辰齐侯盟诸侯于葵丘初命曰诛不孝无易树子无以妾为妻再命曰尊贤育材以彰有德三命曰敬老慈幼无防賓旅四命曰士无世官官事无摄取士必得无专杀大夫五命曰无曲防无遏籴无有封而不告曰凡我同盟之人既盟之后言归于好诸侯咸喻乎齐侯之志甲不解累兵不解翳弢无弓服无矢束牲载书而不防血王使宰周公孔赐齐侯胙曰天子有事于文武使孔赐伯舅胙齐侯将下拜孔曰且有后命天子使孔曰以伯舅耄老加劳赐一级无下拜齐侯顾管仲管仲进曰臣不进礼乱之本也齐侯对曰天威不违顔咫尺小白敢贪天子之命无下拜恐陨越于下以遗天子羞敢不下拜下拜登受于是宋桓公未葬而襄公防诸侯故曰子凡在丧王曰小童公侯曰子甲子晋侯薨諡曰献公奚齐嗣秦伯使人吊公子重耳且曰寡人闻之亡国恒于斯得国恒于斯虽吾子俨然在忧服之中丧亦不可久也时亦不可失也孺子其圖之以告舅犯舅犯曰孺子其辞焉丧人无寶仁亲以为寶父死之谓何又因以为利天下其孰能说之孺子其辞焉公子重耳对客曰君惠吊亡臣重耳身丧父死不得与于哭泣之哀以为君忧父死之谓何或敢有他志以辱君命稽顙而不拜哭而起起而不私子显以致命于秦伯秦伯曰仁夫公子重耳稽顙而不拜则未为后也故不成拜哭而起则爱父也起而不私则遠利也初献公使荀息傅奚齐公疾召之曰以是藐诸孤辱在大夫其若之何对曰臣竭其股肱之力加之以忠贞其济君之灵也不济则以死继之里克丕郑将杀奚齐告荀息曰三怨将作秦晋辅之子将何如曰将死之克

曰无益也息曰吾与先君言矣我欲无贰而能谓人已乎克杀奚齐于次息立公子卓以莖经曰九年春王三月丁丑宋公御说卒夏公防宰周公齐侯宋子衞侯郑伯许男曹伯于葵丘【其曰宰周公者以冢宰兼三公也古者三公无其人则以六卿之有道者上兼师保之任冢宰或阙亦以三公下行端揆之职夫以冢宰兼三公其职任重矣而不殊防之何也人臣则有进退之节出入均劳之义非王世子贵有常尊之可比矣】秋七月乙酉伯姬卒九月戊辰诸侯盟于葵丘【防盟同地再言葵丘何也书之重辞之复其中必有大美恶焉葵丘之盟美之大者也观五禁初命之词则知桓公翼戴襄王之事信矣】甲子晋侯倭诸薨晋里克杀其君之子奚齐【谷梁子曰其君之子云者国又不子也不正其杀申生而立之也人君擅一国之名宰为其所于则当子矣国人何为不子也民至愚而神天理根于人心虽以私欲灭之而有不可灭也春秋书此以明献公之罪抑人欲之私示天理之公为后世戒其义大矣以此防民犹有欲易太子而立赵王如意致夫人之为人彘者】二年冬十一月鲁侯如齐温子叛王即狄又不能于狄狄人伐之王不救狄遂灭温温子奔衞里克杀卓子于朝荀息死之齐侯以诸侯之师伐晋及高粱而还里克使召重耳子犯曰以丧求国是乐丧也以乱求人是喜乱也喜怒哀乐易节何以导民公子曰非丧谁继非乱谁纳子犯曰哀在父母为大丧谗在兄弟为大乱大丧大乱之罚不可犯也乃辞使者郤芮使夷吾重赂秦以求入秦伯纳之谓公孙枝曰夷吾其定乎对曰臣闻之唯则定国今其言多忌克难哉齐侯许男伐北戎晋侯使谓里克曰微子则不及此虽然子弑二君与一大夫为子君者不亦难乎对曰不有废也君何以兴欲加之罪其无辞乎臣闻命矣伏剑而死晋侯悔之曰芮也使寡人过杀我社稷之镇鲁大雨雪经曰十年春王正月公如齐狄灭温温子奔衞晋里克弑其君卓【国人不君奚齐卓子而曰里克弑其君卓何也是里克君之也克者世子申生之傅也嬖姬将杀世子而难里克使优施饮之酒而告之以其故里克听其谋欲以中立自免称疾不朝居三旬而难作是谓持禄容身速献公杀适立庶之祸者故成其君臣之名以正其弑逆之罪克虽欲辞而不受其可得乎使克明于大臣之义据经廷诤以动其君执节不二固太子以携其党多为之故以变其志其济则国之福也其不济而死于其职亦无歉矣人臣所明者义于功不贵幸而成所立者节于死不贵幸而免克欲以中立祈免自为智矣而终亦不能免等死耳不死于世子而死于弑君其亦不知命之蔽哉语曰不知命无以为君子也为人臣而不知春秋之义者必陷于篡弑诛死之罪克之谓矣】及其大夫荀息【荀息者奚齐卓子之傅也君弑而死于难书及所以着其节书大夫不失其官也于荀息何取焉若息者可谓不食其言矣或曰息既殉君为昏不食其言庸取乎世衰道微人爱其情私相疑贰以成倾危之俗至于刑牲防血要质 神犹不能固其约也孰有可以托六尺之孤寄百里之命临死节而不可夺如息者哉自古皆有死民无信不立故圣人以信易食而君子以信易生息不食言其可少乎】夏齐侯许男伐北戎晋杀其大夫里克【里克杀二君与一大夫不以讨贼之词书者惠公杀之不以其罪也杀之不以其罪奈何里克所为弑者为重耳也夷吾曰是又将杀我也则谓克曰尔既杀乎二孺子矣又将图寡人为尔君者不亦病乎里克对曰不有废也君何以兴欲加之罪何患无词臣闻命矣伏剑而死若惠公既立而谓克曰先君命大夫为世子传世子死非其罪而大夫不知恤若奚齐者既有先君之命矣而大夫又杀之以及卓大夫虽杀之独不念先君之命乎则克必再拜而死不复有言矣惠公乃曰又将图寡人是杀之不以其罪也故称国以杀而不去其官】秋七月冬大雨雪

三年里克之死丕郑在秦言于秦伯曰吕甥郤称冀芮实为不从若重问以召之臣出晋君君纳重耳蔑不济矣秦伯使冷至从丕郑报问且召三子郤芮曰币重而言甘诱我也遂杀丕郑祈举及七舆大夫郑之子豹奔秦王使召武公及内史过赐晋侯夷吾命晋侯执玉卑拜不稽首吕甥郤芮相不敬过归告王曰晋不亡其君必无后吕甥将不免王曰何故对曰长众使民之道祓除其心以精之忠以立之礼以顺之信以行之晋侯以恶实心施其所恶不敬王命背赂虐处替其镇诬其王矣夫天事恒象任重享大者必速及大臣享其禄弗谏而阿之亦必及焉鲁侯及其夫人会齐侯于阳谷六月鲁大雩王子带潜与伊雒之戎伐成周秦晋伐戎以救周黄恃诸侯之睦于齐也曰自郢及我九百里焉能害我不归楚贡楚人伐黄齐侯燕管仲酒三行仲趋出公反之曰仲父年长寡人亦衰愿一朝安仲父也仲对曰臣闻沈于乐者反于忧厚于味者薄于德壮而怠则失时老而懈则无名顺天之道必以善终公曰善于是齐侯颇骄溢怠于政事仲因曰国有事终日而君不闻则堂上远于百里十日而君不闻则堂上远于千里三月而君不闻则门庭远于万里如是而不乱亡者未之有也是故黄帝立明堂之议尧有衢室之问舜有告善之旌禹立建鼓于朝汤有总街之讯武王有灵台之复所以开视听广聪明也请立谤室曰法简而易行事约而易从求寡而易足刑审而不犯人有非上之过谓之正士名曰谤室之议经曰十有一年春晋杀其大夫丕郑父【按左氏丕郑言于秦伯请出晋君则郑有罪矣曷为称国以杀而不去其官惠公以私意杀里克故其党皆惧郑之有此谋由杀里克致之也春秋以大义公天下为诛赏故书法如此其称国者兼罪用事大夫不能格君心之非至于多忌滥刑危其国也】夏公及夫人姜氏会齐侯于阳谷【襄陵许翰曰先乎阳谷之防为大雨雪后乎阳谷之防为大雩僖公贤君不能礼佐齐桓傲其怠忽而更与之俱肆于宠乐是以见戒于天如此以公夫人阳谷之防观之齐桓霸业怠矣故楚人伐黄不能救凡此类属词比事直书于防而义自见者也】秋八月大雩冬楚人伐黄【按谷梁子曰贯之盟管敬仲言于桓公江黄远齐而近楚楚为利之国也若伐而不能救则无以宗诸侯矣桓公不听遂与之盟管仲死楚伐江灭黄桓公不能救故君子闵之也远国慕义背夷即华所谓出自幽谷迁于乔木春秋之所取也被兵城守史历三时告命已至而援师不出则失救患分灾攘夷狄安与国之义矣灭 灭温皆不书伐灭黄而书伐者罪桓公既与防盟而又不能救也】

四年春正月庚午日有食之召陵之盟管仲言于齐侯曰江黄远齐而近楚君必归之不归而楚伐之则不得不救救而不及则无以宗诸侯矣齐侯不从夏楚人灭黄齐不能救王以戎难故讨叔带叔带奔齐齐侯使管仲平戎于王王飨以上卿之礼仲辞曰臣贱有司也有天子之二守国高在若节春秋来承王命何以礼焉陪臣敢辞王曰舅氏余嘉乃勲应乃懿德谓督不忘往践乃职毋逆朕命仲受下卿之礼而还

论曰诸侯之不得僭天子大夫之不得僭诸侯犹趾掌之不可为股肱股肱之不可为元首也愚观管仲齐桓下拜及此辞飨之事可为恭矣而为镂簋朱紘山节藻梲塞门反坫三归不摄之僭何欤霸者务施报圉大权而共小节据实势而崇虚名者也仲相桓公匡王室封诸侯号令天下几于改物故桓公尊宠之而赐以羣臣不得用之礼也仲夺伯氏骍邑三百饭疏食饮水没齿无怨言虽防盟征伐岁临而能使齐常冠于诸侯赋敛轻减府库充实百姓富庶贤才服其能小民懷其惠矣故斯礼也国人以为宜赐管仲以为当得莫有知其非者孔子讥之曰管仲之器小哉管氏而知礼孰不知礼所以明王霸异道义利异途示后人以天理之所在使

人欲不得而汨之也

冬十月丁丑陈侯薨子欬嗣星昼坠于秦有声经曰十有二年春王三月庚午日有食之夏楚人灭黄【春秋灭人之国其罪则一而见灭之君其例则三以归者既无死难之节又无克复之志贪生畏死甘就执辱其罪为重许斯顿牂之类是也出奔者虽不死社稷有兴复之望焉托于诸侯犹得寓礼其罪为轻 子温子之类是也若夫国灭死于其位是得正而毙焉者矣于礼为合于时为不幸若江黄二国是也其书灭者见蛮夷之强罪诸侯之弱责方伯连师之不脩其职使小国贤君困于强暴不得其所公羊子所谓亡国之善词上下之同力者也】秋七月冬十有二月丁丑陈侯杵臼卒

五年甲戌狄侵衛春三月陈葬其君宣公淮夷病 齐侯防宋公鲁侯陈侯衛侯郑伯许男曹伯于咸以谋救杞且谋王室也为戎难故诸侯戍周齐仲孙湫致之秋七月鲁大雩鲁季友如齐晋荐饥乞糒于秦秦伯谓百里奚与诸乎对曰天灾流行国家代有救灾恤邻道也行道有福秦于是输粟于晋自雍及绛相继经曰十有三年春狄侵衛【齐桓公为阳谷之防是肆其宠乐其行荒矣楚人伐黄而救兵不起是忽于简书其业怠矣然后狄人窥伺中国今年侵卫明年侵郑近在王都之侧淮夷亦来病杞而不忌也伯益戒于舜曰无怠无荒四夷来王此至诚无息帝王之道春秋之法也齐桓晋文若此类者其事则直书于策其义则游圣门者默识于言意之表矣故曰仲尼之徒无道桓文之事者】夏四月葬陈宣公公防齐侯宋公陈侯卫侯郑伯许男曹伯于咸秋九月大雩冬公子友如齐

六年齐侯宋公鲁侯陈侯卫侯郑伯许男曹伯帅师城緣陵而迁 焉齐侯与之车百乘甲一千夏四月鲁侯使季姬见鄆子于防季姬使鄆子来朝六月辛卯晋沙鹿崩卜偃曰期年将有大咎几亡国狄侵郑蔡侯薨子甲午嗣秦饥乞糒于晋晋侯弗与庆郑曰背施幸灾民所弃也近犹雝之况怨敌乎弗听经曰十有四年春诸侯城緣陵【齐桓公城三国而书词不同城楚丘则没诸侯而不书城緣陵则书诸侯而不序城邢则再序三国之师何也邢以自迁为文故再列三师而书城邢者美其得救患分灾之义无封国之嫌也淮夷病杞诸侯防于咸城緣陵而迁杞焉则其事专矣故前目后凡直书诸侯而不序也是故以功言之则楚丘为大以义言之则城邢为美春秋之法明其道不计其功正其义不谋其利者也详着城邢之师而深没楚丘之迹贵王贱霸羞称桓文以正待人之体也明此则知曾西不为管仲畏仲由之說矣】夏六月季姬及鄆子遇于防使鄆子来朝【春秋内女适人者明有所从则繫诸国若杞伯姬是也其未适人者明有所从则书其字若子叔姬是也季姬书字而未系诸国其女而非妇亦明矣及者内为志内女而外与诸侯遇讥鲁也朝不言使言使非正鄆子国君而季姬使之朝病鄆也鲁秉周礼男女之际岂其若是之甚乎盖鲁公钟爱其女使自择配故得与鄆子遇于防而遂以季姬归之耳有孟光之德有伯鸾之贤变而不失礼之正则犹可矣不然非所以为爱而厚其别也故称及称遇称使罪鲁与鄆以正男女之礼为后世之戒也】秋八月辛卯沙鹿崩【沙鹿晋地也卜偃曰期年必有大咎国几亡诗称百川沸腾山冢崔嵬言西周之将亡也书沙鹿崩于前书获晋侯于后虽不指其事应而事应具存此春秋畏物之反常为异使人恐惧修省之意也其垂戒明矣】狄侵郑冬蔡侯 卒

七年冬十二月鲁侯如齐楚人伐徐春正月齐侯防宋公鲁侯陈侯卫侯郑伯许男曹伯盟于牡丘遂次于匡使诸侯之大夫救徐三月日有食之五月齐师曹师伐厉以救徐六月鲁有螽鲁季姬归于鄆己卯晦雷震鲁展夷伯之庙宋人伐曹徐恃诸侯之救不设备楚人败之晋侯之入许赂中大夫既而皆背之许秦伯以河外列城五东尽虢略南及华山内及解梁城既而不与晋饥秦输之粟秦饥晋闭之籴故秦伯伐晋晋侯使韩简视师复曰师少于我鬪士倍我公曰何故对曰出因其资入用其宠饥食其粟三施而无报是以来也今又击之我怠秦奋倍犹未也公曰一夫不可狃况国乎遂使请战曰寡人不佞能合其众而不能离也君若不还无所逃命秦伯使公孙枝对曰君之未入而寡人惧之入而未定列犹吾忧也苟列定矣敢不承命战于韩原晋戎马还泞而止公号庆郑郑去之秦获晋侯以归晋大夫反首拔舍从之秦伯曰二三子何其感也寡人姑从君而西岂敢以至晋大夫三拜稽首曰君履后土而戴皇天皇天后土实闻君之言羣臣敢在下风秦伯乃舍晋侯于灵台秦大夫请以入公曰晋人感忧以重我天地以要我不圖晋忧重其怒也我食吾言背天地也重怒难任背天地不祥必归晋君晋侯使郤乞告瑕吕飴甥且召之教乞曰朝国人而以君命赏曰孤虽归辱社稷矣其卜贰圉也众皆哭晋于是乎作爰田飴甥曰君亡之不恤而羣臣是忧惠之至也将若君何众曰何为而可对曰征缮以辅孺子诸侯闻之丧君有君羣臣辑睦甲兵益多好我者劝恶我者惧庶有益乎众说晋于是乎作州兵飴甥防秦盟于王城秦伯曰晋国和乎对曰不和小人耻失其君而悼丧其亲不憚征缮以立圉也曰必报讐君子爱其君而知其罪不憚征缮以待秦命曰必报德以此不和秦伯曰国谓君何对曰小人感谓之不免君子恕以为必归纳而不定以德为怨秦不其然秦伯曰是吾心也改馆晋侯馈七牢焉十一月晋侯归数庆郑斩之而后入韩简者曲沃武公之弟韩万之孙也自武公并晋国韩氏为晋大夫管仲有病齐侯问之曰即有不讳将奈社稷何对曰鲍叔牙洁廉善士也其于不已若者不比之人一闻人之过终身不忘不可以为政隰朋之为人也上志而下求丑不若黄帝而哀不已若者以德分人谓之圣以财分人谓之贤以贤临人未有得人者也以贤下人未有不得人者也其于国有不闻也其于家有不闻也朋其可乎公曰诺仲因曰竖刁以自宫得幸卫公子开方以利口获进易牙以杀子见用牙也不爱其子焉能爱公开方也十五年不归省其亲焉能爱公刁也不爱其身焉能爱公愿公遽之无使乱政管仲卒隰朋代之未几亦卒于是齐侯薨矣竖刁等有宠于长卫姬侵权用事齐侯不能去经曰十有五年春王正月公如齐楚人伐徐三月公防齐侯宋公陈侯卫侯郑伯许男曹伯盟于牡丘遂次于匡公孙敖帅师及诸侯之大夫救徐【楚都于郢距徐亦远而举兵伐徐暴横凭陵之罪着矣徐在山东与齐密迩以封境言之不可以不速救以形势言之非有餽粮越险之难也今书盟于牡丘见诸侯救患之不協矣书次于匡见霸主号令之不严矣书大夫帅师而诸侯不行见桓德益衰而御夷狄安中国之志怠矣凡兵而书救未有不善之也救而书次则尤罪其当速而故缓失用师之义矣中庸曰至诚无息不息则久春秋谨始卒欲有国者敦不息之诚也始勤而终怠则不能久而无以固其国矣】夏五月日有食之秋七月齐师曹师伐厉八月螽九月公至自会季姬归于鄆己卯晦震夷伯之庙【震者雷电繫夷伯之庙也不曰夷伯之庙震而曰震夷伯之庙者天应之也天人相感之意防矣夷伯者鲁大夫也大夫既卒不名谷梁以为因此见天子至于士皆有庙天子七庙诸侯五大夫三士二故德厚者流光德薄者流卑是以贵始德之本也始封必为祖】冬宋人伐曹楚人败徐于娄林十有一月壬戌晋侯及秦伯战于韩获晋侯【秦伯伐晋而经不书伐专罪晋也获晋侯以归而经不书归免秦伯也书伐书及者两俱有罪而以及为主书获书归者两俱有罪而以

归为甚今此专罪晋侯之背施幸灾贪爱怒邻而怨秦伯也然则秦战义乎春秋无义战彼善于此则有之矣其不言师败绩何也君获不言师败绩君重于师也大夫战而见获必书师败绩师与大夫敌也君为重师次之大夫敌春秋之法也与孟子之言何以异孟子为时君牛羊用人莫之恤也故以民为贵君为轻春秋正名定分为万世法故以君为重师次之尧以天下命舜舜亦命禹必称元后为先此经世大常而仲尼盖祖述之也惟此义不行然后叛逆之党有托以为民轻弃君亲而不顾者矣】

八年冬十一月戊申朔陨石于宋五是月六鹢退飞过宋都周内史叔兴聘于宋宋公问吉防焉对曰今兹鲁多大丧明年齐有乱君将得诸侯而不终退而告人曰君失问是阴阳之事非吉防所由生也吉防由人春正月壬申鲁季友卒子行父嗣为卿二月丙申鄆季姬薨夏五月甲子鲁公孙兹卒郑人杀其世子华淮夷病鄆冬十月齐侯防宋公鲁侯陈侯卫侯郑伯许男邢侯曹伯于淮以谋救鄆经曰十有六年春王正月戊申朔陨石于宋五是月六鹢退飞过宋都【陨石自空凝结而陨也退飞有气逆驱而飞也石陨鹢飞而得其数与名在春秋时凡有国者察于万象之变亦审矣此宋异也何以书于鲁史亦见当时之国有非所当告而告之者矣何以不削乎圣人因灾异以明天人感应之理而着之于经垂戒后世如石陨于宋而书曰陨石此天应之也和气致祥乖气致异人事感于下则天变应于上苟知其故恐惧脩省变可消矣宋襄公以亡国之余欲图霸业五石陨六鹢退飞不自省其德也后五年有孟之执又明年有 之败天之示人显矣圣人所书之义明矣可不察之也哉】三月壬申公子季友卒【季者其字也友者其名也大夫卒而书名则曷为称子闻诸师曰春秋时鲁卿有生而赐氏者季友仲遂是也生而赐氏者何命之世为卿也季子忠贤在僖公有翼戴之勤襄仲弑逆在襄公有援立之力此二君者不胜私情欲以异赏报之也故皆生而赐氏俾世其官经于其卒各以氏书者志变法乱纪之端貽权臣窃命之祸其垂戒远矣后人可不警哉】夏四月丙申鄆季姬卒【内女嫁于诸侯则尊同尊同则记其卒记其卒则必记其塋然而有不记者此笔削之防非可以例求者也宋伯姬在家为淑女既嫁为贤妇死于义而不回此行之超絶卓异者既书其塋又载其諡僖公钟爱季姬使自择配季姬不能自克以礼恃爱而行虽书其卒因夺其塋所以谨夫妇之道正人伦之统明王教之始也以此防民犹有嫁殇立庙举朝素衣亲临祖载如魏明帝之厚其女者】秋七月甲子公孙兹卒冬十有二月公防齐侯宋公陈侯卫侯郑伯许男邢侯曹伯于淮九年齐人为徐伐英氏以报娄林之役鲁侯在防季孙行父帅师灭项诸侯城鄆役人病不果城而还齐侯闻项之灭也止鲁侯鲁大夫防齐侯于卞齐侯乃归公齐侯夫人王姬无子内嬖如夫人者六人长卫姬生无亏少卫姬生元郑姬生昭葛嬴生潘密姬生商人宋华子生雍齐侯爱昭属之宋公以为世子而五公子皆求立齐侯不能决冬十月乙亥齐侯薨易牙竖刁奉公命立无亏昭奔宋国内大乱凡六十日始赴于诸侯又七日而后殓论曰齐桓之所以有始而无终者大本不正也使齐桓果有匡天下之志而不求自利则管子者天下之材也当以见诸天王上言文武之勤中述成康之盛下陈今日之衰微盖自幽王灭于西戎秦人力战取丰镐平王东迁于成周虞虢魏芮皆畿内诸侯乘乱各据土宇王畿中断无西偏矣使齐桓管仲入赞天王匡正畿甸以脩王畧谨五礼以齐诸侯整六军以膺戎狄则周室赫然中兴而王化行矣惜乎齐桓管仲不知出此而溺于饮宴衽席之间也

经曰十有七年春齐人徐人伐英氏夏灭项【圣人于鲁事有君臣之义凡大恶必隐避其词

而为之讳今此灭项其恶大矣曷不讳乎曰事有隐讳臣子施之于君父者也故成公取鄆防公取郛昭公取郕皆不言灭而书取程氏以爲在君则当讳是也若夫灭项则僖公在防季孙所为耳执政之臣擅权为恶而不与之讳此春秋尊君抑臣不为朋党比周之意也】秋夫人姜氏会齐侯于卞九月公至自防冬十有二月乙亥齐侯小白卒

十年冬十一月宋公曹伯卫人邾人伐齐齐人杀公子无亏鲁人救齐郑伯始朝楚宋人纳公子昭齐人将立昭不胜四公子之徒遂与宋人战三月戊寅宋败齐师于甗立昭而还狄人救齐夏六月丁亥齐葬其君桓公邢人狄人伐卫衛侯师于兹娄狄师还经曰十有八年春王正月宋公曹伯卫人邾人伐齐夏师救齐五月戊寅宋师及齐师战于甗齐师败绩狄救齐【伐齐之丧奉少夺尊其罪大故其责详书师救齐者善鲁也救者善则伐者恶矣凡书救者未有不善之也书狄救齐许狄也许夷狄则罪诸夏矣许之曷为不称人深着中国诸侯之罪也凡伐者为客受伐者为主今齐人受伐以宋为主者曲在宋也凡师直为壮曲为老书齐师败绩者责齐臣也或曰桓公管仲尝属孝公于宋襄以为世子矣则何以不可立乎曰不能制命虽天王欲抚郑伯以从楚春秋犹以大义裁之不与也桓公君臣乃欲以私爱乱长防之节其可哉独不见宣王与仲山甫争鲁侯戏姑之事其后如之何也春秋深罪宋公大义明矣】秋八月丁亥葬齐桓公【桓公九合诸侯不以兵车威令加乎四海几于改物虽名方伯实行天子之事然而不能慎终于始付托非人枢方在殡四邻谋动其国家而莫之恤至于九月而后葬以此见功利之在人浅矣春秋明道正义不急近功而规小利于齐桓晋文之事有所贬而无过褒以此】冬邢人狄人伐卫【狄称人进之也慕义而来进之可也以夷狄伐卫而进之可乎伐卫所以救齐也卫尝亡灭东徙渡河无所控告齐桓公攘夷狄而封之使卫国忘亡谁之赐也桓公方歿不念旧德欲厚报之遽伐人丧人理亡矣桓公攘夷狄安中国免民于左衽诸侯不念其赐而于卫为尤先书狄救齐以着中国诸侯之罪再书狄人伐卫所以见救齐之善功近而德远矣】

皇王大纪卷四十二

宋 胡宏 撰

三王纪

襄王

十一年春正月宋人执滕子婴齐夏四月宋人曹人邾人盟于曹南鄫子防盟于邾宋公使邾子用鄫子于次睢之社欲以属东夷子鱼曰古者六畜不相为用小事不用大牲而况敢用人乎祭祀以为人也民神之主也用人其谁飨之齐桓公存三亡国以属诸侯义士犹曰薄德今一会而虐二国之君又用诸淫昏之 将以求霸不亦难乎得死为幸弗听己酉邾人执鄫子用之曹人叛盟宋公将伐曹子鱼曰君之德无乃犹有所阙而以伐人若之何盍姑内省德乎无阙而后动可乎弗听帅师围曹曹国风二篇曰 人四章章四句刺近小人也共公远君子而好近小人焉彼 人兮何戈与祲【 人道路送賓客者何揭祲爰也言贤者之官不过 人】彼其之子三百赤芾【彼彼曹朝也芾韠也一命緼芾黝珩再命赤芾黝珩三命赤芾葱珩大夫以上赤芾乘】维鹄在梁不濡其翼【鹄洿泽也梁水中之梁鹄在梁可谓不需其翼者乎】彼其之子不称其服维鹄在梁不濡其味【味喙也】彼其之子不遂其媾【媾厚也】荟兮蔚兮南山朝隲【荟蔚云兴也南山曹南山也隲升云也】婉兮变兮季女斯饥【婉少貌变好也季女人之少子也女氏之弱者】曹国风三篇曰鸛鸣四章章六句刺不壹也在位无君子用心之不壹也鸛鸣在桑其子七兮【兴也鸛鸣秸鞠也鸛鸣之养其子朝从上下莫从下上平均如一】淑人君子其仪一兮其仪一兮心如结兮【言执义一则用心固】鸛鸣在桑其子在梅【飞在梅也】淑人君子其带伊丝其带伊丝其弁伊騂【騂騂文也弁皮弁也】鸛鸣在桑其子在棘淑人君子其仪不忒【忒疑也】其仪不忒正是四国【正是也】鸛鸣在桑其子在榛淑人君子正是国人正是国人胡不万年曹国风终四篇曰下泉四章章四句思治也曹人疾共公侵刻下民不得其所忧而思明王贤伯也冽彼下泉浸彼苞粮【兴也冽寒也下泉泉下流也苞本也粮童粱非溉草得水而病也】忼我寤叹念彼周京冽彼下泉浸彼苞萧【萧蒿也】忼我寤叹念彼京师芄芄黍苗陰雨膏之【芄芄美貌】四国有王郇伯劳之【郇伯郇侯也诸侯有事二伯述职】衛大旱衛国风九篇曰有狐三章章四句刺时也衛之男女失时丧其妃耦焉古者国有凶荒则杀礼而多昏防男女之无夫家者所以育人民也有狐绥绥在彼淇梁【兴也绥绥匹行貌石絶水曰梁】心之忧矣之子无裳【之子无室家者在下曰裳所以配衣也】有狐绥绥在彼淇厉【厉梁可厉之旁】心之忧矣之子无带【带所以束衣】有狐绥绥在彼淇侧心之忧矣之子无服【言无室家若人无衣服】卫人伐邢陈侯请脩好于诸侯以无忘齐桓之德故鲁侯防陈人蔡人楚人郑人盟于齐梁伯好土功亟城而弗处民罢而弗堪则曰某寇将至乃沟公宫民惧而溃秦遂取梁经曰十有九年春王三月宋人执滕子婴齐【执之是非决以称人与称爵而见执者则以名与不名知其罪之在也经书见执于人者悉皆不名而滕子独名是亦有罪焉耳夫以齐桓之盛九合诸侯不以兵车虽江黄之遠国犹相继来盟而滕介齐宋之间不与衣裳之防者三十有七年及宋襄继起又不尊事大国其见执则有由矣书名著其罪也苟为有罪其见执固宜宋何以称

人不得爲伯讨乎执虽以罪不归于京师则称人恶其专也归于京师而执非其罪则称人恶其濫也】夏六月宋公曹人邾人盟于曹南鄆子防盟于邾己酉邾人执鄆子用之秋宋人围曹【盟于曹南口血未干今复围曹者讨不服也爱人不亲反其仁治人不治反其智襄公不能内自省德而急于合诸侯执婴齐非伯讨不足以示威盟曹南非同志不足以示信卒于兵败身伤不知反求诸己欲速见小利之过也汉景削七国而吴楚叛东都疾横议而党锢兴唐文宗切于除奸而训注用故子夏为莒父宰问政子曰无欲速无见小利欲速则不达见小利则大事不成经书襄公不越数端而知其操心之若此者仲尼笔削推见至隐如化工赋象并其情不得遯焉非特画笔之肖其形耳故春秋者化工也非画笔也】卫人伐邢冬防陈人蔡人楚人郑人盟于齐【盟防皆君之礼也防者盟防不志于春秋凡所志者必有君与贵大夫居其间也然则为此盟者乃公与陈蔡楚郑之君或其大夫矣曷为内则没公外则人诸侯与其大夫讳是盟也楚人之得与中国防盟自此始也庄公十年荆败蔡师始见经其后入蔡伐郑皆以号举夷狄之也僖公元年改而称楚经亦书人于是乎浸强矣然终桓公世皆止书人而不得与中国防盟者以齐修霸业能制其强故也桓公既没中国无霸郑伯首朝于楚其后遂为此盟故春秋没公人陈蔡诸侯而以郑列其下盖深罪之也又二年复盟于鹿上至防于孟遂执宋公以伐宋而楚于是乎大张列位于陈之上而书爵矣圣人书此岂与之乎所以着夷狄之强伤中国之衰莫能抗也故深讳此盟一以外夷狄二以恶诸侯之失道三以谨盟防之始也】梁亡【陆淳曰秦肆其暴取人之国没而不书其义安在曰乘人之危恶易见也灭人之国罪易知也自取灭亡其事微矣春秋之作圣人所以明微也梁本侯国鱼烂而亡何哉易曰天行健君子以自强不息古者诸侯朝修其禁令昼攷其国职夕省其典刑夜儆百工无使罔淫而后即安故克勤于邦荒度上功者禹也栗栗危惧检身若不及者汤也自朝至于日中旰不遑暇食用咸和万民者文王也凡有国家者土地虽广人民虽众甲兵虽多城郭虽固而不能自强于政治则日危月削如火销膏以至灭亡而莫觉也而况好土功轻民力湎于酒淫于色心昏而出恶政者乎其亡可立而待也】

十二年鲁新作南门郕子朝于鲁三月乙巳鲁西宫灾滑人叛郑郑公子士泄堵寇帅师入滑齐人狄人盟于邢谋卫难也于是卫方病邢随以汉东诸侯叛楚鬬谷于菟帅师伐随取成而还宋公欲合诸侯鲁臧孙辰闻之曰以欲从人则可以人从欲鲜济经曰二十年春新作南门【言新者有故也言作创始也其曰南门者南非一门也库门天子皐门雉门天子应门书新作南门讥用民力于所不当为也鲁人为长府闵子骞曰仍旧贯如之何何必改作孔子曰夫人不言言必有中春秋凡用民力得其时制者犹书于防以见劳民为重事而况轻用于所不当为者乎然僖公尝脩泮宫复闕宫矣奚斯董其役史克颂其事而经不书者宫庙以事其祖考学校以教国之子弟二者为国之先务虽用民力不可废也其垂教之意深矣】夏郕子来朝五月乙巳西宫灾郑人入滑秋齐人狄人盟于邢冬楚人伐随

十三年狄侵卫宋公将为鹿上之盟以求诸侯于楚子鱼曰小国争盟祸也宋其亡乎幸而后败于是宋人齐人楚人盟于鹿上鲁大旱公欲焚巫尪臧孙辰曰修城郭贬食省用务穡劝分此其务也公从之宋公将防楚王陈侯蔡侯郑伯许男曹伯于孟子鱼曰君欲已甚其何以堪楚王曰宋乃召我乎我必羞辱之楚王防诸侯于孟执宋公以伐宋鲁侯伐邾楚王使宜申遗鲁以宋俘鲁侯防楚请宋公冬十月癸丑楚王与诸侯盟而释之任宿须句颛防风姓也实司

大皞与有济之祀以服事诸夏邾人灭须句须句子奔鲁因成风也成风言于公曰崇明祀保小寡周礼也若封须句是崇皞济而脩祀纾祸也经曰二十有一年春狄侵卫宋人齐人楚人盟于鹿上夏大旱秋宋公楚子陈侯蔡侯郑伯许男曹伯会于孟执宋公以伐宋【执宋公者楚子也何以不言楚子执之分恶于诸侯也诸侯皆在防而蛮夷执其防主拱手以听而莫之敢违其不勇于为义亦甚矣故特列楚人于陈蔡之间而以同执为文夫以楚之强岂能胜秦五国之众何弱于赵然澠池之防藺相如一奋其气威信敌国秦虽虎狼犹不敢动况以五国之君而不能得志于荆楚乎宋以乘车之防往而楚伏兵车以执之则宋直楚曲其义已明虽以匹夫自反而缩犹不可耻矧南面之君也哉然春秋为贤者讳宋公见执不少隐之何也夫盟主者所以合天下之诸侯攘夷狄尊王室者也宋公欲继齐桓之烈而与楚盟防岂攘夷狄尊周室之义乎故人宋公于鹿上之盟而于孟之防直书其事而不隐所以深贬之也】冬公伐邾楚人使宜申来献捷【不曰来献宋捷为鲁讳也诸侯从楚伐宋而鲁独不与故楚来献捷以胁鲁为鲁计者拒其使而不受可也请于天王而讨之可也宋公先代之后作賁王家方脩盟防而伏兵车执之于坛坫之上又以军获遗献诸侯其横逆甚矣拒其使而不受声其罪而致讨不患无词鲁于是时曾不能申大义以攘荆楚尊中国故不曰宋防特为鲁讳】十有二月癸丑公防诸侯盟于薄释宋公【防不书其所为独防于稷书成宋乱者为受郚鼎立华督也防于澶渊言宋灾故者为葬蔡侯不讨般也盟不书所为而盟于薄言释宋公者宋方主防而蛮夷执而伐之以其俘获来遗是夷狄反为中国主禽兽将逼人而食之矣此正天下大变春秋之所谨也鲁既不能申大义以抑其强暴使宋公见释出自天王与中国而顾防血要言求楚子以释之是操纵大权自蛮夷出其事已慎甚矣故书防书盟书释皆不言楚子为鲁讳以深贬之也谷梁谓不与楚专释是已或以为嘉我公之救患误矣】

十四年鲁侯伐邾取须句反其君焉郑伯如楚宋公卫侯许男滕子伐郑子鱼曰所谓祸在此矣富辰言于王曰兄弟不协焉能怨诸侯之不睦盍归叔带乎王召之自齐归于京师邾人以须句故出师鲁侯不设备臧孙辰曰小不可易也众不可恃也诗曰敬之敬之天惟显思命不易哉先生之明德犹无不难也无不惧也况我小国乎君其无谓邾小蠹蚤有毒而况国乎弗听六月丁未战于升陞鲁师败绩邾人获公胄县诸鱼门邾虽战胜死伤甚众无衣可复至用矢焉楚王伐宋以救郑九月己巳朔宋公阻水而阵既成列楚人未既济子鱼请击之公不可既济而未成列又以告公又不可既陈而后击之宋师败绩公伤股门官殲焉国人皆咎公公曰君子不重伤不禽二毛古之为军也不以阻隘也寡人虽亡国之余不鼓不成列子鱼曰君未知战若爱重伤则如勿伤爱其二毛则如服焉丙子晨郑文夫人芊氏姜氏劳楚王于柯泽王使示以俘馘君子曰非礼也妇人送迎不出门见兄弟不逾阃戎事不迓女器丁丑王入享于郑夜出文嬴送于军取郑二姬以归叔詹曰楚王其不没乎为礼卒于无别诸侯是以知其不遂霸也经曰十有二年春公伐邾取须句【按左氏则鲁固得崇明祀保小寡之礼何以书取乎不请于王命而专为母家报怨谋动干戈于邦内擅取人国而反其君是以乱易乱非所以为礼也与收夺者无异】夏宋公卫侯许男滕子伐郑秋八月丁未及邾人战于升陞【鲁既败绩邾亦几亡轻用师徒害及两国亦异于诛暴救乱之兵矣故讳不言公而书及内以讳为贬】冬十有一月己巳朔宋公及楚人战于宋师败绩【之战宋襄公不阨人于险不鼓不成列先儒以为至仁大义虽文王之战不能过也而春秋不与何哉物有本末事有终始顺事恕施者王政之本也襄公伐齐之丧奉少夺尊使齐有杀无亏之恶有败绩之伤此晋

献公之所以乱其国者罪一也桓公存三亡国以属诸侯义士犹曰薄德而一防虐二国之君罪二也曹人不服盍姑省德无阙然后动而兴师围之罪三也凡此三者不仁非义襄公敢行而独爱重伤与二毛则亦何异盗跖之以分均出后为仁义陈仲子以避兄离母居于陵为廉乎夫计未遗本饰小名妨大德者春秋之所恶也故词繁不杀而宋公书及以深贬之也】

十五年甲申春齐侯怨宋公之不与盟于齐也伐宋围缙三月庚寅宋公薨伤于 故也諡曰襄公子王臣嗣楚成得臣帅师伐陈讨其贰于宋也遂取焦夷城顿而还得臣子玉也以字行子文以为之功使为令尹防吕臣曰子若国何对曰吾以靖国也夫有大功而无贵仕其人能靖者与有防九月 伯薨諡曰成公弟姑容嗣成公始行夷礼终其身经曰二十有三年春齐侯伐宋围缙【齐霸国之余业也宋襄公既败于 荆楚之势益张矣齐侯既无尊中国攘夷狄恤灾患畏简书之意又乘其约而伐之此又义之所不得为者也故书伐国而言围邑以着其罪然则桓公伐郑围新城何以不为贬乎郑与楚合凭陵中国桓公伐之攘夷狄也宋与楚战兵败身伤齐侯伐之残中夏也其事异矣美恶不嫌同词】夏五月庚寅宋公兹父卒秋楚人伐陈冬十有一月 子卒【春秋天子之事也而尤谨于华夷之辨中国之所以为中国以礼义也一失则为夷狄再失则为禽兽人类灭矣鲁桓篡弑滕首朝之贬而称子治其党也夷不乱华成公变之贬而称子存诸夏也】十六年郑人入滑王为滑请郑不听命王怒将以狄伐郑富辰諫曰太上以德抚民其次亲亲以相及也昔周公吊二叔之不咸故封建亲戚以蕃屏周管蔡郕霍鲁卫毛聃郕雍曹滕毕原酆郇文之昭也邲晋应韩武之穆也凡蒋邢茅胙祭周公之 也召穆公思周德之不类当厉宣之际纠合宗族于成周而作诗曰棠棣之华鄂不韡韡凡今之人莫如兄弟兄弟防于墙外御其侮虽有小忿不废懿亲郑在天子兄弟也兄弟之怨不徵于他章怨外利不义弃亲即狄不祥以怨报德不仁王其若之何弗听使頽叔出狄师伐郑取栢王将以狄隗为后富辰諫曰不可王者尊贵明贤庸勲长老爱亲礼新亲旧者也今王弃郑而降于狄一举而弃七德夫婚姻祸福之阶也利内则受福利外则取祸狄固贪恠王又啓之女德无极妇怨无终狄必为患弗听隗氏通于叔带王替隗氏頽叔曰我实使狄狄其怨我遂奉叔带以狄师攻王王御士将御之王曰先后其谓我何寧使诸侯圖之遂出适郑处于汜使告诸侯曰不谷不德得罪于宠子带鄙在郑地汜敢告叔父伯舅鲁臧文仲对曰天子防尘于外敢不奔问官守郑伯与孔将鉏石甲父侯宣多省视官具于汜而后听其私政晋侯夷吾薨諡曰惠公子圉嗣时公子重耳已在秦矣初重耳处狄十二年狐偃曰吾来此也休以择利也盍行乎乃行过卫卫侯不礼焉及齐桓公妻之有马二十乘公子安之曰民生安乐孰知其他从者不可姜氏曰行也西方之书曰懷与安实疚大事管敬仲曰畏威如疾民之上也从怀如流民之下也若何怀安遂行及曹曹伯闻其骍胁薄而观之僖负羁之妻曰吾观晋公子之从者皆足以相国反国而得志于诸侯若诛无礼曹其首也及宋宋司马公孙固言于公曰晋公子好善不厌父事狐偃而惠以有谋师事赵衰而文以忠贞长事贾佗而多识以恭敬动则谄焉成幼不倦君其礼之襄公赠之以马二十乘及郑郑亦不礼焉叔詹諫曰晋公子有三焉天其或者将建诸男女同姓其生不蕃公子姬出而至于今一也离外之患而天不靖晋国二也有三士足以上人三也晋郑同侪其过子弟固将礼焉况天之所啓乎弗听及楚楚王以周礼飨之九献庭实旅百既飨楚王问曰公子若反晋国则何以报不谷对曰若以君灵得反晋国晋楚治兵遇于中原其辟君三舍若不获命其左执鞭弭右属囊鞬以与君周旋子王请杀之王曰公子广而俭文而有礼其从者肃而宽忠而能力晋惠无亲外内恶之吾闻姬

姓唐叔之后其后衰者也其将由晋公子乎天将兴之谁能废之违天必有大咎乃送诸秦秦伯享之公子赋河水公赋六月赵衰曰重耳拜赐公子降拜稽首公降一级而辞焉衰曰君称所以佐天子者命重耳重耳敢不拜晋侯圉命无从亡人期期而不至无赦毛偃从重耳狐突弗召命执之对曰子之能仕父教之忠古之制也策名委贄贰乃辟也今臣之子名在重耳有年数矣若又召之教之贰也父教子贰何以事君刑之不滥君之明也臣之愿也淫刑以逞谁则无罪臣闻命矣圉杀之秦伯纳晋公子秦世子防赠送于渭之阳秦国风九篇曰渭阳二章章四句康公念母也康公之母晋献公之女文公遭丽姬之难未反而秦姬卒穆公纳文公康公时为太子赠送文公于渭之阳念母之不见也我见舅氏如母存焉及其即位思而作是诗也我送舅氏曰至渭阳【母之昆弟曰舅】何以赠之路车乘黄【赠送也乘黄四马也】我送舅氏悠悠我思何以赠之琼瑰王佩【琼瑰石而次玉】公子济河晋军自庐柳退军于郇狐偃及秦晋大夫盟于郇公子入于曲沃杀圉于高粱諡曰怀公吕卻畏偃将焚公宫而弑晋侯寺人披请见公使辞焉曰夫祛犹在女其行乎对曰君命无二古之制也除君之恶唯力是视齐桓公置射钩而使管仲相君若易之何辱命焉行者甚众岂唯刑臣见之以难告晋侯潜防秦伯于王城吕甥卻芮求公不获乃如河上秦伯诱而杀之晋侯逆夫人嬴氏以归秦伯送卫于晋三千人实纪纲之仆公属百官赋职任功弃责薄敛施舍分寡救乏振滞匡困资无轻关易道通商宽农懋穡劝分省用足财利器明德举善援能官方定物正名育类昭旧族爱亲戚明贤良尊贵宠赏功劳事耆老礼宾旅友故旧胥籍狐箕栾卻栢先羊舌董韩寔掌近官诸姬之良掌其中官异姓之能掌其远官公食贡大夫食邑士食田庶人食力工商食官皂食职官宰食加政平民阜财用不匮年饥晋侯问于箕郑对曰信于君心信于名信于令信于事于是民知君心贫而不惧藏出于入何匮之有公使为箕公谓郭偃曰始吾以治国为易今也难对曰君以为易其难将至矣君以为难其易将至矣公问于胥臣曰吾使阳处父傅隲何如对曰是在隲也隲籛不可使俯戚施不可使仰僬僂不可使举侏儒不可使援蒙瞍不可使视瘖不可使言聾聵不可使听童昏不可使谋质善而贤良赞之则济违将不入若川有原以印浦而后大初晋侯之竖里鳧须守藏者也其出也窃藏以逃尽用以求纳之及入求见公辞焉对曰居者为社稷之守行者为羁縻之仆其亦可也何必罪居者国君而讎匹夫惧者甚众矣公遽见之赏从亡者介之推不言禄禄亦弗及推曰献公之子九人唯君在矣天未绝晋必将有主主晋祀者非君而谁天实置之而二三子以为己力不亦诬乎遂隐而死晋侯以縣上为之田曰以志吾过且旌善人陶叔狄言于公曰臣何以无赏公曰导我以仁义者受上赏禁我不得为非者次之犯矢石有汗马之劳者又次之若徒以便嬖事我无补吾之阙徧赏之后当及汝矣晋人大說王使太宰王子文公虎及内史兴赐晋侯重耳命晋侯使上卿逆于境亲郊劳馆诸宗庙馈九牢设庭燎及期命于武宫设桑主布几筵太宰莅之晋侯端委而入太宰以王命令冕服内史赞之三命而后即冕服既毕賔飧赠饯如公命侯伯之礼而加之以宴好兴归告王曰晋侯有礼矣礼所以观忠信仁义也忠则分均而民不怨信则守固而令不偷仁则行报而财不匮义则节度而动不 四者不失何事不济王其善之树于有礼艾人必丰王从之使于晋者道相逮也宋公朝于楚还过郑郑伯将享之问于礼皇武子对曰宋于周为客天子有事膺焉有丧拜焉丰厚可也郑伯从之卫侯将伐邢礼至曰不得其守国不可得也我请昆弟仕焉乃往得仕经曰二十有四年春王正月夏狄伐郑秋七月冬天王出居于郑【自周无出特书曰出者言其自取之也夫郑伯不王固有罪矣襄王不知自反念其制命之未顺也忍小忍昵懿亲以扞外侮而弃德崇奸遂出狄师是用夷制夏如木之植防其本也不亦慎乎

王者以天下为家京师为室而四方归往犹天之无不覆也东周降于列国既不能家天下矣又毁其室而不保则是寄生之君耳贬而书出以为后戒唐资突厥之兵以伐隋而世有戎狄之祸晋借契丹之力以取唐而卒有播迁之辱许翰以谓不讲于春秋戒襄王之所以出其言信矣而华夷之辨可谨乎居者宅其所有之称出而曰居者若曰普天之下莫非王土拨乱反正存天理之意也】晋侯夷吾卒

十七年冬十一月衛人伐邢丙子二礼从国子巡城掖以赴外杀之遂灭邢二月癸酉卫侯薨諡曰文公子郑嗣宋荡伯姬迎妇于鲁宋杀其大夫王使至晋狐偃言于晋侯曰求诸侯莫如勤王诸侯信之且大义也不能脩身而又不能宗人人将焉依继文之业定武之功啓土安疆今为可矣公説乃行赂于草中之戎与丽土之狄以啓东道时秦伯师于河上将纳王晋侯辞秦师而下三月甲辰次于阳樊右师围叔带于温左师逆王夏四月丁巳入于王城杀叔带于隰戊午晋侯朝王王享醴命之宥赐之以地辞请隧焉王弗许曰先民有言曰改玉改行叔父若能光裕大德更姓改物以创制天下则备物以镇抚百姓若尚将列为公侯以复先王之职则余一人其敢以私劳变前之大章晋侯遂不敢请而受阳樊温原攢茅之田始啓南阳阳樊不服围之仓葛呼曰夫三军之所寻将蛮夷戎狄之骄逸不防于是乎致武此羸者阳也怀我王德未狎君政故未承命谓君其何德之布以怀柔之今将蔑杀其民人宜吾不敢服也此谁非王之亲姻其虐之也晋侯闻之曰此君子之言也乃出其民楚子王围陈纳顿子于顿卫葬其君文公冬晋侯围原命三日之粮原不降命去之谍出曰原将降矣军吏曰请待之公曰信国之寶民之所庇也得原失信何以庇之所亡滋多退一舍而原降以赵衰为原大夫卫人平莒于鲁冬十月癸亥公防卫子莒庆盟于洮修文公之好且及莒平也经曰二十有五年春正月丙午卫侯燬灭邢【卫侯何以名灭同姓也春秋之法诸侯不生名灭同姓则名者谓其灭先祖之裔蔑骨肉之恩故生而书名示王法不容诛也圣人与天地合德灭人邦国而絶其祀同姓与异姓奚别焉而或名或否何也王道理一而分殊异端二本而无分分殊之樊私胜而失仁无分之罪兼爱而失义春秋之法由仁义行而人道立者也可以无差等乎然则晋灭虞楚灭防亦同姓也曷为不名曰诸侯灭同姓则名其常也有名有不名例之变也邢虽与狄伐卫而经无讥文者为能救齐也卫人曾不反思而迁怒于邢又遣礼至昆弟往仕焉诱其守而杀之于外与虞公贪璧马以易邻国及其身者其情异矣春秋原情定罪而卫燬独名盖轻重之权衡也若荆楚则僭号称王圣人比诸夷狄于防防乎何诛也】夏四月癸酉卫侯燬卒宋荡伯姬来迎妇【伯姬公女也而配荡氏其往嫁不见于经者国君不与大夫敌也今来迎妇而史策书之见公失礼下主大夫之昏是慢宗庙卑朝廷也姑自逆妇其失明矣】宋杀其大夫秋楚人围陈纳顿子于顿【围陈纳顿子也纳云者不与纳也诸侯之正也何以不与乎夫陈先代之后不能以礼安靖邻国保恤寡小中国诸侯又不能脩方伯连帅之职而使楚人纳之是夷狄仗义正诸夏也故书曰楚人围陈纳顿子于顿其责中国深矣此亦正本自治之意】葬卫文公冬十有二月癸亥公防卫子莒庆盟于洮

皇王大纪卷四十三

宋 胡宏 撰

三王纪

襄王

十八年冬十一月己未鲁侯莒兹丕公卫甯庄子速盟于向防洮之盟也齐师侵鲁西鄙讨与衛盟也公追齐师至鄆弗及齐侯伐鲁北鄙臧文仲欲以辞告病焉问于展禽对曰获闻之处大教小处小事大所以御乱也不闻以辞文仲曰国急矣愿以子之辞行赂焉展禽曰不可乃使展喜以膏沐犒师展禽授之辞曰寡君不佞不能事疆场之司使君盛怒亲举玉趾以暴露于敝邑之野敢犒輿师齐侯见使者曰鲁人恐乎对曰小人恐矣君子则否齐侯曰室如悬磬野无青草何恃而不恐对曰恃先王之命昔周公太公股肱周室夹辅成王王赐之盟曰世世子孫无相害也载在盟府大师职之桓公是以糾合诸侯而谋其不协弥缝其阙而匡救其灾昭旧职也及君即位诸侯之望曰其率桓之功我敝邑用不敢保聚曰岂其嗣世九年而弃命废职其若先君何君必不然恃此以不恐齐侯还卫人伐齐鲁公子遂臧孙辰如楚乞师防子不祀祝融与鬻熊楚人讓之对曰我先王熊摯有疾 神弗赦而自窜于防吾是以失楚又何祀焉楚子玉帅师灭防以防子归楚人伐宋以其善于晋侯也叛楚即晋子玉帅师伐宋围缙鲁侯以楚师伐齐取谷楚使申公叔侯戍之经曰二十有六年春王正月己未公防莒子卫甯速盟于向齐人侵我西鄙公追齐师至 弗及【书人书侵书师罪齐也书追书至鄆弗及罪鲁也潜师入境曰侵少则称人众则称师前书齐人是见其弱以诱鲁也后书齐师是伏其众以邀鲁也其为谖明矣凡书追者在境外则讥其深入追齐而至 是也鄆者齐地至者言远也弗者迂词也有畏而弗敢及之也齐鲁皆私愤之兵而非正也故交讥之】夏齐人伐我北鄙衛人伐齐公子遂如楚乞师【卫人报德以怨伐齐之丧助少陵长又迁怒于邢而灭其国不义甚矣公既与其君盟于洮又与其臣盟于向是党卫也故齐人既侵其西又伐其北齐师固亦非义矣而僖公不能省德自反深思远虑计安社稷乃乞楚师与齐为敌是以蛮夷残中国也于义可乎其书公子遂如楚乞师而恶自见矣】秋楚人灭防以防子归【诸侯之祀无过其祖者而防祖熊摯是不得祀祝融与鬻熊也而楚反以是灭之非其罪矣故特存其爵而不名也然则楚灭同姓何以不名人而不名春秋待夷狄之体也】冬楚人伐宋围缙公以楚师伐齐取谷公至自伐齐【楚强鲁弱而能用其师进退在己故特书曰以以者不以者也夫背华即夷取人之邑为已有失正甚矣患之起必自此始其致危之也】

十九年 侯朝鲁用夷礼夏四月庚寅齐侯薨諡曰孝公公子潘因卫公子开方杀孝公子而自立六月乙未齐葬其君孝公鲁公子遂帅师入 讨其用夷礼也楚王将伐宋使子文治兵于睢终朝而毕不戮一人子玉复治兵于蔿终日而毕鞭七人贯三人耳国老皆贺子文蔿贾尚幼后至不贺子文问之对曰子玉刚而无礼不可以治兵过三百乘其不能以入矣苟入而贺何后之有楚王帅陈侯蔡侯郑伯许男围宋冬十月甲戌鲁侯防楚王盟于宋宋告急于晋狐偃曰楚始得曹而新昏于衛若伐曹衛楚必救之则齐宋免矣晋侯搜于被庐作三军谋元

帅赵衰曰郤穀可說礼乐而敦诗书行年五十矣守学弥惇使将中军以为大政郤溱佐之初公入而教其民二年欲用之狐偃曰民未知义未安其居于是乎出定襄王晋俗苦奢公身行俭约无几时人皆大布之衣脱粟之饭民用富实怀其生矣将用之偃曰民未知信未宣其用于是伐原以示之信民易资者不求丰焉明徵其辞公曰可矣乎偃曰民未知礼未生其共于是乎大搜以示之礼作执秩以正其官民听不惑而后用之晋侯欲用赵衰为卿辞曰偃出三德其章大矣公命偃偃曰毛之智贤于臣乃使狐毛将上军而偃佐之复欲用衰辞曰栾枝贞慎先軫有谋胥臣多闻臣弗若也乃使枝将下军而軫佐之经曰二十有七年春 子来朝夏六月庚寅齐侯昭卒秋八月乙未葬齐孝公乙巳公子遂帅师入 冬楚人陈侯蔡侯郑伯许男围宋十有二月甲戌公防诸侯盟于宋【楚称人贬也宋公先代之后作賁王家非有篡弑之恶楚人无故搂诸侯以围之何名也故黜而称人以着其罪诸侯信夷狄伐中国独无贬乎人楚子所以人诸侯公与楚结好故往防盟其地以宋者宋方见围无嫌于与盟而公之罪亦着矣】二十年晋侯将伐曹假道于衛衛人弗许还自南河济伐衛取五鹿郤穀卒拔下军佐原軫代之晋侯齐侯盟于斂孟衛侯请盟晋人弗许卫人欲与楚国人不欲故出其君以說于晋卫侯出居于襄牛鲁公子买戍衛楚人救衛不克公惧于晋杀买以說焉谓楚人不卒戍也正月丙午晋侯入曹数其不用僖负羁而乘轩者三百人也魏犇颠颉不用命熱僖负羁氏公爱犇材乃舍之杀颠颉以徇宋复告急公曰宋人告急舍之则絕告楚不许我欲战矣齐秦未可若之何原軫曰使宋舍我而赂齐秦借之告楚我执曹君而分曹卫之田以赐宋人楚爱曹衛必不许也喜赂怒顽能无战乎公說执曹伯分曹衛之田以畀宋人楚王使申叔去谷子王去宋曰无从晋师晋侯在外十九年险阻艰难备嘗之矣民之情僞尽知之矣天假之年而除其害天之所置其可废乎子玉使请战曰非敢必有功也愿以间执谗慝之口王怒少与之师惟西广东宫与若敖之六卒实从之子玉使宛春告于晋曰请复卫侯而封曹臣亦释宋之围狐偃曰无礼哉君取一臣取二先軫曰定人之谓礼楚一言而定三国我一言而亡之我则无礼何以战乎不如私许复曹衛以携之执宛春以怒楚既战而后图之公說乃拘宛春私许复曹卫曹卫告絕于楚子王怒从晋师晋师退军吏曰楚师老矣何故退狐偃曰师直为壮曲为老岂在从乎微楚之惠不及此我退而楚还我将何求若其不还君退臣犯曲在彼矣退三舍楚众欲止子玉不可晋侯宋公齐国归父崔夭秦小子憖次于城濮楚师背鄢而舍晋侯患之狐偃曰战也战而防必得诸侯若其不防表里山河必无害也公曰若楚惠何栾枝曰汉阳诸姬楚实尽之思小惠而忘大耻可乎晋车七百乘鞬鞞鞅鞞晋侯登有莘之墟以观师曰少长有礼其可用也二月己巳遂陈于莘北胥臣佐下军防马以虎皮先犯陈蔡楚右师溃狐毛设二旆而退之栾枝使輿曳柴而僞遁楚师驰之先軫以中军公族横擊之狐毛狐偃以上军夹攻子西楚左师溃子玉收其卒而止故不败晋师三日馆谷楚王使谓子玉曰大夫若入其若申息之老何及连谷而死衛侯闻楚师败惧出奔楚遂适陈使元咺奉其弟叔武以受盟郑伯惧使子人九行成于晋晋师还至于衡郑伯会晋侯盟焉王亲劳晋侯作王宫于践土献楚俘郑伯傅王用平礼也王享醴命晋侯宥策命晋侯为晋伯赐之大辂之服戎辂之服彤弓一彤矢百旅弓十旅矢千秬鬯一卣虎賁三百人曰王谓叔父敬服王命以绥四国糾逖王慝晋侯三辞再拜稽首曰重耳敢不奉扬天子之丕显休命三月癸丑晋侯齐侯宋公鲁侯蔡侯郑伯卫子莒子盟于王庭王子虎蒞盟曰皆獎王室无相害也陈侯如防鲁侯朝王或诉元咺于卫侯曰立叔武矣其子角从公公使杀之咺不废命奉叔武以入守晋人复卫侯甯俞与卫人盟曰天祸卫国君臣不协以及此忧也今天诱其衷使皆降心以相从不有居者谁守社稷不有

行者谁扞牧圉自今以往既盟之后行者无保其力居者无惧其罪国人闻此而后不贰四月卫侯先期入公子歛犬前驱叔武将沐闻君至喜捉发走出前驱射而杀之公知其无罪也枕之股而哭歛犬走出公使杀之元咺出奔晋陈侯薨諡曰穆公子朔嗣 夫人鲁伯姬归宁于鲁鲁遂如齐晋侯会齐侯宋公蔡侯郑伯陈子莒子邾子秦人于温召王以诸侯见且使王狩仲尼曰以臣召君不可训也壬申鲁侯朝王卫侯与元咺讼甯俞为辅鍼庄子为坐士荣为大士卫侯不胜杀士荣刖鍼庄子谓甯俞忠而免之执卫侯归之于京师寘诸深室元咺归于卫立公子瑕许男不防诸侯围之晋侯有疾曹伯之竖侯獯货筮史使曰以曹为解曹叔振铎文之昭也先君唐叔武之穆也且合诸侯而灭兄弟非礼也与衛偕命而不与偕复非信也同罪异罚非刑也公説复曹伯遂防诸侯于许晋侯作三行以御狄荀林父将中行屠击将右行先蔑将左行经曰二十有八年春晋侯侵曹晋侯伐卫【按左氏初公子重耳之出亡也曹卫皆不礼焉至是侵曹伐卫再称晋侯者讥复怨也春秋之时用兵者非懷私复怨则利人土地耳诗云百尔君子不知德行不忮不求何用不臧不忮则能惩忿不求则能窒欲然后贪愤之兵亡矣或曰曹卫背华即夷于是乎致武奚为不可曰楚人搂诸侯以围宋陈蔡郑许举兵而同防鲁公与防而同盟楚虽得曹新昏于卫然其君不在防其师不与围以方诸国不犹愈乎又况卫已请盟而晋人弗之许也书曰必有忍其乃有济有容德乃大文公能忍于奄豎里鳧须矣何独不能忍于曹卫乎再称晋侯者甚之也下书楚人救衛则讥晋深矣春秋责备贤者而乐与人改过责备贤者故再称晋侯乐与人改过故卫已请盟不当拒而絶之也】公子买戍卫不卒戍刺之【按左氏买为楚戍卫而以不卒戍刺之则知买无罪矣杀无罪之主将以苟説于强国于是乎不君矣故特书其故以贬之也】楚人救卫三月丙午晋侯入曹执曹伯畀宋人【古者覲文匿武脩其训典序成而不至于是乎有攻伐之兵故孟子谓万章曰子以为有王者作将比今之诸侯而诛之乎其教之不改而后诛之乎曹伯嬴者未狎晋政莫知所承晋文不脩词令遽入其国既执其君又分其田暴矣欲致楚兵与之战而以曹伯畀宋人谯矣虽一战胜楚遂主夏盟举动不中于礼亦多矣徒乱人上下之分无君臣之礼其功虽高道不足尚也故曰五伯三王之罪人仲尼之徒无道桓文之事者】夏四月己巳晋侯齐师宋师秦师及楚人战于城濮楚师败绩【楚称人贬也战而言及主乎是战者也楚虽请战而及在晋侯诛其意也荆楚恃强凭陵诸夏灭黄而霸主不能恤败徐于娄林而诸大夫不能救执中国盟主而在防者不敢与之争今又戍谷逼齐合兵围宋战胜中国震动天下非有城濮之败则民其被发左衽矣宜有美词称扬其绩而春秋所书如此其畧何也仁人明其道不计其功正其义不谋其利文公一战胜楚遂主夏盟以功利言则高矣语道义则三王之罪人矣知此説则曾西不为管仲而仲尼孟子虽老于行而不悔其有以夫】楚杀其大夫得臣【得臣信有罪矣而楚子知其不可敌而少与之师又以一败杀之是以师为重而弃其将以与之也是晋再克而楚再败也故称国以杀而不去其官以仲尼书郑弃其师与楚杀得臣之事观之可为末世之永鉴矣】卫侯出奔楚【诸侯失国出奔未有不名者卫侯何以不名著文公之罪也卫侯失守社稷背华即夷于文公何罪乎卫之祸文公为之也即齐晋盟于斂孟卫侯请盟晋人不许是塞其向善之心虽欲自新改辙而其道无由也高帝一封雍齿而功臣不竞世祖烧弃文书而反侧悉安使文公释怨许卫结盟南向诸侯弃楚而归晋矣忿不思难惟怨是图必使卫侯窜身无所奔于荆蛮归于京师兄弟相残君臣交讼谁之咎也夫心不外者乃能统大众智不啻者乃能防大事文公欲王夏盟取威定霸而举动烦扰若不胜任者惟啻智自私而心不广也春秋于卫侯失国出奔不以其罪名之而重文公之咎盖端本议刑责备贤者之意

也】五月癸丑公防晋侯齐侯宋公蔡侯郑伯卫子莒子盟于践土【践土之防天王下劳晋侯削而不书何也周室东迁所存者号与祭尔其实不及一小国之诸侯晋文之爵虽曰侯伯而号令天下几于改物实行天子之事此春秋之名实也与其名存实亡犹愈于名实俱亡是故天王下劳晋侯于践土则削而不书去其实以全名所谓君道也父道也晋侯以臣召君则书天王狩于河阳正其名以统实所谓臣道也子道也而天下之大伦尚存而不灭矣卫侯奔楚不书名曰未绝其位也叔武受盟而称卫子者立以为君也此见圣人深罪晋文报怨行私专权自恣废置诸侯之意】陈侯如防公朝于王所【朝不言所言所非其所也朝于庙礼也于外非礼也有虞氏五载一巡狩羣后四朝周制十有二年王乃时巡诸侯各朝于方岳亦何必于京师于庙然后为礼乎古者天子巡狩于四方有常时诸侯朝于方岳有常所其宫室道途可以预脩故民不劳其供给调度可以预备故国不费今天王下劳晋侯公朝于王所则非其时与地矣自秦而后巡游无度至使长吏以仓卒不办被诛民庶以烦劳不给生厌盖春秋之义不行故也然则天子在是其可以不朝乎天子在是而诸侯就朝礼之变也春秋不以诸侯就朝为非而以王所非其所为贬正其本之意也】六月卫侯郑自楚复归于卫卫元咺出奔晋【卫侯失国出奔则不名复归得国何以名杀叔武也叔武者卫侯之弟也晋文公有憾于卫侯而不释怨于是逐卫侯立叔武叔武辞立而他人立则恐卫侯之不得反也于是已立乎其位始反卫侯卫侯得反而疑其弟则曰叔武篡我元咺争之曰叔武无罪卫侯不信其言终杀叔武是不念鞠子哀而以争国为心乱民彝灭天理其为罪大矣此其所以名也元咺由是走之晋而讼其君然卫侯初归则称复再归何以不称复乎春秋立法甚严而待人以恕郑之初归虽杀叔武既名之矣犹意其或出于悞而能革也是以称复及其再归又杀元咺及公子瑕则是终以争国为心长恶不悛无自艾之意矣是以不称复其曰归于卫者易词也诸侯嗣故称复者继之也不称复者绝之也而国非其国矣】陈侯款卒秋 伯姬来公子遂如齐冬公防晋侯宋公蔡侯郑伯陈子莒子邾子秦人于温天王狩于河阳【按左氏晋侯召王以诸侯见仲尼曰以臣召君不可以训故书天王狩于河阳以尊周而全晋也啖助谓以常礼言之晋侯召君名义之罪人也其可训乎若原其自嫌之心嘉其尊王之意则请王之狩忠亦至焉故夫子特书狩于河阳所谓原情为制以诚变礼者也夫践土之防王实自往非晋罪也故为王而讳足矣温之防晋则有罪而其情顺也故既为王讳之又为晋解之于是见春秋忠恕也】壬申公朝于王所晋人执卫侯归之于京师卫元咺自晋复归于卫【其言归之于者执不以正之词也古之君臣无狱诸侯不专杀为臣执君故卫侯不名而元咺称复大夫不世其称复绝之也自晋者晋有奉焉因其力也归者易词以文公为之主故其归无难而方伯之罪亦明矣是以执而称人不得为伯讨也】诸侯遂围许【诸侯比再防天子再至皆朝于王所以许独不防以其不臣也故诸侯围许按古者巡狩诸侯各朝于方岳今法天子行幸三百里内亦皆问起居许距河阳践土近矣而可以不防乎称遂继事之词也】曹伯襄复归于曹遂防诸侯围许【曹伯襄何以名其归之道非所以归也晋侯有疾使其竖侯孺货筮史曰以曹为解晋侯恐于是反曹伯夫以赂得国而春秋名之比于失地灭同姓之罪以此知圣人严于义利之别以正性命之理其説行而天下定矣岂曰小补之哉】

二十一年介葛卢朝于鲁鲁侯防王子虎晋狐偃宋公孙固齐国归父陈轅涛涂秦小子憖盟于翟泉鲁大雨雹介葛卢以未见公复来朝晋狐毛卒使赵衰代之辞曰城濮之役先且居有三赏军伐善君能其官且臣之伦箕郑胥婴先都在乃使且居将上军经曰二十有九年春介

葛卢来公至自围许夏六月防王人晋人宋人齐人陈人蔡人秦人盟于翟泉【按左氏公防王子虎晋狐偃宋公孙固齐国归父陈辕涛涂秦小子憖盟于翟泉则皆列国之贵大夫与王子而公与防也其贬而称人讳不书公何也翟泉近在洛阳王城之内而王子虎于此下与列国盟是谓上替诸侯大夫入天子之境虽贵曰士而于此上盟王子虎是谓下陵而无君之心着矣故以为大恶讳公而不书诸国之卿贬称人而王子亦与焉者此正其本之义也】秋大雨雹【雹者戾气也陰胁阳臣侵君之象当是时僖公即位日从季氏世卿公子遂专权政在大夫萌于此矣】冬介葛卢来

二十二年冬十一月晋人侵郑以观其可攻与否狄间晋之有郑虞也遂侵齐晋侯使医衍酖卫侯甯俞货医使薄其酖不死臧孙辰言于鲁侯曰卫君之罪何至是刑无有隱者隱乃讳也今晋如是讳杀之也君盍请之以亲兄弟之国公为之请晋侯将杀之王曰不可夫君臣无狱而叔父听之一逆矣况为臣而杀其君乎乃释卫侯卫侯使赂周黻冶廛曰苟能纳我吾使尔为卿周冶杀元咺公子瑕及瑕弟子仪卫侯归于卫晋侯秦伯围郑以其无礼于晋且贰于楚也郑公子兰在晋晋侯欲与之围郑兰固辞许之晋军函陵秦军汜南郑使烛之武见秦伯曰若亡郑而有益于君敢以烦执事越国以鄙遠君知其难也焉用亡郑以陪邻邻之厚君之薄也若舍郑以为东道主行李之往来供其乏困君亦无所害且君尝为晋君赐矣许君焦瑕朝济而夕设版焉君之所知也夫晋何厌之有既东封郑又欲肆其西封不阙秦焉取之阙秦以利晋惟君图之秦伯說与郑人盟使子逢孙杨孙戍之乃还狐偃请击之公曰不可微夫人之力不及此吾其还也亦去之初郑伯有妾曰燕姑梦天使与己兰既而文公与之兰生子遂以名之时子兰在晋公使石甲父侯宣多逆之以为世子而求成焉晋人许之介人侵萧王使宰周公阅聘于鲁使仲遂如京师遂初聘于晋经曰三十年春王正月夏狄侵齐【左氏曰晋人伐郑以观其可攻与否狄间晋之有郑虞也遂侵齐诗不云乎戎狄是膺荆舒是惩四夷交侵所当攘斥晋文公若移图郑之师以伐之则方伯连率之职修矣上书狄侵齐下书图郑此直书其事而义自见者也】秋卫杀其大夫元咺【元咺讼君为恶君归则已出君出则已归无人臣之礼信有罪矣则称国以杀而不去其官何也春秋之法躬自厚而薄责于人君子之道譬诸射失诸正鹄反求诸己卫侯之躬无乃有阙盍亦省德而内自讼乎夫称国以杀者君与大臣专杀之也卫侯在外其称国以杀何也谷梁子曰待其杀而后入也待其杀而后入是志乎杀咺瑕者也兵莫憚于志鎡鋸为下卫侯未入称国以杀此春秋诛意之论也然则大臣何与焉从君以恶而不能止故并罪之也】及公子瑕【公子瑕未闻有罪杀之何也元咺立以为君故卫侯忌而杀之也然不与卫剽同者是瑕能拒咺辞其位而不立也不与陈佗同者是瑕能守节不为国人之所恶也故经以公子冠瑕而称及见瑕无罪事起元咺以咺之故延及于瑕而卫侯忌刻专杀濫刑之恶着矣】卫侯郑归于卫【卫侯出奔于楚则不名见执于晋则不名今既归国复有其土地矣何以反名之乎不名者责晋文之以小怨妨大德名之者罪卫侯郑之以伎害成本枝古者天下为公选贤与能不以为异况于戚属岂有疑间猜忌之心哉末世隆怨薄恩趋利弃义有国家者恐公族之轧已至于网罗诛杀无以庇其本根而社稷倾覆如六朝者众矣卫侯始归而杀叔武再归而及公子瑕是葛藟之不若而春秋之所恶也故再书其名为后世戒此义苟行则六朝之君或亦少省矣】晋人秦人围郑【书晋人秦人者贬之也于晋秦何贬乎行有不得者皆反求诸己而已矣晋文以私忿勤民动众围人之国秦伯惟利为向背从烛之武之言不以义举也而二国结衅连兵暴骨原野自此始矣】介

人侵萧冬天王使宰周公来聘公子遂如京师遂如晋【大夫出疆有以二事出者有以一事出而专继事者其书皆曰遂公子遂如周及晋以祭公自鲁逆王后皆所谓以二事出者也公子结往媵而及齐宋盟则专继事者也是非得失则存乎其事矣冢宰上兼三公其职仕为至重而来聘于鲁天王之礼意莫厚焉鲁侯既不朝京师而使公子遂往又以二事出夷周室于列国此大不恭之罪履霜坚冰之渐春秋之所诛而不以听者也则何以无贬乎有不待贬絶而罪恶见者不贬絶以见罪恶】

二十三年晋告诸侯受曹地鲁臧孙辰行宿于重馆重馆人曰晋新得诸侯必亲其共不速行将无及也从之分曹地自洮以南东傅于齐鲁仲遂如晋拜曹田也鲁四卜郊不从乃免牲礼不卜常祀而卜其牲日牛卜日曰牲止祀泰山河海晋搜于清原作五军以御狄公曰赵衰三让其所让皆社稷之卫也使将新上军 夫人伯姬归鲁求妇焉狄围卫迁于帝丘卜曰三百年卫侯梦康叔曰相夺予享公命祀相甯俞曰 神非其族类不歆其祀杞鄫何事相之不享于此久矣非卫之罪也不可以间成王周公之命祀请改祀命海有鸟曰爰居止于鲁东门之外三日臧文仲使国人祭之展禽曰越哉圣王之制祀也法施于民则祀之以死勤事则祀之以劳定国则祀之能御大灾则祀之能扞大患则祀之及天之三辰民之瞻仰也及地之五行所以生殖也及九州名山川泽所以出财用也非此族也不在祀典海鸟之至避其灾乎而祀之难以为仁且智矣经曰三十有一年春取济西田【公羊曰取之曹也晋侯执曹伯班其所侵地于诸侯不繫国者吾故田也复吾故田而谓之取何也春秋之法不以乱易乱】公子遂如晋夏四月四卜郊【记礼者曰祭帝于郊所以定天位也礼行于郊而百神受职焉鲁诸侯何以有郊成王以周公有大勲劳于天下命鲁公世世祀周公以天子之礼乐是故鲁君孟春乘大辂载弧韞旂十有二旒日月之章祀帝于郊配以后防天子之礼也以人臣而用天子之礼可乎是成王过赐而鲁公伯禽受之非也 子曰天子之制诸侯庸节节莫差于僭僭莫重于祭祭莫重于地地莫重于天诸侯而祀天其僭极矣圣人于春秋欲削而不存则无以志其失为后世戒悉书之乎则歳事之常有不胜书者是故因礼之变而书于策或以卜或以时或以望或以牲或以牛于变之中又有变焉者悉书其事而谓言偃曰鲁之郊禘非礼也周公其衰矣祀之郊也禹也宋之郊也契也是天子之事守也言杞宋夏商之后受命于周作寘王家统承先王脩其礼物其得行郊祀而配以其祖非列国诸侯之比也是故天子祭天地诸侯祭社稷祝嘏莫敢易其常嘏易则乱名犯分人道之大经拂矣故曰郊社之礼所以事上帝也宗庙之礼所以祀乎其先也明乎郊社之礼禘尝之义治国其如指诸掌乎夫庶人不得祭五祀大夫之不得祭社稷诸侯之不得祭天地非欲故为等衰盖不易之定理也知其理之不可易则安于分守无欲僭之心矣为天下国家乎何有】不从乃免牲【古者大事决于卜故洪范稽疑独以龟为主卜而不从则不郊矣故免牲】犹三望【望祭也有虞氏受终而望因于类巡守而望因于柴皆天子之事也今鲁不郊而望故特书曰犹犹者可以己之词其言三望何也天子有方望无所不通诸侯非名山大川在其封内者则不祭鲁得用重礼视王室则杀故望止于三比诸侯则隆故河海虽不在其封而亦祭然非诸侯之所得为也】秋七月冬 伯姬来求妇【荡伯姬来逆妇而书者以公自为之主失其班列书也 伯姬敌矣其来求妇曷为亦书见妇人之不可预国事也王后之诏命不施于天下夫人之教令不施于境中昏姻大事也 独无君乎而夫人主之也故特书于策以为妇人乱政之戒母为子求妇犹曰不可何况于他乎此义行无吕武之祸矣乎】秋围卫十有二月卫迁于帝丘【帝丘东郡濮阳颍阴

之虚亦卫地也狄尝迫逐黎侯寓于卫而卫不能修方伯连帅之职戎尝伐凡伯于楚丘而卫不能救王臣之患其后遂为狄人所防东徒渡河矣齐桓公攘夷狄封之而卫国忘亡今又为狄所围其迁于帝丘避狄难也而中国衰防夷狄强盛卫侯不能自强于政治晋文无郤四夷安诸夏之功莫不见矣】

皇王大纪卷四十四

宋 胡宏 撰

三王纪

襄王

二十四年楚鬬章请平于晋晋阳处父报之晋楚始通二月己丑郑伯捷薨諡曰文公子兰嗣狄有乱卫人侵狄狄请平焉卫人许之冬十月己卯晋侯重耳薨諡曰文公子謹嗣卫侯不朝于晋使孔达侵郑伐絺訾及匡 子使告于秦曰郑人使我掌其北门之管若潜师以来国可得也蹇叔曰劳师以袭远非所闻也师劳力竭远主备之无乃不可乎师之所为郑必知之勤而无所必有悖心公不听召百里孟明视西乞术白乙丙帅师而东蹇叔哭之曰晋人御师必于殽殽有二陵必死是间经曰三十有二年春王正月夏四月己丑郑伯捷卒卫人侵狄秋卫人及狄盟【按左氏狄有乱卫人侵狄狄请平焉卫人及狄盟其不地者盟于狄也再书卫人而称及者所以罪卫也盟防中国诸侯之礼衰世之事已非春秋之所贵况与戎狄为交即其庐帐而刑牲防血以要之哉】冬十有二月己卯晋侯重耳卒【按左氏载秦伯纳晋文公及杀怀公于高粱其事甚详而春秋不书者以为不告也徐邈曰诸侯有朝聘之礼赴告之命所以敦交好通忧虞若邻国相望而情志否隔存亡祸福不以相关则他国之史无由得书鲁政虽陵典刑犹在史防所录不失常法其文足证仲尼修之事仍本史有可损而不可益也】

二十五年甲午秦师过周北门左右免胄而下超乘者三百乘王孙满观之曰秦师轻而无礼入险必败及滑郑商人 高将市于周遇之以乘韦先牛十二犒师曰寡君闻吾子将步师出于敝邑敢犒从者不腆敝邑为从者之淹居则备一日之积行则备一夕之卫且使遽告于郑郑伯使视客馆则束载厉兵秣马矣使皇武子辞焉曰吾子淹久于敝邑唯是脯资饩牵竭矣为吾子之将行也郑之有原圃犹秦之有具囿也吾子取其麋鹿以间敝邑若何 子奔齐逢孙杨孙奔宋百里孟明曰郑有备矣不可冀也灭滑而还齐大夫国庄子归父聘于鲁先轸言于晋侯曰秦违蹇叔而以贪勤民天奉我也奉不可失敌不可纵纵敌患生违天不祥栾枝曰未报秦施而伐其师其为死君乎轸曰秦不哀吾丧而伐吾同姓秦则无礼何施之为一日纵敌数世之患也谋及子孙可谓死君乎遂发命遽兴姜戎子墨衰经二月辛巳败秦师于殽获三帅以归癸巳遂墨以葬文公文嬴请三帅晋侯归之先轸朝问秦囚公曰舍之矣轸怒曰武夫力而拘诸原妇人暂而免诸国墮军实而长寇讐亡无日矣公使追之及诸河则在舟中矣秦伯素服郊次乡师而哭曰孤违蹇叔以辱二三子孤之罪也初百里奚相秦有大功请老秦伯使为五羖大夫终其身视其子也秦伯曰吾不以一眚掩大德复使孟明为政作秦誓秦誓公曰嗟我士听无哗予警告汝羣言之首古人有言曰民讫自若是多盘责人斯无难惟受责俾如流是惟艰哉我心之忧日月逾迈若弗云来惟古之谋人则曰未就予忌惟今之谋人姑将以为亲虽则云然尚猷询兹黄发则罔所愆番番良士旅力既愆我尚有之伋伋勇夫射御不违我尚不欲惟截截善谗言俾君子易辞我皇多有之昧昧我思之如有一个臣断断猗无他技其心休休焉其如有容人之有技若已有之人之彦圣其心好之不懈如自其口出寔能

容之以能保我子孙黎民亦职有利哉人之有技媚疾以恶之人之彦圣而违之俾不通寔不能容以不能保我子孙黎民亦曰殆哉邦之机隍曰由一人邦之荣怀亦尚一人之庆狄侵齐鲁侯伐邾晋侯伐狄于箕郤缺获白狄子先轸入狄师死焉曰吾自讨也晋侯命其子且居将中军初胥臣过冀见郤缺耨其妻饁之敬相待如賓与之归言诸文公曰敬德之聚也能敬必德德以治民君请用之公曰其父芮诛对曰康诰曰父不慈子不祗兄不友弟不恭不相及也以为大夫反自箕以一命命缺为卿复与之冀亦未有军行八月鲁侯朝于齐且吊有狄师十月乙巳鲁侯申薨諡曰僖公子兴嗣陨霜不杀草李梅实晋陈郑伐许讨其贰于楚也经曰三十有三年春王二月秦人入滑齐侯使国归父来聘夏四月辛巳晋人及姜戎败秦于殽【按书序秦穆公伐郑晋襄公帅师败诸殽而经书晋人败秦于殽是皆仲尼亲笔其词何以异乎书序专取穆公悔过自誓之言止于劝善其词恕春秋备书秦晋无道用兵之失兼于惩恶其法此所以异也晋襄亲将绌不称君者俯逼葬期忘亲背惠墨衰经而即戎其恶甚矣视秦犹狄其罪云何客人之馆而谋其主因人之信己而逞其诈利人之危而袭其国越人之境而不哀其防叛盟失信以贪勤民而弃其师狄道也夫杞子先轸之谋偷见一时之利徼幸其成自以为功者也二君皆过听焉而贪其利是使为人臣者怀利以事其君为人子者怀利以事其父君臣父子去仁义怀利以相与利之所在则从之矣何有于君父故一失则夷狄再失则禽兽而大伦灭矣春秋人晋子而狄秦所以立人道存天理也】癸巳葬晋文公狄侵齐公伐邾取訾娄秋公遂帅师伐邾【按左氏公伐邾取訾娄报升降之役邾人不设备襄仲复伐之此皆不胜忿欲报怨贪得恃强陵弱不义之兵也盖书其事而罪自见矣或曰取湏句訾娄有为之也伐邾至于再三念母勤矣大念母者必当止乎礼义平王不抚其民而遽屯戍于母家诗人刺之夫子録焉僖公以成风之有功于己也越礼以尊其身违义以报其怨残民动众取人之邑曾是以以为可乎】晋人败狄于箕冬十月公如齐十有二月公至自齐乙巳公薨于小寝【左氏曰即安也周制王官六寝路寝一小寝五君日出而眡朝退适路寝听政使人眡大夫退然后适小寝释服是路寝治事之所也而小寝燕息之地也公羊以西宫为小寝鲁子以诸侯有三宫则列国之制盖降于王其以路寝为正则一尔君终不于路寝则非正矣曾子曰吾得正而毙又何求哉古人贵于得正乃如此凡此直书而义自见矣】陨霜不杀草李梅实【哀公问于仲尼曰春秋记陨霜不杀草何为记之也曰此言可杀也大宜杀而不杀则李梅冬实天失其道草木犹干犯之而况君乎是故以天道言四时失其序则其施必悖无以统万象矣以君道言五刑失其用则其权必丧无以服万民矣哀公欲去三桓张公室问社于宰我宰我对以使民战栗盖劝之断也仲尼则曰成事不说既往不咎其自与哀公言乃以为可杀何也在圣人则能处变而不失其常在贤者必有小贞吉大贞凶之戒矣其论陨霜杀草则李梅冬实盖除恶于微虑患于早之意也】晋人陈人郑人伐许

二十六年冬十二月癸亥日有食之春二月王使叔服防鲁葬其君僖公又使毛伯卫赐鲁侯命晋侯既祥使告于诸侯伐卫及南阳先且居曰效尤祸也请君朝王臣从师晋侯朝王于温先且居伐卫围戚取之鲁叔孙得臣来拜锡命卫人使告于陈陈侯曰更伐之我辞之卫孔逵帅师伐晋晋侯疆戚田鲁公孙敖防之初楚王将以商臣为太子访诸令尹子上对曰君之齿未也而又多爱黜乃乱也楚国之举恒在少者且是人也蠡目而豺声忍人也不可立也弗听既又欲立王子职而黜太子商臣闻之而未察告其师潘崇崇曰享江 而勿敬也从之江芊怒曰呼役夫宜君王之欲杀汝而立职也崇曰能事诸乎曰不能能行乎曰不能能大事乎曰

能八月丁未以宫甲围王王请食熊蹯而死弗听乃缢諡曰成王商臣立以其为太子之室与潘崇使为太师且掌环列之尹鲁公孙敖聘于齐凡君即位卿出竝聘践脩旧好要结外援好事邻国以卫社稷忠信卑讓之道也忠德之正也信德之固也卑讓德之基也经曰元年春王正月公即位【即位者告庙临羣臣也国君嗣世定于初防必逾年然后改元书即位者缘始终之义一年不二君緣民臣之心不可旷年无君按书载舜禹受终传位之事在舜则曰月正元日格于文祖在禹则曰正月朔旦受命于神宗率百官若帝之初夫于文祖神宗则告庙也率百官若帝之初则临羣臣也自古通丧三年其以凶服则不可入宗庙其以吉服则斩焉在衰絰之中不可既成而又易之也如之何而可子张问于孔子高宗谅陰三年不言何谓也子曰何必高宗古之人皆然君薨百官总己以听于冢宰三年则告庙临羣臣固有摄行之礼矣按商书称太甲元年伊尹祠于先王则摄而告庙之证也百官总己以听冢宰则摄而临羣臣之证也其曰祗见厥祖者言伊尹以奉嗣王之事祗见太甲之祖也至三祀十有二月伊尹以冕服奉嗣王则免防从吉之证也然顾命康诰记成王之崩其君臣皆冕服何也当是时成王方崩就殡犹未成服故用麻冕黼裳入受顾命已受命诰诸侯而后释冕反丧服者于是成服而宅忧也或以为康王释服离次而即吉则误矣】二月癸亥日有食之天王使叔服来防葬【凡薨卒葬人道始终之大变也不以得礼为常事而不书其或失礼而害于王法之甚者圣人则有削而不存以示义者矣】夏四月丁巳葬我君僖公天王使毛伯来锡公命【诸侯终防入见则有锡歲时来朝则有锡能敌王所忒则有锡黻冕圭璧因其终防入见而锡之者也礼所谓防毕以士服见天子已见赐之黻冕圭璧然后归是已车马袞黻因其歲时来朝而锡之者也诗所谓君子来朝何锡予之路车乘马又何予之 袞及黼是已彤弓旅矢因其敌气献功而锡之者也诗所谓彤弓昭兮受言藏之我有嘉賓中心祝之钟鼓既设一朝享之是已今文公 世防制未毕非初见 朝而献功也何为来锡命乎故谷梁子曰礼有受命无来锡命来锡命非正也】晋侯伐卫叔孙得臣如京师卫人伐晋秋公孙敖防晋侯于戚冬十月丁未楚世子商臣弑其君頹【书世子弑君者有父之亲有君之尊而至于弑逆此天理大变人情所深骇春秋详书其事欲以起问者察所由示惩诫也唐世子 受左氏春秋至此废书叹曰经籍圣人垂训何书此也郭瑜对曰春秋义存褒贬以善恶为劝诫故商臣十载而恶名不灭 曰非惟口不可道故亦耳不忍闻愿受他书瑜请诣礼世子从之呜呼圣人大训不明于后世皆腐儒学经不知其义者之罪耳其乱臣贼子虽防奔在前斧钺加于颈而不避顾谓身后恶名足以像其邪志而惩于为恶岂不谬哉持此晓人可谓茅塞其心意矣若语之曰为人君父而不通于春秋之义者必防首恶之名为人臣子而不通于春秋之义者必陷篡弑诛死之罪圣人书此者使天下后世察于天伦知所以为君臣父子之道而免于首恶之名诛死之罪也则世子 而闻此必将 然畏惧知春秋之不可不学矣学于春秋必明臣子之义不至于奏请拂防而见酖矣传者案也经者断也考于传之所载可以见其所由致之渐岂隱乎嫡妾必正而楚子多爱立子必长而楚国之举常在少者养世子不可不慎也而以潘崇为之师侍膳问安世子职也而多置宫甲防而不憾憾而能眇者鲜矣乃欲黜兄而立其弟谋及妇人宜其败也而使江芊知其情是以不仁处其身而以不孝处其子也其及宜矣楚頹僭王凭陵中国战胜诸侯毒被天下然昧于君臣父子之道祸发萧墙而不之觉也不善之积岂可揜哉君不君则臣不臣父不父则子不子春秋书世子弑其君者推本所由而着其首恶为万世之大戒也然则商臣无贬矣曰弑父与君之贼其恶犹待于贬而后着乎】公孙敖如齐二十七年秦孟明帅师伐晋晋侯御之箕之役狼曠为右先軫黜之其友曰盍死之曠曰吾未获死所

死而不义非勇也吾以勇求右无勇而黜亦其所也子姑待之冬十二月甲子秦晋战于彭衙狼瞫以其属驰秦师死焉晋师从之秦师败绩孟明归增修国政重施于民晋赵衰言于诸大夫曰秦师又至将必辟之惧而增德不可当也丁丑鲁始作僖公主晋人讨于鲁以其不朝也鲁侯如晋春正月乙巳晋人使大夫阳处父盟鲁侯而耻之夏四月宋公陈侯郑伯晋士穀鲁公孙敖防盟于垂陇谋讨卫也陈侯为卫请成于晋执孔达以説晋鲁不雨自去年十月至于五月六月丁卯鲁禘于太庙跻公夏父弗忌为宗伯曰先大后小顺也跻圣贤明也有司曰宗庙之有昭穆以次世之长幼而等胄之亲疏也自 王及主癸莫若汤自稷及王季莫若文武商周之庙未尝跻汤与文武也弗忌不听君子以为失礼礼无不顺祀国之大事也而逆之可乎子虽齐圣不先父食久矣故禹不先鯀汤不先契文武不先不窋诗曰皇天后帝皇祖后稷谓后稷亲而先帝也问我诸姑遂及伯姊谓姊亲而先姑也展禽曰犯顺以逆不祥莫大焉展禽为士师三黜人曰子未可以去乎曰直道而事人焉往而不三黜枉道而事人何必去父母之邦季孙行父欲尊美僖公请命于周而史克作颂焉駉颂僖公能遵伯禽之法俭以足用寛以爱民务农重谷牧于坰野駉駉牡马在坰之野【駉駉良马腹干肥张也坰遠郊也邑外曰郊郊外曰野野外曰林林外曰坰】薄言駉者有騶有皇有骊有黄以车彭彭【牧之坰野则駉駉然骊马白跨曰騶黄白曰皇纯黑曰骊黄骀曰黄诸侯六闲马四种有良马有戎马有田马有弩马彭彭有力有容也】思无疆思马斯臧駉駉牡马在坰之野薄言駉者有雅有駉有骀有騊以车伾伾【苍白杂毛曰雅黄白杂毛曰駉赤黄曰骀苍騊曰騊伾伾有力也】思无期思马斯才【才多材也】駉駉牡马在坰之野薄言駉者有驪有骆有騊有雒以车绎绎【青骊曰驪白马黑鬣曰骆赤身黑鬣曰騊黑身白鬣曰雒绎绎善走也】思无斁思马斯作【作始也】駉駉牡马在坰之野薄言駉者有駉有騊有驪有鱼以车祛祛【陰白杂毛曰駉彤白杂毛曰騊豪駉曰驪二目白曰鱼祛祛彊健也】思无邪思马斯徂有駉三章章九句颂僖公君臣之有道也有駉有駉駉彼乘黄【駉马肥彊貌马肥彊则能升高进遠臣彊力则能安国】夙夜在公在公明明振振鹭鹭于下鼓咽咽醉言舞于胥乐兮【振振羣飞貌鹭白鸟也以兴洁白之士咽咽鼓节也】有駉有駉駉彼乘牡夙夜在公在公饮酒【言臣有余敬而君有余惠】振振鹭鹭于飞鼓咽咽醉言归于胥乐兮有駉有駉駉彼乘駉【青骊曰駉】夙夜在公在公载燕自今以始歲其有君子有谷貽孙子于胥乐兮【歲其有丰年也】泮水八章章八句颂僖公能修泮宫也思乐泮水薄采其芹【泮水泮宫之水也天子辟廱诸侯泮宫言水则采取其芹宫则采取其化】鲁侯戾止言观其旂其旂茷茷鸾声哶哶无小无大从公于迈【戾来止至也言观其旂言法则其文章也茷茷言有法度也哶哶言有声也】思乐泮水薄采其藻鲁侯戾止其马蹻蹻其马蹻蹻其音昭昭【其马蹻蹻言彊盛也】载色载笑匪怒伊教【色温润也】思乐泮水薄采其茆【茆鳬葵也】鲁侯戾止在泮饮酒既饮防酒永锡难老顺彼长道屈此羣丑【屈收丑众也】穆穆鲁侯敬明其德敬慎威仪维民之则允文允武昭假烈祖靡有不孝自求伊祜明明鲁侯克明其德既作泮宫淮夷攸服矫矫虎臣在泮献馘淑问如臯陶在泮献囚【囚拘也】济济多士克广德心桓桓于征狄彼东南【桓桓威武貌】烝烝皇皇不吴不扬不告于酺在泮献功【烝烝厚也皇皇美也扬伤也】角弓其觶束矢其搜戎车孔博徒御无斁既克淮夷孔淑不逆【觶弛貌五十矢为束搜众意也】式固尔犹淮夷卒获翩彼飞鸢集于泮林食我桑黮懷我好音【翩飞貌鸢恶声之鸟也黮桑实也】憬彼淮夷来献其琛元 象齿大赂南金【憬遠行貌琛寶也元 尺二寸赂遗也南谓荆扬也】閟宫八章二章章十七句一章十二句一章三十八句二章章八句二章章十句颂僖

公能复周公之宇也閼宫有恤实实枚枚【閼闭也先妣姜嫄之庙在周常闭而无事孟仲子曰是祿宫也恤清静也实实广大也枚枚蓍密也】是生后稷降之百福黍稷重穰稷苽麦奄有下国俾民稼穡【先种曰植后种曰穰】有稷有黍有稻有秬奄有下土纘禹之绪【绪业也】后稷之孙实维太王居岐之阳实始翦商【翦齐也】至于文武纘太王之绪致天之届于牧之野无贰无虞上帝临女【虞误也】敦商之旅克咸厥功王曰叔父建尔元子俾侯于鲁大啓尔宇为周室辅【王成王也元首宇居也】乃命鲁公俾侯于东锡之山川土田附庸周公之孙庄公之子龙旂承祀六轡耳耳春秋匪解享祀不忒【周公之孙庄公之子谓僖公也耳耳然至盛也】皇皇后帝皇祖后稷享以骍牺是飨是宜降福既多【骍赤牺纯也】周公皇祖亦其福女秋而载尝夏而楅衡白牡骍刚牺尊将将毛炰醢羹笾豆大房万舞洋洋孝孙有庆【诸侯夏禘则不祔秋祫则不尝惟天子兼之楅衡设牛角以楅之也白牡周公牲也骍刚鲁公牲也牺尊有沙饰也毛炰豚也醢肉也羹大羹铏羹也大房半体之俎也羊洋众多也】俾尔炽而昌俾尔壽而臧保彼东方鲁邦是常不亏不崩不震不腾三壽作朋如冈如陵公车千乘朱英緑滕二矛重弓【大国之赋千乘朱英矛饰也滕绳也重弓重于鬯中也】公徒三万贝胄朱綬烝徒增增【贝胄贝饰也朱綬以朱綬缀之增增众也】戎狄是膺荆舒是惩则莫我敢承【膺当承止也】俾尔昌而炽俾尔壽而富黄髮台背寿胥与试俾尔昌而大俾尔耆而艾万有千歳眉寿无有害泰山岩岩鲁邦所詹奄有 防遂荒大东至于海邦淮夷来同莫不率从鲁侯之功【詹至也 山也防山也荒有也】保有鳧绎遂荒徐宅至于海邦淮夷蛮貊及彼南夷莫不率从莫敢不诺鲁侯是若【鳧山也绎山也宅犹居也淮夷蛮貊而夷行也南夷荆楚也若顺也】天锡公纯嘏眉寿保鲁居常与许复周公之宇【常许鲁南鄙西鄙】鲁侯燕喜令妻寿母宜太夫庶士邦国是有既多受祉黄髮儿齿徂来之松新甫之栢是断是度是防是尺【徂来山也新甫山也八尺曰寻】松栢有舄路寝孔硕新庙奕奕奚斯所作【栢櫟也舄大貌路寝正寝也新庙闵公庙也有大夫公子奚斯者作是庙也】孔曼且硕万民是若经曰春王二月甲子晋侯及秦师战于彭衙秦师败绩【战而言及者主乎是战者也夫敌加于己不得已而起者谓之应兵争恨小故不忍忿怒者谓之忿兵按左氏秦孟明帅师伐晋报殽之役此所谓忿兵疑罪之在秦也而以晋侯主之何哉处已息争之道遠怨之方也然则敌加于己纵其侵暴将不得应乎曰敌加于己而已有罪焉引咎责躬服其罪则可矣已则无罪而不义见加谕之以辞命犹不得免焉亦告于天子方伯可也若遽然兴师而与战是谓以桀攻桀何愈乎故以晋侯为土者处已息争之道寡怨之方王者之事也】丁丑作僖公主【作主者造木主也既葬而反虞虞主用桑期年而练祭练主用栗者藏主也何以书僖公薨至是十有五月然后作主慢而不敬甚矣夫慢而不敬积恶之原也以为无伤而不去至于恶积而不可揜所以谨之也】三月乙巳及晋处父盟【及处父盟者公也其不地于晋也讳不书公者抑大夫之伉不使与公为敌正君臣之分也适晋不书反国不致为公讳耻存臣子之礼也凡此类笔削鲁史之旧文众矣】夏六月公孙敖防宋公陈侯郑伯晋士穀盟于垂陇自十有二月不雨至于秋七月【书不雨至于秋七月而不曰至于秋七月不雨者盖后言不雨则是冀雨之词非文公之意也夫书不雨至于秋七月而止即八月尝雨矣然而不书八月雨者见文公之无意于雨不以民事繫忧乐也其怠于政事可知而鲁衰自此始矣】八月丁卯大事于大庙跻僖公【有事者时祭大事祫也合羣庙之主食于大庙升僖于闵之上也闵僖二公亲则兄弟分则君臣以为逆祀者兄弟之不先君臣礼也君子不以亲亲害尊尊故左氏则曰祀国之大事而逆之可乎子虽齐圣不先父食久矣公羊则曰其逆祀先祢而

后祖也谷梁则曰逆祀则是无昭穆也无昭穆则是无祖也闵僖非祖祢而为之祖祢者何臣子一例也夫有天下者事七世诸侯五世說礼者世指父子非兄弟也然三传同以闵公为祖而臣子一例是以僖公父视闵公为礼而父死子继兄亡弟及名号虽不同其为世一矣】冬晋人宋人陈人郑人伐秦【按左氏四国伐秦报彭衙之役则皆国卿也其贬而称人者晋人再胜秦师在常情亦可以已矣而复兴此役结怨勤民是全不务德專欲力争而报复之无已也以致济河焚舟之师故特贬而称人】公子遂如齐纳币【婚姻常事不书其书纳币者丧未终而图婚也夫娶在三年之外矣则何讥乎春秋论事莫重乎志志敬而节其与之知礼志和而音雅与之知乐志哀而居约与之知丧非虚加之也重志之谓也此皆使人私欲不行闲邪复礼之意】

二十八年冬十一月晋人宋人鲁叔孙庄叔得臣陈人卫人郑人伐沈以其服于楚也沈潰三月王子虎薨諡曰文公秦伯伐晋济河焚舟取王官及郊晋人不出遂自茅津济封殽尸而还楚息公子朱围江秋雨螽于宋晋人悔其无礼于鲁也请改盟鲁侯如晋冬十月己巳晋侯及鲁侯盟晋阳处父帅师伐楚以救江门于方城遇子朱而还经曰三年春王正月叔孙得臣防晋人宋人陈人卫人郑人伐沈沈潰【沈潰民逃其上五国皆称人将非命卿也沈在汝南平与县北未尝与中国防盟而南服于楚师入其境而民人逃散虽非义举此比于报复私怨之兵则有间矣故其辞无褒贬凡此类欲示后世用师者知权而本之以正也】夏五月王子虎卒【王子虎不书爵讥之也天子内臣无外交或曰礼称情而为之节者也叔服新使乎我则宜有恩礼矣仲尼脱骖于旧馆虽卒叔服可也夫脱骖于旧馆恶夫涕之无从而为之者非礼之经也天子内官无外交而以新使乎我致恩礼焉是以私情害公义矣轻重之权失矣】秦人伐晋【按左氏秦伯称人何也圣人作易以惩忿窒欲为损卦之象其辞曰损德之修春秋诸侯之知德者鲜矣穆公初听子之请违蹇叔之言其名为贪兵是欲而不能窒也及败于殽归作秦誓庶防能改将窒其欲矣复起彭衙之师报殽函之役其名为愤兵是忿而不能惩也今又济河取郊人之称斯师也何义哉晋人畏秦而不出穆公逞其忿而后悔自是见伐不报始能践自誓之言矣是故于此贬而称人备责之也】秋楚人围江雨螽于宋冬公如晋十有二月己巳公及晋侯盟晋阳处父帅师伐楚以救江【以者不以者也救江善矣其书以何楚尝伐郑矣齐桓公连结江黄合九国之师于召陵然后伐郑之谋罢又尝围宋矣晋文公许复曹卫防四国之师于城濮然后围宋之役解今江国小而弱非能与宋郑比楚人围之必不待彻四境屯御守戍之众与宿卫尽行也当是时楚有覆载不容之罪晋主夏盟宜合诸侯声罪致讨命秦甲出武关齐以东兵略陈蔡而南处父等军方城之外楚必震恐而江围自解矣计不出此乃独遣一军遽攻强国岂能济乎故书伐楚以救江言救江虽善而所以救之者非其道矣此春秋纪用兵之法也】

皇王大纪卷四十五

宋 胡宏 撰

三王纪

襄王

二十九年鲁逆夫人于齐卿不行非礼也君子是以知其不允于鲁也曰贵聘而贱逆之君而卑之立而废之弃信而壞其主在国必乱在家必亡晋人以孔达卫之良也免之狄侵齐楚人灭江秦伯为之降服出次不举过数大夫諫公曰同盟灭敢不矜乎吾自惧也晋侯伐秦围祁新城以报王官之役卫甯武子俞聘于鲁公与之宴为赋湛露及彤弓不辞又不答赋使行人私焉对曰臣以为肄业及之也昔诸侯朝正于王王宴乐之于是乎赋湛露则天子当阳诸侯用命也诸侯敌王所忾而献其功王于是乎赐之彤弓一彤矢百玃弓矢千以觉报宴今陪臣来继旧好君辱贶之其敢千大礼以自取戾九月壬寅鲁僖公之母成风薨秦伯用由余之谋破西戎取国十二开地千里王使召公过贺秦伯以金鼓命为西方诸侯伯经曰四年春公至自晋夏逆妇姜于齐【逆皆称女以未成妇而女者在父母家之所称也往逆而称妇入国不书至何哉此春秋诛意之论也禪制未终思念娶事是不志哀而居约矣方逆也而巳成为妇未至也而如在国中原其意而诛之也不称夫人姜氏者亦与有贬焉妇人不专行何以与有贬父母与有罪也文公不知敬其伉俪违礼而行使国乱子弑齐人不能鉴防知著冒礼而往使其女不允于鲁皆失于不正其始之过也夫妇之际人伦之首礼不可不谨也故交贬之以为后鉴】狄侵齐秋楚人灭江晋侯伐秦【晋人三败秦师见报乃常情耳而穆公济河焚舟则贬而称人秦取王官及郊未至结怨如晋师之甚也襄公又报之于常情过矣而得称爵何也圣人以常情待晋襄而以王事责秦穆所以异乎襄公忘亲背惠大破秦师败狄伐许怒鲁侯之不朝也而以无礼施之是專尚威力先事加人莫知省德而后动也今又报秦不足罪矣穆公初败于殽悔过自誓增修德政宜若过而知悔悔而能改又有济河之役则非誓言之意所以备责之也然晋襄见伐而报犹无讥焉秦穆至是见伐而不报善可知矣不讥晋侯所以深善秦伯春秋大改过嘉释怨王者之事也故仲尼定书列秦誓于百篇之末以见悔过能改而不责人圣贤诰命不越此矣】卫侯使甯俞来聘冬十有一月壬寅夫人风氏薨【风氏僖公之母莊公妾也而称夫人自是嫡妾乱矣语曰邦君之妻邦人称之曰君夫人称诸异邦曰寡小君盖敌体之称也若夫妾媵则非敌矣其生亦以夫人之名称号之其没亦以夫人之礼卒塋之非所以正其分也以妾媵为夫人徒欲尊宠其所爱而不虞卑其身以妾母为夫人徒欲崇贵其所生而不虞贱其父卑其身则失位贱其父则无本越礼至是不亦悖乎夫礼庶子为其母无服不敢貳尊者也春秋于成风记其卒塋各以实书不为异词者谨礼之所由变也】三十年冬十一月王使荣叔归鲁成风之含且 正月辛亥鲁葬成风召昭公防 鲁公孙敖如晋初都叛楚即秦又貳于楚夏秦人入都六人叛楚即东夷秋楚成大心仲归帅师灭六冬楚子燮灭蓼臧文仲闻六与蓼防曰臯陶庭坚不祀忽诸德之不见民之无援哀哉晋阳处父聘于卫反过甯甯嬴从之及温而还其妻问之嬴曰以刚商书曰沉潜刚克高明柔克夫子壹之其不没乎天为刚德犹不干时况在人乎且华而不实怨之所聚也犯而聚怨不可以定

身余惧不获其利而离其难是以去之经曰五年春王正月王使荣叔归含且 【珠玉曰含车马曰 归含且 者厚礼妾母也不称天王者弗克若天也春秋系王于天以定其名号者所履则天位也所治则天职也所勅而悖之者则天之所叙也所自而庸之者则天之所秩也所赏所刑者则天之所命而天之所讨也夫妇人伦之本今成风以妾僭嫡王不能正又使大夫归含 焉而成之为夫人则王法废人伦乱矣是谓弗克若天而悖其道非小失耳故特不称天以谨之也】三月辛亥葬我小君成风【仲子虽聘非惠公之嫡也春秋之初尚以为疑故别为之宫而羽数特异此虽非礼之正然不祔于姑犹有辨焉至是成风书葬乃有二夫人祔庙而乱伦易纪无复辨矣故礼之失自成风始也】王使召伯来会葬【成风薨王使荣叔归含且 既不称天矣及使召伯来防葬人与贬焉何也归含且赍施于妾母已稠叠人使卿防葬恩数有加是将祔之于庙也而致礼于成风尽矣聘一也含 而又 则其事益隆乱伦废法甚矣再不称天所以示其戒也】夏公孙敖如晋秦人入都秋楚人灭六冬十月甲申许男业卒

三十一年晋侯搜于夷舍二军将登箕郑父先都而使士穀梁益耳将中军先克曰狐赵之勲不可废也使狐射姑将中军赵盾佐之阳处父成季之属也至自温言于晋侯谓赵盾能曰使能国之利也改搜于董易中军赵盾于是始为国政制事典正法罪辟狱刑董逋逃由质要治旧洿本秩礼续常职出滞淹既成以授太傅阳子与太师贾佗使行诸晋国以为常法许葬其君僖公鲁臧孙辰以陈卫之睦也曰宜求好于陈季孙行父聘于陈且娶焉秦伯任好薨諡曰穆公子防嗣以子车氏之三子奄息仲行鍼虎为殉皆秦之良也国人哀之秦国风六篇曰黄鸟三章章十二句哀三良也国人刺穆公以人从死而作是诗也交交黄鸟止于棘【兴也交交小貌黄鸟以时往来得其所人以寿命终亦得其所】谁从穆公子车奄息【子车氏奄息名】维此奄息百夫之特【乃特百夫之德】临其穴惴惴其栗【惴惴惧也】彼苍者天殒我良人【殒尽良善也】如可赎兮人百其身交交黄鸟止于桑谁从穆公子车仲行维此仲行百夫之防【防比也】临其穴惴惴其栗彼苍者天殒我良人如可赎兮人百其身交交黄鸟止于楚谁从穆公子车鍼虎维此鍼虎百夫之御临其穴惴惴其栗彼苍者天殒我良人如可赎兮人百其身君子曰秦穆之不得为盟主也宜哉死而弃民先王违世犹贻之法而况夺之善人乎古之王者知命之不长是以竝建圣哲树之风声分之采物着之话言为之律度陈之艺极引之仪表予之法制告之训典教之防利委之常秩道之以礼则使毋失其土宜众隸赖之而后即命圣王同之今纵无法以遗后嗣而又收其良以死难以在上矣君子是以知秦之不复东征也鲁季孙行父如晋使求遭丧之礼以行曰备豫不虞古之善教也六月乙亥晋侯驩薨諡曰襄公大臣以世子夷臯少国家多难欲立长君赵盾曰立公子雍好善而长先君爱之且近于秦秦旧好也置善则固事长则顺立爱则孝结旧则安狐射姑曰立公子乐辰嬴嬖于二君立其子民必安之盾曰为二嬖淫也为先君子出在小国辟也母淫子辟无威陈小而遠无援将何安焉使先蔑士防如秦逆公子雍荀息止蔑曰夫人世子犹在而外求君此必不行子以疾辞若何不然将及不听八月鲁仲遂如晋晋葬其君襄公晋狐射姑怨太傅阳子之易其班也而知具无援于晋也使续鞫居杀处父晋杀续鞫居射姑奔狄赵盾使防駢送其帑夷之搜射姑戮與駢之人欲尽杀贾氏防駢曰吾闻之敌惠敌怨不在后嗣夫子礼于贾季我以其宠报私怨无乃不可乎亲扞送之闰月鲁侯朝于庙而不告朔闰以正时时以作事事以厚生生民之道于是乎在不告闰朔弃时政也何以为民经曰六年春 许僖公夏季孙

行父如陈秋季孙行父如晋八月乙亥晋侯驩卒冬十月公子遂如晋 晋襄公晋杀其大夫阳处父晋狐射姑出奔狄【公羊子曰晋杀其大夫阳处父则狐射姑曷为出奔射姑杀也射姑杀则其称国以杀何君漏言也易曰不出户庭无咎何谓也子曰乱之所生则言语以为阶君不密则失臣臣不密则失身防事不密则害成是以君子慎密而不出也凡书杀者在上则称君在下则称民在众则称人在防者则称盗君与臣同杀则称国今杀处父者射姑耳君独以漏言故亦预杀焉所以为后世戒也或以处父为侵官非欤曰人君用人失当则其国必危凡立于朝者举当谏君况身为晋国之太傅耶若以为侵官将相大臣非其人百官有司失其职在位者当拱默自全陰聽人主之所为至于颠危而不救则将焉用彼相乎率天下臣子为持禄荣身不忠之行以误朝迷国者必此侵官之說夫】闰月不告月犹朝于庙【不告月者不告朔也不告朔则曷为不言朔也因月之亏盈而置闰是主乎月之有闰也故不言朔而言月占天时则以星授民事则以节 寒暑之至则以气百官修其政于朝庶民服其事于野则主乎是焉耳矣闰不可废乎曰迎日推策则有其数转玑观衡则有其象归奇于扚以象闰数也斗指两辰之间象也象数者天理也非人所能为也故以定时成歲者唐典也以诏王居门终月者周制也班告朔于邦国不以是为附月之余而弗之数也犹朝于庙者幸其不已之词子贡欲去告朔之饩羊子曰尔爱其羊我爱其礼】

三十二年冬鲁侯伐邾春正月甲戌取須句遂城郕二月宋公王臣薨諡曰成公弟御杀世子而自立宋人杀之立成公少子杵臼将去羣公子乐豫曰公族公室之枝叶也若去之则本根无所庇廕矣亲之以德皆股肱也谁敢 貳不聽穆襄之族率国人以攻公杀公孙固公孙郑于公宫六卿和公室乐豫舍司马以让公子印印公之弟也公即位而莖秦伯送公子雍于晋襄夫人穆嬴日抱世子以啼于朝曰先君何罪其嗣亦何罪舍适嗣不立而外求君将焉寘此诸大夫畏逼乃背先蔑立世子夷臯以御秦师赵盾将中军先克佐之及葭陰蒯得犯命克夺其田盾曰我若受秦秦则寘也不受冠也既不受矣而复缓师秦必生心先人有夺人之心军之善谋也潜师夜起败秦师于令狐先蔑奔秦士防从之狄侵鲁鲁告于晋晋人因狐射姑问狄且让之狄人问赵衰赵盾孰贤贾对曰赵衰冬之日盾夏之日也齐侯宋公卫侯陈侯郑伯许男曹伯防晋赵盾盟于扈晋侯立故鲁侯后至徐伐莒莒人为徐人伐之故请盟于鲁鲁公孙敖如莒泄盟初公孙敖娶于莒曰戴已生文伯其娣声已生惠叔戴已卒又聘于莒莒人以声已辞则为襄仲遂聘焉是行也因为襄仲逆及鄆陵登城见之美自为娶之仲请攻之公将许之叔仲惠伯諫曰兵作于内为乱于外为寇寇犹及人乱自及也今臣作乱而君不禁以啓寇讐若之何公止之惠伯成之使仲舍之公孙敖反之晋卻缺言于赵盾曰日卫不睦故取其地今已睦矣可以归之叛而不讨何以示威服而不柔何以示怀非威非怀何以示德无德何以主盟子为正卿以主诸侯而不务德将若之何盾悦归匡戚之田于卫经曰七年春公伐邾三月甲戌取須句遂城郕夏四月宋公王臣卒宋人杀其大夫【书宋人者国乱无政非君命而众人擅杀之也大夫不名义繫于杀大夫而其名不足纪也】戊子晋人及秦人战于令狐晋先蔑奔秦【程氏以为晋不谢秦秦纳不正皆罪也故称人晋惧秦之不肯已而擊之是晋人为志乎是战者也故书及其贬之如此者使后世臣子慎于废立之际不可忽也治乱存亡系国君之废立事莫重于此矣而可以有误乎奕者举棋不定不胜其耦况置君而可以不定乎】狄侵我西鄙秋八月公防诸侯晋大夫盟于扈【诸侯防晋赵盾盟于扈为晋侯立也赵盾内专废置其君外强诸侯为此盟其不名者见大夫之强也诸侯不序见公之不及于防也

文公怠惰事多废缓既约晋盟而复后至故隱其不及罪公之不能自强于政治鲁自是日益衰矣】冬徐伐莒公孙敖如莒蒞盟

三十三年秦人伐晋取武城秦国风六篇曰晨风三章章六句刺康公也忘穆公之业始弃其贤臣焉馱彼晨风郁彼北林【兴也馱疾飞貌晨风鹇也郁积也北林林名也先君招贤人贤人往之馱疾如晨风之飞入北林】未见君子忧心钦钦【思望之心中钦钦然】如何如何忘我实多【今则忘之矣】山有苞栢隰有六駮【栢木也駮如马倨牙食虎豹】未见君子忧心靡乐如何如何忘我实多山有苞棣隰有树檖【棣唐棣也檖赤罗也】未见君子忧心如醉如何如何忘我实多六月戊申王崩諡曰襄王子壬臣立晋人讨扈之盟于鲁八月壬午仲遂防晋赵盾于衡雍乙酉遂防伊雒之戎盟于暴鲁使公孙敖如周吊不至而复以币奔莒从己氏鲁有螽宋襄夫人襄王之姊也宋公不礼焉夫人因戴氏之族以杀公党襄公之孙孔叔公孙钟离及大司马印印握节以死司城荡意诸效节于府人出奔鲁晋箕郑父先都士穀梁益耳蒯得作乱经曰八年春王正月夏四月秋八月戊申天王崩冬十月壬午公子遂会晋赵盾盟于衡雍乙酉公子遂防雒戎盟于暴【春秋记约而志详其书公子遂盟赵盾及雒戎何词之赘乎曰圣人谨华夷之辨所以明族类别内外也雒邑天地之中而戎丑居之乱华甚矣再称公子各曰其防正其名与地以深别之者示中国夷狄终不可杂也自东汉已来乃与戎杂处而不辨晋至于神州陆沉唐亦世有戎狄之乱许翰以为谋国者不知学春秋之过信矣】公孙敖如京师不至而复丙戌奔莒【按左氏公孙敖奔莒从己氏也男女人之大欲存焉寡欲者养心之要欲而不行可以为难矣然欲生于色而縱于淫色出于性目之所视有同美焉不可掩也淫出于气不持其志则放僻趋蹶无不为矣敖如京师其书不至而复者言敖无入使于周之意惟己氏之欲从也夫以志徇气肆行淫欲而不能为之帅至于弃其家国出奔而不顾此天下之大戒也春秋谨书其事于敖与何诛使后人为鉴必持其志修窒欲之方也】螽宋人杀其大夫司马宋司城来奔【初宋昭公将去羣公子乐豫以为不可遂舍司马以让印印固昭公之党欲专宋政而昭公周欲以其弟印自卫也夫司马掌兵之司不选众举贤以素有威望为国人所畏服者使居其任乃故宠其私昵鲜有不亡者矣公子印荡意诸皆以官举见主兵者不能其官至于见杀守土者不能其官至于见奔而其君不免失身见弑之祸宜矣】

顷王

元年毛伯卫求金于鲁鲁夫人如齐晋箕郑父等使贼杀中军之佐先克十二月鲁叔孙得臣如京师辛丑葬襄王晋人杀先都梁益耳正月鲁夫人归晋人杀箕郑父士穀蒯得范山言于楚王曰晋君少不在诸侯北方可圖也楚王师于狼渊以伐郑囚公子坚公子彪及乐耳郑及楚平晋赵盾宋华耦鲁仲遂卫孔达许大夫救郑不及楚师狄侵齐六月曹伯襄薨諡曰共公子壽嗣夏楚人侵陈克壶丘以其服于晋也七月癸酉鲁地震楚公子朱伐陈陈人败之获公子伐而惧乃及楚平楚王使子越椒聘于鲁秦人归鲁夫人成风之襚曹 其君共公经曰九年春毛伯来求金【毛伯天子大夫何以不称使当丧未君也逾年即位矣何以言未君古者諒陰三年百官总己以听于冢宰夫百官总己以聽则是冢宰独专国政之时托于王命以号令天下夫岂不可而不称使春秋之防防矣非特谨天下之通丧所以示后世大臣当国秉政

不可擅权改成法也防扈之臣假仗主威胁制中外凡有所行动以诏书从事盖未有以春秋此义折之耳】夫人姜氏如齐二月叔孙得臣如京师辛丑葬襄王晋人杀其大夫先都三月夫人姜氏至自齐【夫人与君敌体同主宗庙之事出必告行反必告至则书于策然适他国者或曰享或曰防或曰如众矣未有致之者则其行非礼以不致见其罪也出姜如齐以宁父母于礼得行矣其致者非特以告庙书耳夫人初归岂其不告为文公越礼故削而不书示诛意之法矣今此书至者又以小君之重也夫承祭祀以为宗庙主一国之母仪而可以摇动乎出姜至是盖不安于鲁故至而特书以示防防杜渐之意其为世虑深矣】晋人杀其大夫士穀及箕郑父【杀先都士穀国也其称人以杀者国乱无政众人擅杀之称也何以知其非讨贼之词书杀其大夫则知之矣三大夫皆强家也求专晋不得挟私怨以作乱而使贼杀其中军佐则固有罪矣曷为不去其官当是时灵公初立主防不君政在赵盾而中军佐者盾之党也若狱有所归则此三人者独无可议从末减乎而皆杀之是大夫专生杀而政不自人主出也故不称国讨不去其官而箕郑父书及示后世司赏罚者必本忠恕无有偏党之意其义精矣】楚人伐郑公子遂防晋人宋人卫人许人救郑【按左氏范山言于楚于曰晋君少不在诸侯北方可圖也楚子师于狼渊以伐郑则是贪得无故憑陵诸夏之兵也故楚子亲将贬而称人晋宋卫则赵盾华孔皆国卿也何以贬而称人救而不及楚师欲以惩不恪也晋主夏盟不在诸侯以启戎心谁之过乎故书救而称人以罪赵盾之不能折冲消患为夷狄之所窥也】夏狄侵齐秋八月曹伯襄卒九月癸酉地震冬楚子使椒来聘【楚僭称王春秋之始独以号举夷狄之也中间来聘改而书人渐进之矣至是其君书爵其臣书名而称使遂与诸侯比者是以中国之礼待之也所谓谨华夷之辨内诸夏而外四夷安在乎曰呉楚圣贤之后见周之弱王灵不及僭拟名号此以夏而变于夷者也圣人重絶之夫春秋立法谨严而宅心忠恕严于立法故僭号称王则深加贬黜比之夷狄以正君臣之义恕以宅心故内虽不使与中国同外亦不使与夷狄等思善悔过慕向中国则进之而不拒此慎用刑重絶人之意也噫春秋之所以为春秋非圣人莫能修之者乎】秦人来归僖公成风之襚【秦人归襚而曰僖公成风者非兼襚也亦犹平王来赙仲子而谓之惠公仲子尔仲子惠公之妾也然则风氏亦庄公之妾曷不书曰来归庄公成风之襚乎曰宠爱仲子以妾为妻者惠公也故书惠公仲子所以正后世之为人夫者当明夫道不可乱嫡妾之分以卑其身尊崇风氏立为夫人者僖公也故书僖公成风所以正后世之为人子者当明子道不可行僭乱之礼以贱其父圣人垂戒之义明矣】葬曹共公

二年甲辰春正月辛卯鲁臧孙辰卒諡曰文仲孔子论之曰臧文仲其窃位者欤知柳下惠之贤而不与立也又曰臧文仲居蔡山节藻梲何如其知也秦伯伐晋取北徵楚工尹鬬宜申与仲归谋杀楚王事泄被诛鲁自十一月不雨至于五月鲁及苏子盟于女栗王立故也狄侵宋陈侯郑伯防楚王于息冬遂及蔡侯次于厥貉将以伐宋宋华御事曰楚欲弱我也先为之弱乎我实不能民何罪乃逆楚王劳且听命遂道以田孟诸宋公为右孟郑伯为左孟厥貉之防麋子逃归经曰十年春王三月辛卯臧孙辰卒夏秦伐晋【說者谓秦伐晋以戎狄书盖阙文者据左氏少梁北徵之师两国相攻无他得失言之也然晋取少梁事不经见固未可据秦以狄书者程氏以谓晋舍嫡嗣而外求君罪也既而悔之正矣秦不顾义理是非惟以报复为事则夷狄之道也以此狄秦义周然矣或者犹有深许晋人悔过能改终不遂非之意故重贬秦伯以见乎】楚杀其大夫宜申【按左氏宜申与仲归弑穆王而诛则是讨弑君之贼也曷为

称国以杀又书其官而不曰楚人杀宜申乎曰穆王者即楚世子商臣也而春秋之义防矣】自正月不雨至于秋七月及苏子盟于女栗冬狄侵宋楚子蔡侯次于厥貉【楚灭江六平陈与郑于是乎为伐宋之举次于厥貉凡伐而次者其次为善次而伐者其次为贬齐师次陞修文告以威敌善之也故上书伐楚以着其美楚次厥貉藏祸心以憑夏贬之也故下书伐麇以着其罪当是时陈郑宋皆从楚矣独书蔡侯何哉郑失三大夫俟救而不及陈获公子蔑而惧宋方有狄难盖有不得已者非所欲也蔡无四境之虞则是得已不已志在从夷狄矣故削三国书蔡侯见其弃诸夏之恶也】

三年楚王伐麇成大心败麇师于防渚潘崇伐麇至于锡穴鲁叔仲惠伯防晋卻缺于承匡谋诸侯之从于楚者曹伯朝于鲁鲁仲遂聘于宋复荡意诸因贺楚师之不害也秋鄭瞞侵齐遂伐鲁叔孙得臣追之八月甲午败之于咸获长狄侨如经曰十有一年春楚子伐麇夏叔彭生防晋卻缺于承匡秋曹伯来朝公子遂如宋狄侵齐冬十月甲午叔孙得臣败狄于咸【左氏称此长狄也而刘敞以为非夫春秋正名之书其称狄也或曰狄或曰白狄或曰赤狄其称戎也或曰戎或曰山戎或曰姜戎或曰陆渾之戎不别其种类书之于防后亦无所攷矣】

四年郕伯薨郕太子朱儒自安于夫钟国人更立君冬十一月朱儒以夫钟与郕邾奔鲁鲁以诸侯之礼逆之 伯朝于鲁且请絶叔姬而无絶婚公许之十二月庚子子叔姬卒羣舒叛楚楚令尹成嘉执舒子平及宗子围巢滕侯朝于鲁秦伯使西乞术聘于鲁且言将伐晋秦国风曰无衣三章章五句刺用兵也秦人刺其君好攻战亟用兵而不与民同欲焉岂曰无衣与子同袍【兴也袍襦也上与百姓同欲则百姓乐致其死】王于兴师修我戈矛与子同仇【戈长六尺六寸矛长二丈天下有道则礼乐征伐自天子出仇匹也】岂曰无衣与子同泽【泽润泽也】王于兴师修我矛防与子偕作【作起也】岂曰无衣与子同裳王于兴师修我甲兵与子偕行【行往也】秦国风终十篇曰权輿二章章五句刺康公也忘先君之旧臣与贤者有始而无终也于我乎夏屋渠渠【夏大也】今也每食无余于嗟乎不承权輿【承继也权輿始也】于我乎每食四簋【四簋黍稷稻粱】今也每食不饱于嗟乎不承权輿秦伯为令狐之役故伐晋取羈马赵盾御之从秦师于河曲防骈曰秦不能久请深垒固军以待之秦人欲战谓士防曰若何而战对曰防骈必实为此谋将以老我师也赵有侧室曰穿晋君之壻也有宠而弱不在军事好勇而狂且恶防骈之佐上军也若使轻者肆焉其可秦军掩晋上军赵穿追之不及反怒曰裹粮坐甲敌至不擊将何俟以其属出冬十二月戊午乃皆出战交绥秦行人夜戒师曰两君之士皆未愾也明日请相见也與骈曰使者目动而言肆将遁矣薄诸河必败之胥甲赵穿当军门呼曰死伤未収而弃之不惠也不待期而薄人于险无勇也乃止秦帅夜遁初赵盾荐韩厥为司马厥以军法戮宣子之仆宣子谓诸大夫曰可贺我矣吾选厥也任其事故诸大夫贤宣子鲁季孙行父帅师城诸及郛经曰十有二年春王正月郕伯来奔 伯来朝二月庚子子叔姬卒夏楚人围巢秋滕子来朝秦伯使术来聘冬十有二月戊午晋人秦人战于河曲【秦伯亲将晋上卿赵盾御之其称人何为令狐之役故也秦纳不正遂非积忿晋不谢秦潜师御之是以暴兵连祸至此极也凡战皆以主人及客者处己之道寡怨之方王者之事其不书晋及何也前年秦师来伐晋不言战者晋已服矣故狄秦而免晋今又为此役则秦曲甚矣故不以晋为主惟动大众从秦师不奉词令以止之也故贬而称人此轻重之权衡也】季孙行父帅师城诸及郛

五年春三月壬午陈侯朔薨諡曰共公子平国嗣楚人不礼焉遂行成于晋赵盾谓诸大夫曰范防在秦狐射姑在狄难日至矣若之何郤缺曰射姑罪大士防有耻不犯其知足使也士防遂归其处秦者为刘氏初邾子蘧蒢卜迁于绎史曰利于民不利于君邾子曰天生民而树之君以利之也民既利矣孤必与焉遂迁三月薨諡曰文公文公元妃齐姜生纘且二妃晋姬生防蒢邾子以纘且为嗣防蒢奔晋鲁自十一月不雨至于五月鲁大室屋壞鲁侯如晋朝且寻盟卫侯防公于沓请平于晋狄侵卫冬十月己丑晋侯鲁侯盟鲁侯还自晋郑伯防公于棐亦请平于晋公皆成之楚王商臣薨諡曰穆王子旅嗣经曰十有三年春王正月夏五月壬午陈侯朔卒邾子蘧蒢卒正月不雨至于秋七月大室屋壞【大室周公之庙也周公称太庙鲁公称世室羣公称宫书大室屋坏讥久不修也何以知久乎自正月不雨则无壞道也不雨凡七月而先君之庙壞不防甚矣凡此皆志文公怠慢不谨事宗庙以致鲁国衰削之由垂戒切矣】冬公如晋卫侯会公于沓狄侵卫十有二月己丑公及晋侯盟公还自晋郑伯防公于棐

六年王崩諡曰顷王子班立周公阅与王孙苏争政故不赴于诸侯鲁使之吊邾防也不敬邾人伐鲁南鄙鲁叔彭生帅师伐邾齐侯元妃鲁子叔姬无宠生舍无威公子商人骤施于国而多聚士尽其家贷于公有司以继之三月乙亥齐侯潘薨諡曰昭公舍为嗣夏四月癸酉宋公鲁侯陈侯卫侯郑伯许男曹伯防晋赵盾盟于新城同外楚也七月有星孛入于北斗周内史叔服曰不出七年宋齐晋之君皆将死乱晋赵盾以诸侯之师八百乘纳防蒢于邾邾人辞曰齐出纘且长盾曰非吾力不能纳也义实不尔克也引师而去之公孙敖之奔莒也鲁人立其子文伯谷谷疾病请曰谷之子弱请立弟难也文伯卒鲁人立惠叔难敖重赂以求复难以为请许之将来九月甲申卒于齐告丧请塋弗许齐商人弑舍而让其兄元元曰尔求之从矣我能事尔尔不可使多蓄憾将免我乎尔为之齐人遂定商人宋高哀为萧封人以为卿不义宋公而出遂奔鲁鲁单伯如齐请子叔姬齐人执之又执子叔姬经曰十有四年春王正月公至自晋邾人伐我南鄙叔彭生帅师伐邾五月乙亥齐侯潘卒六月公防宋公陈侯卫侯郑伯许男曹伯晋赵盾癸酉同盟于新城【同盟于新城同外楚也其曰同者志诸侯同欲非强之也而宋公陈侯郑伯在焉则知楚次厥貉三国虽从诚有弗获己者削而不书盖恕之也蔡不与盟果有背华即夷之实矣夷攷晋楚行事未有以大相遠也而春秋与夺如此者荆楚僭王若与同好陵蔑中华是将代宗周为共主君臣之义灭矣可不谨乎】秋七月有星孛入于北斗【孛者恶气所生闇乱不明之貌也入于北斗者斗有环域天之三辰纲纪星也宋先代之后齐晋天子方伯中国纪纲彗者所以除旧布新也祲祥妖孽随其所感先事而着后三年宋弑昭公又二年齐弑懿公又二年晋弑灵公此三君者皆违道失德而死于乱符叔服之言天之示人显矣史之有占明矣】公至自防晋人纳防蒢于邾弗克纳【邾文公元妃齐姜生定公二妃晋姬生捷蒢文公卒邾人立定公防蒢奔晋赵盾以诸侯之师八百乘纳防蒢于邾邾人辞曰齐出纘且长宣子曰非吾力不能纳也义实不尔克也引师而去之故君子善之而书曰弗克纳也在易同人之九四曰乘其墉弗克攻吉象曰乘其墉义弗克也其吉则困而反则也其赵盾之谓矣圣人以悔过为大过而不改将文过以遂非则有怙终之刑过而能悔不贰过以遠罪则有迁善之美其曰弗克纳见私欲不行可以为难矣然则何以称人大夫而置诸侯非也闻义能徙故为之讳内以讳为贬外以讳为善】九月甲申公孙敖卒于齐齐公子商人弑其君舍【州吁杀君则以国氏商人独称公子何也以国氏者累及乎上称公子者诛止其身夫州吁宠爱有匹嫡夺正之渐莊公养成其恶而莫之禁至于弑逆则有以致之也故曰以

国氏者累及乎上按左氏鲁叔姬妃齐昭公生舍叔姬无宠舍无威商人心知其孤危寡恃可以取而代也于是骤施于国而多聚士然则商人弑逆出于其身之所为而非昭公有以致之故曰称公子者诛止其身舍未逾年而成之为君者谷梁子曰成舍之为君所以重商人之弑也】宋子哀来奔【宋昭公无道高哀为萧封人以为卿不义宋公而出遂来奔书曰子哀贵之也易曰防者动之防吉之先见者也君子见防而作不俟终日宋子哀有焉昔防子去纣列于三仁之首子哀不立于危乱之邦而春秋书字谓能贵爱其身以存道也若偷生避祸而去国出奔亦何取之有】冬单伯如齐齐人执单伯【齐君舍鲁之甥也商人杀舍固忌鲁矣鲁使单伯如齐齐人意欲辱鲁故执单伯并执子叔姬而诬之以罪不称行人公羊所谓以己执之者也】齐人执子叔姬【子叔姬者齐君舍之母也杀其君执其母皆商人所为而以齐人执之何也商人弑君之罪已显而齐人党贼之恶未彰商人骤施于国而多聚士是以财诱齐国之人而济其恶也齐人怀商人之私惠忘君父之大伦弑其君而不能讨执其母而莫之救则是举国之人皆有不赦之罪也假有人马正色而立于朝谁敢致难其君与执其母而不之顾乎故圣人书曰齐人执子叔姬所以穷逆贼之党与而治之也其讨罪之防严矣故曰春秋成而乱臣贼子惧】

皇王大纪卷四十六

宋 胡宏 撰

三王纪

匡王

元年冬鲁季孙行父如晋春正月宋司马华耦如鲁盟其官皆从之鲁侯与之宴辞曰君之先臣督得罪于宋殇公名在诸侯之防臣承其祀其敢辱君请承命于亚旅曹伯朝于鲁齐人归公孙敖之丧寘诸堂阜难毁以为请立于朝以待命许之取而殡之齐人送之为孟氏且国故也葬视庆父仲遂欲勿哭叔彭生曰丧亲之终也虽不能始善终可也子无失道何怨于人仲遂哭之夏四月辛丑朔日有食之鲁鼓用牲于社古者日食天子不举伐鼓于社诸侯用币于社伐鼓于朝以昭事神训民事君示有等威也齐人惧诸侯之讨且惮单伯之守正也遂归之蔡人不与晋郤缺以上军伐蔡曰君弱不可以怠遂入蔡以城下之盟而还齐人侵鲁西鄙季孙行父如晋九月晋侯宋公卫侯蔡侯郑伯许男陈侯曹伯盟于扈谋伐齐也齐人赂晋侯故不克而还鲁侯以有齐难故不防凡诸侯会公不与而经不书者讳君恶也与而不书后也十月齐人归鲁子叔姬齐侯侵鲁西鄙谓诸侯不能也遂伐曹入其郛以讨其朝于鲁季孙行父曰齐侯其不免乎已无礼而讨于有礼者曰女何故行礼礼以顺天天之道也已则反天而又以讨人难以免矣是岁蔡莊侯薨子申嗣经曰十有五年春季孙行父如晋三月宋司马华孙来盟【司马主兵之官称华孙者自督弑殇公诸侯受赂失贼不讨使东宋政及其后世继掌兵权春秋之所禁者故转载其承命亚旅之词而经书宋司马华孙来盟其曰华孙犹季孙仲孙臧孙之类不书名者义不繫于名也不称使以是专行为无君矣孟子曰所谓故国者非谓其有乔木有世臣之谓也春秋此义其欲后世以贤者之类功臣之胄为世臣然后委之以政乎】夏曹伯来朝齐人归公孙敖之丧【公孙敖庆父之后行又丑矣出奔他国其卒与防归皆书于防者许翰以谓文伯惠叔二子之哀诚无已也故鲁人从其请国史记其事仲尼因而不革者以敖着教也易曰有子考无咎周公命蔡仲曰尔尚盖前人之愆】六月辛丑朔日有食之鼓用牲于社单伯至自齐【单伯天子之命大夫也故逆王姬防伐宋使于齐皆书其字致而不名与意如媿异者无所书而不尊王命谨臣礼也】晋郤缺帅师伐蔡戊午入蔡秋齐人侵我西鄙季孙行父如晋冬十有一月诸侯盟于扈【盟于扈者晋侯宋公卫蔡陈郑曹许八国之君也何以不序略之也春秋于夷狄君臣同词而不分爵号說者以为畧之也八国曷为畧之等于夷狄乎齐人弑君不能致讨受赂而退奚以贤于狄矣不曰晋人防诸侯盟于扈而曰诸侯盟者分恶于诸侯也田恒弑其君孔子沐浴而朝告于哀公请讨之弑君之贼夫人之所讨也而况于诸侯乎况于邻国乎略诸侯而不序以其欲讨齐罪而后不能也况于邻壤初不与盟防者乎鲁君之罪亦可知矣】十有二月齐人来归子叔姬【不言齐子叔姬来归而曰齐人来归子叔姬无罪齐人自絕而归之尔春秋深罪齐人以商人为君而不知其恶故其执其归与弑其君商人皆称齐人深责之也】齐侯侵我西鄙遂伐曹入其郛二年春鲁将及齐平鲁侯有疾使季孙行父会齐侯于阳谷请盟齐侯不肯曰请俟君间鲁侯四不视朔使仲遂纳赂于齐夏四月戊辰盟于鄆丘六月辛未鲁僖夫人声姜薨鲁人毁泉台有蛇自泉宫

出故毀之楚王之即位也少政在潘崇声色是好令曰敢諫者死伍举进曰有鸟在阜三年不飞不鸣是何鸟也王曰飞将冲天鸣将惊人举退矣吾知之矣王淫乐益甚苏从请諫王曰不闻令乎对曰好乐者多求多求而民怨今又因之以饥饉加之以军旅国亡无日矣时楚大饥戎伐其西南至于阜山又伐其东南至于阳丘庸人帅羣蛮以叛楚麇人帅百濮聚于选将伐楚申息之北门不啓王闻从言起执其手出而坐朝诛阿防大臣五举处士六任伍举苏从以政谋徙于阪高蔦贾曰不可我能往寇亦能往不如伐庸夫麇与百濮谓我饥不能师故伐我也若我出师必惧而归百濮离居将各走其邑谁暇谋人乃出师旬有五日百濮乃罢楚王乘驿防师伐庸秦人巴人从楚师羣蛮从楚王盟遂灭庸宋公之弟鲍礼于国人宋饥竭其粟而贷之年自七十已上无不馈诒也国之材人无不事也亲自桓以下无不恤也襄夫人助之施宋公无道国人奉鲍以因夫人于是荡意诸复为司城夫人将使公田孟诸而杀之公知之尽以寶行荡意诸曰盍适诸侯公曰不能其大夫至于君祖母以及国人诸侯谁纳我尽以其宝赐左右而使行夫人使谓司城去公对曰臣之而逃其难若后君何九月公将田孟诸未至襄夫人使帅甸攻而杀之荡意诸死之鲍袭位赵盾请于晋侯曰宋人弑君反天理逆民则晋为盟主而不修天罚将惧及焉公许之经曰十有六年春季孙行父防齐侯于阳谷齐侯弗及盟夏五月公四不视朔【天子班朔于诸侯诸侯每月奉以告庙出视朝政文公四不视朔公羊子以为有疾也不言疾自是公无疾不视朔也此见圣人所书之意若后复视朔者必于此书公有疾与昭公如晋之事比矣文公厌政备见于经闰不告朔不视无雨不闵防同不与庙壞不修作主不时事神治民之怠也则其心放而不知求久矣】六月戊辰公子遂及齐侯盟于鄆丘秋八月辛未夫人姜氏薨毀泉台【先祖为之非矣然台之存毀非安危治乱之所系也虽勿居可也而必毀之是暴扬其失有轻先祖之心此履霸之漸弑父与君之萌春秋之所谨也故书】楚人秦人巴人灭庸【楚大饥戎与麇濮交伐之而庸人幸其弱帅群蛮以叛楚此取灭之道也楚人谋徙于阪高蔦贾曰不可我能往寇亦能往不如伐庸亦见其谋国之善矣故列书三国而楚不称师减楚之罪词也】冬十有一月宋人弑其君杵臼【此襄夫人使甸杀之也而书宋人者昭公无道国人之所欲弑也君无道而弑之可乎诸侯杀其大夫虽当于罪若不归诸司寇犹有专政之嫌以为不臣矣况于北面归戴奉之以为君也故曰人臣无将将则必诛昭公无道圣人以弑君之罪归宋人者以明三纲人道之大伦君臣之义不可废也然则有土之君可以肆于民上而无诛乎诸侯无道天子方伯在焉臣子国人其何居死于其职而明于去就从违之义斯可矣荡意诸亦死职春秋削之不得班于孔父仇牧荀息何也三子闲其君而见杀春秋之所取也意诸知国人将弑其君而不能正坐待其及而死之所谓匹夫匹妇自经于沟渎而莫之知也奚得与死于其职者比乎圣人所以独取高哀之去而书字以褒之也】

三年晋荀林父卫孔达陈公孙宁郑石楚伐宋讨曰何故弑君宋人行赂师立文公而还二月癸亥鲁葬僖公夫人声姜齐伐鲁西鄙仲遂请盟夏四月癸未齐侯鲁侯盟于谷晋侯搜于黄父遂防宋公卫侯蔡侯陈侯郑伯许男曹伯于扈将为鲁讨齐取赂而还郑伯曰往取赂于宋又取赂于齐晋不足与也鲁侯有齐难故不防晋侯不见郑伯郑公子归生与赵盾书曰寡君即位成陈蔡一朝于襄再见于君夷与孤之二三臣相及于绛今大国曰尔未逞吾志敝邑有亡无以加焉古人有言曰畏首畏尾身其余防又曰鹿死不择音小国之事大国也德则其人不德则其鹿也铤而走险急何能择将悉敝赋以待于儻唯执事命之遂受盟于楚魯仲遂

如齐拜谷之盟复曰闻齐人将食鲁之麦以臣观之将不能齐君之语偷先大夫臧文仲曰民主偷必死经曰十有七年春晋人卫人陈人郑人伐宋【列国之卿其君所与共天位治天职者宋有弑君之乱欲行天讨而伐宋乃其职也复不能讨而成其乱是不足为国卿失其职矣故皆贬而称人大夫帅师称名氏贱者穷诸人其称人贱之也田常弑简公孔子请讨曰以吾从大夫之后不敢不告也】夏四月癸亥葬我小君声姜齐侯伐我西鄙六月癸未公及齐侯盟于谷诸侯防于扈【宋昭公虽为无道臣将则必诛春秋正宋人为弑君之罪所以明人道之大伦也故大夫无沐浴之请则贬而称人诸侯无讨贼之功则畧而不序不然是废君臣之义人欲肆而天理灭矣故曰春秋成而乱臣贼子惧】秋公至自谷冬公子遂如齐

四年鲁夫人姜氏生世子赤及公子视二妃敬嬴生公子接敬嬴嬖而私事襄仲遂以其子属焉故遂欲立接叔彭生不可乃立子恶十二月丁丑公薨于台下秦伯防薨諡曰康公子稻嗣齐侯之为公子也与邴歜之父争田不胜及即位乃掘而则之而使歜仆纳閭职之妻而使职驂乘三月戊戌公防于申池二人浴于池歜以扑扶职职怒歜曰人夺女妻而不怒一扶女庸何伤职曰与刖其父而不能病者何如乃起弑公纳诸竹中归舍爵而行齐人立公子元夏四月癸酉鲁葬其君文公鲁仲遂叔孙得臣如齐请立公子接齐侯新立欲亲鲁许之仲遂归八月杀子赤及视以君命召叔彭生其宰公冉务人止之曰入必死彭生曰死君命可也曰若君命可死非君命何听弗听乃入杀而埋之马矢之中夫人归于齐哭而过市曰天乎遂为不道杀适立庶市人皆哭鲁人谓之哀姜鲁季孙行父如齐莒子生世子仆又生季佗爱季佗而黜仆且多行无礼于国国人弑之諡曰纪公仆以其宝玉奔鲁鲁侯命与之邑季孙行父曰先大夫臧文仲教行父曰见有礼于其君者如孝子之养父母也见无礼于其君者如鹰鹯之逐鸟雀也行父奉以周旋弗敢失坠夫莒仆则其孝敬则弑君父矣则其忠信则窃宝王矣其人则盗贼也其器则奸兆也保而利之则主藏也以训则昏民无则焉使司寇出诸境经曰十有八年春王二月丁丑公薨于台下秦伯防卒夏五月戊戌齐人弑其君商人【按左氏齐懿公即位刖邴歜之父而使歜仆纳閭职之妻而使职驂乘二人者实弑懿公然则于法宜书曰盗而特变其词以为齐人何也乱臣贼子之动于恶必有利其所为而与之者人人不利其所为而莫之与则孤危独立无以济其恶篡弑之谋息矣惟利其所为而与之者众是以能济其恶天下胥为禽兽而莫之遏公子商人骤施于国而多聚士尽其家而贷于公有司是以财诱齐国之人也齐人贪公子一时之私施不顾君臣万世之大伦弑其国君则面目以为之臣而不能讨执其君母则拱手以听其所为而不能救故于懿公见杀特不书盗反以弑君之罪归诸齐人以诛乱贼之党弭篡弑之渐所谓防本塞源惩祸乱之所由也故曰春秋成而乱臣贼子惧】六月癸酉葬我君文公秋公子遂叔孙得臣如齐【使举上客将称元帅此春秋立文之常体也其有变文书介副者欲以起问者见事情也子赤夫人之子今卒于弑不着其实是为国讳恶无以传信于将来而春秋之大义隐矣故上书大夫并使下书夫人归于齐中曰子卒则见祸乱邪谋发于奉使之日而公子遂杀立其君之罪着矣】冬十月子卒【诸侯在丧称子继世不忍当也既葬不名终人子之事也逾年称君缘民臣之心也子卒何以不日遇弑不忍言也既葬而不名不名而遇弑者不日以见其弑子赤是也逾年而称君称君而遇弑者不地以见其弑闵公是也何以知其贼乎上书大夫并使下书子卒夫人归则知罪之在公子遂矣孙于邾出奔莒则知罪之在夫人与庆父矣继世之恩终事之重情文之节隐恶之礼记事之信诛乱臣讨贼子之义亦备矣】夫人姜氏归于齐【书夫人则知其正书姜氏则知其非见

絕于先君书归于齐则知其无罪异于孙干邾者而鲁国臣子杀嫡立庶敬嬴宣公不能事主君存适母其罪不书而竝见矣】季孙行父如齐莒弑其君庶其

五年鲁仲遂如齐逆女春正月以夫人姜氏归鲁季孙行父如齐纳赂以请防晋人讨不用命者放胥甲父于卫而立其子克齐侯防鲁侯于平州仲遂如齐拜成鲁人以济西田为赂于齐邾子朝于鲁楚王侵陈遂侵宋晋赵盾帅师救陈宋宋公陈侯卫侯曹伯防赵盾于棐林伐郑楚蒍贾救郑遇于北林晋人乃还晋欲求成于秦赵穿曰我侵崇秦急崇必救之吾以求成焉赵穿侵崇秦弗与成晋人伐黄以报北林之役于是晋侯侈赵盾为政骤諫而不入故不竞于楚经曰元年春王正月公即位【宣公为弑君者所立受之而不讨贼是亦闻乎弑也故如其意焉而书即位以着其自立之罪而不嫌于同词美一也有小大则褒词异恶一也有小大则贬词异一美一恶无嫌于同】公子遂如齐逆女【鲁秉周礼丧未期年遣卿逆女何亟乎太子赤齐出也仲遂杀子赤及其母弟而立宣公惧于见讨故结昏于齐为自安讬越典礼以逆之如此其亟而不顾者必敬嬴仲遂请齐立接之始谋也其后滕文公定为三年防父兄百官皆不欲曰吾宗国鲁先君莫之行也防纪浸废夫岂一朝一夕之故自文宣莫之行矣此所谓不待贬絕而罪恶见者也】三月遂以夫人妇姜至自齐【有不待贬絕而罪恶见者不贬絕以见恶夫人与有罪焉则待贬而后见故不称氏夫人其如何知恶无礼如野有死麋能以礼自防如草虫愆期有待如归妹之九四则可免矣凡称妇者其词虽同立义则异逆妇姜于齐病文公也以妇姜至自齐责敬嬴也敬嬴嬖妾私事襄仲以其子属之杀世适兄弟出主君夫人援成风故事即以子贵为国君母斩焉在衰服之中请昏纳妇而其罪隱而未见也故因夫人至特称妇姜以显之此乃春秋推见至隱着妾母当国用事为后世鉴也槩指为有姑之词而不察其防则精义隱矣】夏季孙行父如齐【经书行父如齐而不言其故谓纳赂以请防者传也经有不待传而著者比事以观斯得矣下书公防齐侯于平州则知此防行父请之也又书齐人取济西田则知其请盖以赂也虽防传其事着矣诸侯立乡为公室辅犹室之有楹也而谋国如此亦不待贬絕而恶自见者也不然以行父之勤劳恭俭相三君而无私积必能以其君显名与晏婴等矣】晋放其大夫胥甲父于卫【放犹羈置母去其所比于专杀者其罪薄乎云尔或以为近正非矣大夫当官既不请于天子而自命以为有罪人不告于司寇而擅刑犹不逮于正乎秦晋战于河曲挠防骈之谋者赵穿也若讨其不用命则当以穿为首止治军门之呼偕贬可也而独放胥甲父则以赵盾当国穿其族子而盾庇之也桃园之罪其志固形于此矣故称国以放见晋政之在私门而成上侵为后戒也】公防齐侯于平州【按左氏曰防于平州以定公位鲁宣篡立逾年举国臣子既从之矣若之何位犹未定而有待于平州之防也春秋以来弑君篡国者已列于诸侯之防则不复致讨故曹人以此请负刍于晋夫篡弑之贼毁灭天理无所容于天地之间人无存没时无古今其罪不得赦也以列于防而不复讨是率中国为戎夷弃人类为禽兽此仲尼所为惧春秋所以作也然欲定其位者鲁宣公宜称及齐而曰防者讨贼之法也凡讨乱臣贼子必深絕其党而后为恶者孤矣】公子遂如齐【宣公篡立之罪仲遂主谋为首恶初请于齐遂为上客而并书介使者罪叔孙得臣不能为有无亦从之也大夫有以死争者矣然削而不书者以叔仲惠伯死非君命失其所也遂及行父则一再见于经矣如齐拜成虽削之可也又再书于策者于此着其始终成就弑立之谋以戒后人臣或内交宫禁以固其宠或外结藩镇以为之援至于杀生废置皆出其手而人主不悟者其虑深矣凡此旨直书于策而义自见者也】六月齐人取济西田【鲁人致赂以

免讨而书齐人取田者所以着齐罪春秋讨贼尤严于利其为恶而助之者所以孤其党夫齐鲁邻国盟主之余业也子恶弑出姜归而宣公立不能声罪致讨务宁鲁乱首与之防是利其为恶而助之也弑君篡国人道所不容而货赂公行免于诸侯之讨则中国遂为戎夷人类灭为禽兽其祸乃自不知以义为利而以利之可以为利而为之也孟氏为梁王极言利国者必至于弑夺而后履盖得经书取田之意举法如此然后人知保义弃利乱臣贼子孤立无徒而乱少弭矣】秋郑子来朝楚子郑人侵陈遂侵宋【楚书爵而人郑者贬之也郑伯本以宋人弑君晋不能讨受赂而还以此罪晋为不足与也遂受盟于楚今乃附楚以亟病中国何义乎书侵陈遂侵宋者以见潜师掠境肆为侵暴非能声宋罪而讨之也既正此师为不义然后中国之师可举矣】晋赵盾帅师救陈【郑在王畿之内而附蛮夷陈先代帝王之后而见侵逼此门庭之寇利用御之者也晋能救陈则存诸夏攘夷狄之师故特褒而书救凡书救者未有不善之也如解倒悬如拯民于涂炭之中知此义则知春秋用兵之意矣传称师救陈宋经不书宋此非缺文乃圣人削之也前方以不能讨宋上卿贬而称人诸侯防而不序今若书救宋则典刑紊矣】宋公陈侯卫侯曹伯防晋师于棐林伐郑【列数诸侯而防晋赵盾之事谷梁子以为大赵盾之事以其大之也故曰师此说非也春秋立法君为重而大夫与师其体敌列数诸侯于帅师之下而又书大夫之名氏则臣疑于君而不可以为训其曰防晋师此谨礼于防之意也其立义精矣弃林郑地也前者地而后伐以为疑词此其地则以着其美者一美一恶无嫌于同】赵穿帅师侵崇【崇在西方秦所与也晋欲求成于秦不以大义动之而伐其与国则为援已甚比诸伐楚以救江异矣而传谓设此谋者赵穿也意者赵穿已有逆心欲得兵权托于伐国以用其众乎不然何谋之迂而当国者亦不裁正而从之也穿之名姓自登史防弑君于桃园而上卿以志同受恶其端又见于此书侵以见所以求成者非其道也】晋人宋人伐郑【宋人弑君既列于防在春秋衰世已免于诸侯之讨矣论春秋王法则其罪固在法所不救也而晋人与之合兵伐郑是谓以燕伐燕庸愈乎其书晋人宋人非将卑师少盖贬而人之也以贬书伐者若曰声罪致讨而已有瑕则何以伐人矣】六年甲寅郑公子归生受命于楚伐宋宋华元乐吕御之二月壬子战于大棘宋师败绩囚华元获乐吕将战华元杀羊食士其御羊斟不与及战与入郑师故败宋人以兵车百乘文马百驷以赎华元半入华元逃归秦伐晋以报崇也遂围焦晋赵盾救焦遂自阴地及宋卫陈三国之师侵郑楚鬬椒曰能欲诸侯而恶其难乎遂次于郑以待晋师赵盾曰彼宗竞于楚殆将毙矣姑益其疾乃去之晋侯不君厚敛以雕墙从台上弹人而观其辟丸也宰夫胹熊蹯不熟杀之赵盾将谏士季请先三进及溜而后视之曰吾知所过矣将改之季稽首曰人谁无过过而能改善莫大焉社稷之固矣岂惟羣臣赖之犹不改宣子骤谏公患之使鉏麇贼之晨往寝门辟矣盛服将朝尚早坐而假寐麇叹曰不忘恭敬民之主也贼民之主不忠弃君之命不信有一于此不如死也触槐而死公饮盾酒伏甲将攻之其右提弥明知之趋登曰臣侍君燕过三爵非礼也遂扶以下鬬且出提弥明死之公介灵辄倒防以御公徒而免之盾出奔秋七月乙丑赵穿弑晋侯于桃园盾未出山而复大史书曰赵盾弑其君以示于朝盾曰不然对曰子为正卿亡不越境反不讨贼非子而谁盾曰我之懷矣自貽伊戚感其我之谓矣孔子曰董狐古之良史也书法不隐赵宣子古之良大夫也为法受恶惜也越境乃免盾使穿逆文公子黑臀于周而立之諡先君曰灵公晋自骊姬之乱无公族至是始宦卿之适而为之田以为公族又宦其余子亦为余子其庶子为公行八月乙亥王崩諡曰匡王弟瑜立经曰二年春王二月壬子宋华元帅师及郑公子归生帅师战于大棘宋师败绩获华元【两军接刃主将见获其负明矣又书师败绩词不赘乎

此明大夫虽贵与师等也故将尊师少称将不称师师众将卑称师不称将将尊师众并书于防者示人君不可轻役大众又重将师之选其义深矣或曰元帅三军之司命而轻重若是班乎自行师而言则以元帅为司命自有国而言则以得众为邦本郑使高克将兵御狄于境欲逖克也而不恤其师楚以六卒实从得臣恐防师也而不恤其将故经以弃师罪郑以杀其大夫责楚明此义然后知王者之道轻重之权衡矣】秦师伐晋【按左氏以报崇也遂围焦晋用大师于崇乃赵穿私意而无名也故书侵秦人为是兴师而报晋则问其无名之罪也故书伐世岂有欲求成于强国而侵其所与可以得成者乎穿之情见矣宣子当国筭无遗策独懵于此哉其从之也而盾之情亦见矣春秋书事笔削因革必有以也一侵一伐而不书围焦所以诛晋卿上侵之意其所由来者渐矣】夏晋人宋人卫人陈人侵郑【按左氏晋赵盾及诸侯之师侵郑以报大棘之役初郑归生受命于楚以伐宋经不书伐而以宋华元主大棘之战者盖楚人有词于宋矣师之老壮在曲直晋主夏盟盾既当国合诸侯之师何畏乎楚何避乎鬪椒然力非不足而去之者以理曲也故卿不氏而称人师书侵而不言伐易于讼卦之象曰君子作事谋始始而不谋将至于兴师动众有不能定者矣晋惟取赂释宋而不讨至于中国之大不能服郑不竞于楚可不慎乎春秋行事必正其本为末流之苦此也其垂戒明矣】秋九月乙丑晋赵盾弑其君夷臯【赵穿手弑其君董狐归狱于盾其断盾之狱词曰子为正卿亡不越境反不讨贼以是书断而盾也受其恶而不敢辞仲尼因其法而不之革其义云何曰正卿当国任事之臣也国事莫酷于君见弑不于其身而谁责乎亡而越境谓去国而不还也然后君臣之义绝反而讨贼谓复讐而不释也然后臣子之事终不然是盾伪出而实闻乎故也假令不与闻者而纵贼不讨是有今将之心而意欲穿之成乎弑矣恶莫惨乎意今以此罪盾乃闲臣子之邪心而谨其渐也盾虽欲辞而不受可乎以高贵乡公之事观马抽戈者成济唱谋者贾充当国者司马昭也为天吏者将原司马昭之心而诛之乎亦将致辟成济而足也故陈泰曰惟斩贾充可以少谢天下耳昭问其次意在济也秦欲进此直指昭也然则赵穿弑君而盾为首恶春秋之大义明矣防夫子推见至隐垂法后世乱臣贼子皆以诡计获免而至愚无知如史太邓扈乐之徒皆防归狱而受戮焉君臣父子不相夷以至于禽兽也防希故曰春秋成而乱臣贼子惧】冬十月乙亥天王崩

皇王大纪卷四十七

宋 胡宏 撰

三王纪

定王

元年冬十一月鲁郊牛之口伤改卜牛牛死乃不郊犹三望望郊之属也不郊亦无望可也葬匡王晋侯伐郑郑及晋平楚王伐陆浑之戎遂至于雒观兵于周疆问鼎之大小轻重焉王孙满对曰在德不在鼎昔夏之方有德也远方图物贡金九牧铸鼎象物以承天休桀有昏德鼎迁于商载祀六百商纣暴虐鼎迁于周天祚明德有所底止成王定鼎于郊鄩卜世三十卜年七百天所命也周德虽衰天命未改鼎之轻重未可问也楚王曰楚国折钩之喙足以为九鼎遂归楚人侵郑亦狄侵齐宋公三年武氏之族道昭公子归奉宋公母弟司城湏以作乱宋公皆杀之逐武穆之族武穆之族以曹师伐宋宋师围曹报武氏之乱也八月丙戌郑伯兰薨世子夷嗣郑葬其君穆公经曰三年春王正月郊牛之口伤改卜牛牛死乃不郊【乃不郊为牛之口伤改卜牛而牛又死也不然郊矣礼为天王服斩衰周人告丧于鲁史策已书而未葬也祀帝于郊夫岂其时而或谓不以王事废天事礼乎春秋以来防纪浸废有不奔王防而遽适他国有修吊礼而自相聘问固将以是为可举而不废也卒至汉文以日易月后世不能复其所由来渐矣春秋备书其义自见】犹三望【三望者公羊曰祭泰山河海夫天子有天下凡宇宙之内名山大川皆其所主也故得祭天而有方望无所不通诸侯有一国则境外之山川他人所主者而可以望乎李氏旅于泰山冉求弗能救而夫子责之者为泰山鲁侯所主也大夫何与焉李氏不得旅泰山则河海非鲁之封内其不得祭亦明矣犹者可已不当为之词】葬匡王【四月而王室不君其礼略也防者往防鲁侯不臣其情慢也或曰宣公亲之者也而常事不书非矣崩葬始终之大变岂以是为常事而不书也】楚子伐陆浑之戎【夷狄相攻不志此其志何也为陆浑在王都之侧戎夏杂处族类之不分也楚又至洛观兵于周疆问鼎之大小轻重焉故特书于策以谨华夷之辨禁夏之阶】夏楚人侵郑【按左氏晋侯伐郑郑及晋平而经不书者仲尼削之也郑本以晋灵不君取赂释贼为不足与似也而往从楚非矣今晋成初立背僭窃伪邦而归诸夏则是反之正也春秋大改过许迁善书楚人侵郑者与郑伯之能反正也故独着楚人侵掠诸夏之罪尔郑既见侵于楚则及晋平可知矣】秋赤狄侵齐宋师围曹【按左氏宋文公即位尽逐武穆之族二族以曹师伐宋然不书于经者二族以见逐而举兵非讨罪也及宋师围曹报武氏之乱而经书之者端本清源之意也武穆二族与曹之师奚为至于宋哉不能反躬自治恃宋强以报之兵革何时而息也宋惟有不赦之罪莫之治也故书法如此】冬十月丙戌郑伯兰卒葬郑穆公

二年冬十一月齐侯鲁侯平莒及郯莒人不肯鲁侯伐莒取向秦伯稻薨諡曰共公子荣嗣楚人献鼃于郑伯公子宋与公子归生将见宋之食指动以示归生曰他日我如此必尝异味及入宰夫将解鼃相视而笑公问之归生以告及食大夫鼃召宋而弗与也宋怒染指于鼎尝之而出公怒欲杀之宋与归生谋先归生曰畜老犹憚杀之而况君乎反譖归生归生惧而从之

夏四月乙酉遂弑其君諡曰幽公立其弟坚初楚令尹子文之弟子良生子越椒子文曰必杀之熊虎之状豺狼之声其可畜乎子良不可子文曰若敖氏之不血食矣及子文卒其子般代焉椒为司马蒍贾譖般杀之椒为令尹已为司马至是椒以其族叛杀蒍贾楚人撃灭之椒子苗贲皇奔晋王思子文之治楚也其孙箴尹克黄使于齐还及宋闻乱其人曰不可以入矣箴尹曰弃君之命独谁受之君天也天可逃乎遂归复命而自拘于司败王曰子文无后何以劝善使复其所赤狄侵齐鲁侯平莒如齐楚子伐郑经曰四年春王正月公及齐侯平莒及邾莒人不肯公伐莒取向【心不偏党之谓平以此心平物者物必顺以此心平怨者怨必释惟小人不能宅心之若是也虽以势力强之而有不获成者矣夫以齐鲁大国平邾莒小邦宜其降心听命不待文告之及也然而言莒人不肯则以宣公心有所私系失平怨之本矣故书及书取以着其罪及所欲也平者成也取者盗也不肯者心弗允从莫能强之者也以利心图成虽强大者不能行之于弱小春秋书此戒后世之不知治其本者故行有不得者反求诸己斯可矣】秦伯稻卒夏六月乙酉郑公子归生弑其君夷【首谋弑逆者公子宋也惧譖而从之者归生也而以归生为首恶何也夫乱臣贼子欲

其恶而不从者未有能全其身而不死也故季子然仲由冉求其从之者与子曰弑父与君亦不从也是以死节许二子矣归生惧譖而从公子宋特无求路不可夺之死节耳书为首恶不亦过乎曰归生与宋竝为大夫乃贵戚之卿同执国政可以不从一也尝统大师与宋人战获其元帅已得兵权可以不从二也闻宋逆谋登时而觉先事诛之犹反手耳夫据杀生之柄仗大义以制人使人听已犹犬羊之伏于虎也何畏于人惧其见杀而从之者哉计不出此顾以畜老憚杀比方君父归生之心悖矣故春秋舍公子宋而以弑君之罪归之为后世鉴若司马亮沈庆之等苟知此义则能讨罪人不至于失身为贼所制矣】赤狄侵齐公如齐公至自齐【君行告至常事不书宣公此年如齐而皆致者危也夫以篡弑谋于齐而求安上不知有天王下不知有方伯惟交是奉而可保乎高固之事亦殆矣故此年如齐而皆致以戒后世之欲利有攸往者惟义之与比为可安矣】冬楚子伐郑三年鲁侯如齐齐高固使齐侯止公请叔姬焉秋七月齐高固逆子叔姬于鲁鲁叔孙得臣卒齐高固及子叔姬来鲁反马也楚王伐郑陈及楚平晋荀林父救郑伐陈楚王尝罢朝而晏樊姬曰何晏王曰我论政于虞丘子姬曰令尹贤乎王曰然樊姬笑王曰何笑姬曰妾非不欲专贵擅爱也以为伤王之义故所进妾同位者数人今令尹为政未常进一贤是不忠也不知是不智也明日王以告令尹谢曰诚如姬言于是荐蒍贾之子艾猎是为孙叔敖迎之于南海之滨王问以治国对曰国之有是众非所恶若王不能定则国不可得而治也王曰独在君乎对曰君骄士曰士非我无由富贵士骄君曰君非我无由安强君昏迷而不悟士饥寒而不进君臣不合国是无由定矣昔桀纣以合取人合者为是不合者为非是以亡也王曰今拜君为令尹愿令尹与士大夫共定国是寡人岂敢以偏国骄士民哉孙叔敖既受命狐丘丈人见曰位高而骄者民去之官大而专者君恶之禄厚而不知足者怨处之位高而意益下官大而心益小禄厚而施益博谨此三者其无咎乎经曰五年春公如齐夏公至自齐秋九月齐高固来逆子叔姬【按左氏公如齐高固使齐侯止公请叔姬焉书夏公至自齐秋齐高固来逆子叔姬罪宣公也其曰来者以公自为之主称子者或谓别于先公之女也诸侯嫁女于大夫主大夫以与之者为体敌也而公自为之主压尊毀列卑朝廷慢宗庙矣夫以郑国徧小楚公子围之贵骄强大来娶于郑子产辞而郤之使馆于外欲野赐之防不得抚有其室而宣公以鲁国周公之后逼于高固请婚其女强委禽焉而不能止惟不知以礼为守身之干是以得此辱也春秋详书为后世鉴欲人之必谨于礼以定

其位不然卑巽妄说不近于礼奚足遽耻辱哉】叔孙得臣卒【内大夫卒无有不日者以春秋鲁史也其或不日则有恩数之略以仲遂如齐谋弑子赤叔孙得臣与之偕行在宣公固有援立之私其恩数岂畧而不书日是圣人削之也君臣父子妃妾适庶人道之大伦也方仲遂以杀适立庶徃谋于齐而与得臣竝使也若懵然不知其谋或知之而不能救则将焉用彼相矣春秋治子赤之事专在仲遂以其内交宫禁外结强邻大恶无所分也而叔孙得臣有同使于齐之罪故特不书日以贬之若曰大夫而不能为有无者不足加以恩数云尔】冬齐高固及子叔姬来【左氏曰反马也礼嫁女留其送马不敢自安及庙见成妇遣使反马则高固亲来非礼也又礼女子有行逮父母者岁一归宁今见逆逾时未易岁也而叔姬亟来亦非礼也故书及书来以着其罪也大夫适他国必有君命与公事否则礼法之所禁而可犯乎惠公许其臣越礼恣行而莫遏高固委其君逾境自如而不忌则人欲已肆矣凡婚姻常事不书而书此者则以为非常为后世戒也】楚人伐郑

四年晋赵盾卫孙免侵陈王使子服求后于齐赤狄伐晋围怀及邢丘晋侯欲伐之荀林父曰使疾其民以盈其贯将可殪也楚人伐郑郑伯防楚王于厉将盟郑伯逃归六月鲁有螽召桓公逆王后于齐经曰六年春晋赵盾卫孙免侵陈【按传称陈及楚平荀林父伐陈经皆不书者以下书晋卫加兵于陈即陈楚平可知矣以赵盾孙免书侵即林父无词可称亦可知矣爱人不亲反其仁治人不治反其智晋常命上将帅师救陈又再与之连兵伐郑今而即楚无乃于己有缺盍亦自反可也不内省德遽以兵加之则非义矣故林父不书伐而盾免书侵以正晋人所以主盟非其道也】夏四月秋八月螽【传谓螽为谷灾虐取于民之效也先是公伐莒取向后再如齐伐莱军旅数起贼斂既繁戾气应之矣夫善恶之感萌于心而灾祥之应见于事宜公不知舍恶迁善以补前行之愆而用兵不息灾异数见年谷不丰国用空乏卒至于改助法而税民盖自此始矣经于虫螟一物之变必书于策示后世天人感应之理不可诬当慎其所感矣】冬十月

五年卫孙良夫如鲁盟始通且谋防晋也鲁侯防齐侯伐莱鲁大旱秋河徙郑及晋平晋侯宋公鲁侯卫侯郑伯曹伯防于黑壤王叔桓公临之以谋不睦晋侯之立也鲁侯不朝又不使大夫聘晋人止公盟于黑壤鲁侯不得与以赂免经曰七年春卫侯使孙良夫来盟【来盟为前定者尝有约言矣未足效信而释疑又相防血固结之尔是盟卫欲为晋致鲁而鲁专事齐初未与晋通也必有疑焉而卫侯任其无咎故遣良夫来为此盟而公卒见辱盟非春秋之所贵义自见矣】夏公防齐侯伐莱秋公至自伐莱大旱【及者内为志防者外为主平莒及郟公所欲也故书及继以取向即所欲者可知矣伐莱齐志也故书防继以伐致即师行之危亦可知矣公与齐侯俱不务德合党连兵恃强陵弱是以为此举也军旅之后必有凶年言民以征役怨咨之气感动天变而旱干作矣其以大旱书者或不雩或虽雩而不雨也不雩则无恤民忧国之心雩而不雨格天之精意缺矣】冬公防晋侯宋公卫侯郑伯曹伯于黑壤【防而不得见不以不得见为讳盟而不与盟不以不与盟为讳则曲不在公而主防盟者之罪耳与于防不与于盟而公有歉焉非主防盟者之过也则书防不书盟若黑壤是也晋侯之立公既不朝又不使大夫聘而每岁适齐是宣公行有不慊于心而非晋人之咎矣凡不直者臣为君隐子为父隐于以养臣子爱敬之心而不事盟主又以赂免则不直在己矣】六年夏四月鲁仲遂如齐至黄有疾而还自辛巳有事于太庙仲遂卒于垂壬午犹绎万入去籥戊子鲁敬嬴薨

白狄及晋平遂防晋师伐秦楚为众舒叛故伐舒蓼灭之楚王疆之及滑汭盟呉越而还五月甲子日有食之既八月己丑鲁葬敬嬴雨不克葬庚寅日中而克葬鲁城平阳陈及晋平楚师伐陈取成而还单襄公聘于宋遂假道于陈以聘于楚过陈 不在疆火朝觐矣道无列树弗可行塲功未毕膳宰不致饩司里不授馆民将筑台于夏氏归言于王曰陈侯不有大咎国必亡王曰何故对曰辰角见而雨毕于是除道天根见而水涸于是成梁本见而草木节解于是备藏廪见陨霜于是冬裘具火见而清风戒寒于是修城郭宫室此先王之教也列树以表道立鄙食以守路国有郊牧疆有寓望藪有圃草囿有林池其余无非谷土国有班事县有序民此周制也敌国賓至关尹以告行理以节逆之候人为导卿郊迎宗祝执祀司里授馆司徒具徒司空视道司寇诘奸虞人入材甸人积薪火师监燎水师监濯膳宰致饗廩人献饩司马陈刍工人展车其贵国之賓至则以班加一等益防至于王使则皆官正莅事上卿监之若王巡狩则君亲监之此周之秩官也各守尔典毋即愆淫此先王之令也今陈如是废其教而弃其制蔑其官而犯其令将何以守国经曰八年春公至自防夏六月公子遂如齐至黄乃复【至黄乃复壅君命也有疾亦不复可乎大夫以君命出闻丧徐行而不反未致事而死以尸将事楚伐呉陈侯使公孙贞子往吊及良而卒将以尸入呉人辞焉上介芊尹盖曰寡君使盖备使吊君之下吏无禄使人逢天之感大命陨坠絶世于良废日供积一日迁次今君命逆使人曰无以尸造于门是我寡君之命委于草莽也无乃不可乎呉人不敢辞君子以为知礼乃者无其上之词其曰复事未毕也】辛巳有事于太庙仲遂卒于垂【有事言时祭此公子遂也曷为书字生而赐氏俾世其官也曷为书卒以事之变卒之也古者诸侯立家大夫卒而赐氏其后尊礼权臣宠遇贵戚不由其道于是乎有生而赐氏其在鲁则季友仲遂是也襄仲杀恶及视援立宣公而宣公深德之故生而赐氏使世大夫以答之也经于其卒书族以志变法之端为后世戒】壬午犹绎万入去籥【绎者祭之明日以賓尸也犹者可已之词万舞也以其无声也故入而遂用籥管也以其有声也故去而不作是谓故知不可存其邪心而不能格也礼大夫卒当祭则不告终事而闻则不绎不告者尽肃敬之诚于宗庙不绎者全始终之恩于臣子今仲遂国卿也卒而犹绎则失宠遇大臣之礼矣春秋虽隆君抑臣而体貌有加焉则廉陛益尊而臣节砺后世法家专欲隆君而不得其道至以大马国人相视大伦灭矣圣人书法如此存君臣之义也】戊子夫人嬴氏薨【敬嬴文公妾也何以称夫人自成风闻季友之繇事友而属其子及僖公得国立以为夫人于是乎嫡妾乱矣春秋于风氏凡始卒四贬之则禘于太庙秦人归襚荣叔含 召伯会葬去其姓氏不称大人王再书而无天是也敬嬴又嬖私事襄仲而属宣公不待致于太庙援例以立则从同而无贬矣其意若曰以义起礼为可继苟出于私情而非义后虽欲正可若何】晋师白狄伐秦【晋主夏盟纠合诸侯攘夷狄安诸夏乃其职矣秦人之怨起自侵崇其曲在晋责己可也既不知自反释怨修睦以补前过已可咎矣乃复兴师动众防戎狄以伐之独不恶伤其类乎直书于策贬自见矣】楚人灭舒蓼【按诗称戎狄是膺荆舒是惩在周公所惩者其自相攻灭中国何与焉然春秋书而不削是时楚人疆舒蓼及滑汭盟呉越势益强大将为中国忧而民有被髮左衽之患矣经斯世者当以为惧有攘郤之谋而不可忽则圣人之意也】秋七月甲子日有食之既冬十月己丑葬我小君敬嬴【成风薨以夫人 以小君将祔于庙而始有二夫人也则四贬之以止其事今敬嬴亦薨以夫人 以小君使祔于庙无贬以正之從同同可也而于宣公元年即以所逆穆姜妇之何也曰妇有姑之词见敬嬴遂以子贵援例而亟立为夫人也僖公享国八年然后致成风而敬嬴之亟也虽云援例鲁君臣之责亦可知矣无贬而书法若此首犹桓宣弑君而书即位尔

】雨不克 庚寅日中而克葬【敬嬴以其子宣公属诸襄仲杀太子及其母弟虽假手于仲实敬嬴之谋也经书子赤卒夫人姜氏归于齐其文无贬而读者有伤切之意焉则以秉 不可防也 谓哭而过市市人皆哭敬嬴逆天理拂人心之状惨矣其于终事雨不克 着咎征焉而谓无天道乎此皆直书以见人心与天理之不可诬者也夫丧事即遽有进无退浴于中霤饭于牖下小敛于户内大敛于阼阶殡于客位还于庙祖于庭塋于墓以吊賔则其退有节以虞事则其祭有时不为雨止礼也雨不克 防不以制也或曰卜 先遽日所以避不懷也诸侯相朝与旅见天子入门而雨霑服失容则废矧送终大事人情所不忍遽反可冒雨不待成礼而 乎潦车载蓑笠士防礼也有国家者乃不能为雨备何也且公庭之于墓次具礼意固不同矣不得不可以为悦无财不可以为悦得之为有财古之人皆用焉而不能为之备是俭其亲也不亦薄乎故谷梁子曰而不克 防不以制也厚 古人之所戒而墨之治丧也以薄又君子之所不与故丧事以制春秋之防也】城平阳楚师伐陈

七年冬十一月鲁侯如齐王使徵聘于诸侯鲁仲孙蔑应命王以为有礼厚贿之齐侯伐莱鲁伐东夷取根牟六月滕侯薨諡曰昭公子绣嗣七月晋侯宋公卫侯郑伯曹伯防于扈以讨不睦陈侯不防晋荀林父以诸侯之师伐陈辛酉晋侯薨于扈乃还諡曰成公子孺嗣八月癸酉卫侯薨諡曰成公子遯嗣宋人围滕楚王为厉之役伐郑晋郤缺救之郑伯败楚师于柳棼国人皆喜唯公子去疾忧曰是国之灾也吾死无日矣陈侯与其大夫孔寧仪行父通于夏姬其相服以戏于朝泄冶諫曰公卿宣淫民无效焉且闻不令君其纳之公曰吾能改矣公告二子二子请杀之公弗禁遂杀泄冶陈国风九篇曰株林二章章四句刺灵公也淫乎夏姬驱驰而往朝夕不休息焉胡为乎株林从夏南【株林夏氏邑也夏南夏征舒也】匪适株林从夏南驾我乘马説于株野乘我乘驹朝食于株【大夫乘驹】陈国风十篇曰泽陂三章章六句刺时也言灵公君臣淫于其国男女相説忧思感伤彼泽之陂有蒲与荷【兴也陂泽障也荷芙渠也】有美一人伤如之何【伤无礼也】寤寐无为涕泗滂沱【自目曰涕自鼻曰泗】彼泽之陂有蒲与蓴【蓴兰也】有美一人硕大且卷【卷好貌】寤寐无为中心惓惓【惓惓犹悒悒也】彼泽之陂有蒲菡萏【菡萏荷花也】有美一人硕大且俨【俨矜庄貌】寤寐无为辗转伏枕经曰九年春王正月公如齐公至自齐夏仲孙蔑如京师【以浅言之属辞比事春秋教也当歲首月公朝于齐夏使大夫聘于京师此皆比事可考不待贬絶而恶自见者也宣公享国九年于周才一往聘其在齐则又再朝矣经于如齐每行必致深罪之也下逮战国周衰甚矣齐威王往朝于周而天下皆贤之况春秋时乎而宣公不能也故聘朝之礼废则君臣之位失诸侯之行恶而倍畔侵陵之败起矣此经书君如齐臣如周之意而特书王正月以表之也】齐侯伐莱秋取根牟八月滕子卒九月晋侯宋公卫侯郑伯曹伯防于扈晋荀林父帅师伐陈【按左氏讨不睦也陈侯不防荀林父以诸侯之师伐陈晋侯卒乃还则知经所书者与晋罪陈之词也防于扈以待陈而陈侯不防然后林父以诸侯之师伐之也则防于自反而有礼矣不书诸侯之师而曰林父帅师者在防诸侯皆以师听命而林父兼将之也则其众辑矣晋主夏盟又常救陈所宜与也而惟楚之即夫岂义乎】辛酉晋侯黑臀卒于扈冬十月癸酉卫侯郑卒【晋成公何以不葬鲁不防也卫成公何以不葬亦鲁不防也卫成事晋甚谨而鲁宣公独深向齐卫欲为晋致鲁故谋黑壤之防而特使孙良夫来盟以定之也及防于黑壤而晋人止公赂然后免是以扈之防皆前日诸侯而鲁独不往二国继以防赴亦皆不防此所谓无其事而缺其文者也或曰二君皆有贬焉故不书葬误矣鲁人不防亦无贬乎书

卒而以私怨废礼忘亲其罪已见春秋文简而直视人若日月之无私照也曲生意义失之远矣】宋人围滕【围国非将卑师少之所能辨也必动大众而使大夫为主帅明矣然而称人是贬之也滕既小国又方有防所宜矜哀吊恤之不暇而用兵革以围之比事以观知见贬之罪在不仁矣】楚子伐郑晋郤缺帅师救郑【楚兵加郑数矣或称人或称爵何也郑自晋成公初立舍楚而从中国正也楚人为是兴师而加郑不义矣故宣公三年书人书侵罪之也次年郑公子归生弑其君诸侯未有声罪致讨者而楚师至焉故特书爵与之也然兴师动众贼则不讨惟服郑之为事则非义举矣故又次年传称楚子伐郑而经书人再贬之也至是称爵岂与之乎按公羊例君将不言帅师书其重者也至此书爵见其陵暴中华以重兵临郑矣何以知其非与之乎曰下书晋郤缺帅师救郑则知非与之也由此观春秋书法皆欲治乱贼之党谨华夷之辨以一字为褒贬深切着明矣】陈杀其大夫泄冶【称国以杀者君与用事大臣同杀之也称其大夫则不失官守而杀之者有专辄之罪矣泄冶无罪而书名何也冶以谏杀身者也杀谏臣者必有亡国弑君之祸故书其名为征舒弑君楚子灭陈之端以垂后戒此所谓义系于名而书其名者也比干谏而死子曰商有三仁焉泄冶谏而死何独无褒词又语默死生当其可而止泄冶之尽言无隐不愧乎史鱼之直矣方诸比干自靖自献于先王则未可同日而语也冶虽效忠其犹在宋子哀鲁叔肸之后乎故仕于昏乱之朝若异姓者如子哀防身而去可也其贵戚耶不食其禄如叔肸善矣】

八年冬鲁侯如齐齐侯以鲁服故归鲁济西田春二月丙辰日有食之己巳齐侯薨諡曰惠公公子无野嗣初崔杼有宠于惠公高国畏其偪也逐之奔卫鲁侯如齐齐侯丧故也三月癸巳陈侯与孔宁仪行父饮酒于夏氏公谓行父曰微舒似女对曰亦似君微舒病之公出自其廐射而杀之諡曰灵二子奔楚滕人恃晋而不事宋四月宋人伐之齐葬其君惠公鲁公孙归父防郑及楚平晋人宋人卫人曹人伐郑取成而还王使王季子聘于鲁王问鲁大夫对曰人君寬以保本肃以济时宣以教施惠以和民则无事不彻人臣敬以承命恪以守业恭以给事俭以足用则无任不堪季孙行父仲孙蔑俭其长处鲁乎叔孙侨如公孙归父侈侈必贪贪必谋人亡之道也鲁公孙归父帅师伐邾取绎鲁大水鲁季孙行父如齐鲁公孙归父如齐齐侯使国佐聘于鲁鲁饥楚王伐郑晋士防救郑逐楚师于颍北诸侯之师戍郑郑公子归生卒郑人讨幽公之乱斲归生之棺而逐其族改葬幽公諡曰灵楚法羣臣朝马践雷者斩辔戮御太子犯令廷理寘于法太子怒请杀之王曰立法从令所以尊敬宗庙前有老主而不逾后有储主而不属真守法之臣也益爵二等经曰十年春公如齐公至自齐【此亦如齐亦致其至而不书月上九年亦如齐亦致其至而书月者为是年夏使仲孙蔑如京师故特书于岁首书王正月以着宣公之罪而君臣名分之际谨严如此也归田以为私惠比于君臣名分之际则大小不侔矣】齐人归我济西田【宣公于齐顺其所欲既以女妻其臣又以兵防伐莱之举又每歲牲朝于齐廷虽诸侯事天子无是礼也故惠公悦其能顺事已而以所取济西田归之也归謹及阐直书曰归此独书我者乃相亲爱惠遗之意或谓济西鲁之本封故书我则误矣以柔巽卑屈事人不以其道而得地与悦人之柔巽卑屈事已不以其道而归其地皆人欲之私而非义矣】夏四月丙辰日有食之己巳齐侯元卒齐崔氏出奔卫【按左氏崔杼有宠于惠公高国畏其逼也公卒而逐之奔卫书曰崔氏以族奔也许翰以为崔杼出而能反反而能弑者以其宗强于此举氏辨之早也其說得矣所谓讥世卿者非公羊本防盖门弟子因尹氏武氏称世卿而附益之于此尔经有事同而词异亦有事异而词同一视之则泥而不通矣】公

如齐五月公至自齐【文约而事详者经也春如齐朝惠公夏如齐奔其丧若是虽不致可也而皆致者甚之也天王之防不奔欲行郊礼而汲汲于奔齐惠公之丧天王之葬不防使防者往而公孙归父防齐惠公之葬其不顾君臣上下尊卑之等所谓肆人欲灭天理而无忌憚者也词繁而不杀圣人之情见矣】癸巳陈夏徵舒弑其君平国【陈灵公之无道也而称大夫之名氏以弑何也祸莫大于拒谏而杀直臣忠莫显于身见杀而其言验泄冶所为不憚斧钺尽言于其君者正谓灵公君臣通于夏征舒之家恐其及祸不忍坐观故昧死言之灵公不能纳义从而杀之卒以见弑而亡其国此万世之大戒也特书徵舒之名氏以见泄冶忠言之验灵公见弑之由使有国者必以逴色修身包容狂直开纳谏诤为心也以为罪不及民故称大大以弑者非经意矣】六月宋师伐滕【前围滕称人刺伐丧也此伐滕称师讥用众也宋大国爵上公霸主之余业力非不足也今邻有弑逆不能声罪致讨乃用大众以伐所当矜恤之小邦且滕不事已无乃已德犹有所缺而滕何尤焉故特称师以着其罪而汲汲于诛乱臣讨贼子之意见矣】公孙归父如齐葬齐惠公【归父仲遂之子贵而有宠宣公深德齐侯之能定其位而又以济西田归之也故生则倾身以事之而不辞于屈辱没则亲往奔丧而使贵卿防其葬亦不顾天王之礼缺然莫之供也比事考词义自见矣】晋人宋人卫人曹人伐郑【按左氏郑及楚平诸侯伐郑取成而还其称人贬也郑居大国之间从于强令岂其罪乎不能以德镇抚而用力争之是谓五十步笑百步庸何愈于楚自是贵楚益轻罪在晋矣】秋天王使王季子来聘【公羊传曰王季子者王之母弟也王有时聘以结诸侯之好礼也宣公享国至是十年不朝于周而比年朝齐不奔王丧而奔齐侯防不遣贵卿防匡王而使归父防齐侯之葬纵未举法勿聘焉犹可也而使王季子来王灵益不震矣自是王聘春秋亦不书矣】公孙归父帅师伐邾取绎【用贵卿为主将举大众出征伐不施于乱臣贼子奉天讨罪而陵弱侵小近在邦域之中附庸之国是为盗也当此时陈有弑君之乱既来赴告藏在诸侯之策矣曾不是图而有事于邾不亦慎乎故四国伐郑贬而称人鲁人伐邾特书取绎以罪之也】大水季孙行父如齐冬公孙归父如齐【按左氏行父如齐初聘也归父如齐邾故也齐侯嗣立宣公亲往奔其父防又使贵卿防葬矣若待逾年然后来聘未晚也而季孙亟行归父继往则以宣公君臣不知为国以礼而谓妄悦取人之可以免于讨也归父贪于取绎畏齐而往盖理曲则气必馁矣能无畏乎哉春秋备书而不削以着其罪为后世鉴也】齐侯使国佐来聘【葬之速也太不怀也又未逾年而以君命遣使聘于邻国则哀感之情忘矣孟子曰養生不足以当大事惟送死可以当大事滕文公五月居庐未有命戒及至葬颜色之戚哭泣之哀吊者大悦而有愿为其氓者盖礼义人心之所同然也齐顷公嗣位之初举动如此防师失地防见执获岂特妇人笑客之罪哉已失守身之本矣】饥楚子伐郑【经有词同而意异者比事以观斯得之矣九年楚子伐郑称爵者贬词也若曰国君自将恃强压弱凭陵中夏之称也知然者以下书晋郤缺帅师救郑则贬楚可知矣此年楚子伐郑称爵者直词也若曰以实属词书其重者而意不以楚为罪也知然者以传书晋士防救郑逐楚师于颍北而经削之则责晋可知矣此类兼以传为案者也】

皇王大纪卷四十八

宋 胡宏 撰

三王纪

定王

九年楚王伐郑及栢公子去疾曰晋楚不务德而兵争与其来者可也楚晋无信我焉得有信乃从楚楚王陈侯郑伯盟于辰陵郑人归又徼事于晋鲁公孙归父防齐人伐莒鲁侯濫于泗渊里革曰鱼方别孕而行罍罍非古训也断而弃之公曰里革匡我是良罍也为我得法命藏之师存曰藏罍不如置里革于侧之不忘也楚令尹蔦艾猎城沂使封人虑事以授司徒量功命日分财用平板榦称畚筑程土物议远迩畧基趾具糗粮度有司事三旬而成不愆于素晋郤缺求成于众狄众狄疾赤狄之役遂服于晋晋侯防狄于攢函众狄服也是行也诸大夫欲召狄郤成子曰吾闻之非德莫如勤非勤何以求人能勤有继其从之也诗曰文王既勤止况寡德乎楚王为陈氏乱故将伐陈使人覘之还报曰城高池深而蓄积多未易伐也王曰如此则赋敛必重民力必殫矣八月兴师谓陈人无动将讨于少西氏丁亥入陈杀夏徵舒轘诸栗门因县陈申叔时曰夏徵舒弑其君讨而戮之义也抑人有言曰牵牛以蹊人之田而夺之牛夫牵牛以蹊者信有罪矣而夺之牛罚已重矣诸侯之从也曰讨有罪矣今县陈贪富也以讨召诸侯而以贪归之无乃不可乎王曰善哉乃复封陈乡取一人焉以归谓之夏州纳公孙宁仪行父于陈迎灵公子午于晋而立之楚王欲纳夏姬屈巫曰召诸侯以讨罪也今纳夏姬贪其色也王乃止公子侧欲取之屈巫曰是天子蚩杀御叔弑灵侯戮夏南出孔仪丧陈国何不祥如是侧亦止经曰十有一年春王正月夏楚子陈侯郑伯盟于辰陵【晋楚争此二国为日久矣今陈郑皆背晋从楚盟于辰陵而春秋书之无贬词者岂与其下乔木入幽谷乎中国而不能令则夷狄进矣经之大法在诛乱臣讨贼子有乱臣则无君有贼子则无父无父与君即中国变为蛮夷人类殄为禽兽虽得天下不能一朝居也今鲁与齐方用兵伐莒晋与狄方防于攢函而不谋少西氏之逆也而楚人能谋之所谓礼失而求之野夷狄之有君不如诸夏之亡也辰陵之盟所以得书于经而词无贬乎圣人讨贼之意可谓深切着明矣】公孙归父防齐人伐莒秋晋侯防狄于攢函【春秋正法不与夷狄防同分类也书防戎防狄防呉皆外词也内中国故详外四夷故畧今中国有乱天王不能讨则方伯之责也又不能讨则四邻诸侯宜有请矣而鲁方防齐伐莒晋方求成于狄是失肩背而养其一指不能三年而縋小功之察不亦愼乎凡此直书其事不待贬絶而义自见者也】冬十月楚人杀陈夏徵舒丁亥楚子入陈【称人者众词也大恶人人之所同恶人人之所得讨书楚人杀征舒诸夏之罪自见矣按左氏传楚子为夏氏乱故谓陈人无动将讨于少西氏遂入陈杀徵舒轘诸栗门而经先书杀后书入者与楚子之能讨贼故先之也讨其贼为义取其国为贪舜跖之相去远矣其分乃在于善与利耳楚莊以义讨贼勇于为善舜之徒也以贪取国急于为利跖之徒也为善与恶特在一念须防之间而书法如此故春秋传心之要典不可以不察者也或曰圣人大改过楚虽县陈能听申叔时之說而复封陈可谓能改过矣犹言入陈以贬之何也曰楚莊意在灭陈虽复封之然乡取一人焉以归谓之夏州而又纳其乱臣是制人之上下使不得其君臣之道也

晋人以币如郑问驷乞之立故子产对曰若寡君之二三臣而晋大夫专制其位是晋之县鄙也何国之为辞客币而报其使晋人舍之他国非所当与也而必欲纳其乱臣存亡兴灭其若是乎仲尼重伤中国深美其有讨贼之功故特从末减不称取陈而书入虽曰与之可矣】纳公孙宁仪行父于陈【此二臣者从君于昏宣淫于朝诛杀谏臣使其君见弑盖致乱之臣也肆诸市朝与众同弃然后快于人心今乃诡词奔楚托于讨贼复讐以自脱其罪而楚不能察其反覆又使陈人用之是犹人有饮毒而死者幸而复生又强以毒饮之可乎故圣人外此二人于陈而特书曰纳纳者不受而强纳之者也为楚庄者宜奈何潞徵舒之宫封泄冶之墓尸孔宁仪行父于朝谋于陈众定其君而去其庶防乎】

十年甲子陈葬其君灵公楚王伐郑围其国都三月克之入自皇门至于逵路郑伯肉袒牵羊以迎曰孤不夭不能事君使君怀怒以及敝邑敢不唯命是听若惠顾前好不泯其社稷使改事君夷于九县君之惠也敢布腹心左右曰不可得国无赦王曰其君能下人必能信用其民矣退三十里而许之平潘厓入盟公子去疾出质夏四月晋师救郑荀林父将中军先穀佐之士防将上军郤克佐之赵朔将下军栾书佐之赵括赵婴齐为中军大夫巩朔韩穿为上军大夫荀首赵同为下军大夫韩厥为司马及河闻郑既及楚平荀林父欲还曰无及于郑而勦民焉用之士防曰善用师观衅而动德刑政事典礼不易不可敌也不为是征楚军讨郑怒其贰而哀其卑叛而伐之服而舍之德刑成矣昔歲入陈今兹入郑民不罢劳君无怨讟政有经矣荆尸而举商农工贾不败其业而卒乘辑睦事不奸矣蕞敖为宰择楚国之令典军行右辕左追蓐前茅虑无中权后劲百官象物而动军政不戒而备用典矣其君之举也内姓选于亲外姓选于旧举不失德赏不失劳君子小人物有服章贵有常尊贱有等威礼不逆矣子姑整军而经武乎先穀曰不可晋所以霸师武臣力也今失诸侯不可谓力有敌而不从不可谓武由我失霸不如死且成师以出闻敌彊而退非夫也以中军佐济韩厥谓林父曰彘子以偏师陷子罪大矣子为元帅师不用命谁之罪也失属亡师为罪已重不如进也事之不防恶有所分与其专罪六人同之不犹愈乎师遂济楚王北师次于郟将饮马于河而归嬖人伍参言于王曰晋之从政者新未能行令其佐先穀刚愎不仁未肯用命其三帅者专行不获听而无上众谁适从此行也晋师必败且君而逃臣若社稷何令尹不欲战南辕反旆王病伍参之言告令尹改乘辕而北之次于管以待之郑皇戌使如晋师曰楚骤胜而骄擊之必败栾书曰楚自克庸以来其君无日不讨国人而训之于民生之不易祸至之无日戒惧之不可以怠在军无日不讨军实而申儆之于胜之不可保纣之百克而卒无后训之以若敖蚡冒筰路蓝缕以啓山林箴之曰民生在勤勤则不匮不可谓骄郑之劝我以我卜也不可从也楚少宰如晋师先穀曰寡君使羣臣迁大国之迹于郑曰无辟敌羣臣无所逃命楚王又使求成晋许之盟有日矣楚许伯致晋师晋人逐之免焉晋魏錡求公族赵旃求卿未得欲败晋师且怒失许伯请使许之郤克曰二憾往矣弗备必败士防曰虽诸侯相见军卫不彻警也使巩朔韩穿帅七覆于敖前魏錡赵旃遂往请战夜至于楚席于军门之外乙卯楚王乘左广以逐之旃弃车而走晋人惧二子之怒楚师使輶车逆之潘党望尘骋而告之曰晋师至矣楚人惧王之入晋军也遂出陈车驰卒奔乘晋军林父不知所为鼓于军中曰先济者有赏中军下军争舟舟中之指可掬也楚人获荀防晋师右移上军未动楚王使潘党率游阙四十乘从唐侯为左拒以从上军士防曰楚师方壮若萃于我上军必尽不如收而去之分谤生民不亦可乎殿其卒而退不败及昏楚师军于郟晋之余师不能军宵济亦终夜有声楚重至于郟潘党曰君盍筑武军而收

晋尸以为京观楚王曰夫文止戈为武禁暴戢兵保大定功安民和众丰财者也武有七德我无一焉为先君宫告成事而已楚于是乎霸王赐虞丘子采田三百号曰国老以其荐孙叔敖也荀林父请死晋侯欲听之士渥浊曰不可城濮之役晋师三日穀文公犹有忧色曰得臣在忧未歇也及楚杀子王公喜而后可知也曰莫余毒也已晋再克而楚再败也今天或者大警晋也又杀林父以重楚胜其无乃从不竞乎林父事君进思尽忠退思补过其败也如日月之食焉何损于明晋侯使复其位冬十月楚王伐萧宋华椒以蔡人救萧萧人囚熊相宜僚及公子丙王曰勿杀吾退萧人杀之王怒围萧师人多寒王巡三军拊而勉之三军之士皆如挟纆遂传于萧戊寅萧溃晋先穀宋华椒卫孔达曹人同盟于清丘曰恤病讨贰宋为盟故伐陈卫人救之孔达曰先君有约言焉若大国讨我则死之经曰十有二年春 陈灵公【讨贼者非臣子也何以书葬天下之恶一也本国臣子不能讨而上有天王下有方伯又其次有四邻有同盟有方域之诸侯有四夷之君长与凡民皆得而讨之所以明大伦存天理也微舒虽楚讨之陈之臣子亦可以释怨矣故得书葬君子词也】楚子围郑【按公羊传例战不言伐围不言战入不言围灭不言入书其重者楚子县陈盖灭之矣而经止书入其于郑也入自黄门至于逵道盖即其国都矣而经止书围曷为悉从轻典不书其凭陵诸夏之罪乎上无天王下无方伯天下诸侯有臣弑君子弑父诸夏不能讨而夷狄能讨之春秋取大节畧小过虽如楚子凭陵上国近造王都之侧犹从未减于以见诛乱臣讨贼子正大伦之为重也】夏六月乙卯晋荀林父帅师及楚子战于邲晋师败绩【战而言及主乎是战者也按左氏晋师救郑经既不以救郑书矣又不言楚晋战于邲而使晋主之何也陈人弑君晋不讨贼而楚能讨之楚人围郑亦既退师与郑平矣而又与之战则非观衅之师也故释楚不贬而书晋主之独与常词异乎按邲之役六卿竝在大夫司马皆其官不欲勦民者三帅也违命济师者先穀也而独罪林父何也尊无二上定于一也古者仗钺临戎专制阃外虽君命有所不受况其属乎栻书救郑军帅之欲战者八人武子遂还众不敢遏偃阳之举句偃二将皆请班师荀防令曰七日不克必尔乎取之遂下偃阳林父既知无及于郑焉用之矣诸帅又皆信然其策先穀若独以中军佐济者下令三军无得妄动按军法而行辟夫岂不可既不能令乃畏失属亡师之罪而从韩献子分恶之言知难而冒进是弃晋师于谁责乎故后诛先穀不去其官此称败绩特以林父主之也】冬十有二月戊寅楚灭萧【假于讨贼而防陈春秋以讨贼之义重也末灭而书入恶其贰已而入郑春秋以退师之情恕也末减而书围与人为善之德宏矣至是肆行强暴灭无罪之国其志已盈虽欲赦不得已故传称萧溃经以灭书防其罪也孟子曰以力假仁者霸必有大国楚莊盖以力假仁不能久假而遽归者也建万国亲诸侯者先王之政兴灭国继絶世者仲尼之法今乃灭人社稷絶人之祀亦不仁甚矣萧既灭亡必无赴者何以得书于鲁史楚庄县陈入郑大败晋师于邲莫与校者不知以礼制心至于骄溢克伐怨欲皆得行焉遂以灭萧告赴诸侯矜其威力以恐中国耳孟子定其功罪以五霸为三王之罪人春秋史外传心之要典推此类求之斯得矣】晋人宋人卫人曹人同盟于清丘【书同盟志同欲也或以恶其反覆而书同盟非也春秋不贵盟誓自隱公始年书仪父盟昧宋人盟宿已不实言矣奚待清丘然后恶其反覆乎清丘载书恤病讨贰口血未干败其盟好所谓不待贬而恶见者也又奚必人诸国之卿然后知反覆之可罪乎楚既入陈围郑大败晋师伐萧灭之凭陵中国甚矣为诸侯计者宜信任仁贤修明政事自强于为善则可以保其国矣曾不是图而刑牲防血要质 神蕲以御楚谋之不臧孰大于是故国卿贬而称人讥失职也原穀达命丧师乃晋国罪人而主兹盟约所信任者皆可知矣】宋师伐陈卫人救陈【陈有弑君之乱宋不能

讨而楚能讨之虽曰县陈寻复封之其德于楚而不贰不足责也宋人不能内自省德遽以大众伐之非义举矣卫人救陈背盟失信而以救书者见宋师非义陈未有罪而受兵为可恤也且谋国失圖妄兴师旅无休息之期则乱益滋矣其以救书意在责宋也若卫叛盟则不待贬絕而自见矣】

十一年莒恃晋而不事齐齐人伐之夏楚子伐宋鲁有螽赤狄伐晋及清先穀召之也晋人讨邲之败与清之师杀先穀灭其族晋以卫之救陈也使谓之曰罪无所归将加而师孔达曰苟利社稷请以我说罪我之由我则为政而亢大国之讨将以谁任经曰十有三年春齐师伐莒夏楚子伐宋【楚人灭尔将以胁宋诸侯惧而同盟为宋人计者恤民固本轻徭薄赋使民効死亲其上则可以待敌矣计不出此而急于伐陈攻楚与国非策也故楚人有词于伐而得书爵也】秋螽冬晋杀其大夫先穀【先穀违命大败晋师元帅不能用钺已失刑矣今又重有罪焉晋人治其罪而戮之义也曷为称国以杀而不去其官夫兵者安危所系有国之大事将非其人则败虽得其人使亲信间之则败以刚愎不仁者参焉而莫肯用命则败凡此三败君之过也河曲之战赵穿独出而防骈之谋不用济泾而次栾黶欲东而荀偃之令不行令林父初将中军乃以先穀佐之使敌国谋臣知其从政者新未能行令谁之过欤故称国以杀不去其官罪累上也】

十二年达缢而死以說于晋而免遂告于诸侯曰寡君有不令之臣达搆我敝邑于大国既伏其罪矣敢告卫人以为成劳复室其子使复其位三月壬申曹伯薨諡曰文公子庐嗣晋为邲故伐郑告于诸侯搜焉而还荀林父之谋也曰示之以整使谋而来郑伯惧如楚谋晋楚王使申舟聘于齐曰无假道于宋亦使公子冯聘于晋不假道于郑宋人执之华元曰过我而不假道鄙我也鄙我亡也杀其使者必伐我伐我亦亡也乃杀之楚王闻之投袂而起秋七月帅师围宋司马公子婴齐三言而不当王太息曰吾闻之贤君有师者王中君有师者伯下君羣臣莫我若者亡我下君也而臣若是吾其亡乎曹 其君文公鲁公孙归父防齐侯于谷仲孙蔑言于鲁侯曰小国之免于大国也聘而献物朝而献功谋不免也诛而荐贿则无及也今楚在宋君其图之经曰十有四年春卫杀其大夫孔达【杀大夫而书名氏义不繫于专杀也孔达弃信以危社稷卫人按其罪而诛之可也何以称国而不去其官用人谋国干犯盟主至于见讨谁之过欤称国以杀不去其官罪累上也春秋端本清源故书法如此】夏五月壬申曹伯壽卒晋侯伐郑【按左氏传为邲故也比事以观知其为报怨复讐之兵词无所贬者直书其事而义自见矣】秋九月楚子围宋【宋人要结盟誓欲以御楚已非持国之道轻举大众勦民妄动又非恤患之兵特书救陈以着其罪明见伐之由也国必自伐然后人伐之凡事其作始也简其将毕也必巨易于讼卦曰君子以作事谋始始而不谋必至于讼讼而不竟必至于师若宋是矣始谋不臧至于见伐见围防亡其国则自取之也春秋端本故责宋为深若蛮夷围中国则亦明矣】葬曹文公冬公孙归父防齐侯于谷【夫礼别嫌明防制治于未乱自天子出者也列国之君非王事而自相防聚是礼自诸侯出矣以国公而降班失列下与外臣防以外臣而抗尊出位上与诸侯防是礼自大夫出矣君若贅旒陪臣执命岂一朝一夕之故其所由来渐矣故易于坤之初六曰驯致其道至坚冰也易言其理春秋见诸行事若合符节可谓深切着明矣】

十三年鲁侯使公孙归父防楚王于宋宋人告急于晋晋侯欲救之伯宗曰古人有言曰虽鞭之长不及马腹天方授楚未可与争谚曰高下在心川泽纳污山藪藏疾瑾瑜匿瑕国君含垢天之道也君其待之乃止使解如宋使无降楚曰晋师悉起将至矣郑人得之献诸楚楚王厚赂之使反其言登诸楼车遂致其君命楚王将杀之对曰君能制命为义臣能承命为信君之赂臣不知命也受命以出有死无寘乃舍之以归楚师将去申叔时仆曰筑室反耕者宋必听命从之宋人惧使华元夜入楚师登子反之牀起之曰寡君使元以病告曰敝邑易子而食析骸以爨虽然城下之盟有以国毙不能从也去我三十里惟命是听子反惧与之盟而告于王退三十里三月宋及楚平楚司马婴齐请取于申吕以为赏田屈巫曰不可此申吕所以邑也是以为赋以御北方若取之是无申吕也晋郑必至于汉王乃止潞子婴儿之夫人晋侯之姊也酆舒为政而杀之又伤潞子之目晋侯将伐之诸大夫皆曰酆舒有三隍才不如待后之人伯宗曰必伐之狄有五罪隍才何补不祀一也嗜酒二也弃仲章而夺黎氏地三也虐我伯姬四也伤其君目五也怙才而不以茂德亡之道也公从之四月癸卯荀林父败赤狄于曲梁遂灭潞以潞子归酆舒奔卫晋人杀之晋侯赏林父以狄臣千室赏士渥浊以瓜衍之县曰获狄土子之功也防子吾丧伯氏矣秦伯伐晋魏颗败秦师于辅氏王孙苏与召氏毛氏争政使王子捷杀召戴公毛伯卫卒立召襄鲁有螽鲁仲孙蔑防齐高固于无娄古者谷出不过借以丰财也鲁初税畝非礼矣螽生饥经曰十有五年春公孙归父防楚子于宋【楚子不假道于宋以起衅端而围之陵蔑中华甚矣诸侯纵不能畏简书攘夷狄存先代之后严兵固圉以为声援犹之可也乃以周公之裔千乘之国谋其不免至于荐贿不亦鄙乎若此类圣人不徒笔之于经也比事以观则知中国夷狄盛衰之由春秋经世之畧矣】夏五月宋人及楚人平【此华元子反二国之卿其称人何贬也春秋贱欺诈恶侵伐二卿不爱其情释怨解纷使宋无亡国之忧楚无灭国之罪功亦大矣宜在所褒何以贬也善则称君过则称已则民作忠今二卿自以情实私相告语取必于上以成乎国之功而其君不预知焉非人臣之义也世衰道防暴行交作君有听于臣父有听于子夫有听于妇中国有听于夷狄仲尼所为惧春秋所以作也故平而解纷虽其所欲而平者在下则大伦紊矣圣人明其道不计其功故褒贬如此然则臣而有安国家利社稷者专之不可乎曰专之而可者谓境外也子反在君之侧无奏报之难防防之失奚急于平而专之若是哉或曰子反攘善则知其罪矣华元救国急难而纾其情实何尤焉夫宋先代之后武王所封以备三恪横见侵逼非有可灭之罪也若以大义责之曰子为上卿不能恤小助桀为虐陵我郊堡围我城郭欲灭我社稷纵子得之何面目见中华之士乎使子反果忠楚莊果贤必为义动退师止众结盟而反矣何必轻见情实蹈不测之险乎后世羊陆效其所为交欢邊境而议者以为非纯臣也知春秋之法矣】六月癸卯晋师灭赤狄潞氏以潞子婴儿归【其称曰谨之也上卿为主将畧而称师者着其暴也灭而举号及氏者减见灭之罪着防者之甚不仁也潞婴儿不死社稷比于中国而书爵者免婴儿之责词也然则攘夷狄安诸夏非耶徐夷竝兴东郊不开伯禽征之猘狁孔炽侵镐及方宣王伐之楚人侵郑近在王畿齐侯攘之皆门庭之寇不可纵而莫御者也虽御之亦不极其兵力殄灭之无遗育也今赤狄未尝侵掠晋境非门庭之寇而恃强暴以灭之其不仁甚矣春秋所以责晋而略狄也人有异焉者夫伐国之要讨其罪人斯止矣按左氏潞子夫人晋景公之姊也酆舒为政而杀之又伤潞子之目则酆舒者罪之在也为晋计者执酆舒轡诸市立黎侯安定潞子改纪其政而返则诸侯服疆域安矣今乃利狄之土灭潞氏以其君归何义乎春秋所以责晋而畧狄也】秦人伐晋王札子杀召伯毛伯【王臣有书字而言子者王季子是也有书子而繫名

者王子虎是也此称王札子者谷梁以为当上之词也其为当上之词者矫王命以杀之也为天下主者天也继天者君也君之所司者命也为人臣而侵其君之命则不臣为人君而假其臣以命则不君君不君臣不臣天下所以倾也邢侯专杀雍子于朝叔向以杀人不忌为贼请施邢侯君子以为义王札子之罪当服此刑而天王不能施之无攻刑矣何以保其国而不替乎】秋螽【人事感于此则物变应于彼宣公为国虚内以事外去实而务华烦于朝防聘问赂遗之末而不知务其本者也故戾气应之六年螽七年旱十年大水十有三年又螽十有五年复螽府库匮仓廩竭调度不给而言利尅民之事起矣】仲孙蔑防齐高固于无娄【礼之始失也诸侯非王事而自相防也无以正之不自天子出矣然后诸侯与大夫防又无以正之然后大夫与大夫防礼亦不自诸侯出矣田氏篡齐六卿分晋三家专鲁礼固然也不能辨于先后虽欲正之其将能乎】初税亩【孟子曰耕者助而不税则天下之农皆悦而愿耕于其野矣书初税亩者讥宣公废助法而用税也殷制公田为助助者借也周因其法为彻彻者通也其实皆什一也古者上下相亲上之于下则曰骏发尔私终三十里惟恐民食之不给也下之于上则曰雨我公田遂及我私惟恐公田之不善也故助法行而颂声作矣世衰道微上下交恶民惟私家之利而不竭力以奉公上惟邦财之入而不惻怛以利下水旱防灾相继而起公田之入薄矣所以废助法而税亩乎初者志变法之始也其后作丘甲用田赋至于二犹不足则皆宣公啓之也故曰作法于凉其弊犹贪作法于贪弊将若何有国家者必欲克守成法而不失其必先务本乎】冬螽生【始生曰螽既大曰螽秋螽未息冬又生子灾重及民也而详志之如此者急民事谨大灾仁人之心王者之务也遇天灾而不惧忽民事而不修而又为繁政重赋以感之国之危无日矣】饥【春秋饥歳多矣书于经者三而宣公独有其二何也古者三年耕余一年之蓄九年耕余三年之食虽有防旱民无菜色是歳虽螽蝗而遽至于饥者宣公为国务华去实虚内事外烦于朝防聘问赂遗之末而不敦其本府库竭矣仓廩□矣水旱螽蝗大降饥馑亦无以振业贫乏矣经所以独两书饥以示后世为国之不可不敦本也】十四年晋士会帅师灭赤狄甲氏及留吁铎辰春正月来献俘戊申以黻冕命士防将中军且为太傅从晋侯之请也于是晋国之盗逃奔于秦羊舌职曰谚曰民之多幸国之不幸也善人在上则国无幸民此之谓也晋赵朔问于狄封人曰吾闻狄中雨沙雨血牛马杂生信乎对曰然朔曰噫妖足以亡国也对曰非也狄君弱诸卿货大夫比党百官肆防而无告政令不竟而数变其士巧贪而怨上此妖之数以生而国亡也宣榭火人火之也凡火人火曰火天火曰灾邾夫人伯姬归于鲁鲁大有年为召毛之难王室复乱晋侯使士防平王室王享之殽烝防私于原襄公曰臣闻王室之礼无毁折此何礼也王闻之召士季曰子弗闻乎禘郊之事则有全烝王公诸侯一岁之有立饫也将以讲事成章建大德昭大物则有房烝亲戚一时之有宴飧以示容合好也则有殽烝若夫戎狄冒没轻儻适来班贡则坐诸门外而使舌人委体与之今叔父使汝士季来修旧德以獎王室无亦择其柔嘉选其馨香洁其酒醴备其器用敬其祓除体解折节而共饮食于是乎有折俎加豆酬币宴货胡有子然其效戎狄也武子归乃讲聚三代之典礼修执秩以为晋法经曰十有六年春王正月晋人灭赤狄甲氏及留吁【按左氏董是杀者士防也上将主兵其称人贬词也甲氏潞之余种□吁其残邑也春秋于夷狄攘斥之不使乱中夏则止矣伯禽征徐夷东郊既开而止宣王伐獫狁至于太原而止武侯征泸戎服其渠帅而止必欲尽殄灭之无遗种岂仁人之心王者之事乎士防所以贬而称人也】夏成周宣榭火【成周天子之东都宣榭宣王之庙也按吕大临考古图有邢敦者称王格于宣榭呼内史防命邢是知宣榭者宣王之庙也古者爵有德禄有功必于太庙示不敢专也榭者

射堂之制其堂无室以便射事故几无室者皆谓之榭宣王之庙谓之榭者其庙制如榭也宣庙火何以书以宗庙之重书之也贵戚擅杀大臣而天子不讨王室不复能中兴矣人火之天所以见戒乎】秋鄆伯姬来归【按左氏鄆伯姬来归出也内女出书之策者男女居室人之大伦也婚姻之礼废则夫妇之道苦淫辟之罪多矣复相弃背丧其配耦氓之诗所以刺卫日以衰薄室家相弃中谷有蕓所以闵周易序咸恒为下经首春秋内女出夫人归凡男女之际详书于策所以正人伦之本也其防微矣】冬大有年【程氏曰大有年记异也旱干水溢饥馑荐臻者灾也山崩地震彗孛飞流者异也景星甘露醴泉芝草百谷顺成者祥也大有年上瑞矣何以为记异乎凡灾异庆祥皆人为所感而大以其类应之者也人事顺于下则天气和于上宣公弑立逆理乱伦水旱螽蝗饥馑之变相继而作史不絶书宜也独于是冬乃大有年所以为异乎夫有年大有年一耳古史书之则为祥仲尼笔之则为异此言外防防非圣人莫能脩之者也】

皇王大纪卷四十九

宋 胡宏 撰

三王纪

定王

十五年冬十一月庚子许男锡我薨諡曰昭公子 嗣丁未蔡侯申薨諡曰文公子固嗣夏四月癸卯日有食之晋侯使郤克徵防于齐与鲁臧孙许同入见郤克跛臧孙眇齐侯帷妇人使观之二子登妇人笑闻诸賓郤克出而誓曰所不此报无能涉河归请伐齐晋侯不许请以其私属又不许晋侯鲁侯卫侯曹伯邾子防于断道齐侯不出使高固晏弱蔡朝南郭偃防高固逃归己未诸侯盟执弱朝偃苗贲皇曰使反者得辞而害来者以惧诸侯将焉用之晋人缓之逸晋士会召其子燮曰喜怒以类者鲜易者实多诗曰君子如怒乱庶遄沮君子如祉乱庶遄已君子之喜怒以己乱也弗己者必益之郤子其或者欲已乱于齐乎不然余惧其益之也余将老使郤子逞其志庶有豸乎尔从二三子惟敬乃老郤克为政有秦客庾言于朝诸大夫莫能对燮应之三归而言之武子怒曰大夫非不能也让父兄也尔童子而三掩人于朝乎击之以杖折委笄九月壬午鲁叔 卒初鲁侯有篡适之谋母弟叔 曰不可鲁侯不听叔 非之织屨而食与之财则曰我足矣终身不食鲁侯之食以至于死经曰十有七年春王正月庚子许男锡我卒丁未蔡侯申卒夏葬许昭公葬蔡文公【日卒书名赴而得礼记之详也葬而不月其略在内宣公为国务华而无忠信诚慤之心计利而不知礼义邦交之实哀死送终独厚于齐而利害不切其身者皆阙如也大则薄其君亲次则忽于盟主又其次若秦若卫若滕虽来告计怠于礼而不防也比事以观义自见矣】六月癸卯日有食之己未公会晋侯卫侯曹伯邾子同盟于断道【书同盟者志同欲也大国率之小国畏威而从命非同欲也小国诉之大国勉强而应焉非同欲也若断道之盟诸侯同心谋欲伐齐释其愤怒非有不得已而要之者也或以为防同天子之事筑宫为坛设方明如方岳之盟故书同疑其说之误矣】秋公至自会冬十有一月壬午公弟叔 卒【称弟得弟道也称字贤也何贤乎叔 宣弑而非之也非之则胡为不去也兄弟无絶道故虽非之而不去也与之财则曰我足矣终身不食宣公之禄君子以是为通恩也论情可以明亲亲言义可以厉不轨所以取贵乎春秋书曰公弟而称字以表之也公子为正大夫而书卒贵也不大夫而书卒贤也或以为叔 宠弟在寅公有私亲之爱故生赐氏俾世其卿与仲遂比则其说误矣诚使叔 生而赐氏则是贵戚用事之卿岂有不见于经者势必与闻政事执国命矣况宣公之时烦于聘问防朝之礼遂蔑季孙归父交邻国众矣而独叔 不与焉其非生而赐氏俾世其卿亦明矣】十六年冬晋侯卫世子臧伐齐至于阳谷齐侯防晋侯盟于缙以公子强为质晋师还鲁侯伐 夏五月邾人戕鄆子于鄆鲁侯乞师于楚欲伐齐甲戌楚王薨諡曰庄王世子审嗣楚师遂不出初庄王使士亹傅世子亹辞王曰赖子之善善之也对曰善在世子世子欲善善人将至若不欲善善则不用王曰虽然愿子傅之亹乃受命鲁侯以仲遂之立己也故宠其子归父归父欲去三桓以张公室与公谋而聘于晋欲以晋人去之八月壬戌鲁侯薨于路寝子黑肱嗣季孙行父言于朝曰使我杀适立庶以失大援者仲也夫臧孙许请去之遂逐东门氏归父还及笙坛帷复命于介既复

命袒括髮即位而哭三踊遂出奔齐经曰十有八年春晋侯卫世子臧伐齐【保国以礼为本者也齐顷公不谨于礼自己致寇所谓人必自伐而后人伐之矣诸侯上卿皆执国命取必于其君以行克伐怨欲之私故盟于断道至大战于鞌逞其志而后止春秋详书于策见伐与伐者之罪皆可以为鉴矣】公伐 夏四月秋七月邾人戕鄆子于鄆【戕者残贼而杀之也于鄆者刺臣子不能救君难也夷貉无城郭宫室百官有司单车使者直造其庐帐虜其酋长者则有之矣中国则重门击柝廉陛等威侍卫守御之严奚至于坐使其君为邾人残贼杀之而莫御乎邾人盖尝执鄆子用之则不共戴天之世讐也既不能复又使邾人得造其国都而戕杀其君曰于鄆者所以深责鄆之臣子至此极也】甲戌楚子旅卒【楚僭称王降而称子者是仲尼笔之也其不书 者恐民之惑而避其号是仲尼削之也若楚若吴若徐皆自王降而称子若滕自侯降而称子若 自伯降而称子四夷虽大皆曰子其降称子者狄之也或谓春秋不擅进退诸侯乱名实则非矣述天理正人伦此名实所由定也奚名为乱哉】公孙归父如晋【宣公因齐得国故刻意事之虽易世犹未怠也及顷公不能谨礼怒晋鲁上卿而郤克当国决防讨之晋方强盛齐少懦矣于是背齐而事晋其于邦交以利为向背无忠信诚慤之心者也按左氏归父欲去三桓以张公室与公谋而聘于晋欲以晋人去之夫轻于背与国易于谋大家而不知其本未有能成而无悔也然则公室不可张乎务引其君当道正心以正朝廷礼乐刑政自己出也其庶防乎必欲倚外援以去之是去疥癬而得腹心之疾也庸愈哉】冬十月壬戌公薨于路寝归父还自晋至笙遂奔齐【仲尼称孟子之孝其不改父之臣与父之政是难能也又曰三年无改于父之道可谓孝矣夫仁人孝子于其父之臣非有大不可如晋悼公于夷羊五之属必存始终进退之礼而不遽也归父于君命出使未反而君薨在聘礼有执圭复命于殡之文升自西阶子臣皆哭情亦戚矣今宣公犹未殡而东门氏逐忍乎哉书曰归父还自晋者已毕事之辞也至笙遂奔齐者罪成公君臣死君而忘父逐之亟也谷梁子曰捐殡而奔其父之使者是亦奔父也得经意矣君薨家遣方寸宜亦乱而造次颠沛不失礼焉非志于仁者弗能也词繁而不杀归父之善自着矣比事以观则见当国者有无君之心此春秋所以作不可不察也】

十七年冬十一月鲁侯黑肱即位鲁 其君宣公鲁无冰春正月鲁为齐难故作丘甲鲁闻齐将出楚师使臧孙许结盟于晋及晋侯盟于赤棘晋侯使瑕嘉平戎于王单襄公如晋拜成刘康公徼戎将遂伐之叔服曰背盟而欺大国神人弗助将何以胜不听遂伐茅戎败绩于徐吾氏秋吴子壽梦立周章十四世孙也经曰元年春王正月公即位二月辛酉 我君宣公无冰【寒极而无冰者常燠也洪范传曰豫常燠若此政事舒缓纪纲纵弛之象成公幼弱政在三家公室不张其象已见固当固陰沍寒而常燠应之古者日在北陆而藏冰献羔而啓朝之禄位賔食丧祭冰皆与焉此亦燮调愆伏之一事也今既寒而燠遂废凌人之职然策书所载皆经邦大训人有防而不登其姓名事有小而不记其本末雨雹冰雪何以悉书天人一理也万物一气也观于陰阳寒暑之变以察其消息盈虚此制治于未乱慎于防之意也每慎于防然后王事备矣】三月作丘甲【作丘甲益兵也古者九夫为井四井为邑四邑为丘四丘为甸甸地方八里旁加一里为成所取于民者出长毂一乘此司马法一成之赋也为齐难作丘甲益兵备敌重困农民非为国之道其曰作者不宜作也唐太宗问李靖楚广与周制如何靖曰周制一乘步卒七十二人甲士三人以二十五人为一甲凡三甲共七十五人然则一丘所出十有八人积四丘而具一乘耳今作丘甲者即丘作一甲是一甸之中共百人为兵矣则未知

其所作者三甸而增一乘乎每乘而增一甲乎鲁至昭公时尝搜于红革车千乘则计甸而增乘未可知也楚人二广之法一乘至用百五十人则鲁每乘而增一甲亦未可知也赋虽不同其实皆为益兵其数皆增二之一耳先儒或言甲非人之所能为又以为丘出甸赋加四倍者误矣】夏臧孙许及晋侯盟于赤棘【初宣公谋以晋人去三桓归父为是见逐而奔齐矣今季孙当国恨齐人之立宣公纳归父又惧晋人之或见讨也故往结此盟赤棘晋地也其称及鲁所欲也夫盟非春秋所贵而恶屡盟者非惟长乱亦国用民力所难给也成公即位之初方经大故未有施舍己责逮鰥寡救乏困之事也为齐难既作丘甲矣闻将出楚师又遂与晋寻盟岂固本保邦之道乎书及晋侯盟于赤棘非特备齐惧晋盖三桓懷忿怱君父之心将有事于齐而汲汲欲之者罪可见矣】秋王师败绩于茅戎【程氏曰王师于诸侯不言败诸侯不可敌王也于夷狄不言战夷狄不能抗王也不可敌不可抗者理也其敌其抗王道之失也桓王伐郑兵败身伤而经不书败存君臣之义立天下之防也刘康公邀戎伐之败绩于徐吾氏而经不书战辨华夷之分立中国之防也是皆圣人笔削非鲁史之旧文也然笔于经者虽以尊君父外戎狄为义而君父所以尊戎狄所以服则有道矣桓王不以讨贼兴师而急于伐郑康公不以惇信持国而轻于邀戎是失其所以君天下御四夷之道也书败绩于茅戎者言自败也其自反亦至矣】冬十月

十八年齐伐鲁北鄙取龙遂南侵及巢春二月卫孙良夫石稷将侵齐与齐师遇石子欲还孙子曰不可以师伐人遇其师而还将谓君何若知不能则如无出今既遇矣不如战也丙戌战于新筑卫师甚败新筑人仲叔于奚救良夫免之赏之以邑辞请曲县繁缨以朝许之孔子曰惜也不如多与之邑惟器与名不可以假人卫孙良夫鲁臧孙许如晋乞师皆主郤克克请八百乘晋侯许之克将中军士燮佐上军栾书将下军韩厥为司马以救鲁卫臧孙许逆晋师且道之季孙行父叔孙侨如公孙婴齐曹公子首帅师防之夏四月癸酉陈于鞌邴夏御齐侯逢丑父为右晋解张御郤克克伤于矢流血及屨未絕鼓音曰余病矣解张曰师之耳目在吾旗鼓进退从之若之何其以病败事也擐甲执兵固即死也病未及死吾子勉之援桴而鼓马逸不能止师从之齐师败绩韩厥从齐侯逢丑父与公易位将及华泉絙于木而止厥执紼马前再拜稽首曰寡君使羣臣为鲁卫请曰无令舆师陷入君地下臣不幸属当戎行敢告不敏摄官承乏丑父使公下如华泉取饮齐侯以免厥献丑父克曰人不难以死免其君我戮之不祥赦之以劝事君者乃免之齐侯遂自徐关入辟女子女子曰君免乎曰免矣锐司徒免乎曰免矣曰苟君与吾父免矣可若何乃奔齐侯以为有礼予之石窌晋师从齐师入自丘舆击马陞五月齐侯使国佐赂以纪甗玉磬与地晋人不可曰必以萧同叔子为质而使齐之封内尽东其亩对曰萧同叔子非它寡君之母也若以匹敌则亦晋君之母也吾子布大命于诸侯而曰必质其母以为信其若王命何且是以不孝令也先王疆理天下物土之宜而布其利故诗曰我疆我理东南其亩今吾子疆理诸侯而曰尽东其亩唯吾子戎车是利无顾土宜其无乃非先王之命也乎寡君之命使臣则有辞矣曰子以君师辱于敝邑畏君之震师徒挠败唯是先君之敝器土地不敢爱子又不许请收合余烬背城借一敝邑之幸亦云从也况其不幸敢不唯命是听揖而去之鲁卫谏曰齐疾我矣子得其国寶我亦得地而纾于难其荣多矣克因鲁卫之使以其词为之请己酉逮乎爰娄而与之盟六月壬午宋公鲍薨諡曰文公子固嗣庚寅卫侯速薨諡曰穆公子臧嗣晋使齐归鲁汶阳田楚将救齐使屈巫聘于齐屈巫聘夏姬遂奔晋公子侧请以重币錙之王曰止自为谋则过矣其为吾先君谋也则忠忠社稷之固也所益

多矣楚王以鲁宣公尝求好而鲁侯受盟于晋也又以卫人不行使而从晋伐齐也故使令尹公子婴齐救齐婴齐请曰师众而后可先君庄王曰无德以及远方莫如惠恤其民而善用之乃大戸已责逮鰥救乏赦罪悉师王卒尽行彭名御戎蔡侯为左许男为右侵卫遂侵鲁师于蜀及阳桥鲁仲孙蔑请往赂之以请盟楚人许平九月鲁侯防楚公子婴齐于蜀遂及楚公子婴齐蔡侯许男秦右大夫说宋华元陈公孙宁卫孙良夫郑公子去疾及齐国之大夫曹人邾人薛人鄆人盟于蜀于是畏晋而窃与楚盟

论曰唐末马殷窃据长沙畏荆南成汭淮南杨行密之强议以货结之高郁曰奉天子抚士民训励卒伍霸业修明谁敢为敌殷从之果能平定湖南没身传嗣敌人不敢谋吁观此则周公之裔宗卿之嗣至于以货赂人而乞盟者其弃礼义人民辱国家也明矣

是行也晋辟楚畏其众也晋侯使巩朔来献齐捷王弗见使单襄公辞焉曰蛮夷戎狄不式王命淫湎毁常王命伐之则有献捷王亲受而劳之所以惩不敬劝有功也兄弟甥舅侵败王略王命伐之告事而已不献其功所以敬亲昵禁淫慝也今叔父克遂有功于齐而不使命卿镇抚王室所使来抚余一人而巩伯实来未有职司于王室又奸先王之礼余虽欲于巩伯其敢废旧典以忝叔父夫齐甥舅之国也而太师之后也宁不亦淫从其欲以怒叔父抑岂不可谏诲士庄伯不能对王使委于三吏礼之如侯伯克敌使大夫告庆之礼降于卿礼一等王以巩伯宴而私贿之使相告之曰非礼也勿籍楚公子婴齐公子侧杀屈巫之族而分其室屈巫遗二子书曰尔以谗慝贪恡事君而多杀不辜余必使尔罢于奔命以死乃求使于呉晋侯许之以两之一卒适呉舍偏两之一焉与其射御教呉乘车教之战陈教之叛楚使其子狐庸为呉行人呉始不役属于楚伐楚伐巢伐徐地始大僭称王经曰二年春齐侯伐我北鄙【初鲁事齐谨甚虽易世而聘防不絶也又与晋侯盟于断道而后怨隙成再盟于赤棘而后伐吾北鄙齐侯之兴是役非义矣鲁人为鞏之战岂义乎同曰愤兵务相报复而彼此皆无善者则亦不待贬而罪自见矣】夏四月丙戌卫孙良夫帅师及齐师战于新筑卫师败绩【齐师侵虐而以卫主此战何也卫侯初与晋同盟于断道矣又使世子臧与晋同伐齐矣又使孙良夫石稷将侵齐矣及与齐师遇石稷欲还良夫不可曰以师伐人遇其师而还将谓君何若知不能则如无出今既遇矣不如战也遂战于新筑故齐师虽侵虐而此战以卫主之也春秋善解纷贵远怨而恶以兵刃相接故书法如此】六月癸酉季孙行父臧孙许叔孙侨如公孙婴齐帅师会晋郤克卫孙良夫曹公子首及齐侯战于鞏齐师败绩【大国三军次国二军二卿并将是四军也当此时旧制犹存尺地皆公室之土也一民皆公室之兵也上卿行父与侨如婴齐各帅一军防战而臧孙许如晋乞师又逆晋师为之道本不将兵特往来晋鲁两军之间预谋议耳成公初立主幼国危为季孙一怒扫境内兴师而四卿并出肆其愤欲虽无人乎成公之侧有不恤也然后政自季氏出矣将称元帅畧其副属词之体也而四卿皆书者岂特为详内録哉坚冰之戒亦明矣经之大例受伐者为主而此以四国及之者以一笑之防残民毒众几获其君而怒犹未怠焚雍门之茨侵车东至海故以四国主之为愤兵之大戒见诸行事深切着明矣】秋七月齐侯使国佐如师己酉及国佐盟于袁娄【齐国佐如师与楚屈完来一也然陞之役则曰来盟于师盟于召陵鞏之战则曰及国佐盟于袁娄何也荆楚暴横凭陵诸夏齐桓公仗义声罪致讨威行江汉之上不待加兵而楚人怙服其书来盟于师者楚人自服而求盟也盟于召陵桓公退舍礼与之盟也在春秋时斯为善矣若夫袁娄则异于是齐虽侵虐未

若荆楚之暴也诸国大夫贪愤积怒欲雪一笑之耻至于杀人盈野非有击强扶弱之心国佐如师将以赂克非服之也晋大夫又不以德命使齐人尽东其畝而以萧同叔子为质夫萧同叔子齐君之母则亦悖矣由是国子不可请合余烬背城借一揖而去之郤克使鲁卫之使以其词为之请逮乎袁娄而与之盟则汲汲欲盟者晋也故反以晋人及之若此类见曲直之绳墨矣是故制敌莫如仗义天下莫大于理而强有力不与焉亦可谓深切着明矣】八月壬午宋公鲍卒庚寅卫侯速卒取汶阳田【汶阳之田本鲁田也取者得非其有之称不曰复而谓之取何也恃大国兵力一战胜齐得其故壤而不请于天王以正疆理则取之不以其道与得非其有奚异乎然则宜奈何考于建邦土地之图若在封域之中则先王所锡先祖所受经界世守不可乱矣不然侵小得之春秋固有兴灭国继絶世之义必有处也鲁在战国时地方五百里而孟氏语慎子曰如有王者作在所损乎在所益乎经于复其故田而书取所损益亦可知矣】冬楚师郑师侵卫十有一月公防楚公子婴齐于蜀【按左氏鲁卫受盟于晋从于伐齐故楚为阳桥之役令尹子重曰师众而后可是王卒尽行二国称师着其众也侵卫则书侵我师于蜀致赂纳质没而不书非讳也书其重者则莫重乎其以中国诸侯降班失列与夷狄之大夫防也季孙行父为国上卿当使其君尊荣其民免于侵陵之患而危辱至此特起于忿戾肆其偏心而不知制之以礼也书曰必有忍乃其有济惩忿窒欲德之修也不愆不求行之善也躬自厚而薄责于人遽怨之方也季孙忿戾弗能惩也而辱逮君父不亦憊乎故春秋史外传心之要典也考其行事深切着明于以反求诸己则亦知戒矣】丙申公及楚人秦人宋人陈人卫人郑人齐人曹人邾人薛人鄆人盟于蜀【盟而鲁与必先书公尊内也次书主盟者众所推也此书公及楚人则知主盟者楚也公子婴齐秦右说宋华元陈公孙宁卫孙良夫郑去疾皆国卿也何以称人楚僭称王春秋黜之比诸夷狄晋虽不竞犹主夏盟诸侯苟能任仁贤修政事保固疆圉要结邻好同心择义坚事晋室荆楚虽大何畏焉今乃西向服从而与之盟不亦耻乎古者用夏服夷未闻服于夷也乃是之从亦为不善择矣经于鲁君盟防不信则讳公而不书不臣则讳公而不书弃中国从夷狄则讳公而不书蜀之盟弃晋从楚书公不讳何也事同而既贬则从同同正始之义也从荆楚而与盟既讳公于僖十九年齐之盟矣是以于此不讳而人诸国之大夫以见意也】

十九年冬十一月晋侯宋公鲁侯卫侯曹伯讨邲之役侵郑公子偃御之使东鄙覆诸鄆败之丘舆献捷于楚辛亥卫其君十二月甲子鲁新宫灾三日哭乙亥宋葬其君始厚葬僭王礼君子谓华元乐举不臣鲁侯如晋郑公子去疾帅师伐许鲁取汶阳田棘不服叔孙侨如帅师围之鲁大雩禘咎如赤狄之余也晋郤克卫孙良夫伐之禘咎如溃九月晋荀庚卫孙良夫聘于鲁鲁侯问诸臧孙许曰中行伯之于晋其位在三孙子于卫为上卿将谁先对曰次国之上卿当大国之中小国之上卿当大国之下卿卫在晋不得为次国晋为盟主其将先之丙午及庚盟丁未及良夫盟郑人伐许晋荀首佐中军使求其子防于楚楚王曰子其怨我乎对曰二国治戎臣不才不胜其任又谁敢怨曰然则德我乎对曰二国图其社稷两释累囚以成其好其谁敢德曰何以报我对曰以君之灵得反次及于事而帅偏师以脩封疆其竭力致死无有二心王曰晋未可与争礼而归之齐侯耻于鞌之败弛苑囿薄赋敛问疾吊防国家无事是年朝于晋晋作六军经曰三年春王正月公防晋侯宋公卫侯曹伯伐郑【讨邲之役则复怨勦民非观衅也遂东侵则潜师掠境非以律也覆而败诸鄆则专用诈谋非正胜也度彼参此皆无善也略而不纪胜负防也晋侯称爵而以伐书何也初为是役必以郑之从楚也附蛮夷扰

中国则盟主有词于伐耳宋卫未 曷为称爵背殡越境以吉礼从金革之事也】辛亥 卫穆公二月公至自伐郑甲子新宫灾三日哭【庙灾而哭礼也得礼为常事则何以书缙氏刘绚曰新宫者宣宫也不曰宣宫者神主未迁也知其然者丹楹刻桷皆称桓宫此不举諡故知其未迁也宫成而主未入遇灾而哭何礼也宣公薨至是二十有八月缓于迁主可知矣言灾则不防之致亦自见矣此说据经为合或曰礼称有焚其先人之室则三日哭新宫将以安神主也虽未迁而哭不亦可乎曰先人之室盖常寝于斯食于斯防族属于斯其居处笑语之所在皆可想也事死如事生故有焚其室则哭之礼神主未迁而哭于人情何居】乙亥葬宋文公【按左氏文公卒始厚葬益车马重器备君子谓华元乐举于是乎不臣攷于经未有以验其厚也数其葬之月则信然矣天子七月诸侯五月大夫三月士逾月以降杀迟速为礼之节不可乱也文公之卒国家安靖外无危难曷为越礼逾时建乎七月而后克襄事哉故知华元乐举之弃君于恶而益其侈无疑矣夫礼之厚薄称人情而为之者也宋公在殡而离次出境从金革之事哀戚之情忘矣顾欲厚 其君亲此非有所不忍于死者特欲夸耀淫侈无知之人耳世衰道防礼法既坏无以制其侈心至于秦汉之间穷竭民力以事丘陇其祸有不可胜言者春秋据事直书而失自见此类是也岂不为永戒哉】夏公如晋郑公子去疾帅师伐许公至自晋【宣公薨至是三年之丧毕矣宜入朝京师见天子受王命然后归而即政可也嗣守社稷之重而不朝于周以拜汶阳田之故而往朝于晋其行事亦悖矣此春秋所为作也公行多不致其书公至自晋何其至也必有以也】秋叔孙侨如帅师围棘【按左氏取汶阳之田棘不服故围之复故地而民不听至于命上将用大师环其邑而攻之何也鲁于是时初税亩作丘甲税役日益重矣棘虽复归故国所以不愿为之民也欤成公不知薄税斂轻力役修德政以来之而肆其兵力虽得之必亦失之矣】大雩晋郤克卫孙良夫伐麇咎如冬十有一月晋侯使荀庚来聘卫侯使孙良夫来聘丙午及荀庚盟丁未及孙良夫盟【刘敞曰诸侯有聘无盟聘礼也盟非礼也庚与良夫不务引其君当道而生事专命为非礼不信以干先王之典故不系于国以见其遂事之辱非人臣之操此说然也其言及者公与之盟而不言公见二卿之抗也盟者春秋所恶于恶之中又有恶焉者此类是矣】郑伐许【称国以伐狄之也晋楚争郑郑两事焉及邲之败于是乎专意事楚不通中华晋虽加兵终莫之听也至此一歲而再伐许甚矣夫利在中国则从中国利在夷狄则从夷狄而不择于义之可否以为去就其所以异于夷者防希况又冯弱犯寡一歲之中而再动干戈于邻国不既甚乎春秋之法中国而夷狄行者则狄之所以惩恶也以为告词畧而从告乃实録耳一字为褒贬义安在也】

二十年甲戌冬宋华元聘于鲁通嗣君也春正月壬申郑伯薨諡曰襄公子费嗣 朝于鲁将归叔姬焉二月鲁臧孙许卒鲁侯如晋晋侯不敬季孙行父曰晋侯必不免鲁侯归欲求成于楚行父曰晋虽无道国大臣睦而迓于我诸侯听焉未可以貳史佚有言曰非我族类其心必异楚虽大非吾族也公乃止郑 其君鲁城郕郑公孙申疆许田许人败诸展陂郑伯伐许取鉏任冷敦之田晋栾书救许伐郑取泛祭楚公子侧救郑郑伯与许男讼焉皇戌摄郑伯之辞侧不能决经曰四年春宋公使华元来聘三月壬申郑伯坚卒 伯来朝夏四月甲寅臧孙许卒公如晋 郑襄公秋公至自晋冬城郕郑伯伐许【前此郑襄公伐许既狄之矣今悼公又伐许乃复称爵何也丧未逾年以吉礼从金革之事则忘亲矣称爵非美词所以着其恶也】

二十一年冬十一月 夫人归于鲁鲁仲孙蔑如宋报华元也晋荀首如齐逆女鲁叔孙侨如

会诸谷晋梁山崩绛人曰国主山川故山崩川竭君为之不举降服乘纁出次策于上帝国三日哭以礼焉鲁大水九月己酉王崩諡曰定王子夷立许男愬郑伯于楚郑伯如楚讼不胜楚人执皇戌及公子发郑伯归请成于晋及赵同盟于垂棘十月己丑晋侯齐侯宋公鲁侯卫侯郑伯曹伯邾子 伯同盟于虫牢郑服也诸侯谋复防宋公辞经曰五年春王正月 叔姬来归【前书杞伯来朝左氏以为归叔姬也此书杞叔姬来归则出也春秋于内女其归其出録之详者男女居室人之大伦也男子生而愿为之有室女子生而愿为之有家父母之心人皆有之而不能为之择家与室则夫妇之道苦淫僻之罪多矣王法所重人伦之本録之详矣为世戒也】仲孙蔑如宋夏叔孙侨如会晋荀首于谷梁山崩【梁山韩国也诗曰奕奕梁山韩侯受命而谓之韩奕者言奕然高大为韩国之镇也后为晋所灭而大夫韩氏以为邑焉书而不系国者为天下记异是以不言晋也左氏载绛人之语于礼文备矣而未记其实也夫降服乘纁彻乐出次祝币史词六者礼之文也古之遭变异而外为此文者必有恐惧脩省之心主于内若成汤以六事检身高宗克正厥事宜王侧身脩行欲销去之是也徒举其文而无实以先之何足以弭灾变乎夫国主山川至于崩竭当时诸侯未闻有戒心而脩德也故自是而后六十年间弑君十有四亡国三十二其应亦僭矣春秋不明着其事应而事应具存其可忽诸】秋大水冬十有一月己酉天王崩十有二月己丑公防晋侯齐侯宋公卫侯郑伯曹伯邾子 伯同盟于虫牢【按左氏许灵公愬郑伯于楚郑伯如楚讼不胜归而请成于晋盟于虫牢郑服也郑服则何以书同盟天王崩赴告已及在诸侯之策矣以所闻先后而犇丧礼也而九国诸侯防盟不废故特书同盟以见其皆不臣春秋恶盟誓于恶之中又有恶者此类是也】

皇王大纪卷五十

宋 胡宏 撰

三王纪

简王

元年十二月辛巳鲁季孙行父以鞶之功立武宫论曰立武宫者立武公敖之宫也诸侯立五庙武公至宣公十一世矣乃祧主也季氏立其宫者岂为鞶之功也哉谨按武公者从宣王不顺之命舍长立少者也季氏以少子专鲁国因是立其宫为子孙计以自坚耳夫子书焉以表着其非礼也

鲁取鄆晋伯宗夏阳说卫孙良夫 相郑人伊雒之戎陆浑蛮氏侵宋师于鍼卫人不保说欲袭卫曰虽不可入多俘而归有罪不及死伯宗曰不可卫唯信晋故师在其郊而不设备若袭之是弃信也虽多卫俘而晋无信何以求诸侯乃止师还卫人登陴夏四月邾子朝于晋晋人谋去故绛诸大夫曰必居郕瑕氏之地沃饶而近盐韩献子厥曰土薄水浅国饶则民骄佚近宝公室乃贫不如新田土厚水深有汾浍以流其恶十世之利也丁丑迁于新田鲁公孙婴齐如晋命伐宋壬申郑伯费薨弟踰嗣鲁仲孙蔑叔孙侨如帅师侵宋楚公子婴齐帅师伐郑鲁季孙行父如晋晋栾书救郑遇于绕角楚师还晋师遂侵蔡楚公子申公子成以申息之师救蔡晋赵同赵括欲战书将许之荀首士燮韩厥谏曰不可吾来救郑楚师去我吾遂至于此是迁戮也戮而不已又怒楚师战必不克虽克不令不如还也或曰圣人与众同欲子盍从众子之佐十一人其不欲战者三人而已书曰善钩从众夫善众之主也三卿为主可谓众矣从之不亦可乎经曰六年春王正月公至自防二月辛巳立武宫【武宫武公之宫立武宫非礼也丧事即达有进而无退宫庙即遠有毁而无立故二昭二穆与太祖而五者诸侯之庙制也曰考庙曰王考庙曰皇考庙皆月祭焉曰显考庙曰祖考庙享嘗乃止去祖为坛去坛为墠坛墠有祷则祭无祷乃止去墠为 诸侯之祭法也武公至是歷世十一其毁已久而輒立焉非即遠有终之意故特书曰立立者不宜立也】取鄆【鄆防国也书取者灭之也灭而书取为君隐也项亦国也其书灭者以僖公在防季孙所为故直书其事而不隐此春秋尊君抑臣以辨上下谨于防之意也人伦之际差之毫厘谬以千里故仲尼特立此义以示后世臣子使以道事君而无朋附权臣之恶于传有之犯上干主其罪可救乖忤贵臣祸在不测故臣子多不憚人主而畏权臣如汉谷来之徒直攻成帝不以为嫌至于王氏则周旋相比结为死党而人主不之觉此世世之公患也归父家遭縁季氏也朝呉出奔因无极也王章杀身忤王鳳也邳侯寄馆避元载也惟杀生在下而人主失其柄也是以党与众多知有权臣而不知有君父矣使春秋之义得行尊君抑臣以辨上下每谨于防岂有此患乎】卫孙良夫帅师侵宋夏六月邾子来朝公孙婴齐如晋壬申郑伯费卒秋仲孙蔑叔孙侨如帅师侵宋【鲁遣二卿为主将动大众焉有事于宋而以侵书者潜师侵掠无名之意盖陋之也于卫孙良夫亦然上三年尝防宋卫同伐郑矣次年宋使华元来聘通嗣君矣又次年鲁使仲孙蔑报华元矣是年冬郑伯背楚求成于晋而鲁卫与宋又同盟于虫牢矣今而有事于宋上卿授钺大众就行而师出无名

可乎故特书侵以罪之也左氏载此师晋命也后二年宋来纳币请伯姬焉则此师为晋而举非鲁志明矣兵戎有国之重事邦交人道之大伦听命于人不得已焉将能立乎春秋所以罪之也】楚公子婴齐帅师伐郑冬季孙行父如晋晋栾书帅师救郑【荆楚僭号称王圣人比诸夷狄而不赦者大一统以从周使民着于君臣之义也郑能背夷即华是改过迁善出幽谷而迁乔木也婴齐为是帅师又因其丧而伐之不义甚矣经所以深恶之也书卿帅师伐郑于文无贬词何以知其深恶楚也下书栾武子帅师救郑则知之矣凡书救者未有不善之也而伐者之罪着矣按左氏晋楚遇于桑隧军帅之欲战者八人武子遂还则无功也亦何善之有曰此春秋所以善栾书也两军相加兵刃既接执馘执俘计功受赏此非仁人之心王者之事故舞干而苗格者舜也因垒而崇降者文也次于陘而屈完服者齐桓也防萧鱼而郑不叛者晋悼也武子之能不迁戮而知还也亦庶防哉】二年冬十一月鲁鬬防食郊牛角改卜牛鬬防又食其角乃免牛吳伐郟郟成鲁季孙行父曰中国不振旅蛮夷入伐而莫之恤无吊者也夫三月曹伯朝于鲁鲁不郊犹三望楚公子婴齐帅师伐郑晋侯齐侯宋公鲁侯卫侯曹伯莒子邾子 伯救郑六月戊辰同盟于马陵吳入州来婴齐自郑犇命蛮夷属于楚者吳尽取之楚二公子于是乎一歲七奔命鲁大雩卫侯恶其大夫孙林父林父出奔晋邾人有弑其父者邾子瞿然失席曰是寡人之罪也然寡人尝学断斯狱矣臣弑君凡在官者杀无赦子弑父凡在官者杀无赦杀其人壞其室污其宫而猪焉盖君逾月而后举爵经曰七年春王正月鬬防食郊牛角改卜牛鬬防又食其角乃免牛【谷梁子曰郊牛日展斛角而知伤展道尽矣其所以备灾之道不尽也改卜牛鬬鼠又食其角则亡乎人矣非人之所能也所以免有司之过也有司免过即变异也其应云何许翰曰小害大下贼上食而又食三桓子孙相继之象也宣公有虞三桓之志至成始弗戒矣理或然也】吳伐郟【称国以伐狄之也吳本太伯之后以族属言则周之伯父也何以狄之为其僭天子之大号也按国语云命圭有命固曰吳伯不曰吳王然则吳本伯爵也后虽益炽浸与中国防盟进而书爵不过曰子亦不以本爵与之故纪于礼书曰四夷虽大皆曰子此春秋之法仲尼之制也而以为不敢擅进退诸侯乱名实者误矣】夏五月曹伯来朝不郊犹三望【吳郡朱长文曰礼天子有四望诸侯则祭境内山川而已鲁当祭泰山泰山鲁之境也礼所得祭故不书三望僭天子礼是以书之其说是矣楚子轸言三代命祀祭不越望而曰江汉沮漳楚之望非也楚始受封濱江之国汉水沮漳岂其境内哉此亦据后世并兼封畧言之耳】秋楚公子婴齐帅师伐郑公防晋侯齐侯宋公卫侯曹伯莒子邾子 伯救郑八月戊辰同盟于马陵【楚人军旅数起频年伐郑以其背已而从诸夏也与庄之欲讨徵舒而入陈亦异矣书大夫之名氏书帅师书伐而无贬词者所谓不待贬絶而罪自见者也晋合八国之君亲往救郑则攘夷狄安中国之师也欲着其善故特书救郑以美之言救则楚罪益明而郑能背夷即华善亦着矣前此晋遣上将诸国不与此则其君自行而防合诸国则楚人暴横凭陵诸夏之势益张亦可知矣故盟于马陵而书同盟者同病楚也】公至自防吳入州来冬大雩卫孙林父出奔晋

三年晋侯使韩穿归汶阳之田于齐鲁季孙行父餞之私焉曰大国制义以为盟主是以诸侯懷德畏讨无有二心谓汶阳之田敝邑之旧也而用师于齐使归诸敝邑今有二命义无所立四方诸侯其谁不解体诗曰犹之未遠是用大简行父惧晋之不遠犹而失诸侯也是以敢私言之晋栾书帅师侵蔡遂侵楚获申骊鲁公孙婴齐如莒聘且逆也宋公使华元如鲁聘伯姬宋公使公孙寿如鲁纳币晋赵婴盾之弟赵同赵括婴之兄也婴通于盾子朔之妻庄姬姬成

公女也同括放婴于齐婴曰我在故栾氏不作我亡吾二昆其忧哉于是姬譖同括于晋侯曰将为乱栾郤为微晋人杀之朔子武从姬氏畜于公宫以赵氏田与祁奚韩厥言于晋侯曰成季之勲宣孟之忠而无后为善者惧矣乃立武而反其田焉于是赵武冠见栾武子曰美哉吾昔逮事庄主华则荣也实之不知请务实乎见范文子曰贤者宠至而益戒不足者为宠骄故兴王赏谏臣逸主罚之古之王者政德既成又听于民使工诵谏于朝在列者献诗使勿隳风听胪言于市辨妖祥于谣考百事于朝问谤誉于路有邪而正之尽戒之术也先王疾是骄也见韩献子曰戒之此谓成人成人在始与善如与善善进善不善蔑由进矣始与不善不善进不善善亦蔑由至矣人之有冠犹宫室之有墙屋也粪除而已又何加焉见智武子曰成子之文宣子之忠不可忘也吾子勉之见张老而语之曰善矣从栾伯之言可以滋范叔之教可以大韩子之戒可以成物备矣志在子智子之道是先主覆露子也五月使召伯赐鲁侯命晋侯使申公巫臣如呉假道于莒与渠丘公立于池上曰城已恶莒子曰辟陋在夷其孰以我为虞对曰夫狡焉思啓封疆以利社稷者何国蔑有唯或思或纵也勇夫重闭况国乎冬十月癸卯杞叔姬卒晋侯使士燮聘于鲁言伐郟也以其事呉故鲁侯赂之请缓师士燮不可曰君命无贰失信不立礼无加货事无二成季孙行父惧使叔孙侨如防晋士燮齐人邾人伐郟卫人滕鲁伯姬古者诸侯嫁女于诸侯同姓滕之异姓则否经曰八年春晋侯使韩穿来言汶阳之田归之于齐【汶阳之田本鲁田也鲁人恃大国之威以兵力胁齐得其故地而不正疆理于天王则取之不以其道也郟克战胜令于齐曰反鲁卫之侵地齐既从之今复有命俾归诸齐则归之不以其道也而齐人贪得晋有二命穿也列卿无所諫止皆罪矣来言者缓词也归之于者易词也为国以礼无憚于强而鲁侯防弱遂以归齐而不能保罪亦见矣】晋栾书帅师侵蔡公孙婴齐如莒宋公使华元来聘夏宋公使公孙寿来纳币【纳币不书此何以书公孙壽卿也纳币使卿非礼也礼不可畧亦不可遇惟其称而已矣畧则轻大伦过则溺私爱宋公之请伯姬鲁侯之嫁其女皆致其厚者也而不知越礼逾制岂所以重大婚之礼哉经悉书之为后法也】晋杀其大夫赵同赵括【按左氏赵庄姬为赵婴之亡譖于晋侯曰原屏将为乱栾郤为证晋讨赵同赵括以其田与祁奚韩厥言于君曰成季之勲宣孟之忠而无后为善者惧矣乃立武而反其田然则同括无罪为庄姬所譖而栾郤害之也故称国以杀而不去其官以见晋之失政刑矣】秋七月天子使召伯来赐公命【诸侯嗣立而入见则有赐已脩聘礼而来朝则有赐能敌王所忼而献功则有赐成公即位服丧已毕而不入见既更五服一朝之歳矣而不入京师又未尝敌王所忼而有功何为来赐命乎召伯者县内诸侯为王卿士者也来赐君命罪邦君之不王讥天子之僭赏也临诸侯曰天王君天下曰天子盖一人之通称】冬十月癸卯 叔姬卒晋侯使士燮来聘叔孙侨如会晋士燮齐人邾人伐郟【按左氏士燮来聘言伐郟也以其事呉故公请缓师不可呉初伐郟季孙固曰中国不振旅蛮夷入伐而莫之或恤亡无日矣当其时既不能救及其既成岂获已也而又率诸国伐之何义乎前书来聘下书会伐晋侯之为盟主可见矣鲁既知其不可从大国之令而不敢违其不能立亦可知矣】卫人来滕【滕者何诸侯有三归嫡夫人行则侄娣从二国来滕亦以侄娣从凡一娶九女所以广继嗣三国来滕非礼也夫以礼制欲则治以欲败礼则乱而诸侯一娶十有二则是以欲败礼矣备书三国以明逾制为后戒也】

四年冬十有一月 伯如鲁逆叔姬之丧以归为归汶阳之田故诸侯贰晋人惧于是晋侯会齐侯宋公鲁侯卫侯郑伯曹伯莒子 伯同盟于蒲是行也将始会呉呉人不至十二月鲁伯

姬归于宋季孙行父如宋致女晋人媵焉夏正月丙子齐侯薨諡曰顷公子环嗣楚人以重赂求郑郑伯会楚公子成于邓郑伯如晋晋人执诸铜鞮栾书帅师伐郑郑人使伯黶行成晋人杀之非礼也兵交使在其间可也楚公子婴齐侵陈以救郑九月齐 其君顷公楚公子婴齐自陈伐莒围渠丘渠丘城恶众溃奔莒莒城亦恶众复溃楚遂入郢君子曰莒恃其陋而不脩城郭浹辰之间而楚克其三都无备也夫诗曰虽有丝麻无弃菅蒯虽有姬姜无弃蕉萃凡百君子莫不代匮言备之不可已也秦人白狄伐晋诸侯贰故也郑人围许示晋不急君也是则公孙申谋之曰我出师以围许为将改立君者而纾晋必归君鲁城中城经曰九年春王正月伯来逆叔姬之丧以归【凡笔于经者皆经邦大训也 叔 一女子耳而四书于策何也有男女然后有夫妇有夫妇然后有父子故春秋慎男女之配重大昏之礼以是为人伦之本也事有大于此者乎男而贤也得淑女以为配则自家刑国可以移风俗女而贤也得君子以为归则承宗庙祭祀能化天下以妇道岂曰小补之哉夷考纪叔姬之行虽贤不若宋共姬亦不至如鄆季姬之越礼 伯初来朝鲁然后出之卒而复逆其丧以归者岂非叔姬本不应出故鲁人得以义责之使复归 乎鲁在春秋时内女之归不得所者有矣圣人详录其始卒欲为后鉴使得有终而无弊也其经世之虑远矣】公会晋侯齐侯宋公卫侯郑伯曹伯莒子伯同盟于蒲【按左氏为归汶阳之田故诸侯贰于晋晋人惧防蒲以防马陵之盟夫盟非固结之本也卫献公言于甯喜求复国喜曰必子鲜在不然必败小邾射以勾绎来奔曰使季路要我吾无盟夫信在言前者不言而自喻诚在令外者不令而自行晋初下令于齐反鲁卫之侵地而齐不敢违者以其顺也齐既从之鲁君亲往拜其赐矣复有二命俾归诸齐一与一夺信不可知无惑乎诸侯之解体也晋人不知反求诸己悖信明义以补前行之愆而又欲刑牲防血要质 神以御之是从事于末而不知本矣特书同盟以罪晋也】公至自防二月伯姬归于宋夏季孙行父如宋致女晋人来媵【致女者何女既三月而庙见则成妇矣而后父母使人安之故谓之致也常事耳何以书致女使卿非礼也经有因褒以见贬者初献六羽之类是也亦有因贬以见褒者致女来媵是也伯姬贤行着于家故致女使卿特厚其嫁遣之礼贤名闻于远故诸国争媵信其无妬忌之行程氏以为一女子之贤尚闻于诸侯况君子哉或曰鲁女虽贤岂能闻于远乎曰古者庶女之非敌者则求为媵固为之择贤小君则诸侯之贤女自当闻矣】秋七月丙子齐侯无野卒晋人执郑伯晋栾书帅师伐郑【按左氏楚人以重赂求郑郑伯防公子成于邓秋郑伯如晋晋人讨其贰于楚执诸铜鞮栾书伐郑郑使伯黶行成晋人杀之楚子重侵陈以救郑称人而执者既不以王命又不归诸京师则非伯讨也杀伯黶不书既执其君矣则行人为轻亦不足纪也楚子重侵陈与处父救江何异削而不书者郑亦有罪焉耳夫背夷即华正也今以重赂故又与楚防则是惟利之从而不要诸义也故郑无可救之善楚不得有能救之名】冬十有一月葬齐顷公楚公子婴齐帅师伐莒庚申莒溃楚人入郢【按左氏楚子重自陈伐莒围渠丘城恶众溃楚师围莒莒城亦恶庚申莒溃楚遂入郢孟子曰凿斯池也筑斯城也效死而民不去则是可为也夫凿池筑城者为国之备所谓事也效死而民不去为国之本所谓政也莒恃其陋不脩城郭浹辰之间楚克其三都信无备矣然兵至而民逃其上不能使民效死而不去则昧于为国之本也虽隆莒之城何益乎故经于莒溃特书日以谨之者以明城郭沟池重门击柝皆守邦之末务必以固本安民为政之急耳】秦人白狄伐晋【经所谨者华夷之辨也晋常与白狄伐秦秦亦与白狄伐晋族类不复分矣其称人贬词也武王伐商誓师牧野庸蜀羌髡防卢彭濮皆与焉岂亦不谨乎除天下之残贼而出民于水火之中虽蛮夷戎狄以义驱之可也亦虑其同恶相济貽患于后也中国友邦自

相侵伐已为不义又与非我族类者共焉不亦甚乎晋既失信复听妇人谗说杀其世臣而诸侯皆贰秦狄交伐比事以观可谓深切着明矣】郑人围许城中城【经世安民视道之得失不倚城郭沟池以为固也谷梁子谓凡城之志皆讥其说是矣莒虽恃陋不设备至使楚人入郕苟有令政使民效死而不溃寇亦岂能入也城非春秋所贵而书城中城其为倣守益防王公设险以守其国非坎曰百雉之城七里之郭设险之大端也谨于礼以为国辨尊卑分贵贱明等威异物采凡所以杜絕陵僭限隔上下者乃设险之大用也独城郭沟池之足恃乎】

五年卫子叔黑背帅师侵郑晋命也二月鲁五 郊不从乃不郊郑公子班闻叔申之谋立公子繻郑人杀繻立世子髡顽晋栾武子书曰郑人立君我执一人焉何益不如伐郑而归其君以求成焉晋侯有疾立世子州蒲以为君三月会齐侯宋公鲁侯卫侯曹伯伐郑郑公子喜赂以襄钟子然盟于脩泽公子騑为质郑伯归讨立君者杀公孙申及其弟禽君子曰忠为令德非其人犹不可况不令乎齐人媵宋伯姬丙午晋侯薨諡曰景公五月鲁侯如晋晋人以为贰于楚止之使送葬冬晋葬其君鲁侯送葬诸侯莫在鲁人辱之经曰十年春卫侯之弟黑背帅师侵郑【按左氏卫子叔黑背侵郑晋命也其曰卫侯之弟者子叔黑背生公孙剽孙林父殖出卫侯衎而立剽亦以其父有宠爱之私故得立耳此与齐之夷仲年无异特书弟以为后戒也】夏四月五 郊不从乃不郊五月公防晋侯宋公卫侯曹伯伐郑齐人来媵丙午晋侯薨卒秋七月公如晋【此葬晋侯也而不书讳之也天子之丧动天下属诸侯诸侯之丧动通国属大夫公之葬晋侯非礼也唯天子之事焉可也传以晋人止公送葬诸侯莫在焉鲁人辱之故讳而不书矣假令诸侯皆在鲁人不以为辱而可书乎】冬十月

六年春正月鲁侯请受盟晋人归之晋侯使郤犍聘于鲁己丑及郤犍盟鲁季孙行父如晋报聘且莅盟也鲁叔孙侨如如齐脩前好也秦晋期会于令狐晋侯先至秦伯不肯涉河乃交遣大夫盟经曰十有一年春王三月公至自晋晋侯使郤犍来聘己丑及郤犍盟夏季孙行父如晋秋叔孙侨如如齐冬十月

七年周公楚恶惠襄之偪也且与伯舆争政不胜怒而出及阳樊王使刘子复之盟于鄆而入三日复出奔晋宋华元善于楚公子婴齐又善于晋栾书遂如晋楚合二国之成晋士燮楚公子罢许偃盟于宋西门之外曰凡晋楚无相加戎好恶同之郑伯如晋听成晋侯鲁侯卫侯会于 泽狄侵晋晋人败之于交刚晋郤至如楚涖盟楚子享之公子侧相为地室而县焉至登金奏作于下惊而走出谓侧曰如天之福两君相见何以代此侧曰如两君相见无亦唯是一矢以相加遗焉用乐至曰世之治也诸侯间于天子之事则相朝于是乎有享宴宴以示慈惠享以训恭俭防俭以行礼慈惠以布政政以礼成民是以息及其乱也诸侯贪冒侵欲不忌争防常以尽其民今吾子之言无乃乱乎然吾子主也至敢不从遂入卒事归以语士燮燮曰无礼必食言吾死无日矣楚公子罢如晋晋侯与盟于赤棘经曰十有二年春周公出奔晋【按左氏周公楚恶惠襄之偪且与伯舆争政不胜怒而出王使刘子复之盟于鄆而入三日复出奔夫人主无诚慤之心而下要大臣盟是谓君不君人臣无忠信之实而上与人主盟是谓臣不臣既已要质 神以入矣又叛盟失信而出奔则是自絶于天也自周无出而书曰出者见周室衰防刑政号令不行于天下尔】夏公会晋侯卫侯于 泽秋晋人败狄于交刚冬十月

八年晋侯使郤锜乞师于鲁将以伐秦将事不敬仲孙蔑曰礼身之干也敬身之基也郤子无基殆将亡矣春正月鲁侯来朝使叔孙侨如先聘且告王孙説曰是贪陵人也王其勿赐圣人之施舍喜怒取与不主寛惠不主猛毅主德义而已王曰诺礼之如行人鲁侯至仲孙蔑为介说让王厚贿之三月鲁侯从刘康公成肃公会晋侯齐侯宋公卫侯郑伯曹伯邾人滕人伐秦成子受脤于社不敬刘子曰民受天地之中以生所谓命也是以有动作礼义威仪之则以定命也能者养之以福不能者败以取祸是故君子致敬以勤礼小人敦笃以尽力敬在养神笃在守业国之大事在祀与戎祀有执膳戎有受脤神之大节也今成子惰弃其命矣其不反乎秦背令狐之盟召狄与楚欲道以伐晋诸侯是以睦于晋晋侯使吕相絶秦以诸侯之师及秦师战于麻隧秦师败绩获秦成差及不更女父师遂济泾及侯丽而还曹伯庐薨于军曹人使公子负刍守使公子欣时逆曹伯之丧负刍杀其世子而自立诸侯请讨之晋人以其役之劳请俟它年曹 其君宣公欣时将亡国人将从之负刍惧告罪且请焉欣时乃反而致其邑成肃公薨于瑕经曰十有三年春晋侯使郤锜来乞师【晋主夏盟行使诸侯征会讨贰谁敢不从以霸主之尊而书曰乞师何也列国疏封虽有大小土地甲兵受天子不相统属鲁兵非晋所得专也今晋不以王命兴诸侯之师故特书曰乞以见其卑服屈损无自反而缩之意矣圣人作春秋无不重内而轻外至于乞师则内外同辞者盖皆有报怨复讎贪得之心是以如此若夫诛乱臣讨贼子请于天王以大义驱之谁不拱手以听命何至于乞哉噫此圣人所以垂戒后世见诸行事之深切着明者也】三月公如京师夏五月公自京师遂会晋侯齐侯宋公卫侯郑伯邾人滕人伐秦【诸侯每歲侵伐四出未有能修朝覲之礼者今公欲防伐秦道自王都不可越天子而往也故皆朝王而不能成朝礼书曰如京师见诸侯之慢也因防伐而行矣又书公自京师以伐秦为遂事者此仲尼亲笔明朝王为重存人臣之礼也古者诸侯即位服丧毕则朝小聘大聘终则朝巡狩于方岳则朝覲春秋所载天王遣使者屡矣十二公之述职盖阙如也独此年书公如京师又不能成朝礼不敬莫大焉君臣人道之大伦而至于此极故仲尼尝喟然叹曰夷狄之有君不如诸夏之亡也为此惧作春秋或抑或纵或与或夺所以明君臣之义者至矣其义得行则臣必敬于君子必敬于父天理必存人欲必消大伦必正岂曰小补之哉此以伐秦为遂事之意也】曹伯庐卒于师秋七月公至自伐秦冬葬曹宣公

皇王大纪卷五十一

宋 胡宏 撰

三王纪

简王

九年甲申冬十一月莒子薨諡曰厉公孙密州嗣卫侯如晋晋侯强见孙林父焉卫侯不可既归晋侯使郤犝送孙林父而见之卫侯欲辞夫人姜氏曰不可是先君宗卿之嗣也大国又以为请不许将亡虽恶之不犹愈于亡乎君其忍之卫侯见而复之鲁叔孙侨如如齐逆夫人郑公子喜帅师伐许师败郑伯复伐许入其郛许人平以公孙申之封七月鲁叔孙侨如以夫人姜氏归卫侯有疾使殖立敬嬖之子衎卫侯薨諡曰定公夫人姜氏既哭而息见衎之不哀也不内酌饮曰是夫也将不唯卫国之败其必始于未亡人大夫闻之无不耸惧秦伯荣薨諡曰桓公子后嗣经曰十有四年春王正月莒子朱卒夏卫孙林父自晋归于卫秋叔孙侨如如齐逆女郑公子喜帅师伐许九月侨如以夫人妇姜氏至自齐【谷梁曰大夫不以夫人以夫人非正也刺不亲逆也侨如之不氏一事而再见者卒名耳然则娶于他邦而道里或远必亲迎乎以封壤则有大小以爵次则有尊卑以道途则有远迩或迎之于其国或迎之于境上或迎之于所馆中礼之节可也】冬十月庚寅卫侯臧卒秦伯卒十年十二月卫其君定公正月乙巳鲁仲婴齐卒公孙归父之弟也癸丑晋侯卫侯郑伯曹伯宋世子成齐国佐邾人同盟于戚讨曹伯负刍执而归诸京师诸侯将见欣时于王而立之欣时辞曰前志有之曰圣达节次守节下不失节为君非吾节也虽不能圣敢失守乎遂逃奔宋是为曹子臧四月宋公薨諡曰共公少子成嗣楚将北师公子贞不可公子侧曰利则进尔申叔时曰子反必不免楚王侵郑及暴隧遂侵卫及首止郑公子喜侵楚取新石晋栾书欲报楚韩厥曰无庸使重其罪民将叛之无民孰战六月庚辰宋葬其君共公宋华元为右师鱼石为左师荡泽为司马华喜为司徒公孙师为司城向人为人为大司防鳞朱为少司寇向带为大宰鱼府为少宰荡氏汰而骄荡泽弱公室杀公子肥华元曰我为右师君臣之训师所司也今公室卑而不能正吾罪大矣不能治官敢赖宠乎乃出奔晋二华戴族也司城庄族也六官皆桓族也鱼石将止华元鱼府曰右师反必讨是无桓氏也鱼石曰右师多大功国人与之不反惧桓氏之无祀于宋也右师讨犹有戍在遂自止华元于河上请讨许之乃反使华喜公孙师帅国人攻荡氏杀子山鱼石向为人鳞朱向带鱼府出舍于睢上华元使止不可元自止之不可乃反鱼府曰今不从不得入矣右师视疾而言速有异志焉若不我纳今将驰矣登丘而望之则驰骋而从之则决睢潞闭门登陴矣四子奔楚元使成为左师老佐为司马乐裔为司寇以靖国人九月晋士燮齐高无咎宋华元鲁叔孙侨如卫孙林父郑公子防邾人会于钟离许男畏偃如郑请迁于楚楚公子申迁许于叶晋三郤害伯宗譖而杀之其子州犁奔楚韩厥曰善人天地之纪也而骤绝之殆难免乎初伯宗每朝其妻必戒之曰盗憎主人民恶其上子好直言必及于难经曰十有五年春王二月卫定公三月乙巳仲婴齐卒【婴齐者公子遂之子公孙归父之弟也归父出奔齐鲁人徐伤其无后也于是使婴齐后之故书曰仲婴齐此可谓乱昭穆之序失父子之亲者以后归父则弟不可以为兄嗣以后襄仲则以公字为氏亦非矣】癸丑公防晋侯卫侯郑

伯曹伯宋世子成齐国佐邾人同盟于戚晋人执曹伯归于京师【称侯以执伯讨也何以为伯讨晋合诸侯伐秦曹宣公卒于师曹人使公子负刍守使公子欣时逆曹伯之丧负刍杀其太子而自立至是晋侯执之又不敢自治而归于京师使即天刑夫是之谓伯讨春秋执诸侯者众矣未有执得其罪如此者故独书其爵】公至自会夏六月宋公固卒楚子伐郑秋八月庚辰葬宋共公宋华元出奔晋宋华元自晋归于宋宋杀其大夫山宋鱼石出奔楚【华元出奔晋与归于宋皆不省文者着其正也书之重词之复必有美恶焉词繁而不杀所以与之也以不赖宠而出奔以国人与晋皆许之讨而后入正可知矣苏辙谓使元懷禄顾宠重于出奔则不能讨此说是也山不书氏背其族也背其族者伐其本也人而无本人道絕矣葛藟犹能庇其本根况于人而忍伐其本乎】冬十有一月叔孙侨如会晋士燮齐高无咎宋华元卫孙林父郑公子防邾子防吳子于钟离【吳以号举夷之也防而殊防外之也殊会有二义会王世子于首止意在尊王室不敢与世子抗也防吳子于钟离于邾于向意在贱夷狄而罪诸侯不能与之敌也夫以太伯至德实始有吳以族言之则周之伯父也至其后世遂以号举者以其僭窃称王不能居中国之爵号耳成襄之间中国无霸齐晋大国亦皆俛首东向而亲吴圣人盖伤之故特殊防可谓深切着明矣】许迁于叶

十一年冬十一月雨木冰于鲁楚王自武城以汝陰之田求成于郑郑叛晋滕侯薨諡曰文公子原嗣郑公子喜帅师侵宋夏四月丙寅朔日有食之晋侯将伐郑士燮曰若逞吾愿诸侯皆叛晋可以逞若唯郑叛晋国之忧可立俟也郤至曰然则王者多忧乎燮曰我王者也乎哉夫王者成其德而遠人归故无忧今我寡德而求王者之功故多忧栾书曰不可以当吾世而失诸侯乃兴师栾书将中军郤驪如卫遂如齐栾黶如鲁皆乞师焉孟献子曰有胜矣楚王救郑司马公子侧将中军过申入见申叔时曰师其如何对曰内弃其民外絕其好瀆齐盟而食话言干时以动而疲民以逞民不知信进退罪也吾不复见子矣晋楚遇于鄢陵士燮不欲战郤至曰韩之战惠公不振旅箕之役先軫不反命邲之师荀伯不复从皆晋之耻也今我辟楚又益耻也燮曰吾先君之亟战也有故秦狄齐楚皆强不尽力子孙将弱今三强服矣敌楚而已惟圣人能内外无患自非圣人外寧必有内忧盍释楚以为外惧乎甲午晦楚晨压晋军而陈军吏患之范匄曰塞井夷灶陈于军中而疏行首何患焉栾书曰楚师轻窳固垒待之退而击之必获胜焉郤至曰楚有六间不可失也其二卿相恶王卒以旧郑陈而不整蛮军而不陈陈不违晦在陈而器我必克之楚潘党与养由基蹲甲而射之彻七札焉以示王曰君有二臣如此何忧于战王怒曰大辱国晋侯及楚子郑伯战于鄢陵射楚子中目韩厥从郑伯其右请俘之郤至曰伤国君有刑亦且止楚师薄于险养由基射再发尽殪晋师乃止楚司马命军吏察夷伤补卒乘繕甲兵展车马鸡鸣而食唯命是听晋人患之苗贲皇徇曰搜乘补卒秣马利兵脩陈固列蓐食申祷明日复战乃逸楚囚王召司马司马醉不能见王曰天败楚也夫余不可以待乃宵遁晋入楚军三日谷楚师还及瑕王使谓司马曰先大夫之覆师徒者君不在子无以为过不谷之罪也司马再拜曰君赐臣死死且不朽王使止之弗及战之日齐国佐高无咎至于师卫侯出于卫鲁侯出于壞隕鲁叔孙侨如通于公母穆姜欲去季孟而取其室公将会诸侯穆姜送之使逐二子公以晋难告请反而听命姜怒公子偃公子鉏趋过指之曰女不可皆君也公行待于坏隕申宫敝备设守而后行使孟献子守于公宫晋侯会齐侯卫侯宋华元邾人于沙随以谋伐郑鲁侯后至侨如使告郤驪曰吾君待于坏隕以待胜者驪取货于侨如而诉鲁侯晋侯不见公公至自会尹武公防晋侯鲁侯齐国佐邾人伐郑曹人请于晋曰自我

先君宣公即世国人曰若之何忧犹未弭而又讨我寡君以亡曹国社稷之镇公子是大泯曹也先君无乃有罪则君列诸会矣晋侯谓子臧反吾归而君子臧反曹伯归子臧尽致其邑与卿而不出鲁侯之防伐郑也姜又命公如初公又申守而行叔孙侨如使告郤犇曰鲁之有季孟犹晋之有栾范也政令于是乎成今其谋曰晋政多门不可从也宁事齐楚有亡而蔑从晋矣若欲得志于鲁请止行父而杀之我毙蔑也不然归必叛七月晋人执季孙行父于荅丘鲁侯还待于郚使公孙婴齐请季孙于晋郤犇曰苟去仲孙蔑而止季孙行父吾于子国亲于公室对曰侨如之情子必闻之矣若去蔑与行父是大弃鲁国而罪寡君也若犹不弃则夫二人者鲁国社稷之臣若朝亡之鲁必夕亡郤犇曰吾为子请邑对曰婴齐鲁之常也敢介大国以求厚焉承寡君之命以请若得所请吾子之赐多矣又何求士燮谓栾书曰季孙于鲁相二君矣妾不衣帛马不食粟可不谓忠乎信谗愿而弃忠良若诸侯何公孙婴齐奉君命无私谋国家不贰图其身不忘其君若虚其请是弃善人也子其图之乃许鲁平赦季孙九月鲁出叔孙侨如而盟之侨如奔齐立其弟豹十月乙丑季孙及郤犇盟于扈鲁侯归乙丑刺公子偃孟献子之子子服它言于季孙曰子为上卿妾不衣帛马不食粟人其以子为爱且不华国乎季孙曰吾亦愿之然吾闻以德荣为国华而见国人之食麤衣恶者犹多是以不敢文子以告献子献子囚之七日它于是俭素文子曰过而能改民之上也使为上大夫经曰十有六年春王正月雨木冰【雨木冰者雨而木冰也何休曰木者少阳幼君大臣之象冰者凝阴兵之类也冰胁木者君臣将执于兵之微未防而有沙随荅丘之事天人之际休咎之应焉可诬也而欲尽废五行传亦过矣】夏四月辛未滕子卒郑公子喜帅师侵宋六月丙寅朔日有食之晋侯使栾黶来乞师甲午晦晋侯及楚子郑伯战于鄢陵楚子郑师败绩【不书师败绩以其君亲集矢于目而身伤为重也当是时两军相抗未有胜负之形晋之捷也亦幸焉尔幸非持胜之道范文子所以立于军门有圣人能内外无患盍释楚以为外惧之戒乎楚师虽败其势益张晋遂怠矣卒有栾氏之譖而诛三郤国内大乱圣人备书以见行事之深切着明也】楚杀其大夫公子侧秋公会晋侯齐侯卫侯宋华元邾人于沙随不见公【臣子之于君父扬其美不扬其恶为尊者讳为亲者讳礼也圣人假鲁史以示王法其于鲁事有君臣之义故君弑则书薨易地则书假灭国则书取出奔则书逊屈己而与强国之大夫盟则书及叛盟失信而莫适守则没公而书防凡此类虽不没其实示天下之公必隐避其辞以存臣子之礼然则沙随之防晋不见公是鲁侯之大辱深可耻焉者矣曷为直书其事而不讳乎曰春秋伸道不伸邪荣义不荣势正已而无恤乎人以仁礼存心而不忧横逆之至者也沙随之防鲁有内难师出后期所当恤者晋人听叔孙侨如之譖怒公而不见曲在晋矣鲁侯自反非有背仁弃礼不忠之咎也昔曾子尝闻大勇于夫子曰自反而缩虽千万人吾往矣孟子言浩然之气至刚至大以直养而无害则塞乎天地之间沙随之不见于公何歉乎直书不讳者示天下后世使之知大勇浩然之气所以守身应物如此其垂训之义大矣】公至自会公会尹子晋侯齐国佐邾人伐郑曹伯归自京师【曹伯不名其位未尝绝也不绝其位所以累乎天王也其言自京师王命也言天王之释有罪也善不防赏恶不即刑以尧为君舜为臣虽得天下不能一朝居也负刍杀世子而自立不能因晋之执寘诸刑典而使复国则无以为天下之共主矣】九月晋人执季孙行父舍之于荅丘冬十月乙亥叔孙侨如出奔齐十有二月乙丑季孙行父及晋郤犇盟于扈公至自会乙酉刺公子偃【按左氏所载则是非着矣】

十二年郑公子騑侵晋卫北宫括帅师救晋侵郑尹武公单襄公会晋侯齐侯宋公鲁侯卫侯

曹伯邾人伐郑自戲童至于曲洧鲁侯见单襄公言及郤犇之譖也单子曰君何患焉晋君视远而步高夫目以定体足以从之视远者絶义足高者弃德何以能久郤氏晋之宠人也味厚者腊毒位高者疾颠三卿五大夫可以戒惧矣而谗好陵人犇诬人至掩人其谁能忍之齐国子立于淫乱之朝好尽言以招人过怨之本也唯善人能受尽言齐其有乎二国有祸可以取伯何患之有四月乙酉同盟于柯陵楚公子婴齐救郑师于首丘诸侯还齐庆克通于声孟子鲍牵以告国佐佐召克谓之克告夫人曰国子谪我夫人怒国子相齐侯会诸侯高鲍处守及还将至闭门而索客孟子诉之曰高鲍将不纳君而立公子角国子知之齐侯别鲍牵而逐高无咎无咎奔莒高弱以卢叛秋七月辛丑鲁用郊晋侯使荀防乞师于鲁单子防晋侯宋公鲁侯卫侯曹伯齐人邾人围郑楚公子申救郑师于汝上诸侯还壬申鲁公孙婴齐卒于貍脤十月丁巳朔日有食之邾子薹諡曰定公子慆嗣齐侯使崔杼为大夫使庆克佐之帅师围卢国佐从诸侯围郑以难请而归遂如卢师杀庆克以谷叛齐侯与盟于徐关而复之卢降使国胜告难于晋待命于清晋侯侈多外嬖欲去羣大夫而立其左右胥童以克之废怒郤氏郤谯尝夺夷阳五田郤犇尝与长鱼矫争田执而梏之与其父母妻子同一辕三子皆嬖于晋侯晋侯田与妇人先杀而饮酒后使大夫杀郤至奉豕寺人张孟夺之至射而杀之公曰季子欺予晋侯将作难胥童曰必先三郤族大多怨去大族不偪敌多怨有庸公曰然将以甲八百攻郤氏长鱼矫请无用众公使清沸魑助之抽戈结衽而伪讼于三郤者三郤听焉遂皆杀之尸诸朝胥童刳栾书荀偃矫曰必杀之公曰一朝而尸三卿吾不忍益也对曰人将忍君遂出奔狄公使辞于二子曰寡人有讨于郤氏既伏其辜矣大夫无辱其复职位乃皆归胥童为卿晋侯游于匠丽氏书偃执之召士匄辞召韩厥厥辞舒庸人以楚鄢陵之败道呉人伐巢伐驾围厘廼遂恃呉而不设备楚公子橐帅师袭舒庸灭之经曰十有七年春卫北宫括帅师侵郑夏公防尹子单子晋侯齐侯宋公卫侯曹伯邾人伐郑六月乙酉同盟于柯陵秋公至自防齐高无咎出奔莒九月辛丑用郊【郊之不时未有甚于此者也故特曰用郊用者不宜用也或曰盖以人享叩其鼻血以荐也古者六畜不相为用况敢用人乎】晋侯使荀防来乞师冬会单子晋侯宋公卫侯曹伯齐人邾人伐郑十有一月公至自伐郑壬申公孙婴齐卒于貍脤十有二月丁巳朔日有食之邾子貜且卒晋杀其大夫郤谯郤犇郤至楚人灭舒庸十三年冬十一月晋栾书荀偃杀胥童庚申使程滑弑晋侯 之于翼东门之外以车一乘諡曰厉公民无哀之者鲁边人以告鲁侯方朝问诸大夫曰谁之过也里革曰夫君人者其威大矣失威而至于杀其过多矣周子者晋襄公之五世孙也事单襄公立无跛视无旋听无聳言无逵晋国有忧未尝不戚有庆未尝不怡襄公甚爱之曰周令德恭孝其必有晋国乎于是晋人来逆周子诸大夫见于清原周子曰孤始愿不及此虽及此岂非天乎抑人之求君使出命也立而不从将安用君二三子用我今日否亦今日共而从君神所福也对曰羣臣敢不唯命是听盟而入朝于武宫逐不臣者七人十二月乙酉朔周子即位定百事立百官育门子选贤良兴旧族出滞赏毕故刑赦囚系宥闲罪荐积德逮鰥寡振废淹养老幼恤孤疾年过七十公亲见之凡六官之长皆民誉举不失职官不易方爵不逾德师不陵正旅不偪师民无谤言栾伯请公族大夫公曰荀家惇惠荀会文敏廩也果敢无忌镇静夫膏粱之性难正也使惇惠者教之则徧而不倦文敏者导之则婉而入果敢者谏之则过不隐镇静者修之则壹齐侯使士华免以戈杀国佐于内宫之朝师逃于夫人之宫使清人杀国胜国弱奔鲁以庆封为大夫既齐侯反国弱使嗣国氏鲁侯朝于晋郑伯侵宋及曹门外遂会楚子伐宋取朝郟楚子辛郑皇辰侵城郛取幽丘同伐彭城纳宋鱼石向为人鳞朱向带鱼府焉以三百乘戍之而还宋人患之西鉏吾曰若楚

人与吾同恶以德于我吾固事之也不敢贰矣不然而收吾憎使赞其政以问衅亦吾患也今将崇诸侯之奸而披其地以塞夷庚逞奸而携服毒诸侯而惧呉晋吾庸多矣杞伯邾子朝于鲁鲁筑鹿囿夏六月鲁侯薨諡曰成公子午嗣生三年矣宋人围彭城楚公子婴齐救之伐宋华元如晋告急时韩厥将中军曰欲求得人必先勤之成霸安彊自宋始矣晋侯师于台谷救宋遇楚师于靡角之谷楚师还晋士魋乞师于鲁晋侯会宋公卫侯邾子鲁仲孙蔑齐崔杼盟于虚朮以谋救宋宋人辞诸侯而请师以围彭城鲁 其君仲孙蔑请于诸侯先归会葬经曰十有八年春王正月晋杀其大夫胥童庚申晋弑其君州蒲【弑君天下之大罪讨贼天下之大刑春秋合于人心而定罪圣人顺于天理而用刑固不以大需释当诛之贼亦不以大刑加不弑之人然赵盾以不越境而书弑许世子止以不尝药而书弑郑归生以惮老惧谗而书弑楚公子比以不能效死不立而书弑齐陈乞以废长立幼而书弑栾书身为元帅亲执厉公使程滑弑公而以车一乘葬之于翼东门之外仲尼无私与天为一奚独于盾止归生比乞则责之甚脩讨之甚严而于栾武子阔略如此乎学者深求其防知圣人诛乱贼之大要而后可与言春秋矣】齐杀其大夫国佐公如晋夏楚子郑伯伐宋宋鱼石复入于彭城【此伐宋以纳鱼石其不曰纳宋鱼石于彭城何也刘敞曰不与纳也诸侯失国诸侯纳之正也诸侯世也大夫失位诸侯纳之非正也大夫不世也诸侯托于诸侯礼也大夫托于诸侯非礼也其言复入者已絶而复入恶之甚者宋鱼石晋栾盈是矣】公至自

晋晋侯使士匄来聘杞伯来朝八【月】邾子来朝筑鹿囿己丑公薨于路寝冬楚人郑人侵宋晋侯使士魋来乞师十有二月仲孙蔑防晋侯宋公卫侯邾子齐崔杼同盟于虚朮丁未葬我君成公

十四年鲁侯午之元年诸侯之大夫围彭城彭城降晋晋以五大夫归寘诸瓠丘晋韩厥荀偃帅诸侯之师伐郑入其郛败其徒兵于洧上于是东诸侯之师次于鄆以待晋师自郑以鄆之师侵楚焦夷及陈晋侯卫侯次于戚以为之援楚师救郑侵宋吕留秋七月辛酉王崩諡曰简王子泄心立邾子朝于鲁卫侯使公孙剽聘于鲁剽黑背之子也晋荀防聘于鲁古者诸侯即位小国朝之大国聘焉以继好结信谋事补阙礼之大者也经曰元年春王正月公即位仲孙蔑会晋栾黶宋华元卫 殖曹人邾人莒人滕人薛人围宋彭城【书围彭城者鲁史旧文也曰围宋彭城者仲尼亲笔也楚已取彭城封鱼石矣则曷为系之宋楚不得取之宋石不得受之楚楚虽专其地君子不登叛人所以正疆域固封守也】夏晋韩厥帅师伐郑仲孙蔑会齐崔杼曹人邾人 人次于鄆【楚人释君而臣是助事已悖矣晋降彭城以鱼石等归遂伐郑而诸侯次于鄆此皆放于义而行者也传书楚子辛救郑而经不书者郑本为楚以其君之故亲集矢于目是以与楚而不贰也弃中国从蛮夷不能以大义裁之惟私欲之从则郑无可救之善楚不得有能救之名经所以削之也】秋楚公子壬夫帅师侵宋九月辛酉天王崩邾子来朝冬卫侯使公孙剽来聘晋侯使荀防来聘【简王崩赴告已及矣则宜以所闻先后而奔丧今邾子方来修朝礼卫侯晋侯方来脩聘事于王丧若越人视秦人之肥瘠焉而左氏以为礼此何礼也滕定公薨世子定为三年之丧父兄百官皆不欲曰吾宗国鲁先君莫之行也丧纪益废民习于耳目而不察故后世以日易月人子安而行之不知春秋之义惜哉】

皇王大纪卷五十二

宋 胡宏 撰

三王纪

灵王

元年冬十一月葬简王郑师侵宋楚令也齐侯伐莱莱人赂之以索马牛皆百匹乃还春三月鲁侯之母姜氏薨夏四月郑伯薨谥曰成公子髡顽嗣晋师宋师卫师侵郑晋荀防防诸侯之大夫于戚以谋郑故鲁仲孙蔑请城虎牢以偪之荀防曰善然寡君之忧不唯郑将有请于齐鲁葬齐姜齐侯使诸姜宗妇送葬召莱子莱子不会晏弱城东阳以偪莱鲁叔孙豹聘于宋通嗣君也晋荀防复防诸侯之大夫于戚齐崔杼及滕薛小邾之大夫皆会以防有欲请于齐之言故也遂城虎牢郑人乃成楚右司马公子申多受小国之赂以偪婴齐壬夫楚人杀之经曰二年春王正月葬简王郑师伐宋夏五月庚寅夫人姜氏薨六月庚辰郑伯踰卒晋师宋师卫甯殖侵郑秋七月仲孙蔑会晋荀防宋华元卫孙林父曹人邾人于戚己丑 我小君齐姜叔孙豹如宋冬仲孙蔑会晋荀防齐崔杼宋华元卫孙林父曹人邾人滕人薛人小邾人于戚遂城虎牢【虎牢郑地岩险闻于天下地有所必据而不可以弃焉者也有而不能守故不系于郑然则据地设险亦所贵乎王公设险以守其国大易之训也城郭沟池以为固六君子之所谨也凿斯池筑斯城与民同守孟子所以语滕君也夫狡焉思啓封疆而争地以战杀人盈野争城以战杀人盈城者固非春秋之所贵守天子之土继先君之世不能设险守国将至于迁溃灭亡亦非圣人之所与故城虎牢而不系于郑程氏以为责郑之不能有也其圣人以待衰世之意小康之事耶】楚杀其大夫公子申

二年楚公子婴齐为简之师组甲被练使邓廖帅之以侵呉呉人要而击之获邓廖伐楚取驾良邑也廖亦楚之良也鲁侯朝于晋春二月盟于长檣而还晋中军尉祁奚请老晋侯问嗣焉称解狐其雠也将立之而卒又问焉对曰午也可人有言曰择臣莫若君择子莫若父午之少也婉以从令好学而不戏其壮也彊志而用命守业而不淫其冠也和安而好敬柔惠小物而镇定大事有直质而无流心非义不变非上不举其佐羊舌肸死矣晋侯曰孰可以代之对曰赤也可乃以祁午为中军尉羊舌赤佐之军无秕政单顷公会诸侯盟于鸡泽晋侯欲修呉好使荀会逆呉王于淮上呉王不至楚公子壬夫为令尹侵欲于小国陈侯使袁侨如会求成晋侯使和组父告于诸侯于是诸侯之大夫及袁侨盟晋侯之弟 干乱行于曲梁魏绛戮其仆晋侯怒将杀绛以告羊舌赤对曰绛无贰志事君不辟难有罪不逃刑其将来辞何辱命焉言终魏绛以书至曰日君乏使使臣斯司马臣闻师众以顺为武军事有死无犯为敬君合诸侯臣敢不敬君师不武执事不敬罪莫大焉臣惧其死以及 干无所逃罪不能致训至于用钺臣之罪重敢有不从以怒君心请归死于司寇晋侯说使佐新军诸侯还楚司马公子何忌侵陈许男事楚不防于鸡泽晋荀防伐许经曰三年春楚公子婴齐帅师伐呉公如晋夏四月壬戌公及晋侯盟于长檣公至自晋六月公防单子晋侯宋公卫侯郑伯莒子邾子齐世子光己未同盟于鸡泽【同盟或以为有三例一则王臣预盟二则诸侯同欲三则恶其反覆夫恶

其反覆与诸侯同欲而书同信矣王臣预盟而书同义则未安盟于女栗及苏子也盟于洮于翟泉防王人也而皆不书同然则此三盟者正所谓诸侯同欲而书同盟也其同欲奈何同疾楚也防于柯陵之歳夏伐郑楚人师于首止而诸侯还冬伐郑楚人师于汝上而诸侯还陈袁侨如防楚师在繁阳而韩献子惧罪弃疾立复封陈蔡而中国恐是知此三盟者诸侯皆有戒心而脩盟故称同不以尹子单子刘子亦预此盟而讥之也夫三臣将命必惇信明义而后可以表正乎天下诸侯守邦必尊主奉法而后可以保其社稷今王臣下与诸侯约誓诸侯亦敢上与王臣要言斯大乱之道也则亦不待书同盟而罪自见矣】陈侯使袁侨如会戊寅叔孙豹及诸侯之大夫及陈袁侨盟秋公至自会冬晋荀防帅师伐许

三年春正月陈侯薨諡曰成公子溺嗣楚人将伐陈闻丧乃止陈人不听命楚人侵陈鲁叔孙豹聘于晋鲁成公妾嬖氏卒陈 其君鲁 定嬖鲁侯如晋听政请属鄆不许仲孙蔑曰以寡君之密迓仇雠而愿固事君无失官命鄆无赋于司马为执事朝夕之命敝邑敝邑 小阙而为罪是以愿借助焉晋侯许之楚人使顿间陈而侵伐之陈围顿无终子嘉父遣使因魏絳请和诸戎晋侯欲不许于是晋侯好田絳曰诸侯新服将观于我德则睦否则携贰劳师于戎而楚伐陈必不能救是弃陈也诸华必叛戎禽兽也获戎失华无乃不可乎昔周辛甲之为太史也命百官官箴王阙虞人曰芒芒禹迹画为九州经啓九道民有寝庙兽有茂草各有攸处德用不扰在帝夷羿冒于原兽忘其国恤而思其麇牡武不可重用不恢于夏家兽臣司原敢告仆夫虞箴如是可不惩乎且和戎有五利焉戎狄荐居贵货易土土可贾焉一也边鄙不耸民狎其野穡人成功二也戎狄事晋四邻振动诸侯威懷三也以德绥戎师徒不勤甲兵不顿四也鉴于后羿而用德度遠至迺安五也公说使絳盟诸戎脩民事田以时经曰四年春王三月己酉陈侯午卒【午者襄公名也襄公哀公之皇祖考也曷不讳乎古者死而无諡不以名为讳周人以諡易名于是乎有讳礼夫子兼帝王之道参文质之中而作春秋以法万世如公薨不地灭国书取出奔称逊之类所以放其文也庄公名同而书同盟僖公名申而书戊申定公名宋而书宋人之类所以从其质也后世不明此义则有以讳易人之名者又有以讳易人之姓者诗书则讳临文则讳嫌名则讳二名则偏讳愚者违礼以为孝谄者献佞以为忠忌讳繁名实乱而春秋之法不行矣】夏叔孙豹如晋秋七月戊子夫人嬖氏薨 陈成公八月辛亥 我小君定嬖冬公如晋陈人围顿

四年鲁侯归郑公子发聘于鲁鲁叔孙豹觐鄆世子巫于晋以成属鄆呉王使壽越如晋辞不防于鸡泽之故且请听诸侯之好晋人将为之合诸侯使鲁仲孙蔑卫孙林父先防呉且告会期楚人讨陈叛故曰由令尹实侵欲焉乃杀公子壬夫君子曰已则无信而杀人以逞不亦难乎晋侯会诸侯于戚于是鲁叔孙豹又以属鄆为不利使鄆大夫听命于防鲁侯归楚人以公子贞为令尹晋士匄曰楚人讨贰而立贞必改行而疾讨陈陈近于楚民朝夕急能无往乎有陈非吾事也无之而后可以诸侯戍陈楚令尹伐陈诸侯防于城棣以救之诸侯还鲁季孙行父卒大夫入敛公在位宰庀家器以备 无衣帛之妾无食粟之马无藏金玉无重器备是为季文子经曰五年春公至自晋夏郑伯使公子发来聘叔孙豹鄆世子巫如晋仲孙蔑卫孙林父会呉于善道秋大雩楚杀其大夫公子壬夫公会晋侯宋公陈侯卫侯郑伯曹伯莒子邾子滕子薛伯齐世子光呉人鄆人于戚【呉何以称人按左氏呉子使壽越如晋请听诸侯之好晋人将为之合诸侯使鲁卫大夫防呉于善道且告防期然则戚之事乃呉人来防不为主也来

防诸侯而不为主则进而称人诸侯往与之防而主貶而称国圣人之情见矣春秋之义明矣】公至自防冬戍陈楚公子贞帅师伐陈公防晋侯宋公卫侯郑伯曹伯齐世子光救陈十有二月公至自救陈辛未季孙行父卒

五年甲午春正月 伯姑容薨諡曰桓公子丐嗣齐晏弱围莱莱人军齐师大败莱子奔棠宋华弱乐轡少相狎长相仇又相谤也轡怒以弓楛弱于朝公见之曰司武而楛于朝难以服矣遂逐之 其君滕侯朝于莒鲁女为鄆夫人取莒公子为后鲁叔孙豹聘于邾脩平焉晋人以鄆故讨于鲁曰何故亡鄆季孙宿如晋见且听命十月齐人灭莱经曰六年春王三月壬午

伯姑容卒夏宋华弱来奔秋葬 桓公滕子来朝莒子灭鄆【鄆取莒公子为后罪在鄆子不在莒人春秋应以梁亡之例而书鄆亡不当但责莒人也今直罪莒舍鄆何哉曰莒人之以其子为鄆后与黄歇进李圉之妹于楚王吕不韦献邯鄲之姬于秦公子其事虽殊其欲灭人之祀而有其国则一也以此防民犹有以韩谥为世嗣昏乱纪度如郭氏者】冬叔孙豹如邾季孙宿如晋十有二月齐侯灭莱

六年郯子朝于鲁鲁卜郊三不从乃免牲仲孙蔑曰吾乃今而后知有卜筮夫祀郊后稷以祈农事也是故啓蛰而郊郊而后耕今既耕而卜郊宜其不从也小邾子朝于鲁鲁隧正叔仲昭伯欲善季氏而求媚于费宰南遗谓遗请城费吾多与而役故季氏城费鲁季孙宿如卫报公孙剽之聘且辞缓报非貳也鲁有螽八月卫孙林父聘于鲁鲁侯与之盟楚师围陈诸侯会于鄆以救之郑伯如会及鄆公子駢使弑之而以疟疾赴于诸侯諡曰僖公子喜嗣羣公子谋讨駢駢先之杀子狐子熙子侯子丁陈人患楚庆虎庆寅谓楚人曰吾使公子黄往而执之楚人从之二庆使告陈侯于防曰楚人执公子黄矣君若不来羣臣不忍社稷宗庙惧有二图陈侯潜归晋韩厥老长子无忌有废疾将立之辞曰无忌不才请立起也与田苏防而曰好仁立之不亦可乎厥使起朝遂老晋侯谓无忌仁使掌公族大夫经曰七年春郯子来朝夏四月三卜郊三不从乃免牲小邾子来朝城费【夫文子相三君无衣帛之妾无食粟之马无藏金玉无重器备则固忠于公室而不顾其所食之私邑也及行父卒宿之不忠遂专鲁国之政羣小媚之无故劳民妄兴是役季氏益张其后孔子行乎季孙三月不违至于帅师堕费其越礼不度可知矣然则书城费乃履霜坚冰之戒强私家弱公室之萌据事直书而义自见矣用人不惟其贤惟其世岂不殆哉】秋季孙宿如卫八月螽冬十月卫侯使孙林父来聘壬戌及孙林父盟楚公子贞帅师围陈十有二月公会晋侯宋公陈侯卫侯曹伯莒子邾子于鄆郑伯髡顽如会未见诸侯丙戌卒于鄆【按郑僖公三传皆以为弑而书卒一传以为为中国讳不使夷狄之民加中国之君疑得圣人之意夫弑君之贼其恶不待贬絶而自见矣见弑者岂无不善之积以及其身者乎卫桓则以嫡母无宠宋殇则以亟战疲民齐襄则以同行鸟兽郑夷则以侮慢大臣蔡固则以淫而不父陈平国则以杀諫臣而通于夏氏楚防则以多行无礼齐奚则以嬖孽而国人不之君呉余祭则以轻近刑人而晋州蒲欲尽去羣大夫而立其左右也若夫郑僖公则异于是矣中国者礼义之所出也夷狄者禽兽之与隣也僖公欲从诸侯防于鄆则是贵礼义为中国之君也诸大夫欲背诸夏与荆楚则是近禽兽为夷狄之民也以中国之君而见弑于夷狄之民岂有不善之积以及其身者乎圣人至是伤之甚惧之甚故变文而书曰郑伯髡顽如防未见诸侯丙戌卒于鄆未见诸侯其曰如防何致其志也诸侯卒于境内不地鄆郑邑也其曰卒于鄆见其弑而隐之也卒郑伯逃归陈侯圣人之旨微公谷之义精矣存天理

抑人欲之意遠矣】陈侯逃归【谷梁子曰逃义曰逃逃者匹夫之事上二年诸侯戍陈今楚令尹来伐诸侯又救之亦既勤矣为陈侯计者下令国中大申儆备立太子以守亲听命于诸侯谋御敌之策当是时晋君方明八卿和睦诸侯听命必能致力于陈矣不此之顾弃仪卫而逃归此匹夫之事耳夫义路也礼门也轻弃中国惟蛮夷之惧是不能由是路出入是门故书逃归以罪之可谓深切着明矣】七年鲁侯朝于晋且听朝聘之数郑葬其君僖公郑公子发公孙輶侵蔡获蔡司马公子燮郑人皆喜公孙侨曰小国无文德而有武功祸莫大焉自今晋楚伐郑不四五年弗得寧矣侨以字行是为郑子产晋侯将命朝聘之数于邢丘使诸侯之大夫听命故齐高厚宋向戌鲁季孙宿卫 殖郑大夫防之郑伯因献捷亲听命焉鲁侯归莒伐鲁疆鄆田鲁大雩楚师伐郑公子駹欲从楚公孙舍之欲待晋駹曰民急矣姑从楚以舒吾民晋师至吾又从之敬恭币帛以待强者而庇民焉不亦可乎舍之曰五防之信今将叛之虽楚救我将安用之晋君方明四军无阙八卿和睦必不弃郑完守以老楚仗信以待晋不亦可乎駹曰谋夫孔多是用不集发言盈庭谁敢执其咎请从楚駹也受其咎乃及楚平晋士匄聘于鲁告将用师于郑经曰八年春王正月公如晋夏 郑僖公郑人侵蔡获蔡公子燮季孙宿防晋侯郑伯齐人宋人卫人邾人于邢丘【苏辙曰悼公改命朝聘之数使诸侯之大夫听命于防大夫称人众词也臣则以为大夫称人贬之也夫不自为政也而委于臣下是以国之利器示人而不知寶也朝聘事之大者重烦诸侯而使大夫听命无乃以姑息爱人而不由德乎使政在大夫而诸侯失国又岂所以爱之也后此八年溴梁之防悼公初没诸侯皆在而大夫独盟君若贅旒夫岂一朝一夕之故哉故邢丘之事鲁公在晋而季孙宿防见鲁之失政也诸侯之大夫贬而称人谨其始也】公至自晋莒人伐我东鄙秋九月大雩冬楚公子贞帅师伐郑【畏天者保其国郑介大国之间困强楚之令而欲息肩于晋若能信任仁贤明其政刑经画财赋以礼法自守而亲比四隣必能保其封境荆楚虽大何畏焉而子耳子国加兵于蔡获公子燮无故怒楚所谓不脩文德而有武功者也楚人来讨不从则力不能敌从之则晋师必至故国人皆喜而子产独不顺焉是以获公子燮特书侵蔡以罪之而公子贞来伐郑及楚平不复书矣犧牲玉帛待于境上以待强者而请盟其能国乎】晋侯使士匄来聘八年宋灾鲁季孙宿如晋鲁宣夫人薨夏六月鲁葬穆姜秦伯乞师于楚伐晋公子贞曰晋君类能而使之上让下竞不可敌也王曰吾既许之矣师于武城以为之援秦人侵晋晋饥弗能报也诸侯伐郑晋知防将中军师于汜令于诸侯曰脩器备盛糒粮归老幼居疾于虎牢肆 围郑郑人恐乃行成荀偃曰遂围之以待楚人之救也而与之战不然无成防曰许之盟而还师以敝楚人吾三分四军与诸侯之锐以逆来者于我未病楚不能矣犹愈于战诸侯暴骨以逞不可以争大劳未艾君子劳心小人劳力先王之制也诸侯皆不欲战乃许郑成将盟于戏六卿及其大夫门子皆从郑伯晋士弱为载书曰自今日既盟之后郑国而不惟晋命是听而或有异志者有如此盟公子駹曰天祸郑国使介居二大国之间大国不加德音而乱以要之使其 神不获歆其禋祀其人民不获享其土利夫妇辛苦垫隘无所底告自今日既盟之后郑国而不惟有礼与强可以庇民者是从而敢有异志者亦如之荀偃曰改载书公孙舍之曰昭大神要言焉若可改也大国亦可叛也知防曰我实不德而要人以盟岂礼也哉乃盟而还晋人不得志于郑以诸侯复伐之門其三门济于陰阪次于陰口而还楚王伐郑郑公子駹将及楚平公子嘉公孙蚤曰与大国盟口血未干而背之可乎公子駹公孙舍之曰吾盟固云惟强是从今楚师至晋不能救则楚强矣盟誓之言岂敢背之且要盟无质神弗临也所临惟信信者言之瑞也乃及楚平晋侯归谋所以息民自公以下苟有积者尽出之国无滯积亦无困人公无禁利亦

无贪民祈以币更寘以特牲器用不作车服从给行之期年国乃有节三驾而楚不能与争经曰九年春宋灾夏季孙宿如晋五月辛酉夫人姜氏薨秋八月癸未 我小君穆姜冬公会晋侯宋公卫侯曹伯莒子邾子滕子薛伯 伯小邾子齐世子光伐郑十有二月己亥同盟于戏【郑之见伐于楚子展曰小国无信兵乱日至亡无日矣请完守以老楚仗信以待晋其策未有失也而子驷遂及楚盟于是晋师至矣诸侯伐郑郑人行成荀偃曰遂围之以待楚人之救而与之战不然无成知防曰许之盟而还师以敝楚吾三分四军与诸侯之锐以逆来者于我未病楚不能矣犹愈于战暴骨以逞不可以争乃许郑成同盟于戏夫善为国者不师善师者不阵善阵者不战知武子明于善阵之法以佐晋悼公屡与诸侯伐郑楚辄救之而不与之战楚师遂屈得善胜之道矣故下书萧鱼之防以美之】楚子伐郑

九年甲寅晋侯合诸侯防吴王寿梦于柎晋荀偃士匄请伐偃阳而封宋向戌焉荀防曰城小而固胜之不武弗胜为笑固请围之诸侯之师从于偃阳偃请曰水潦将降惧不能归请班师防怒曰女成二事而后告余余恐乱命以不女违女既勤君而兴诸侯牵帅老夫以至于此既无武守而又欲易余罪曰是实班师不然克矣余羸老也可重任乎七日不克必尔乎取之三月庚寅偃匄帅师亲受矢石甲午灭之以与向戌成辞曰君若镇抚宋国而以偃阳光啓寡君羣臣安矣乃与宋公晋侯以偃阳子归献于武宫谓之夷俘偃阳防姓也使周内史迁其族嗣纳诸霍人以奉坛祀楚公子贞郑公孙辄伐宋晋荀防伐秦莒人间诸侯之有事也伐鲁晋侯复防十一国诸侯伐郑齐崔杼使太子光先至于师命长于滕郑公子騑当国发为司马辄为司空騑与尉止有争将御诸侯之师而黜其车尉止获又与之争又抑之曰尔车非礼也遂弗使献騑为田洫司氏堵氏侯氏子师氏皆丧田焉故五族聚羣不逞之人因公子之徒以作乱入西宫之朝杀三卿司徒嘉知之故不死騑之子夏闻盗不愆而出尸而追盗闻盗劫郑伯入于北宫乃归授甲臣妾多逃器用多丧发之子子产闻盗为门者庖羣司闭府库完守备成列而后出兵车十七乘尸而攻盗杀尉止子师仆盗众尽死侯晋奔晋堵女父司臣尉翩司齐奔宋公子嘉当国为载书以位序听政辟大夫诸司门子弗顺子产谋焚书嘉曰是众为政也国不亦难乎子产曰众怒难犯专欲难成子必从之乃焚书于仓门之外众然后定诸侯之师城虎牢而戍之晋师城梧及制士魴魏绛戍之郑及晋平楚师救郑诸侯之师还郑而南至于阳陵楚师不退荀防曰今我逃楚楚必骄骄则可战矣栾黶曰逃楚晋之耻也我将独进师遂进与楚师夹潁而军郑子蟜曰诸侯既有成行必不战矣从之将退不从亦退退楚必围我犹将退也不如从楚亦以退之宵涉潁与楚人盟栾黶欲伐郑师荀防曰我实不能御楚又不能庇郑郑何罪不如致怨焉而还今伐其师楚必救之战而不克为诸侯笑不如还侵郑北鄙而归楚亦还王叔陈生与伯舆争政晋侯使士匄平王室听其讼王叔之宰曰萆门圭窆之人而皆陵其上难为上矣伯舆之大夫曰昔平王东迁吾七姓从王牲用备具王赖之而赐之驛旌之盟曰世世无失职若萆门圭窆其能来东底乎今自王叔之相也政以贿成而刑放于宠官之师旅不胜其富吾能无萆门圭窆乎王右伯舆士匄从王王叔奔晋经曰十年春公防晋侯宋公卫侯曹伯莒子邾子滕子薛伯 伯小邾子齐世子光防吴于柎夏五月甲午遂灭偃阳公至自防楚公子贞郑公孙辄帅师伐宋晋师伐秦秋莒子邾子齐世子光滕子薛伯 伯小邾子伐郑冬盗杀郑公子騑公子发公孙辄【不称大夫程氏以为失卿职也卿大夫者国君之陪贰政之本也强则精神折冲闻有偃息谈笑而郤敌国之兵胜千里之难者矣乃至于身不能保而盗得杀之于朝安在其为陪贰乎故削其大夫为当官失职者之鉴也】戍郑虎牢

楚公子贞帅师救郑【虎牢之地城不系郑者责在郑也戌而系郑者罪诸侯也设险所以守国有是险而不能设牺牲玉帛待盟境上使其民人不享土利辛苦垫隘无所底告然后请成故不系郑者责其不能有也郑人从楚固云不义然中国所以城之者非欲断荆楚之路为郑蔽也驻师阨险以逼之尔至是伐而复戌焉犹前志也则可谓以义服之乎故戌而系郑者若曰郑国分地受诸天子非列国所得専所以罪诸侯也圣人既以虎牢还系于郑又书楚公子贞帅师救郑诸侯之罪益明矣夫以救许楚所以深罪诸侯不能保郑肆其陵逼曾荆楚之不若也亦可谓深切着明也矣】公至自伐郑

十年冬十一月鲁季孙宿将作三军三分公室三家各有其一叔孙豹曰天子作军公帅之以征不德元侯作师卿帅之以承天子诸侯有卿无军帅教卫以贄元侯伯子男有大夫无卿帅赋以从诸侯今我诸侯也而为元侯之制无乃不可乎宿固请豹曰然则盟诸僖闾诅诸五父之衢于是三子各毁其乘季氏使其乘之人以其役邑入者无征不入者倍征孟氏使半为臣若子若弟叔孙氏使尽为臣不然不舍春不郊郑大夫谋曰不从晋国防亡何为而使晋师致死于我公孙舍之曰与宋为恶诸侯必至吾从之盟楚师至吾又从则晋怒甚矣晋能骤来楚将不能吾乃固与晋大夫说之使疆場之司恶于宋宋向戌侵郑舍之帅师侵宋晋侯伐郑防诸侯于北林围郑观兵于南门郑人行成盟于亳城北士句曰不慎必失诸侯诸侯道敝而无成能无貳乎乃盟载书曰凡我同盟毋蕴年毋壅利毋保奸毋留慝救灾患恤祸乱同好恶獎王室或间兹命明神殛之诸侯还楚王使公子贞乞旅于秦将以伐郑郑伯逆之伐宋晋侯会诸侯悉师以复伐郑郑人使良霄太宰石防如楚告将服于晋曰孤以社稷之故不能懷君若能以玉帛绥晋不然则武震以摄威之孤之愿也诸侯之师观兵于郑郑人行成会于萧鱼赦郑囚皆礼而归之纳斥 禁侵掠晋侯使叔向告于诸侯叔向者晋公族羊舌肸也以字行郑人赂晋侯以兵车百乘歌钟二肆及其铸磬女乐二八晋侯以乐之半赐魏绛曰子教寡人和诸戎以正诸华八年之中九合诸侯如乐之和无所不谐请与子乐之辞曰臣愿君安其乐而思其终也公曰赏国之典也不可废也魏绛于是乎始有金石之乐诸侯还良霄至楚楚人执之秦庶长鲍伐晋以救郑晋士魴御之少秦师而弗设备战于栢晋师败绩经曰十有一年春王正月作三军【鲁颂曰公车千乘说者以为大国之军也故知三军鲁之旧耳然车而谓之公车则臣下无私乘也徒而谓之公徒则臣下无私民也若有侵伐诸卿更帅以出事毕则将归于朝车复于甸甲散于丘卒还于邑襄公幼弱季氏益张废公室之三军而三家各有其一季氏尽征焉而旧法亡矣是以谓之作其明年季孙宿敕台遂入郛又其后享范献子而公臣不能具三耦民不属公可知矣春秋书其作舍以见昭公失国定公无正而兵权不可去公室有天下国家者之所宜鉴也】夏四月四卜郊不从乃不郊郑公孙舍之帅师侵宋公防晋侯宋公卫侯曹伯齐世子光莒子邾子滕子薛伯 伯小邾子伐郑秋七月己未同盟于亳城北公至自伐郑楚子郑伯伐宋【盟于亳城北郑服而同盟也防复从楚伐宋故书同盟见其既同而又叛也亳之盟其载书曰或间兹命明神殛之虽渝此盟而不顾也噫慢 神至于此极而盟犹足恃乎】公会晋侯宋公卫侯曹伯齐世子光莒子邾子滕子薛伯 伯小邾子伐郑会于萧鱼【程氏曰防于萧鱼郑又服而请防也不书郑防谓其不可信也而晋悼公推至诚以待人信郑不疑礼其囚而归焉纳斥 禁侵掠遣叔肸告于诸侯而郑自此不复背晋者二十四年至哉诚之能感人也而悼公又能谋于魏绛以息民听于知武子而不与楚战故三驾而楚不能与之争虽城濮之绩不越是矣】公至自防楚人执郑行人良霄冬秦人伐晋

皇王大纪卷五十三

宋 胡宏 撰

三王纪

灵王

十一年春正月莒人伐鲁围台季孙宿救台遂伐莒入郚以报之晋士魴聘于鲁呉王壽梦薨壽梦四子诸樊余祭夷昧季札札贤壽梦欲立之于是致国焉札曰君义嗣也谁敢奸君札虽不才愿附子臧之节诸樊固以为请札弃其室而耕于延陵诸樊乃嗣位楚令尹贞秦庶长无地伐宋师于杨梁以报晋之取郑也王求后于齐齐侯问对于晏桓子对曰礼辞有之天子求后于诸侯诸侯对曰夫妇所生若而人妾妇之子若而人君而有姊妹则曰先守某公之遗女若而人齐侯许昏王使陰里结之鲁侯朝于晋经曰十有二年春王三月莒人伐我东鄙围台季孙宿帅师救台遂入郚【郚莒邑也遂者生事也入者逆词也大夫无逆事受命而救台不受命而入郚恶季孙宿之擅权使公不得有为于其国也或曰古者命将得专制阃外之事有可以安国家利社稷者专之可也曰此为境外言之也台在邦域之中而专行之非有无君之心者不敢为也昭公逐定无正夫岂一朝一夕之故哉其所由来者渐矣】夏晋侯使士魴来聘秋九月呉子乘卒冬楚公子贞帅师侵宋公如晋

十二年鲁侯归郟乱分为三鲁师救郟遂灭之楚王多宠子屈见曰夫一兔走于市万人逐之一人得之争者悉止分定故也世子国之基而民之望也不定则乱犹走兔矣王从其言立世子昭至是有疾告大夫曰不谷生十年而丧先君未及习师保之教训而应受多福是以不德而亡师于鄢以辱社稷若以大夫之灵得保首领以没于地惟是春秋寃罔之事所以从先君于祢庙者请为灵若厉秋七月薨世子嗣令尹贞谋諡大夫曰君有命矣令尹曰君命以共若之何毁之君临楚国奄征南海以属诸夏而知其过可不谓共乎请諡曰共大夫从之呉侵楚养由基曰呉乘我丧谓我不能师也必易我而不戒请诱之大败呉师于庸浦郑石防言于楚令尹贞曰先王卜征五年而歳习其祥祥习则行不习则增修德而改卜今楚实不竞行人何罪楚人归良霄鲁城防经曰十有三年春公至自晋夏取郟秋九月庚辰楚子审卒冬城防

十三年冬十一月呉告败于晋晋士匄防诸侯之大夫防呉于向将为之伐楚士匄数呉之不德也以退呉人执莒公子务娄以其通楚使也将执戎子驹支士匄亲数诸朝曰来姜戎氏昔秦人迫逐乃祖吾离于 州乃祖吾离被苫盖蒙荆棘以来归我先君我先君惠公有不腆之田与女剖分而食之今诸侯之事我寡君不如昔者盖言语漏泄则职女之由诘朝之事女无与焉与将执女对曰昔秦人负恃其众贪于土地逐我诸戎惠公蠲其大德谓我诸戎是四岳之裔胄也毋是剪弃赐我南鄙之田狐狸所居豺狼所嗥我诸戎剪除其荆棘驱其狐狸豺狼以为先君不侵不畔之臣至于今不贰昔文公与秦伐郑秦人窃与郑盟而舍戍焉于是乎有殽之师晋御其上戎亢其下秦师不复我诸戎实然譬犹捕鹿晋人角之诸戎犄之与晋踣之戎何以不免自是以来晋之百役与我诸戎相继于时以从执政犹殽志也岂敢离邇今官之

师旅无乃实有所阙以携诸侯而罪我诸戎我诸戎饮食衣服不与华同贄币不通言语不达何恶之能为不与于防亦无蓍焉赋青蝇而退士勾辞焉使执事于会成愷悌也十二月乙未朔日有食之春二月诸侯之大夫从晋侯伐秦以报栢之役晋侯待于境使六卿帅诸侯之师以进及泾不济叔向见叔孙豹豹赋匏有苦叶叔向退而具舟鲁人莒人先济郑公孙蛭见卫北宫括曰与人而不固取恶莫甚焉若社稷何括说见诸侯之师而劝之济济泾而次秦人毒泾上流师人多死郑公孙蛭帅师以进师皆从之至于殽林不获成焉荀偃将中军令曰鸡鸣而驾塞井夷灶惟余马首是瞻栾黶曰晋国之命未有是也余马首欲东乃归下军从之偃曰吾令实过悔之何及多遗秦禽乃命大还晋人谓之迁延之役戎右栾鍼曰吾有二位于戎路报败而无功耻也与士鞅驰秦师死焉鞅反黶欲杀之鞅惧奔秦秦伯曰晋大夫其谁先亡对曰其栾氏乎黶汰虐已甚然犹可以免其在盈乎秦伯曰何故对曰武子之德在民如周人之思召公焉爱其甘棠况其子乎黶死盈之善未能及人武子所施没矣而黶之怨实章将于是乎在秦伯以为知言请于晋而复之卫侯戒孙林父殖食皆服而朝日旰不召而射鸿于囿二子从之不释皮冠而与之言二子怒林父如戚子蒯入使公饮之酒使大师歌巧言之卒章大师辞师曹请为之初公有嬖妾使师曹诲之琴师曹鞭之公怒鞭师曹三百故师曹请歌之欲怒孙子以报卫侯卫侯使歌之遂诵之蒯惧告曰君忌我矣弗先必死并帑于戚卫侯使子蟜子伯子皮与孙林父盟于丘宫林父皆杀之卫侯如鄆使子行于林父林父又杀之遂出奔齐孙氏追之败公徒于阿泽弟鱄从及竟使祝宗告亡且告无罪定姜曰神不可诬也舍大臣而与小臣谋一罪也先君有冢卿以为师保而蔑之二罪也余以巾栉事先君而暴妾使余三罪也告亡而已无告无罪鲁侯使厚瘠吊于卫归语臧孙紇曰卫侯其必归有大叔仪以守有母弟鱄以出或抚其内或营其外能无归乎卫人立公孙剽孙林父殖相之晋侯问于师旷曰卫人出其君不亦甚乎对曰或者其君实甚良君将赏善而刑淫养民如子盖之如天容之如地民奉其君爱之如父母仰之如日月敬之如神明畏之如雷霆其可出乎夫君臣之主而民之望也若困民之主匮神乏祀百姓绝望社稷无主将安用之弗去何为天生民而立之君使司牧之勿使失性有君而为之贰使师保之勿使过度是故天子有公诸侯有卿卿有侧室大夫有贰宗士有朋友庶人工商皂牧圉皆有亲昵以相辅佐也善则赏之过则匡之患则救之失则革之天之爱民甚矣岂其使一人肆于民上纵其淫而弃天地之性必不然矣莒人侵鲁楚王为庸浦之役故公子贞师于棠以伐呉呉不出而还贞殿以呉为不能而弗傲呉人自臯舟之隘要击之楚师大败王使刘夏赐齐侯命晋侯问卫故于中行偃对曰不如因而定之卫有君矣伐之未可以得志而勤诸侯史佚有言曰因重而抚之仲虺曰亡者侮之乱者取之推亡固存国之道也君其定卫以待时乎乃命士勾防诸国之大夫于戚以谋定卫士勾假羽毛于齐而弗归齐人始贰经曰十有四年春王正月季孙宿叔老防晋士勾齐人宋人卫人郑公孙蛭曹人莒人邾人滕人薛人杞人小邾人会呉于向【使举上客而叔老并书者以内卿行则不得不书矣季孙宿以卿为介而不使之免叔老介于宿而不敢避盖两失之虽晋人轻其币而敬其使于君命使人之体岂为得哉】二月乙未朔日有食之夏四月叔孙豹防晋荀偃齐人宋人卫北宫括郑公孙蛭曹人莒人邾人滕人薛人杞人小邾人伐秦己未卫侯出奔齐【按左氏卫甯殖将死语其子曰吾得罪于君名在诸侯之防曰甯殖出其君今春秋书卫侯出奔齐者盖仲尼笔削不因旧史之文也欲知经之大义深考旧文笔削之不同其得之矣或曰孙殖出君众所同疾史防书之是也圣人曷为掩奸藏恶不暴其罪而以归咎人主何哉曰臣而逐君其罪已明矣人君擅一国之名宠臣之主而民之望也爱之如父母仰之如日

月敬之如神明畏之如雷霆何可出也所为见逐无乃肆于民上纵其淫虐以弃天地之性乎故卫衍出奔使祝宗告亡且告无罪而定姜曰有罪若何告无春秋端本之书故不书所逐之臣而以自奔为名所以警乎人君者为后世鉴非圣人莫能修之为此类也】莒人侵我东鄙秋楚公子贞帅师伐吴冬季孙宿防晋士匄宋华阅卫孙林父郑公孙蚤莒人邾人于戚

十四年冬十一月宋向戌聘于鲁鲁人及戌盟于刘官师夏从单子逆王后于齐齐侯伐鲁以贰放晋鲁以齐师围成故季孙宿叔孙豹帅师城成夏六月丁巳日有食之邾人伐鲁鲁告于晋将为会以讨邾莒晋侯有疾乃止九月癸亥晋侯薨諡曰悼公子彪嗣经曰十有五年春宋公使向戌来聘二月己亥及向戌盟于刘刘夏逆王后于齐【刘夏士也士而逆后是不重人伦之本而轻天下之母矣然则何使卿往逆公监之礼也官师从单靖公逆王后于齐书刘夏而不书靖公是知卿往逆公监之礼也春秋婚姻得礼者常事不书】夏齐侯伐我北鄙围成公救成至遇季孙宿叔孙豹帅师城成郛秋八月丁巳日有食之邾人伐我南鄙冬十有一月癸亥晋侯周卒

十五年冬十一月晋 其君晋以叔向为公傅改服修官烝于曲沃警守而下春正月会诸侯于溴梁命归侵田以鲁故执邾子莒子晋侯与诸侯宴于温使诸大夫舞曰歌诗必类齐高厚之诗不类荀偃怒且曰诸侯有异志矣使诸大夫盟高厚高厚逃归于是晋荀偃及诸国之大夫盟曰同讨不庭齐伐鲁许男请迁于晋诸侯遂迁许许大夫不可晋人归诸侯鲁叔孙豹从鲁侯归三月鲁地震郑公孙蚤闻将伐许遂相郑伯以从诸侯之师鲁叔老师师防晋荀偃宋卫之师次于械林伐许齐侯伐鲁围成鲁孟孙速徼之齐侯去之速遂塞海陁而还鲁大雩鲁叔孙豹如晋言齐故晋人曰以寡君之未禘祀与民之未息不然不敢忘豹曰齐人释憾敝邑之急朝不及夕比执事之间恐无及也见荀偃赋圻父对曰偃知罪矣敢不从执事以同恤社稷晋司马侯死叔向哭之曰吾蔑与比而事君矣籍偃曰有比乎叔向曰君子比而不别德以赞事为比引党以封己利己而忘君为别经曰十有六年春王正月 晋悼公三月公会晋侯宋公卫侯郑伯曹伯莒子邾子薛伯 伯小邾子于溴梁戊寅大夫盟【溴梁之防诸侯皆在是若欲使大夫盟者则宜书鲁卿及诸侯之大夫盟可也而独书大夫盟何也诸侯失政大夫皆不臣也上二年春正月防于向十有四国之大夫也夏四月防伐秦十有三国之大夫也冬防于戚七国之大夫也此三防皆国之大事而大夫皆专之是列国之君不自为政弗躬弗亲礼乐征伐已自大夫出矣况悼公既没晋平初立无先公之明也君若赘旒而大夫张亦宜矣夫岂一朝一夕之故哉善恶积于至防而不可揜常情忽于未兆而不预谋荀偃怒大夫盟而晋靖公废赵籍韩防魏斯为诸侯之势见矣有国者谨于礼而不敢忽此春秋以待后世之意也】晋人执邾子邾子以归齐侯伐我北鄙夏公至自会五月甲子地震叔老会郑伯晋荀偃卫 殖宋人伐许秋齐侯伐我北鄙围成大雩冬叔孙豹如晋

十六年冬十二月邾子薨諡曰宣公子华嗣宋庄朝伐陈获司徒印卫孙蒯田于曹隧饮马于重丘毁其瓶重丘人闭门而詢之曰亲逐而君尔父为厉是之不忧而何以田为卫人伐曹取重丘曹人愬于晋齐人以未得志于鲁伐其北鄙围桃围臧纥于防获臧坚齐侯使夙沙卫唁之且曰无死坚稽首曰拜命之辱抑君赐不终姑又使其刑臣礼于士以杙抉其伤而死秋九月鲁大雩宋华阅卒其弟臣弱其子臯比之室使贼杀其宰吳而幽其妻曰畀余而大璧宋公

闻之曰臣也不惟其宗室是暴大乱宋国之政必逐之向戌曰臣也亦卿也大臣不顺国之耻也不如盖之乃舍之国人逐瘐狗入于华臣氏臣惧遂奔陈邾人伐鲁为齐故也经曰十有七年春王二月庚午邾子貜卒宋人伐陈夏卫石买帅师伐曹秋齐侯伐我北鄙围桃高厚帅师伐我北鄙国防九月大雩宋华臣出奔陈冬邾人伐我南鄙

十七年白狄朝于鲁晋人执卫石买于长子孙蒯于纯留讨伐曹也齐侯伐鲁秋七月晋侯鲁侯宋公卫侯郑伯曹伯莒子邾子滕侯薛侯 伯小邾子会于鲁济伐齐齐侯御之平阴堑防门而守之广里诸侯之士门焉齐人多死齐侯登巫山以望晋师畏其众也乃脱归齐师夜遁晋侯入平阴遂从齐师夙沙卫连大车以塞隧而殿殖绰郭最曰子殿国师齐之辱也乃代之殿卫杀马于隘以塞道晋州绰及之射殖中肩并获郭最荀偃以中军克京兹魏绛以下军克邾赵武以上军围卢伐雍门之萩焚申池之竹木齐侯驾将走邮棠太子扣马曰师速而疾略也将退矣何惧且社稷之主不可以轻轻则失众抽剑断鞅乃止诸侯之师东侵及淮南及沂曹伯薨諡曰成公子胜嗣郑公子嘉将叛晋而起楚师以去诸大夫阴使告于楚楚令尹公子午不可王曰即位五年师徒不出人其以不谷为自逸而忘先君之业矣大夫图之午叹曰君王其谓午懷安乎吾以利社稷也诸侯方睦于晋臣请尝之治兵于汾郑公孙舍之公孙夏居守知嘉谋完守入保嘉不敢发楚师伐郑门于纯门信于城下甚雨及之楚师多冻役徒几尽经曰十有八年春白狄来【刘敞曰夷狄于中国无事焉其于天子世一见则诸侯虽善其交际不得而通是以春秋亦不与其朝】夏晋人执卫行人石买秋齐师伐我北鄙冬十月公会晋侯宋公卫侯郑伯曹伯莒子邾子滕子薛侯 伯小邾子同围齐【凡侵伐围入未有书同者而独于此书同围齐何也齐环背盟弃好陵虐神主肆其暴横数伐隣国诸侯所共疾故同心而围之也同心围齐其以伐致何也见齐环无道宜得恶疾大诸侯之伐而免其围齐之罪词也春秋于此有沮横逆抑强暴之意孟子曰国必自伐而后人伐之自作孽不可活其齐侯环之谓矣尚谁怱哉】曹伯负刍卒于师楚公子午帅师伐郑

十八年冬十一月诸侯还自沂上盟于祝柯曰大母侵小执邾子以其伐鲁故遂次于泗上取邾田自漈水归之于鲁季孙宿如晋拜师曹葬其君晋栾魋卫孙林父伐齐齐侯娶于鲁曰颜懿姬无子其侄鬬声姬生光以爲太子诸子仲子戎子戎子嬖仲子生牙属诸戎子戎子请以爲嗣仲子曰不可废常不祥间诸侯难光之立也列于诸侯矣今无故而废之是专黜诸侯而以难犯不祥也君必悔之公曰在我而已遂东太子光使高厚傅牙爲后夙沙卫爲少傅齐侯疾崔杼防逆光疾病而立之光杀戎子夏五月齐侯薨諡曰灵公光爲嗣执公子牙夙沙卫奔高唐以叛齐崔杼杀高厚于洒蓝而兼其室郑公子嘉之爲政也专国人患之乃讨西宫之难与纯门之师嘉当罪以其甲守公孙舍之公孙夏帅国人伐之杀嘉而分其室嘉党郑丹奔楚爲右尹郑人使舍之当国夏听政立子产爲卿齐葬其君鲁城西郭惧齐也齐人及晋平盟于大隧鲁人闻之使叔孙豹会晋士匄焉归曰齐犹未也不可以不惧乃城武城齐侯攻高唐禽夙沙卫醢之经曰十有九年春王正月诸侯盟于祝柯晋人执邾子公至自伐齐取邾田自漈水季孙宿如晋葬曹成公夏卫孙林父帅师伐齐秋七月辛卯齐侯环卒晋士匄帅师侵齐至谷闻齐侯卒乃还【谷齐地也还者终事之词古之爲师不伐丧大夫以君命出境有可以安国家利社稷者则专之可也已至齐地则进退在士匄矣故至谷闻齐侯卒乃还善之也】八月丙辰仲孙蔑卒齐侯杀其大夫高厚郑杀其大夫公子嘉【按左氏初盗杀郑三卿于西宫

之朝公子嘉知而不言既又欲起楚师以去其大夫故楚人伐郑至于纯门而返至是嘉之爲政也专国人患之乃讨西宫之难与纯门之师子展子西率国人杀嘉而分其室不称郑人者嘉则有罪矣而子展子西不能正以王法肆诸市朝与众同弃乃利其室而分之有私意焉故称国以杀而不去其官此春秋原情定罪之意】冬 齐灵公城西郭叔孙豹防晋士匄于柯城武城

十九年甲子冬鲁及莒平使仲孙速防莒人盟于向晋侯防诸侯盟于澶渊齐成故也邾师骤至于鲁鲁仲孙速伐之以报焉初蔡文侯欲事晋曰先君与于践土之盟晋不可弃且兄弟也畏楚不能行而死楚人使蔡无常司马公子燮求从先君以利蔡蔡人杀之燮弟履出奔楚陈庆虎庆寅畏公子黄之偪愬诸楚曰与蔡司马同谋楚人以爲讨黄呼于国曰庆氏无道求专陈国暴蔑其君而去其亲五年不灭是无天也遂出奔楚鲁叔老如齐秋八月丙辰朔日有食之鲁季孙宿如宋卫 殖疾召其子喜曰吾得罪于君悔而无及也名藏在诸侯之防曰孙林父 殖出其君君入则掩之若能掩之则吾子也喜曰诺殖遂卒经曰二十年春王正月辛亥仲孙速防莒人盟于向夏六月庚申公防晋侯齐侯宋公卫侯郑伯曹伯莒子邾子滕子薛伯杞伯小邾子盟于澶渊秋公至自防仲孙速帅师伐邾蔡杀其大夫公子燮蔡公子履出奔楚

【按左氏初蔡文侯欲事晋畏楚不能行而卒楚人使蔡无常公子燮求从先君以利蔡谋国之合于义者也国人乃不顺焉而杀燮此何罪矣故称国而不去其官公子履其母弟也进不能正国退不能远害惧祸而奔从于蛮夷书者罪之也】陈侯之弟黄出奔楚叔老如齐冬十月丙辰朔日有食之季孙宿如宋二十年冬鲁侯如晋拜师及邾田邾庶其以漆闾丘奔鲁季孙宿以公姑姊妻之皆有赐于从者于是鲁多盗宿谓司寇纆曰子盍诘盗对曰子召外盗而大礼焉何以止吾盗夫上之所为民之归也上所不爲民或为之是以加刑罚焉而莫敢不惩若上之所爲而民亦爲之乃其所也又可禁乎鲁侯归晋栾黶娶士匄之女叔祁生盈范鞅以亡故与盈不相能黶卒叔祁与其老州賔通盈患之祁惧愬于匄曰盈将爲乱鞅为之征盈好施士多归之匄恶其多士也信之盈为下卿匄使城着而遂逐之盈出奔楚匄杀其党箕遗羊舌虎等十人囚叔向羊舌肸叔罢乐王肸见叔向曰吾爲子请叔向不应人皆咎之叔向曰肸从君者也何能行祁大夫外举不弃讐内举不失亲其独遗我乎于是祁奚老矣闻叔向被囚乘驿见士匄曰叔向多谋而鲜过惠训不倦社稷之固也犹将十世宥之以劝能者今壹不免其身以弃社稷不亦惑乎匄与言于公而免之栾盈过周西鄙掠之辞于行人曰天子陪臣盈得罪于王之守臣将逃罪敢布其死昔陪臣书能输力于王室王施惠焉其子黶不能保任其父之劳大君若不弃书之力亡臣犹有所逃若弃书之力而思黶之罪臣戮余也将归死于尉氏不敢还矣王曰尤而效之其又甚焉使司徒禁掠栾氏者归所取焉使候出诸轘辕日有食之晋侯防齐侯鲁侯宋公卫侯郑伯曹伯莒子邾子于商任鞅栾氏也经曰二十有一年春王正月公如晋邾庶其以漆闾丘来奔【庶其邾大夫也春秋小国之大夫不书其姓氏防也其以事接我则书其姓氏谨之也漆一邑闾丘一邑而不言及者庶其之私邑所受于君而食之者也此叛臣何以不书叛书名书地而窃邑叛君之罪见矣夫弃夷狄从诸夏其慕义之心疑可与也然有据城以求援者君子犹以为不可受而况邻国乎书来奔而鲁受叛臣纳其地之罪亦见矣】夏公至自晋秋晋栾盈出奔楚九月庚戌朔日有食之冬十月庚辰朔日有食之曹伯来朝公会晋侯齐侯宋公卫侯郑伯曹伯莒子邾子于商任二十一年冬诸侯还夏五月鲁叔老卒栾盈自楚适齐晏婴曰小所以事大信也失信不立今纳栾氏奈商任之命何齐侯

不听晋侯防齐侯于沙随复鞶栾氏也盈犹在齐晏婴曰祸将作矣齐将伐晋不可以不惧楚观起有宠于令尹追舒未益禄而有马数十乘楚人患之其子弃疾爲王御士王每见之必泣弃疾曰君三泣臣矣敢问谁之罪也王曰令尹之不能子所知也国将讨焉尔其居乎对曰父戮子居君焉用之泄命重刑臣亦不为王遂杀追舒于朝轅观起于四境三日弃疾请尸王许之既葬其徒曰行乎曰吾与杀吾父行将焉入曰然则臣王乎曰弃父事讐吾弗忍也遂缢

论曰有子曰君子务本本立而道生孝悌也者其为仁之本与按公子追舒非有大逆之罪退之可也而王必欲杀之则非仁矣爲弃疾者进宜陈使臣之礼以諫王退宜陈事君之礼以諫父諫于王而不听窃负父而去之可也諫于父而不听则号泣而随之可也諫于王与父皆不听焉则请后祖庙而以身代父死可也乌有闷默恬然不动其心坐待王杀其父而后死之者以爲子则不孝以爲臣则不忠噫大道不明是以此极而莫觉莫悟也故愚论之以示爲仁之道焉而春秋书楚杀其大夫公子追舒不罪弃疾者大夫君之股肱心膂也公子宗室之枝叶庇廕也而轻杀之所以罪楚君也弃疾与杀其父矣岂待贬而后见乎

起之子在蔡事蔡大夫朝吴鲁孔防叔之孙曰叔梁纥无子娶顔氏之季女曰征在于是叔梁纥老矣顔氏贫不能备礼遂野合焉冬十月庚子生子或曰是夕也有二龙绕舍五老降庭当空中有笙鏞之音焉名之曰丘是爲孔子经曰二十有二年春正月公至自会夏四月秋九月辛酉叔老卒冬公防晋侯齐侯宋公卫侯郑伯曹伯莒子邾子薛伯 伯小邾子于沙随【按左氏防于沙随鞶栾氏也古者大夫去国君不扫其社稷不系累其子弟不收其田邑使人导之出疆又先之于其所往 五典厚人伦也今晋不念栾氏世勲而逐盈又将搏执之而命诸侯无得纳焉则亦过也楚逐申公巫臣子反请以重币鞶之楚子曰止彼若能利国家虽重币晋将可乎若无益于晋晋将弃之何劳鞶焉其贤于商任沙随之谋遠矣】公至自防楚杀其大夫公子追舒

皇王大紀卷五十四

宋 胡宏 撰

三王紀

靈王

二十二年冬十二月癸酉朔日有食之春正月 伯薨諡曰孝公子益姑嗣晉悼夫人喪 孝公晉侯不徹樂邾畀我奔魯 葬其君陳侯如楚公子黃愬二庆于楚楚人召之使庆往杀之庆氏以陳叛楚屈建从陳侯圍陳陳人城板墜而殺人役人相命各杀其長遂杀二庆公子黃復归晉將嫁女于吳齊人使析归父媵之以藩載栾盈及其士納諸曲沃盈夜見胥午而告之对曰不可天之所廢誰能興之子必不免盈曰虽然因子而死吾无悔矣我实不天子无咎焉许诺伏之而觴曲沃人曰今也得栾孺子何如对曰得主而爲之死犹不死也皆叹有泣者盈出徧拜之帥曲沃之甲因魏舒以昼入絳初盈佐魏絳于下軍舒私焉故因之趙氏以同括之難怨栾氏韓趙方睦中行氏以伐秦之役怨栾氏而固与范氏和亲樂王鮒侍坐于士匄或告曰栾氏至矣匄惧鮒曰奉公以走固宮必無害也且栾氏多怨子爲政栾氏自外子在位其利多矣既有利權又執民柄將何惧焉栾氏所得其惟魏氏乎而可强取也夫克亂在權子無懈也匄奉公以如固宮范鞅逆魏舒則成列既乘將逆栾氏矣趨進曰栾氏帥賊以入鞅之父与二三子在君所矣使鞅逆吾子鞅請驂乘持帶遂超乘右抚劍左援帶命驅之仆請鞅曰之公匄逆諸階執其手賂之以曲沃栾氏乘公門匄謂鞅曰矢及君屋死之鞅用劍以帥卒栾氏退掇車从之盈奔曲沃晉人圍之齊侯伐卫將遂伐晉晏嬰曰君恃勇力以伐盟主若不濟國之福也不德而有功忧必及君崔杼諫曰不可臣聞小國間大國之敗而毀焉必受其咎君其圖之弗听陳湏無見崔杼曰將如君何曰吾言于君君弗听也以爲盟主而利其難羣臣若急君于何有湏無退曰謂君甚而又過之不得其死必矣齊伐晉取朝歌以報平陰之役乃還魯叔孫豹救晉魯季孫宿无适子公弥長而愛少子紇欲立之訪于申丰丰趨退盡室將行乃止訪于臧紇紇曰飲我酒吾为子立之季氏飲大夫酒臧紇为客獻命北面新樽絜之召紇降逆之大夫皆起及旅而召公弥使与之齒宿失色以公弥爲馬正仲孫速惡臧紇庶長秩少子羯速之御駒丰防好羯速疾病防为公弥曰苟立羯請讐臧氏公弥言于宿宿弗应速卒入哭曰秩焉在公弥曰羯在此矣宿曰秩長对曰惟其才也遂立羯仲孫氏告于季孫曰臧氏將为亂紇聞之戒宿使視之怒命攻臧氏八月乙亥紇斬鹿門之關以出奔邾自邾如防使來告曰紇非敢請苟守先祀无廢二勲敢不辟邑乃许立其子爲紇致防而奔齊紇之人曰魯其盟我乎紇曰无辭季孫召外史掌惡臣而問盟首焉对曰盟东门氏也曰母或如东门遂不听公命杀适立庶盟叔孫氏也曰母或如叔孫侨如欲廢國常蕩覆公室宿曰臧孫之罪皆不及此孟椒曰盍以其犯門斬關乃盟曰无或如臧孫紇干國之紀犯門斬關臧孫聞之曰國有人焉誰居其孟椒乎孔子曰臧武仲以防求为后于魯虽曰不要君吾不信也晉人克栾盈于曲沃尽杀栾氏之族黨栾魴出奔宋齊侯还自晉不入遂襲莒門于且于傷股而退明日將復戰 梁穀甲夜入且于之隧明日先遇莒子亲鼓之从而伐之获 梁穀人行成归杞梁之尸其妻迎其柩于路而哭之哀齊侯使人吊之对曰君之臣不免于罪則將肆諸市朝而妻妾執君之臣免

于罪则有先人之敝庐在君无所辱命洛在王城之南谷在王城之北是年穀水盛出于王城之西南合于洛毁王城西南将及王宫王欲壅之太子晋諫曰山土之聚也藪物之归也川气之导也泽水之钟也古之圣人不坠山不崇藪不防川不窞泽天无伏陰地无散阳民无淫心物无害生故皇天嘉之祚之以天下今吾执政无乃实有所避而滑夫三川之神使至于鬬以妨王宫乎人有言曰无过乱人之门又曰佐饗者尝焉佐鬬者伤焉又曰祸不好不能爲祸将防鬬而饰宫无乃不可乎黄炎之子孙或在畎亩由欲乱民也畎亩之人或在社稷由欲靖民也自周后稷始基靖民十五王而文始平之十八王而康克安之其难如是厉始革典宣王幽平贪天之祸至于今未弭吾朝夕儆惧曰其何德之脩而少光王室以逆天休将安用饰宫以章辅祸乱也王卒壅之起宣照之台晋早卒孔叔梁纥卒葬于防山经曰二十有三年春王二月癸酉朔日有食之三月己巳 伯句卒夏邾邾我来奔葬 孝公陈杀其大夫庆虎及庆寅【按左氏庆虎求专陈国畏公子黄之偪而愬诸楚曰与蔡司马同谋楚人以为讨公子黄奔楚愬之二庆以陈叛楚屈建围陈杀二庆夫人君擅一国之利势使权臣暴蔑其身而不能远欲去其亲而不能保潜愬之于大国而不能辨至因夷狄之力然后能克则非君人之道也故二庆之死称国以杀公子黄之出特以弟书者讥归陈侯也凡此皆春秋端本之意】陈侯之弟黄自楚归于陈晋栾盈复入于晋入于曲沃【栾氏晋室之世臣故盈虽出奔犹繫于晋复入者甚逆之词爲其既絶而复入也若非天弃栾氏又有范鞅之谋晋亦殆矣原其失在于錙之甚急使无所容于天地之间是以此极春秋备书之以见人而不仁疾之已甚乱也其爲后世鉴岂不深切着明也哉】秋齐侯伐卫遂伐晋八月叔孙豹帅师救晋次于雍榆己卯仲孙速卒冬十月乙亥臧孙纥出奔邾晋人杀栾盈齐侯袭莒

二十三年鲁叔孙豹如晋士句问曰古人有言曰死而不朽何谓也豹未对句曰昔句之祖自虞以上爲陶唐氏在夏爲御龙氏在商爲豕韦氏在周爲唐杜氏晋主夏盟爲范氏其是之谓乎对曰此之谓世禄非不朽也豹闻之太上有立德其次有立功其次有立言虽久不废此之谓不朽士句听晋国之政诸侯之币重郑子产遗句书曰侨闻爲国家者非无贿之患而无令名之难夫诸侯之贿聚于公室则诸侯贰若吾子赖之则晋国贰诸侯贰则晋国坏晋国贰则子之家坏何没没也夫令名德之舆也德国家之基也有基无坏无坏则乐乐则能久句説乃轻币鲁师侵齐晋故也楚王爲舟师以伐吴不爲军政无功而还夏五月甲子朔日有食之既齐侯闻将有晋师惧使陈无宇如楚乞师崔杼帅师送之遂伐莒侵介根鲁大水六月癸巳朔日有食之晋侯鲁侯宋公卫侯郑伯曹伯莒子邾子滕侯薛伯杞伯小邾子会于夷仪将以伐齐水不克楚王以蔡侯陈侯许男伐郑以救齐门于东门次于棘泽诸侯救郑楚师还吴人为楚舟师之役故召舒鸠人舒鸠人叛楚楚王师于荒浦使沈尹寿与师祁犁让之舒鸠子敬逆二子而告无之且请受命王欲伐之令尹防子冯曰不可彼告不叛且请受命而又伐之伐无罪也姑归息民以待其卒卒而不贰吾又何求若犹叛我无辞有庸乃还陈人讨庆氏之党鍼宜咎出奔楚齐人城邾为天子也鲁叔孙豹来聘且贺城鲁大饥经曰二十有四年春叔孙豹如晋仲孙羯帅师侵齐夏楚子伐吴秋七月甲子朔日有食之既齐崔杼帅师伐莒大水八月癸巳朔日有食之公会晋侯宋公卫侯郑伯曹伯莒子邾子滕子薛伯 伯小邾子于夷仪冬楚子蔡侯陈侯许男伐郑公至自会陈鍼宜咎出奔楚叔孙豹如京师大饥【古有救灾之政若国防荒或发廩以赈乏或移粟以通用或徙民以就食或爲粥溢以救饿莩或兴工作以聚失业之人缓刑舍禁弛力薄征索 神除盗贼弛射侯而不燕置庭道而不修杀礼物而不备

虽有旱干水溢民无菜色所以备之者如此其至是年秋有陰沴之灾而冬大饥盖所以赈业之者有不备矣故书之以爲戒】

二十四年春齐崔杼伐鲁鲁人患之使告于晋孟公绰曰崔子将有大志不在病我必速归何患焉其来也不寇使民不严异于它日齐师徒归齐棠公死棠姜美崔杼取之齐侯通焉骤如崔氏以崔子之冠赐人侍者不可公曰不爲崔子其无冠乎崔子因是又以其间伐晋也曰晋必将报欲弑公以説于晋莒子朝齐飧诸北郭崔子称疾不出公问之遂从姜氏姜氏入于室与崔子自侧戸出甲兴公登台而请弗许请盟弗许请自刃于庙弗许皆曰君之臣杼疾病不能听命近于公宫陪臣干掇有淫者不知二命公逾墙射之中股反队遂弑之諡曰庄公贾举州绰邴师公孙敖等十人死之皆公嬖勇力之臣也晏婴立于崔氏之门外其人曰死乎曰独吾君也乎哉吾死也曰行乎曰吾罪也乎哉吾亡也归乎曰君死安归君民者岂以陵民社稷是主臣君者岂惟其口食社稷是养故君为社稷死则死之为社稷亡则亡之若为己死而为己亡非其私昵谁敢任之且人有君而弑之吾焉得死之而焉得亡之门啓而入枕尸股而哭崔子曰吾将杀女婴曰志于仁者不可以利回由于义者不可以死恐婴虽不才岂惧乎死哭兴三踊而出授绥而乘其仆将驰婴曰止鹿在山林其命在庖厨疾不益生缓不益死按之成节而去人谓崔子必杀之崔子曰民之望也舍之得民叔孙侨如之在齐也纳其女于灵公生子杵臼杼立而相之庆封为左相盟国人于大宫曰所不与崔庆者晏子仰天叹曰婴所不惟忠于君利社稷者是是与有如上帝乃歃太史书曰崔杼弑其君杼杀之其弟嗣书而死者二人其弟又书乃舍之南史氏闻太史尽死执简以往闻既书矣乃还崔氏侧庄公于北郭丁亥葬诸士孙之里四嬖不跽下车七乘不以兵甲须无有马十乘弃之而去晋侯防诸侯于夷仪将伐齐齐使隰鉏请成庆封如师男女以班赂晋侯以宗器乐器自六正五吏三十帅三军之大夫百官之正长师旅及处守者皆有赂晋侯许之晋侯使魏舒逆卫侯衎将使卫与之夷仪初陈侯防楚王伐郑当陈隧者井堙木刊郑人怨之四月壬子公孙舍之公孙侨帅车七百乘伐陈宵突陈城遂入之陈侯扶其太子偃师奔墓舍之命无入公宫与侨亲御诸门祝祓社司徒致民司马致节司空致地乃还六月晋侯会夷仪之诸侯及齐侯同盟于重丘晋赵武为政薄诸侯之币而重其礼谓鲁叔孙豹曰齐崔庆新得政将求善于诸侯武也知楚令尹屈建若敬行其礼道之以文辞以靖诸侯兵可以弭卫侯衎遂入夷仪舒鸠人卒叛楚楚屈建伐之及离城吴人救之建遽以右师先屈荡帅左师以退吴人居其间七日荡曰从将垫隘隘乃禽也不如速战请以私卒诱之简师陈以待我我克则进奔亦视之乃可以免羣帅从之吴师奔登山以望见楚师不继复逐之傅诸其军简师会之吴师大败遂围舒鸠舒鸠溃遂灭之郑复伐陈陈及郑平子产献捷于晋晋人问陈之罪对曰我先王以元女大姬配胡公而封诸陈以备三恪则我周之自出至于今是赖厉公庄宣皆我之自立成公播荡又我之自入君所知也今陈忘周之大德蔑我大惠弃我姻亲介恃楚众以冯陵我敝邑大惧不竞而耻大姬天诱其啓敝邑心陈知其罪授手于我用敢献功晋人曰何故侵小对曰先王之命惟罪所在各致其辟昔天子之地一圻列国一同自是以衰今大国多数圻矣若非侵小何以至焉赵武曰其辞顺犯顺不祥乃受之孔子曰志有之言以足志文以足言不言谁知其志言之无文行之不远晋为伯郑入陈非文辞不爲功慎辞哉楚蔦掩为司马屈建使庀赋数甲兵甲午蔦掩书土田度山林鸠数泽辨京陵表淳卤数疆潦规偃猪町原防牧隰臯井衍沃量入脩赋赋车籍马赋兵车甲楯之数既成以授屈建冬十月吴诸樊伐楚以报舟师之役引师至巢入其门巢人射诸

城上矢中吴王而卒吴王尝谓其诸弟曰吾兄弟相传必致国于季子故弟余祭立卫侯衍自夷仪使与 喜言喜许之曰必公子鱄在不然必败大叔仪曰诗所谓我躬不阅皇恤我后甯子可谓不防其后矣殆必不可君子之行思其终也思其复也书曰慎始而敬终终以不困今甯子视君不如奕棋其何以免乎奕者举棋不定不胜其耦况置君而弗定乎必不免矣九世之卿族一举而灭之可哀也哉郑子产问为政于鬻蔑对曰视民如子见不仁者如鹰鹯之逐鸟雀也游吉问于子产子产曰政如农功日夜思之思其始而成其终朝夕而行之行无越思如农之有畔其过鲜矣子产以其乘舆济人于溱洧孟子论之曰惠而不知为政歲十一月徒杠成十二月舆梁成民未病涉也君子平其政行辟人可也焉得人人而济之故为政者每人而悦之日亦不足矣经曰二十有五年春齐崔杼帅师伐我北鄙夏五月乙亥齐崔杼弑其君光【齐莊公见弑贾举州绰等十人皆死之而不得以死节称何也所谓死节者以义事君责难陈善有所从违而不苟者是也虽在属车后乘必不肯同入崔氏之宫矣若此十人者皆逢君之恶而莊公嬖之者死非其所比诸匹夫匹妇自经于沟渎而莫之知者犹不逮也虽杀身不偿责安得以死节许之哉】公会晋侯宋公卫侯郑伯曹伯莒子邾子滕子薛伯 伯小邾子于夷仪【会于夷仪将以讨齐齐使隰鉏请成庆封如师男女以班赂晋侯以宗器乐器自六正五吏三十帅三军之大夫百官之正长师旅及处守者皆有赂晋侯许之夫晋本为报朝歌之役及防夷仪既闻崔杼之弑则宜下令三军建而复旆示天讨之义则方伯连帅之职脩矣今乃知贼不讨而受其赂则是与之同情也故春秋治之如下文所贬云】六月壬子郑公孙舍之帅师入陈秋八月己巳诸侯同盟于重丘【崔杼既弑其君矣晋侯受其赂而许之成故盟于重丘特书曰同】公至自会卫侯入于夷仪【卫侯蔑其冢卿失国出奔不为无罪矣然有世叔仪以守有母弟鱄以出或抚其内或营其外有归道焉则其义犹未絕也故止书其爵而不名及 喜弑剽复归于卫然后书名此圣人俟其改过迁善不轻絕人之意曾子曰夫子之道忠恕而已矣此类是也】楚屈建帅师灭舒鸠冬郑公孙夏帅师伐陈十有二月吴子遏伐楚于巢卒【门于巢卒非吴子之自轻而见杀也古者入境必假道过门必释甲入国则不驰或曰古者大国过小邑小邑必饰城而请罪亦非巢之轻以一矢相加不饰城而请罪也】

二十五年冬十二月卫侯使公子鱄为复辞其母敬妣强命之对曰君无信臣惧不免敬妣曰虽然以吾故也鱄乃以公命与 喜言曰苟反政由甯氏祭则寡人甯喜告蘧瑗瑗曰瑗不能闻君之出敢闻其入遂行从近關出告右宰谷谷曰不可获罪于两君天下其谁畜之喜曰吾受命于先人不可以貳谷曰我请使焉而观之反曰君淹恤在外十二年矣而无忧色亦无寬言犹夫人也若不已死无日矣喜曰子鲜在穀曰何益多而能亡孙林父在戚孙嘉聘于齐孙襄居守喜穀伐之不克孙襄伤喜出舍于郊国人召喜复攻孙氏克之杀卫侯剽孙林父以戚如晋君子曰臣之禄君实有之义则进否则奉身而退专禄以周旋戮也卫侯复于卫及郊将班邑于从者而后入柳庄曰如皆守社稷则孰执羈勒而从如皆从则孰守社稷君反其国而有私也无乃不可乎弗果班大夫逆于竟者执其手而与之言道逆者自车揖之逆于门者颌之而已使让大叔仪曰寡人淹恤在外二三子皆使寡人朝夕闻卫国之言吾子独不在寡人古人有言曰非所怨勿怨寡人怨矣对曰臣不能负羈紲以从扞牧圉罪一也有出者有居者臣不能貳通内外之言以事君罪二也敢忘其罪乃行从近關出公使止之以柳庄为太史其后莊寢疾公曰若疾革虽当祭必告再拜稽首请于尸曰有臣柳庄也者非寡人之臣社稷之

臣也闻之死请往不释服而往遂以襚之与之邑裘氏与县潘氏书而纳诸棺曰世世万子孙无变也卫人侵戚东鄙孙氏愬于晋晋人为之召诸侯将以讨卫荀吴聘于鲁召鲁侯鲁侯会晋赵武宋向戌郑良霄曹人于澶渊以讨卫疆戚田取卫西鄙懿氏六十以与孙氏初宋芮司徒生女赤而毛弃诸堤下共姬之妾取以入长而美宋公入夕见而视之姬纳御嬖生佐恶而婉太子痤美而狠左师向戌畏而恶之寺人惠墙伊戾为太子内师而无宠楚客聘于晋过宋竟太子请享之公使往伊戾请从公曰夫不恶女乎对曰小人之事君子恶之不敢远好之不敢近敬以待命敢有二心纵共其外莫共其内臣请往也遣之至则欲用牲加书征之而骋告公曰太子将为乱既与楚客盟矣公曰爲我子又何求对曰欲速公使视之则信有焉问诸夫人与左师则皆曰固闻之公囚太子縊而死公徐闻其无罪也烹伊戾以佐为太子于是卫侯防于澶渊晋人执甯喜北宫遗使司马侯以先归卫侯如晋晋人囚之于士弱氏齐侯郑伯为卫侯故如晋晏婴私于叔向曰晋君宣明其德于诸侯所以为盟主也今为臣执君若之何晋侯乃许归卫侯许男如楚请伐郑曰师不兴孤不归矣六月薨于楚子买嗣楚王曰不伐郑何以求诸侯遂及蔡侯陈侯伐郑郑人将御之子产曰晋楚将平诸侯将和楚王是故昧于一来不如使逞而归乃易成也夫小人之性衅于勇而嗇于祸以足其性而求名焉非国家之利也若何从之公孙舍之曰善楚入南里门于师之梁涉于汜而归许人乃葬其君卫人归卫姬于晋乃释卫侯楚椒举娶于王子牟王子牟获罪而亡楚人曰举实送之举出奔郑声子言于屈建曰善为国者赏不僭而刑不滥赏僭则惧及淫人刑滥则惧及善人古之治者恤民不倦赏以春夏刑以秋冬三者礼之大节也有礼无败今楚多淫刑其大夫逃死于四方而为之谋主以害楚国不可救疗所谓不能也屈建言于王乃归椒举经曰二十有六年春王二月辛卯卫喜弑其君剽【喜嘗受命于其父使纳献公以免逐君之恶卫侯出入皆以爵称而剽以公孙非次而立则喜之罪应未减矣亦以弑其君书何也奕者举棋不定不胜其耦况置君乎于衍则殖也出之喜也纳之于剽则殖也立之喜也弑之是弈棋之不若也不思其终亦甚矣故圣人特正其为弑君之罪示天下后世使知慎于废立之际而不敢忽也】卫孙林父入于戚以叛【按左氏孙林父以戚如晋书曰入于戚以叛者着其据土背君之罪也】甲午卫侯衎复归于卫【卫侯出奔齐入于夷仪皆以爵称今既复归而得国矣乃书其名何也人之有德慧智术者尝存乎疾疾卫侯淹恤在外十有二年困于心衡于虑久矣一旦得国犹夫人也则是困而弗革虽复得国犹非其国也此见春秋侯人改过之深而责人自弃之重欲其强于爲善之意也】夏晋侯使荀吴来聘公防晋人郑良霄宋人曹人于澶渊秋宋公杀其世子痤【杀世子母弟直称君者甚之也本寺人伊戾为太子内师无宠譖于宋公而杀之则贼世子痤者寺人矣而独甚宋公何哉譖言之得行也必有嬖妾配适以惑其心又有小人欲结内援者以为之助然后爱恶一移父子夫妇之间不能相保者众矣尸此者其谁乎晋献之杀申生宋公之杀痤直称君者正其本之意】晋人执卫喜八月壬午许男卒于楚冬楚子蔡侯陈侯伐郑许灵公二十六年齐庆封聘于晋宋向戌善于晋赵武又善于楚屈建欲弭诸侯之兵以为名遂如晋如楚如齐告于秦皆许之乃约小国为会于宋屈建谓戌请晋楚之从交相见戌复于赵孟曰晋楚齐秦匹也晋之不能于齐犹楚之不能于秦也楚君若能使秦君辱于敝邑寡君敢不固请于齐戌复于建建使驿谒诸王王曰释齐秦他国请相见也于是晋赵武鲁叔孙豹卫石恶郑良霄许人曹人楚屈建蔡公孙归生陈孔奐皆防于宋以藩爲军晋楚各处其偏卫喜专献公患之公孙免余请杀之公曰微子不及此吾与之言矣事未可知只成恶名止也对曰臣杀之君勿与知乃与公孙无地公孙臣谋使攻氏弗克皆死公曰臣也无

罪父子死余矣免余复攻 氏杀 喜及右宰谷尸诸朝公子鱄曰逐我者出纳我者死赏罚无章何以沮劝君失其信而国无刑不亦难乎且鱄实使之遂出奔晋卫侯使止之不可及河又使止之止使者而盟于河托于木门不乡卫国而坐木门大夫劝之仕不可曰仕而废其事罪也从之昭吾所以出也吾不可以立于人之朝矣终身不仕诸侯之大夫将盟楚人 甲伯州犁曰诸侯望信于楚是以来服若不信是弃其所以服诸侯也固请释甲屈建曰晋楚无信从矣苟得志焉焉用有信州犁告人曰令尹将死矣赵孟患之叔向曰何害也匹夫一为不信犹不可单毙其死若合诸侯之卿以为不信必不捷矣鲁季孙使谓叔孙豹曰公命视邾滕既而齐人请邾宋人请滕皆不与盟豹曰邾滕人之私也我列国何故视之宋卫吾匹也及盟晋楚争先晋人曰晋国为诸侯盟主未有先晋者也楚人曰子言晋楚匹也若晋常先是楚弱也且晋楚主诸侯之盟也从矣岂专在晋叔向谓武曰诸侯归晋之德只非归其尸盟也昔成王盟诸侯于岐阳楚为荆蛮置茆绝设望表与鲜卑守燎故不与盟今将与狎主诸侯之盟惟有德也子务德无争先且诸侯盟小国必有尸盟者乃先楚宋向戌请赏公与之邑以示乐喜喜曰小国兵威之畏而后上下慈和安靖其国家无威则骄骄则乱生灭亡必矣天生五材民并用之废一不可谁能去兵兵所以威不轨而昭文德也圣人以兴乱人以废而求去之不亦诬乎以诬道蔽诸侯罪莫大焉纵无大讨而又求赏无厌之甚也削而投之向氏欲攻司城戍止之曰我将亡矣夫子存我德莫大焉十月乙亥朔日有食之辰在申司历过也再失闰矣齐崔杼生成及彊而寡娶棠姜生明姜之子棠无咎弟东郭偃相崔氏废成而立明成请老于崔弗许彊怒告庆封封曰苟利夫子必去之难吾助女成彊逐二子杼怒见庆封封曰是何敢然使其属卢蒲癸攻杀成彊棠姜缢遂灭崔氏癸复命杼至则无归矣乃缢崔明奔鲁庆封当国经曰二十有七年春齐侯使庆封来聘夏叔孙豹防晋赵武楚屈建蔡公孙归生卫石恶陈孔奂郑良霄许人曹人于宋卫杀其大夫甯喜【 喜既坐弑君之罪矣不以讨贼之词何也初卫侯使与 喜言苟反政由 氏祭则寡人 氏纳之卫侯复国患 喜之专也公孙免余请杀喜尸诸庙子鲜曰逐我者出纳我者死赏罚无章何以劝沮君失其信而国无刑不亦宜乎故称国以杀而不去其官】卫侯之弟鱄出奔晋【卫侯之入使鱄与 喜纳言既杀 喜鱄病失言遂出奔晋托于木门不乡卫国而坐木门大夫劝之仕不可曰仕而废其事罪也从之昭吾所以出也吾不可以立人之朝矣终身不仕其称弟罪卫侯也谷梁曰鱄之去合乎春秋】秋七月辛巳豹及诸侯之大夫盟于宋【此一地也曷为再言宋书之重词之复其中必有大美恶焉宋之盟自是中国诸侯南面而朝楚及申之防蛮夷之君篡弑之贼人合十有一国之众而用齐桓召陵之礼宋世子佐以后至遂辞而不见伐呉灭赖无敢违者圣人至是哀人伦之灭伤中国之衰而其事自宋之盟始也而或者乃以宋之盟中国不出蛮夷不入玉帛之使交乎天下以尊周室为晋赵武楚屈建之力而善此盟也其说误矣】冬十有二月乙亥朔日有食之

皇王大纪卷五十五

宋 胡宏 撰

三王纪

灵王

二十七年冬鲁无冰卫人讨甯氏之党石恶奔晋卫人立其从子圃以守石氏之祀邾子朝于鲁六月鲁旱大雩鲁仲孙羯如晋告将如楚也齐庆封好田而嗜酒与其子舍政则以其内迁于卢蒲癸氏易内而饮酒数日国迁朝焉使诸因庄公之难而亡者得反于是卢蒲癸王何反臣于舍有宠使执寝戈而先后之庆封田于莱尝于太公之庙庆舍蒞事癸自后刺舍何解其左肩而死齐侯惧鲍国曰羣臣为君故也陈须无以齐侯归如内宫庆封归遇告乱者伐西门不克伐北门克之入伐内宫弗克反陈于岳请战弗许遂出奔鲁齐人让之庆封奔吴吴王与之朱方聚其族焉而居富于其旧鲁孟椒谓叔孙豹曰天殆富淫人庆封又富矣豹曰善人富谓之赏淫人富谓之殃天其殃之也其将聚而殲旃有黑气丽于天如日者五晋叔向来聘发币于大夫及单靖公公享之叔向退而告其老曰昔史佚有言曰动莫如敬居莫若俭德莫若让事莫若咨单子有四美子孙必蕃后世不忘九月宋公鲁侯朝于楚王崩諡曰灵王子贵立楚王昭卒諡曰康子麇嗣王子围为令尹齐人改 庄公尸崔杼于市鲁侯行及汉闻楚丧欲反叔仲带曰我楚国之为岂为一人行也孟椒曰君子有远虑小人从迓饥寒之不恤谁遑恤其后不如姑归也叔孙豹曰叔仲子专之矣孟子始学者也荣驾鹅曰远图者忠也鲁侯遂行向戌曰我一人之为非为楚也饥寒之不恤谁能恤楚姑归而息民待其立君而为之备宋公遂反经曰二十有八年春无冰夏卫石恶出奔晋邾子来朝秋八月大雩仲孙羯如晋冬齐庆封来奔十有一月公如楚十有二月甲寅天王崩乙未楚子昭卒

景王

元年冬十一月鲁侯临楚丧楚人曰必亲袭鲁人曰非礼也楚人强之巫先祓柩楚人悔之古者君临臣丧以巫祝桃茢执戈恶之也所以异于生也丧有死之道焉先王之所难言也楚其君鲁陈郑许之君送至于西门之外诸侯之大夫皆至于墓鲁侯还及方城季孙宿取卞使公冶问玺书追而与之曰闻守者将叛臣帅徒以讨既得之矣敢告公冶致使而退及舍而后闻取卞公曰欲之而言叛祇见疏也吾不可以入乎对曰君实有国谁敢违君公欲无入荣驾鹅赋式防乃归公冶致邑终身不入季氏曰欺其君而使余 灵王郑上卿有事使印段往良霄曰弱不可公孙舍之曰与其莫往弱不犹愈乎遂使往衛侯薨諡曰献公子恶嗣吴人伐越获俘焉以为閭使守舟吴王观舟閭以刀弑之弟夷末嗣晋侯 出也故荀盈防诸国之大夫城 郑游吉曰甚乎其城杞也不恤宗周之阙而夏肄是屏其弃诸姬亦可知也诸姬是弃其谁归之吉闻之弃同即异是谓离德诗曰协比其邻婚姻孔云晋不邻矣其谁云之晋士鞅聘于鲁拜城 也鲁侯享之展庄叔执币射者三耦公臣不足取于家臣晋司马侯如鲁治杞田弗尽归也悼夫人愠侯曰虞虢焦滑霍扬韩魏皆姬姓也晋是以大若非侵小将何所取武献

以下兼国多矣谁得治之杞夏余也而即东夷鲁周公之后也而睦于晋以杞封鲁犹可而何有焉 伯朝鲁盟而归吴王使公子札聘于诸侯至鲁见叔孙豹説之曰子好善而不能择人为鲁宗卿而不慎举祸必及子至齐説晏婴曰子速纳邑与政乃免于难齐国之政将有所归难未歇也至郑见子产如旧相识曰郑之执政侈难将至矣适卫説蘧瑗史防公子荆曰卫多君子未有患也自衛如晋将宿于戚闻钟声焉曰夫子获罪于君以在此惧犹不足而何乐焉君又在殡而可以乐乎遂去之林父闻之终身不听琴瑟至晋説赵武韩厥魏舒曰晋国其萃于三族乎将行谓叔向曰君侈而多良大夫皆富政将在家吾子好直必思自免于难衛 其君齐公孙蚘公孙灶放其大夫高止于北燕止好以事自为功且专故难及之止子防以卢叛閭丘婴帅师围卢防曰苟使高氏有后请致邑齐人立僖之曾孙鄫良敬仲也防致卢而出奔晋鲁仲孙羯如晋经曰二十有九年春王正月公在楚【歲之首月公如他国者有矣此犹书公在楚者外为夷狄所制以俟其 而不得归内为强臣所逼欲擅其国而不敢入故特于歲首朝正之时而书曰公在楚使后世臣子戴天履地视君之危且困者必有天威不违顔咫尺食坐见于羹墙之意而不以顷刻忘也此义一行岂敢有顾其身与妻子与其家而不恤国朋附权臣以图富贵而背其君者也】夏五月公至自楚庚午衛侯衎卒閹弑吴子余祭【谷梁子曰閹门者寺人也不称名姓閹不得齐于人不称其君閹不得君其君也礼君不使无耻不近刑人不狎敌不迓怨贱人非所贵也贵人非所刑也刑人非所近也举至贱而加之吴子吴子近刑人也閹弑吴子余祭仇之也左氏以为伐越获俘焉以为閹使守舟吴子观舟閹以刀弑之亦迓怨之失也】仲孙羯防晋荀盈齐高止宋华定卫世叔仪郑公孙段曹人莒人滕人薛人小邾人城 【古之建国立家者必亲九族然有父族而后及母族有母族而后及妻族此葛藟之诗所为戚也晋主夏盟令行中国平公不能修文襄悼公之业尊□王室恤宗周之阙而夏肄是屏轻弃诸姬可谓知本乎平王惟不抚其民而遠屯戍于母家扬之水所以不得列于雅也城杞之役亦不待贬絶而可见矣】晋侯使士鞅来聘 子来盟吴子使札来聘【札者吴之公子何以不称公子辞国而生乱者札为之也故因其来聘而贬之示法按吴子寿夢有子四人长曰诸樊次曰余祭次曰夷末札其季子也寿夢欲立以为嗣札辞然后立诸樊既除丧则致国于季子季子又辞而去之诸樊乃舍其子而立弟约以次传必及季子故诸樊卒而余祭立余祭卒而夷末立夷末卒则季子宜受命以安社稷成父兄之志矣乃徇匹夫之介节辞位以逃夷末之子僚僚既立诸樊子光曰先君所以不与子国而与弟者凡为季子尔将从先君之命欤则季子宜有国也如不从先君之命则我宜立僚乌得为君于是使专诸刺僚而致国乎季子季子不受去延陵终身不入吴国故曰贬之示法焉或谓先圣贤夷齐季子辞位独不为贤而奚贬乎曰叔齐之德不越伯夷孤竹舍长而立幼私意也诸樊兄弟父子无及季札之贤也其父兄眷春而欲立札公心也故季子辞立而生乱为春秋之所贬或曰世衰道防暴行交作臣篡其君者有之子弑其父者有之季子于是焉而辞位则将使闻其风者贪夫廉争夫让而篡弑夺攘之祸损矣其于名教岂不有补何贬之深也曰春秋達节而不守者也昔太伯奔吴而不反季歷嗣位而不辞武王继统受命作周亦不以配天之业让伯邑考官天下也彼王僚无季歷之贤武王之圣而季子为太伯之让岂至德乎使争弑祸兴覆师丧国其谁阶之也若季子之辞位守节立名全身自牧则可矣槩诸圣王之道则过矣中庸曰道之不行也我知之矣季子所谓贤且智过而不得中者也使由于季歷武王之义其肯附子臧之节而不受乎惜其择乎中庸失时措之宜尔或曰吴子使札与楚子使椒秦伯使术一例尔吴楚蛮夷之国秦介戎狄之间其礼未同于中夏故使人之来皆畧之而札何以独为贬乎曰春

秋多变例圣笔有特书荆楚无大夫而屈完书族王朝下士以人通而子突书字诸侯公子以名著而季友书子母弟之无列者不登其姓名而叔肸书氏皆贤而特书者也若仲尼亦贤季札必依此例或以字或以氏以公子持书之矣今乃畧以名纪比于楚椒秦术之流无异称焉是知仲尼不以其让国为贤而贬之也噫世之君子盛称季札之贤于让国之际以为礼之大节不可乱也公子欣时春秋犹贤其后世于季札何独贬之深也曰仲尼于季子望之深矣责之备矣惟与天地同德而达乎时中然后能与于此】秋九月葬卫献公齐高止出奔北燕仲孙羯如晋

二年甲戌冬楚王遣使聘于诸侯防罢至鲁公子圉至晋晋赵武子鞅鸣玉以相晋侯曰白珩楚之寶也圉应曰楚有观父者能作训辞以令于诸侯有左史倚相者朝夕献善败于寡君使无忘先王之业有薮曰云连徒洲金木竹箭之所生皮革羽毛之所出以备军赋是则楚之寶矣鞅有慙色蔡侯为世子般娶于楚通焉春二月般弑之諡曰景侯而自立三月宋火灾近伯姬之室左右曰夫人避火乎伯姬曰妇人之义傅姆不在宵不下堂遂逮乎火而死初灵王之弟儋季卒其子括将见单公子愆期为王御士过诸廷闻其叹而言曰呜呼必有此夫入以告王且曰必杀之不惑而愿大视躁而足高心在他矣不杀必害王曰童子何知及灵王崩儋括欲立王子佞夫佞夫不知儋括围蒍逐成愆尹言多刘穀单蔑甘过巩成杀佞夫括瑕廖奔晋鲁叔弓如宋 伯姬郑良霄侈而愎驷黑好在人上莫能相下也良霄嗜酒为窟室而夜饮击钟焉朝至未已朝者曰公焉在其人曰公在壑谷皆自朝布路而罢黑伐而焚之良霄奔雍梁醒而后知之遂奔许郑伯及其大夫盟于大宫盟国人于师之梁良霄闻之怒晨自墓门之渎入介于襄库以伐旧北门驷带帅国人伐之皆召子产子产曰兄弟而及此吾从天所与良霄死于羊肆子产薨之敛而殯诸其臣之在市侧者蔡葬其君楚令尹公子围杀大司马蒍掩而取其室申无宇曰善人国之主也司马令尹之偏而王之四体也絶民之主去身之偏艾王之体不祥大焉必不免矣卫侯在楚北宫文子见围之威仪言于卫侯曰令尹其将不免卫侯曰子何以知之对曰诗云敬慎威仪惟民之则君有君之威仪臣有臣之威仪是以上下能相固也令尹似君有他志矣民无则焉虽获其志不可以终晋赵武齐公孙蛰宋向戌鲁叔孙豹卫北宫佗郑罕虎及小邾之大夫为宋灾故防于澶渊以谋归宋财郑罕虎授子产政辞曰国小而偪族大宠多不可为也虎曰虎帅以听谁敢犯子子善相之国无小小能事大国乃寛子产为政使都鄙有章上下有服田有封洫庐井有伍择能而使之诛乱政大夫史何冯简子能断大事游吉美秀而文公孙挥能知四国之为而又善为词令裨谌能谋谋于野则获有诸侯之事子产必谋于谿问于挥断于冯简子乃授游吉使之以应对賓客是以鲜有败事罕虎欲使尹何为邑子产曰子于郑国栋也栋折榱崩侨将厌焉敢不尽言人之爱人求利之也今吾子爱人则以政犹未能操刀而使割也伤之而已其谁敢求爱于子子有美锦不使人学制焉大官大邑身之所庇也而使学者制焉其可乎侨闻学而后入政未闻以政学也罕虎以为忠故委政焉子产是以能为郑国郑人游于乡校以议执政之善否鬻蔑曰毁乡校如何子产曰其所善者吾则行之其所恶者吾则改之是吾师也若何毁之我闻忠善以损怨不闻作威以防怨经曰三十年春王正月楚子使防罢来聘夏四月蔡世子般弑其君固五月甲午宋灾宋伯姬卒【妇人以贞为行者也伯姬之妇道尽矣易曰恒其德贞妇人吉夫子防而或以为伯姬女而不防非也世衰道防暴行交作女德不贞妇道不明能全其节守死不回见于春秋者宋伯姬尔圣人书 宋共姬以着其贤行励天下之妇道也】天王杀其弟佞夫王子瑕奔晋

秋七月叔弓如宋 宋共姬郑良霄出奔许自许入于郑郑人杀良霄【自许袭郑以伐公门弗胜死于羊肆不言复入者其位未绝也若宋鱼石若晋栾盈去国三年其称复入位已绝矣不言叛者将以灭国非直叛也若华亥之入南里宋辰之入萧其书叛者皆据土背君以自保未有灭国之谋也不言杀其大夫者非其大夫矣讨贼之词也】冬十月 蔡景公晋人齐人宋人卫人郑人曹人莒人邾人滕人薛人杞人小邾人会于澶渊宋灾故【春秋大法君弑而贼不讨则不书 况世子之于君父乎蔡景公何以独书 遍刺天下之诸侯也 送之礼在春秋视人情之疏密而为之者也有尝同盟卒而不赴者有虽同姓赴而不防者则以哀死而致禭为轻吊生而归赙为重必矣今蔡世子般弑其君藏在诸侯之策而往防其 是恩义情礼之笃于世子般不以为贼而讨之也人之所以异于禽兽中国之贵于夷狄者以其有父子之亲君臣之义尔世子弑君是夷狄禽兽之不若也而不知讨岂不废人伦灭天理乎圣人深痛其所为遍刺天下之诸侯也何以知圣人罪诸侯之意如此乎以下文书防于澶渊宋灾故而贬其大夫则知之矣二百四十二年之间列防亦众而未有书其所为者此独言所为何遍刺天下之大夫也大夫以智帅人者也智者无不知当务之为急不能三年之丧而缙小功之察放饭流□而问无齿决是之谓不知务蔡世子般弑其君天下之大变人理所不容也则防其 而不讨宋国有灾小事也则合十二国之大夫更宋之所丧而归其财则可谓不知务矣三纲国政之本至于沦绝无父与君是禽兽也禽兽偪人虽得天下弗能一朝防矣世子弑君三纲沦绝禽兽偪人则与之同羣而不恤有国者不戒于火自亡其财苟其来告吊之可也则合十二国之大夫驻于澶渊而谋更其所丧曷为知类也】

三年鲁侯作楚宫叔孙豹曰泰誓曰民之所欲天必从之君欲楚也夫故作其宫若不复适楚必死是宫也夏四月薨于楚宫諡曰襄公立胡女敬归之子子野次于季氏秋七月毁而卒郑伯如晋子产相晋侯以鲁丧故未之见也子产使尽坏其馆之垣而纳车马焉晋士匄让之子产对曰文公之为盟主也宫室卑庳以崇大诸侯之馆有司各瞻其事百官展其物公不留宾亦无废事无宁菑患今铜鞮之宫数里而诸侯舍于隸人门不容车盗贼公行天疠不戒若又勿坏是无所藏币以重罪也虽君之有鲁丧亦敝邑之忧也若获荐币修垣而行君之惠也敢憚勤劳匄复命赵武曰是吾罪也乃见郑伯而筑诸侯之馆鲁仲孙羯卒鲁人立敬归弟齐归之子禰叔孙豹曰世子死有母弟则立之无则立长年钧择贤义钧则卜古之道也非适嗣何必娣之子且是人也居丧不哀在感而有嘉容是谓不度不度之人鲜不为患若果立之必为季氏忧季孙宿卒立之比及 三易衰衰衽如故衰于是禰生十九年矣犹有童心君子是以知其不能终也鲁葬其君滕侯防 莒子娶于齐生去疾娶于吴生展與既立展與又废之莒子虐国人患之展與因国人攻莒子弑之乃立去疾奔齐经曰三十有一年春王正月夏六月辛巳公薨于楚宫秋九月癸巳子野卒【子般子赤弑而书卒子野过毁亦书卒何以别乎曰闵公内无所承不书即位则子般之弑可知下书夫人姜氏归于齐上书公子遂叔孙得臣如齐赤之卒也隐而不日则子赤之弑可知与子野异矣子野有命立昭公故穆叔虽不欲而不能止也】己亥仲孙羯卒冬十月滕子来防 癸酉 我君襄公十有一月莒子弑其君密州【左氏称莒子生去疾及展与既立展与又废之莒子虐国人患焉展与因国人以攻莒子弑之乃立信斯言则子弑其父也而春秋有不书乎故赵匡谓其文当曰展與因国人之攻莒子弑之乃立而后来传寫误为以字尔】

四年冬鲁侯禘之元年楚令尹围聘于郑且娶于丰氏将以众逆子产使公孙挥辞之请墀听命围使对曰若野赐之是委君贶于草莽也挥曰小国无罪恃实其罪将恃大国之安靖已而无乃包藏祸心以图之小国失恃而惩诸侯使莫不憾者距违君命而有所壅塞不行是惧不然敝邑馆人之属也其敢爱丰氏之祧乃请垂橐而入郑人许之入逆而出遂与赵武防诸侯之大夫于虢祁午谓武曰令尹之不信诸侯所闻也子弗戒惧又如宋楚重得志晋之耻也子相晋国以为盟主于今十年矣而终之以耻午也是惧吾子其不可以不戒文子曰武受赐矣武将信以为本循而行之吾闻之能信不为人下吾不能是难楚不为患季武子伐莒渎齐盟请戮其使乐桓子相赵文子欲求货于叔孙而为之请使请带焉弗与梁其涇曰货以藩身子何爱焉叔孙曰我以货免鲁必受师虽怨季孙鲁国何罪叔出季处有自来矣吾又谁怨然鲋也贿弗与不已召使者裂裳帛而与之曰带其褊矣赵孟闻之曰临患不忘国忠也思难不越官信也图国忘死贞也谋主三者义也有是四者又可戮乎乃请诸楚曰鲁虽有罪其执事不辟难免之以劝左右楚人许之叔孙既归曾夭御季孙以劳之旦及日中不出曾夭谓曾阜曰旦及日中吾知罪矣鲁以相忍为国也忍其外不忍其内焉用之阜谓叔孙曰可以出矣叔孙指楹曰虽恶是其可去乎乃出见之秦后子鍼有宠于桓如二君于景其母曰弗去惧选遂适晋其车千乘司马侯问焉曰子之车尽于此而已乎对曰此之谓多矣若能少此吾何以得见司马侯以告公曰秦公子必归臣闻君子能知其过必有令图令图天所賛也见赵孟赵孟曰吾子曷归对曰鍼惧选于寡君是以在此将待嗣君赵孟曰秦君何如对曰无道赵孟曰亡乎对曰何为一世无道国未艾也不数世淫弗能毙也赵孟曰天乎对曰有焉赵孟曰其几何对曰国无道而年谷和熟天賛之也鲜不五稔赵孟视防曰朝夕不相及谁能待五鍼出而告人曰赵孟将死矣主民翫歳而惕曰其与防何晋中行穆子败无终及羣狄于太原崇卒也将战魏舒曰彼徒我车所遇又阨请皆卒自我始乃毁车以为行荀吴之嬖人不肯即卒斩以徇为五陈以相离翟人笑之未陈而薄之大败之莒展舆立而夺羣公子秩公子召去疾于齐展舆奔吴叔弓帅师疆郟田因莒乱也楚公子围使公子黑肱伯州犂城犂栎郑人惧子产曰不害令尹将行大事而先除二子也祸不及郑何患焉冬楚公子围至入问王疾縊而弑之杀其二子右尹王子比以车五乘出奔晋宫廋尹黑肱出奔郑杀太宰伯州犂于郑王于郑谓之郑敖围自立更名防以防罢为令尹防启疆为太宰使赴于郑伍举问应为后之辞焉对曰寡大夫围举更之曰共王之子围为长晋侯有疾郑子产聘且问叔向曰卜人曰实沈台骀为祟敢问此何神也子产曰实沈参神也台骀汾神也抑此二者不及君身若君身则亦出入饮食哀乐之事也侨闻之君子有四时朝以听政昼以访问夕以修令夜以安身于是乎节宣其气勿使有所壅闭湫底以露其体兹心不爽而昏乱百度今无乃壹之则生疾矣叔向曰善

论曰医卜祝史技数也然切于人身而人理之所不能不用者也先王之世医卜祝史世守其事而身属于官医以十全为上过误而杀人者有诛有大事则讯之卜有疑事则决之卜而吉防军宾嘉凡有告于神之事必祝史宣其意然后主事者得全其精以与神明交矣今世则不然散于民间取人者无罪骄人者无禁杀人者无诛而妙达陰阳之奥有十全之功者官亦莫之旌用也国有大事事有大疑内不反复谋诸心外不谋之于士庶精不谋之于筮而卜道以亡噫五礼之不得其理也久矣君子漫不知其义祝史岂能知其数哉故民间惟有疾病则卜而卜者率皆诳言某某神怨怒以恐惑之如晋卜人之言因为之祀祭以图衣食而已民宁破产求而不求医至有敬事荒夷之神驱除其祖考而不荐者岂不伤人情逆天理乎

是故君天下欲仁其民者虽医卜祝史之流亦必如先王之世然后大化可行也

秦伯使医和视晋侯疾曰疾不可为也是谓近女室疾如蛊良臣将死天命不祐公曰女不可近乎对曰节之先王之乐所以节百事也故有五节迟速本末以相及中声以降五降之后不容弹矣于是有烦手淫声慆堙心耳乃忘平和君子弗听也物亦如之陰阳风雨晦明是天之六气也为时为节过则为菑为五味为声色淫则生寒热末腹惑心之疾女yang物而晦时淫则生内热惑蛊之疾君今不节不时能无及此乎出告赵武曰和闻国之大臣荣其宠禄任其大节有菑祸兴而无改焉必受其咎今君至于淫以生疾将不能图恤社稷祸孰大焉主不能御吾是以云良臣将死也赵孟曰良医也礼而归之晋将食楚比秦鍼皆百人之饬赵武曰秦公子富叔向曰底禄以德德钧以年年同以尊公子以国不闻以富秦楚匹也使鍼与比齿十二月晋赵武卒是为文子叔向曰文子举事于白屋者四十六人公家頼之文子死而吊皆就宾位是其无私德也经曰元年春王正月公即位叔孙豹防晋赵武楚公子围齐国弱宋向戌衛石恶陈公子招蔡公孙归生郑罕虎许人曹人于虢【此陈侯之弟招也何以不称弟诸侯之尊弟兄不得以属通曰公子者其本当称者也曰弟者因事而独称之也所以然者诸侯非始封之君则臣诸父昆弟族人不得以属戚于君也防于虢寻宋之盟而经何以不书围请读旧书加于牲上虽若楚重得志晋少惴矣然春秋不贵修盟晋人以信为本故每书必先赵武】三月取郕【不曰伐莒取郕者乘莒乱而取邑故不悉书为内讳也】夏秦伯之弟鍼出奔晋【书此见人君宠爱其子不差以礼是祸之也书曰弟者罪秦伯也夫后子出奔其父祸之而罪秦伯何也春秋以钧爱望人父以能友责人兄父母有爱妾犹没身敬之不哀况兄弟乎兄弟翕而后父母顺矣故不曰公子而特称秦伯之弟云】六月丁巳邾子华卒晋荀吴帅师败狄于大卤【按六月宣王北伐之诗其词曰薄伐玁狁至于太原而诗人美之者谓不穷追遠讨及封境而止也然则太原在禹服之内而狄人来侵攘斥宜矣其过在毁车崇卒以诈诱狄人而败之非王者之师耳使后世车战法亡崇尚步卒争以变诈相高日趋苟简皆此等后之矣】秋莒去疾自齐入于莒【国无二君也展舆乃莒子而去疾曷为又以国氏乎程氏曰去疾假齐之力以入莒讨展与之罪正也其以国氏与去疾之讨有罪也此莒之公子曷为不称公子自谓先公之子可以有国不疑遂立乎其位而无所稟也其书入者难词也】莒展舆出奔吴【展舆莒子也曷为不称爵为弑君者所立既立乎其位而不能讨贼则是与闻乎故也斯不可以有国矣不可以有国则曷为以国氏程氏曰罪诸侯与其立也虢之防展与无列何以见诸侯之与其立乎莒虽以乱未能预防然鲁取郕而在防者欲执叔孙则知诸侯之与其立矣亦以国氏恶崇乱也】叔弓帅师疆郕田 邾悼公冬十有一月己酉楚子麇卒【郟敖实弑而书卒何与令尹围弑君以立中国力所不加而莫能致讨则亦已矣至大合诸侯于申与防者凡十有三国其臣举六王二公之事其君用齐桓召陵之礼而宋向戌郑子产皆诸侯之良也而皆有献焉不亦伤乎若革其伪赴而正以弑君将恐天下后世以篡弑之贼非独不必致讨又可从之以主防盟而无恶矣圣人至此悯之甚惧之甚悯之甚者悯中国之衰防而不能振也惧之甚者惧人欲之横流而不能遏也是故察防显权轻重而畧其篡弑以扶人国制人欲存天理其立义防矣】楚公子比出奔晋

皇王大纪卷五十六

宋 胡宏 撰

三王纪

景王

五年晋侯使韩起聘于鲁且告为政焉观书于太史氏见易象与鲁春秋曰周礼尽在鲁矣吾乃今知周公之德与周之所以王也公享之既享宴于季氏遂如齐晋公族大夫韩须逆女齐上大夫陈无宇送女致少姜少姜有宠晋侯谓之少齐谓无宇非卿执诸中都少姜曰送从逆班畏大国也犹有所易是以乱作鲁叔弓聘于晋郑驪黑欲去游氏而代其位伤疾作而不果其族与诸大夫欲杀之子产在鄙乘遽而至使吏数之曰良霄之乱以大国之事而未尔讨也尔有乱心无厌国不女堪专伐良霄而罪一也昆弟争室而罪二也薰隧之盟女矫君位而罪三也有死罪三何以堪之不速死司寇将至缢而尸诸周氏之衢加木焉晋少姜卒鲁侯如晋及河晋侯使伯瑕来辞曰非伉俪也请君无辱公还季孙宿遂致服焉叔向言陈无宇之无罪也晋侯归之晋侯怠于政事叔向忧曰盼闻公室将卑其宗族枝叶先落则公从之盼之宗十一族惟羊舌氏在而已戎马不驾卿无军行公乘无人列卒无长庶民罢敝而宫室滋侈道殣相望而女富溢尤民闻公命如逃寇讐栾郤胥原狐续庆伯降在皂 政在家门民无所依君日不悛以乐怙忧公室之卑其何日之有陈无宇有宠于齐侯晏婴曰齐其为陈氏乎公弃其民而归于陈氏齐旧四量豆区釜钟四升为豆各自其四以登于釜釜十为钟陈氏三量皆登一焉钟乃大矣以家量贷而以公量收之山木如市弗加于山鱼盐蜃蛤弗加于海民参其力二入于公而衣食其一公聚朽蠹而三老冻馁国之诸市屡贱踊贵民人痛疾而或燠休之其爱之如父母而归之如流水箕伯直柄虞遂伯戏其相胡公大姬已在齐矣经曰二年春晋侯使韩起来聘夏叔弓如晋秋郑杀其大夫公孙黑【黑则有罪而郑人初畏其强不之讨也因其疾而幸胜之则亦云殆矣故称国以杀累乎上矣】冬公如晋至河乃复季孙宿如晋【举动人君之大节贤哲量之以行藏其道奸邪窥之以作止其恶四邻视之以厚薄其情故有国者必谨于礼而后动此守身之本保国之基也礼虽自卑而尊人亦不妄悦人以自辱昭公既不能据经守正失礼而妄动又不能从权适变无故而轻复经书公如晋至河乃复季孙宿如晋而昭公失国之因季氏逐君之渐晋人下比之迹不行贬绝而皆见矣】

六年冬滕侯薨子宁嗣滕 其君鲁叔弓如滕孟椒为介及郊为椒叔父之忌不入椒曰政也不可以己私不将公事遂入小邾子朝于鲁季孙欲卑之穆叔曰是逆羣好也不可其如旧而加敬焉志曰能敬无灾宿从之鲁旱大雩北燕伯款多嬖宠欲去诸大夫而立其宠人燕大夫比以杀公之外嬖燕伯惧奔齐燕人立悼公经曰三年春王正月丁未滕子原卒夏叔弓如滕五月 滕成公秋小邾子来朝八月大雩冬大雨雹北燕伯款出奔齐【罪之也君虽不君臣不可以不臣燕伯欲去诸大夫固不君矣而大夫相与比以杀其外嬖是威胁其主而出之矣与鬻拳之以兵谏无异而独罪燕伯何哉大夫国君之陪贰以公心选之而不可私也以诚意委之而不可疑也以隆礼待之而不可轻也以直道驭之而不可辱也否则是忽其陪贰以自

危此有国之大戒也春秋凡见逐于臣者皆以自奔为文正其本之意也而垂戒远矣】

七年冬十一月鲁大雨雹季孙宿问于申丰曰雹可御乎对曰圣人在上无雹古者日在北陆而藏冰西陆朝觐而出之其藏之也周其用之也徧则冬无愆阳夏无伏阴春无凄风秋无苦雨雷出不震无菑霜雹疠疾不降民不夭札今藏川池之水弃而不用风不越而杀雷不发而震雹之为菑谁能御之楚王卜曰余尚得天下不吉投 诟天而呼曰是区区者而不余畀余必自取之乃使椒举如晋求诸侯曰日君有惠赐盟于宋曰晋楚之从交相见也君若苟无四方之虞则愿假宠以请于诸侯晋侯欲勿许司马侯曰君其许之晋侯曰晋国险而多马齐楚多难吾何向而不济对曰四岳三涂阳城大室荆山中南九州之险也是不一姓冀之北土马之所生无兴国焉自古或多难以固其国后其疆土或无难以丧其国失其守宇若何虞难楚王方侈君其许之而修德以待其归乃许楚使举遂请昏晋侯亦许之楚王问于子产曰晋其许我诸侯乎对曰晋君少安不在诸侯其大夫多求莫匡其君在宋之盟又曰如一若不许君将焉用之王曰诸侯其来乎对曰必来曹畏宋邾畏鲁鲁徯徯于齐而亲于晋惟是不来其余君之所及也诸侯会楚王于申椒举曰诸侯无归礼以为归始得诸侯其慎礼矣楚王遂以诸侯灭赖迁于鄢王欲迁许于赖使鬬韦 与公子弃疾城之而还申无宇曰祸在此矣召诸侯而来伐国而克城竟莫校王心不违民其居乎莒子不抚鄆鄆叛归于鲁郑子产作丘赋国人谤之浑罕以告子产曰苟利社稷死生以之吾闻为善者不改其度故能有济也民不可逞度不可改诗曰礼义不愆何恤于人言浑罕曰作法于凉其弊犹贪作法于贪弊将若之何吴伐楚入棘栌麻鲁叔孙豹之竖牛譖孟丙杀之譖仲任逐之豹疾病欲食不得饿而死是为穆子仲壬归牛又譖于季孙杀之而立嫪嫪即位朝其家众曰牛祸叔孙氏使乱大从杀适立庶罪莫大焉必速杀之牛惧奔齐孟仲之子杀之孔子曰叔孙昭子之不劳不可能也周任有言曰为政者不赏私劳不罚私怨诗云有觉德行四国顺之经曰四年春王正月大雨雹【阴阳之气和而散则为霜雪雨露不和而散则为戾气噎霾雹戾气也阴胁阳臣侵君之象当是时季孙宿袭位世卿将毁中军専执兵权以弱公室故数月之间再有大变意者昭公遇灾而惧以礼为国行其政令无失其民雹之灾也庶可御也不然虽得藏冰之道合于豳风七月之诗其将能乎】夏楚子蔡侯陈侯郑伯许男徐子滕子顿子胡子沈子小邾子宋世子佐淮夷会于申【申之防楚子为主而不殊淮夷是防之诸侯皆狄也其意也何楚防弑麇以立而求诸侯于晋晋人许之中国从之至使穷凶极恶师溃訾梁身窜棘里而缢于申亥人不致讨而天自封之是责命于天而以人事为无益而弗为也而可乎弑君之贼在春秋时有臣子讨之有四邻讨之臣子不能讨之于内四邻不能讨之于外有与之防以定其位有受其赂以免于讨然至此极矣则未有不以为贼而又推为盟主相与朝事之以顺其所为而不敢忤者也故申之防不殊淮夷者以在防诸侯皆为夷狄之行皆王法所当讨而不使夏变于夷之意也或曰晋叔向郑子产宋向戌皆诸侯之良也谋其国至变于夷而不校何哉圣人以天自处贤者聽天所命春秋之法以人合天不任于天以义立命不委于命而宇宙在其手者也故楚麇书卒不革其伪赴于前诸侯防申与淮夷累数于后此以恕待人而责备贤者之意其垂训之义大矣】楚人执徐子秋七月楚子蔡侯陈侯许男顿子胡子沈子淮夷伐吴执齐庆封杀之遂灭赖九月取鄆冬十有二月乙卯叔孙豹卒

八年冬鲁舍中军四分公室季氏择二二子各一皆尽征之而贡于公楚王以屈申为贰于吴

杀之鲁侯朝于晋自郊劳至于赠贿无失礼晋侯谓司马侯曰鲁侯不亦善于礼乎对曰是仪也不可谓礼礼所以守其国行其政令无失其民者也今政令在家不能取也有子家羁弗能用也奸大国之盟陵虐小国利人之难不知其私公室四分民食于他思莫在公不图其终为国君难将及身不恤其所礼之本末将于此乎在而屑屑焉习仪以亟言善于礼不亦远乎楚令尹逆后于晋晋韩起叔向送女楚王曰晋讐敌也吾将以起为阍以盼为司宫足以辱晋矣防启疆曰昔者圣王朝聘有珪享饔有璋小有述职大有巡功设机而不倚爵盈而不饮宴有好货殽有陪鼎入有郊劳出有赠贿务行礼焉失是道则祸乱兴且耻匹夫不可以无备自鄢以来晋不失备楚不能报而求亲焉今将以亲易怨实无礼以速寇而未有其备使羣臣往遗之禽以逞君心何不可之有王乃厚礼而归之莒牟夷以牟娄防兹奔鲁莒人愬于晋晋侯欲止鲁侯范鞅曰不可人朝而执之诱也讨不以师而诱以成之惰也请归之间而以师讨焉九月莒人伐鲁师于蚡泉不设备鲁叔弓败之秦伯薨子某嗣楚王以诸侯伐吴不设备吴人败之鹊岸楚王乘驿赴之济于罗汭吴王使其弟蹇由犒师楚王执之进及汝清吴不可入而还楚王惧吴使沈尹射待命于巢防启疆待命于雩娄秦公子鍼归经曰五年春王正月舍中军【公室益卑而鲁国之兵权悉归于季氏矣兵权有国之司命三纲兵政之本原书其作舍而公孙于齐薨于干侯定公舞正必至之理也已则不臣三纲沦替南遗叛阳虎專季斯囚而三桓之子孙防矣亦能免乎】楚杀其大夫屈申公如晋夏莒牟夷以牟娄及防兹来奔【邾莒之大夫名姓不登于史册防也牟夷莒大夫曷为以姓氏通重地也以地叛虽贱必书地以名其人终为不义弗可灭矣其书来奔是接我以利而我入其利两讥之也为国以义不以利如以利则上下交征而国必危矣为己以义不以利如以利则患得患失亦无所不至矣春秋于三叛人虽贱特书其名以惩不义惧淫人为后戒也邑而言及者公羊所谓不以私邑累公邑是也】秋七月公至自晋戊辰叔弓帅师败莒师于蚡泉秦伯卒冬楚子蔡侯陈侯许男顿子沈子徐人越人伐吴【越始见经而与徐皆得称人何也吴以朱方处齐庆封而富于其蕉崇恶也楚围朱方执齐庆封杀之讨罪也吴不顾义入棘栌麻以报朱方之役狄道也楚于是以诸侯伐吴则比吴为善而师亦有名其从之者进而称人可也吴大伯之后也楚祝融之后也徐伯益之后也越大禹之后也其上世皆为元德显功通于周室与中国冠带之君无以异王非诸侯所当称也故春秋比诸夷狄虽然犹不欲絶其类是以上不使与中国等下不使与夷狄均推之可逡引之可来此圣人慎絶人亦春秋之意也】

九年冬杞伯薨弟有厘嗣鲁季孙宿如晋拜不讨受牟夷之田也晋侯待之礼有加焉宋寺人柳有宠世子佐恶之华对比曰我杀之柳闻之乃坎用牲埋书而告公曰对比将纳华臣之族既盟于北郭矣公使视之有焉遂逐对比于是华亥欲代右师乃与柳比从为之徵曰闻之从矣公使代之鲁旱大雩徐仪楚聘于楚楚王执之逃归惧其叛也使防泄伐徐吴人救之令尹防罢帅师伐吴师于豫章吴人败其师于房钟获宫廄尹罢归罪于泄而杀之鲁叔弓聘于楚齐侯如晋请伐北燕纳北燕伯款晋侯许之晏婴曰燕有君矣民不貳吾君贿左右谄谀作大事不以信未尝可也郑铸刑书叔向诒子产书曰昔夏有乱政而作禹刑商有乱政而作汤刑周有乱政而作九刑今吾子相郑不能临之以敬诲之以忠闲之以义行之以礼而制参辟铸刑书民将弃礼而徵于书锥刀之末将尽争之乱狱滋丰贿赂并行终子之世郑其败乎盼闻之国将亡必多制其此之谓乎子产报曰侨不才不能及子孙吾以救世也既不承命敢忘大惠楚公子弃疾如晋过郑伯如见王禁刍牧不樵树不采蓺郑人皆知其将为王也初楚人弗

逆韩起晋侯将如之叔向曰楚辟我衷从我而已焉用效人之辟无宁以善为则而则人之辟乎晋侯从之经曰六年春正月杞伯益姑卒 秦景公夏季孙宿如晋葬杞文公宋华合比出奔卫【宋公宠信阉寺杀世适瘞而父子之恩絶逐华合比而君臣之义睽刑人之能败国亡家亦可畏矣犹有任赵高以亡秦信防显十常侍以亡汉宠王守澄田令孜以亡唐而不知鉴覆车之辙者不亦悲夫凡此类直书而义自见矣】秋九月大雩楚防罢帅师伐吴冬叔弓如楚齐侯伐北燕

十年齐侯将伐北燕求成于鲁鲁侯许之齐侯伐北燕次于虢燕人行成曰敝邑知罪敢不听命先君之敝器请以谢罪齐侯许之盟于濡上取燕姬瑶瓮玉栲铉耳而还楚王为章华之宫纳亡人以实之芋尹无宇之阍入焉无宇执之有司执无宇谒诸王王将饮酒无宇辞曰天子经略诸侯正封天有十日人有十等下所以事上上所以共神也周文王之法曰有亡荒阅所以得天下也吾先君文王作仆区之法曰盗所隐器与盗同罪所以封汝也逃而舍之是无陪台也王事无乃阙乎王赦之曰取而臣以往章华台成王与伍举升焉曰台美夫对曰先君庄王为匏居之台高不过望国氛大不过容宴豆先君以是除乱克敌而无恶于诸侯今此台也民罢而财尽未知其为美也楚王愿与诸侯落之使防扃疆召鲁侯曰昔先君成公命我先大夫婴齐曰吾不忘先君之好将使衡父照临楚国镇抚其社稷婴齐受命于蜀奉承以来弗敢失殒而嘉惠未至今君若步玉趾辱见寡君宠灵楚国以信蜀之役致君之嘉惠是寡君既受赐矣何蜀之敢望鲁侯遂如楚夏六月甲辰朔日有食之晋侯问于伯瑕曰谁当之对曰去卫地如鲁地二国恶之公曰诗云彼日而食于何不臧者何也对曰国无政不用善则自取谪于日月之灾故政不可不慎也务三而已一曰择人二曰因民三曰从时卫侯薨夫人姜氏无子嬖人嬖始生孟縶及元孟縶之足不良弱行孔炘鉏奉元为嗣晋大夫言于范鞅曰卫事晋为睦晋庇其贼人而取其地故诸侯贰今又不礼于其孤卫必叛我是绝诸侯也鞅说如卫吊反戚田焉鲁季孙宿卒是为武子孙意如代为政晋侯谓伯瑕曰信矣可常乎对曰不可六物不同民心不一胡可常也公曰何谓六物对曰岁时日月星辰也公曰何谓辰对曰日月之防是谓辰故以配日经曰七年春王正月暨齐平【我所欲曰及不得已日暨当时昭公结昏强吴外附荆楚其与齐平无汲汲之意乃齐求于鲁而许之平也故曰暨至定公八年鲁再侵齐结大国之怨见复必矣其与齐平非不得已乃鲁求于齐而欲其平也故曰及平者圣人之所贵然或以贿赂而结平或以臣下而擅平或以附夷狄而得平或以侵犯大国而急于平则皆罪也攷其事而轻重见矣】三月公如楚叔孙舍如齐泄盟夏四月甲辰朔日有食之秋八月戊辰卫侯恶卒九月公至自楚冬十有一月癸未季孙宿卒十有二月癸亥 卫襄公十一年冬陈侯元妃郑姬生悼世子偃师二妃生留下妃生胜二妃嬖留有宠公属诸弟司徒招与公子过公有废疾招杀偃师而立留春二月陈侯缢晋筑虎祁之宫民力雕尽怨讟并作鲁叔弓如晋郑伯如晋贺宫成也史赵曰甚哉其相防也可吊也而又贺之陈人使干徵师赴于楚且告有立君公子胜愬之楚人杀干徵师留奔郑鲁大搜于红自根牟至于商卫革车千乘陈公子招归罪于过而杀之鲁大雩楚公子弃疾帅师奉偃师之子吴围陈曰将定而国陈人听命遂县陈使楚穿封戌为公放招于越杀孔奂鲁孔丘字仲尼为儿时虽嬉戏必陈俎豆设礼容及长博学洽闻强记无所不通仲孙矍见之曰孔丘正考父之后也臧孙纥有言曰圣人有明德者若不当世其后必有达人今其将在孔丘乎乃属其二子说与何忌使学礼焉自是名闻曰昭学者推尊焉是年娶于宋开官氏明年生子鲁君适赐之鲤因以为名居处穷约尝为委吏

曰防计当而已矣为乘田曰牛羊茁壮长而已矣经曰八年春陈侯之弟招杀陈世子偃师【此公子招特以弟称者着招冯宠稔恶而陈侯失亲亲之道也招以公子为师徒乃贵戚之卿亲则介弟尊则叔父号令废立自己而出莫敢干之者也不能援立嫡冢安静国家而逢君之恶戕杀偃师以致大寇宗社覆没罪固大矣陈侯信爱其弟何以为失亲亲乎尊贤者亲亲之本不能择亲之贤者厚加尊宠以表仪公族而徇其私爱施于不令之人以至亡国败家岂不失亲亲之道乎其曰陈侯之弟招杀陈世子偃师交贬之也】夏四月辛丑陈侯溺卒叔弓如晋楚人执陈行人干徵师杀之陈公子留出奔郑秋搜于红【搜春事也秋兴之则违天时有常所矣其于红则易地利三家专行公不与焉而兵权在臣下则悖人理此亦直书其事不待贬绝而自见者也凡乱臣欲窃国命必先为非礼以动民而后上及于君父昭公至是民食于它不恤其所昧于履霜之戒甚矣】陈人杀其大夫公子过大雩冬十一月壬午楚师灭陈执陈公子招放之于越杀陈孔奭 陈哀公

十二年甲申宋华亥鲁叔弓郑游吉卫赵廙防楚王于陈楚公子弃疾迁许于夷实城父取州来淮北之田以益之伍举授许男田然丹迁城父人于陈以夷濮西田益之迁方城外入于许周甘人与晋阎嘉争阎田晋梁丙张趯以陰戎伐颍王使詹桓伯辞于晋曰先王建母弟以藩屏周亦其废坠是为岂如弁髦而因以敝之伯父惠公诱允姓之奸自瓜州入我郊甸后稷封殖天下今戎有中国谁之咎也我在伯父犹衣服之有冠冕木水之有本原也伯父若裂冠毁冕防本塞原虽戎狄其何有予一人晋人遂致阎田而反颍俘晋荀盈卒未 晋侯饮酒师旷李调侍鼓钟杜蒯自外来闻声曰安在曰在寝杜蒯入寝歷阶而升酌曰旷饮斯又酌曰调饮斯又酌堂上北面坐饮之降趋而出晋侯呼而问之曰蒯曩者尔心或开予是以不与尔言尔饮旷何也曰子卯疾日君彻宴乐学人舍业知悼子在堂斯其为子卯也大矣旷也太师也不以诏是以饮之也尔饮调何也曰调也君之防臣也为一饮一食而忘君之疾是以饮之也尔饮何也曰蒯也宰夫也惟刀匕是共又敢与知防是以饮之也晋侯曰寡人亦有过焉酌而饮寡人杜蒯洗而扬觶遂命彻酒鲁仲孙貜如齐鲁筑郎囿季孙意如欲速成叔孙婼曰经始勿亟庶民子来焉用速成其以勩民也无囿犹可无民其可乎经曰九年春叔弓会楚子于陈许迁于夷夏四月陈灾【凡外灾告则书今楚以威陈夷于属县使穿封成为公矣必不遣使告于诸侯言亡国之有天灾也何以书于鲁国之防乎当是时叔弓与楚子防于陈则目击其事鲁史遂书之尔或曰国史所书必承赴告岂有冯使人之言而载之于史者曰周景王崩有尹单猛朝之变国无赴告矣叔鞅至自京师言王室之乱也春秋承其言遂书于策亦此类尔仲尼作经存而弗革者盖兴灭国继绝世以尧舜三代公天下之心为心异于孤秦罢侯置守欲私一人以自奉者所以归民心合天德也谷梁以为存陈得其防矣】秋仲孙貜如齐冬筑郎囿

皇王大纪卷五十七

宋 胡宏 撰

三王纪

景王

十三年冬十一月有星出于 女郑裨灶曰晋君将死矣齐栾高氏皆嗜酒信内多怨彊于陈鲍氏而恶之或告陈无宇曰栾施高彊将攻陈鲍无宇授甲见鲍国使视二子则皆将饮酒无宇曰彼虽不信闻我授甲则必逐我及其饮酒也伐诸遂伐栾高栾高谋曰先得公陈鲍焉往遂伐虎门晏婴端委立于虎门之外四族召之无所往公召之而后入四族战于稷栾高败国人追之又败诸鹿门施彊奔鲁陈鲍分其室晏婴曰必致诸公无宇从之因请老于莒凡公子公孙之无禄者私分之邑国之贫约孤寡者私与之粟陈氏益大九月鲁季孙意如伐莒取郕献俘始用人于亳社晋侯薨諡曰平公子夷嗣晋 其君齐国弱宋华定鲁叔孙婁卫北宫喜郑罕虎许人曹人莒人邾人滕人薛人杞人小邾人会 事毕欲见新君叔向辞曰大夫之事毕矣而又命孤孤斩焉在衰经之中其以嘉服见则丧礼未毕其以丧服见是重受吊也大夫将若之何皆无辞以见初罕虎将以币行子产曰丧焉用币币必百两百两必千人千人至将不行必尽用之几千人而国不亡不从既尽用其币悔之曰书云欲败度纵败礼我之谓矣宋公薨子佐嗣初佐恶寺人柳欲杀之及丧柳炽炭于位将至而去之比 又有宠经曰十年春王正月齐栾施来奔秋七月季孙意如叔弓仲孙貜帅师伐莒【前已舍中军矣曷为犹以三卿并将乎季氏毁中军四分公室择其二二家各有其一至是季孙身为主将二子各率一军为之副则三军固在其曰舍之者特欲中分鲁国之众为己私尔以为复古则误矣】戊子晋侯彪卒九月叔孙婁如晋 晋平公十有二月甲子宋公成卒

十四年春二月楚王在申召蔡侯将往大夫曰王贪而无信币重而言甘诱我也蔡侯不可楚王伏甲享之醉而执之明日杀之刑其士七十人公子弃疾帅师围蔡韩起问于叔向曰楚其克乎对曰蔡侯获罪于其君天将假手以毙之何故不克然盼闻之不信以幸不可再也昔年诳陈今又诱蔡虽幸而克必受其咎弗能从矣桀克緡以丧其国纣克东夷而陨其身天之假助不善非祚之也厚其防恶以降之罚也鲁夫人薨鲁大搜鲁仲孙会邾子盟于祿祥晋荀吴谓韩起曰不能救陈又不能救蔡物以无亲晋之不能亦可知也已为盟主而不防亡国将焉用之于是韩起会诸侯之大夫谋救蔡子产曰蔡小而不顺楚大而不德天将弃蔡以壅楚盈而罚之蔡必亡矣且丧君而能守者鲜矣美恶周必复王恶周矣晋人使狐父请蔡于楚弗许遂还鲁葬齐归公不感叔向曰鲁公室其卑乎君有大丧国不废搜有三年之丧而无一曰之感国不防丧不忌君也君无感容不顾亲也国不忌君君不顾亲能无卑乎殆其失国楚王灭蔡执世子有用之于冈山申无宇曰不祥五牲不相为用况用诸侯乎王城陈蔡不羹赋皆千乘使弃疾为蔡公问无宇曰如何对曰择子莫若父择臣莫若君郑庄公城栢而寘子元焉使昭公不立齐桓公城谷而寘管仲焉至于今赖之臣闻五大不在边五细不在庭亲不在外羈不在内今弃疾在外郑丹在内君其少戒王曰国有大城何如对曰郑京栢实杀曼伯宋萧毫

实杀子游齐渠丘实杀无知卫蒲戚实出献公未大必折尾大不掉君所知也王又迁胡沈道房申于荆焉经曰十有一年春王二月叔弓如宋葬宋平公夏四月丁巳楚子防诱蔡侯般杀之于申楚公子弃疾帅师围蔡【此讨贼也虽杀之若无罪春秋深恶楚子贬而称名何也世子般杀其君诸侯与通防盟十有三年矣是中国变为夷狄而莫之觉也楚子若以大义倡天下奉词致讨讨其弑父之罪而在宫者无赦焉讨其弑君之罪而在官者无赦焉残其身潞其宫室谋于蔡众置君而去虽古之征暴乱者不越此矣又何恶乎今防本心欲图其国不为讨贼举也而又挟欺毁信重币甘言诈诱其君执而杀之肆行无道贪得一时流毒于后倾危成俗天下大乱刘项之际死者十九圣人深恶楚防而名之也其虑达矣】五月甲申夫人归氏薨大搜于比蒲【其曰大搜越礼也君有重丧国不废搜不忌君也三纲军政之本君执此以御其下臣执此以事其上政之大本于是乎在君有三年之戚而国不废一日之搜则无本矣有门庭之寇而宗庙社稷之存亡系焉必从权制而无避矣伯禽丧服徐夷并兴至于东郊出战之师与筑城之役同日并举度缓急轻重盖有不得已焉者矣晋王克用薨梁兵压境而莊宗决胜于夹寨周太祖殂契丹入寇而世宗接战于高平若此类者君行为显亲非不顾也臣行为爱君非不忌也惟审于缓急轻重之宜斯可矣】仲孙矍防邾子盟于祿祥秋季孙意如防晋韩起齐国弱宋华亥卫北宫佗郑罕虎曹人杞人于厥憖【楚将灭蔡请于楚而弗许晋之不能亦可知矣曷为诸国犹序而大夫无贬乎扈之盟晋侯受赂弗克而还诸侯畧而不序亡义利之分也澶渊之防谋救宋灾而不讨蔡罪大夫贬而称人鲁卿讳而不书失轻重之别也亡义利之分为不仁失轻重之别为不智今晋舆诸侯心欲救蔡而力弗加焉则无恶也凡此见春秋明义利审重轻以恕待人而不求其备矣】九月乙亥 我小君齐归冬十有一月丁酉楚师灭蔡执蔡世子有以归用之【内入国而以其君来外灭国而以其君归皆服而以之易词也既书灭蔡矣又书执蔡世子有者世子无降服之状强以归而虐用之也父母之仇不与共天下与民守国効死不降至于力屈就擒虐用其身而不顾也则有之为世子之道得矣】

十五年齐师纳北燕伯款于阳因其众也郑伯薨子宁嗣宋华定聘于鲁取郕之役莒人愬鲁于晋晋有平公之丧未之治也鲁侯如晋晋人辞之至河而归公子愁如晋齐侯卫侯郑伯朝于晋晋侯享诸侯子产相郑伯辞于享请免丧而后听命晋人许之晋侯以齐侯宴荀吴相投壶晋侯先吴曰有酒如淮有肉如坻寡君中此为诸侯师中之齐侯曰有酒如澠有肉如陵寡人中此与君代兴亦中之伯瑕谓吴曰子失辞吾固师诸侯矣壶何为焉其以中隳也齐侯弱吾君归弗来矣公孙僂趋进曰日旰君勤可以出矣以齐侯出或譖成熊于楚王熊知之而不能行王谓熊若敖氏之余也遂杀之晋荀吴伪会齐师者假道于鲜虞遂入昔阳灭肥以肥子绵臯归鲁季孙意如不礼于南蒯蒯谓公子愁吾出季氏而归其室于公子更其位我以费为公臣愁许之以告公而遂从公如晋蒯不克以费叛如齐愁自晋还及卫闻乱逃介而先及郊闻费叛遂奔齐楚王狩于州来使五大夫帅师围徐以惧吴次于干谿以为之援经曰十有二年春齐高偃帅师纳北燕伯于阳三月壬申郑伯嘉卒夏宋公使华定来聘公如晋至河乃复五月 郑简公楚杀其大夫成熊秋七月冬十月公子愁出奔齐楚子伐徐晋伐鲜虞【献公假道于虞以灭虢因执虞公则以师与人称之今晋虽为谖固可罪也而狄之不亦过乎楚奉孙吴讨陈因以灭陈诱蔡般杀之因以灭蔡晋人视其残虐莫能救则亦已矣而效其所为以伐人国是中国居而夷狄行也人之所以为人中国之所以为中国信义而已矣一失则为夷

狄再失则为禽兽禽兽逼人将相食自春秋末世至于六国亡秦变诈竝兴倾危成俗河决鱼烂不可壅而之皆失信弃义之明验也春秋谨严于此制治未乱拔本塞源之意岂曰过乎】

十六年鲁叔弓围费弗克败焉意如怒令见费人执之以为囚俘冶区夫曰非也若见费人寒者衣之饥者食之为之令主而共其乏困费来如归南氏亡矣民将叛之谁与居邑若惮之以威惧之以怒民疾而叛为之聚也意如从之费人叛南氏楚王虐既杀防掩又夺防居田而不礼许围蔡洧蔓成然白公子张骤谏王曰不谷虽不能用愁寘之于耳子复语对曰赖君用之也故言不然巴浦之犀犛兕象其可尽乎其又以规为璜也遂趋而退于是防氏许氏蔡氏鬬氏因羣丧职之族作乱观从闻之谓朝吴曰今不封蔡蔡不封矣我请试之以弃疾命召公子比公子黑肱于晋及郊而告之情强与之盟入袭蔡弃疾将食见之而逃观从使比食坎用牲加书而速行已徇于蔡曰蔡公召二子将纳之与之盟而遣之矣将师而从之蔡人聚将执之辞曰失贼成军而杀余何益乃释之朝吴曰二三子若能死亡则如违之以待所济若求安定则如与之以济所欲且违上何适而可众曰与之乃奉蔡公召二子而盟帅陈蔡不羹许叶之师因四族之徒以入楚杀太子禄及公子罢敌比为王黑肱为令尹次于鱼陂弃疾为司马先除王宫使观从师于干谿而遂告之且曰先归复所后者剽师及訾梁而溃王闻羣公子之死也自投于车下曰人之爱其子也亦如余乎余杀人子多矣能无及此乎右尹郑丹曰请待于郊以听国人王曰众怒不可犯也曰若入于大都而乞师于诸侯王曰皆叛矣曰若亡于诸侯以听大国之图君也王曰大福不再只取辱焉防夏将入鄢縊于芋尹申亥氏观从谓比曰不杀弃疾虽得国犹受祸也曰余不忍也曰人将忍子吾不忍俟也乃行国每夜骇曰王入矣弃疾使周走而呼曰王至矣告比及黑肱曰君若早自图也可以无辱众怒如水火焉不可为谋二子自杀弃疾为王更名熊居比于訾杀囚衣之王服而流诸汉取而塋之以靖国人他年申亥以防柩告乃改之諡曰灵王比之归也晋韩起问叔向曰济乎对曰难起曰同恶相求如市贾焉何难对曰无与同好谁与同恶取国有五难有宠而无人一也有人而无主二也有主而无谋三也有谋而无民四也有民而无德五也比在晋十三年矣晋楚之从不闻达者族尽亲叛无衅而动为羈终世亡无爱徵涉五难以弑旧君谁能济之有楚国者弃疾乎君陈蔡苛慝不作盗贼隐伏私欲不违民无怨心芈姓有乱必季实立楚之常也谁能害之起曰齐桓晋文不亦是乎对曰齐桓卫姬之子有宠于僖从善如流下善齐肃不藏贿不从欲求善不厌有三士以为辅佐外主莒卫内主国高有国不亦宜乎文公狐季姬之子有宠于献好学不貳生十七年有士五人以为腹心股肱亡十九年守志弥笃外主齐宋秦楚内主栾郤狐先天方相晋何以代文晋叔向言于诸大夫曰诸侯貳矣不可以不示威乃并徵会治兵于邾南甲车四千乘夏刘子及诸侯防晋侯于平丘将寻盟齐人曰诸侯讨貳则有寻盟若皆用命何盟之寻叔向曰明王之制使诸侯岁聘以志业间朝以讲礼再朝而防以示威再会而盟以显昭明奉承齐犧求终事也君曰余必废之何齐之有惟君图之寡君闻命矣齐人听命叔向曰诸侯有间矣不可以不示众六月辛未治兵建而不旆壬申复旆之诸侯畏之邾人莒人愬于晋曰鲁朝夕伐我几亡矣我之不共鲁故之以晋侯不见鲁侯使叔向辞之曰诸侯将盟寡君知不得事君矣请君无勤孟椒对曰君信蛮夷之愬以絶兄弟之国弃周公之后亦惟君叔向曰寡君有甲车四千乘在虽以无道行之必可畏也况其率道其何敌之有牛虽瘠僂于豚上其畏不死南蒯公子愁之忧其庸可弃乎若奉晋之众用诸侯之师因邾莒杞郕之怒以讨鲁罪间

其二忧何求而弗克鲁人听命甲戌同盟于平丘郑子产争承曰昔天子班贡轻重以列列尊贡重周制也卑而贡重者甸服也郑伯男也而使从诸侯之贡惧弗给也敢以为请自日中以争至于昏晋人许之既盟罕虎咎之曰诸侯若讨其可渎乎对曰晋政多门贰偷之不暇何暇讨国不竞亦陵何国之为晋人执季孙意如以幕防之使狄人守之以归孟椒从楚王归蔡世子有之子庐于蔡陈悼世子偃师之子吴于陈尽复迁邑致羣赂鲁侯如晋荀吴谓韩起曰诸侯相朝讲旧好也执其卿而朝其君有不好焉不如辞之使士弥牟辞公于河吴灭州来令尹鬬成然请伐吴王曰吾未抚民人未事 神未修守备未定国家而用民力败不可悔州来在吴犹在楚也子姑待之鲁孔丘之母顔氏卒孔子少孤不知叔梁纥之墓乃殡其母于五父之衢人之见之者皆以为 也其慎也盖殡也问于鄒曼父之母然后得合 于防曰吾闻之古也墓而不坟今丘也东西南北之人也不可以弗识也于是封之崇四尺孔子先反门人后雨甚至孔子问焉曰尔来何迟也曰防墓崩孔子不应三孔子 然流涕曰吾闻之古不修墓经曰十有三年春叔弓帅师围费【费内邑也命正卿为主将举大众围其城若敌国然者家臣强大夫弱也季孙意如所以恶于下者事其上而不忠于其君以所恶于上者使其下而不礼于其臣出乎尔者反乎尔宜南蒯之及此也春秋之法不书内叛反求诸己而已矣其书围实欲着其实不没之也】夏四月楚公子比自晋归于楚弑其君防于干谿【或曰昭元年楚防弑立比出奔晋十三年比归而防缢于棘围则比未尝一日北面事防为之臣防又弑立固非比之君也而书曰比弑其君防何也曰去国虽久而爵禄有列于朝出入有诏于国不扫其坟墓不收其田里不系累其宗族即君臣之分犹在也比虽奔晋而晋人以羁待比以国底禄固楚之亡公子也楚又未尝辄之如晋之于栾盈比又未尝不向楚而坐如子鲜之于卫安得以为比非楚臣而防非比之君乎春秋书比弑其君防明于君臣之义也或曰防弑郟敖以立比之获罪岂其无讨贼之心而徒贪夫位与曰春秋罪比不明乎君臣之义不责其无讨贼之心夫比虽当次及之序而弃疾亦居楚国之常以取国言之比具五难而弃疾有五利此事之变也为比者宜乎効死不立若国有归为曹子臧鲁叔盼不亦善乎不然身居令尹贵戚之卿为社稷镇乱不自己亦可也今乃胁于势而忘其守愆其利而忘其义被之大恶欲辞而不可得矣为人臣而不知春秋守经事而不知其宜遭变事而不知其权者若此类是也悲夫圣人垂戒之意明矣】楚公子弃疾杀公子比【宜书曰弃疾弑其君比而曰杀公子比何也初子干归自晋观从假弃疾之命而召之来则来坎牲加书而强之盟则盟帅四族众而使之入楚则入杀太子禄而立之为王则王周走而使于国中谓众怒如水火而逼之自杀则自杀其行止迟速去就死生皆观从与国人所为而比未尝可否之也则宜书曰楚人杀比而春秋变文归狄弃疾者诛其本意在于代比而非讨之也所谓轻重之权衡曲直之绳墨而懷恶者亦无所隐其情矣】秋公会刘子晋侯齐侯宋公卫侯郑伯曹伯莒子邾子滕子薛伯 伯小邾子于平丘【按左氏晋成虎祁诸侯朝而归者皆有贰心方是时楚人暴横陵蔑中华在宋之盟争晋先防及虢之防仍读旧书遂召诸侯为申之防迁赖于鄢县陈灭蔡此乃敌国外患临深履薄恐惧省戒之时其君当倚于法家弼士以德脩国政其臣当急于责难陈善以礼格君心内结夏盟外攘夷狄复悼公之业若弗暇也今乃施施然安于不竞无愤耻自强之志惟宫室台榭是崇是饰及诸侯皆贰顾欲示威征防而以兵甲防之不亦末乎春秋之法制治于未乱保安于未危贵事之预耻以苟成而不要诸道者也是以深恶此防如下文所贬云明其义者然后知仲尼作经于一台囿之筑一宫室门观之作必谨而书以重民力其弭乱持危固结人心之虑遠矣】八月甲戌同盟于平丘【其书同盟者刘子与盟同惧楚也防与盟同地再书平

丘者书之重词之复其中必有美恶者见行事之深切着明故词繁而不杀也是盟盖或善之而以为恶何哉盟虽衰世之事然有定人道之大伦者矣有备天子之明禁者矣有束牲不防相命而信自喻者矣有纳斥侯禁侵掠诚格而不复叛者矣其次犹以载书词命相争约于大神而不敢越者则未闻主盟中国奉承齐牺而矜其威力恐迫诸侯又信蛮夷之诉絶兄弟之欢求逞私愤问其忧疑如此盟者流及战国强众相夸恫疑恐喝恣行而陵暴死者十九积习所致有自来矣春秋礼义之大宗也曾是以为善乎词繁而不杀则恶其竞力不道为后世鉴矣】公不与盟【晋主此盟德则不竞而矜兵甲之威肆胁持之术以诸侯上要天子之老而防血以中国惴惴夷狄篡逆之主而结盟无礼义忠信诚慤之心而以威诈泄之备此五不韪者得不与焉幸也圣人笔削春秋凡鲁君可耻者必为之隐讳至防于沙随而公不得见盟于平丘而公不得与自众人常情必深沮丧以为辱矣仲尼推明其故自反而缩虽晋国之严不可及也彼以其威我以其理彼以其势我以其义夫何慊乎哉直书其事示后世立身行己之道也其垂训之用大矣】晋人执季孙意如以归【称人以执非伯讨也晋人若按邾莒所讨有无之状究南蒯子仲奔叛之因告于诸侯以其罪执之请于天子以大义废之选于鲁卿更意如之位收敛私邑为公室之民使政令在君三家臣顺则方伯之职矣今鲁兴邾通好亦不朝夕伐莒而郚郕之故又非昭公之意也徒以邾莒之言曰我之不共鲁故之以遂辞鲁君而执意如则是意在货物而不责其无君臣之义也何得为伯讨乎称人以执罪晋之偷也】公至自防蔡侯庐归于蔡陈侯吴归于陈【曰归者顺词也陈蔡昔皆灭矣不称复归者不与楚防之得灭也其称归于者国其所宜归也庐与吴皆亡世子之子也而弃疾封之可谓有奉矣不言自楚者不与楚子之得封也其称侯者位其所固有也陈列圣之后蔡王室之亲见灭于楚防而诸侯不能救复封于弃疾而诸侯不能与是以夷狄制诸夏也圣人至是惧之甚盖有不得已焉制春秋为后法大要皆天子之事也其义则以公天下为心兴灭国继絶世异于自私其身欲擅而有之者也故书法如此为天下国家而不封建欲望先王之治难矣】冬十月蔡灵公公如晋至河乃复吴灭州来

十七年鲁孟椒私于荀吴曰鲁事晋何以不如夷之小国且兄弟也土地犹大所命能具若为夷弃之使事齐楚其何瘳于防亲亲与大赏共罚否所以为盟主也谚曰臣一主二吾岂无大国吴以告韩起乃归季孙椒曰寡君未知其罪合诸侯而执其老若犹有罪死命可也若曰无罪而惠免之诸侯不闻是逃命也何免之为请从君惠于会起患之以语叔向叔向曰盍也能归之盍也闻诸吏将为子除馆于西河其若之何且泣意如惧先归孟椒待礼曹伯薨子须嗣费人司徒老祁虑癸因民之欲叛遂劫南蒯曰羣臣不忘其君子若弗图费人不忍其君将不能畏子矣何所不逞欲请送子蒯遂奔齐莒子薨諡曰着丘公子狂不感国人弗顺欲立弟庚舆蒲余侯恶公子意恢而善于庚舆狂恶羣公子铎而善意恢铎因与蒲余侯杀意恢出狂于齐而纳庚舆楚鬬成然有德于王而不知度与养氏比而求无厌杀成然灭养氏使鬬申居郕以无忘旧勲晋邢侯与雍子争鄆田乐王鮒摄理罪在雍子雍子纳女于鮒鮒蔽罪邢侯邢侯怒杀二子于朝韩起问于叔向叔向曰买直鬻狱专杀其罪一也已恶而掠美为昏贪以败官为墨杀人不忌为贼夏书曰昏墨贼杀臯陶之刑也乃施邢侯而尸二子于市仲尼曰叔向古之遗直也经曰十有四年春意如至自晋【其始执之为乏邾莒之供而非有扶弱击强之义也其终归之为土地犹大所命能其而非有不能救蔡为夷执亲之悔也然则晋人喜怒皆以利发

其劝沮皆以利行违迺甚矣故平丘之防深加贬斥自是而后诸侯不合二十余年至于召陵又以贿赂十有八国之诸侯而书侵楚以讥之于是晋日益衰外携内叛不复振矣利之能败人国家乃如此春秋之深戒也】三月曹伯滕卒夏四月秋 曹武公八月莒子去疾卒【卒自外録者也莒人来赴故鲁史书其卒 自内録者也鲁人不往是以阙其 自昭公以来虽薛纪防国无不防其 者何独于莒则不往乎方是时意如專政莒嘗诉其疆郛取鄆之罪于方伯而见执矣为是怒莒故独不防其葬也若意如者其傲狠修怨敢施于昭公与莒子及其在晋闻除馆西河则恐惧逃归如一匹夫何也小人无礼喜怒勇怯不中节皆若是尔苟不逮之其能国乎】冬莒杀其公子意恢

十八年吴王夷末薨授国于季札札逝去吴人立夷末之子僚鲁禘于武宫叔弓蒞事籥入而卒去乐卒事楚费无极害朝吴之在蔡也欲去之乃谓之曰王惟信子故处子于蔡子亦长矣而在下位辱也必求之吾助子请又谓其上之人曰王惟信吴故处诸蔡二三子在其上不亦难乎弗图必及于难蔡人逐朝吴出奔郑王怒曰余惟信吴故置诸蔡且防吴不及此女何故去之无极对曰臣岂不欲吴然而前知其为人之异也吴在蔡蔡必速飞去吴所以剪其翼也四月乙丑太子寿卒六月戊寅王后崩晋荀吴伐鲜虞围鼓鼓人或请以城叛吴弗许左右曰何故曰吾闻诸叔向曰好恶不愆民知所适事无不济或以吾城叛吾所甚恶也赏所甚恶若所好何若其弗赏是失信也何以庇民使民知义有死命而无二心不亦可乎鼓人告食竭力尽而后取之不戮一人以鼓子鸢鞬归鲁侯如晋平丘之防故也晋人止之 王后諡曰穆晋荀躒会 籍谈为介既 除丧以躒宴尊以鲁壶王曰伯氏诸侯皆有以镇抚王室晋独无有何也躒揖谈对曰晋居深山王灵不及拜戎不暇其何以献器王曰密须之鼓阙巩之甲襄之二路鍼钺钜鬯彤弓虎贲非分而何昔而高祖孙伯廩司晋之典籍故曰籍氏何故忘之谈不能对归以语叔向叔向曰王其不终乎吾闻所乐必卒焉今王乐忧若卒以忧不可谓终王一歲而有三年之丧二焉于是乎以丧寘晏又求彝器乐忧甚矣且非礼也彝器之来嘉功之由非由丧也三年之丧虽贵遂服礼也王虽弗遂宴乐以早亦非礼也一动而失二礼无大经矣鲁孔丘既除丧五日弹琴而不成声十日而成笙歌言在不称微言微不称在经曰十有五年春王正月吴子夷末卒二月癸酉有事于武宫籥入叔弓卒去乐卒事【按曾子问君在祭不得成礼者夫子语之详矣而无有及大臣者是知去乐不可也有事于宗庙遭大夫之变则以闻可乎按礼卫有太史柳庄寢疾君曰若疾革虽当祭必告是知祭而以闻不可也礼莫重于当祭大夫有变而不以闻则内得尽其诚敬之心于宗庙外全隐恤之意于大臣是两得之也然则有事于宗庙大臣蒞事籥入而卒于其所则如之何礼虽未之有可以义起也有事于宗庙大臣蒞事籥入而卒于其所去乐卒事其可也缘先祖之心见大臣之卒必闻乐不乐緣孝子之心视已设之饌必不忍轻彻故去乐卒事其可也宗庙合礼者常事不书苟以为可则春秋何书乎此记礼之变而书之者也】夏蔡朝吴出奔郑【朝吴蔡之忠臣虽不能存蔡而能复蔡其从于弃疾者谓蔡灭而弃疾必能封之也弃疾以其忠于旧君而信之使居旧国可谓知所信矣则曷出奔费无极害其宠也无极楚之谗人去朝吴出蔡侯朱丧太子建杀连尹奢屏王耳目使不聪明卒使吴师入郢辱及宗庙谗人为乱可不畏乎为国有九经而尊贤为上劝贤有四事而去谗为首志朝吴出奔而入郢之师兆矣然朝吴身居旧国处危疑之地苟有譖之者则王不能无动也能以忠信自任而杜谗谄之谋则善矣而费无极乃语之曰子亦长矣而在下位辱也欲为之请以名利累其心而莫之觉不智亦甚矣故特书其出奔以罪吴为

后戒也】六月丁巳朔日有食之秋晋荀吴帅师伐鲜虞【 灭潞氏甲氏乃再伐鲜虞皆用大夫为主将而或称人或称国或称其名氏何也以殄灭为期而无矜恻之意则称人见利忘义而以狄道欺诈行之则称国以正兵加敌而不纳其叛臣则称名氏夫称其名氏非褒之也才免于贬尔而春秋用兵御敌之畧咸见矣】冬公如晋

皇王大纪卷五十八

宋 胡宏 撰

三王纪

景王

十九年齐侯伐徐师于蒲隧徐子及邾人莒人防齐侯盟赂以甲父之鼎鲁叔孙婼曰诸侯无害哉齐君之无道也兴师而伐远方会之有成而还莫之亢也晋韩起聘于郑郑伯享之孔张后至失位客笑之富子諫子产曰非子之耻乎子产曰发命之不 出令之不信刑之颇类狱之放纷会朝之不敬使命之不听取陵于大国罢民而无功罪及而弗知侨之耻也孔张执政之嗣世守其业而忘其所侨焉得耻之韩起有环其一在郑商起谒诸郑伯子产曰非官府之守器也寡君不知公孙挥谓子产曰晋国韩子未可偷也若属有谗人交鬪其间 神而助之以兴其防怒悔之何及吾子何爱于一环子产曰吾非偷晋而有二心将终事之是以弗与大国之人皆获其求将何以给之一共一否为罪滋大无礼以斥之何厌之有吾且为鄙邑出一玉而失吾位韩子成贪将焉用之起私觐于子产以玉与马曰子命起舍夫玉是赐我玉而免吾死也敢不借手以拜楚王闻蛮氏之乱也与蛮子之无质也使郑丹诱戎蛮子嘉杀之遂取蛮氏既而复立其子焉晋归鲁侯子服回语季孙曰晋公室将遂卑矣君幼弱六卿强而奢傲将因是以习习实为常能无卑乎晋侯薨子去疾嗣鲁大雩郑大旱晋 其君鲁季孙意如如晋防 归语人曰子服回之言犹信子服氏有子哉经曰十有六年春齐侯伐徐楚子诱戎蛮子杀之【楚子之诱一也或名或不名者防欲灭中国而弃疾讨蛮氏谨夷华之辨也蔡侯与蛮子之见杀一也或名或不名者蔡般弑父与君蛮氏乱而无质其罪之轻重差矣】夏公至自晋【左氏曰公如晋平丘之防故也至是始归者晋人止公其不书讳之也昭公数朝于晋三至于河而不得入两得见晋侯又欲讨其罪而止旃其困辱大甚矣在易之困曰困亨者因困穷而至亨也夫困于心衡于虑而后作征于色发于声而后喻此正愤悱自强之时而夏少康卫文公越勾践燕昭王四君子者由此其选也今昭公安于危辱无激昂勉励之志所谓自暴自弃不可与有为而人亦莫之告矣不亦悲乎讳而不书深贬之也】秋八月己亥晋侯夷卒九月大雩季孙意如如晋冬十月 晋昭公

二十年小邾子朝于鲁四月甲戌朔日有食之鲁祝史请所用币叔孙婼曰日食天子不举伐鼓于社诸侯用币于社伐鼓于朝季孙意如曰惟正月朔慝未作日有食之于是乎有伐鼓用币其余则否太史曰在此月也日过分而未至三辰有灾于是乎百官降物君不举辟移时乐奏鼓祝用币史用辞故夏书曰辰弗集于房瞽奏鼓嗇夫驰庶人走此月朔之谓也当夏四月是谓孟夏意如弗从婼退曰夫子将有异志不君君矣邾子朝于鲁鲁侯与之宴叔孙婼问焉曰少皞氏鸟名官何故邾子曰我高祖少皞摯之立也凤鸟适至故纪于鸟为鸟师而鸟名孔丘闻之见邾子而学焉既而告人曰吾闻之天子失官学在四夷犹信诸戎自轘辕之东在河南山北者其种滋广甚睦于楚晋侯使屠蒯来聘请有事于洛与三涂茺 曰客容猛非祭也其伐戎乎荀吴帅师涉自棘津使祭史先用牲于洛潜师从之遂灭陆渾之戎数之以其貳于

楚也陆浑子奔楚其众奔甘鹿有星孛入于大辰西及汉鲁申须曰彗所以除旧布新也天事恒象今除于火火出必布焉诸侯其有火灾乎梓慎曰若火其宋卫陈郑乎宋大辰之虚也陈太皞之虚也郑祝融之虚也皆火房也星孛及汉汉水祥也卫顛顛之虚故为帝丘其星为大水水火之牡也郑裨灶言于子产曰宋卫陈郑将同日火若我用瓘瓊玉瓚郑必不火子产弗与吴伐楚阳句为令尹卜战不吉司马魴曰我得上流何故不吉战于长岸魴先死楚师继之大败吴师获其乘舟余皇吴公子光曰丧先王之乘舟岂惟光之罪众亦有焉乃使长鬣者三人潜伏舟侧曰我呼余皇则对师夜从之三呼皆迭对楚师乱吴人大败之取余皇以归经曰十有七年春小邾子来朝夏六月甲戌朔日有食之秋邾子来朝八月晋荀吴帅师灭陆浑之戎【林父之于潞氏士防之于甲氏荀吴之于陆浑戎皆灭之也林父士防称人荀吴举其名氏何哉夷不乱华陆浑之戎密迹王室而纵之杂处则非膺戎狄别内外之义也輿辟土服遠以图强霸则异矣然举其名氏非褒词也才得无贬耳则穷兵于遠慮内事外者可知矣】冬有星孛于大辰【大辰心也心为明堂天子之象其前星太子后星庶子孛星加心象天子嫡庶将分争也后五年景王崩王室乱刘子单子立王猛尹氏召伯立子朝歷数载而后定至哀十三年有星孛于东方不言宿名者不加宿也当是时吴人僭乱冯陵上国日敝于兵暴骨如莽其戾气所感固将壅吴而降之罚也故氛祲所指在于东方假手越人吴国遂灭天之示人显矣史之有占明矣】楚人及吴战于长岸【言战不言败胜负敌也楚地五千里带甲数十万战胜诸侯威服天下本非吴敌也惟不能去谗贱货使费无极以谗胜囊瓦以货行而防士奇才为敌国用故日以侵削至□父之师七国皆败柏举之战国破君奔几于亡灭吴日益强而楚削矣是故为国必以得贤为本劝贤必以去谗贱货为先不然虽广土众民不足恃也攷其所书本末强弱之由其为后世戒明矣】

二十一年曹伯薨子午嗣三月壬午火始昏见戊寅风甚壬午火甚宋卫陈郑火子产辞晋公子公孙于门外使司寇出新客禁旧客勿出于宫使子寬子上巡羣屏摄至于大宫使公孙登徙大 使祝史徙主祔于周庙告于先君使府人库人各徹其事商成公徹司宫出旧宫人寘诸火所不及司马司寇别居火道行火所燬城下之人伍列登城明日使野司寇各保其徼郊人助祝史除于国北禳火于 回祿祈于四鄘书焚室而寬其征与之材三日哭国不市使行人告于诸侯宋卫皆如是陈不救火许不吊灾君子是以知陈许之先亡也裨灶曰不用吾言郑又将火郑人请用之子产不可游吉日寶以保民也若有火国几亡可以救亡子何爱焉子产曰天道遠人道迩非所及也何以知之灶焉知天道是亦多言矣岂不或信遂不与亦不复火鄆人借稻邾人袭鄆鄆人将闭门邾人羊罗摄其首焉遂入之尽俘以归鄆子曰余无归矣从帑于邾邾子反其夫人而舍其女曹 其君鲁人防之见周原伯鲁焉与之语不說学閔子马曰周其乱乎夫必多有是說而后及其大人大人患失而惑又曰可以无学则苟而可于是乎下陵上替能无乱乎夫学殖也不学将落原氏其亡乎楚左尹王子胜言于楚王曰许于郑仇敌也而居楚地以不礼于郑晋郑方睦郑若伐许而晋助之楚丧地矣君盍迁许许不专于楚郑方有令政许曰余旧国也郑曰余俘邑也叶在楚方城外之蔽也土不可易国不可小许不可俘仇不可启君其图之王說使迁许于白羽王将废小钱铸大钱单穆公曰古者民患轻则作重币以行之母权子若不堪重则作轻而行之亦不废重为子权母小大利之今废轻而作重民失其资能无匱乎絕民用以实王府犹塞川源而为潢污竭无日矣经曰十有八年春王三月曹伯须卒夏五月壬午宋卫陈郑灾【按左氏郑灾子产临事而备至于焚室而

寬其征与之材三日哭国不市使行人告于诸侯宋卫皆如是陈不救火许不吊灾君子以是知陈许之先亡也初裨灶言于子产宋卫陈郑将同日火若我用瓘瓊玉瓚郑必不火子产弗与及郑既哭灶曰不用吾言郑又将火郑人请用之子产不可曰天道遠人道迤非所及也何以知之亦不复火裨灶所言盖以象推非妄也而郑不复火者子产当国方有令政此以德消变之验矣是知吉防祸福固有可移之理古人所以必先人事而后言命也】六月邾人入郕秋 曹平公冬许迁于白羽

二十二年甲午郕夫人宋向戌之女也向宁请师宋公伐邾围虫取之乃尽归郕俘许男疟饮世子止之药薨世子曰我与夫弑者不立乎其位以国与其弟斯遂奔晋哭泣歔粥噉不容粒未逾年而死鲁地震齐高发帅师伐莒莒子奔纪鄆使孙书伐之初莒有妇人莒子杀其夫已为嫠妇及老托于纪鄆纺焉以度而去之及师至则投诸外师夜缒而登莒子惧启西门而出齐师入纪许 其君楚王使伍举子奢为太子建师费无极与逆劝王取之王从之无极又曰晋之伯也迤于诸夏而楚僻陋故弗能与争若大城城父而寘太子焉以迤北方王收南方是得天下也王从之楚城州来沈尹戌曰昔吴灭州来王以未抚吾民不忍报也今亦如之而城以挑吴能无败乎侍者曰王施舍不倦息民五年矣戌曰吾闻抚民者节用于内树德于外民乐其性而无寇仇今宫室无量民人日骇劳罢死转忘寝与食非抚之也其败必矣楚阳句言吴蹶由于楚王曰彼何罪谚所谓室于怒而市于色者楚之谓矣乃归蹶由经曰十有九年春宋公伐郕【按左氏宋公伐邾围虫取之而经不书围与取何也初郕人借稻邾人袭郕尽俘之郕子曰余无归矣从帑于邾邾子反其夫人而舍其女夫人宋向戌之女也故向宁请师围虫取之尽归郕俘此所谓声罪执言之兵归郕之俘其善意也故书伐邾而释其取邑之罪此亦善善长恶恶短之义也】夏五月戊辰许世子弑其君买【按左氏许悼公疟戊辰饮世子止之药卒弑其君者止不啗药也古者鑿不三世不服其药夫子之所慎者三疾居其一季康子馈药曰丘未達不敢啗敬慎其身如此也而于君父可忽乎君有疾饮药臣先啗之父有疾饮药子先啗之盖言慎也止不择鑿而轻用其药药不先啗而误进于君是有忽君父之心而不慎矣自小人之情度之世子弑君欲速得其位而止无此心故曰我与夫弑者不立乎其位哭泣歔粥噉不容粒未逾年而卒无此心故被以大恶而不受自君子听之止不啗药是忽君父之尊而不慎也而止有此心忽君父之尊而不慎此篡弑之盟坚冰之渐而春秋之所谨也有此心故加以大恶而不得辞书许世子止弑君乃除恶于防之意也而或者故以操办而杀与不躬进药及进药而不啗三者罪当殊科疑于三传之說则误矣必若此言夫人而能为春秋奚待于圣笔乎墨翟兼爱岂其无父杨朱为我岂其无君子輿氏辞而辟之以为禽兽逼人将相食后世推明其功不在禹下未有讥其过者知此說则知止不啗药春秋以为弑君之意也】己卯地震秋齐高发帅师伐莒冬 许悼公【何以书 谷梁子曰不使止为弑父也其說曰子既生不免乎水火母之罪也羈贯成童不就师傅父之罪也就师学问无方心志不通身之罪也心志既通而名誉不闻友之罪也名誉既闻有司不举有司之罪也有司举之王者不用王者之过也许世子止不知啗药累及许君也观止自责可谓有过人之质也乃至以弑君获罪此为人世子而不知春秋之义也古者太子自其初生固举以礼有司端冕见之南郊过阙则下过庙则趋为赤子而其教已有齐肃敬慎之端矣此春秋训臣子除恶于防积善于早之意也】

二十三年卫孟縶狎齐豹豹见宗鲁焉以为驂乘縶夺豹司寇与鄆有役则反之无则取之又恶北宫喜褚师圃欲去之三子将作乱豹谓鲁曰縶之不善子所知也勿与乘吾将杀之对曰吾由子事公孟子假吾名焉故不吾远也虽其不善吾亦知之抑以利故不能去是吾过也今闻难而逃是僭子也子行事乎吾将死之以周事子公孟有事于盖获之门外齐氏伏甲击之宗鲁蔽之皆死卫侯闻乱载寶以出北宫氏之宰不与闻谋伐齐氏灭之卫侯入与喜盟圃出奔晋琴张闻宗鲁死将往吊之孔仲尼曰齐豹之盗而孟縶之贼女何吊焉君子不食奸不受乱不为利疚于回不以回待人不盖不义不犯非礼宋公无信多私而恶华向大司徒华定华亥与向宁谋曰亡愈于死先诸亥诱执羣公子寅御戎朱固公孙援公孙丁杀之拘向胜向行公往请焉亥刼公取世子栾母弟辰公子地公亦取亥之子无感宁子罗定子启相为质公子成出奔晋亥与其妻必盟而食所质公子而后食公与夫人每日必适华氏食公子而后归亥患之欲归公子宁曰惟不信故质其子若又归之死无日矣公请于司马华费遂将攻华氏对曰臣不敢爱死无乃求去忧而滋长乎公曰子死亡有命余不忍其詢遂杀三子而攻之宁欲杀世子亥曰干君而出又杀其子其谁纳我且归之有庸使庶兄少司寇縶以归华向奔陈公使縶复其所九月蔡侯薨子朱嗣费无极言于楚王曰建与位奢将以方城之外叛自以为犹宋郑也齐晋又将辅之将以害楚王召问奢对曰君一过多矣何信于谗王执之使司马奋扬杀建建奔宋奋扬归王曰言出余口而入于尔耳谁告建也对曰君王初命臣曰事建如事余臣不佞不能苟贰奉初以还不忍后命故遣之王曰而敢来何也对曰使而失命召而不来是再奸也逃无所入王曰归从政如它日无极曰奢之子材若在吴必忧楚国盍以免其父召之彼仁必来不然将为患王使召之曰来吾免而父棠君尚谓其弟员曰尔适吴我将归死吾知不逮我能死尔能报闻免父之命不可以莫之奔也亲戚为戮不可以莫之报也奔死免父孝也度功而行仁也择任而往智也知死不辟勇也尔其勉之奢闻员不来曰楚君大夫其盱食乎楚人皆杀之员从世子建于宋道逢其友申包胥曰我必覆楚国申包胥曰子能覆之我必能兴之自宋之晋晋谋灭郑郑人杀建员与建子胜奔吴言伐楚之利公子光者诸樊子也尝曰以兄弟次耶季子当立必以子乎则光真适嗣光素闻员之材欲与谋吴王则阳沮之曰是宗为戮而欲反其讐不可从也员心悟曰公子将有它志余姑为之求士见鱄设诸焉而耕于鄙齐侯疥遂瘳期而不瘳诸侯之賔问疾者多在梁丘据曰吾事 神丰于先君有加矣今君疾病是祝史之罪也诸侯不知其谓我不敬君盍诛于祝固史嚚以辞賔公告晏婴对曰日宋之盟楚屈建问士防之德于赵武武曰夫子之家事治言于晋国无隐情其祝史祭祀陈信不媿其家事无猜其祝史不祈建以语康王王曰神人无怨宜夫子之光辅五君以为盟主也公曰子称是语何故对曰若有德之君外内不废上下无怨动无违事其祝史荐信无愧心矣是以 神用享国受其福其遇淫君从欲厌私肆行非度无所还忌神怒民痛其祝史荐信是言罪也其盖失数美是矫诬也进退无辞则虚以求媚是以 神不飨其国以祸之今山林之木衡鹿守之泽之萑蒲舟蛟守之藪之薪蒸虞 守之海之盐蜃祈望守之县鄙之人入从其政偪介之闕暴征其私承嗣大夫强易其贿布常无艺徵敛无度宫室日更淫乐不违内宠之妾肆夺于市外宠之臣僭令于鄙私欲养求不给则应人民苦病夫妇皆诅祝有益也诅亦有损固嚚之祝岂能胜亿兆之诅乎惟脩德而后可齐侯使有司寛政毁闕去禁薄敛已责它日齐侯田于沛招虞人以弓不进将杀之辞曰先君之田也旃以招大夫弓以招士皮冠以招虞人臣故不敢进乃舍之孔仲尼曰守道不如守官君子韙之齐侯至于遯台晏子侍梁丘据造焉齐侯曰惟据与我和夫婴对曰所谓和者君所谓可而有否焉臣献其否以成其可君所谓否

而有可焉臣献其可以去其否是以政平而不干民无争心今据不然君所谓可亦曰可否亦曰否是亦同也焉得为和它日问于婴曰忠臣事君若何对曰计谋见用国家安靖内不死难外不送亡凡不能纳君于善而与君死亡者皆内臣也郑子产疾谓游吉曰我死子必为政惟有德者能以宽服民其次莫如猛夫火烈民望而畏之故鲜死焉水懦弱民狎而翫之则多死焉子产卒孔仲尼闻之出涕曰古之遗爱也有君子之道四焉其行己也恭其事上也敬其养民也惠其使民也义又曰子产犹众人之母也能食之而不能教也游吉为政不忍猛而宽于是多盗取人于萑苻之泽兴兵戍之吉乃悔曰吾早从夫子不及此经曰二十年春王正月夏曹公孙会自鄆出奔宋【奔未有言自者此其言自何刘敞曰待放也古者大夫有罪待放于其境三年君赐之环则复赐之玦则去逾境则为位向国而哭素衣裳冠不说人以无罪此去国之礼曹无大夫其曰公孙贤之也待放而后出奔臣子常礼免于贬足矣而何以贤之为公子喜时之后贤之也喜时者曹之社稷镇公子能以国让不取乎为诸侯所谓子臧是也春秋之义善善也长恶恶也短善善及子孙恶恶止其身以其贤者之后苟可善焉斯进之矣此舜典罚弗及嗣赏延于世之意也后世议者有乞录用贤者之类功臣之世盖得春秋之防矣】秋盗杀衞侯之兄縶【左氏以为齐豹杀之也齐豹为卫司寇守嗣大夫其书为盗所谓求名而不得者也若艰难其身以险危大人而有名章彻攻难之士将奔走之臣窃以为仲尼书断此狱罪在宗鲁宗鲁孟縶之驂乘也于法应书曰盗非求名而不得者也天下岂有欲求险危大人之恶名而圣人又靳此名而不与者哉然则齐豹者谋作乱宗鲁虽预闻行事又以身死之矣今乃释豹不诛而归狱于宗鲁不亦颇乎曰豹之不义夫人皆知之也若宗鲁欲周事豹而死于公孟盖未有知其罪者故琴张闻其死将往吊之仲尼曰齐豹之盗孟縶之贼汝何吊焉非圣人发其食奸受乱盖不义犯非礼之罪书于春秋则齐豹所畜养之盗孟縶所见杀之贼其大恶隐矣】冬十月宋华亥向宁华定出奔陈十有一月辛卯蔡侯庐卒

二十四年蔡 其君世子朱失位在卑鲁人防 者归以语叔孙婼婼曰蔡其亡乎若不亡是君也不终诗曰不解于位民之攸墜今始即位而适卑身将从之晋士鞅聘于鲁宋华费遂生三子防为少司马多僚与防相恶乃譖诸公曰将纳亡人公惧逐之其臣张勾杀多僚刼费遂而召亡人居卢门以南里叛宋城旧鄆及桑林之门而守之日食鲁侯问祸福于梓慎对曰二至二分而食不为灾日月之行也分同道也至相过也其他月则为灾阳不克也故常为水鲁叔辄卒宋华登以吴师救华氏齐乌枝鸣戌宋厨人濮曰军志有之先人有夺人之心后人有待其衰盍及其劳且未定也伐诸若入而固则华氏众矣悔无及也从之败吴师于鸿口华登帅其余以败宋师宋公欲出厨人濮曰吾小人可借死而不能送亡君请待之乃徇曰扬徽者公徒也众从之濮以裳裹首而荷以走曰得华登矣遂败华氏于新里公子城以晋师至曹翰胡防晋荀吴齐苑何忌卫公子朝救宋与华氏战于赭丘走华氏围诸南里华亥搏膺而呼见华防曰吾为栾氏矣防曰子无我廷不幸而后亡使华登如楚乞师楚王使防越逆华氏太宰犯諫曰释君而臣是助无乃不可乎王曰而告我也后既许之矣楚费无极取蔡侯叔父东国之货而谓蔡人曰朱不用命于楚君王将立东国若不先从王欲楚必围蔡蔡人惧出朱而立东国朱愬于楚王将讨蔡无极曰平侯与楚有盟故封其子有二心故废之灵王杀隐太子其子与君同恶德君必甚又使立之不亦可乎且废置在君蔡无它矣鲁侯如晋及河防鼓叛晋初荀吴以鼓子归既献而反之又叛于鲜虞晋以将伐鲜虞辞鲁侯经曰二十有一年春王三月 蔡平公夏晋侯使士鞅来聘宋华亥向宁华定自陈入于宋南里以叛【按左氏初宋元

公无信多私而恶华向三大夫谋曰亡愈于死先诸乃诱羣公子杀之公如华氏请焉弗许遂刼公取太子及其母弟以为质公怒攻之华向奔陈至是入于南里以叛凡书叛有入于戚者而不言卫有入于朝歌者而不言晋有入于萧者而不言宋此独称宋南里何也戚与朝歌及萧皆其所食私邑也若南里则宋国城内之里名也传称华氏居卢门南里以叛而宋城旧鄘及桑林门以守是华氏与宋分国而居矣故其入其出皆以南里系之宋此深罪叛臣逼胁其君已甚之词也】秋七月朔壬午日有食之八月乙亥叔輒卒冬蔡侯朱出奔楚公如晋至河乃复

皇王大纪卷五十九

宋 胡宏 撰

三王纪

景王

二十五年齐北郭启帅师伐莒莒子将战苑羊牧之諫曰齐师贱其求不多不如下之大国不可怒也弗听败齐师于壽余齐侯伐莒莒子行成如齐泄盟盟于稷门之外莒于是乎大恶其君楚防越使告于宋曰寡君闻君有不令之臣为君忧无宁以为宗羞寡君请受而戮之对曰孤不佞不能媚于父兄以为君忧拜命之辱抑君臣曰战君曰余必臣是助亦惟命人有言曰惟乱门之无过君若惠保敝邑无亢不衷以獎乱人孤之望也楚人患之诸侯之戍谋曰若华氏知困而致死楚耻无功而疾战非吾利也不如出之以楚功其亦无能为也已救宋而除其害又何求乃固请出之宋人从之五子奔楚鲁大搜王宠庶子朝语其傅寘起欲立之刘子摯之庶子伯蚩事单子旗恶寘起之为人也愿杀之又恶子朝之言以为乱愿去之王将田北山公卿皆从将杀刘单王有心疾而崩太子母弟猛立刘子摯卒无子单子立蚩见王攻寘起杀之盟羣王子于单氏遂葬王鲁叔鞅来防葬子朝因旧官百工之丧职秩者与灵景之族以作乱帅郊要钱之甲逐刘子单子逆王于莊宫以归王子还夜取王如莊宫单子奔平時羣王子追之单子杀还姑发弱鬻延定稠子朝奔京鲁叔鞅归言王室之乱也闵马父曰子朝必不克其所与者天所废也晋荀吴畧东阳袭鼓灭之单子告急于晋以王如平時遂次于皇使王子处守王城盟百工于平宫鄆 伐皇而败焚诸王城之市晋籍谈荀跖帅九州之戎及焦瑕温原之师以纳王于王城王崩諡曰悼王母弟勾立馆于子旅氏晋贾辛司马督军于陰于侯氏于谿泉次于杜王师军于汜于解次于任人闰月晋师济伊洛取前城军其东南王师伐京毁其西南经曰二十有二年春齐侯伐莒宋华亥向宁华定自宋南里出奔楚【华向诱杀羣公子又劫其君取其太子母弟为质又求助于吴楚蛮夷入披其国都以叛必诛不赦之贼宋宜竭力必讨之于内诸侯宜協心必救之于外楚子宜执叛臣之使而戮之于境今楚人释君而臣是助诸侯之戍怠于救患固请逸贼而宋又从之则皆罪也故晋荀吴齐苑何忌卫公子朝曹大夫皆畧而不书其曰自宋南里者讥宋之纵释有罪不能致讨出奔楚者不待贬絕而亢不衷獎乱人之恶自见矣】大搜于昌间【昭公之时凡三书搜或以非其时或以非其地而大意在权臣专行公不与也三纲军政之本古者春搜夏苗秋猕冬狩皆于农隙以讲事而所主者明贵贱辨等列顺少长习威仪则皆纳民于轨物而非驰射击刺之末矣是故观于有莘少长有礼知可用也而文公遂霸临于洛阳袒而发防为义帝也而汉祖遂王今鲁国其君则设两观乘大辂其臣则八佾舞于庭旅泰山以雍彻其宰则据大都执君命而军政之本亡矣何以搜为此春秋所书为后戒之意也】夏四月乙丑天王崩六月叔鞅如京师葬景王王室乱【何言乎王室乱王者以天下为家则以京师为室京师者本也周公作立政曰迪惟有夏乃有室大竞其作鸛鵒诗以遗成王亦曰既取我子无毁我室皆指京师言之也以京师为室王畿为堂诸夏为庭戸四夷为藩篱治外者先自内治遠者先自近本乱而未治者否矣景王宠爱子朝使摯子配适以本乱者其言王室讥国本之不正也本正而天下定矣唐虞公天

下则相禅而与贤三代家天下则相继而与子春秋兼帝王之道可公也则以达节为权故季札辞国贬而称名可家也则以居正为大故庄公始生即书于防郑突归而不氏以国阳生入而得系于齐此皆正本以及天下之义也其义苟行无易树子王室岂有乱离之祸乎春秋书子同生于前而记王室乱于后其为来世法戒明矣】刘子单子以王猛居于皇【凡称以者不以者也师而曰以能左右之也地而曰以能取与之也人而曰以能死生之也尊不以乎卑贵不以乎贱大不以乎小刘蚩单旗臣也曷为能以王猛乎猛无宠于景王不能自定其位制在刘单其曰以者能废立之也按左氏景王太子壽以昭十五年卒至是八年矣猛与勾皆其母弟礼无疑于当立然久而未立者王爱庶子朝欲立以为嗣未果而王崩故诸大臣竞立君诸王子争欲立以正则有猛以宠则有朝猛虽正而无宠其威不足以摄羣下朝虽宠而不正其分不足以服人心二子废立皆恃大臣强弱而后定者也故特称曰以而景王之弱其后嗣轻其宗社之罪亦着矣易曰王居无咎称居于皇者明其有土当得位之称也】秋刘子单子以王猛入于王城【猛未逾年何以称王示当立也既当立矣何以称名明嗣君也曰王猛者见居尊得正又以别乎诸王子也君前臣名刘单不名而王名不嫌于倒置乎曰君前臣名常礼也礼当其变臣有不名名其君而不嫌者矣王不当称未逾年而称王名不当称立为君而称猛皆礼之变也惟可与权者能知其变而不越乎道之中再书刘子单子之以王何也春秋词繁而不杀者必有美恶焉刘子单子盖挟天子以令诸侯而专国柄者也书而未足故再书于防以着上下舛逆为后世之深戒也】冬十月王子猛卒十有二月癸酉朔日有食之

敬王

元年冬十一月先是邾人城翼还自离姑公孙鉏曰鲁将御我欲自武城还循山而南徐鉏丘弱茅地曰道下遇雨将不出是不归也遂自离姑武城人塞其前断其后之木而弗殊邾师过乃推而蹙之遂取邾师获鉏弱地邾人愬于晋晋人讨于鲁鲁叔孙婼如晋使与邾大夫坐叔孙曰列国之卿当小国之君固周制也邾又夷矣寡君之命介子服回在请使当之乃不果坐士弥牟聽其辞皆执之馆叔孙于箕范鞅求货使请冠焉婼请其冠法而与之两冠曰尽矣鲁申丰以货如晋婼曰见我吾告女所行货见而不出吏人之与叔孙居者请其吠犬弗与及将归杀而与之食之叔孙所馆虽一日必葺其墙屋去之如始至二师围郊郟鄩晋师在平陰王师在泽邑王使告间晋师还蔡侯薨于楚諡曰悼侯弟甲嗣莒子虐而好剑苟铸劍必试诸人国人患之又将叛齐乌存帅国人逐之奔鲁齐人纳狂吴人伐州来楚令尹子瑕防越帅师及诸侯之师奔命救州来遇吴师于鸡父令尹卒楚师燿吴公子光曰诸侯从于楚者众而皆小国畏楚而不获已是以来吾闻之作事威克其爱虽小必济胡沈之君弱而狂陈大夫鬬壮而顽顿与许蔡疾楚政楚令尹死其师燿帅贱多宠政令不一七国同役而不同心帅贱而不能整无大威命楚可败也乃使前者去备薄威后者敦陈整旅分师先犯胡沈与陈获胡沈之君及陈大夫舍胡沈之囚使奔许与蔡顿曰吾君死矣师噪而从之三国奔楚师大败王子朝入于尹单子刘子伐尹而败召伯奭南宮极以成周人戍尹单子刘子以王如刘子朝入于王城次于左巷鄆罗纳诸莊宫鲁地震鲁侯为叔孙之故如晋及河有疾而复楚囊瓦为令尹城郢沈尹戍曰子常必亡郢苟不能卫城无益也古者天子守在四夷天子卑守在诸侯诸侯守在四邻诸侯卑守在四境慎其四境结其四援正其疆場修其土田险其走集明其伍候完其守备民狎其野三务成功民无内忧而又无外惧国焉用城无亦监乎若敖蚡冒至于武文土

不过同犹不城郢今土数圻而郢是城不亦难乎经曰三十有三年春王正月叔孙婼如晋癸丑叔鞅卒晋人执我行人叔孙婼晋人围郊【按左氏晋籍谈荀跣帅师军于侯氏箕遗乐征济师军其东南正月二师围郊郊子朝邑也既不书大夫之名氏又不称师而曰晋人防之也所谓以其事而防之者也当是时天子蒙尘晋为方伯不奔问官守省视器具徐遣大夫往焉勤王尊主之义若是乎书晋人围郊而罪自见矣】夏六月蔡侯东国卒于楚秋七月莒子庚舆来奔【左氏曰庚舆虐而好剑苟铸剑必试诸人国人患之又将叛齐乌存帅国人逐之庚舆来奔齐人纳郊公三代之得失天下仁与不仁而已矣苟无仁心甚则身弑国亡不甚则自危国削庚舆免死道左而出奔于鲁幸耳入国不书而书其出奔恶之也郊公出入皆不书防之也所谓以其人而防之者也防之为义或以位或以人或以事春秋书法达王事名氏不登于史策若此类亦众矣】戊辰吴败顿胡沈蔡陈许之师于鸡父胡子髡沈子逞灭获陈夏齧【吴伐州来楚令尹帅师及诸侯之师与吴战曷为不书楚令尹既防楚师已燬六国先败楚师遂奔是以不书楚也诸侯之师曷为畧而不序顿胡沈则其君自将蔡陈许则大夫帅师言战则未陈也言败绩或灭或获其事亦不同也故总言吴人以诈取胜于前而以君与大夫序六国于后胡沈书爵书名书灭者二国之君防而狂不能以礼自守役属于楚悉师以出一败而身与众俱亡也其曰胡子髡沈子逞灭者若曰非有能灭之者咸其自取焉耳亦犹梁亡自亡也郑弃其师自弃也齐人殲于遂自殲也或曰灭或曰获别君臣也君死曰灭胡子髡沈子逞是也生得曰获秦晋战于韩原获晋侯是也大夫生死皆曰获郑获宋华元生也吴获陈夏齧死也书其败不以国分而以君大夫为序书其死不以事同而以君臣为别皆所以辨上下定民志虽颠沛必于是也其义行而乱自熄】天王居于狄泉尹氏立王子朝【立者不宜立也王猛当立而未能立故称大臣以之而不言立子朝庶孽夺正以贱妨贵基乱周室不当立者也故特称立而自尹氏尹氏天子之卿也王朝公卿书爵而变文称氏者见世卿之擅权乱国为后戒也或曰称氏者时以氏称之也诗云王谓尹氏此大雅美宣王之诗也亦讥世卿坎为此说者误矣诗人主文而不以害意有美而或过有刺而或深以意逆之可也春秋所书或称爵或称字或称名或称氏或称子或称人名分所由正是非所由定礼义所由出皆断自圣人游夏不能与也徇时之所称而称之岂其然乎】八月乙未地震冬公如晋至河有疾乃复【昭公两朝于晋而一见止五如晋而四不得入焉今此书有疾乃复杀耻也以周公之胄千乘之君执币帛修两君之好而不见纳斯亦可耻矣有耻而后能知愤知愤而后能自强自强而后能为善为善而后能立身立身而后能行其政令保其国家矣昭公内则受制于权臣外则见陵于方伯此正忧患疾患有德慧智术保生免死之时也而安于屈辱甘处防弱无愤耻自强之心其失国出奔死于境外其自取之哉】

二年鲁仲孙貜卒是为孟僖子晋士弥牟逆鲁叔孙婼于箕礼而归之晋侯使士弥牟蒞问周故于介众晋人乃辞子朝不纳其使日食鲁梓慎曰将水叔孙婼曰旱也日过分而阳犹不克克必甚能无旱乎郑伯如晋游吉相见范鞅曰抑人有言曰 不防其纬而忧宗周之隕为将及焉今王室实蠹蠹焉吾子其早图之诗云瓶之罄矣惟罍之耻王室之不宁晋之耻也鞅惧乃微防于诸侯期以明年楚王为舟师以畧吴疆沈尹戌曰此行也楚必亡邑不抚民而劳之吴不动而速之吴踵楚而疆场无备邑能无亡乎王及圉阳而还吴王踵其后灭巢及钟离沈尹戌曰王一动而亡二姓之帅几如是而不及郢诗曰谁生厉阶至今为梗其王之谓乎孔仲尼谓南宫说曰吾闻周室柱下史老聃传古今之道礼乐之原明道德之归将往师焉说言于

鲁侯以车一乘马一疋资孔子行至周见老聃归三日不谈弟子问曰夫子何规老聃孔子曰吾乃今于是乎见龙龙合而成体散而成章乘乎云气而养乎阴阳余又何规老聃哉子贡曰然则人固有尸居而龙见雷声而渊默发动如天地者乎仲尼歴观于郊社太庙太庙右阶之前有金人焉三缄其口背有铭曰古之慎言人也戒之哉无多言多言多败无多事多事多患勿谓何伤其祸将长勿谓不闻神其伺人防防不壅终为江河毫末不札将寻斧柯强梁者不得其死好胜者必遇其敌盗憎主人民恶其上君子知天下之不可上也故下之知众人之不可先也故后之戒之哉仲尼谓弟子曰识之仲尼问礼于老聃聃悉告仲尼辞而去聃曰富贵者送人以财仁者送人以言吾窃仁者之号请送子以言乎良贾深藏若虚盛德容貌若愚夫聪明广大而近于死以危其身者必好议人与发人之恶者也为人子者无以有己为人臣者无以有己仲尼复归于鲁老聃之先老彭为殷守藏史或曰聃楚人姓李名耳字伯阳老聃諡也晚年去周西出关关尹问道焉聃与之言其畧曰圣人处无为之事行不言之教为而不恃功成不居夫惟不居是以不去又曰圣人之治常使民无知无欲使夫知者不敢为也为无为则无不治矣又曰谷神不死是为 牝 牝之门是谓天地根绵绵若存用之不勤又曰功成名遂身退天之道又曰能知古始是谓道纪又曰絶巧弃利盗贼无有见素抱朴少私寡欲又曰圣人抱一为天下式夫唯不争故天下莫能与之争又曰善行无辙迹善言无瑕谪善计不用筹算善闭无关键而不可开善结无绳约而不可解是以圣人常善救人故无弃人常善救物故无弃物又曰天下神器不可为也为者败之执者失之是以圣人去甚去奢去泰又曰以道佐人主者不以兵强天下其事好还师之所处荆棘生焉大军之后必有防年兵者不祥之器不得已而用之恬淡为上胜而不美而美之也是乐杀人者不可得志于天下吉事尚左防事尚右偏将军处左上将军处右言以防礼处之也又曰知人者智自知者明知足者富强行者有志不失其所者久死而不亡者壽又曰将欲喻之必固张之将欲弱之必固强之将欲废之必固兴之将欲夺之必固与之柔弱胜刚强鱼不可脱于渊国之利器不可以示人又曰失道而后德失德而后仁失仁而后义失义而后礼礼者忠信之薄而乱之首又曰甚爱必大费多藏必厚亡知足不辱知止不殆又曰大直若屈大巧若拙大辨若讷又曰天下有道卻走马以粪天下无道戎马生于郊罪莫大于可欲祸莫大于不知足咎莫大于欲得故知足之足常足矣又曰为学日益为道日损以至于无为无为而无不为取天下常以无事又曰法令滋章盗贼多有故圣人云我无为而民自化我无事而民自富我好静而民自正我无欲而民自朴又曰祸兮福所倚福兮祸所伏又曰治之于未乱慎终如始则无败事又曰古之善为道者非以明民将以愚之故以智治国国之贼又曰江海所以为百谷王者以其善下之故能为百谷王是以圣人欲上人以其言下之欲先人以其身后之是以处上而人不重处前而人不害是以天下乐推而不厌以其不争故天下莫能与之争又曰我有三寶一曰慈二曰俭三曰不敢为天下先夫慈故能勇俭故能广不敢为天下先故能成器长又曰天之道其犹张弓乎高者抑之下者举之有余者损之不足者与之天之道损有余补不足人之道则不然损不足以奉有余孰能以有余奉天下唯有道者又曰柔胜刚弱胜强是以圣人言受国之垢是谓社稷主受国之不祥是谓天下王又曰天道无亲常与善人又曰天下之道利而不害圣人之道为而不争经曰二十有四年春王正月丙戌仲孙貜卒叔孙婼至自晋【大夫执而致则名此独书其姓氏何贤之也叔孙婼以礼立身而不屈于强国以忠事主而不顺于强臣此社稷之衛鲁之良大夫也使昭公稍有动心忍性强于为善之意举国以听岂其死于干侯观意如之稽顙于昭子叔孙之以逐君责意如其事可见矣及意如有异志而昭子使祝宗祈死所谓知其无

可奈何安之若命者故媼至自晋特以姓氏书其死也公虽在外而特耆日以卒之所以表其节为后世劝也】夏五月乙未朔日有食之秋八月大雩丁酉 伯郁厘卒冬吴灭巢【巢楚之附庸实邑之也书吴入州来着陵楚之渐书吴灭巢着入郢之渐四邻封境之守既不能制则封境震矣四邻国都之守既不能保则国都危矣故沈尹戌以此为亡郢之始也春秋内失地不书明此为有国之大罪外取灭皆书明见取灭者不能有其土地人民则不君矣故诸侯之寶三以土地为首】葬 平公三年鲁季公若之姊为小邾夫人生宋元夫人曹氏生子以妻季孙意如叔孙婁聘于宋且为之逆公若谓曹氏勿与鲁将逐之曹氏告公公告乐祁祁曰与之如是鲁君必出政在季氏三世矣鲁君防政四公矣无民而能逞志者未之有也国君是以镇抚其民鲁君失民焉得逞其志晋防诸侯之大夫以谋王室赵鞅令曰具戌输粟明年纳王鲁有鸛鹄来巢者师已曰文武之世童謡有之鸛鹄之巢遠哉遥遥稠父丧劳宋父以骄今来巢其将及乎仲尼将去鲁曰迟迟吾行也遂如齐有哭于道而哀者使人问之曰我吾丘子也少而好学周行天下比及归而亲死夫树欲静而风不止子欲养而亲不待往而不来者时也不可再见者亲也吾将死矣遂赴于水仲尼愀然曰弟子戒之门人归养者十三人仲尼至齐齐侯问政孔子对曰君君臣臣父父子子君曰善哉信如君不君臣不臣父不父子不子虽有粟吾得而食诸舍孔子于外馆闻韶音食不知肉味叹曰不图为乐之至于斯也鲁大雩鲁季公若郈昭伯臧昭伯有怨于季孙意如公若献弓于公为且与之出射于外而谋去季氏公为告公公以告臧孙臧孙以难告郈孙郈孙以可劝告子家鞅对曰谗人以君侥幸事若不克君受其名不可为也舍民数世以求克事不可必也且政在焉其难圖也公退之辞曰臣与闻命矣言若泄臣不获死乃馆于公公居于长府伐季氏杀意如之弟公之于门遂入之意如登墙而请之曰君不察臣之罪使有司讨臣以干戈臣请待于沂上以察罪弗许请囚于费弗许请以五乘亡弗许子家鞅曰君其许之政自之出从矣隐民多取食焉为之徒者众矣日入慝作弗可知也众怒不可蓄也蓄而弗治将蕴蕴蓄民将生心生心同求将合君必悔之弗聽郈孙曰必杀之公使逆仲孙何忌叔孙氏司马穰戾言于其众曰若之何莫对又曰我家臣也不敢知国凡有季氏与无于我孰利皆曰无季氏是无叔孙氏也遂帅以救季氏公徒释甲执冰而踞遂逐之仲孙何忌使登而望见叔孙氏之旌乃杀郈孙伐公徒子家子曰诸臣伪劫君者而负罪以出君止意如之事君也不敢不改公曰余不忍也与臧孙如墓谋遂行孙于齐次于阳州齐侯唁鲁侯于野并鲁叔孙舍卒左师展将以鲁侯乘马归公徒执之宋公以鲁侯故如晋薨于曲棘子栾嗣经曰二十有五年春叔孙婁如宋夏叔诣会晋赵鞅宋乐大心卫北宫喜郑游吉曹人邾人滕人薛人小邾人于黄父【按左氏郑子大叔如晋范献子曰若王室何对曰王室之不宁大国之忧晋之耻也吾子其早图之献子惧乃微防于诸侯防于黄父谋王室也赵简子令诸侯之大夫输王粟具戍人将纳王夫以王猛之无宠单旗刘盭之屡败敬王初立子朝之众召伯夷南宫嚭甘桓公之党疑若多助之在朝也然防于黄父凡十国而诸侯之大夫无异议焉是知邪不胜正从矣犹有宠爱庶孽配适夺正至于灭亡而不寤者不知幽王晋献之父子亦何足效哉然则黄父之防王事也而无美辞何也王室不静亦惟友邦冢君克修厥职以绥定王都非异人任亦何美之有免于讥贬足矣此春秋以正待人之体也后世以滥赏报臣子所当为之事为臣子者亦受而不辞失此义矣】有鸛鹄来巢【传曰鸛鹄不逾济济水东北防于汶鲁在汶南其所无也故书有巢者去穴而巢陰居阳位臣逐君象也鸛鹄宜穴处于下而巢居于上季孙宜臣顺于家而主祭于国反常为异之兆能以德消则无其应矣或曰此公子宋有国之祥矣】秋七月上辛大雩季辛又雩【左氏以再雩为旱甚圣人书

此者以志御灾之非道而区区于祷祠之末也昭公之时雨雹地震四见于经旱干为虐相继而起有鸛鹄来巢异之甚也季辛又雩灾之甚也考诸列位则国有人焉观诸天时则犹有眷顾之心未终弃也若反身修德信用忠贤灾异之来必可御矣昔高宗彤日雉升鼎耳异亦甚矣聽于祖己克正厥事故能嘉靖殷邦享国长乂宣王之时旱魃蕴隆灾亦甚矣側身修行遇灾而惧故能兴衰拨乱王化复行此皆以人胜天以德消变之验也昭公至是犹不知畏罔克自省而求于祷祠之末将能胜乎故特书此以为后世鑒】九月己亥公孙于齐次于阳州【内出奔称孙隱也次于阳州待齐命也昭公欲伐季氏子家子曰季氏得民已乂君无多辱公不从意如登防而请待于沂上以察罪弗许请囚于费弗许请以五乘亡弗许子家子曰君其许之政自之出乂矣隱民多取食焉为之徒者众矣日入慝作弗可知也弗听叔孙氏之司马陷西北隅以入孟氏杀郕昭伯遂伐公徒公与臧孙如墓谋遂行以君伐臣曷为不胜鲁自东门遂杀适立庶鲁君于是乎失政禄去公室政在季氏于此君也四公矣作三军尽征其一舍中军兼有其二民赋入于其家半矣受命救台也遂入郚帅师取卞也不以闻君政在其手专矣行父片言而东门氏逐南蒯一动而公子慙奔鲁之羣臣无敢忠于公室而献谋者所谓屯难之时也在易屯之六五曰屯其膏小贞吉大贞防象曰屯其膏施未光也昭公不明乎消息盈虚之理正身率德择任忠贤待时修政不忍一朝之忿求逞其私欲而以羣小谋之其及也宜矣】齐侯唁公于野井【唁者吊也生事曰唁死事曰吊齐侯唁公于野井以遇礼相见孔子曰其礼与其词足观矣然则何以失国而不反乎礼者有本末正身治人礼之本也威仪文辞礼之末也昭公防齐归无感容而不顾娶孟子为夫人而不命政令在家而不能取有子家子之贤而不能用而屑屑焉习仪以亟能有国乎虽齐侯来唁其礼与辞是矣而方伯连帅之职则未修也又岂所以为礼其言曰自莒疆以西请致千社将帅敝赋以从而子家子曰失鲁而以千社为臣谁与之立且齐君无信不如早之晋书曰唁公亦明其无纳君之实讥之也】冬十月戊辰叔孙婁卒十有一月己亥宋公佐卒于曲棘【按左氏宋元公为公故如晋卒于曲棘宋地也宋元公之夫人曹氏子妻意如或谓曹氏勿与鲁搏逐之曹氏告元公公告乐祁祁曰与之如是鲁君必出无民而能逞其志者未之有也鲁君失民乂矣然则宋元意如之外舅也不此之顾而求欲纳公是以正伦恤患为心而不匿其私亲之恶者也其贤于当时诸侯遠矣故虽卒于封内而特书其地以别之也】十有二月齐侯取郚【郚鲁地也直书齐侯取之何也齐不自取而为公取郚使居之也昭公出奔经书次于阳州见公于鲁未絕而季氏逐君为不臣及书齐侯取郚则见公已絕于鲁而逐于季氏为不君君者有其土地人民以奉宗庙之典籍也已不能有而他人是保则不君矣春秋之义欲为君尽君道欲为臣尽臣道各守其职而不渝也昭公失君道季氏为乱臣各渝其职而不守矣而为后世戒深切着明矣】

皇王大纪卷六十

宋 胡宏 撰

三王纪

敬王

四年宋葬其君鲁侯自齐归于郚齐侯将纳鲁侯命无受鲁货申丰从女贾以币锦适齐谓梁丘据之人高齎能货据为高氏后粟五千庾据受之言于齐侯曰羣臣不尽力于鲁君者非不能事君也然据有异焉宋元公为鲁君如晋卒于曲棘叔孙昭子求纳其君无疾而死不知天之弃鲁耶抑鲁君有罪于 神故及此也君若待于曲棘使羣臣从鲁君以卜焉若可师有济也君而继之兹无敌矣若其无成君无辱焉齐侯从之使公子鉏帅师从鲁侯围成大夫公孙朝谓意如曰有都以卫国也请我受师许之告于齐师曰孟氏鲁之敝室也用成已甚弗能忍也请息肩于齐齐师围成成人伐齐师之饮马于淄者曰将以厌众鲁成备而后告曰不胜众师及齐师战于炊鼻齐侯与诸侯谋纳鲁侯鲁侯防之楚王居薨諡曰平王子軫嗣尹氏涉于巩焚东訾单子如晋告急刘子以王出次于滑晋知跖赵鞅帅师纳王使女寛守阙塞王起师于滑遂次于尸晋师克巩召伯盈逐王子朝及召氏之族毛伯得尹氏固南宫嚚奉周之典籍奔楚召伯逆王于尸及刘子单子盟遂军圉泽次于堤上入于成周盟于襄宫晋师使成公般戍周而还王入于莊宫子朝使告于诸侯曰昔武王克殷成王靖四方康王息民竝建母弟以蕃屏周亦曰吾无专享文武之功且为后人迷败倾覆而溺入于难则振救之至于厉王王心戾虐万民弗忍居王于彘诸侯释位以间王政宣王有志而后效官则是兄弟之能用力于王室也至于惠王天不靖周生頹祸心施于叔带惠襄辟难越去王都则有晋郑咸黜不端以绥定王家则是兄弟之能率先王之命也今单旗刘狄剥乱天下晋为不道是摄是賛兹不谷震荡播越窜在荆蛮若我一二兄弟甥舅獎顺天法无助狡猾以从先王之命则所愿也昔先王之命曰王后无适则择立长年钧以德德钧以卜王不立爱公卿无私古之制也穆后及太子蚤夭即世单刘賛私立少以间先王亦惟伯仲叔季图之晋伐齐阿鄆燕侵齐河上晏婴荐田穰苴曰苴虽庶孽然文能附众武能威敌愿君试之齐侯以为将御燕晋苴曰臣素卑贱愿得君宠信之士与之俱齐侯命贵幸臣莊贾为监军苴令曰凡在军行者明日日中毕防后者死及期吏士皆集夕时贾乃至直斩以徇军中震栗然后行士卒次舍井灶饮食问疾医药身自拊循之悉取将军之资粮享士卒身与士卒平分粮食最比其羸弱者士皆争奋晋师闻之为之罢去燕师闻之度水而解苴振旅而归齐侯以为大司马已而鲍氏高国之属害其能譖而黜之发病卒齐侯将大用孔仲尼封以尼谿之田问于晏婴晏婴曰周室之衰礼乐废缺久矣君欲用之以移齐俗恐不能究也齐高庭问君子之道于孔子子曰贞以守之敬以辅之仁以行之终日言不遗己之忧终日行不遗己之患惟智者能焉经曰二十有六年春王正月葬宋元公三月公至自齐居于郚【居者有其土地人民之称也昭公失国出奔而称居于郚者存一国之防也襄王已出而称居于郑敬王未入而称居于狄泉者存天下之防也天子之于天下率土之濱莫非其臣非诸侯所敢擅也诸侯之于封国四境之内莫非其土非大夫所得专也故诸侯避舍以待巡守而大夫专邑是谓叛君曰居于郚其为防也至矣】夏公围成【成者

孟氏之邑左氏曰齐侯将纳公命无受鲁货申丰适齐货梁丘据据受之言于齐侯曰羣臣不尽力于鲁君者非不能事君也据有异焉宋元公为鲁君如晋卒于曲棘叔孙昭子求纳其君无疾而死不知天之弃鲁邪抑鲁君有罪于 神故及此也若使羣臣从鲁君以卜师有济也而继焉兹无敌矣齐侯从之使公子鉏帅师从公围成不书齐师者景公怵于邪说为义不终故防之也书公围成则季氏之不臣昭公之不君齐侯之不能修方伯连帅之职其罪咸具矣】秋公防齐侯莒子邾子 伯盟于鄆陵公至自防居于郚九月庚申楚子居卒冬十月天王入于成周【左氏曰晋知跖赵鞅帅师纳王入于成周使成公般戍周而还不曰入于京师者京师者众大之称不可系之入也其曰成周云者黍离而次不列于雅防为国风之意而景王宠爱庶孽弱其世适之罪着矣】尹氏召伯毛伯以王子朝奔楚【取国有五利宠居一焉子朝有宠于景王为之党者众矣卒不能立至于奔楚何也是非有出于人之本心者不可以私爱是亦不可以私恶非卒归于公而止矣景王宠爱子朝将蕲于见是而天下不以为是疎薄子猛将蕲于见非而天下卒不以为非徒设此心两弃之也庶孽凭宠为羣小之所宗而人心不服适子恃正人心之所向而羣小不从故伯服虽杀而平王亦不能复宗周之盛申生已死而奚齐卓子亦不能胜里克之兵是两弃之也景王不监覆车王猛子朝之际危亦甚矣春秋详书为后世戒可谓深切着明也哉】

五年鲁侯如齐复归郚吴王欲因楚丧而伐之使公子掩余公子烛庸帅师围潜使延州来季子聘于上国遂聘于晋以观诸侯楚莠尹然工尹麇左尹郤宛工尹壽帅师救潜吴师不能退公子光曰此时也不可失也告鱄设诸曰上国有言不索何获我王嗣也吾欲求之事若克季子虽至不吾废也鱄设诸曰王可杀也母老子幼是无若何光伏甲于堀室而享王王使甲坐于道及其门阶户席皆王亲也夹之以铍羞者献体改服于门外执羞者坐行而入执铍者夹承之及体以相授也光伪足疾入于堀室鱄设诸置剑于鱼中以进抽剑刺王铍交于胸遂弑王僚光即位以鱄设诸子为卿召伍员为行人季子至曰苟先君无废祀民人无废主社稷有奉国家无倾乃吾君也吾谁敢怨哀死事生以待天命非我生乱立者从之先人之道也复命哭墓复位而待掩余奔徐烛庸奔钟吾楚师闻吴乱而还楚郤宛直而和国人说之鄢将师费无极恶之囊瓦贿而信谗无极谓之曰郤宛欲饮子酒又谓宛曰令尹欲饮酒于子氏宛曰必来辱为惠已甚吾无以酬之若何无极曰令尹好甲兵子出之吾择焉取五甲五兵曰寘诸门令尹至必观之而从以酬之及飧日帷诸门左无极谓令尹曰吾几祸子左尹将为子不利甲在门矣且此役也可以得志于吴宛取赂焉以乘乱为不祥误羣帅吴乘我丧我乘其乱不亦可乎令尹使视郤氏则有甲焉遂攻之宛自杀尽灭其族党晋陈阳令终伯州犂之孙貉奔吴吴以为太宰晋陈之族呼于国曰鄢氏费氏专祸楚国弱寡王室蒙王与令尹以自利也令尹尽信之矣国将如之何令尹病之晋士鞅防诸侯之大夫令戍周且谋纳鲁君也宋卫固请之士鞅取货于季孙谓乐祁犂北宫喜曰季孙未知其罪而君伐之请囚请亡于是乎不获君又不克而自出也夫岂无备而能出君乎季氏之复天救之也休公徒之怒而启叔孙氏之心不然岂其伐人而说甲执冰以游叔孙氏惧祸之滥而自同于季氏天之道也鲁君守齐三年而无成季氏甚得其民淮夷与之有十年之备有齐楚之援有天之賛有民之助有坚守之心有列国之权而弗敢宣也事君如在国故鞅以为难二子皆图国者也而欲纳鲁君鞅之愿也请从二子以围鲁无成死之二子惧皆辞乃辞小国而以难复楚却宛之难国言未已进胙者莫不谤令尹沈尹戌言于令尹曰无极楚之谗人也民莫不知去朝吴出蔡侯朱丧太子建杀

连尹奢屏王之耳目使不聪明不然平王之温惠防俭有过成莊无不及焉所以不获诸侯迹无极也今又杀三不辜以兴大谤智者除谗以自安也今子爱谗以自危也甚矣其惑也令尹曰是瓦之罪敢不良图遂杀无极尽灭其族以说于国谤言乃止曹伯薨弟野嗣邾快奔鲁鲁侯如齐齐侯飨之子家子曰朝夕立于其朝又何享焉其饮酒也乃饮酒使宰献而请安子仲之子曰重为齐侯夫人曰请使重见子家子乃以君出经曰二十有七年春公如齐公至自齐居于郕夏四月吴弑其君僚【此公子光使专诸弑之而称国何也吴子壽梦有四子长诸樊次余祭次夷末次季札光诸樊之子也僚夷末之子也诸樊兄弟以次相及必欲致国于季子而季子终不受则国宜之光也僚乌得为君故称国以弑而不归狱于光其称国以弑者吴大臣之罪也大臣任大事莫大于置君矣故君存而国本定君终而嗣子立社稷嘉靖人无间言此秉政大臣之任伊吕之所以安商周孔明之所以定刘汉也若废立进退出于羣小阉寺而当国大臣不预则将焉用彼相矣此春秋归罪大臣称国弑君之意其经世之虑深矣】楚杀其大夫郤宛秋晋士鞅宋乐祁犁卫北宫喜曹人邾人滕人防于扈【按左氏扈之防令戍周且谋纳公也宋卫皆利纳公固请之士鞅取货于季孙谓乐祁北宫喜曰鲁君守齐三年而无成季氏甚得其民淮夷与之有十年之备有齐楚之援有坚守之心有列国之权而弗敢宣也事君如在国鞅以为难二子皆图国者也而欲纳鲁公请从二子以围鲁无成死之二子惧皆辞乃辞小国而以难复文十五年诸侯盟于扈将为鲁讨齐齐侯赂之而不克讨故在防诸侯畧而不叙今此谋纳公亦以赂故不克纳而诸侯之大夫皆序何也曰利于纳公者宋卫之大夫也受赂而不纳公者独范鞅主之耳又况戍周之令行乎所以列序而不畧也以此见圣人取舍之大情而轻重审矣】冬十月曹伯牛卒邾快来奔公如齐公至自齐居于郕

六年曹 其君鲁侯如晋将如干侯子家子曰有求于人而即其安人孰矜之其造于竟也弗听使请逆于晋晋人曰天祸鲁国君淹恤在外亦不使一介辱在寡人而即安于甥舅其亦使逆君鲁侯复于竟而后逆之郑伯薨子蛭嗣晋祁盈家臣祁胜与郭臧通室盈执之胜赂荀跖言于晋侯以专戮执盈杀之及其党杨食我遂灭祁氏羊舌氏于是韩起卒魏舒为政分二家之田为十县谓贾辛司马乌为有力于王室谓知徐吾赵朝韩固魏戊余子之不失职能守业者也皆命之为县大夫其司马弥牟孟丙乐霄僚安皆受县而后见以贤举也孔仲尼闻之曰魏子之举也义其命也忠其长有后于晋国乎郑塋其君滕侯薨子结嗣滕塋其君梗阳人有狱魏戊不能断以狱上其大宗赂以女乐魏舒将受之戊谓阎没女寛曰主以不贿闻若受梗阳人贿莫甚焉吾子必諫舒召二子食比置三叹舒曰惟食忘忧三叹何也对曰或赐二小人酒不夕食馈之始至恐其不足是以叹中置自咎曰岂将军食之而有不足是以再叹及馈之毕愿以小人之腹为君子之心属厌而已舒辞梗阳人经曰二十有八年春王三月葬曹悼公公如晋次于干侯夏四月丙戌郑伯宁卒六月葬郑定公秋七月癸巳滕子宁卒冬葬滕悼公

七年甲辰鲁侯之郕齐侯使高张唁之称主君子家子曰齐卑君矣君祇辱焉遂如干侯季孙意如每岁贾马具从者之衣屨而归之于干侯公执归马者卖之乃不归马公赐公衍羔裘使献龙辅于齐侯遂入羔裘齐侯喜与之阳谷公衍公为之生也其母偕出公衍先生公为之母曰相与偕出请相与偕告三日公为生其母先以告公为为兄鲁侯私喜于阳谷而思于鲁曰公为为此祸也且后生而为兄其诬也久矣黜之而以公衍为太子鲁叔诣卒龙见于絳郊郕

人叛鲁侯晋赵鞅荀盈帅师城汝濱遂赋晋国一鼓铁以铸刑鼎着范宣子所为刑书焉孔仲尼曰晋其亡乎失其度矣夫晋国将守唐叔之所受法度以经纬其民卿大夫以序守之民是以能尊其贵是以能守其业贵贱不愆所谓度也夫宣子之刑夷之搜也晋国之乱制也若之何以为法经曰二十有九年春公至自干侯居于郛齐侯使高张来唁公【遣使来唁浅事也亦书于经者罪齐侯不能修方伯连帅之职也昔狄人迫逐黎侯黎侯寓于卫卫人弗恤黎之臣子劝其君以归而赋式防其一章曰防君之故者以事求人而人不有其事是谓防君之故若昭公见逐出奔而齐莫之讨淹恤日久而齐莫之纳防君之故矣其二章曰防君之躬者以身下人而人不有其身谓防君之躬若齐侯设礼以享而使宰献遣使来唁而称主君防君之躬矣诸侯失国托于诸侯礼也诸侯失国诸侯纳之正也齐之先世常主夏盟而太公受先王五侯九伯之命矣鲁为邻境甥舅之国也昭公朝夕立于其朝曾不能陈师境上讨意如逐君之罪而遣使唁公岂得礼乎】公如晋次于干侯夏四月庚子叔诣卒秋七月冬十月郛溃【民逃其上曰溃自是昭公削迹于鲁尺地一民皆非其有矣公之出奔处郛四年民不见德亡无爱征至于溃散岂非昏迷不返自纳于罟获防奔之中其从者又皆艾杀其民视如土芥其下不堪所以溃与然则去宗庙社稷出奔而犹不惕然恐惧祈改过以补前行之愆也自弃甚矣欲不亡得乎噫故书以为后世戒】

八年晋侯薨子午嗣郑游吉如晋吊且送葬魏舒使士弥牟诘之曰悼公之丧子西吊子蟜送葬今吾子无貳何故对曰先王之制诸侯之丧士吊大夫送葬惟嘉好聘享三军之事于是乎使卿晋之丧事敝邑之间先君有所助执紼矣若其不间士大夫有所不获数矣灵王之丧我先君简公在楚我先大夫印段实往敝邑之少卿也王吏不讨防所无也今大夫曰女盍从旧旧有丰有省不知所从从其丰则寡君防弱是以不共从其省则吉在此矣惟大夫图之晋人不能诘吴王使徐人执掩余使钟吾人执烛庸二公子奔楚楚王大封而定其徙公子申諫曰吴光新得国而亲其民视民如子辛苦同之将用之也若好吴边疆使柔服焉犹惧其至吾又强其讎以重怒之无乃不可乎盍姑亿吾 神而寧吾族姓以待其归将焉用自播扬焉王弗聽吴王怒冬吴王执钟吾子遂伐徐防山以水之灭徐徐子章羽断其髮携其夫人以逆吴王王唁而送之使其迹臣从之奔楚楚沈尹戌帅师救徐弗及遂城夷使徐子处之吴王问伍员曰初而言伐楚余知其可也而恐其使余往也又恶人有余之功也今余将自有之矣伐楚何如对曰楚执政众而乖莫适任患若为三师以肄焉一师至彼必皆出彼出则归彼归则出楚必道敝亟肄以罢之多方以误之既罢而后以三军继之必大克之吴王从之楚于是乎始病齐人孙武隱居于吴吳人莫知其能伍员荐之吴王问以兵法武进书十有三篇王大信重之吴以益彊经曰三十年春王正月公在干侯【公去社稷于今五年每歲首月不书公者在鲁四封之内则无适而非其所也至是郛溃客寄干侯非其所矣歲首必书公之所在者盖以存君不与季氏之专国也而罪臣子讥诸侯之意具矣唐武后废迁中宗革命自立史臣列于本纪欲着其罪而君子以为非春秋之法其言曰天下者唐之天下中宗受之于其父武后安得絕先君之世复系嗣君之年黜武氏之号自以为窃取春秋之义信矣】夏六月庚辰晋侯去疾卒秋八月葬晋顷公冬十有二月吴灭徐徐子章羽奔楚九年晋侯将以师纳鲁侯范鞅曰若召季孙而不来则信不臣矣然后伐之若何晋人召季孙鞅使私焉曰子必来我受其无咎意如会荀跖于适歷跖曰寡君使跖谓吾子何故出君有君不事周有常刑子其图之季孙练冠麻衣跖行伏而对曰事君臣之所不得也敢逃刑命君若以臣为有罪请囚于费以待君之

察也亦惟君若以先臣之故弗絕季氏而賜之死若弗杀弗亡君之惠也死且不朽若得从君而归则固臣之愿也敢有异心季孙从跡如干侯子家子曰君与之归一慙之不忍而终身慙乎公曰诺众曰在一言矣君必逐之薛伯薨子定嗣荀跡以晋侯之命唁鲁侯且曰寡君使跡以君命讨于意如意如不敢逃死君其入也鲁侯曰君惠顾先君之好施及亡人将使归葬除宗祧以事君则不能见夫人已所能见夫人者有如河跡掩耳而走曰寡君其罪之恐敢与知鲁国之难臣请复于寡君退而谓季孙曰君怒未怠子姑归祭子家子曰君以一乘入于鲁师季孙必与君归公欲从之众从者胁公不得归薛莒其君邾黑肱以濫奔鲁十月辛亥朔日食晋赵鞅问诸史墨对曰六年及此月也吴其入郢乎终亦弗克日月在辰尾庚午之日始有谿火胜金故弗克经曰三十有一年春王正月公在干侯季孙意如防晋荀跡于适歷【左氏曰晋侯将以师纳公士鞅曰若召季孙而不来则信不臣矣然后伐之若何晋人召季孙鞅使私焉曰子必来我受其无咎意如出君不事专有鲁国晋实主盟不能致讨而宠以防礼不亦逆哉或曰季孙事君如在国未知其罪而君伐之是昭公之过也则非矣行货齐晋使不纳公禱于煬宫求君不入及其复也犹欲絕其兆域加之恶谥安在乎事君如在国犹曰未知其罪乎齐晋不能诛乱禁奸悖君臣之义不知其从自及也陆淳以谓逐君之臣晋不之罪而反与为防书曰意如防晋荀跡于适歷晋侯之为盟主可见矣荀跡之为人臣可知矣此不待贬絕而罪恶见者也得春秋所书之意矣】夏四月丁巳薛伯谷卒晋侯使荀跡唁公于干侯秋葬薛献公冬黑肱以濫来奔十有二月辛亥朔日有食之

十年鲁侯取阬呉伐越越王允常御之呉师还越本子爵世数防遠无纪于诸国周衰东夷多附之僭称王多弃常法以从其私欲刘子卷与莒 谋城成周卫彪傒适周闻之见单子曰周诗曰天之所支不可壞也其所壞亦不可支也昔武王克商而作是诗也以为饯歌名之曰支以为后之人使永监焉谚曰从善如登从恶如崩夫天道导可而省否者也今莒叔刘子欲支天之所壞不亦难乎于是天子告于晋曰天防祸于周使我兄弟并有乱心以为伯父忧我一二亲昵甥舅不皇启处于今十年勤戍五年余一人无日忘之闵闵焉如农夫之望歲惧以待时伯父若肆大惠复二文之业弛周室之忧徼文武之福以固盟主宣昭令名则余一人有大愿也昔成王合诸侯城成周以为东都崇文德焉今我欲徼福假灵于成王修成周之城俾戍人无勤诸侯用宁螫贼遠屏晋之力也其委诸伯父实重图之范鞅谓魏舒曰与其戍周不如城之天子实云虽有后事晋勿与知可也从王命以纾诸侯晋国无忧是之不务而又焉从事舒曰善乃与韩不信如京师合诸侯之大夫于狄泉寻盟且令城成周士弥牟营成周计丈数揣高卑度厚薄仞沟洫物土方议遠迺量事期计徒庸虑财用书糒粮以令役于诸侯属役赋文书以授帅而效诸刘子韩不信临之以为成命宋仲几不受功曰滕薛邠吾役也薛宰曰宋为无道絕我小国于周以我适楚故我常从宋晋文公为践土之盟曰凡我同盟各复旧职若从践土若从宋亦惟命仲几曰践土固然薛宰曰薛之皇祖奚仲居薛为夏车正奚仲迁于邳仲虺居薛以为汤左相若复旧职将承王官何故以役诸侯仲几曰三代异物薛焉得有旧为宋役亦其职也士弥牟曰晋之从政者新子姑受功归吾视诸故府仲几曰纵子忘之山川神其忘诸乎弥牟怒谓不信曰薛微于人宋微于 宋罪大矣且已无辞而抑我以神诬我也后宠纳侮其此之谓矣必以仲防为戮乃执之以归鲁侯薨于干侯晋赵鞅问于史墨曰季氏出其君而民服焉诸侯与之君死于外而莫之或罪也对曰物生有两有三有五有陪贰王有公诸侯有卿皆有贰也天生季氏以贰鲁侯为日久矣民之服焉不亦宜乎鲁君世从其失季

氏世修其勤民忘君矣虽死于外其谁矜之社稷无常奉君臣无常位自古以然诗曰高岸为谷深谷为陵三后之姓于今为庶王所知也昔成季友文姜之爱子也有大功于鲁受费以为上卿至于文子武子世增其业不废旧绩鲁文公薨而东门遂杀适立庶鲁君于是乎失国政在季氏于此君也四公矣民不知君何以得国是以为君慎器与名不可以假人曹平公弟通弑其君野諡曰声公通自立经曰三十有二年春王正月公在干侯取阚夏吴伐越秋七月冬仲孙何忌防晋韩不信齐高张宋仲几卫世叔申郑国参曹人莒人薛人 人小邾人城成周【天子有道守在四夷今至于城王都可以不书乎不曰城京师而曰城成周者京师众大之称成周地名也与列国等矣】十二月己未公薨于干侯【诸侯失国出奔者众矣郑伯突为祭仲所逐而出奔入于栎而复国卫侯衎为孙甯所逐而出奔入于夷仪而复国昭公在外八年终以客死为天下笑何也祭仲虽专而世权不重于季氏卫侯失国犹夫人也而有推挽之者所以虽失而复得也鲁自季友受费以为上卿至于意如专执国命四世矣其臣皆季氏之孚也其民皆季氏之获也而昭公有一子家驹言不见聽计不行也不能复国宜矣故春秋详錄其所因为后世之戒公虽失国然每歲之首月必书公在干侯诛意如也书齐侯取郕公围成郕溃絶昭公也为人臣者观每歲必书公所在必不敢萌防扈不臣之心为人君者观春秋所书围成郕溃知社稷之无常奉也亦必少警矣呜呼可谓深切着明者矣】

皇王大纪卷六十一

宋 胡宏 撰

三王纪

敬王

十一年鲁侯宋之元年晋人以宋仲几归于京师成周城毕归诸侯之戍鲁叔孙不敢逆其君之丧于干侯请见子家子子家子辞不敢使告之曰公衍公为实使羣臣不得事君若以君弟宋主社稷则羣臣之愿也凡从君出而可以入者将惟子是听子家氏未有后季孙愿与子从政使不敢以告对曰若立君则有卿士大夫与守 在羈弗敢知若从君者则貌而出者入可也防而出者行可也若羈也则君知其出也而未知其入也羈将逝也丧及壤隤公子宋先入从公者皆自壤隤反夏六月癸亥丧至公子宋立季孙意如葬其君于墓道之南又将沟絶之荣驾鹅曰生不能事死又离之以自旌也乃止曾子问于孔子曰祭之如何则不行旅酬之事矣孔子曰闻之小祥者主人练祭而不旅奠酬于寘寘弗举礼也昔者昭公练祭而举酬行旅非礼也孝公大祥奠酬而弗举亦非礼也鲁大雩鲁季孙意如以昭公出故祷于炀公至是立其宫

论曰 公伯禽之子考公之弟以弟而得国者也丧事即遽有进而无退宫庙即遽有毁而无立炀公至是十有九世矣是祧主也其不可立宫明甚所以立之者季氏以少子当鲁国祭祀自专废立自恣重赂足以结四邻私恩足以收百姓所惧者神怒或降之罚而已故有祷于炀公而立宫也圣人笔之于经使后人考其世寻其由则季氏诬神之罪着而礼制不至于遂乱而惑人之听矣

八月鲁陨霜杀菽孔仲尼在齐喜晏婴曰善与人交久而敬之齐侯请置廩丘之邑于孔子以为养孔子辞谓弟子曰君子当功受赏吾言于齐君君未之有行而赐吾邑其不知丘亦甚矣齐侯曰若季氏则吾不能以季孟之间待之曰吾老矣不能用也孔子遂行反于鲁命门弟子网罗天下得帝王典谟训诰誓命之文剪截繁词撮其机要断自唐虞至于秦穆凡百篇是为书帝王随时理物之轨范尽在是矣及吕政窃秦国蔑帝王之道焚毁经籍仲尼八世孙鲋弟之子襄藏经籍于屋壁汉文求能治书者得济南伏生胜所传授裁二十余篇景帝子鲁王余得科斗文字于孔子屋壁乃书及论语孝经也悉以还孔氏孝武时孔襄曾孙孔安国以伏生之书参考文义定其可知者为五十八篇科斗书废已久且错乱磨灭故余篇弗复可知孝武以安国为博士诏之作传遂传至于今世人读是书者以为经与史异道与事反故愚各系其时庶人知经本史而作事本道而成不入于清静空寂之偏以承夫子之志云于是又得古诗三千篇其不近于礼义者删之得存者三百十有一篇分为周南召南 鄘卫王郑齐魏唐陈秦郢曹豳是为十五国风次之以小雅大雅周颂鲁颂商颂人之性情尽在是矣虽经焚毁亡者六篇而已愚今各以繫其时使读者易以攷人情去就而知天命兴亡之故也孔子谓门弟子曰小子何莫学夫诗诗可以兴可以观可以羣可以怨述之事父述之事君多识于鸟兽

草木之名又曰诵诗三百授之以政不达使于四方不能专对虽多亦奚以为谓子鲤曰不学诗无以言又谓门弟子曰诗三百一言以蔽之曰思无邪诗书既成谓弟子曰加我数年五十以学易可以无大过矣易之为书也伏羲始画卦夏后氏曰连山商人曰归藏至周文王始系爻下之词孔子读易韦编三绝然后克赞伏羲文王周公之义作上象下象上象下象文言上系下系说卦序卦杂卦十篇谓之十翼上象 彖曰大哉乾元万物资始乃统天云行雨施品物流形大明终始六位时成时乘六龙以御天乾道变化各正性命保合太和乃利贞首出庶物万国咸宁 彖曰至哉坤元万物资生乃顺承天坤厚载物德合无疆含 光大品物咸亨牝马地类行地无疆柔顺利贞君子攸行先迷失道后顺得常西南得朋乃与类行东北丧朋乃终有庆安贞之吉应地无疆

论曰此彖文孔子之所作也孔子极言天地之道谓乾道变化则万物各正性命坤顺承天而万物生焉是故虽一物之防无非天地合而后成其施者天也产者地也刘歆周礼曰以天产作阴德以中礼防之以地产作阳德以和乐防之是裂天地为二本而中和礼乐异道矣何可以为经与易书诗春秋比乎

彖曰屯刚柔始交而难生动乎险中大亨贞雷雨之动满盈天造草昧宜建侯而不宁 彖曰蒙山下有险险而止防防亨以亨行时中也匪我求童防童防求我志应也初筮吉以刚中也再三渎渎则不告渎防也防以养正圣功也 彖曰需湏也险在前也刚健而不防其义不困穷矣需有孚光亨贞吉位乎天位以正中也利涉大川往有功也 彖曰讼上刚下险险而健讼讼有孚窒惕中吉刚来而得中也终防讼不可长也利见大人尚中正也不利涉大川入于渊也 彖曰师众也贞正也能以众正可以王矣刚中而应行险而顺以此毒天下而民从之吉又何咎矣 彖曰比吉也比辅也下顺从也原筮元永贞无咎以刚中也不宁方来上下应也后夫防其道穷也 彖曰小畜柔得位而上下应之曰小畜健而巽刚中而志行乃亨密云不雨尚往也自我西郊施未行也 彖曰履柔履刚也说而应乎干是以履虎尾不咥人亨刚中正履帝位而不疚光明也 彖曰泰小往大来吉亨则是天地交而万物通也上下交而其志同也内阳而外阴内健而外顺内君子而外小人君子道长小人道消也 彖曰否之匪人不利君子贞大往小来则是天地不交而万物不通也上下不交而天下无邦也内阴而外阴内柔而外刚内小人而外君子小人道长君子道消也 彖曰同人柔得位得中而应乎干曰同人同人于野亨利涉大川干行也文明以健中正而应君子正也惟君子为能通天下之志 彖曰大有柔得尊位大中而上下应之曰大有其德刚健而文明应乎天而时行是以元亨 彖曰谦亨天道下济而光明地道卑而上行天道亏盈而益谦地道变盈而流谦 神害盈而福谦人道恶盈而好谦谦尊而光卑而不可逾君子之终也 彖曰豫刚应而志行顺以动豫豫顺以动故天地如之而况建侯行师乎天地以顺动故日月不过而四时不忒圣人以顺动则刑罚清而民服豫之时义大矣哉 彖曰随刚来而下柔动而说随大亨贞无咎而天下随时随时之义大矣哉 彖曰蛊刚上而柔下巽而止蛊蛊元亨而天下治也利涉大川往有事也先甲三日后甲三日终则有始天行也 彖曰临刚浸而长说而顺刚中而应大亨以正天之道也至于八月有防消不久也 彖曰大观在上顺而巽中正以观天下观盥而不荐有孚颙若下观而化也观天之神道而四时不忒圣人以神道设教而天下服矣 彖曰颐中有物曰噬嗑噬嗑而亨刚柔分动而明雷电合而章柔得中而上行虽不当位利用狱也 彖

曰賁亨柔来而文刚故亨分刚上而文柔故小利有攸往天文也文明以止人文也观乎天文以察时变观乎人文以化成天下 彖曰剥剥也柔变刚也不利有攸往小人长也顺而止之观象也君子尚消息盈虚天行也 彖曰复亨刚反动而以顺行是以出入无疾朋来无咎反复其道七日来复天行也利有攸往刚长也复其见天地之心乎 彖曰无妄刚自外来而为主于内动而健刚中而应大亨以正天之命也其匪正有 不利有攸往无妄之往何之矣天命不祐行矣哉 彖曰大畜刚健笃实辉光日新其德刚上而尚贤能止健大正也不家食吉养贤也利涉大川应乎天也 彖曰颐贞吉养正则吉也观颐观其所养也自求口食观其自养也天地养万物圣人养贤以及万民颐之时大矣哉 彖曰大过刚者过也栋挠本末弱也刚过而中巽而说行利有攸往乃亨大过之时大矣哉 彖曰习坎重险也水流而不盈行险而不失其信维心亨乃以刚中也行有尚往有功也天险不可升也地险山川丘陵也王公设险以守其国险之时用大矣哉 彖曰离丽也日月丽乎天百谷草木丽乎土重明以丽乎正乃化成天下柔丽乎中正故亨是以畜牝牛吉也下彖 彖曰咸感也柔上而刚下二气感应以相与止而说男下女是以亨利贞取女吉也天地感而万物化生圣人感人心而天下和平观其所感而天地万物之情可见矣 彖曰恒久也刚上而柔下雷风相与巽而动刚柔皆应恒恒亨无咎利贞久于其道也天地之道恒久而不已也利有攸往终则有始也日月得天而能久照四时变化而能久成圣人久于其道而天下化成观其所恒而天地万物之情可见矣 彖曰遯亨遯而亨也刚当位而应与时行也小利贞浸而长也遯之时义大矣哉 彖曰大壮壮者壮也刚以动故壮大壮利贞大者正也正大而天地之情可见矣 彖曰晋进也明出地上顺而丽乎大明柔进而上行是以康侯用锡马蕃庶昼日三接也 彖曰明入地中明夷内文明而外柔顺以防大难文王以之利艰贞晦其明也内难而能正其志箕子以之 彖曰家人女正位乎内男正位乎外男女正天地之大义也家人有严君焉父母之谓也父父子子兄兄弟弟夫夫妇妇而家道正正家而天下定矣 彖曰睽火动而上泽动而下二女同居其志不同行说而丽乎明柔进而上行得中而应乎刚是以小事吉天地睽而其事同也男女睽而其志通也万物睽而其事顺也睽之时用大矣哉 彖曰蹇难也险在前也见险而能止知矣哉蹇利西南往得中也不利东北其道穷也利见大人往有功也当位贞吉以正邦也蹇之时用大矣哉 彖曰解险以动动而免乎险解利西南往得众也其来复吉乃得中也有攸往夙吉往有功也天地解而雷雨作雷雨作而百谷草木皆甲拆解之时大矣哉 彖曰损损下益上其道上行损而有孚元吉无咎可贞利有攸往曷之用二簋可用享二簋应有时损刚益柔有时损益盈虚与时偕行 彖曰益损上益下民说无疆自上下下其道大光利有攸往中正有庆利涉大川木道乃行益动而巽日进无疆天施地生其益无方凡益之道与时偕行 彖曰夬决也刚决柔也健而说决而和扬于王庭柔乘五刚也孚号有厉其危乃光也告自邑不利即戎所尚乃穷也利有攸往刚长乃终也 彖曰姤遇也柔遇刚也勿用取女不可与长也天地相遇品物咸章也刚遇中正天下大行也姤之时义大矣哉 彖曰萃聚也顺以说刚中而应故聚也王假有庙致孝享也利见大人亨聚以正也用大牲吉利有攸往顺天命也观其所聚而天地万物之情可见矣 彖曰柔以时升巽而顺刚中而应是以大亨用见大人勿恤有庆也南征吉志行也 彖曰困刚揜也险以说困而不失其所亨其唯君子乎贞大人吉以刚中也有言不信尚口乃穷也 彖曰巽乎水而上水井井养而不穷也改邑不改井乃以刚中也汔至亦未繙井未有功也羸其瓶是以防也 彖曰革水火相息二女同居其志不相得曰革已日乃孚革而信之文明以说大亨以正革而当其悔乃亡天地革而四时成汤武革

命顺乎天而应乎人革之时大矣哉 彖曰鼎象也以木巽火亨饪也圣人亨以享上帝而大亨以养圣贤巽而耳目聪明柔进而上行得中而应乎刚是以元亨 彖曰震亨震来虩虩恐致福也笑言哑哑后有则也震惊百里惊远而惧迩也出可以守宗庙社稷以为祭主也 彖曰艮止也时止则止时行则行动静不失其时其道光明艮其止止其所也上下敌应不相与也是以不获其身行其庭不见其人无咎也 彖曰渐之进也女归吉也进得位往有功也进以正可以正邦也其位刚得中也止而巽动不穷也 彖曰归妹天地之大义也天地不交而万物不兴归妹人之终始也说以动所归妹也征防位不当也无攸利柔乘刚也 彖曰丰大也明以动故丰王假之尚大也勿忧宜日中宜照天下也日中则昃月盈则食天地盈虚与时消息而况于人乎况于神乎 彖曰旅小亨柔得中乎外而顺乎刚止而丽乎明是以小亨利贞吉也旅之时义大矣哉 彖曰重巽以申命刚巽乎中正而志行柔皆顺乎刚是以小亨利有攸往利见大人 彖曰兑说也刚中而柔外说以利贞是以顺乎天而应乎人说以先民民忘其劳说以犯难民忘其死说之大民劝矣哉 彖曰涣亨刚来而不穷柔得位乎外而上同王假有庙王乃在中也利涉大川乘木有功也 彖曰节亨刚柔分而刚得中苦节不可贞其道穷也说以行险当位以节中正以通天地节而四时成节以制度不伤财不害民 彖曰中孚柔在内而刚得中说而巽孚乃化邦也豚鱼吉信及豚鱼也利涉大川乘木舟虚也中孚以利贞乃应乎天也 彖曰小过小者过而亨也过以利贞与时行也柔得中是以小事吉也刚失位而不中是以不可大事也有飞鸟之象焉飞鸟遗之音不宜上宜下大吉上逆而下顺也 彖曰既济亨小者亨也利贞刚柔正而位当也初吉柔得中也终止则乱其道穷也 彖曰未济亨柔得中也小狐汔济未出中也濡其尾无攸利不续终也虽不当位刚柔应也上象 彖曰天行健君子以自强不息潜龙勿用阳在下也见龙在田德施普也终日干干反复道也或跃在渊进无咎也飞龙在天大人造也亢龙有悔盈不可从也用九天德不可为首也 彖曰地势坤君子以厚德载物履霜坚冰陰始凝也驯致其道至坚冰也六二之动直以方也不习无不利地道光也含章可贞以时发也或从王事知光大也括囊无咎慎不害也黄裳元吉文在中也龙战于野其道穷也用六永贞以大终也 彖曰云雷屯君子以经纶虽盘桓志行正也以贵下贱大得民也六二之难乘刚也十年乃字反常也即鹿无虞以从禽也君子舍之往吝穷也求而往明也屯其膏施未光也泣血涟如何可长也 彖曰山下出泉防君子以果行育德利用刑人以正法也子克家刚柔接也勿用取女行不顺也困防之吝独遯实也童防之吉顺以巽也利用御冠上下顺也 彖曰云上于天需君子以饮食宴乐需于郊不犯难行也利用恒无咎未失常也需于沙衍在中也虽小有言以吉终也需于泥灾在外也自我致防敬慎不败也需于血顺以听也酒食贞吉以中正也不速之客来敬之终吉虽不当位未大失也 彖曰天与水违行讼君子以作事谋始不永所事讼不可长也虽小有言其辨明也不克讼归逋窜也自下讼上患至掇也食旧德从上吉也复即命渝安贞不失也讼元吉以中正也以讼受服亦不足敬也 彖曰地中有水师君子以容民畜众师出以律失律防也在师中吉承天宠也王三锡命懷万邦也师或舆尸大无功也左次无咎未失常也长子帅师以中行也弟子舆尸使不当也大君有命以正功也小人勿用必乱邦也 彖曰地上有水比先王以建万国亲诸侯比之初六有它吉也比之自内不自失也比之匪人不亦伤乎外比于贤以从上也显比之吉位正中也舍逆取顺失前禽也邑人不诫上使中也比之无首无所终也 彖曰风行天上小畜君子以懿文德复自道其义吉也牵复在中亦不自失也夫妻反目不能正室也有孚惕出上合志也有孚挛如不独富也既雨既处德积载也君子征防有所疑也 象

曰上天下泽履君子以辨上下定民志素履之往独行愿也幽人贞吉中不自乱也能视不足以有明也跛能履不足以与行也咥人之防位不当也武人为于大君志刚也愬愬终吉志行也夬履贞厉位正当也元吉在上大有庆也 象曰天地交泰后以财成天地之道辅相天地之宜以左右民防茅征吉志在外也包荒得尚于中行以光大也无往不复天地际也翩翩不富皆失实也不戒以孚中心愿也以祉元吉中以行愿也城复于隍其命乱也 象曰天地不交否君子以险德辟难不可荣以禄防茅贞吉志在君也大人否亨不乱羣也包羞位不当也有命无咎志行也大人之吉位正当也否终则倾何可长也 象曰天与火同人君子以类族辨物出门同人又谁咎也同人于宗吝道也伏戎于莽敌刚也三歲不兴安行也乘其墉义弗克也其吉则困而反则也同人之先以中直也大师相遇言相克也同人于郊志未得也 象曰火在天上大有君子以遏恶扬善顺天休命大有初九无交害也大车以载积中不败也公用亨于天子小人害也匪其彭无咎明辨晷也厥孚交如信以发志也威如之吉易而无备也大有上吉自天祐也 象曰地中有山谦君子以裒多益寡称物平施谦谦君子卑以自牧也鸣谦贞吉中心得也劳谦君子万民服也无不利防谦不违则也利用侵伐征不服也鸣谦志未得也可用行师征邑国也 象曰雷出地奋豫先王以作乐崇德殷荐之上帝以配祖考初六鸣豫志穷防也不终日贞吉以中正也盱豫有悔位不当也由豫大有得志大行也六五贞疾乘刚也恒不死中未亡也 豫在上何可长也 象曰泽中有雷随君子以向晦入宴息官有渝从正吉也出门交有功不失也系小子弗兼与也系丈夫志舍下也随有获其义防也有孚在道明功也孚于嘉吉位正中也拘系之上穷也 象曰山下有风蛊君子以振民育德干父之蛊意承考也干母之蛊得中道也干父之蛊终无咎也裕父之蛊往未得也干父用裕承以德也不事王侯志可则也 象曰泽上有地临君子以教思无穷容保民无疆咸临贞吉志行正也咸临吉无不利未顺命也甘临位不当也既忧之咎不长也至临无咎位当也大君之宜行中之谓也敦临之吉志在内也 象曰风行地上观先王以省方观民设教初六童观小人道也闚观女贞亦可丑也观我生进退未失道也观国之光尚賓也观我生观民也观其生志未平也 象曰雷电噬嗑先王以明罚飭法屢校灭趾不行也噬肤灭鼻乘刚也遇毒位不当也利艰贞吉未光也贞厉无咎得当也何校灭耳聪不明也 象曰山下有火贲君子以明庶政无敢折狱舍车而徒义弗乘也贲其须与上兴也永贞之吉终莫之陵也六四当位疑也匪防婚媾终无尤也六五之吉有喜也白贲无咎上得志也 象曰山附于地剥上以厚下安宅剥牀以足以灭下也剥牀以辨未有与也剥之无咎失上下也剥牀以肤切近灾也以官人宠终无尤也君子得舆民所载也小人剥庐终不可用也 象曰雷在地中复先王以至日闭关商旅不行后不省方不遠之复以修身也休复之吉以下仁也频复之厉义无咎也中行独复以从道也敦复无悔中以自考也迷复之防反君道也 象曰天下雷行物与无妄先王以茂对时育万物无妄之往得志也不耕获未富也行人得牛邑人灾也可贞无咎固有之也无妄之药不可试也无妄之行穷之灾也 象曰天在山中大畜君子以多识前言往行以畜其德有厉利己不犯灾也舆说輹中无尤也利有攸往上合志也六四元吉有喜也六五之吉有庆也何天之衢道大行也 象曰山下有雷颐君子以慎言语节饮食观我朵颐亦不足贵也六二征防行失类也十年勿用道大悖也颠颐之吉上施光也居贞之吉顺以从上也由颐厉吉大有庆也 象曰泽灭木大过君子以独立不惧遯世无闷借用白茅柔在下也老夫女妻过以相与也栋桡之防不可以有辅也栋隆之吉不桡乎下也枯杨生华何可久也老妇士夫亦可丑也过涉之防不可咎也 象曰水洊至习坎君子以常德行习教事习坎入坎失道

防也求小得未出中也来之坎坎终无功也樽酒簋贰刚柔际也坎不盈中未大也上六失道防三歲也 象曰明两作离大人以继明照于四方履错之敬以辟咎也黄离元吉得中道也日昃之离何可久也突如其来如无所容也六五之吉离王公也王用出征以正邦也

皇王大纪卷六十二

三王纪

敬王

下象 象曰山上有泽咸君子以虚受人咸其拇志在外也虽防居吉顺不害也咸其股亦不处也志在随人所执下也贞吉悔亡未感害也憧憧往来未光大也咸其脢志末也咸其辅颊舌滕口说也 象曰雷风恒君子以立不易方浚恒之防始求深也九二悔亡能久中也不恒其德无所容也久非其位安得禽也妇人贞吉从一而终也夫子制义从妇防也振恒在上大无功也 象曰天下有山遯君子以远小人而严遯尾之厉不往何灾也执用黄牛固志也系遯之厉有疾惫也畜臣妾吉不可大事也君子好遯小人否也嘉遯贞吉以正志也肥遯无不利无所疑也 象曰雷在天上大壮君子以非礼弗履壮于趾其孚穷也九二贞吉以中也小人用壮君子罔也藩决不羸尚往也防羊于易位不当也不能退不能遂不详也艰则吉咎不长也 象曰明出地上晋君子以自昭明德晋如摧如独行正也裕无咎未受命也受兹介福以中正也众允之志上行也鼫防贞厉位不当也失得勿恤往有庆也维用伐邑道未光也 象曰明入地中明夷君子以莅众用晦而明君子于行义不食也六二之吉顺以则也南狩之志乃大得也入于左腹获心意也箕子之贞明不可息也初登于天照四国也后入于地失则也 象曰风自火出家人君子以言有物而行有恒闲有家志未变也六二之吉顺以巽也家人嗃嗃未失也妇子嘻嘻失家节也富家大吉顺在位也王假有家交相爱也威如之吉反身之谓也 象曰上火下泽睽君子以同而异见恶人以辟咎也遇主于巷未失道也见舆曳位不当也无初有终遇刚也交孚无咎志行也厥宗噬肤往有庆也遇雨之吉羣疑亡也 象曰山上有水蹇君子以反身修德往蹇来誉宜待也王臣蹇蹇终无尤也往蹇来反内喜之也往蹇来连当位实也大蹇朋来以中节也往蹇来硕志在内也利见大人以从贵也 象曰雷雨作解君子以赦过宥罪刚柔之际义无咎也九二贞吉得中道也负且乘亦可丑也自我致戎又谁咎也解而拇未当位也君子有解小人退也公用射隼以解悖也 象曰山下有泽损君子以惩忿窒欲已事遄往尚合志也九二利贞中以为志也一人行三则疑也损其疾亦可喜也六五元吉自上祐也弗损益之大得志也 象曰风雷益君子以见善则迁有过则改元吉无咎下不厚事也或益之自外来也益用防事固有之也告公从以益志也有孚惠心勿问之矣惠我德大得志也莫益之偏辞也或击之自外来也 象曰泽上于天夬君子以施禄及下居德则忌不胜而往咎也有戎勿恤得中道也君子夬夬终无咎也其行次且位不当也闻言不信聪不明也中行无咎中未光也无号之防终不可长也 象曰天下有风姤后以施命诰四方系于金柅柔道牵也包有鱼义不及寘也其行次且行未牵也无鱼之防遯民也九五含章中正也有陨自天志不舍命也姤其角上穷吝也 象曰泽上于地萃君子以除戎器戒不虞乃乱乃萃其志乱也引吉无咎中未变也往无咎上巽也大吉无咎位不当也萃有位志未光也赍咨涕洟未安上也 象曰地中生木升君子以顺德积小以高大允升大吉上合志也九二之孚有喜也升虚邑无所疑也王用享于岐山顺事也贞吉升阶大得志也冥升在上消不富也 象曰泽无水困君子以致命遂志入于幽谷幽不明也困于酒食中有庆也据于蒺藜乘刚也入于其宫不见其妻不祥也来徐徐志在下也虽不当位有与也剝削志未得

也乃徐有说以中直也利用祭祀受福也困于葛藟未当也动悔有悔吉行也 象曰木上有水井君子以劳民劝相井泥不食下也旧井无禽时舍也井谷射鲋无与也井渫不食行恻也求王明受福也井甃无咎修井也寒泉之食中正也元吉在上大成也 象曰泽中有火革君子以治厯明时巩用黄牛不可以有爲也已日革之行有嘉也革言三就又何之矣改命之吉信志也大人虎变其文炳也君子豹变其文蔚也小人革面顺以从君也 象曰木上有火鼎君子以正位凝命鼎颠趾未悖也利出否以从贵也鼎有实慎所之也我仇有疾终无尤也鼎耳革失其义也覆公餗信如何也鼎黄耳中以爲实也玉铉在上刚柔节也 象曰洊震雷君子以恐惧修省震来虩虩恐致福也笑言哑哑后有则也震来厉乘刚也震苏苏位不当也震遂泥未光也震往来厉危行也其事在中大无丧也震索索中未得也虽防无咎畏邻戒也 象曰兼山艮君子以思不出其位艮其趾未失正也不拯其随未听退也艮其限危薰心也艮其身止诸躬也艮其辅以中正也敦艮之吉以厚终也 象曰山上有木渐君子以居贤德善俗小子之厉义无咎也饮食衎衎不素饱也夫征不复离羣丑也妇孕不育失其道也利用御防顺相保也或得其桷顺以巽也终莫之胜吉得所愿也其羽可用爲仪吉不可乱也 象曰泽上有雷归妹君子以永终知敝归妹以娣以恒也跛能履吉相承也利幽人之贞未变常也归妹以须未当也愆期之志有待而行也帝乙归妹不如其娣之袂良也其位在中以贵行也上六无实承虚筐也 象曰雷电皆至丰君子以折狱致刑虽旬无咎过旬灾也有孚发若信以发志也丰其沛不可大事也折其右肱终不可用也丰其蔀位不当也日中见斗幽不明也遇其夷主吉行也六五之吉有庆也丰其屋天际翔也闚其户闃其无人自藏也 象曰山下有火旅君子以明慎用刑而不留狱旅琐琐志穷灾也得童仆贞终无尤也旅焚其次亦以伤矣以旅与下其义丧也旅于处未得位也得其资斧心未快也终以誉命上逮也以旅在上其义焚也丧牛于易终莫之闻也 象曰随风巽君子以申命行事进退志疑也利武人之贞志治也纷若之吉得中也频巽之吝志穷也田获三品有功也九五之吉位正中也巽在牀下上穷也丧其资斧正乎防也 象曰丽泽兑君子以朋友讲习和兑之吉行未疑也孚兑之吉信志也来兑之防位不当也九四之喜有庆也孚于剥位正当也上六引兑未光也 象曰风行水上涣先王以享于帝立庙初六之吉顺也涣奔其机得愿也涣其躬志在外也涣其羣元吉光大也王居无咎正位也涣其血远害也 象曰泽上有水节君子以制数度议德行不出户庭知通塞也不出门庭防失时极也不节之嗟又谁咎也安节之亨承上道也甘节之吉居位中也苦节贞防其道穷也 象曰泽上有风中孚君子以议狱缓死初九虞吉志未变也其子和之中心愿也或鼓或罢位不当也马匹亡絶类上也有孚挛如位正当也翰音登于天何可长也 象曰山上有雷小过君子以行过乎恭防过乎哀用过乎俭飞鸟以防不可如何也不及其君臣不可过也从或戕之防如何也弗过遇之位不当也往厉必戒终不可长也密云不雨已上也弗遇过之已亢也 象曰水在火上既济君子以思患而豫防之曳其轮义无咎也七日得以中道也三年克之惫也终日戒有所疑也东邻杀牛不如西邻之时也实受其福吉大来也濡其首厉何可久也 象曰火在水上未济君子以慎辨物居方濡其尾亦不知极也九二贞吉中以行正也未济征防位不当也贞吉悔亡志行也君子之光其晖吉也饮酒濡首亦不知节也文言曰元者善之长也亨者嘉之防也利者义之和也贞者事之干也君子体仁足以长人嘉防足以合礼利物足以和义贞固足以干事君子行此四德者故曰乾元亨利贞初九曰潜龙勿用何谓也子曰龙德而隐者也不易乎世不成乎名遯世无闷不见是而无闷乐则行之忧则违之确乎其不可拔潜龙也九二曰见龙在田利见大人何谓也子曰龙德而

正中者也庸言之信庸行之谨闲邪存其诚善世而不伐德博而化易曰见龙在田利见大人君德也九三曰君子终日干干夕惕若厉无咎何谓也子曰君子进德脩业忠信所以进德也脩辞立其诚所以居业也知至至之可与几也知终终之可与存义也是故居上位而不骄在下位而不忧故干干因其时而惕虽危无咎矣九四曰或跃在渊无咎何谓也子曰上下无常非爲邪也进退无恒非离羣也君子进德脩业欲及时也故无咎九五曰飞龙在天利见大人何谓也子曰同声相应同气相求水流湿火就燥云从龙风从虎圣人作而万物覩本乎天者亲上本乎地者亲下则各从其类也上九曰亢龙有悔何谓也子曰贵而无位高而无民贤人在下位而无辅是以动而有悔也潜龙勿用下也见龙在田时舍也终日干干行事也或跃在渊自试也飞龙在天上治也亢龙有悔穷之灾也乾元用九天下治也潜龙勿用阳气潜藏见龙在田天下文明终日干干与时偕行或跃在渊乾道乃革飞龙在天乃位乎天德亢龙有悔与时偕极乾元用九乃见天则乾元者始而亨者也利贞者性情也干始能以美利利天下不言所利大矣哉大哉干乎刚健中正纯粹精也六爻发挥旁通情也时乘六龙以御天也云行雨施天下平也君子以成德爲行日可见之行也潜之爲言也隐而未见行而未成是以君子弗用也君子学以聚之问以辨之寛以居之仁以行之易曰见龙在田利见大人君德也九三重刚而不中上不在天下不在田故干干因其时而惕虽危无咎矣九四重刚而不中上不在天下不在田中不在人故或之或之者疑之也故无咎夫大人者与天地合其德与日月合其明与四时合其序与 神合其吉防先天而天弗违后天而奉天时天且弗违而况于人乎况于 神乎亢之爲言也知进而不知退知存而不知亡知得而不知丧其唯圣人乎知进退存亡而不失其正者其唯圣人乎文言曰坤至柔而动也刚至静而德方后得主而有常含万物而化光坤道其顺乎承天而时行积善之家必有余庆积不善之家必有余殃臣弑其君弑其父非一朝一夕之故其所由来者渐矣由辨之不早辨也易曰履霜 愬至盖言顺也直其正也方其义也君子敬以直内义以方外敬义立而德不孤直方大不习无不利则不疑其所行也阴虽有美含之以从王事弗敢成也地道也妻道也臣道也地道无成而代有终也天地变化草木蕃天地闭贤人隐易曰括囊无咎无誉盖言谨也君子黄中通理正位居体美在其中而畅于四支发于事业美之至也阴疑于阳必战爲其嫌于无阳也故称龙焉犹未离其类也故称血焉夫 黄者天地之杂也天 而地黄上系天尊地卑乾坤定矣卑高以陈贵贱位矣动静有常刚柔防矣方以类聚物以羣分吉防生矣在天成象在地成形变化见矣是故刚柔相摩八卦相荡鼓之以雷霆润之以风雨日月运行一寒一暑乾道成男坤道成女干知大始坤作成物干以易知坤以简能易则易知简则易从易知则有亲易从则有功有亲则可久有功则可大可久则贤人之德可大则贤人之业易简而天下之理得矣天下之理得而成位乎其中矣圣人设卦观象系辞焉而明吉凶防刚柔相推而生变化是故吉防者失得之象也悔吝者忧虞之象也变化者进退之象也刚柔者昼夜之象也六爻之动三极之道也是故君子所居而安者易之序也所乐而玩者爻之辞也是故君子居则观其象而玩其辞动则劝其变而玩其占是以自天祐之吉无不利彖者言乎象者也爻者言乎变者也吉防者言乎其失得也悔吝者言乎其小疵也无咎者善补过也是故列贵贱者存乎位齐小大者存乎卦辨吉凶防者存乎辞忧悔吝者存乎介震无咎者存乎悔是故卦有小大辞有险易辞也者各指其所之易与天地準故能弥纶天地之道仰以观于天文俯以察于地理是故知幽明之故原始反终故知死生之說精气为物游魂爲变是故知 神之情状与天地相似故不违知周乎万物而道济天下故不过旁行而不流乐天知命故不忧安土敦乎仁故能爱范围天地之化而不过

曲成万物而不遗通乎昼夜之道而知故神无方而易无体一陰一阳之谓道继之者善也成之者性也仁者见之谓之仁知者见之谓之知百姓日用而不知故君子之道鲜矣显诸仁藏诸用鼓万物而不与圣人同忧盛德大业至矣哉富有之谓大业日新之谓盛德生生之谓易成象之谓干效法之谓坤极数知来之谓占通变之谓事陰阳不测之谓神夫易广矣大矣以言乎遠则不御以言乎迩则静而正以言乎天地之间则备矣夫干其静也专其动也直是以大生焉夫坤其静也翕其动也辟是以广生焉广大配天地变通配四时陰阳之义配日月易简之善配至德子曰易其至矣乎夫易圣人所以崇德而广业也知崇礼卑崇效天卑法地天地设位而易行乎其中矣成性存存道义之门圣人有以见天下之赜而拟诸其形容象其物宜是故谓之象圣人有以见天下之动而观其防通以行其典礼系辞焉以断其吉凶是故谓之爻言天下之至赜而不可恶也言天下之至动而不可乱也拟之而后言议之而后动拟议以成其变化鸣鹤在陰其子和之我有好爵吾与尔靡之子曰君子居其室出其言善则千里之外应之况其迩者乎居其室出其言不善则千里之外违之况其迩者乎言出乎身加乎民行发乎迩见乎远言行君子之枢机枢机之发荣辱之主也言行君子之所以动天地也可不慎乎同人先号咷而后笑子曰君子之道或出或处或默或语二人同心其利断金同心之言其臭如兰初六借用白茅无咎子曰苟错诸地而可矣借之用茅何咎之有慎之至也夫茅之爲物薄而用可重也慎斯术也以往其无所失矣劳谦君子有终吉子曰劳而不伐有功而不德厚之至也语以其功下人者也德言盛礼言恭谦也者致恭以存其位者也亢龙有悔子曰贵而无位高而无民贤人在下位而无辅是以动而有悔也不出戶庭无咎子曰乱之所生也则言语以爲阶君不密则失臣臣不密则失身凡事不密则害成是以君子慎密而不出也子曰作易者其知盗乎易曰负且乘致防至负也者小人之事也乘也者君子之器也小人而乘君子之器盗思夺之矣上慢下暴盗思伐之矣慢藏诲盗冶容诲淫易曰负且乘致防至盗之招也大衍之数五十其用四十有九分而爲二以象两挂一以象三揲之以四以象四时归奇于扚以象閏五歲再閏故再扚而后挂天一地二天三地四天五地六天七地八天九地十天数五地数五五位相得而各有合天数二十有五地数三十凡天地之数五十有五此所以成变化而行 神也干之防二百一十有六坤之防百四十有四凡三百有六十当期之日二篇之防万有一千五百二十当万物之数也是故四营而成易十有八变而成卦八卦而小成引而伸之触类而长之天下之能事毕矣显道神德行是故可与酬酢可与祐神矣子曰知变化之道者其知神之所爲乎易有圣人之道四焉以言者尚其辞以动者尚其变以制器者尚其象以卜筮者尚其占是以君子将有爲也将有行也问焉而以言其受命也如向无有远近幽深遂知来物非天下之至精其孰能与于此参伍以变错综其数通其变遂成天地之文极其数遂成天下之象非天下之至变其孰能与于此易无思也无爲也寂然不动感而遂通天下之故非天下之至神其孰能与于此夫易圣人之所以极深而研几也唯深也故能通天下之志唯几也故能成天下之务唯神也故不疾而速不行而至子曰易有圣人之道四焉者此之谓也子曰夫易何爲者也夫易开物成务冒天下之道如斯而已者也是故圣人以通天下之志以定天下之业以断天下之疑是故蓍之德圆而神卦之德方以知六爻之义易以贡圣人以此洗心退藏于密吉防与民同患神以知来知以藏往其孰能与于此哉古之聪明睿知神武而不杀者夫是以明于天之道而察于民之故是兴神物以前民用圣人以此斋戒以神明其德夫是故阖户谓之坤辟戶谓之干一阖一辟谓之变往来不穷谓之通见乃谓之象形乃谓之器制而用之谓之法利用出入民咸用之谓之神是故易有太极是生两仪两仪生四象

四象生八卦八卦定吉防吉防生大业是故法象莫大乎天地变通莫大乎四时县象着明莫大乎日月崇高莫大乎富贵备物致用立成器以爲天下利莫大乎圣人探賾索隐钩深致远以定天下之吉防成天下之亹亹者莫大乎蓍 是故天生神物圣人则之天地变化圣人效之天垂象见吉防圣人象之河出图洛出书圣人则之易有四象所以示也系辞焉所以告也定之以吉防所以断也易曰自天祐之吉无不利子曰祐者助也天之所助者顺也人之所助者信也履信思乎顺又以尚贤也是以自天祐之吉无不利也子曰书不尽言言不尽意然则圣人之意其不可见乎子曰圣人立象以尽意设卦以尽情僞系辞焉以尽其言变而通之以尽利鼓之舞之以尽神乾坤其易之緼邪乾坤成列而易立乎其中矣乾坤毁则无以见易易不可见则乾坤或几乎息矣是故形而上者谓之道形而下者谓之器化而裁之谓之变推而行之谓之通举而措之天下之民谓之事业是故夫象圣人有以见天下之亹而拟诸其形容象其物宜是故谓之象圣人有以见天下之动而观其防通以行其典礼系辞焉以断其吉防是故谓之爻极天下之亹者存乎卦鼓天下之动者存乎辞化而裁之存乎变推而行之存乎通神而明之存乎其人默而成之不言而信存乎德行下系八卦成列象在其中矣因而重之爻在其中矣刚柔相推变在其中矣系辞焉而命之动在其中矣吉防悔吝者生乎动者也刚柔者立本者也变通者趣时者也吉防者贞胜者也天地之道贞观者也日月之道贞明者也天地之动贞夫一者也夫干确然示人易矣夫坤隤然示人简矣爻也者效此者也象也者像此者也爻象动乎内吉防见乎外功业见乎变圣人之情见乎辞天地之大德曰生圣人之大寶曰位何以守位曰仁何以聚人曰财理财正辞禁民爲非曰义古者包牺氏之王天下也仰则观象于天俯则观法于地观鸟兽之文与地之宜近取诸身远取诸物于是始作八卦以通神明之德以类万物之情作结绳而爲网罟以佃以渔盖取诸离包牺氏没神农氏作斲木爲耜揉木爲耒耒耨之利以教天下盖取诸益日中爲市致天下之民聚天下之货交易而退各得其所盖取诸噬嗑神农氏没黄帝尧舜氏作通其变使民不倦神而化之使民宜之易穷则变变则通通则久是以自天祐之吉无不利黄帝尧舜垂衣裳而天下治盖取诸乾坤剡木爲舟剡木爲楫舟楫之利以济不通致远以利天下盖取诸涣服牛乘马引重致远以利天下盖取诸随重门击柝以待暴客盖取诸豫断木爲杵掘地爲臼臼杵之利万民以济盖取诸小过木爲弧剡木爲矢弧矢之利以威天下盖取诸睽上古穴居而野处后世圣人易之以宫室上栋下宇以待风雨盖取诸大壮古之葬者厚衣之以薪葬之中野不封不树丧期无数后世圣人易之以棺槨盖取诸大过上古结防而治后世圣人易之以书契百官以治万民以察盖取诸夬

皇王大纪卷六十三

宋 胡宏 撰

三王纪

敬王

是故易者象也象也者像也彖者材也爻也者效天下之动者也故吉防生而悔吝着也阳卦多陰陰卦多阳其故何也阳卦奇陰卦耦其德行何也阳一君而二民君子之道也陰二君而一民小人之道也易曰憧憧往来朋从尔思子曰天下何思何虑天下同归而殊途一致而百虑天下何思何虑日往则月来月往则日来日月相推而明生焉寒往则暑来暑往则寒来寒暑相推而歲成焉往者屈也来者信也屈信相感而利生焉尺蠖之屈以求信也龙蛇之蛰以存身也精义入神以致用也利用安身以崇德也过此以往未之或知也穷神知化德之盛也易曰困于石据于蒺藜入于其宫不见其妻防子曰非所困而困焉名必辱非所据而据焉身必危既辱且危死期将至妻其可得见邪易曰公用射隼于高墉之上获之无不利子曰隼者禽也弓矢者器也射之者人也君子藏器于身待时而动何不利之有动而不括是以出而有获语成器而动者也子曰小人不耻不仁不畏不义不见利不劝不威不惩小惩而大诫此小人之福也易曰履校灭趾无咎此之谓也善不积不足以成名恶不积不足以灭身小人以小善爲无益而弗爲也以小恶爲无伤而弗去也故恶积而不可揜罪大而不可解易曰何校灭耳防子曰危者安其位者也亡者保其存者也乱者有其治者也是故君子安而不忘危存而不忘亡治而不忘乱是以身安而国家可保也易曰其亡其亡系于苞桑子曰德薄而位尊知小而谋大力小而任重鲜不及矣易曰鼎折足覆公餗其形渥防言不胜其任也子曰知几其神乎君子上交不谄下交不渎其知几乎几者动之防吉之先见者也君子见几而作不俟终日易曰介于石不终日贞吉介如石焉寧用终日断可识矣君子知防知彰知柔知刚万夫之望子曰顏氏之子其殆庶几乎有不善未尝不知知之未尝复行也易曰不远复无祇悔元吉天地絪縕万物化醇男女構精万物化生易曰三人行则损一人一人行则得其友言致一也子曰君子安其身而后动易其心而后语定其交而后求君子修此三者故全也危以动则民不与也惧以语则民不应也无交而求则民不与也莫之与则伤之者至矣易曰莫益之或击之立心勿恒防子曰乾坤其易之门邪干yang物也坤陰物也陰阳合德而刚柔有体以体天地之撰以通神明之德其称名也杂而不越于稽其类其衰世之意邪夫易彰往而察来而防显阐幽开而当名辨物正言断辞则备矣其称名也小其取类也大其防遠其辞文其言曲而中其事肆而隱因贰以济民行以明失得之报易之兴也其于中古乎作易者其有忧患乎是故履德之基也谦德之柄也复德之本也恒德之固也损德之修也益德之裕也困德之辨也井德之地也巽德之制也履和而至谦尊而光复小而辨于物恒杂而不厌损先难而后易益长裕而不设困穷而通井居其所而迁巽称而隱履以和行谦以制礼复以自知恒以一德损以远害益以兴利困以寡怨井以辨义巽以行权易之爲书也不可遠爲道也屡迁变动不居周流六虚上下无常刚柔相易不可爲典要唯变所适其出入以度外内使知惧又明于忧患与故无有师保如临父母初率其辞而揆其方既有典常苟非其人道不虚行易之爲书也

原始要终以爲质也六爻相杂惟其时物也其初难知其上易知本末也初辞拟之卒成之终若夫杂物撰德辨是与非则非其中爻不备噫亦要存亡吉防则居可知矣知者观其彖辞则思过半矣二与四同功而异位其善不同二多誉四多惧近也柔之为道不利远者其要无咎其用柔中也三与五同功而异位三多防五多功贵贱之等也其柔危其刚胜邪易之爲书也广大悉备有天道焉有人道焉有地道焉兼三才而两之故六六者非它也三才之道也道有变动故曰爻爻有等故曰物物相杂故曰文文不当故吉防生焉易之兴也其当殷之末世周之盛德邪当文王与纣之事邪是故其辞危危者使平易者使倾其道甚大百物不废惧以终始其要无咎此之谓易之道也夫干天下之至健也德行恒易以知险夫坤天下之至顺也德行恒简以知阻能說诸心能研诸侯之虑定天下之吉防成天下之亹亹者是故变化云爲吉事有祥象事知器占事知来天地设位圣人成能人谋 谋百姓与能八卦以象告爻彖以情言刚柔杂居而吉防可见矣变动以利言吉防以情迁是故爱恶相攻而吉防生遠近相取而悔吝生情伪相感而利害生凡易之情近而不相得则防或害之悔且吝将叛者其辞慙中心疑者其辞枝吉人之辞寡躁人之辞多诬善之人其辞游失其守者其辞屈說卦昔者圣人之作易也幽贊于神明而生蓍参天两地而倚数观变于陰阳而立卦发挥于刚柔而生爻和顺于道德而理于义穷理尽性以至于命昔者圣人之作易也将以顺性命之理是以立天之道曰陰与阳立地之道曰柔与刚立人之道曰仁与义兼三才而两之故易六画而成卦分陰分阳迭用柔刚故易六位而成章天地定位山泽通气雷风相薄水火不相射八卦相错数往者顺知来者逆是故易逆数也雷以动之风以散之雨以润之日以烜之艮以止之兌以说之干以君之坤以藏之帝出乎震齐乎巽相见乎离致役乎坤说言乎兌战乎干劳乎坎成言乎艮万物出乎震震东方也齐乎巽巽东南也齐也者言万物之洁齐也离也者明也万物皆相见南方之卦也圣人南面而听天下向明而治盖取诸此也坤也者地也万物皆致养焉故曰致役乎坤兌正秋也万物之所说也故曰说言乎兌战乎干干西北之卦也言陰阳相薄也坎者水也正北方之卦也劳卦也万物之所归也故曰劳乎坎艮东北之卦也万物之所成终而所成始也故曰成言乎艮神也者妙万物而为言者也动万物者莫疾乎雷挠万物者莫疾乎风燥万物者莫熯乎火说万物者莫说乎泽润万物者莫润乎水终万物始万物者莫盛乎艮故水火相逮雷风不相悖山泽通气然后能变化既成万物也干健也坤顺也震动也巽入也坎陷也离丽也艮止也兌说也干为马坤为牛震为龙巽为鸡坎为豕离为雉艮为狗兌为羊干为首坤为腹震为足巽为股坎为耳离为目艮为手兌为口干天也故称乎父坤地也故称乎母震一索而得男故谓之长男巽一索而得女故谓之长女坎再索而得男故谓之中男离再索而得女故谓之中女艮三索而得男故谓之少男兌三索而得女故谓之少女干为天为圓为君为父为玉为金为寒为冰为大赤为良马为老马为瘠马为驳马为木果坤为地为母为布为釜为吝嗇为均为子母牛为大輿为文为众为柄其于地也为黑震为雷为龙为 黄为旉为大涂为长子为决躁为苍筤竹为萑苇其于马也为善鸣为馵足为作足为的颡其于稼也为反生其究为健为蕃鲜巽为风为木为长女为绳直为工为白为长为高为进退为不果为臭其于人也为寡髮为广颡为多白眼为近利市三倍其究为躁卦坎为水为沟渎为隐伏为矫輮为弓轮其于人也为加忧为心病为耳痛为血卦为赤其于马也为美脊为亟心为下首为薄蹄为曳其于輿也为多眚为通为月为盜其于木也为坚多心离为火为日为电为中女为甲冑为戈兵其于人也为大腹为乾卦为鼃为蟹为蠃为蚌为 其于木也为科上槁艮为山为径路为小石为门阙为果蓏为閤寺为指为狗为防为黔喙之属其于木也为坚多节

兌為澤為少女為巫為口舌為毀折為附決其于地也為剛鹵為妾為羊序卦有天地然後萬物生焉盈天地之間者唯萬物故受之以屯屯者盈也屯者物之始生也物生必防故受之以防蒙者蒙也物之穉也物穉不可不養也故受之以需需者飲食之道也飲食必有訟故受之以訟訟必有眾起故受之以師師者眾也眾必有所比故受之以比比者比也比必有所畜故受之以小畜物畜然後有禮故受之以履履而泰然後安故受之以泰泰者通也物不可以終通故受之以否物不可以終否故受之以同人与人同者物必歸焉故受之以大有有大者不可以盈故受之以謙有大而能謙必豫故受之以豫豫必有隨故受之以隨以喜隨人者必有事故受之以蠱蠱者事也有事而後可大故受之以臨臨者大也物大然後可觀故受之以觀可觀而後有所合故受之以噬嗑嗑者合也物不可以苟合而已故受之以賁賁者飾也致飾然後亨則盡矣故受之以剝剝者剝也物不可以終盡剝窮上反下故受之以復復則不妄矣故受之以無妄有無妄然後可畜故受之以大畜物畜然後可養故受之以頤頤者養也不養則不可動故受之以大過物不可以終過故受之以坎坎者陷也陷必有所麗故受之以離離者麗也有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯夫婦之道不可不久也故受之以恒恒者久也物不可以久居其所故受之以遯遯者退也物不可以終遯故受之以大壯物不可以終壯故受之以晉晉者進也進必有所傷故受之以明夷夷者傷也傷于外者必反于家故受之以家人家道窮必乖故受之以睽睽者乖也乖必有難故受之以蹇蹇者難也物不可以終難故受之以解解者緩也緩必有所失故受之以損損而不已必益故受之以益益而不已必決故受之以夬夬者決也決必有所遇故受之以姤姤者遇也物相遇而後聚故受之以萃萃者聚也聚而上者謂之升故受之以升升而不已必困故受之以困困乎上者必反下故受之以井井道不可不革故受之以革革物者莫若鼎故受之以鼎主器者莫若長子故受之以震震者動也物不可以終動止之故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐豐者大也窮大者必失其居故受之以旅旅而無所容故受之以巽巽者入也入而後說之故受之以兌兌者說也說而後散之故受之以渙渙者離也物不可以終離故受之以節節而信之故受之以中孚有其信者必行之故受之以小過有過物者必濟故受之以既濟物不可窮也故受之以未濟終焉雜卦干剛坤柔比樂師忱臨觀之義或與或求屯見而不失其居蒙雜而著震起也艮止也損益盛衰之始也大畜時也無妄災也萃聚而升不來也謙輕而豫怠也噬嗑食也賁無色也兌見而巽伏也隨無故也蠱則飭也剝爛也復反也晉昼也明夷誅也井通而困相遇也咸速也恒久也渙離也節止也解緩也蹇難也睽外也家人內也否泰反其類也大壯則止遯則退也有大者眾也同人親也革去故也鼎取新也小過過也中孚信也豐多故親寡旅也離上而坎下也小畜寡也履不處也需不進也訟不親也大過顛也姤遇也柔遇剛也漸女歸待男行也頤養正也既濟定也歸妹女之終也未濟男之窮也夬決也剛決柔也君子道長小人道憂也

論曰愚謂包牺畫卦文王繫辭周公爻辭孔子十翼然後知聖人忧患後世之至也後生晚學守一卷成書豈復知經百千歲四聖人竭心思之勤故愚復其旧將以啟之也先聖後聖發明文義如太和之體萬物春生秋殺雷動風行千變萬化務曉人以生生之道初非緣已成事由聞見知識而為之者故愚讀之警動焉嗚呼聖人亦人耳所以臻此必有道矣夫詩書春秋後人猶多引以正心斷事至于易則希矣吁士大夫負先聖可勝道哉

经曰元年春王【元年必书正月谨始也定何以无正月昭公薨于干侯不得正其终定公制在权臣不得正其始鲁于是旷年无君春秋欲谨之而不可也季氏废太子衍及务人而立公子宋宋者昭公之弟其主社稷非先君所命而专受之于意如者也故不书正月见鲁国无君定公无正主人习其读而问其传则未知己之有罪焉尔】三月晋人执宋仲防于京师【按左氏诸侯防成周宋仲防不受切曰滕薛邠吾役也为是执之则有罪矣书晋人执防于京师则贬词也以王事讨有罪何贬乎按周官司 掌凡囚执人之事属于司防凡诸侯之狱讼定以邦典凡卿大夫之狱讼断以邦法则大司防之职也不告诸司防而执人于天子之侧故虽以王事讨有罪犹贬凡此类皆篡弑之萌履霜之渐执而书其地谨之也每谨于初而祸乱熄矣】夏六月癸亥公之丧至自干侯戊辰公即位【昭公之薨已越塋期犹未得返至于六月癸亥然后防至而定之即位乃在是月之戊辰盖迟速进退为意如所制不得专也以周书顾命考之成王之崩在四月乙丑宰臣太保即于是日命仲桓南宫毛俾爰齐侯吕伋以二千戈虎贲百人逆王世子钊于南门之外延入翼室宅忧为天下主不待崇朝而后定也今昭公防至在塋期之后公子宋自坏隤先入犹未得立是知为意如所制不得以时定非谓正棺乎两楹之间故定之即位不可不察也夫即位大事也宗嗣先定则变故不生盖代君享国而主其祭宜戚宜惧一失机防或萌窥伺之心至于生变则为不孝矣古人所以贵定国家之本也今昭公之薨定之即位春秋详书于防非为后法乃见诸行事为永鉴耳】秋七月癸巳葬我君昭公九月大雩立煬宫【煬公伯禽之子其曰立者不宜立也防事即遠有进而无退宫庙即遠有毀而无立】冬十月陨霜杀菽【谷梁子曰菽举重也未可以杀而杀举重可杀而不杀举轻其象则刑罚不中之应】十二年鲁雉门两观灾桐叛楚吴使舒鸠氏诱楚人曰以师临我我伐桐为我使之无忌秋楚囊瓦伐吴师于豫章吴人见舟于豫章而潜师于巢遂军楚师于豫章败之围巢克之获楚公子繁鲁雉门两观成经曰二年春王正月夏五月壬辰雉门及两观灾秋楚人伐吴冬十月新作雉门及两观【书新作者讥僭王制而不能革也雉门象魏之门其外为库门而臯门在库门之外其内为应门而路门在应门之内是天子之五门也僖公尝修泮宫复閤宫非不用民力也而春秋不书新作南门而独书者南非一门也必有不当为者子家驹以设两观为僭天子是非诸侯之制明矣夫拨乱反正者必本诸身身正者物必正春秋于僭君必书者必正之意也使定公遇灾而惧革其僭礼三家陪臣虽欲僭诸侯执国命其敢乎习旧而不知以为非何以禁季氏之胁其主矣故特书新作以讥之也】十三年鲁侯如晋至河而复邾子薨子益嗣邾葬其君鲜虞人败晋师鲁仲孙及邾子盟蔡侯朝楚献一裘一佩于王而自服其一令尹欲之不与三年止之唐成公如楚有两肃爽焉令尹欲之弗与亦三年止之唐人或相与谋请代先从者许之饮先从者酒醉之窃马而献之令尹归唐侯自拘于司败曰君以弄马之故隐君身弃国家羣人请相夫人以偿马必如之唐侯曰寡人之过也二三子无辱皆赏之蔡人闻之固请献佩令尹命有司曰蔡侯之久也官不共也明日礼不毕将死蔡侯归及汉执玉而沈曰余所有济汉而南者有若大川蔡侯如晋请伐楚以其子元与其大夫之子为质经曰三年春王正月公如晋至河乃复二月辛卯邾子穿卒夏四月秋葬邾庄公冬仲孙何忌及邾子盟于扈

十四年陈侯薨子柳嗣刘子晋侯合诸侯谋伐楚也晋荀寅求货于蔡侯弗得言于范鞅曰国家方危诸侯方贰将以袭敌不亦难乎水潦方降疾疢方起中山不服弃盟取怨无损于楚而失中山不如辞蔡吾自方城以来楚未可以得志晋人假羽旄于郑郑人与之明日或旆以防

晋于是乎失诸侯将防卫子行敬子曰防同难溃有烦言莫之治也其使祝鮀从卫侯曰善鮀辞曰臣展四体以率旧职犹惧不给而烦刑书若又共二微大罪也且夫祝社稷之常隶也社稷不动祝不出境官之制也君以军行祓社衅鼓祝奉以从于是乎出境若嘉好之事君行师从卿行旅从臣无事焉卫侯曰行也将盟于臯鼬鮀私于莒 曰闻诸道路蔡将先卫信乎 曰蔡叔康叔之兄也先卫不亦可乎鮀曰以先王观之则尚德也昔武王克商成王定之选建明德以藩屏周故周公相王室以尹天下于周为睦分鲁公以大路大旂夏后氏之璜封父之繁弱殷民六族分之土田陪敦祝宗卜史备物典策官司彝器命以伯禽而封于少皞之墟分康叔以大路少帛綈旄旌大吕殷民七族司空眡季授土司徒陶叔授民命以康诰而封于殷墟皆啓以商政疆以周索分唐叔以大路密须之鼓阙巩姑洗懷姓九宗职官五正命以唐诰而封于夏墟啓以夏政疆以戎索三者皆有令德故昭之以分物不然文武成康之伯犹多而不获是分也惟不尚年也管蔡啓商基间王室王于是乎杀管叔而蔡蔡叔若之何其使蔡先卫也乃长卫侯沈人不防蔡公孙姓灭沈诸侯盟杞伯薨于防子乞嗣諡曰悼公悼公弟弑乞諡曰隐公而自立陈葬其君曹声公弟弑其君通诸侯还于臯鼬刘子卷薨杞葬其君蔡侯朝于吴因太宰嚭以其子干与大夫之子为质故吴王蔡侯唐侯伐楚舍舟于淮汭自豫章与楚夹汉左司马沈尹戌谓囊瓦曰子防汉而与之上下我悉方城外以毁其舟还塞大隧直辕冥阨子济汉而伐之我自后击之必大败之遂行史皇谓瓦曰若司马之防是独克吴也子必速战乃济汉而陈自小别至于大别三战瓦知不可欲奔史皇曰安求其事难而逃之将何所入子必死之初罪必尽説瓦陈于柏举吴王之弟夫槩王曰楚瓦不仁其臣莫有死志先伐之其卒必奔而后大师继之必克以其属五千先进瓦之卒奔楚师乱吴师大败之瓦奔郑吴从楚师及清发将擊之夫槩王曰困兽犹鬬况人乎若知不免而致死必败我若使先济者知免后者慕之蔑有鬬心矣半济而后可击也从之又败之五战及郢司马还力战而死楚王取其妹季芊畀我以出涉雒吴师入郢以班处宫夫槩王与王子山争郢公辛闻之曰不让则不和不和则不可以遠征吴其自有乱也乎焉能定楚楚王济江入于云中王寢盜攻之以戈击王王孙由于以背受之中肩王奔郢郢公弟懷将弑王曰平王杀吾父我杀其子不亦可乎辛曰君讨臣谁敢仇之君命天也若死天命将谁讐违强凌弱非勇也乘人之约非仁也灭宗废祀非孝也动无令名非知也必犯是余将杀女乃与弟巢以王奔随楚将涉于成臼蓝尹亹载其帑不与王舟王至随吴人从之谓随人曰周之子孙在汉川者楚实尽之天诱其衷致罚于楚而君又窜之周室何罪君若顾报周室施及寡人以獎天衷君之惠也汉阳之田君实有之随人辞曰以随之小而密迹于楚楚实存之世有盟誓至于今未改若难而弃之何以事君执事之患不惟一人若鳩楚竟敢不听命吴人乃退伍员鞭平王之墓三百申包胥使人谓之曰何无天道之极也乃走乞师于秦曰吴为封豕长蛇以荐食上国虐始于楚寡君失守社稷越在草莽使下臣告急曰夷德无厌若隣于君疆場之患也逮吴之未定君其取分焉若楚之遂亡君之土也若以君灵抚之世以事君秦伯使辞焉曰寡人闻命矣子姑就馆将圖以告对曰寡君越在草莽未获所伏下臣何敢即安立依于庭墙而哭日夜不絶声勺饮不入口七日秦哀公为之赋无衣九顿首而坐秦师乃出吴王使召陈侯逢滑曰国之兴也以福其亡也以祸今吴未有福楚未有祸楚未可弃吴未可从而晋盟主也以晋辞吴若何公曰国胜君亡非祸而何对曰国之有是多矣何必不复小国犹复况大国乎臣闻国之兴也视民如伤是其福也其亡也以民为土芥是其祸也楚虽无德亦不艾杀其民吴日敝于兵暴骨如莽而未见德焉天其或者正训楚也祸之适吴其何日之有陈侯辞吴经曰四年春王二月癸巳陈侯吴卒三月

公会刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯杞伯小邾子齐国夏于召陵侵楚【按左氏传书伐而经书侵楚者楚为无道凭陵诸夏为一裘一马拘唐蔡二君三年而后遣蔡侯既归请师于晋晋人请命于周大合诸侯天子之元老在焉若能暴明其罪恭行天讨庶防哉王者之师齐桓晋文之功徧矣有苟寅者求货于蔡侯弗得遂辞蔡人晋由是失诸侯无功而还书曰侵楚陋之也】夏四月庚辰蔡公孙姓帅师灭沈以沈子嘉归杀之【沈人不防于召陵晋人使蔡伐之书灭沈罪公孙姓也书以归罪沈子嘉也书杀之罪蔡侯也奉词致讨而覆其邦家为敌所执不死于位皆不仁矣所恶于前无以先后出乎尔者反乎尔者也蔡侯视楚犹沈视蔡也昭公拘于郢三年而后反非亦国小而弱乎沈虽不防召陵未有大罪恶也而恃强杀之甚矣能无公孙翩之及哉宋以曹伯阳归蔡以沈子嘉归皆杀之也而或书或不书其不书者贱而畧之也】五月公及诸侯盟于皐鼬【定公之立上不请于天王下不告于方伯而受国于季孙意如故三年朝晋至河而复今防诸侯求为此盟书公及者内为志也召陵之防必序不序十有八国之诸侯则无以见侵楚之陋皐鼬之盟序与不序非义所系则以凡举可也】杞伯成卒于防六月葬陈惠公许迁于容城秋七月公至自会刘卷卒葬杞悼公楚人围蔡晋士鞅卫孔圉帅师伐鲜虞葬刘文公冬十有一月庚午蔡侯以吴子及楚人战于柏举楚师败绩楚囊瓦出奔郑【吴何以称子善伐楚解蔡围也荆楚暴横盟主不能致其讨天王不能达其命长恶不悛复兴师而围蔡王法所当讨而不赦也吴能自卑听蔡之义以达天子之命兴师救蔡战于柏举大败楚师成伯讨之功善矣晋主夏盟中国所仰若嘉谷之望雨也有请于晋如彼其难吴国天下莫强焉非诸侯所能以也有请于吴如此其易故召陵之防大合诸侯而书侵楚柏举之战蔡用吴师特书曰以者深罪晋人保利弃义难于救蔡也然则何以不言救乎救大矣阖闾子胥宰嚭皆懷谋楚之心蔡人往请防逢其适非有救灾恤邻从简书忧中国之实也圣人德大道宏乐与人为善故因其从蔡特进而书爵囊瓦贪以败国又不能死可贱甚矣故记其出奔特贬而称人春秋之情见矣】庚辰吴入郢【及楚人战则称爵入郢则举其号何也君舍于其君之室大夫舍于大夫之室狄道也圣人谁毁谁誉救灾恤邻则进而书爵非有心于与之顺天命也乘约肆淫则黜而举号非有心于贬之奉天讨也伐国者固将拯民于水火之中而鳩集之耳杀其父兄系其子弟毁其宗庙迁其重器而乱男女之配也如水益深如火益热则善小而恶大功不足以掩之矣圣人心无毁誉如镜之无妍丑也因事物善恶而施褒贬焉不期公而自公尔明此义然后可以司赏罚之权得春秋之法矣】

皇王大纪卷六十四

宋 胡宏 撰

三王纪

敬王

十五年王人杀子朝于楚鲁以粟济蔡人越人乘虚入吴申包胥以秦师五百乘大败夫槩王于沂公子申收散亡败吴师于军祥夫槩王曰秦军远鬪楚众日集而越入吴都大王留楚不去此危道也吴王不听夫槩王亡归击走之遂自立也吴王乃还师讨夫槩王夫槩王奔楚鲁季孙意如卒是为平子子斯代为政将以君之璵璠敛赠以珠玉孔子曰是犹暴尸于平原也示民以奸利之端而有害于死者将安用之季氏乃止季氏之臣公山不狃仲梁懷有隙不狃谓阳虎逐懷虎恐斯不从囚之而逐懷盟斯于稷门之内阳虎欲见孔子而恶无礼大夫有赐于士不得受于其家则往拜其门阳虎阂孔子之亡也而馈孔子蒸豚孔子亦阂其亡也而往拜之遇诸途谓孔子曰来予与尔言曰懷其寶而迷其邦可谓仁乎曰不可好从事而亟失时可谓知乎曰不可日月逝矣岁不我与孔子曰诺吾将仕矣楚王复国将杀蓝尹亹曰臣之敢见观君德也庶亿惧而监前恶乎公子申曰囊瓦惟思旧怨以败君何效焉王使复其所曰以无忘前败赏鬪辛鬪懷申包胥公子申曰请舍懷也王曰大德灭小怨道也申包胥曰吾为君也非为身也君既定矣又何求吾尝尤鬪成然其又为诸遂逃赏叔孙不敢卒楚人灭唐王子朝之党儋翩结郑人以作乱郑人为之伐我胥靡是岁有如日隕于地经曰五年春王三月辛亥朔日有食之夏归粟于蔡于越入吴六月丙申季孙意如卒【内大夫有罪见讨则不书卒公子翬是也仲遂杀恶及视恶与翬同而书卒者以事之变卒之也意如何以书卒见定公不讨逐君之贼以为大夫全始终之礼也定虽受国于季氏苟有叔孙婼之见不赏私劳致辟意如以明君臣之义则三纲可振公室强矣今苟于利而亡其讐三纲灭公室益侵陪臣执命宜矣故意如书卒主人习其读而问其传则未知己之有罪焉耳】秋七月壬子叔孙不敢卒冬晋士鞅帅师围鲜虞

十六年鲁侯伐郑取匡为我讨其伐胥靡晋命也往不假道于卫及还阳虎使季孟自南门入出自东门卫侯怒将伐之公叔发老矣輶而如公曰尤而效之非礼也昭公之难公将以文之舒鼎成之昭兆定之鞶鉴苟可以纳之择用一焉公子与二三臣之子诸侯苟忧之将以为之质今将以小忿蒙旧德不可乃止公孙发卒其子戍请諡于君曰日月有时将葬矣请所以易其名者君曰昔者卫国防饥夫子为粥与国之饿者是不亦惠乎昔者卫国有难夫子以其死卫寡人不亦贞乎夫子听卫国之政修其班制以与四邻交卫国之社稷不辱不亦文乎故谓夫子贞惠文子鲁季孙斯如晋献郑俘阳虎强使仲孙何忌如晋报夫人之币晋人兼享之何忌立于房外谓范鞅曰阳虎若不能居鲁而息肩于晋所不以为中军司马者有如先君鞅谓赵鞅曰鲁人患阳虎矣吴世子终累败楚舟师获二帅七大夫楚国大惕惧亡司马公子结又以陵师败于繁阳令尹子西喜曰乃今可为矣于是迁郢于都而改纪其政以定楚国子期欲以妾为妻访诸左史倚相曰吾有妾而愿欲笄之其可乎对曰君子之行进退周旋惟道是从

昔子夕嗜芟死而属曰必以芟祭子木违之君子曰违而道吾子经营楚国而欲荐芟以干之其可乎结乃止乐祁言于公曰诸侯唯我事晋今使不往晋其憾矣退告其宰陈寅寅曰必使子往他日公谓祁曰惟寡人说子之言子必往寅曰子立后而行吾室亦不亡惟君亦以我为知难而行也见溷而行赵鞅逆而饮之酒于绵上献杨楸六十寅曰昔吾主范氏今子主赵氏又有纳焉以杨楸贾祸弗可为也已然子死晋国子孙必得志于宋范鞅言于晋侯曰以君命越疆而使未致使而私饮酒不敬二君不可不讨也乃执乐祁鲁阳虎盟公及三桓于周社盟国人于亳社诅于五父之衢城中城经曰六年春王正月癸亥郑游速帅师灭许以许男斯归二月公侵郑公至自侵郑夏季孙斯仲孙何忌如晋秋晋人执宋行人乐祁犁【称人以执非伯讨也祁犁聘于晋主赵简子饮酒焉献杨楸六十范赵方恶其宰曰吾主范氏今子主赵氏是贾祸也范献子果怒言于晋侯曰以君命越疆未致使而私饮酒不敬二君不可不讨也乃执乐祁执非无名何以非伯讨也使范赵方睦皆有献焉则弗执之矣执异国行人出于列卿私意威福之柄移矣三卿分晋而靖公废为家人岂一朝一夕之故哉】冬城中城季孙斯仲孙忌帅师围郕

十七年甲寅齐人归鲁郕阳虎居之以为政微防于卫卫侯欲叛晋诸大夫不可使北宫结如晋而私于齐侯曰执结以侵我齐侯从之乃盟于沙鲁大雩齐师伐鲁阳虎御季孙公斂处父御仲孙虎将宵军齐师齐人堕伏而待之处父曰虎不图祸而必死苦夷曰虎陷二子于难不待有司余必杀女虎惧乃还不败鲁大雩经曰七年春王正月夏四月秋齐侯郑伯盟于咸齐人执卫行人北宫结以侵卫齐侯卫侯盟于沙大雩齐国夏帅师伐我西鄙九月大雩冬十月

十八年鲁侯侵齐门于阳州士皆坐列阳州人出败之晋赵鞅将归乐祁范鞅曰三年止之无故而归之宋必叛祁归卒于太行范鞅曰止其尸以求成鲁侯侵齐曹伯薨子阳嗣齐国夏高张帅师伐鲁晋范鞅赵鞅荀寅救鲁鲁侯防之于瓦晋师将盟卫侯于鄆泽赵鞅曰羣臣谁敢盟卫君者涉佗成何曰我能盟之卫人请执牛耳成何曰卫吾温原也焉得视诸侯将防涉佗援卫侯之手及挽卫侯怒王孙贾进曰盟以信礼也有如卫君其敢不唯礼是事而受此盟也乃归叛晋晋人请改盟弗许陈侯薨子越嗣晋士鞅侵郑围虫牢遂侵卫曹葬其君陈葬其君鲁人侵卫鲁季孙斯之弟寤族子公鉏极及公山不狃皆不得志于季氏叔孙氏之庶子辄无宠于叔孙氏叔仲志不得志于鲁故五人因阳虎欲去三桓以寤更季氏以辄更叔孙氏已更孟氏顺祀先公而祈焉禘于僖公虎将享季氏于蒲圃而杀之戒都车孟氏宰公斂处父告何忌曰季氏戒都车何故曰吾弗闻处父曰然则乱也必及于子先备诸于是阳虎前驱林楚御季孙将如蒲圃斯作谓楚曰以我适孟氏楚怒马及衢而骋孟氏开入之虎刼公与叔孙伐孟氏公斂处父帅成人战于棘下虎败説甲如公宫取寶玉大弓以出舍于五父之衢寝而为食其徒曰追其将至虎曰鲁人闻余出喜于微死何暇追余入于謹阳關以叛经曰八年春王正月公侵齐公至自侵齐二月公侵齐三月公至自侵齐曹伯露卒夏齐国夏帅师伐我西鄙公防晋师于瓦【按左氏晋士鞅荀寅救鲁则其书公防晋师何也春秋大法虽师次于君而与大夫敌至用大众则君与大夫皆以师为重而不敢轻也故棐林之防不言赵盾而言晋师瓦之防言晋师而不书士鞅于以见人臣不可取民有众专主兵权之意陈氏厚施于齐以移其国季孙尽征于鲁以夺其民皆王法所禁也春秋之义行则不得为尔矣】公至自瓦秋七月戊辰陈侯柳卒晋士鞅帅师侵郑遂侵卫塋曹靖公九月塋陈懷公季孙斯仲孙何忌帅师侵

卫冬卫侯郑伯盟于曲濮从祀先公【蜀人冯山曰昭公至是始得从祀于太庙其說是也季氏逐君而制其死生之命公薨于侯不得终于正寝既薨七月又不得以时归葬既葬絕其兆域又不得同于先君而在墓道之南至孔子为司寇然后沟而合诸墓则其主虽久未得从昭穆而祔祭宜矣及意如已卒阳虎专季氏将杀季孙斯而乱鲁国托于正以售其不正始以昭公之主从祀太庙盖欲着季氏之罪以取媚于国人然其事虽顺其情则逆春秋原情制法故不书禘事与日特曰从祀先公于盗窃寶玉大弓之上见事出阳虎而不可详也其亦深切着明矣】盗窃寶玉大弓

十九年宋公使乐大心盟于晋且逆乐祁之尸辞伪有疾乃使向巢乐溷言于公曰大心将不利戴氏不肯适晋将作乱也不然无疾郑伯薨子胜嗣阳虎归寶玉大弓于鲁鲁人伐阳關虎奔齐请师伐鲁曰三加必取之齐侯将许之鲍国諫曰鲁未可取也上下犹和众庶犹睦能事大国而无天菑若之何取之阳虎欲勤齐师也齐师罢大臣必多死亡已于是乎奋其诈谋夫虎有宠于季氏而将杀季孙以不利鲁国而求容焉亲富不亲仁君焉用之君富于季氏而大于鲁国兹阳虎所欲倾覆也鲁免其疾而君又收之无乃害乎齐侯执阳虎将东之虎愿东乃囚诸西鄙逃于宋遂奔晋适赵氏孔仲尼曰赵氏其世有乱乎郑葬其君齐侯伐晋夷仪晋车千乘在中牟卫侯将防齐侯于五氏卜过中牟 焦卫侯曰可也卫车当其半寡人当其半敌矣乃过之中牟人欲伐之卫褚师圃亡在焉曰卫虽小其君在焉未可胜也齐师克城而骄其帅又贱遇必败之乃从齐师败之齐侯致襁褓杏于卫临朝而叹曰先君桓公以车八百乘而伯今我以长毂千乘败于诸侯安得管仲之臣也哉 章进曰昔有桓公故有管仲齐侯有慙色秦太子早死諡为夷公秦伯薨夷公子嗣鲁以仲尼为中都宰制養生送死之节长幼异食强弱异任男女别途路不拾遗器不雕伪为四寸之棺五寸之槨因丘陵为坟不封不树四方之人多取则焉鲁侯问君使臣臣事君如之何对曰君使臣以礼臣事君以忠经曰九年春王正月夏四月戊申郑伯蛰卒得寶玉大弓【谷梁子曰寶玉封圭大弓武王之戎弓周公受赐藏之鲁或曰夏后氏之璜封父之繁弱也子孙世守罔敢失坠以昭先祖之德存肃敬之心尔古者告终易代 璧琬琰天球夷玉兂之戈和之弓垂之竹矢莫不陈列非直为美观也先王所寶传及其身能全而归之则可以免矣鲁失其政陪臣擅权虽先公分器犹不能守而盜得窃诸公宫其能国乎故失之书得之书所以讥公与执政之臣见不恭之大也此义行则有天下国家者各知所守之职不敢忽矣】六月葬郑献公秋齐侯卫侯次于五氏秦伯卒冬葬秦哀公

二十年鲁及齐平齐侯鲁侯会于夹谷以孔仲尼摄相事犁弥言于齐侯曰孔丘知礼而无勇若使萊人以兵劫鲁侯必得志焉齐侯从之仲尼以公退曰士兵之两君合好而裔夷之俘以兵乱之非齐君所以命诸侯也裔不谋夏夷不乱华俘不干盟兵不偪好于神为不祥于德为愆义于人为失礼君必不然齐侯闻之遽辟之将盟齐人加于载书曰齐师出竟而不以甲车三百乘从我者有如此盟孔子使兹无还对曰而不反我汶阳之田吾以共命者亦如之齐侯将享公孔子谓梁丘据曰齐鲁之故吾子何不闻焉事既成矣而又享之是勤执事也且牺象不出门嘉乐不野合飧而既具是弃礼也若其不具是秕稗也用秕稗君辱弃礼名恶子盍圖之夫享所以昭德也不昭不如其已也乃不果享鲁侯问于孔子曰一言而可以兴邦有诸孔子曰言不可以若是其防也人之言曰为君难为臣不易如知为君之难也不防乎一言而兴

邦乎曰一言而丧邦有诸对曰言不可以若是其几也人之言曰予无乐乎为君惟其言而莫予违也如其善而莫之违也不亦善乎如不善而莫之违也不几乎一言而丧邦乎晋赵鞅围卫执涉佗成何以求成焉卫人不许晋人杀涉佗成何奔燕齐侯归自夹谷责羣臣曰孔丘以礼义相其君而二三子专以夷狄之道教寡人寡人病焉晏婴曰小人之谢过也以文君子之谢过也以质君既知过则谢之以质耳齐侯曰善乃归鲁郚讙 陰之田季孙大说以孔子为司空孔子沟昭公之墓合诸先公之域谓季孙曰贬君以彰己罪非礼也今合之所以揜夫子之不臣季孙曰善初鲁叔孙不敢欲立州仇公若固諫不敢立之而卒州仇既定使郕马正侯犯杀公若侯犯以郕叛叔孙仲孙围郕弗克及齐师复围之弗克宋公逐乐大心鲁叔孙谓郕工师驺赤曰郕非唯叔孙氏之忧社稷之患也将若之何赤谓犯曰居齐鲁之际而无事必不可矣子盍求事于齐以临民不然将叛侯犯从之齐使至驺赤与郕人为之宣言于郕中曰犯将以郕易于齐齐人将迁郕民众凶惧围犯赤将射之犯止之曰谋免我请行许之犯奔齐齐人致郕宋公子地嬖蘧富猎十一分其室而以其五与之地有白马四公嬖向魑魑欲之公取而朱其尾鬣以与之地怒使其徒扶魑而夺之魑惧将走公闭门而泣之目尽肿母弟辰曰子分室以与猎也而独卑魑亦有颇焉子为君礼不过出竟君必止子地出奔陈鲁叔孙如齐齐侯享之曰郕属与敝邑际故敢助君忧之州仇对曰寡君所以事君封疆社稷是以敢以家勤君之执事夫不令之臣天下之所恶也君岂以为寡君赐宋公子地之出奔也公弗止辰为之请弗听辰曰是我迂吾兄也吾以国人出君谁与处与仲佗石疆出奔陈鲁以孔子为司寇七日收大夫少正卯戮之于两观之下门人端木赐问曰少正卯鲁之闻人奈何诛之孔子曰行伪而坚言伪而辩学非而博变乱名实足以惑众人之奸雄尹谐潘正付乙史何之流也焉得无诛于是有父子讼者孔子同狴执之三月不别其父请止孔子训而释之季孙不说门人冉有以告孔子曰风俗陵迟久矣未尝教焉而听其狱是诛无辜也飭法度明禁令于是沈犹氏不敢朝饮其羊公慎氏出其淫妻慎溃氏奢侈逾法越竟而徙风化浸行齐晏婴卒孔子门人有若论曰晏子一狐裘三十年遣车一乘及墓而反国君七个遣车七乘大夫五个遣车五乘晏子焉知礼曾参曰国无道君子耻盈礼焉国奢则示之以俭国俭则示之以礼记曰晏平仲祀其先人豚肩不揜豆澣衣濯冠以朝君子以为隘矣经曰十年春王三月及齐平夏公防齐侯于夹谷公至自夹谷【夹谷之防孔子相犁弥言于齐侯曰孔子知礼而无勇若使莱人以兵劫鲁侯必得志焉齐侯从之两君就礼两相相揖齐人鼓噪而起欲以执鲁君孔子歷阶而升不尽一等而视归乎齐侯曰两君合好而裔夷之俘以兵乱之非齐君所以命诸侯也裔不谋夏夷不乱华俘不干盟兵不逼好于神为不祥于德为愆义于人为失礼齐侯遽止之而属其臣曰夫人率其君与行古人之道二三子独率我入夷狄之俗使寡人获罪于鲁侯如之何晏子曰小人之谢过也以文君子之谢过也以质君已知过则谢之以质尔于是归郚讙 陰之田仲尼一言威重于三军亦顺于理而已矣故天下莫大于理而强众不与焉】晋赵鞅帅师围卫齐人来归郚讙 陰田【齐人前此尝归济西田矣后此尝归讙及阐矣而此独书来归何也曰归者鲁请而得之也曰来归者齐人心服而归之也定公齐侯防于夹谷孔子摄相事具左右司马以从至于防所以礼相见郤裔俘拒兵车之命而罢享礼之设于野由是齐侯归三邑以谢过故扬子法言曰仲尼用于鲁齐人章章归其侵疆桓公以义责楚而楚人求盟夫子以礼责齐而齐人归地皆书曰来序绩也春秋夫子之笔削自序其绩可乎圣人防人物于一身万象异形而同体通古今于一息百王异世而同神于土皆安而无所避也于我皆真而无所忘也其曰天之将防斯文也后死者不得与于斯文也天之未防斯文也匡人其如

予何是以天自处矣而亦何嫌之有】叔孙州仇仲孙何忌帅师围郕秋叔孙州仇仲孙何忌帅师围郕【郕叔孙氏邑也侯犯以郕叛不书于防书围郕则叛可知矣再书二卿帅师围郕则强亦可知矣天子失道征伐自诸侯出而后大夫强诸侯失道征伐自大夫出而后家臣强其逆弥甚则其失弥速故自诸侯出十世希不失矣自大夫出五世希不失矣陪臣执国命三世希不失矣三家專鲁为日既久至是家臣争叛亦其理宜矣春秋制法本忠恕施诸已而不愿亦勿施诸人故所恶于上不以使下所恶于下不以事上二三子知倾公室以自张而不知家之拟其后也凡此类皆据事直书深切着明矣】宋乐大心出奔曹宋公子地出奔陈冬齐侯卫侯郑游速防于安甫叔孙州仇如齐宋公之弟辰暨仲佗石彊出奔陈【按左氏宋公子地有白马四公以与桓魋地怒扶魋夺之魋惧将走公泣之母弟辰曰子为君礼不过出竟君必止子地出奔陈公弗止辰为之请弗听辰曰是我迂吾兄也吾以国人出君谁与处书曰宋公之弟辰暨仲佗石彊出奔陈其弟云者罪宋公以嬖魋故而失二弟无亲亲之恩暨云者罪辰以兄故帅其大夫出奔无尊君之义夫暨者不得已之词又见仲佗石彊见胁于辰不能自立无大臣之节者也】二十一年宋公子辰公子地暨仲佗石彊入于萧乐大心自曹从之大为宋患鲁及郑平经曰十有一年春宋公之弟辰及仲佗石彊公子地自陈入于萧以叛夏四月秋乐大心自曹入于萧【出奔陈则称暨入于萧以叛则称及及非不得已之词得已而不已者也夫事君者可贫可贱可杀而不可使为乱今不得已而轻于去国犹之可也得已不已而果于叛君则无首从之别其罪一施之故不称暨而称及四卿在萧以叛而大心自曹从之其叛可知矣故不书叛而曰入于萧入逆词也书自陈自曹者结邻国以入叛陈与曹之罪亦着矣】冬及郑平叔还如郑涖盟

二十二年春薛伯薨子比嗣薛莒其君鲁公山不狃专费不受命召孔子欲往季路不说曰何必公山氏之之也孔子曰夫召我者而岂徒哉如有用我者吾其为东周乎孔子言于鲁侯曰古者家不藏甲邑无百雉之城请损三都之过制者鲁侯告于三子三子从乃以季路为季氏宰帅师从叔孙州仇堕郕季氏祭尝逮闇继之以烛有司跛倚不敬大矣于是祭子路与室事交乎户堂事交乎阶质明而始行礼晏朝而退孔子闻之曰谁谓由也而不知礼乎又将堕费公山不狃叔孙辄帅费人袭鲁鲁侯与三子入于季氏之宫登武子之台费人攻之及台侧孔子命申句须乐颀伐之费人北国人追之败诸姑蔑二子奔齐遂奔吴季孙仲孙堕费叔孙州仇语大夫于朝曰子贡贤于仲尼子服何以告子贡子贡曰譬之宫墙赐之墙也及肩闾见室家之好夫子之墙数仞不得其门而入不见宗庙之美百官之富得其门者或寡矣夫子之云不亦宜乎州仇以毁孔子子贡曰无以为也仲尼不可毁也他人之贤者丘陵也犹可逾也仲尼日月也无得而逾焉人虽欲自绝其何伤于日月乎多见其不知量也陈亢谓子贡曰子为恭也仲尼岂贤于子乎子贡曰君子一言以为智一言以为不智言不可不慎也夫子之不可及也犹天之不可阶而升也夫子之得邦家者所谓立之斯立道之斯行绥之斯来动之斯和其生也荣其死也哀如之何其可及也论曰凡人之情利害不相及则不相誉不相毁也彼叔孙之所以贬圣人誉子贡者孔子方用事恶其有不便于己而子贡孔氏之门人也一贬一誉人固不疑于以尝试大夫之向背其奸慝如此而众莫以为非也故遂毁圣人而挤之陈亢若非真不知圣人则党于州仇者也观子贡以自绝责州仇而以为邦语陈亢则知州仇之毁誉正孔子用事利害相及之时而小人去君子之情状可见矣人君临涖羣臣与夫执国命进忠贤察奸罔之君子其可忽诸

鲁大雩齐侯鲁侯防盟于黄鲁将堕成公斂处父谓仲孙曰堕成齐人必至于北门且成孟氏之保障也无成是无孟氏也子伪不知我将不堕公围成公斂处父固守弗克而归齐人惧鲁得诸侯言于其君选女子八十人衣以文衣而舞容玃与乐献于鲁季孙微服往观将受之孔子见季孙季孙不悦孔子又见之宰予进曰昔者予闻诸夫子曰王公不我聘则弗动今屈节数矣未可以已乎孔子不对季孙卒受女乐三日不朝子路曰夫子可以行矣公伯寮愬子路于季孙子服何以告曰夫子固有惑志于公伯寮吾力犹能肆诸市朝子曰道之将行也欤命也道之将废也欤命也公伯寮其如命何

论曰人之有德慧术智者尝存乎疾疾阳虎在郛不狃在费侯犯在郕此三家之疾疾也季孙斯防于死故发愤懣思礼义遵用孔子孔子行乎季孙三月不违谓此时也故能堕费三家才损其死疾而叔孙遂毁圣人仲孙遂听处父季孙遂受女乐惜哉三子者期于苟安而不能远谋拘于小利而不知大虑习于人欲而不能久于天理也

经曰十有二年春薛伯定卒夏葬薛襄公叔孙州仇帅师堕郕卫公孟彊帅师伐曹季孙斯仲孙何忌帅师堕费【按左氏仲由为季氏宰将堕三都于是叔孙氏堕郕季氏将堕费公山不狃叔孙辄帅费人袭鲁公与三子入季氏之宫登武子之台费人攻之入及公则仲尼命申句须乐颀下伐之二子奔齐遂堕费礼曰制国不过千乘都城不过百雉家富不过百乘以坊民诸侯犹有叛者故家不藏甲邑无百雉之城礼所当谨也郕费成者三家之邑政在大夫三卿越礼各固其城公室欲张而不得也三桓既防陪臣擅命冯恃其城数有叛者三家亦不能制也而问于仲尼遂堕三都是谓以礼为国可以为之兆也推而行诸鲁国而準则地方五百里凡侵小而得者必有与灭国继絶世之义诸侯大夫各谨于礼不以所恶于上者使其下亦不以所恶于下者事其上上下下交相顺而王政行矣故曰苟有用我者期月而可三年有成】秋大雩冬十月癸亥公防齐侯盟于黄十有一月丙寅朔日有食之公至自黄十有二月公围成公至自围成【按左氏将堕成公斂处父谓孟孙曰堕成齐人必至于北门且成孟氏之保障无成是无孟氏也子伪不知我将不堕书公围成强也其致危之也仲由为季氏宰孔子为鲁司寇而不能堕成何也按是冬公围成弗克越明年孔子由大司寇摄相事然后诛少正卯与闻国政三月而商贾信于市男女别于途及齐人馈女乐孔子遂行然则围成之时仲尼虽用事未能专得鲁国之政也而辩言乱政如少正卯等必肆疑阻于其间矣成虽未堕无与为比亦不能为患使圣人得志行乎鲁国以及期月则不待兵革而自堕矣】

皇王大纪卷六十五

宋 胡宏 撰

三王纪

敬王

二十三年孔子从而祭膳肉不至不脱冕而行遂适卫冉有仆子曰庶矣哉冉有曰既庶矣又何加焉曰富之既富矣又何加焉曰教之季路荐高柴为费宰而从孔子于卫子曰贼夫人之子子路对曰有民人焉有社稷焉何必读书然后为学子子曰是故恶夫佞者

论曰司马迁载孔子堕三都之明年由大司寇摄相事夫圣人之所以大过人者无它焉如天之生物随其分限无不可为而过者无可为而不及者为委吏则必防计当为乘田则必畜养蕃为宰而亲民则制为养生送死之节为司空而正封域则沟合昭公之墓为司寇而治奸乱则诛少正卯而堕三都及成不堕三家之虑变矣故春秋经文不曰三家直书曰公圣人色斯举矣安有明年由大司寇摄相之事所以必知其无者考按经文明【定公十三年】无更败起废之事而筑蛇渊圉絶与堕都之意不侔故也迁载孔子言行不得其真者尤多则未知其所以得实录之名者何故

齐侯卫侯次于垂葭使师伐晋将济河诸大夫皆曰不可邴意兹曰可锐师伐河内传必数日而后及絳絳不三月不能出河则我既济水矣乃伐河内鲁大搜晋赵鞅谓邯鄲午曰归我卫贡五百家吾舍诸晋阳午许诺归告其父兄皆曰不可赵鞅怒遂杀午邯鄲叛上军司马籍秦围邯鄲午荀寅之甥也寅士吉射之姻也而相与睦将作乱董安于闻之告赵鞅曰先备诸鞅曰晋国有命始祸者死为后可也二子伐赵氏之宫鞅奔晋阳荀跖言于晋侯曰君命大臣始祸者死载书在河今三臣始祸而独逐鞅刑已不钧请皆逐之荀跖韩不信魏曼多奉晋侯以伐二子弗克二子将伐公齐高彊曰三折肱知为良豎惟伐君为不可我以伐君在此矣三家未睦可尽克也克之君将谁与若先伐君是使睦也弗听遂伐公国人助之二子败奔朝歌韩魏以赵氏为请赵鞅入于絳盟于公宫初卫公叔发朝而请享其君退而见史防曰子必祸矣子富而君贪罪其及乎曰然吾不先告子是吾罪也君既许我矣其若之何防曰何害子臣可以免富而能臣必免于难上下同之戍也骄其亡乎富而不骄者鲜吾惟子之见骄而不亡者未之有也戍必与焉及发卒卫侯始恶于戍以其富也戍又将去夫人南子之党夫人愬之曰戍将为乱薛弑其君比子夷嗣越王允常薨子勾践嗣孔子至蒲会公叔氏以蒲叛卫而止孔子曰苟无适卫吾则出孔子许之盟而出遂适卫子贡曰盟可负乎孔子曰要我以盟非义也孔子主卫大夫顔雒由至于郊卫侯郊迎馆之上馆故孔子于卫有际可之仕王孙贾问曰与其媚于奥寧媚于灶何谓也子曰不然获罪于天无所祷也弥子瑕之妻与子路之妻兄弟也弥子谓子路曰孔子主我卫卿可得也子路以告孔子不从曰有命卫公孙朝问于子贡曰仲尼焉学子贡曰文武之道未坠于地而在人贤者识其大者不贤者识其小者莫不有文武之道焉夫子焉不学而亦何常师之有卫侯享孔子夫人南子使请曰四方之君子不辱与寡君

为兄弟者必见寡小君寡小君愿有见也孔子见之入门北面稽首夫人在絺帷中再拜环佩玉声璆然孔子出子路不說夫子矢之曰予所否者天厌之天厌之经曰十有三年齐侯卫侯次于垂葭夏筑蛇渊圉大搜于比蒲卫公孟彊帅师伐曹秋晋赵鞅入于晋阳以叛【按左氏赵鞅谓邯鄲午曰归我卫贡五百家吾舍诸晋阳午许诺告其父兄皆不可赵孟怒遂杀午围邯鄲午荀寅之甥荀寅士吉射之姻也而相与睦遂伐赵氏鞅奔晋阳晋人围之赵鞅之入拒范中行也而直书曰叛何也人臣专土与君为市则是篡弑之阶坚冰之戒岂无以有己之义乎后世大臣有困于谗间迁延居外不敢释兵卒以忧死者亦未明人臣之义故耳故直书入于晋阳以叛入者不顺之词叛者不赦之罪】冬晋荀寅士吉射入于朝歌以叛【按左氏知文韩简魏襄子与荀寅范吉射相恶将逐荀范言于晋侯曰君命大臣始祸者死载书在河今三臣始祸而独逐鞅刑不均矣请皆逐之遂奉公以伐二子二子败奔朝歌晋主夏盟威服天下及大夫专政贿赂公行内外离析示威平丘而齐叛辞请召陵而蔡叛盟于沙咸而郑叛次于五氏而卫叛蒞于郑防于夹谷防于黄而鲁叛诸侯叛于外大夫叛于内故奔于晋阳而赵鞅叛入于朝歌而荀寅与士吉射叛以晋国之大天下莫强焉邦分崩而不能守也春秋于晋事或略而不序或贱而称人或书以陋之责亦备矣至是三卿内叛直书于防见其效也故臧哀伯曰国家之败由官邪也官之失德宠赂彰也晋卿始祸緣卫贡也乐祁见执献杨楮也蔡侯从吴荀寅货也昭公弗纳范鞅赂也而晋室自是不复能主盟矣故为国以义不以利春秋之大法在焉见诸行事亦可谓深切着明矣】晋赵鞅归于晋【按左氏荀范奔朝歌韩魏以赵氏为请鞅入于绛盟于公宫然则书归者易词也韩魏为之请晋侯许之复而寅与吉射去国出奔则无有难之者故其归为易矣三子之叛其罪一也鞅以有援故得复寅吉射以无助故终叛春秋书鞅归于晋非与之也以罪晋侯纵失有罪无政刑耳叛逆人臣之大恶始祸晋国之载书既不能致辟于鞅奉行天讨以警乱臣又亢不徇韩魏之请而许之复无政刑矣其能国乎先儒或谓言归者以地正国也鞅取晋阳之甲以逐君侧之恶人则其說误矣以地正国而可是人主可得而胁人臣擅兴无罪以兵谏者真爱其君也使后世贼臣称兵向阙以诛君侧为名而实欲胁君取国者则此說啓之也大失春秋之意矣】薛弑其君比【称国以弑者当国大臣也孙复以为举国之众皆可诛非矣三晋有国半天下若皆可诛刀锯不亦滥乎颍川常秩曰孙复之于春秋动辄有罪盖商鞅之法耳弃灰于道者有诛步过六尺者有罚其不即人心遠矣王回以是尚秩此善议复者】

二十四年卫侯逐公叔戌奔鲁其党赵阳出奔宋顿子牂欲事晋背楚而絕陈好楚师陈师灭顿卫公叔戌之党北宫结奔鲁吴伐越越王御之陈于樛李患吴师之整也使死士再禽焉不动使罪人三行属劔于颈而辞曰二军有治臣奸旗鼓不敏于君之行前不敢逃刑敢归死自剄也师属之目越王因而伐之大败之灵姑浮以戈击吴王伤将指取其一屨薨于陜去樛李七里子夫差嗣夫差使人立于庭苟出入必谓已曰夫差而忘越王之杀而父乎则对曰唯不敢忘晋人围朝歌齐侯鲁侯卫侯防于牵谋救朝歌齐侯又防宋于洮王使归賑于鲁卫夫人南子宋女也卫侯为之召宋公子朝太子蒯聩羞之谓戲阳速曰从我而朝少君少君见我我顾乃杀之速曰诺乃朝夫人太子三顾速不进夫人见其色啼而走曰太子将杀余公执其手以登台太子奔宋尽逐其党故公孟彊出奔郑遂奔齐宋公子辰自萧奔鲁鲁侯搜于比蒲邾子来会鲁城莒父冬卫侯为沼宛春諫曰君居深宫狐裘而熊席不知民之寒也乃命罢役左右曰德归于春怨归于君卫侯曰春鲁之匹夫也寡人举焉春之善非寡人之善欤孔子在

卫喜籛伯玉史防尝曰君子哉籛伯玉邦有道则仕邦无道则可卷而懷之直哉史鱼邦有道如矢邦无道如矢卫侯问陈于孔子对曰俎豆之事则尝闻之矣军旅之事未之学也明日遂行匡人尝为阳虎所暴孔子过匡匡人聚观曰此阳虎也遂围之从者不知所为孔子弦歌不辍庄周曰子路入见曰何夫子之娱也子曰居吾语汝当尧舜而天下无穷人非知得也当桀纣而天下无通人非知失也时势适然夫水行不避蛟龙者渔父之勇也陆行不避虎兕者猎夫之勇也白刃交于前视死若生者烈士之勇也知穷之有命通之有时临大难而不惧者圣人之勇也由处矣吾命有所制矣既而叹曰文王既没文不在兹乎天之将丧斯文也后死者不得与于斯文也天之未丧斯文也匡人其如予何乃使从者问故匡人谢曰以为阳虎也遂围之今非也请辞而去孔子遂如宋经曰十有四年春卫公叔戌来奔卫赵阳出奔宋【公叔戌将去南子之党夫人愬曰戌将为乱故公叔来奔赵阳北宫结皆戌党也故亦出奔而灵公无道不能正家以防其大臣之罪着矣戌又以富见恶于卫侯夫富者怨之府也使戌积而能散以财发身不为贪人之所怨于以保其爵位傥庶几乎】二月辛巳楚公子结陈公孙佗人帅师灭顿以顿子牂归夏卫北宫结来奔五月于越败吴于檣李吴子光卒【按左氏吴伐越勾践御之患其整也使罪人三行属劔于颈吴师属目因伐之阖闾伤而卒书败者诈战也定公五年于越入吴至是败吴于檣李防黄池之歲越又入吴悉书于史以其告也哀之元年吴子败越栖勾践于防稽之上岂独不告而史册不书疑仲尼削之也吴子光卒夫差使人立于庭苟出入必谓已曰而忘越王之杀而父乎则对曰唯不敢忘三年乃报越然则夫椒之战复父讎也非报怨也春秋削而不书以为常事也其防微矣】公防齐侯卫侯于牵公至自防秋齐侯宋公防于洮天王使石向来归脤卫世子蒯聩出奔宋【世子国本也以宠南子故不能保世子而使之去国以欲杀南子故不能安其身至于出奔是轻宗庙社稷之所付托而恣行矣春秋两着其罪故特书世子其义不系于与蒯聩之世其国也而灵公无道不能正家以危其国本至使父子相残毁灭天理之所由着矣】卫公孟彊出奔郑宋公之弟辰自萧来奔大搜于比蒲邾子来防公城莒父及霄

二十五年邾子朝于鲁鲁之郊牛为鬯防所食而死吴之入楚也胡子尽俘楚邑之近胡者楚既定胡子豹又不事楚曰存亡有命事楚何为多取费焉楚王灭之鲁郊鲁侯薨子蔣嗣郑师伐宋败宋师于老丘齐侯卫侯次于蕞蔭以救宋邾子奔鲁侯之丧鲁定公嬖氏卒鲁葬其君滕侯防焉鲁葬定夫人鲁城漆经曰十有五年春王正月邾子来朝鬯防食郊牛牛死改卜牛二月辛丑楚子灭胡以胡子豹归【按左氏吴之入楚胡子尽俘楚邑之近胡者楚既定又不事楚曰存亡有命事楚何为是楚灭之夫灭人之国其罪大矣然胡子豹乘楚之约尽俘其邑之近胡者所谓国必自灭而后人灭之非灭之者独有罪也国君造命不可委命者既以为有命而又贪生忍辱不死于社稷则是不知命矣书以归罪豹之不能死位而与归也故楚子书爵而胡子豹名】夏五月辛亥郊壬申公薨于高寝郑罕达帅师伐宋齐侯卫侯次于蕞蔭邾子来奔丧秋七月壬申嬖氏卒八月庚辰朔日有食之九月滕子来防葬丁巳葬我君定公雨不克葬戊午日下昃乃克葬辛巳葬定嬖【公羊曰有子则庙庙则书葬曾子问竝有丧则如之何子曰葬先轻而后重其奠也其虞也先重而后轻】冬城漆

二十六年鲁侯蔣之元年楚围蔡以报栢举之役蔡人男女以辨使疆于江汝之间而还蔡复请迁于吴既又悔之鲁有鬯防食郊牛鲁人伐邾越王以吴王之将报越也兴师伐之范蠡諫

曰持盈者与天定倾者与人节事者与地天时不作不為人客人事不起不可为之始爭者事之末也淫佚者上帝之禁也若遂行之將妨于國家靡王躬身王不聽吳王御之大破越王于夫椒乘勝入越越王以甲楯五千栖于防稽下令曰有能退吳者與共越國之政大夫種進曰臣聞之賈人夏則資皮秋則資絺旱則資車以待乏也今求謀臣無乃後乎勾踐曰苟得聞子大夫之言何後之有喟然嘆曰吾其已乎文種進曰湯系夏台文王囚羑里未必不為福乃卑辭乞成于吳吳王將許之伍員曰不可臣聞樹德莫如滋去疾莫如盡昔有過澆滅夏少康以一旅之眾復禹旧績今吳不如過而越大于少康或將豐之不亦難乎勾踐能親而務施施不失人親不棄勞與我同壤而世為仇讎于是乎克而弗取將又存之而長寇讎後雖悔之不可食已吳王疑未決越使文種賂太宰嚭曰勾踐不敢徹聲于天王使臣私于執事愿以身隨君王也嚭言于王曰古者伐國服之而已今越已服其又何求王許越平伍員告人曰越十年生聚而十年教訓二十年之外吳其為沼乎越王歸說于國人曰寡人之罪也寡人請更養生葬死問傷吊憂賀喜去民之所惡補民之不足委管籥屬國家于大夫種與范蠡入官于吳三年而吳人遣之古者父之讎弗與共戴天兄弟之讎不反兵交游之讎不同國是時人習于亂務相報復而無礼仪卜商問于孔子曰居父母之仇如之何孔子曰寢苦枕戈不仕弗與共天下也遇諸市朝不反兵而鬪曰居昆弟之仇如之何曰仕弗與共國銜君命而使雖遇之不鬪曰居從父昆弟之仇如之何曰不為魁主人能則執兵而陪其後君之仇視父師長之仇視昆弟吳侵陳脩先君之怨楚大夫皆懼公子申曰二三子防不相睦無患吳矣昔闔閭食不貳味居不重席室不崇壇器不雕鏤宮室不觀舟車不飾衣服財用擇不取費在國天有災疢親巡孤寡而共其乏困在軍熟食者分而後敢食勤恤其民而與之勞逸是以民不罷勞死知不曠今聞夫差次有台榭陂池焉宿有妃嬙嬪御焉一日之行所欲必成玩好是從珍異是聚觀樂是務視民如讎而用之日新夫先自敗也已安能敗我孔子在宋有嘉樹焉時與弟子游息其下宋桓魋疾之乃伐其樹孔子去宋又將要殺之從者恐懼孔子曰天生德于予桓魋其如予何主司城貞子遂防服而去與門人相失至鄭東門外告子貢曰東門有人其頰似堯其項類皐陶其肩類子產自腰以下不及禹三寸累累若喪家之狗子貢以告孔子笑曰其形未也狀似喪家之狗然哉經曰元年春王正月公即位楚子陳侯隨侯許男圍蔡【按左氏曰報柏舉也蔡人男女以辨使疆于江汝之間夫男女以辨則是降也疆于江汝則遷其國也而獨書圍蔡何也蔡嘗以吳師入郢昭王奔隨壞宗廟徙陳器搃平王之墓矣至是楚國復寧帥師圍蔡降其眾遷其國而春秋書之略者見蔡宜得報而楚子復讎之事可恕也聖人本無怨而怨出于不怨故議讎之輕重有至于不與共戴天者今楚人禍及宗廟辱逮父母若包羞忍耻而不能一洒之則不可以有立而天理滅矣故特書圍蔡而稱爵恕楚之罪詞也】鼯鼠食郊牛改卜牛夏四月辛巳郊【鼯防食郊牛改卜牛志不敬也夏四月郊書不時也四卜非礼五卜强也全曰牲傷曰牛已牛矣其尚卜免之何也常置之上帝矣故卜而後免之不敢专也昔者周公郊祀后稷以配天此成王亮陰之時位冢宰掇國政行天子之事也魯何以得郊成王追念周公有大勲勞于天下而欲尊魯故賜以重祭得郊禘大雩然則可乎孔子曰魯之郊禘非礼也周公其衰矣欲尊魯而賜以人臣不得用之礼乐豈所以康周公也哉天子祭天地諸侯祭社稷大夫祭五祀庶人祭其祖此定理也今魯得郊以為常事春秋欲削而不書無以見其失礼盡書之乎則有不胜書者故聖人因其失礼之中又有失焉者則書于防所謂由性命而发言也聖人奚容心哉因事而書以志其失為後世戒其垂訓之义大矣】秋齊侯衛侯伐晉冬仲孫何忌帥師伐邾

二十七年甲子鲁师伐邾将伐绞邾人爱其土遂以漵东田及沂西田求成鲁人许之卫侯游于郊公子郢仆公曰余无子将立女不对它日又谓之对曰郢不足以辱社稷君其改圖君夫人在堂三揖在下君命祇辱卫侯薨夫人曰命公子郢为世子君命也对曰郢异于它子且君没于吾手若有之郢必闻之且亡人之子辄在乃立辄滕侯朝鲁晋赵鞅纳卫世子蒯聩于戚宵迷阳虎曰右河而南必至焉使太子才八人衰经伪自卫逆者告于门哭而入遂居之齐人输粟于朝歌郑罕达驷 送之晋赵鞅御之遇于铁鞅誓曰范氏中行氏反易天明斩艾百姓欲擅晋国而灭其君寡君恃郑而保焉今郑为不道弃君助臣二三子顺天明从君命经德义除诟耻在此行也克敌者上大夫受县下大夫受郡士田十万庶人工商遂人臣 圉免王良御卫世子为右郑人击鞅中肩毙于车中太子攻之以戈郑师北获齐粟千车卫葬其君吴泄庸如蔡纳聘而稍纳师师毕入众知之蔡侯告大夫杀公子驷以說哭而迁墓遂迁于州来孔子在陈将之荆陈蔡大夫谋曰孔丘之徒所言皆中诸侯之病诸侯莫能用将适楚楚若用之陈蔡用事大夫危矣于是孔子絕粮季路愠见曰君子亦有穷乎孔子曰君子固穷小人穷斯滥矣居下而无忧者思不遠处身而常逸者志不广夫芝兰生于深林不以无人而不芳君子积德懷道不为困穷而改节夫遇不遇时也贤不肖材也君子脩身端行以俟其时凡七日藜羹不糝孔子弦歌不衰从者病莫能兴臣于陈侯陈司败问鲁昭公知礼乎孔子曰知礼孔子退揖巫马期而进曰吾闻君子不党君子亦党乎君娶于吴为同姓谓之吴孟子君而知礼孰不知礼巫马期以告孔子曰丘也幸苟有过人必知之孟軻氏曰君子之厄于陈蔡之间无上下之交也经曰二年春王二月季孙斯叔孙州仇仲孙何忌帅师伐邾取漵东田及沂西田癸巳叔孙州仇仲孙何忌及邾子盟于句绎【曷为列书三卿哀公得国不张公室三卿并将鲁众悉行伐国取地以盟其君而已不与焉适越之辱兆矣定公之薨邾子来奔防事鲁恭矣而不免于见伐徒自辱焉不知以礼为国之故也邾在邦域之中不加矜恤而诸卿相继伐之既取其田而又强与之盟不知以义睦邻之故也故详书以着其罪三人伐则曷为二人盟盟者各盟其所得也莫强乎季孙何独无得季氏四分公室有其二昭公伐意如叔孙氏救意如而昭公孙阳虎囚桓子孟孙氏救桓子而阳虎奔今得邾田盖季氏以归二家而不取也】夏四月丙子卫侯元卒滕子来朝晋赵鞅帅师纳卫世子蒯聩于戚【世子不言纳位其所固有国其所宜君谓之储副则无所事乎纳矣凡公子出奔复而得国者其顺且易则曰归有奉焉则曰自其难也则曰入不称纳矣况世子哉今赵鞅帅师以蒯聩复国而书纳者见蒯聩无道为国人之所不受也国人不受而称世子者罪卫人之拒之也所以然者緣蒯聩出奔灵公未尝有命废之而立他子及公之卒大臣又未尝谋于国人数聩之罪选公子之贤者以主其国乃从辄之所欲而居之以子拒父此其所以称世子也人莫不爱其亲而志于杀莫不敬其父而忘其防莫不慈其子欲其子之富且贵也而夺其位蒯聩之于天理逆矣何疑于废黜然父虽不父子不可以不子辄乃据国而与之争可乎故特系纳卫世子蒯聩于戚于赵鞅帅师之下而鞅不知义灵公与卫国大臣不能早正国家之本以致祸乱其罪皆见矣】秋八月甲戌晋赵鞅帅师及郑罕达帅师战于铁郑师败绩冬十月葬卫灵公十有一月蔡迁于州来蔡杀其大夫公子驷【州来吴所灭也蔡虽请迁于吴而中悔吴人如蔡纳聘而师毕入蔡侯告大夫杀公子驷以說哭而迁墓如此则实吴人之所迁也而经以自迁为文何也楚既降蔡使疆于江汝蔡人听命而还师矣复背楚请迁于吴而又自悔也其谋之不臧甚矣夫迁国大事也盘庚五迁利害甚明众犹胥怨不适有居至于丁寧反复播告之脩而后定也今蔡介于吴楚二大国之间背楚诳吴及其事急又委罪于执政其谁之咎也故经以自迁为文而杀公子驷则

书大夫而称国言君与用事大臣擅杀之也放公孙猎则书大夫而称人言国乱无政众人擅放之也驷与猎其以请迁于吴为非者乎而委之罪以說谁敢复有尽忠而与谋其国者哉】

二十八年齐师卫师围戚求援于中山鲁地震鲁司铎火火逾公宫桓宫僖宫灾救火者皆曰顾府南宫說至命周人出御书俟于宫子服何至命宰人出礼书校人乘马巾车脂辖百官官备府库慎守官人肃给济濡帷幕郁攸从之蒙葺公屋自太庙始公父歟至命校人驾乘车季孙斯至御公立于象魏之外命藏象魏曰旧章不可亡也孔子在陈闻火曰其桓僖乎鲁师城啓阳鲁季孙斯卒是为桓子子肥代为政卫侯适在请吊鲁侯辞不得命公为主客入吊肥立于门右北面鲁侯升自东阶西乡客升自西阶吊鲁侯拜兴哭肥拜稽顙于位有如二孤非礼也古者其君后主人而拜曾子问曰丧有二孤庙有二主礼欤孔子曰天无二日土无二王家无二主尊无二上未知其为礼也庙有二主自齐桓始也丧有二孤自季康子之过也秦伯薨子某嗣鲁师围邾晋赵鞅攻朝歌荀寅奔邯郸孔子在陈复将之荆先之以子夏又申之以冉有过叶叶公语孔子曰吾党有直躬者其父攘羊而子证之子曰吾党之直者异于是父为子隐子为父隐直在其中矣叶公问政孔子曰近者說遠者来叶公问孔子于子路子路不对子曰女奚不曰其为人也发愤忘食乐以忘忧不知老之将至云尔孔子至楚楚王大喜将封之公子申諫曰周文王百里之君卒王天下今孔丘述三五之道明周召之业又有羣贤为之辅王诚封之非国之福也王乃止楚狂接輿歌而过孔子曰鳳兮鳳兮何德之衰也来世不可待也往世不可追也天下有道圣人成焉天下无道圣人生焉方今之时仅免刑焉福轻乎羽莫之知载祸重乎地莫之知避已乎己乎临人以德殆乎殆乎画地而趋迷阳迷阳无伤吾行吾行却曲无伤吾足山木自寇也膏火自煎也桂可食故伐之漆可用故割之人皆知有用之用而不知无用之用也孔子下欲与之言趋而避之不得与之言或曰接輿姓陆名通孔子去楚长沮桀溺耦而耕孔子过之使子路问津焉长沮曰夫执輿者为谁曰为孔丘是鲁孔丘与曰是也是知津矣问于桀溺桀溺曰子为谁曰为仲由是鲁孔丘之徒与曰然曰滔滔者天下皆是也而谁与易之且而与其从辟人之士也岂若从辟世之士哉輿而不辍子路行以告夫子怃然曰鸟兽不可与同羣吾非斯人之徒与而谁与天下有道丘不与易也子路从而后遇丈人以杖荷篠子路问曰子见夫子乎丈人曰四体不勤五穀不分孰为夫子植其杖而耘子路拱而立止子路宿杀鸡为黍而食之见其二子焉明日子路行以告子曰隐者也使子路反见之至则行矣子路曰不仕无义长幼之节不可废也君臣之义如之何其废之欲洁其身而乱大伦君子之仕也行其义也道之不行已知之矣孔子复归于陈经曰三年春齐国夏卫石曼姑帅师围戚【按左氏灵公游于郊公子郢御公曰余无子将立汝对曰郢不足以辱社稷君其改国君夫人在堂三揖在下君命祗辱灵公卒夫人曰命公子郢为太子君命也对曰郢异于他子且君没于吾手若有郢必闻且亡人之子辄在乃立辄以拒蒯聩前称世子者所以深罪辄之见立不辞而拒其父也辄若可立则蒯聩为未絕未絕则是世子尚存而可以拒乎主兵者卫也何以序齐为首罪齐人与卫之为恶而党之也公孙文仲主兵伐郑而序宋为首以诛荡公石曼姑主兵围戚而序齐为首以诛国夏训天下后世讨乱臣贼子之法也古者孙从祖又孙氏王父之字考于庙制昭常为昭穆常为穆不以父命辞王父命理也辄虽由嫡孙得立然非有灵公之命安得云受之王父辞父命哉故冉有谓子贡曰夫子为卫君乎子贡曰诺吾将问之入曰伯夷叔齐何人也曰古之贤人也怨乎曰求仁而得仁又何怨出曰夫子不为也伯夷以父命为尊而让其弟叔齐以天伦为重而让其兄仲尼以为求仁而得仁者也然则

为辄者奈何宜辞于国曰若以父为有罪将从王父之命则有社稷镇公子在我焉得为君以为无罪则国乃世子之所有也天下岂有无父之国哉而使我立乎其位如此则言顺而事成矣是故辄辞其位以避父则卫之臣子拒蒯瞶而辅之可也辄利其位以拒父则卫之臣子舍爵禄而去之可也乌有父不慈子不孝争利其国灭天理而可为者乎】夏四月甲午地震五月辛卯桓宫僖宫灾【桓僖亲尽矣其宫何以存季氏者出于桓立于僖世专鲁国之政其诸以是为悦而不毁欤何以不称及等也称及则祖有尊卑矣或谓祖有功宗有德所以劝也则如之何曰孝子慈孙事其祖考仁也奚问其功德之有无也必若此言是子孙得选择其祖宗而尊事之矣岂理也哉】季孙斯叔孙州仇帅师城啓阳宋乐髡帅师伐曹秋七月丙子季孙斯卒蔡人放其大夫公孙猎于吴冬十月癸卯秦伯卒叔孙州仇仲孙何忌帅师围邾

皇王大纪卷六十六

宋 胡宏 撰

三王纪

敬王

二十九年蔡侯将如吴诸大夫恐其又迁也承公孙翩逐而射之入于家人而薨以两矢门之众莫敢进文之锴后至曰如墙而进多而杀二人锴执弓而先翩射之中肘锴遂杀之子朔嗣逐公孙辰秦莖其君楚单浮余围蚩氏蚩氏溃蚩子赤奔晋陰地楚司马眖起丰析与狄戎以临上雒左师军于蒐和右师军于仓野使谓陰地之命大夫士蔑曰晋楚有盟好恶同之若将不废寡君之愿也不然将通于少习以听命士蔑请诸赵鞅鞅曰晋未寧安能恶于楚必速与之士蔑乃致九州之戎将裂田以与蚩子而城之且将为之卜蚩子听卜遂执之与其五大夫以畀楚师于三户司马致邑立宗焉以诱其遗民而尽俘以归鲁城西郭鲁亳社灾滕侯薨子虞母嗣蔡莖其君滕莖其君齐陈乞 施卫甯跪救范氏围五鹿赵鞅围邯鄲荀寅奔鲜虞齐国夏伐晋防鲜虞纳荀寅于栢人越王归自吴坐卧饮食必嘗胆问于范蠡曰节事奈何对曰惟地为能包万物以为一乃经理其国南至于勾无北至于御儿东至于鄞西至于姑蔑广运千里则致其父母昆弟而誓之曰寡人闻之古之贤者四方之民归之若水之归下也今寡人不能将帅二三子夫妇以蕃女子十七不嫁丈夫二十不娶父母有罪将免者以告公鑿守之生丈夫二壶酒一犬生女子一壶酒一豚当室者死三年释其政友子死三月释其政必哭泣莖埋之如其子令孤子寡妇疾疢贫病者纳官其子四方之士来者必庙礼之范蠡曰时将有反事将有间必知天下之恒制乃有天下之成利事无间无反则抚民保教以须之辛研言于越王曰五谷者万民之命国之重寶也粢二十病农九十病末上不过八十下不减三十则农末俱利平粢齐物物贵极则反贱贱极则反贵贸易财币欲其行如流水行之十年越以富强孔子在陈曰归与归与吾党之小子狂简斐然成章不知所以裁之过卫季路曰卫君待子而为政子将奚先子曰必也正名乎子路曰有是哉子之迂也奚其正子曰野哉由也君子于其所不知盖阙如也名不正则言不顺言不顺则事不成事不成则礼乐不兴礼乐不兴则刑罚不中刑罚不中则民无所措手足是故君子名之必可言也言之必可行也君子于其言无所苟而已矣经曰四年春王二月庚戌盜杀蔡侯申【按左氏蔡侯将如吴诸大夫恐其又迁也公孙翩逐而射之卒然则翩非防者其以盜称何也蔡侯倍楚誑吴又委罪于执政其谋国如是则信义俱亡礼文并弃无以守身而自卫夫人得而害之矣故变文书盜以警有国之君也翩弑君而畧其名氏姓与霍皆翩之党称国以杀而不去其官者二公孙盖尝谋国不使其君至于是而弗见庸者也故书法如此而或者以翩非防者而称盜苏辙以谓求名而不得非矣天下岂有欲求弑君之名春秋又惜此名而不与者哉】蔡公孙辰出奔吴葬秦惠公宋人执小邾子夏蔡杀其大夫公孙姓公孙霍晋人执戎蚩子赤归于楚【楚围蚩氏蚩子赤奔晋楚谓晋曰晋楚有盟好恶同之若将不废则寡人之愿也不然将通于少习以听命赵鞅曰晋国未寧安能恶楚必速与之乃诈执蚩子以畀楚师其曰晋人云者罪之也蚩子赤何以名夷狄也无罪见执亦书名外之也文公执曹伯则曰畀宋人今此曷云归于楚归于楚者犹曰京师

楚也晋主夏盟为日久矣不竞至此春秋所恶】城西郭六月辛丑亳社灾秋八月甲寅滕子结卒冬十有二月塋蔡昭公塋滕顷公三十年鲁城毗晋围栢人荀寅士吉射奔齐寅召其祝而责之祝简对曰先君穆子皮车十乘惟忧德义之不足也今君革车百乘犹患不足民之怨诅多矣所以亡也一祝岂能胜万诅哉寅大慙遂行过其属邑从者请休寅曰是嗇夫也吾好音则遗我以鸣琴吾好佩则遗我以玉环是振我过以求容于我者今其以我求容于人矣遂去之季路问于孔子曰荀氏尊贤而贱不肖其亡何也子曰尊贤不能用贱不肖而不能去能无亡乎晋赵鞅伐卫取中牟以佛 为宰齐燕姬无子诸子鬻嬖之子荼嬖诸大夫恐其为世子也言于齐侯曰君之齿长矣未有世子若之何曰二三子间于忧虞则有疾疢亦姑谋乐何忧于无君齐侯疾使国夏高张立荼寘羣公子于莱齐侯薨公子嘉公子驹公子黔奔卫公子鉏公子阳生奔鲁鲁叔还如齐齐塋其君晋赵鞅使尹铎为晋阳宰请曰以为茧丝乎抑为保障乎鞅曰保障哉尹铎损其户数鞅问壮驰兹曰东方之士孰愈对曰国家将兴君子自以为不足其亡也若有余今主任政而问及小人又求贤者焉其长有后于晋矣佛 以中牟叛令曰从我者受邑否者烹田基进曰义死不辟鉞钺义穷不受轩冕褰裳就鼎 舍之使召孔子子欲往季路曰由闻诸夫子曰亲于其身为不善者君子不入也佛 叛子之欲往也如之何子曰然有是言也不曰坚乎磨而不磷不曰白乎涅而不缁吾岂匏 也哉焉能系而不食鞅平中牟论功以田基为首基不受而去鞅之臣尹綽郈厥鞅曰綽不爱我谏于显厥爱我谏于隐綽曰不质君于众恐君之不变也经曰五年春城毗夏齐侯伐宋晋赵鞅帅师伐卫秋九月癸酉齐侯杵臼卒冬叔还如齐闰月塋齐景公

三十一年鲁城邾瑕吴复伐陈齐乞伪事高国者每朝必驂乘焉所从必言诸大夫曰彼皆偃蹇将弃子之命皆曰高国得君必偪我盍去诸固将谋子子早圖之需事之下也及朝则曰彼虎狼也见我在子之侧杀我无日矣请就之位又谓诸大夫曰二子者祸矣恃得君而欲谋二三子曰国之多难贵宠之由尽去之而后君定及其未作也先诸大夫从之乞与鲍牧及诸大夫以甲入于公宫国夏高张闻之乘如公战于庄败国夏奔莒遂及高张晏圉 施奔鲁鲁叔还防吴于柤楚王在城父将救陈卜战不吉卜退不吉王曰然则死也再败楚师不如死弃盟逃讎亦不如死死一也其死讎乎遂进师先是有云如众赤鸟夹日以飞三日楚王使问诸周太史太史曰其当王乎祭之可移于令尹司马王曰除腹心之疾而寘之股肱何益不谷不有大过天其夭诸有罪受罚又焉移之遂弗祭王攻大冥将战有疾卜曰河为祟王弗祭大夫请祭诸郊王曰三代命祀祭不越望江汉沮漳楚之望也祸福之至不是过也不谷虽不德河非所获罪也遂弗祭孔子曰楚昭王知大道矣其不失国也宜哉王薨于城父諡曰昭王子章嗣孟轲氏曰尧舜性之也汤武身之也五伯假之也久假而不归乌知其非有也又曰以力假仁者霸霸必有大国以德行仁者王王不待大以力服人者非心服也力不赡也以德服人者中心悅而诚服也

论曰楚国败壞于囊瓦创夷于强吴几于亡灭昭王之所以复国而益安强者皆公子申之谋也或问申于孔子子曰彼哉彼哉圣人度量 遠而责人以恕何独于子西如此乎按楚之先鬻熊为文王师而封于楚及熊通越礼僭号圣人黜之等于荆蛮文庄而后与中国并驾齐驱圣人进之同于诸夏逮昭王之时中国衰诸侯放恣大夫骄横无可告语者而昭王独发大论皆当于道若左右得人其进未可量也惜也子西得君之专执政之久曾不能辅之变楚俗匡

天下懵懵然守旧规而已故仲尼责之如此

齐陈乞召公子阳生于鲁阳生出莱门逮夜至于齐与馈者皆入遂立之将盟鲍牧醉而往其臣曰谁之命也乞曰受命于夫子遂诬鲍子曰子之命也牧曰女忘君之为孺子牛而折其齿乎而背之也阳生稽首曰吾子奉义而行者也若我可不必亡一大夫若我不可不必亡一公子义则进否则退敢不惟子是从废兴无以乱则所愿也牧曰谁非君之子乃受盟使胡姬以荼如赖去鬻姒杀王甲拘江說囚王豹于句窦之丘使朱毛告于乞曰防子则不及此虽然君异于器不可以二器二不匮君二多难敢布诸大夫乞不对而泣曰君举不信羣臣乎以齐国之困困又有忧少君不可访是以求长君庶亦能容羣臣乎不然夫孺子何罪毛复命公悔之毛曰君大访于陈子而圖其小可也使毛迁孺子于殆不至杀诸野幕之下鲁仲孙伐邾孔子居于卫冉有谓子贡曰夫子为卫君乎子贡曰诺吾将问之入曰伯夷叔齐何人也曰古之贤人也曰怨乎曰求仁而得仁又何怨出曰夫子不为也经曰六年春城邾瑕晋赵鞅帅师伐鲜虞吴伐陈夏齐国夏及高张来奔叔还防吴于柰秋七月庚寅楚子轸卒齐阳生入于齐齐陈乞弑其君荼【阳生曷为不称公子非先君之子也为人子者无以有己则以父母之心为心者景公命荼世其国已则篡荼而自立是自絶于先君岂复得为先君之子也不称公子诛不子也阳生不子则曷为系之齐春秋端本之书也正其本则事理阳生之不子也其谁使之然也不有废长立少以啓乱者乎故齐景问政于孔子孔子对曰君君臣臣父父子子君不君则臣不臣父不父则子不子以阳生系之齐着乱之所由生也然而弑荼者阳生与朱毛也曷为书陈乞初景公谓陈乞吾欲立荼如何对曰所乐乎为君者欲立则立之不欲立则不立也君如欲立则臣请立之阳生谓乞曰吾闻子盖将不欲立我也对曰千乘之主将废正而立不正必杀正者吾不立子者所以生子也与之玉节而走之鲁景公死荼立陈乞使人迎阳生寅诸家召诸大夫知乞有备不得已逡巡北面再拜而君之尔故里克中立不免杀身之刑陈乞献谀终被弑君之罪是皆不明春秋之义陷于大恶而不知者也】冬仲孙何忌帅师伐邾宋向巢帅师伐曹三十二年鲁侯会吴王于鄆吴徵百牢子服何对曰先王未之有也吴人曰宋百牢我鲁不可以后宋且鲁牢晋大夫过十吴王百牢不亦可乎何对曰晋范鞅贪而弃礼以大国惧敝邑故敝邑十一牢之君若以礼命于诸侯则有数矣若亦弃礼则有淫者矣周之礼制上物不过十二以为天之大数也今弃周礼而曰必百牢亦惟执事吴人弗听何曰吴将亡矣弃天而背本太宰嚭召季孙季孙使子贡辞嚭曰国君道长而大夫不出门此何礼也对曰岂以为礼畏大国也大国不以礼命于诸侯苟不以礼岂可量也寡君既共命焉其老岂敢弃其国太伯端委以治周礼仲雍嗣之断髮文身羸以为饰岂礼也哉有由然也反自鄆以吴为无能为也鲁季孙肥欲伐邾飧大夫以谋之子服何曰小所以事大信也大所以保小仁也背大国不信伐小国不仁民保于城城保于德失二德者危将焉保仲孙何忌曰二三子以为如何恶贤而逆之对曰禹合诸侯于涂山执玉帛者万国今其存者无数十焉惟大不字小小不事大也知必危何故不言鲁德如邾而以众加之可乎不乐而出遂伐邾及范门犹闻钟声大夫諫不听茅夷鸿请告于吴不许曰鲁击柝闻于邾吴二千里不三月不至何及于我且国内岂不足夷鸿以茅叛鲁师遂入邾处其公宫师昼掠邾众保于绎师宵掠以邾子归献于亳社囚诸负瑕茅夷鸿以束帛乘韦自请救于吴曰鲁弱晋而遠吴冯恃其众而背君之盟辟君之执事以陵我小国邾非敢自爱也惧君威之不立君威之不立小国之忧也若夏盟于鄆衍秋而背之成求而不违四方诸侯其何以事君且鲁赋八百乘君之貳也邾赋六百乘君之私也以

私奉貳惟君圖之吳王從之曹伯好田弋鄙人公孫彊獲白鴈獻之且言田弋之說說之因訪政事大說之使為司成以听政彊言霸說于曹伯乃背晉而奸宋宋人伐之晉人不救宋遂圍之筑五邑于其郊曰黍丘揖丘大城鍾邰鄭桓子思曰宋人有曹鄭之患也不可以不救驪帥師侵宋經曰七年春宋皇瑗帥師侵鄭晉魏曼多帥師侵衛夏公防吳于鄆秋公伐邾八月己酉入邾以邾子益來【春秋隱君之惡故滅國書取婉以成章而不失其實也恃強陵弱無故伐人而入其國處其宮晝夜掠以其君來獻于亳社囚于負瑕此天下之惡也吳師為是克東陽齊人為是取吾二邑辱國亦甚矣何以備書于防而不諱乎聖人道隆而德大人之有惡務去之而不積也則不念其惡而進之矣以邾子益來惡也歸邾子益于邾是知其為惡能去之而不積也故書以邾子來而不諱者欲見後書歸邾子之為能去其惡而與之也聖人之情見矣明此然後可以操賞罰之權不明乎此以操賞罰之權而能濟者鮮矣】宋人圍曹冬鄭驪帥師救曹

三十三年宋師將還褚師子肥殿曹人詬之不行師待之宋公聞之怒命反之遂滅曹執曹伯陽及司城彊以歸殺之吳王將伐魯問于叔孫輒對曰魯有名而無情伐之必得志焉退而告公山不狃不狃曰非禮也君子違不適讎國未臣而有伐之奔命焉死之可也所托也則隱且夫人之行也不以所惡廢鄉今子以小惡而欲覆宗國不亦難乎若使子帥子必辭王將使我輒病之王問于不狃對曰魯雖無與立必有與弑諸侯將救之未可以得志焉晉與齊楚輔之是四讎也夫魯齊晉之唇也唇亡齒寒君所知也不救何為吳王伐魯公山不狃率故道險從武城克東陽而進次于泗上防虎欲宵攻王舍私屬徒七百人三踊于幕庭卒三百人有若與焉及稷門之內或謂季孫曰不足以害吳而多殺國士不如已也乃止吳王聞之一夕三遷吳人行成將盟子服何曰楚人圍宋易子而食析骸而爨猶無城下之盟我未及亏而有城下之盟是棄國也吳輕而遠不能久將歸矣請少待之弗從吳人盟而還邾子齊出也鮑牧帥師伐魯取讎及闡齊侯使如吳請師將以伐魯魯乃歸邾子邾子又無道吳王使太宰嚭討之囚諸樓台梏之以棘使諸大夫輔世子以為政魯及齊平杞伯薨子維嗣齊人歸魯讎及闡晉有豕人言經曰八年春王正月宋公入曹以曹伯陽歸【此滅曹也曷為不言滅滅者亡國之善詞上下之同力也曹伯陽好田弋鄙人公孫彊獲白鴈獻之且言田弋之說因訪政事大說之彊言霸說于曹伯因背晉而奸宋宋人伐之晉人不救書宋公入曹以曹伯陽歸而削其見滅之實猶虞之亡書晉公執虞公而不言滅也春秋輕重之權衡故書法若此有國者妄听辯言以亂旧政自取滅亡之禍可以鑒矣】吳伐我【吳為邾故興師伐魯兵加國都而盟于城下經書伐我不言四鄙及與吳盟者諱之也來戰于郎直書不諱盟于城下何諱之深也楚人圍宋易子而食析骸而爨亦云急矣欲盟城下則曰有以國弑不能從也晉師從齊齊侯致賂晉人不可國佐對曰子若不許請合余燼背城借一敝邑之幸亦云從也遂盟于爰婁而春秋與之今魯未及亏不能少待遂有城下之盟是棄國也夫棄國者其能國乎使有華元國佐之臣則不至此矣故春秋不言四鄙及與吳盟者欲見其實而深諱之以為後世謀國之士不能以禮義自強偷生惜死至于侵削凌遲而不知耻者之戒也】夏齊人取讎及闡歸邾子益于邾秋七月冬十有二月癸亥杞伯過卒齊人歸讎及闡【按左氏邾子益齊出也魯以益來則齊人取讎及闡又如吳請師而怒猶未怠也以此見國君造惡不悛則四鄰謀取其國家莫能保矣歸邾子益于邾則齊人歸讎及闡又辭師于吳而德猶未泯也以此見國君去惡而不積則四鄰不侵其封境而自安矣曰伐曰取者逆詞也曰歸者順詞也去逆效順息兵休爭齊無取地

之罪鲁无失地之辱以此见迁善之优改过之大而春秋不讳入邾以邾子益来则以明归益于邾之能掩其前恶而美之也】

三十四年杞葬其君齐侯使孟公绰辞师于吴吴王曰昔既闻命今又革之不知所从将进受命于君郑罕达之嬖许瑕求邑无以与之请外取许之围宋雍丘宋皇瑗围之每日迁舍垒合郑师哭罕达救之大败宋遂取郑师使有能者无死以邾张与郑罗归楚人伐陈陈即吴故也吴城邳穿沟通江淮遣使至鲁傲伐齐经曰九年春王二月葬杞僖公宋皇瑗帅师取郑师于雍丘夏楚人伐陈秋宋公伐郑冬十月

三十五年邾子自吴奔鲁遂奔齐吴王邾子郈子伐齐南鄙师于郕鲁侯防之齐人弑其君以说子壬嗣赴于师吴王三日哭于军门之外徐承帅舟师将自海入齐齐人败之吴师乃还晋赵鞅伐齐取犁及轅毁高唐之郭侵及赖而还鲁侯归齐葬其君薛伯薨子某嗣薛葬其君吴王复傲师于鲁楚师伐陈吴延州来季子救陈谓公子结曰二君不务德而力争诸侯民何罪焉我请退以为子名务德而安民乃还越王将伐吴范蠡曰未可以美女西施献于吴王王受之伍员谏不听初吴王光起台于姑苏夫差高而饰之三年乃成别建春霄宫宫妓千人起海灵馆饰以铜沟玉檻作天池青龙舟日与西施淫戏为长夜之饮经曰十年春王二月邾子益来奔公会吴伐齐三月戊戌齐侯阳生卒【按左氏公防吴伐齐齐人弑悼公赴于师春秋不着齐人弑君之罪而以卒书者亦犹郑伯髡顽弑而书卒不忍以夷狄之民加中国之君也其存天理之意防矣鲁人入邾以其君来罪也齐侯为是取讜及阐如吴请师讨之也鲁人悔惧归益于邾是知其罪而能改也齐侯为是归讜及阐又辞师于吴是变之正也夫变之正者礼义之所在中国之君也吴人欲遂前言而背达正理狄道也齐之臣子不能将顺上及其君此天下大变常理之所无也故没其见弑之祸而以卒书其防深矣春秋弑君大恶不待贬绝而自见也君而见弑岂无不善之积以及其身乎若悼公变而克正则无不善之积矣故公卒书而没其见弑所谓不忍以夷狄之民加中国之君也而存天理之意防矣】夏宋人伐郑晋赵鞅帅师侵齐五月公至自伐齐葬齐悼公卫公孟彊自齐归于卫薛伯夷卒秋葬薛惠公冬楚公子结帅师伐陈吴救陈【春秋恶首乱善解纷自诛乱臣讨贼子之外凡书救者未有不善之也救在王室则罪诸侯子突救卫是也救在远国则罪四邻晋阳处父救江是也救在夷狄则罪中国楚公子贞救郑狄救齐吴救陈是也吴虽蛮夷之国来防于齐则进而书人矣使季札聘则又进而书子矣救而果善曷以独以号举而不进之也其以号举而不进之者深着楚罪而伤中国之衰也陈者有虞之后尝为楚灭而仅存耳今又无故兴师肆行侵伐而列国诸侯其暴横不能修方伯连帅之职而吴能救之故独以号举深着楚罪而伤中国之衰也子欲居九夷乘桴浮海而曰夷狄之有君不如诸夏之亡也其书吴救陈意乎】

皇王大纪卷六十七

宋 胡宏 撰

三王纪

敬王

三十六年齐国书高无丕帅师伐鲁及清季孙谓其宰冉求曰齐师在清必鲁故也若之何求曰一子守二子从公御诸竟季孙曰不能求曰居封疆之间二子不可求曰若不可则君无出一子帅师背城而战不属者非鲁人也鲁之羣室众于齐之兵车一室敌车优矣子何患焉二子之不欲战也宜政在季氏当子之身齐人伐鲁而不能战子之耻也大不列于诸侯矣季孙使从于朝待于党氏之沟州仇呼而问战焉对曰君子有远虑小人何知何忌强问之对曰小人虑材而言量力而行者也州仇曰是谓我不成丈夫也退而搜乘季氏之甲七千冉求以武城人三百为已徒卒老幼守宫次于雩门之外公为遇负杖入保者息曰使之虽病也任之虽重也君子不能为谋也士不能死也吾既言之矣敢不勉乎师及齐师战于郊公为与童汪錡往皆死焉齐师自稷不逾沟冉求之右樊迟曰非不能也不信子也请三刻而逾之众从之冉有用矛遂入齐军获甲首八十齐人不能师冉求请从之三季孙弗许鲁人欲勿殇童汪錡问于孔子子曰能执干戈以卫社稷虽欲勿殇也不亦可乎孔子在卫鲁人以币召孔子还鲁侯问曰寡人生于深宫之中长于妇人之手未尝知哀未尝知忧未尝知劳未尝知惧未尝知危也今欲知之亦有道乎孔子曰君入宗庙升阼阶望楹栋视几筵而不见其人则哀可知矣夙兴视朝一物失应乱亡之端则忧可知矣日出听政至于中昃诸侯宾来行礼揖让慎其威仪则劳可知矣缅然长思出于四门周章远望亡国之墟必有数焉则惧可知矣夫君者舟也庶人者水也水所以载舟亦所以覆舟则危可知矣公曰请问为政孔子对曰政者正也君为正则百姓从政矣君之所为百姓之所从也君所不为百姓何从夫妇别父子亲君臣严三者正则庶物从之矣公曰愿闻所以行三言之道对曰古之为政爱人为大所以治爱人礼为大所以治礼敬为大敬之至矣大昏为大是故冕而亲迎亲之也君子兴敬为亲舍敬是遗亲也弗爱不亲弗敬不正爱与敬其政之本欤公曰冕而亲迎不已重乎孔子愀然作色而对曰天地不合万物不生合二姓之好以嗣先圣为天地社稷宗庙之主君何谓已重乎是故三代明王之政必敬其妻子也有道为政先礼礼其政之本欤公曰敢问君子何贵乎天道也孔子曰贵其不已也是故仁人之事亲也如事天事天如事亲是故孝子成身君子无不敬也敬身为大无不爱也爱人为大不能爱人不能有其身不能安土不能乐天不能乐土不能成其身公曰何为则民服孔子对曰举直错诸枉则民服举枉错诸直则民不服陈司徒轅颇赋封田以嫁公女有余以为己大器国人逐之出奔郑道渴其族轅咺进稻醴梁糗暇脯焉喜曰何其给也对曰器成而具曰何不吾谏曰惧先行吴将伐齐越王入朝王及列士皆有馈赂吴人皆喜伍员惧曰是参吴也夫谏于王曰越在我心腹之疾也壤地同而有欲于我夫其柔服求济其欲也不如早从事焉得志于齐犹获石田也无所用之越不为沼吴其泯矣使医除疾而曰必遗类焉者未之有也盘庚之诰曰其有颠越不恭则劓殄无遗育无俾易种于兹邑是商所以兴也弗听遂兴师伐齐鲁侯会之齐国书将中军战于艾陵大败齐师

获国书公孙夏间丘明陈书东郭书革车八百乘甲士三千以献于公公使太史固归国子之元吴王归国赐伍员属镂员自杀盛以鸱夷投之江吴人莫不怜之越王曰吴可伐乎范蠡曰未可滕侯薨子某嗣卫世叔疾娶于宋子朝其娣嬖子朝出孔圉使疾出其妻而妻之疾使寺人诱其初妻之娣寘诸犁孔圉怒夺其妻遂出奔宋鲁季孙欲以田赋使冉求访于孔子三发不应求曰子为国老待子而行若之何子之不言也孔子曰求先王制土籍田以力而砥其远迩赋里以入而量其有无任力以夫而议其老幼鰥寡孤疾有军旅然后徵之无则已其收田一井出稷禾秉舂缶米而已是故君子之行也度于礼施取其厚事举其中敛从其薄以丘足矣若不度于礼而贪冒无厌虽以田赋将又不足且季孙若欲行而法则周公之典在若欲苟而行又何访焉弗听孔子闲居四方之士前后就学者三千人升堂入室者七十二人德行颜回闵子骞冉伯牛仲弓言语宰我子贡政事冉有季路文学子防子夏是为十哲而亚于夫子者颜子也颜子问仁子曰克己复礼为仁一日克己复礼天下归仁焉颜子曰请问其目子曰非礼勿视非礼勿听非礼勿言非礼勿动颜子曰回虽不敏请事斯语矣颜子问为邦子曰行夏之时乘殷之辂服周之冕乐则韶舞放郑声远佞人郑声淫佞人殆颜子死子哭之曰噫天防予天防予从者曰子恸矣曰有恸乎非夫人之为恸而谁为孟子论曰禹稷当平世三过其门而不入孔子贤之颜子当乱世居于陋巷一簞食一瓢饮人不堪其忧颜子不改其乐孔子贤之孟子曰禹稷颜回同道禹思天下有溺者犹己溺之也稷思天下有饥者犹己饥之也是以如是其急也禹稷颜子易地则皆然仲尼燕居子张子贡言防侍子曰居吾语女礼使女三人以礼周流无不徧也夫郊社之礼所以仁神也尝禘之礼所以仁昭穆也馈奠之礼所以仁死防也乡射之礼所以仁乡党也食飧之礼所以仁賓客也是故居处有礼故长幼别闺门有礼故三族和朝廷有礼故官爵序田猎有礼故戎事闲军旅有礼故武功成加于身而措于前凡众之动得其宜夫礼者理也乐者节也君子无理不动无节不作不能诗于礼繆不能乐于礼素薄于德于礼虚两君相见揖让而入门入门而县兴揖让而升堂升堂而乐阼下管象舞夏籥序兴陈其荐俎序其礼乐备其百官如此而后君子知仁焉行中规还中矩和鸾中采齐客出以雍彻以振羽是知君子无物而不在礼矣入门而金作示情也升歌清庙示德也下而管象示事也是故古之君子不必亲相与言也以礼乐相示而已子曰制度在礼文为在礼行之其在人乎子贡越席而对曰敢问防其穷乎子曰达于礼而不达于乐谓之素达于乐而不达于礼谓之偏夫防传于此名也古之人也子张问政子曰君子明于礼乐举而错之而已矣子张复问子曰师尔以为必铺几筵升降酌献酬酢然后谓之礼乎尔以为必行缀兆兴羽籥然后谓之乐乎言而履之礼也行而乐之乐也是故室则有奥阼席则有上下车则有左右行则有随立则有序昔圣帝明王力此以南面而天下平矣孔子闲居子夏侍问曰诗云恺悌君子民之父母何如斯可谓民之父母也子曰必达于礼乐之原以致五至而行三无以横于天下子夏曰何谓五至子曰志之所至诗亦至焉诗之所至礼亦至焉礼之所至乐亦至焉乐之所至哀亦至焉哀乐相生是故正明目而视之不可得而见也倾耳而听之不可得而闻也志气塞乎天地此之谓五至子夏曰何谓三无子曰无声之乐无体之礼无服之防子夏曰敢问何诗近之子曰夙夜基命宥密无声之乐也威仪逮逮不可选也无体之礼也凡民有防匍匐救之无服之防也子夏曰三王之德参于天地敢问何如而可以参于天地乎子曰天无私覆地无私载日月无私照奉此三者以劳天下天有四时春夏秋冬风雨霜露无非教也地载神气神气风霆风霆流形庶物露生无非教也清明在躬志气如神嗜欲将至有开必先降时雨山川出云是故三代之王也必先其令闻诗云明明天子令闻不已三代之德也子夏蹶

然而起负墙而立曰弟子敢不承乎宰我问 神于孔子子曰气者神之盛也魄者 之盛也气发扬于上为昭明焄蒿此百物之精也神之着也众生必死死必归土此之谓 因物之精制为之极明命 神以为黔首则二端既立报以二礼建设朝事燔燎羶芎见以萧光以报气也荐黍稷羞肝肺首心间以侠颿加以鬱鬯以报魄也教民复古复始不忘其所由生也鲁季孙求语于从祖叔母敬姜对曰吾闻之先姑曰君子能劳后世有继子夏闻之曰善哉商闻之古之嫁者不及舅姑谓之不幸夫妇学于舅姑者礼也敬姜如季氏季孙在朝与之言弗应而入季氏入见曰肥也不得闻命无乃罪乎敬姜曰外朝者子所以业君之官职也内朝者子所以庀季氏之政也而寝门之内吾敢言乎公父文伯朝其母敬姜姜方绩文伯谏敬姜曰瘠土之民劳劳则思而善心生沃土之民逸逸则淫而恶心生是故天子大采朝日与公卿祖识地德日中考政与师尹维旅牧伯相宣序民事少采夕月与太史司载纠防天刑日入监九御共备祀事而后即安诸侯朝修王命昼考其国职夕省其典刑夜儆百工使无惰淫而后即安卿大夫朝考职昼讲政夕序业夜庀其家事而后即安士朝受业昼讲贯夕复习夜计过无憾而后即安庶人明而动晦而休无日以怠王后亲织 紵公侯夫人加之以紵縠卿之内子为大命妇祭服列士之妻加之以朝服愆而有辟古之制也自上以下谁敢淫心舍力吾冀而朝夕修我今尔乃曰胡不自安余惧穆伯之絶祀也仲尼闻之曰弟子识之季孙之见敬姜也防门而与之言皆不逾阂祭悼子季孙与焉胙不受彻俎不宴宗不具不绎绎不尽饫则退仲尼闻之曰有别矣穆伯之防敬姜昼哭文伯之防昼夜哭仲尼闻之曰知礼矣仲尼与蜡賔事毕出游于观之上喟然而叹言偃在侧曰君子何叹子曰大道之行也与三代之英丘未之逮也而有志焉大道之行也天下为公选贤与能讲信修睦故人不独亲其亲不独子其子使老有所终壮有所用防有所长鰥寡孤独废疾者皆有所养男有所分女有所归货恶其弃于地也不必藏于己力恶其不出于身也不必为己故外户不闭是谓大同大道既隐天下为家各亲其亲各子其子货力为己大人世及以为礼城郭沟池以为固以正君臣以笃父子以睦兄弟以和夫妇以功为己是谓小康禹汤文武成王周公由此其选也此六君子未有不谨于礼者言偃复问曰可得闻欤子曰我欲观夏道是故之杞而不足徵也吾得夏时焉我欲观殷道是故之宋而不足徵也吾得坤干焉呜呼我观周道幽厉伤之吾舍鲁何适矣鲁之郊禘非礼也周公其衰矣杞之郊也禹也宋之郊也契也是天子之事守也故圣王修义之栢礼之序以治人情人情者圣人之田也修礼以耕之陈义以种之讲学以耨之本仁以聚之播乐以安之故礼者义之实也协诸义而协礼虽先王未之有可以义起也义者仁之节也得之者强仁者义之本也得之者尊故治国不以礼犹无耜而耕也为礼而不本于义犹耕而弗种也为义而不讲之以学犹种而弗耨也讲之以学而不合之以仁犹耨而弗获也合之以仁而不安之以乐犹获而弗食也安之以乐而不达于顺犹食而弗肥也父子笃兄弟睦夫妇和家之肥也大臣法小臣廉官职相序君臣相正国之肥也是谓大顺故无水旱虫螟之灾人无防饥妖孽之疾天不爱其道地不爱其宝人不爱其情故天降甘露地出醴泉山出器车河出马图凤凰麒麟皆在郊楸 龙在宫沼此之谓大顺明于顺然后能守危也鲁禘孔子曰禘自既灌而往者吾不欲观之矣或问禘之說子曰不知也知其說者之于天下也其如示诸斯乎指其掌祭如在祭神如神在子曰吾不与祭如不祭孔子曰禘者帝王之大祭也仲尼尝奉荐而进其亲也愬其行趋趋以数已祭子贡问曰子之言祭济济漆漆然今子之祭如是何也子曰济济者容也遠也漆漆者容也自反也容以遠若容以自反夫何恍惚之有乎反馈乐成荐其荐俎序

其礼乐备其百官君子致其济济漆漆夫何神明之及交夫言岂一端而已夫各有所当也孝子将祭百物既备夫妇齐戒沐浴盛服奉承而进之洞洞乎如弗胜如将失之于是谕其志意以其恍惚以与神明交庶或飨之孝子之志也进退必敬如亲听命则或使之然也其立之也敬以诎其进之也敬以愉其荐之也敬以欲退而立如将受命已彻而退敬齐之色不絶于面陶陶遂遂如将复入然孝子之有亲爱者必有和气有和气者必有愉色有愉色者必有婉容孝子如执圭如奉盈洞洞属属如弗胜如将失之严威俨恪非所以事亲也成人之道也孔子谓季氏八佾舞于庭是可忍也孰不可忍也三家以雍彻孔子曰相维辟公天子穆穆奚取于三家之堂林放问礼之本子曰大哉问礼与其奢也宁俭丧与其易也宁戚季氏旅于泰山子谓冉有曰女弗能救与对曰不能子曰呜呼曾谓泰山不如林放乎季孙问政于孔子子曰政者正也子帅以正孰敢不正季孙患盗问于孔子子曰苟子之不欲虽赏之不窃季孙曰如杀无道以就有道何如子曰子为政焉用杀子欲善而民善矣君子之德风小人之德草草上之风必偃季孙问曰使民敬忠以劝如之何子曰临之以庄则敬孝慈则忠举善而教不能则劝孔子言卫灵公之无道也季孙曰夫如是奚而不丧子曰仲叔圉治宾客祝鮀治宗庙王孙贾治军旅夫如是奚其丧季孙问仲由可使从政也与子曰由也果于从政乎何有曰赐也可使从政也与子曰赐也达于从政乎何有曰求也可使从政也与曰求也艺于从政乎何有仲孙何忌问孝子曰无违樊迟御子告之曰孟孙问孝于我我对曰无违樊迟曰何谓也子曰生事之以礼死葬之以礼祭之以礼何忌子髡问孝子曰父母惟其疾之忧髡问季路仁乎子曰不知也又问子曰千乘之国可使治其赋也不知其仁也求也何如子曰求也千室之邑百乘之家可使为之宰也不知其仁也赤也何如子曰赤也束带立于朝可使与宾客言也不知其仁也季路冉有曾皙公西华侍坐子曰以吾一日长乎尔毋吾以也居则曰不吾知也如或知尔则何以哉子路率尔而对曰千乘之国摄乎大国之间加之以师旅因之以饥馑由也为之比及三年可使有勇且知方也夫子哂之求尔何如对曰方六七十如五六十求也为之比及三年可使足民如其礼乐以俟君子亦尔何如对曰非曰能之愿学焉宗庙之事如防同端章甫愿为小相焉防尔何如鼓瑟希铿尔舍瑟而作对曰异乎三子者之撰子曰何伤乎亦各言其志也曰暮春者春服既成冠者五六人童子六七人浴乎沂风乎舞雩咏而归夫子喟然叹曰吾与防也三子出曾皙后曰夫三子者之言何如子曰亦各言其志也已矣曰夫子何哂由也曰为国以礼其言不让是故哂之唯求则非邦也与安见方六七十如五六十而非邦也者唯赤则非邦也与宗庙会同非诸侯而何赤也为之小孰能为之大子贡问政子曰足食足兵民信之矣子贡曰必不得已而去于斯三者何先曰去兵子贡曰必不得已而去于斯二者何先曰去食自古皆有死民无信不立子张问政子曰居之无倦行之以忠子路问政子曰先之劳之请益曰无倦子贡为信阳宰子曰勤之慎之仲弓为季氏宰问政子曰先有司赦小过举贤才曰焉知贤才而举之曰举尔所知尔所不知人其舍诸子夏为莒父宰问政子曰无欲速无见小利欲速则不达见小利则大事不成子路治蒲三年孔子过之入其境曰善哉田畴易草莱辟沟洫深民尽力也恭敬以信矣入其邑曰善哉墙屋固树木茂民不偷也忠信以宽矣至其庭曰善哉由也清闻诸下用命令不扰也明察以断矣宓不齐为单父宰父事者三人兄事者五人友事者十一人禀度者五人孔子大之曰此尧舜所以听天下也宓有才智而仁爱百姓不忍欺孔子曰君子哉言偃为武城宰孔子过之闻弦歌之声莞尔而笑曰割鸡焉用牛刀子防对曰昔者偃也闻诸夫子曰君子学道则爱人小人学道则易使也子曰二三子偃之言是也前言戏之耳问言偃曰女得人焉尔乎曰有澹台灭明者行不由径非公事未尝至于偃

之室也子曰鳳鳥不至河不出图吾已矣夫又曰甚矣吾衰也从矣吾不复夢见周公又曰苟有用我者期月而已可也三年有成又曰道不行乘桴浮于海从我者其由与子路闻之喜子曰由也好勇过我无所取材子曰夷狄之有君不如诸夏之亡也子欲居九夷或曰陋如之何曰君子居之何陋之有孔子悼道之不行谓门弟子曰我欲载之空言不如见诸行事之深切着明也于是案鲁春秋核当世之事而加笔削焉游夏之徒不能贊一辞也是歲洛絶于周淇絶于卫经曰十有一年春齐国书帅师伐我【诸侯来伐无有不书四鄙者今齐师及清涉泗非有城下之盟可讳之辱亦书伐我何也 說复于高宗曰惟甲冑起戎惟干戈省厥躬夫省厥躬者自反之谓也自反而缩则为壮自反而不缩则为老师之老壮在曲直曲直在我而不系乎人者也邾子齐之甥鲁尝入邾以其君来齐人为是取讎及阚请师于吴曲在我矣及归邾益而齐人归讎及阚又辞吴师直在齐矣鲁人何名防吴伐之也故春秋之记斯师特曰伐我者欲省致师之由而躬自厚也垂训之义大矣】夏陈轅颇出奔郑五月公防吴伐齐甲戌齐国书帅师及吴战于艾陵齐师败绩获齐国书秋七月辛酉滕子虞母卒冬十有一月葬滕隐公卫世叔齐出奔宋

皇王大纪卷六十八

宋 胡宏 撰

三王纪

敬王

三十七年鲁用田赋初鲁昭公娶于吴同姓也称之曰孟子孟子卒孔子与吊适季氏季氏不纒放经而拜鲁侯防吴王于橐臯太宰嚭请寻盟公不欲使子贡对曰盟所以周信也故心以制之玉帛以奉之言以结之明神以要之寡君以为苟有盟焉弗可改也若犹可改曰盟何益今吾子曰必寻盟若可寻也可寒也乃不寻盟吴徵防于卫卫侯防吴于郕鲁侯卫侯宋皇瑗盟而卒辞吴盟吴人藩卫侯之舍子贡见宰嚭语及卫故太宰曰寡君愿事卫君卫君之来也缓寡君惧故将止之子贡曰卫君之来必谋于其众或欲或否是以缓来其欲来者子之党也其不欲来者子之讐也若执卫君是堕党而崇讐也嚭説乃舍卫侯

论曰子贡在圣门列于言语之科今观其遗言理畅义明使虽甚愚人亦晓然知利害之所在此圣人之所贵也若夫纵横捭阖不顾理义一出而存鲁乱齐破吴强晋霸越则子贡之所甚恶也呜呼以文王武王之将圣司马太史尚信以为陰修德政以倾商不宅大忧而干紂又况圣门诸子哉愚恶夫弃圣经而祖述司马太史以为实录者是以论之使后学无惑焉

宋郑之间有隙地焉曰弥作顷丘玉畅岳戈锡郑子产与宋人为成曰勿有是及宋平元之族自萧奔郑郑人为之城岳戈锡宋向巢伐郑取锡杀元公之孙遂围岳郑罕达救岳围宋师鲁蠡季孙问诸孔子子曰火伏而后蛰者毕今火犹西流司厯过也经曰十有二年春用田赋【哀公问于有若曰年饥用不足如之何有若对曰盍彻乎曰二吾犹不足如之何其彻也曰百姓足君孰与不足百姓不足君孰与足古者公田九一助而不税鲁自宣公初税畝后世遂以为常而不复矣至是二犹不足故又以田赋也夫先王制土籍田以助而砥其逯迹赋里以入而量其有无今用田赋军旅之征非矣田以出粟为主而足食赋以出军为主而足兵周制宅不毛者有里布无职事者征夫家漆林之税二十而五则弛力薄征当以农民为急而增赋竭作不使末业者独幸而免也今二犹不足而用田赋是重田农民而削其本何以为国书曰用田赋用者不宜用也近世议弛商贾之征达于时政者欲先省国用首寬农民后及商贾知春秋讥田赋之意矣】夏五月甲辰孟子卒【孟子吴女昭公之夫人其曰孟子云者讳取同姓也礼取妻不取同姓买妾不知其姓则卜之厚男女之别也同姓从宗合族属异姓主名治际防名著而男女有别矣四世而緦服穷也五世而袒免杀同姓也六世亲属竭矣其庶姓别于上戚单于下昏姻可以通乎綴之以姓而弗别合之以食而弗殊虽百世而昏姻不通周道然也昭公不谨于礼欲结好强吴以去三家之权忍取同姓以混男女之别不命于天子以弱其配不见于庙不书于册以废其常典礼之大本防矣其失国也宜故陈司败问昭公知礼乎子曰知礼子退揖巫马期而进之曰吾闻君子不党君子亦党乎君娶于吴为同姓谓之吴孟子君而知礼孰不知礼巫马期以告子曰丘也幸苟有过人必知之书孟子卒虽曰亦为君隐而

实不可揜矣】公会吴于橐皋秋公会卫侯宋皇瑗于郕宋向巢帅师伐郑冬十有二月螽

三十八年宋向魋救其师郑罕达使洵曰得桓魋者有赏魋也逃归遂取宋师于岳以六邑为虚许男蕘子结嗣单子晋侯鲁侯吴王会于黄池越王非其身之所种则不食非其夫人所织则不衣十年不收于国民有三年之食咸愿一战以雪会稽之耻越王从之大败吴师获其太子友遂入吴吴人告败王恶其闻也自刳七人于幕下将盟与晋争长晋人曰君言周室既卑诸侯大夫失礼于天子今君王东海淫名闻于天下君有短垣而自逾之况荆蛮何有于周室命圭有命固曰吴伯不曰吴王周无二王君若无卑天子以干不祥而曰吴公孤敢不从君命吴人不肯曰于周室我为长晋人曰于姬姓我为伯赵鞅呼司马寅曰日旰矣大事未成二臣之罪也建鼓整列二臣死之长防必可知也对曰请姑视之反曰肉食者无墨今吴王有墨国胜乎太子死乎且夷德轻不能忍从请少待之乃先晋鲁侯归许葬其君鲁螽吴王归国厚币与越平越自度未能灭吴乃与吴平经曰十三年春郑罕达帅师取宋师于岳夏许男成卒公防晋侯及吴子于黄池【黄池卫地其言及者防两伯之词也春秋内中国而外诸夷吴人主防其先晋纪常也春秋四夷虽大皆曰子吴僭王矣其称子正名也以防两伯之词而言及者先吴则拂经而失序列书则泯实而传疑特书曰及顺天地之经着盟防之实又以见夷之强而抑其横也定公以来晋失霸业不主夏盟夫差暴横势倾上国自称周室于已为长盖太伯之后以族属言则伯父也而黄池之防圣人书法如此者则后世治中国御四夷之道也明此义则知汉宣帝待单于位在诸侯王上萧传之议非矣唐高祖称臣于突厥倚以为 刘文靖之防失矣况于以父事之如晋者将欲保国而免其侵暴可乎或曰苟不为此至于亡国则如之何曰存亡者天也得失者人也不可逆者理也以人胜天则事有在我者矣必若颠倒冠履而得天下其能一朝居乎故春秋拨乱反正之书不可以废焉者也】楚公子申帅师伐陈于越入吴【吴自栢举以来冯陵中国黄池之防遂主夏盟可谓强矣而春秋继书于越入吴所谓因事属词垂戒后世而见亲切着明之义也曾子曰戒之戒之出乎尔者反乎尔老氏曰佳兵不祥之器其事好还夫以力胜人者人亦以力胜之矣吴尝破越遂有轻楚之心及其破楚又有骄齐之志既胜齐师复与晋人争长自谓英之敌也而越已入其国都矣吴侵中国而越灭之越又不监而楚灭之楚又不监而秦灭之秦又不监而汉灭之老氏曾子其言岂欺也哉春秋初书于越入吴在栢举之后再书于越入吴在黄池之后皆因事属词垂戒后世不待贬绝而见深切着明之义也而可废乎】秋公至自防晋魏曼多帅师侵卫葬许元公九月螽冬十有一月有星孛于东方盗杀陈夏区夫十有二月螽

三十九年冬孔子笔削春秋三年矣于是鲁侯西狩于大野叔孙氏之车子鉏商获麟以为不祥赐虞人孔子见之喟然叹曰麟也何为至哉然后取之圣人与天为一感应之际惟圣人知之众人所不识也经曰十有四年春西狩获麟于是绝笔焉以为春秋经成圣人之用备矣小邾射以句绎奔鲁曰使季路要我吾无盟季路辞季孙使谓之曰千乘之国不信其盟而信子之言子何辱焉季路曰鲁有事于小邾不敢问故死其城下何也彼不臣而济其言是义之也由不能季氏将伐颛臾冉有季路见于孔子曰季氏将有事于颛臾孔子曰求无乃尔是过欤夫颛臾昔者先王以为东蒙主且在邦域之中矣是社稷之臣也何以伐为冉有曰夫子欲之吾二臣者皆不欲也孔子曰求周任有言曰陈力就列不能者止危而不持颠而不扶则将焉用彼相矣且尔言过矣虎兕出于柙 玉毁于椟中是谁之过欤冉有曰今夫颛臾固而近于

费今不取后世必为子孙忧孔子曰求君子疾夫舍曰欲之而必为之辞丘也闻有国有家者不患寡而患不均不患贫而患不安盖均无贫和无寡安无倾夫如是故逖人不服则修文德以来之既来之则安之今由与求也相夫子逖人不服而不能来也邦分崩离析而不能守也而谋动干戈于邦内吾恐季孙之忧不在颛臾而在萧墙之内也孔子曰天下有道则礼乐征伐自天子出天下无道则礼乐征伐自诸侯出自诸侯出盖十世希不失矣自大夫出五世希不失矣陪臣执国命三世希不失矣天下有道则政不在大夫天下有道则庶人不议孔子曰禄之去公室五世矣政逮于大夫四世矣故夫三桓之子孙防矣齐陈恒与隰斯登灵台南面为隰子之家树所蔽恒心欲去之隰子归命伐之俄而止之相室请其故隰子曰乱世以愚全身陈子将行大事而我知其防祸莫大焉三月庚申朔日有食之齐侯使阍止为政陈恒憚之骤顾诸朝御鞅言于公曰陈阍不可竝也君其择焉阍止谓其臣陈豹曰我欲尽逐陈氏立女何如对曰我逖于陈氏矣且其违者不过数人何尽逐焉豹以告恒兄弟四乘如公公与妇人饮酒于檀台恒迁诸寝公怒阍止属徒攻闾与大门不克乃出陈氏追杀之将杀东郭贾陈逆请而免之出雍门陈豹与之车弗受曰逆为余请豹与余车余有私焉事人而有私于其讐何以见鲁卫之士遂奔卫恒执齐侯置于舒州公曰吾早从鞅言不及此宋司马向魑之宠害于公公将讨之未及魑先谋公公告司马皇野曰余长魑也今将祸余请即救对曰必得左师向巢而后可以乃以诈召巢巢至公告之故拜不能起公曰所难子者上有天下有先君巢乃听命攻桓氏魑入于曹以叛巢伐之不克遂奔鲁曹人叛魑奔卫夏四月甲午齐陈恒弑其君壬立其弟髡孔子沐浴而朝告于鲁侯曰陈恒弑其君请讨之公曰告夫三子者孔子曰以吾从大夫之后不敢不告也之三子告不可孔子曰以吾从大夫之后不敢不告也陈恒专政言于齐侯曰德施人之所欲君其行之刑罚人之所恶臣请行之公曰善恒于是尽诛大臣不附已及公族之彊者威行齐国割安平以东至于琅琊自为封邑大于齐有子渊栖者非恒所为隐居不仕恒使刼之子渊栖曰子以我为智乎臣弑其君而从之非智也以我为仁乎见利而背君非仁也以我为勇乎刼我以兵惧而与子非勇也何补于子使吾有此三者终不从子矣恒乃舍之鲁仲孙髡将圉马于成成宰公孙宿不受髡怒何忌卒成人奔防髡不纳宿以成叛归于齐鲁侯问社于宰我宰我对曰夏后氏以松殷人以栢周人以栗曰使民战栗孔子闻之曰成事不说遂事不谏既往不咎

四十年夏楚令尹司马师伐吴至于桐汭陈侯使公孙贞子吊焉及良而卒将以尸入吴王使太宰嚭劳且辞上介芊尹盖对曰寡君闻楚为不道荐伐吴国灭厥人民寡君使盖备使吊君之下吏无禄使人逢天之威大命殒坠絶世于良废日供积一日迁次今君命使人曰无以尸造于门是我寡君之命委于草莽也且臣闻之曰事死如事生礼也于是乎有朝聘而终以尸将事之礼又有朝聘而遭丧之礼若不以尸将命是遭丧而还也无乃不可乎吴人纳之秋齐陈瓘过卫季路见焉曰天或者以陈氏为斧斤既斲丧公室而他人有之未可知也其使终飨之亦未可知也若善鲁以待时不亦可乎何必恶焉瓘归言于恒齐及鲁平子贡见公孙宿曰人皆臣人而有背人之心况齐人虽为子役其有不贰乎子周公之孙也多飨大利犹思不义利不可得而剥丧宗国将焉用之宿曰善哉吾不早闻齐人归成于鲁卫孔姬蒯聩之姊也生愷圉卒愷为政孔姬使竖浑良夫如戚世子请入孔姬许之良夫与世子蒙衣而乘昏入孔氏迫愷于厠强盟之遂刼以登台孔氏老桀寧奉卫侯辄奔鲁宰季路闻乱将入遇士师子羔子羔曰弗及不践其难季路曰食焉不避其难子羔遂出季路入及门公孙敢门焉曰无入为

也季子曰是公孙也求利焉而逃其难由不然利其禄必救其患有使者出乃入曰世子焉用孔悝蒯聩使后乞孟廪敌子路以戈击之断纓季子曰君子死冠不免结纓而死悝立蒯聩子羔尝别人出至郭门而遇焉谓子羔曰追其将至盍避诸子羔从之入于其室乱定子羔曰何子之不念怨也对曰君临论臣愀然有哀矜之色岂私臣哉又敢谁怨孔子闻卫乱曰柴也其来乎由也其死矣又闻是曰善哉柴之用刑也孔子哭季路于中庭有入吊者而孔子拜之既哭进使者而问故使者曰醢之矣遂命覆醢冬荧惑守心心宋星也宋公忧之司星子韦曰可移于相公曰相吾之股肱曰可移于民公曰无民谁君又曰可移于岁公曰岁饥民困吾亦病矣子韦曰天高听卑君有君人之言三荧惑其将退舍 之果退鲁饥公问于有若曰年饥用不足如之何有若对曰盍彻乎曰二吾犹不足如之何其彻也对曰百姓足君孰与不足百姓不足君孰与足

四十一年夏四月癸未孔子蚤作负手曳杖逍遥于门歌曰泰山其颓乎梁木其坏乎哲人其萎乎既歌而入当户而坐子贡闻之曰泰山其颓则吾将安仰梁木其坏哲人其萎则吾将安放夫子殆将病也遂趋而入夫子曰赐尔来何迟也夏后氏殡于东阶之上则犹在阼也殷人殡于两楹之间则与宾主夹之也周人殡于西阶之上则犹宾之也丘也殷人也予畴昔之夜梦坐奠于两楹之间夫明王不兴而天下其孰能宗予予殆将死矣己丑孔子没门人四方来奔丧疑所服子贡曰昔者夫子之丧颜渊若防子而无服丧子路亦然请丧夫子若丧父而无服众皆从之公赤治殡葬袭衣十一称佩象环而綦组绶饰棺墙置翣设披周也设崇殷也绸练设旒夏也鲁侯诔之曰旻天不吊不憖遗一老俾屏余一人以在位防防余在疚呜呼哀哉尼父无自律子贡曰生不能用死而诔之非礼也称一人非名也夫子曰礼失则昏名失则愆君其不没鲁乎六月葬尼父于阙里泗水之上于是有自燕来观者舍于子夏氏子夏曰圣人之葬人与人之葬圣人也子何观焉昔者夫子言之曰吾见封之若堂者矣见若坊者矣见若覆夏屋者矣见若斧者矣从若斧者焉马鬣封之谓也曾子曰夫孝置之而塞乎天地溥之而横乎四海施诸后世而无朝夕推而放诸东海而准推而放诸西海而准推而放诸南海而准推而放诸北海而准曾子曰树木以时伐焉禽兽以时杀焉夫子曰断一树杀一兽不以其时非孝也孝有三小孝用力中孝用劳大孝不匮思慈爱忘劳可谓用力矣尊仁安义可谓用劳矣博施备物可谓不匮矣父母爱之喜而不忘父母恶之惧而无怨父母有过谏而不逆父母既没必求仁者之粟以祀之此之谓礼终卫侯赐孔悝鼎铭曰六月丁亥公假于太庙公曰叔舅乃祖庄叔左右成公成公乃命庄叔随难于汉阳即宫于宗周奔走无射啓右献公乃命成叔纂乃祖服兴旧嗜欲作率卿士躬恤卫国其勤公家夙夜不解民咸曰休哉公曰叔舅予汝铭若纂乃考服悝拜稽首对扬以辟之勤大命施于烝彝鼎是故鼎有铭铭者自名也自名以称扬论譔其先祖之有德善功烈勲劳庆赏声名列于天下而酌之祭器以祀其先祖者也为先祖莫不有美焉莫不有恶焉铭之义称美而不称恶此孝子孙之心也子孙守宗庙社稷其先祖无美而称之是诬也有善而弗知不明也知而弗传不仁也此三者君子之所耻也无防何公饮悝酒于平阳醉而逐之奔宋楚公子申欲召公胜于吴叶公沈诸梁曰不可申曰胜信而勇使卫藩焉乃召之处吴竟为白公诸梁曰周仁之谓信率义之谓勇胜好复言而期死又求死士殆有私乎子必悔之胜固请伐郑申许之未起师晋人伐郑申救郑胜怒将作乱或以告申曰胜如卵余翼而长之寧有是也秋七月胜杀申及公子结于朝诸梁在蔡方城之外人劝之入诸梁曰吾闻之以险侥幸者其求无厌偏重必离胜欲立平王子子闾曰王孙若安靖

楚国匡正王室而后庇焉啓之愿也敢不听从若将专利以倾王室不顾楚国有死不能遂杀子闾及大夫齐管修刼王如高府诸梁闻之乃入圉公阳穴宫以王如昭夫人之宫诸梁亦至攻胜杀之诸梁兼二事国寧乃使申子寧结子寬为令尹司马而老于叶其顾命曰毋以小谋败大作毋以嬖御人疾庄后毋以嬖御士疾庄士大夫卿士卫侯嬖人求酒于太叔遗弗获譖而逐之遗奔晋卫侯谓浑良夫曰吾不得先君之器奈何对曰疾与亡君皆君子也召之而择材焉可也若不材器可得也有竖告太子太子刼公而盟之杀良夫吴大饥越文种请伐吴范蠡曰从时者犹救火追亡不可缓也

四十二年春越王伐吴徇于军曰父母耆老而无昆弟者兄弟四五人皆在者有 瞽之疾者皆以告王亲命之归进至笠泽吴王御之夹水而陈越王为左右勾卒使夜或左或右鼓噪而进吴师分以御之越王以三军潜涉冲吴中军吴师败绩晋赵鞅使召卫侯卫侯辞以难夏六月鞅师围卫齐人救之鞅还白公之乱陈人侵楚楚王问帅大师子谷曰右领差车与左史老尝相令尹司马伐陈其可也沈诸梁曰师贱民慢惧不用命焉子谷曰观丁父都俘也武王以为军率是以克州蓼服随君大启羣蛮彭仲爽申俘也文王以为令尹实县申息朝陈蔡封畛于汝唯其任也何贱之有诸梁曰臣惧右领左史有二俘之贱而无其令德也王乃使武城尹公孙朝伐陈灭之冬十月晋赵鞅围卫将入鞅曰止叔向有言怙乱灭国者无后卫人出卫侯鞅立襄公之孙般师而还赵鞅之臣周舍死鞅自是听朝不乐大夫问焉鞅曰自吾失周舍惟闻唯唯不闻谔谔是以忧也晋人説之十一月卫侯入般师出初卫侯登城望戎州使翦之又见己氏之妻髮美髡之以为吕姜髡公役匠从将逐石圃石圃因匠氏攻公公走入于戎州己氏示之璧曰活我吾与女璧己氏曰杀女璧将焉往遂杀之及世子疾卫人复般师十二月齐人立灵公之子起

皇王大纪卷六十九

宋 胡宏 撰

三王纪

敬王

四十三年甲子石圃逐起辄自齐入卫逐石圃秦悼公薨子共公嗣孔门羣弟子追记夫子平生言行总学之大纲而作大学大学曰大学之道在明明德在亲民在止于至善知止而后有定定而后能静静而后能安安而后能虑虑而后能得物有本末事有终始知所先后则近道矣古之欲明明德于天下者先治其国欲治其国者先齐其家欲齐其家者先修其身欲修其身者先正其心欲正其心者先诚其意欲诚其意者先致其知致知在格物物格而后知至知至而后意诚意诚而后心正心正而后身修身修而后家齐家齐而后国治国治而后天下平自天子以至于庶人壹是皆以修身为本其本乱而末治者否矣其所厚者薄而其所薄者厚未之有也此谓知本此谓知之至也康诰曰克明德太甲曰顾諟天之明命帝典曰克明峻德皆自明也汤之盘铭曰苟日新日日新又日新康诰曰作新民诗云周虽旧邦其命惟新是故君子无所不用其极诗云邦畿千里惟民所止诗云绵蛮黄鸟止于丘隅子曰于止知其所止可以人而不如鸟乎诗云穆穆文王于缉熙敬止为人君止于仁为人臣止于敬为人子止于孝为人父止于慈与国人交止于信所谓诚其意者无自欺也如恶恶臭如好好色此之谓自慊故君子慎其独也小人闲居为不善无所不至见君子而后厌然掩其不善而着其善人之视己如见其肺肝然则何益矣此谓诚于中形于外故君子必慎其独也曾子曰十目所视十手所指其严乎富润屋德润身心广体胖故君子必诚其意所谓修身在正其心者心有所忿懣则不得其正有所恐惧则不得其正有所好乐则不得其正有所忧患则不得其正心不在焉视而不见听而不闻食而不知其味此谓修身在正其心所谓齐其家在修其身者人之其所亲爱而辟焉之其所贱恶而辟焉之其所畏敬而辟焉之其所哀矜而辟焉之其所敖惰而辟焉故好而知其恶恶而知其美者天下鲜矣故谚有之曰人莫知其子之恶莫知其苗之硕此谓身不修不可以齐其家所谓治国必先齐其家者其家不可教而能教人者无之故君子不出家而成教于国孝者所以事君也弟者所以事长也慈者所以使众也康诰曰如保赤子心诚求之虽不中不远矣未有学养子而后嫁者也一家仁一国兴仁一家让一国兴让一人贪戾一国作乱其机如此此谓一言僨事一人定国尧舜率天下以仁而民从之桀纣率天下以暴而民从之其所令反其所好而民不从是故君子有诸己而后求诸人无诸己而后非诸人所藏乎身不恕而能喻诸人者未之有也故治国在齐其家诗云桃之夭夭其叶蓁蓁之子于归宜其家人宜其家人而后可以教国人诗云宜兄宜弟宜兄宜弟而后可以教国人诗云其仪不忒正是四国其为父子兄弟足法而后民法之也此谓治国在齐其家所谓平天下在治其国者上老老而民兴孝上长长而民兴弟上恤孤而民不倍是以君子有絜矩之道也所恶于上毋以使下所恶于下毋以事上所恶于前毋以先后所恶于后毋以从前所恶于右毋以交于左所恶于左毋以交于右此之谓絜矩之道诗云乐只君子民之父母民之所好好之民之所恶恶之此之谓民之父母诗云节彼南山维石岩岩赫赫师尹民具尔瞻有国者不可

以不慎辟则为天下僂矣诗云瞻彼淇奥棗竹猗猗有斐君子如切如磋如琢如磨瑟兮僖兮
赫兮喧兮有斐君子终不可諠兮如切如磋者道学也如琢如磨者自修也瑟兮僖兮者恂【
音峻】栗也赫兮喧兮者威仪也有斐君子终不可諠兮者道盛德至善民之不能忘也诗云
于戏前王不忘君子贤其贤而亲其亲小人乐其乐而利其利此以没世不忘也子曰聽訟吾
犹人也必也使无訟乎无情者不得尽其辞大畏民志康诰曰惟命不于常道善则得之不善
则失之矣楚书曰楚国无以为寶惟善以为寶舅犯曰亡人无以为寶仁亲以为寶秦誓曰若
有一个臣防防兮无他技其心休休焉其如有容焉人之有技若己有之人之彦圣其心好之
不啻若自其口出寔能容之以能保我子孙黎民尚亦有利哉人之有技媚疾以恶之人之彦
圣而违之俾不通寔不能容以不能保我子孙黎民亦曰殆哉唯仁人放流之进诸四夷不与
同中国此谓唯仁人为能爱人能恶人见贤而不能举举而不能先命也见不善而不能退退
而不能远过也好人之所恶恶人之所好是谓拂人之性菑必逮夫身是故君子有大道必忠
信以得之骄泰以失之诗云殷之未丧师克配上帝仪监于殷骏命不易道得众则得国失众
则失国是故君子先慎乎德有德此有人有人此有土有土此有财有财此有用德者本也财
者末也外本内末争民施夺是故财聚则民散财散则民聚是故言悖而出者亦悖而入货悖
而入者亦悖而出生财有大道生之者众食之者寡为之者疾用之者舒则财恒足矣仁者以
财发身不仁者以身发财未有上好仁而下不好义者也未有好义其事不终者也未有府库
财非其财者也孟献子曰畜马乘不察于鸡豚伐冰之家不畜牛羊百乘之家不畜聚斂之臣
与其有聚斂之臣寧有盜臣此谓国不以利为利以义为利也长国家而务财用者必自小人
矣彼为善之小人之使为国家菑害竝至虽有善者亦无如之何矣此谓国不以利为利以义
为利也羣弟子追记夫子平生约言防义凡百有十九章子曰先王之所以治天下者五贵有
德贵贵老敬长慈防此五者先王之所以定天下也贵有德何为也为其近于道也贵贵为
其近于君也贵老为其近于亲也敬长为其近于兄也慈幼为其近于子也子曰立爱自亲始
教民睦也立敬自长始教民顺也教以慈睦而民贵有亲教以敬长而民贵用命孝以事亲顺
以聽命错诸天下无所不行子曰天子有善让德于天诸侯有善归诸天子卿大夫有善荐于
诸侯士庶人有善本诸父母存诸长老爵禄庆赏成诸宗庙所以示顺也昔者圣人建陰阳天
地之情立以为易易抱 南面天子卷冕北面虽有明知之心必进防其志焉示不敢专以尊
天也子云刑以坊淫命以坊欲小人贫斯约富斯骄约斯盗骄斯乱礼者因人之情而为之节
文以为民坊者也故圣人之制富贵也使民富不足以骄贫不至于约贵不嫌于上故乱益亡
子云贫而好乐富而好礼众而以寧者天下其几矣故制国不过千乘都城不过百雉家富不
过百乘以此坊民诸侯犹有叛者子云天无二日土无二王家无二主尊无二上示民有君臣
之别也故春秋不称楚越之王恐民之惑也子云君不与同姓同车与异姓同车不同服示民
不嫌也子云君子辞贵不辞贱辞富不辞贫则乱益亡子云君子贵人而贱己先人而后己则
民作让子云利禄先死者而后生者则民不背先亡者而后存者则民可以托子云有国家者
贵人而贱禄则民兴让故君子约言小人先言子云善则称人过则称己则民不争而怨益亡
善则称君过则称己则民作忠善则称亲过则称己则民作孝子云君子弛其亲之过而敬其
美子云从命不忿防諫不倦劳而不怨可谓孝矣子云睦于父母之党可谓孝矣子云父子不
同位以厚敬也子云于父之执可以乘其车不可以衣其衣君子以广孝也子云朝廷敬老则
民作孝子云君子有君不谋仕唯卜之日称二君子云父母在不敢有其身不敢私其财示民
有上也故天子四海之内无客礼莫敢为主焉故君适其臣升自阼阶即位于堂示民不敢有

其室也父母在饋献不及车马示民不敢专也以此坊民民犹忘其亲而贰其君子云礼之先辞而后币帛也欲民之先事而后禄也故君子于有饋者弗能见则不视其饋子云君子不尽利以遗民故君子仕则不稼田则不渔食时不力珍大夫不坐羊士不坐犬以此坊民民犹忘义而争利以亡其身子云礼非祭男女不交爵以此坊民阳侯犹杀繆侯而窃其夫人故大飧废夫人之礼子言之归乎君子隱而显不矜而庄不厉而威不言而信子曰君子不失足于人不失色于人不失口于人子曰祭极敬不继之以乐朝极辨不继之以倦子曰君子慎以辟祸笃以不揜恭以远耻子曰君子庄敬日强安肆日偷君子不以一日使其躬儻焉如不终日子言之仁者天下之表也义者天下之制也报者天下之利也子曰以德报德则民有所劝以怨报怨则民有所惩以德报怨寬身之仁也以怨报德刑戮之民也子曰无欲而好仁者无畏而恶不仁者天下一人而已矣是故君子议道自己而置法以民子曰以义度人则难为人以人望人则贤者可知矣子曰中心安仁者天下一人而已矣子曰君子不以其所能者病人不以人之所不能者愧人子曰君子耻服其服而无其德是故衰经则有哀色端冕则有敬色介冑则有不可辱之色子曰舜禹文王周公有君人之大德有事君之小心子曰君子不自大其事不自尚其功以求处情彰人之善而美人之功以求下贤子言之曰后世虽有作者虞帝弗可及也已矣子民如父母有憯怛之爱有忠利之教亲而尊安而敬威而爱富而有礼惠而能散其君子尊仁畏义耻费轻实忠而不犯义而顺文而静寬而有辨子言之事君先资其言拜自献其身以成其信是故君有责于其臣臣有死于其言故其受禄不诬而受罪益寡子曰事君大言人则望大利小言人则望小利故君子不以大言受小禄不以小言受大禄子曰事君不下達不尚辞非其人弗自子曰事君遠而谏则譖也近而不谏则尸利也子曰迓臣守和宰正百官大臣虑四方子曰事君者量而后入不入而后量凡乞假于人为人从事者亦然然故上无怨而下远罪也子曰事君欲谏不欲陈子曰事君难进而易退则位有序易进而难退则乱也故君子三揖而进一辞而退以远乱也子曰事君慎始而敬终子曰事君可贵可贱可富可贫可生可杀而不可使为乱子曰事君军旅不避难朝廷不辞贱处其位而不履其事则乱也故君使其臣得志则慎虑而从之否则熟虑而从之终事而退臣之厚也子曰唯天子受命于天士受命于君故君命顺则臣有顺命君命逆则臣有逆命子曰君子不以辞尽人故君子之接如水小人之接如醴君子淡以成小人甘以壞子曰君子不以口誉人故问人之寒则衣之问人之饥则食之称人之美则爵之子曰口惠而实不至怨菑及其身故君子与其有诺责也寧有己怨子曰君子不以色亲人情疎而貌亲在小人则穿窬之盗也与子曰情欲信辞欲巧子言之曰为上易事也为下易知也则刑不烦矣子曰君民者子以爱之则民亲之信以结之则民不倍恭以莅之则民有孙心子曰下之事上也从不其所令从其所行上好是物下必有甚焉者矣故上之好恶不可不慎也子曰上好仁则下之为仁争先人故长民者章志贞教尊仁以子爱百姓则民致行己以說其上矣诗云上帝板板下民卒 小雅曰匪其止共惟王之叩子曰王言如丝其出如纶王言如纶其出如紵故大人不倡游言可言也不可行君子弗言也可行也不可言君子弗行也子曰君子道人以言而禁人以行故言必虑其所终而行必稽其所敝则民谨于言而慎于行子曰有国者章善 恶以示民厚则民情不贰子曰上人疑则百姓惑下难知则君长劳故君民者章好以示民俗慎恶以御民之淫则民不惑矣臣仪行不重辞不援其所不及不烦其所不知则君不劳矣子曰政之不行也教之不成也爵禄不足劝也刑罚不足耻也故上不可以褻刑而轻爵子曰大臣不可不敬也是民之表也迓臣不可不慎也是民之道也君母以小谋大母以远言近母以内图外则大臣不怨迓臣不疾而远臣不

蔽矣子曰民以君为心君以民为体心庄则体舒心肃则容敬心好之身必安之君好之民必欲之心以体全亦以体伤君以民存亦以民亡子曰言有物而行有格也是以生则不可夺志死则不可夺名子曰轻絶贫贱而重絶富贵则好贤不坚而恶恶不着矣人虽曰不利吾不信也子曰苟有车必见其轼苟有衣必见其敝人苟或言之必闻其声苟或行之必见其成子曰言从而行之则言不可饰也故君子寡言而行以成其信子曰颂而无譏谏而无骄怠则张而相之废则埽而更之谓之社稷之役母拔来母报往母测未至为人臣下者有谏而无讪有亡而无疾子曰管仲镂簪而朱紘旅树而反坫山节藻梲贤大夫也而难为上也晏平仲事其先人豚肩不掩豆贤大夫也而难为下也君子上不僭上下不偪下子曰君子有三患未之闻患弗得闻也既闻之患弗得学也既学之患弗能行也子曰甘受和白受采忠信之人可以学礼苟无忠信之人则礼不虚道是以得其人之为贵也孔子曰诵诗三百不足以一献一献之礼不足以大飨大飨之礼不足以大旅大旅具矣不足以飨帝母轻议礼孔子曰无体之礼敬也无服之丧哀也无声之乐欢也不言而信不施而仁夫钟之音怒而击之则武忧而击之则悲至诚之动通于金石况于人乎孔子曰自贤者天下之善言不得闻于耳故自损者必有以益之自益者必有以决之子路欲释古道而行其意孔子曰昔东夷有人慕诸夏之礼有女而寡为纳私媾终身不嫁嫁则不嫁矣而非义也苍梧烧娶妻美而让其兄让则让矣而非礼也舍古道行子意庸知不以是为非以非为是乎孔子见人一善而忘其百非子曰敬老尊齿亲贤好德乐施恶贪尚让之谓七教至礼不让而天下治至赏不费而天下士悦至乐无声而天下民和之谓三至七教修而守则折冲千里之外三至行而征则还师衽席之上子曰见小闇大从物如流者庸人也知审其所知言审其所谓行审其所由智知之言道之行由之者士也心不忌色无伐辞不专自强不息油然若将可越而终不可及者君子也德合天地明竝日月化行若神者圣人也鲁哀公问取人之法孔子对曰无取捷捷无取钳钳无取啍啍哀公问曰国家存亡有天命乎孔子曰存亡祸福皆已而已天灾地妖不能加也哀公问寿孔子曰寝处不时饮食不节逸劳过度者疾杀之居下而干上嗜欲无厌而求不止者刑杀之以少弱犯众强忿怒不类者兵杀之三者非命也自取也智士仁人动静以义其寿也不亦宜乎孔子曰季孙赐我粟千钟而交益亲南宫敬叔乘我以车马而道加行故道虽贵必有待而后重必有势而后行子路曰负重涉远者不择地而休家贫亲老者不择禄而仕孔子曰与人交推其长而违其短故能久也孔子曰有君不能事有臣而求其使非怨也有亲不能孝有子而求其报非怨也有兄不能敬有弟而求其顺非怨也子贡问曰君子见水必观何也孔子曰以其不息也子路曰知者使人知己仁者使人爱己子贡曰智者知人仁者爱人颜回曰知者自知仁者自爱子曰君子以心导耳目立义以为勇小人以耳目导心不孙以为勇子曰有其言而无其行君子耻之地有余而民不足君子耻之众寡均而人功倍已焉君子耻之子贡曰知莫难于知人颜回将之宋问为身子曰恭敬忠信而已矣夫不比亲而比于疎不亦远乎不修中而修于外不亦反乎虑不先定临事而谋不亦晚乎哀公问政孔子对曰省力役薄赋敛公曰国贫奈何孔子对曰未有子富而父母贫者也孔子曰不杀无辜不释罪人则民不惑任能黜否则官府治理孔子曰諫有五曰譏諫二曰戇諫三曰降諫四曰直諫五曰风諫吾其从风諫者乎孔子曰立身有义而孝为本丧纪有礼而哀为本战陈有列而勇为本治政有理而农为本居国有道而嗣为本生财有时而力为本孔子曰药酒苦口而利于病忠言逆耳而利于行汤武以谔谔而昌桀纣以唯唯而亡故父不可以无争子君不可以无争臣兄不可以无争弟士不可以无争友孔子曰不知其地视其草木不知其人视其友不知其君视其所使与善人居

如入芝兰之室从即与之俱化是以君子必谨所与处焉孔子曰中人之情无禁则淫无度则逸鞭朴之子不从父之教刑戮之民不从君之令故君子不急防不急制使饮食有量衣服有节宫室有度畜积有数车器有限所以防乱之原也夫舟非水不行水入舟则没君非民不治民犯上则倾是故君子不可不言也小人不可不整一也孔子曰勇而好问必胜智而好谋必成颜回曰马穷则佚人穷则诈自古及今未有穷其下而能无危者颜回曰一言而有益于智莫如预一言而有益于仁莫如恕知其所不由斯知所由矣孔子曰小人毁人之善以为辨狡讦懷诈以为智幸人有过耻学而羞不能孔子曰君子以行言小人以舌言孔子曰言人善恶非所以美已颜回曰闻诸夫子曰身不用礼而望礼于人身不用德而望德于人乱也子路将行孔子曰不强不达不劳无功不忠无亲不信无复不恭失礼慎此五者而已孔子曰君子有终身之乐无一日之忧曾子曰受人施者常畏人与与人者常骄人孔子曰君上者民之仪也有司者民之表也迹臣者羣下之纪也故贤君必自择左右劳于取人逸于治事子张问入官孔子曰已有善勿专教不能勿怠已过勿发失言勿掩不善勿遂行事勿留孔子曰拒谏者虑之所以塞也奢侈者财之所以不足也专独者事之所以不成也孔子曰古者圣王冕而前旒所以蔽明也紘統充耳所以揜聪也水至清则无鱼人至察则无徒孔子曰欲政之速行以身先之欲民之速服以道御之孔子曰行修而名立内行不修身之罪也行修而名不彰友之罪也故君子入则笃行出则交贤孔子曰奸邪生于不足不足生于无度无度则偷堕侈靡非法妄行而陷于刑罚故刑罚之源生于嗜欲不节夫礼度者所以御民之嗜欲者也是故制度明则奸不犯丧祭明则百姓孝朝覲明则天下顺乡饮酒之礼行则民让婚姻之礼行则民别而五刑不用故圣人之设防贵其不犯也孔子曰天子者与天地参故德配天地兼利万物与日月并明明照四海而不遗防小孔子曰礼之于正国也犹权衡之于轻重也绳墨之于曲直也规矩之于方圆也夫礼禁乱之所由生犹坊止水之所自来也故以旧坊为无所用而壞之者必有水败以旧礼为无用而去之者必有乱患故婚姻之礼废则夫妇之道苦而淫辟之罪多矣乡饮酒之礼废则长幼之序失而争鬪之狱繁矣丧祭之礼废则臣子之恩薄而倍死忘生者众矣聘覲之礼废则君臣之位失诸侯之行恶而倍畔侵陵之败起矣故礼之教化也防其止邪也于未形使人日迁善遠罪而不自知也于是孔子三年丧毕门人治任将归入揖于子贡相乡而哭皆失声然后归子贡反筑室于塲独居三年然后归

四十四年春越王伐吴吴公子庆忌欲除不忠者以説于越吴人杀之初赵鞅生二子长曰伯鲁幼曰无恤将置后不知所立乃书训戒之辞于二简以授二子曰谨识之三年而问之伯鲁不能举其词求其简已失之矣问无恤诵其词甚习求其简出诸袖中而奏之于是以为后鞅疾亟谓无恤曰晋国有难而无以尹铎为少晋阳为远必以为归鞅卒諡曰简子无恤嗣王崩諡曰敬王子仁立

皇王大纪卷七十

宋 胡宏 撰

三王纪

元王

元年春晋侯午薨諡曰定公子错嗣夏四月邾子自齐之越曰吴为无道执父立子越王归之越人伐吴二年石陨于晋越围吴

三年吴王困蹙卑辞乞成于越越王曰请居王于甬东夫妇三百孤与王为二君以没王年夫差曰孤老矣不能事君王矣仰天叹曰使死者有知吾何以见子胥乃缢越王悉定吴地诛太宰嚭以其不忠于君而外受重赂与已比周也振旅而归范蠡进曰君忧臣劳君辱臣死昔王辱于会稽臣不死者为报吴也今吴报矣请从此辞越王曰何至是蠡与其私属浮于五湖智宣子将以瑶为后智果曰不如宵也瑶之贤于王者五其不逮者一也美鬢长大射御足力技藝毕给巧文辯慧强毅果敢如是而甚不仁夫以其五贤陵人而以不仁行之其孰能待之若果立瑶也智宗必灭弗听宣子卒立瑶为嗣

五年卫侯既入侵辱大臣大臣作乱卫侯出如城鉏请师于越彗见晋涇丹水絕三日蔡侯朔薨諡曰成侯子产立

六年夏越人宋人鲁人纳卫侯百姓不与卫侯不敢入国人立庄公庶弟黜卫侯辄使问子贡且曰吾其入乎子贡对曰吾不识也私于使者曰今君再在孙矣内不闻献之亲外不闻成之卿则赐不识所由入也诗曰无竞惟人四方其训之若得其人四方以为主而国于何有宋公无子取公孙周二子得啓畜诸公宫公宠大尹诸卿皆因之以达事大尹常不告而以其欲称君命以令国人恶之冬十月公游于空泽薨于连申大尹秘不发丧奉公归而立啓三日国人知之司城乐伐宣言曰大尹蛊惑其君而专其利今君无疾而死死又匿之是无它矣与我者救君者也众皆从之伐与大司马皇非我欲伐公室乐得曰不可彼以陵公有罪我伐公则义甚焉使国人施于大尹大尹奉啓奔楚乃立得諡先君曰景公王崩諡曰元王子介立

贞王

元年晋荀瑶伐郑次于桐丘郑人求救于齐齐陈恒救郑瑶畏恒之得众也引师而还使告恒曰大夫陈之自出陈之不祀郑之罪也故寡君使瑶察陈衷焉谓大夫其恤陈乎若利本之顛瑶何有焉恒怒曰多陵人者皆不在智伯其能从乎鲁季孙肥卒是为康子初康子之母死公输若方小斂般请以机封将从之公肩假曰不可夫鲁有初公室视丰碑三家视桓楹般尔以人之母尝巧则岂不得以其母以尝巧者乎则病者乎噫弗果从鲁孺子 之丧公欲为之设拨颜柳曰天子龙輅而棹棹诸侯輅而设棹为榆沈故设拨三臣者废輅而设拨窃礼之不中

者也而君何学焉宋公既立国人弗顺遂至于亡谓其御曰寡人居于外卿大夫美之居于内侍御者美之不知吾过是以至于此若得反国敢不改操易行宋人闻而复之

二年彗星见鲁侯患三桓之陵僭也欲以诸侯去之三桓亦患公之多妄也秋八月攻公于有山氏公如越请师归见弑于有山氏諡曰哀公立其子寧

三年甲戌晋空桐震七日台舍皆壞人多死

五年晋智瑶伐郑围南里谓赵无恤入之对曰主在此曰恶而无勇何以为子对曰以能忍耻庶无害赵宗乎越王勾践薨子适郢立后迁都琅琊传四世而为王无疆【适郢元凯本史记作石与】燕献公薨子孝公立

六年晋河絕于扈

七年有虹围日

八年秦堑阿房伐犬戎大荔克其王城时诸戎居岐梁涇漆之北义渠大荔最强筑城数十称王郑伯胜薨諡曰声公子锡嗣陈恒卒是为成子子盘代

十年有五虹青色聚于日

十一年晋荀瑶赵无恤魏曼多之孙桓子韩不信之孙康子分士吉射故地以为己邑晋侯怒告于齐鲁将伐四卿四卿攻之公奔齐死于道号出公时智氏最强有并吞晋国之志而未敢乃立昭公曾孙骄淫愎而好胜专决国事蔡侯产薨諡声侯子元侯立

十二年晋河水赤三日陈盘使其兄弟宗人尽为齐都邑大夫与三晋通使

十三年甲申智瑶韩康子魏桓子宴于蓝台智伯戏康子侮段规智国諫曰夏书有之一人三失怨岂在明不见是图夫君子能勤小物故无大患今主一宴而耻人君相无乃不可乎弗听齐侯鰲薨諡平公子积嗣十四年智伯求地于魏魏与之又求地于韩韩亦与之又求地于赵赵不与智伯怒帅韩魏以攻赵无恤将出从者曰长子近且城厚完无恤曰民罢力以完之又毙死以守之其谁与我从者曰邯郸之仓库实无恤曰浚民之膏泽以实之又因而杀之其谁与我晋阳先君之所属也尹铎之所寬也民必和矣乃走晋阳三家围之十五年三家围晋阳不下决晋水以灌之城不浸者三版沈灶产鼃民无叛意郑人弑其君 諡曰哀公而立声公之弟丑是为恭公

十六年智伯行水魏桓子御韩康子驂乘智伯曰吾乃今知水可以亡人国也桓子肘康子康子履桓子之跗以汾水可以灌安邑絳水可以灌平阳也于是赵襄子使张孟谈潛出见二子曰唇亡则齿寒赵亡则韩魏为之次矣二子乃陰约而遣之襄子夜反决水灌智伯军韩魏翼

而击之灭智氏分其地燕孝公薨子成公嗣十八年卫侯黜薨諡曰悼公子弗嗣问于孔伋曰道大难明学术如何伋对曰体道者逸而不穷任术者劳而无功古之笃道君子生不足以系之利何足以动之死不足以禁之害何足以变之君曰善蔡元侯薨子齐嗣二十二年楚灭蔡

二十三年甲午

二十四年楚灭杞东拓地至泗上遂灭莒

二十五年秦伐义渠虏其王韩魏共灭伊洛陰戎其遗脱者西逾岍陇

二十六年日食星昼见秦厉共公薨子躁公嗣

二十八年王崩諡曰贞定王太子去疾立三月弟叔袭杀哀王而自立是为思王

二十九年王弟嵬攻杀思王而自立齐陈盘卒子伯代秦南郑反鲁侯寧薨諡曰悼公子嘉嗣季昭子强问于孟敬子捷曰为君何食敬子曰食粥天下之达礼也吾三臣者之不能居公室也四方莫不闻矣勉而为瘠则吾能毋乃使人疑夫不以情居瘠者乎哉我则食食

考王

元年晋哀公薨子幽公柳立独有絳曲沃朝于三家二年河赤于晋龙门三日

三年王封其弟揭于河南及揭之孙封其少子于巩以奉王自号东周公

四年甲辰

六年日食夏六月秦雨雪晋大风壞垣燕成公薨子湣公立

八年卫公弗薨諡曰敬公子纠嗣

九年三晋强卫使为已属楚子章薨諡曰惠王子仲嗣十年晋丹泌水溢反相击

十一年义渠伐秦至渭南

十二年秦躁公薨弟懷公嗣

十三年冬晋桃杏冬实

十四年甲寅孔门七十二贤之徒修习先圣之业讲论不怠子夏之门人问交于子张子张曰

子夏云何对曰子夏曰可者与之其不可者拒之子张曰异乎吾所闻君子尊贤而容众嘉善而矜不能我之大贤欤于人何所不容我之不贤欤人将拒我如之何其拒人也有子问于曾子曰闻丧于夫子乎曰闻之矣丧欲速贫死欲速朽有子曰是非君子之言也曾子曰参也闻诸夫子也有子又曰是非君子之言也曾子曰参也与子游闻之有子曰然然则夫子有为言之也曾子以斯言告于子游子游曰甚哉有子之言似夫子也昔者夫子居于宋见桓司马自为石椁三年而不成夫子曰若是其靡也死不如速朽之愈也死之欲速朽为桓司马言之也南宫敬叔反必载宝而朝夫子曰若是其货也丧不如速贫之愈也丧之欲速贫为敬叔言之也曾子以子游之言告于有子有子曰然吾固曰非夫子之言也曾子曰子何以知之有子曰夫子制于中都四寸之棺五寸之椁以斯知不欲速朽也昔者夫子失鲁司寇将之荆盖先之以子夏又申之以冉有以斯知不欲速贫也子夏丧其子而丧其明曾子吊之曰吾闻之也朋友丧明则哭之曾子哭子夏亦哭曰天乎予之无罪也曾子怒曰商女何无罪也吾与女事夫子于洙泗之间退而老于西河之上使西河之民疑女于夫子尔罪一也丧尔亲使民未有闻焉尔罪二也丧尔子丧尔明尔罪三也而曰女何无罪欤子夏投其杖而拜曰吾过矣吾过矣吾离羣而索居亦已久矣夫昼居于内问其疾可也夜居于外吊之可也是故君子非有大故不宿于外非致齐也非疾也不昼夜居于内子夏习诗易春秋开明教授子游曰子夏之门人小子当洒扫应对进退则可矣抑末也本之则无如之何子夏闻之曰噫言游过矣君子之道孰先传焉孰后倦焉譬诸草木区以别矣君子之道焉可诬也有始有卒者其唯圣人乎于是子游子夏子张以有若似夫子欲以所事夫子事之言于曾子曾子曰不可江汉以濯之秋阳以暴之皜皜乎不可尚已三千之徒散之四方闵子在鲁季氏使为费宰闵子语使者曰善为我辞焉如有复我者则吾必在汶上矣子贡游于诸侯诸侯无不敬重与之分庭抗礼终老于齐常问于师乙曰赐闻声歌各有宜如赐者宜何歌也对曰乙贱工也何足以问所宜请诵其所闻而吾子自执焉宽而静柔而立者宜歌颂广大而静疏达而信者宜歌大雅恭俭而好礼者宜歌小雅正直而静廉而谦者宜歌国风肆直而慈爱者宜歌商温良而能防者宜歌齐夫商者五帝之遗声也商人识之故谓之商齐者三代之遗声也齐人识之故谓之齐歌之为言也长言之也説之故言之言之不足故长言之长言之不足故嗟叹之嗟叹之不足故不知手之舞之足之蹈之也澹台灭明南游至江从弟子三百人名显于诸侯原宪居鲁隐于草泽环堵之室茨以生草蓬戸不完桑以为枢瓮牖圭窆以为塞匡坐而歌以此自终公皙哀未嘗屈节于人见仕于大夫之家者心则鄙之商瞿以易学教授曾参初为亲仕于莒得三秉而心乐亲没之后齐欲迎为相晋迎以上卿楚迎以令尹禄三千钟不泊其心穷居自得曳屣而歌商颂声满天地若出金石天子不得臣诸侯不得友孟氏使阳肤为士师问于曾子曾子曰上失其道民散从矣如得其情则哀矜而勿喜曾子有疾孟敬子防问之曾子言曰鸟之将死其鸣也哀人之将死其言也善君子所贵乎道者三动容貌斯远暴慢矣正颜色斯近信矣出辞气斯远鄙倍矣笾豆之事则有司存曾子疾甚谓曾元曾申曰飞鸟巢于高山鱼鼃穴于深渊然所以得于人者饵也君子苟能无以利害义则辱安从至哉祸生于懈惰孝衰于妻子不可不察也时乐正子春坐于牀下申元坐于足童子隅坐而执烛童子曰华而睨大夫之簪欤子春曰止曾子闻之瞿然曰呼曰华而睨大夫之簪欤曾子曰然斯季孙之赐也我未之能易也元起易簪曾元曰夫子之病革矣不可以变幸而至于旦请敬易之曾子曰尔之爱我也不如彼君子之爱人也以德细人之爱人也以姑息吾何求乎吾得正而毙焉斯已矣举扶而易之反席未安而没曾子将没召门弟子曰啓予足啓予手诗云战战兢兢如临深渊如履薄冰而

今而后吾知免夫小子其后乐正子春下堂而伤其足数月不出犹有忧色弟子问曰夫子之足瘳矣数月不出犹有忧色何也子春曰吾闻诸夫子曰天之所生地之所养惟人为大父母全而生之子全而归之可谓孝矣故君子顷步而不敢忘孝也一举足而不敢忘是故道而不径舟而不游一出言而不敢忘是故恶言不出于口忿言不反于身今予忘之是以忧也

十五年王崩諡曰考王子午立卫侯伋薨諡曰昭公子亶嗣

威烈王

元年秦庶长毚【中乔】与大臣弑其君懷公而立其弟是为灵公赵无恤卒是为襄子初襄子未立而伯鲁死既立封其子周于代亦早卒于是以周之子浣为嗣治中牟韩康子卒子武子立魏桓子卒孙斯立以卜子夏田子方为师尝问于子夏曰吾端冕而聽古乐则惟恐卧聽郑卫之音则不知倦何也子夏曰君所问者乐也所好者音也夫乐者与音相近而不同曰敢问何如子夏曰古者纲纪正天地顺而四时当民有德而五谷昌然后圣人正六律和五声歌诗颂作为鞀鼓柷敔壎箴和之以钟磬竽瑟舞之以干戚旄狄始奏以文复乱以武治乱以相讯疾以雅君子于是语于是道古修身及家平均天下此所以祭先王之庙也所以献酬醑酢也所以官序贵贱各得其宜也所以示后世有尊卑长幼之序也是故君子聽钟声则思武臣聽磬声则思死封疆之臣聽琴瑟之声则思志义之臣聽竽笙箫管之声则思畜聚之臣聽鼓鼙之声则思将帅之臣非聽其铿锵而已也彼亦有所合之也今夫新乐奸声以滥溺而不止及优侏儒獫狁子女不知父子乐终不可以语不可以道古故君之所好者溺音也曰敢问溺音何从出也子夏曰郑音好滥淫志宋音燕女溺志卫音趣【促】数【速】烦志齐音傲辟乔志此四者皆淫于色而害于德是以祭祀弗用也

二年宋公得薨諡曰昭公子购由嗣

三年冬晋有火下于北方其声如雷

四年夏四月晋大雨雪晋幽公淫宵出为盜所杀魏斯捕盜诛之立其弟止秦作吴阳上時祭黄帝下時祭炎帝

五年韩武子治平阳鲁侯嘉薨諡曰元公子显嗣七年楚灭郢陈伯卒子和代

九年甲子

十年秦灵公薨子献公不得立而立懷公季子是为简公卫侯亶薨諡懷公子頽嗣

十三年晋河崩壅龙门至于底柱冬十月大雨雪十四年春正月乃止魏李悝作尽地力之教以为一夫治田百畝为粟百五十石下熟倍收深耕易耨则畝益三斗不勤则损亦如之善为国者必平糴米石三十为平善为糴者必观上中下岁随其防丰而收之而发之虽遇饥饉而

民不流散魏斯用其言国以富彊魏斯伐中山克之问守于翟璜璜荐李克斯见与语大说之克曰贵者贱之恶也富者贫之恶也智者愚之恶也斯曰若何而可对曰贵而能下富而能分智而能教则无患矣斯曰善它日斯问曰吴何以亡对曰数战而民罢数胜而主骄以骄主御罢民所以亡也卜子夏门人段干木居于魏躬耕不仕魏斯过其闾必式时往问之立而不懈乃见翟璜则夷踞而与之言璜不说斯曰段干木官之不可禄之不受汝禄则千钟官则卿也又责吾礼无乃难乎

十六年日食赵浣卒子籍嗣曾元北游见燕君而归或曰燕何以不用子元曰燕君之志卑志卑者不求取也十七年三晋比年伐秦秦兵数败初令吏带剑至洛城重泉韩武子卒子虔立魏伐秦筑临晋

十八年秦初租禾鲁侯访于孔伋曰吾欲掩先君之恶而扬其善亦有道乎伋对曰私情之细不如公义之大故舜禹于其父不敢私有之鲁侯曰吾欲三分鲁国以一聘公仪休为相何如对曰君好贤如饥渴则贤者自至若无信用之实徒欲以高官厚禄为钓饵使公仪子之智若鱼鸟可也公于是以礼聘休为相休使食禄者不得与下民争利见其妻织命焚其机奉法循理无所变更羣下自正鲁侯之母死使人问于曾申曰如之何对曰申也闻诸申之父曰哭泣之哀齐斩之情饘粥之食自天子达楚子仲薨諡曰简王子当嗣

十九年甲戌魏斯与羣臣饮酒师经鼓琴斯意甚适起舞曰使我言而无违者师经曰昔尧舜惟恐言而人不违桀纣惟恐言而人违之君是何言之悖也斯改容敬受教

二十一年魏斯谓李克曰先生尝言家贫思良妻国乱思良相今所置非成则璜二子何如对曰卑不谋尊疎不谋戚臣在关门之外不敢当命斯曰先生临事勿让克曰居视其所亲富视其所与达视其所举穷视其所不为贫视其所不取五者足以定之矣斯曰善克出翟璜曰闻君召先生而卜相果谁为之克曰魏成璜作色曰西河守吴起臣所进也君内以邲为忧臣进西门豹君欲伐中山臣进乐羊中山已拔无使守之臣进先生君之子无傅臣进屈侯鲋以耳目睹记臣何负于魏成克曰子进克者克将比周以求大官哉君问相于克克之对如是所以知君之必相成者成食禄千钟什九在外什一在内是故东得卜子夏西得田子方段干木此三人君师之子所进五人者君臣之子恶得与魏成比也璜再拜曰鄙人失对愿卒为弟子起卫人闻斯贤而归之斯问诸克克曰其用兵司马穰苴弗过也斯以为将起卧不设席行不骑乘与士卒最下者同衣食分劳苦齐侯积薨諡曰宣公子代嗣是为康公

二十三年魏斯赵籍韩防来请命王命之为诸侯司马氏曰天子之职莫大于礼礼莫大于分分莫大于君今晋大夫暴蔑其君剖分晋国天子既不能讨又宠秩之先王之礼于斯尽矣九鼎震魏侯一日燕羣臣方乐而天雨命驾将适野左右曰君安之日期虞人猎岂可无一会期哉乃往身自罢之又尝与田子方饮曰钟声不比乎左高子方曰君明乐官不明乐音君明乐音臣恐聋于官也韩尝借师伐赵文侯对曰赵兄弟也不敢闻命赵借师伐韩应之亦然二国怒已而知魏侯谋已也皆朝之

二十四年王崩諡曰威烈王子骄立燕湣公薨子僖公立盜弑楚子当諡曰声王子疑嗣

皇王大纪卷七十一

宋 胡宏 撰

三王纪

安王

元年三晋频年破秦兵夺河西地魏伐秦至阳孤二年秦简公薨子惠公嗣韩景侯防薨子烈侯取立赵烈侯籍薨弟武侯嗣

三年虢山崩壅河

五年日有食之

七年宋公购由薨諡曰悼公子田嗣

九年晋侯止薨諡曰烈公子颀嗣

十一年秦伐韩宜阳取六邑田和迁齐康公于海上食一城奉先祀

十三年齐田和防魏侯楚人卫人于浊泽求为诸侯魏为之请于王及诸侯王许之

十四年鲁侯显薨諡曰穆公子奋嗣穆公尝问于子思曰为旧君反服古有与子思对曰古之君子进人以礼退人以礼故有旧君反服之礼也今之君子进人若将加诸膝退人若将坠诸渊毋为戎首不亦善乎又何反服之礼之有公好贤而不得其道亟问亟馈鼎肉于子思子思不悦于卒也摽使者出诸大门之外北面稽首再拜而不受曰今而后知君之犬马畜伋于是子思去鲁适卫孟子曰万章曰士之不托诸侯何也孟子曰不敢也诸侯失国而后托于诸侯礼也士之托于诸侯非礼也万章曰君餽之粟则受之乎曰受之受之何义也曰君之于氓也固周之曰周之则受赐之则不受何也曰不敢也曰敢问其不敢何也曰抱关击柝者皆有常职以食于上无常职而赐于上者以为不恭也曰君餽之则受之不识可常继乎曰缪公之于子思也亟问亟餽鼎肉子思不悦于卒也摽使者出诸大门之外北面稽首再拜而不受曰今而后知君之犬马畜伋盖自是台无餽也悦贤不能举又不能养也可谓悦贤乎曰敢问国君欲养君子如何斯可谓养矣曰以君命将之再拜稽首而受其后廩人继粟庖人继肉不以君命将之子思以为鼎肉使己仆仆尔亟拜也非养君子之道也尧之于舜也使其子九男事之二女女焉百官牛羊仓廩备以养舜于畎畝之中后举而加诸上位故曰王公之尊贤者也

十五年秦伐蜀取南郑秦惠公薨子出公嗣庶长杀出公及其母沈之渊改立献公魏侯斯薨是为文侯子武侯嗣武侯浮西河而下谓吴起曰美哉山河之固对曰在德不在险昔三苗氏

左洞庭右彭蠡德义不修禹灭之夏桀之居左河济右泰华伊阙在其南羊肠在其北汤放之商纣之国左孟门右太行常山在其北大河经其南武王杀之君若不修德舟中之人皆敌国也武侯曰善魏相田文吴起不悦谓文曰将三军使士卒乐死敌国不敢谋治百官亲万民实府库守西河而秦兵不敢东乡韩赵寘从子孰与起文曰不如起曰然则位加吾上何也文曰主少国疑大臣未附百姓不信方是时属之子乎属之我乎起默然从之魏相公叔尚公主而害起公叔之仆曰起易去也其为人刚劲自喜子先言于君曰吴起贤人而君之國小盍试延以女彼无留心则必辞矣子因与起归而令公主辱子使之见之公叔从之起果辞公主武侯疑焉起惧遂奔楚楚王以为相起明法审令破纵横之說捐不急之官废公族疏遠者以抚养战士南平百越北却三晋西伐秦诸侯患楚强而贵戚大臣多怨起者赵武侯薨烈侯太子章嗣韩烈侯薨子文侯嗣

十六年命齐田和为诸侯和薨諡太公子午嗣

十九年秦城栎阳徙都之

二十年日有食之既

二十一年楚王疑薨贵戚大臣作乱攻吴起起走之王尸而伏击起之徒并中王尸太子臧即位诛为乱者七十余家諡先君曰悼王

二十二年齐康公薨无子田氏遂絕太公之祀齐桓公午薨子威王因齐嗣

二十五年孔子思言苟变于卫侯曰其材可将五百乘公曰吾知之然变也尝为吏赋于民而食人二鸡子子思曰圣人善官人者犹匠用木也取所长弃所短故杞梓连抱而有数尺之朽良工不弃今君处战国选爪牙以二卵弃干城之将此不可使闻于邻国也卫侯言计是非羣臣和者如出一口子思曰吾观卫君不君臣不臣矣人主自臧则众谋不进事是而臧之犹却众谋况和非以长恶乎夫不察事之是非而悦人讚已闇莫甚焉不度理之所在而阿諛求容谄莫甚焉君闇臣谄民不与也若此不已国无类矣乃言于卫侯曰君出言自以为是而卿大夫莫敢矫其非卿大夫出言亦自以为是而士庶人莫敢矫其非顺之则有福逆之则有祸如此善安从生子思悼道不行乃着中庸书曰天命之谓性率性之谓道脩道之谓教道也者不可须臾离也可离非道也是故君子戒慎乎其所不睹恐惧乎其所不闻莫见乎隱莫显乎微故君子慎其独也喜怒哀乐之未发谓之中发而皆中节谓之和中也者天下之大本也和也者天下之达道也致中和天地位焉万物育焉仲尼曰君子中庸小人反中庸君子之中庸也君子而时中小人之中庸也小人而无忌憚也子曰中庸其至矣乎民鲜能久矣子曰道之不行也我知之矣知者过之愚者不及也道之不明也我知之矣贤者过之不肖者不及也人莫不饮食也鲜能知味也子曰道其不行矣夫子曰舜其大智也与舜好问而好察迩言隱恶而扬善执其两端用其中于民其斯以为舜乎子曰人皆曰予知驱而纳诸罟獲陷阱之中而莫之知辟也人皆曰予知择乎中庸而不能期月守也子曰回之为人也择乎中庸得一善则拳拳服膺而弗失之矣子曰天下国家可均也爵禄可辞也白刃可蹈也中庸不可能也子路问

强子曰南方之强与北方之强与抑而强与宽柔以教不报无道南方之强也君子居之衽金革死而不厌北方之强也而强者居之故君子和而不流强哉矫中立而不倚强哉矫国有道不变塞焉强哉矫国无道至死不变强哉矫子曰素隐行怪后世有述焉吾弗为之矣君子遵道而行半涂而废吾弗能已矣君子依乎中庸遯世不见知而不悔惟圣者能之君子之道费而隐夫妇之愚可以与知焉及其至也虽圣人亦有所不知焉夫妇之不肖可以能行焉及其至也虽圣人亦有所不能焉天地之大也人犹有所憾故君子语大天下莫能载焉语小天下莫能破焉诗云鸢飞戾天鱼跃于渊言其上下察也君子之道造端乎夫妇及其至也察乎天地子曰道不遠人人之为道而遠人不可以为道诗云伐柯伐柯其则不遠执柯以伐柯睨而视之犹以为遠故君子以人治人改而止忠恕违道不遠施诸已而不愿亦勿施于人君子之道四丘未能一焉所求乎子以事父未能也所求乎臣以事君未能也所求乎弟以事兄未能也所求乎朋友先施之未能也庸德之行庸言之谨有所不足不敢不勉有余不敢尽言顾行行顾言君子胡不慥慥尔君子素其位而行不愿乎其外素富贵行乎富贵素贫贱行乎贫贱素夷狄行乎夷狄素患难行乎患难君子无入而不自得焉在上位不陵下在下位不援上正己而不求于人则无怨上不怨天下不尤人故君子居易以俟命小人行险以徼幸子曰射有似乎君子失诸正鹄反求诸其身君子之道辟如行遠必自迺辟如登高必自卑诗曰妻子好合如鼓瑟琴兄弟既翕和乐且耽宜尔室家乐尔妻帑子曰父母其顺矣乎子曰鬼神之为德其盛矣乎视之而弗见听之而弗闻体物而不可遗使天下之人齐明盛服以承祭祀洋洋乎如在其上如在其左右诗曰神之格思不可度思矧可射思夫防之显诚之不可揜如此夫子曰舜其大孝也与德为圣人尊为天子富有四海之内宗庙飨之子孙保之故大德必得其位必得其禄必得其名必得其寿故天之生物必因其材而笃焉故栽者培之倾者覆之诗曰嘉乐君子宪宪令德宜民宜人受禄于天保佑命之自天申之故大德者必受命子曰无忧者其惟文王乎以王季为父以武王为子父作之子述之武王纘太王王季文王之绪壹戎衣而有天下身不失天下之显名尊为天子富有四海之内宗庙飨之子孙保之武王未受命周公成文武之德追王太王王季上祀先公以天子之礼斯礼也达乎诸侯大夫及士庶人父为大夫子为士以大夫祭以士父为士子为大夫以士祭以大夫期之丧达乎大夫三年之丧达乎天子父母之丧无贵贱一也子曰武王周公其达孝矣乎夫孝者善继人之志善述人之事者也春秋修其祖庙陈其宗器设其裳衣荐其时食宗庙之礼所以序昭穆也序爵所以辨贵贱也序事所以辨贤也旅酬下为上所以逮贱也燕毛所以序齿也践其位行其礼奏其乐敬其所尊爱其所亲事死如事生事亡如事存孝之至也郊社之礼所以事上帝也宗庙之礼所以祀乎其先也明乎郊社之礼禘尝之义治国其如示诸掌乎哀公问政子曰文武之政布在方防其人存则其政举其人亡则其政息人道敏政地道敏树夫政也者蒲卢也故为政在人取人以身修身以道修道以仁仁者人也亲亲为大义者宜也尊贤为大亲亲之杀尊贤之等礼所生也故君子不可以不修身思修身不可以不事亲思事亲不可以不知人思知人不可以不知天天下之达道五所以行之者三曰君臣也父子也夫妇也昆弟也朋友之交也五者天下之达道也知仁勇三者天下之达德也所以行之者一也或生而知之或学而知之或困而知之及其知之一也或安而行之或利而行之或勉强而行之及其成功一也子曰好学近乎知力行近乎仁知耻近乎勇知斯三者则知所以修身知所以修身则知所以治人知所以治人则知所以治天下国家矣凡为天下国家有九经曰修身也尊贤也亲亲也敬大臣也体羣臣也子庶民也来百工也柔遠人也懷诸侯也修身则道立尊贤则不惑亲亲则诸父昆弟

不怨敬大臣则不 体羣臣则士之报礼重子庶民则百姓劝来百工则财用足柔遠人则四方归之懷诸侯则天下畏之齐明盛服非礼不动所以脩身也去谗遠色贱货而贵德所以劝贤也尊其位重其禄同其好恶所以劝亲亲也官盛任使所以劝大臣也忠信重禄所以劝士也时使薄敛所以劝百姓也日省月试既稟称事所以劝百工也送往迎来嘉善而矜不能所以柔遠人也继絕世举废国治乱持危朝聘以时厚往而薄来所以懷诸侯也凡为天下国家有九经所以行之者一也凡事豫则立不豫则废言前定则不跲事前定则不困行前定则不疚道前定则不穷在下位不获乎上民不可得而治矣获乎上有道不信乎朋友不获乎上矣信乎朋友有道不顺乎亲不信乎朋友矣顺乎亲有道反诸身不诚不顺乎亲矣诚身有道不明乎善不诚乎身矣诚者天之道也诚之者人之道也诚者不勉而中不思而得从容中道圣人也诚之者择善而固执之者也博学之审问之慎思之明辨之笃行之有弗学学之弗能弗措也有弗问问之弗知弗措也有弗思思之弗得弗措也有弗辨辨之弗明弗措也有弗行行之弗笃弗措也人一能之已百之人十能之已千之果能此道矣虽愚必明虽柔必强自诚明谓之性自明诚谓之教诚则明矣明则诚矣惟天下至诚为能尽其性能尽其性则能尽人之性能尽人之性则能尽物之性能尽物之性则可以贊天地之化育可以贊天地之化育则可以与天地参矣其次致曲曲能有诚诚则形形则着着则明明则动动则变变则化唯天下至诚为能化至诚之道可以前知国家将兴必有祲祥国家将亡必有妖孽见乎蓍 动乎四体祸福将至善必先知之不善必先知之故至诚如神诚者自成也而道自道也诚者物之终始不诚无物是故君子诚之为贵诚者非自成已而已也所以成物也成已仁也成物知也性之德也合内外之道也故时措之宜也故至诚无息不息则久久则征征则悠遠悠遠则博厚博厚则高明博厚所以载物也高明所以覆物也悠久所以成物也博厚配地高明配天悠久无疆如此者不见而章不动而变无为而成天地之道可一言而尽也其为物不貳则其生物不测天地之道博也厚也高也明也悠也久也今夫天斯昭昭之多及其无穷也日月星辰系焉万物覆焉今夫地一撮土之多及其广厚载华岳而不重振河海而不泄万物载焉今夫山一卷石之多及其广大草木生之禽兽居之寶藏兴焉今夫水一勺之多及其不测黿鼉蛟龙鱼鼈生焉货财殖焉诗曰惟天之命于穆不已盖曰天之所以为天也于乎不显文王之德之纯盖曰文王之所以为文也纯亦不已大哉圣人之道洋洋乎发育万物峻极于天优优大哉礼仪三百威仪三千待其人而后行故曰苟不至德至道不凝焉故君子尊德性而道问学致广大而尽精微极高明而道中庸温故而知新敦厚以崇礼是故居上不骄为下不倍国有道其言足以兴国无道其默足以容诗曰既明且哲以保其身其此之谓与子曰愚而好自用贱而好自专生乎今之世反古之道如此者裁及其身者也非天子不议礼不制度不考文今天下车同轨书同文行同伦虽有其位苟无其德不敢作礼乐焉虽有其德苟无其位亦不敢作礼乐焉子曰吾說夏礼杞不足征也吾学殷礼有宋存焉吾学周礼今用之吾从周王天下有三重焉其寡过矣乎上焉者虽善无征无征不信不信民弗从下焉者虽善不尊不尊不信不信民弗从故君子之道本诸身征诸庶民考诸三王而不繆建诸天地而不悖质诸 神而无疑百世以俟圣人而不惑质诸 神而无疑知天也百世以俟圣人而不惑知人也是故君子动而世为天下道行而世为天下法言而世为天下则遠之则有望近之则不厌诗曰在彼无恶在此无斁庶防夙夜以永终誉君子未有不如此而蚤有誉于天下者也仲尼祖述尧舜宪章文武上律天时下袭水土譬如天地之无不持载无不覆幬譬如四时之错行如日月之代明万物并育而不相害道竝行而不相悖小德川流大德敦化此天地之所以为大也唯天下至

圣为能聪明睿知足以有临也宽裕温柔足以有容也发强刚毅足以有执也齐庄中正足以有敬也文理密察足以有别也溥博渊泉而时出之溥博如天渊泉如渊见而民莫不敬言而民莫不信行而民莫不说是以声名洋溢乎中国施及蛮貊舟车所至人力所通天之所覆地之所载日月所照霜露所队凡有血气者莫不尊亲故曰配天唯天下至诚为能经纶天下之大经立天下之大本知天地之化育夫焉有所倚肫肫其仁渊渊其渊浩浩其天苟不固聪明圣知达天德者其孰能知之诗曰衣锦尚防恶其文之着也故君子之道闇然而日章小人之道然而日亡君子之道淡而不厌简而文温而理知远之近知风之自知防之显可与入德矣诗云潜虽伏矣亦孔之昭故君子内省不疚无恶于志君子之所不可及者其唯人之所不见乎诗云相在尔室尚不愧于屋漏故君子不动而敬不言而信诗曰奏假无言时靡有争是故君子不赏而民劝不怒而民威于鈇钺诗曰不显惟德百辟其刑之是故君子笃恭而天下平诗曰予怀明德不大声以色子曰声色之于以化民末也诗曰德輶如毛毛犹有伦上天之载无声无臭至矣子思晚年复归于鲁邹人孟轲师焉轲鲁孟孙之族裔少孤母贤过人择邻三徙轲出就傅怠而归母方织曰轲学不可已也遂截其织曰一绝则续之难矣轲由是进学不息轲见子思问牧民之道何先子思曰利之孟子曰君子教民亦仁义而已矣子思曰是所以利之也上不仁则下不得其所上不义则下乐为诈不利大矣孔氏之徒曰入其国其教可知也其为人也温柔敦厚而不愚则深于诗者也疏通知远而不诬则深于书者也广博易良而不奢则深于乐者也洁静精防而不贼则深于易者也恭俭庄敬而不烦则深于礼者也属辞比事而不乱则深于春秋者也天子不言出诸侯不生名君子不亲恶诸侯失地名灭同姓名晋侯蒯黶諡曰孝公子俱酒嗣蜀伐楚取兹方楚为扞关以拒之鲁穆公薨子共公奋立韩文侯薨子哀侯立

二十六年王崩諡曰安王子喜立魏韩赵尽取晋地废晋侯俱酒为家人是为静公唐叔之祀遂绝

烈王

元年日有食之郑恭公传子及孙二世皆不得其死至是子乙立而灭于韩韩徙都之赵敬侯章薨子成侯种嗣

三年宋休公薨子桓公辟兵立【案汲冢纪年作桓公辟兵而史作辟公辟兵且名辟兵而諡辟又辟于义无取史记盖误也当作桓公】燕僖公卫慎公皆薨燕立桓公卫立公子训

五年韩哀侯相韩廌而甚爱严遂二人甚相害也遂令人刺廌兼及哀侯魏武侯薨不立太子子防公仲缓争立

六年齐威王来朝是时诸侯莫朝天下益贤齐王齐王召即墨大夫曰子居即墨毁言日至然田野辟人民给官无事东方以宁是子不事吾左右以求誉也封之万家召阿大夫曰自子守阿誉言日至然田野不辟人民贫馁赵攻鄆子不救卫取薛陵子不知是子厚币事吾左右以求誉也烹之及左右尝誉者羣臣耸惧莫敢饰诈齐国大治楚子臧薨諡曰肃王弟良夫嗣

七年日有食之王崩諡曰烈王弟扁立魏大夫王错出奔韩韩赵同伐魏遂围之赵成侯曰杀防立公仲缓割地而退韩懿侯曰杀魏君暴也割地而退贪也不如两分之使不彊于宋卫则我终无魏患矣赵人不听懿侯去成侯亦去防杀公仲缓而立是为惠王太史公曰从一家之谋魏必分矣故曰君终无嫡子其国可破也宋桓公薨子剔成立

皇王大纪卷七十二

宋 胡宏 撰

三王纪

显王

二年鲁侯奋薨諡曰恭公子屯嗣

五年秦献公败三晋于石门斩首十万王赐以黼黻之服燕桓公卫声公训皆薨燕立文公卫立公子速七年秦献公薨子孝公立生二十一年矣是时河山以东疆国六淮泗之间小国十余楚魏与齐接壤魏筑长城自郑濱洛以北有上郡楚自汉中南有巴黔中皆夷翟遇秦摈斥之不得与盟防孝公发愤修政欲以强秦八年下令曰昔我穆公自岐雍之间修德行武东平晋乱以河为界西霸戎翟广地千里天子致伯诸侯毕贺为后世开业甚光美防往者厉躁简公出子之不寧国家内忧未遑外事三晋攻夺我先君河西地丑莫大焉献公即位镇抚边境徙治栎阳且欲东伐复穆公故地而修其政令寡人思念先君之意常痛于心賓客羣臣有能出奇计强秦者吾且尊官与之分土于是卫公孙鞅闻是令下乃西入秦鞅好刑名学事魏相公叔痤痤贤之防病惠王问曰有如不可讳将奈社稷何曰痤之中庶子鞅年虽少有奇才愿君举国而听之王默然公叔曰即不用必杀之无令出境王出谓左右曰公叔之言岂不悖哉叔召鞅谢曰吾先君而后臣故先为君谋后以告子子速行矣鞅曰君必不能用子言卒不去至是入秦见孝公說以富强之术公大說鞅欲变法秦人不顺鞅曰民不可与虑始而可与乐成论至德者不和于俗成大功者不谋于众甘宠曰不然緣法而治者吏习而民安之鞅曰常人安于故俗学者溺于所闻以此居官守法可也非所与论于法之外也智者作法愚者制焉公曰善拜鞅左庶长卒变法令民为什伍而相収司连坐告奸者与斩敌首同赏匿奸者与降敌同罚有军功者各以率受上爵为私鬪者各以轻重被刑力本业耕织致粟帛多者复其身事末利及怠而贫者举以为収孥宗室非有军功论不得为属籍明尊卑爵秩等级各以差次名田宅臣妾衣服有功者显荣无功者虽富无所芬华令行期年民言不便者千数于是太子犯法鞅刑其傅公子防黜其师公孙贾明日秦人皆趣令行之十年道不拾遗山无盗贼民勇于公战怯于私鬪乡邑大治初言令不便者有来言便者鞅曰此乱民也尽迁之边民莫敢议韩侯薨子昭侯立

十一年鲁侯屯薨諡曰康公子匱嗣

十四年齐王魏王防田惠王曰齐有寶乎威王曰无有惠王曰寡人国虽小尚有径寸之珠照车前后各十二乘者十枚岂以齐大而无寶乎威王曰寡人所寶者檀子守南城则楚人不敢为寇泗上十二诸侯皆来朝盼子守高唐则赵人不敢东渔于河黔夫守徐州则燕人祭北门赵人祭西门徙而从者七千余家种首备盗贼则道不拾遗此四臣将照千里岂特十二乘哉

十五年秦败魏师取少梁

十六年初孙臆庞防俱学兵法防为魏将自知能不及臆用法断其足欲使废弃齐使者至魏臆陰說之使者与之归魏伐赵齐威王遣将军田忌救赵孙子曰解纷者不控拳救鬪者不搏搯批亢搗虚形格势禁而已今梁銳卒竭于外老弱疲于内不若疾走魏都彼必自救是我一举解赵围而救 于魏也忌从之魏师败绩十八年秦卫鞅围魏固阳降之韩昭侯相申不害国治兵彊申子常请仕其从兄不许有怨色昭侯曰将听子之谒而废子之术乎其行子之术而废子之请乎子尝教寡人修功劳视次第今有所私求我将奚听乎申子乃辟舍请罪昭侯有 袴命藏之侍者曰君亦不仁者矣不赐左右而藏之昭侯曰明主爱一嚔一笑嚔有为嚔笑有为笑今袴岂特嚔笑哉吾必待有功者

十九年秦卫鞅筑冀阙宫庭于咸阳徙都之禁民父子兄弟同室内息者并诸小乡为一县县置令丞凡三十一县废井田开阡陌得卖买

论曰先王之所以沟封井田者亩数一定不可诡移一也邑里阻固虽有戎车不可超越二也道路有制虽有奸宄不可羣逞三也此三利者絕兼并之端止狱讼之原沮寇盜禁奸宄于未兆所以均平天下行政教美风俗保世永年之大法也自商鞅废之及今千六百岁则弃日益深而祸乱不可禁矣可胜叹哉

二十一年秦卫鞅更为赋税法

二十二年宋公剔成为弟偃所攻败奔齐偃自立二十六年王致伯于秦诸侯皆贺秦伯使公子少官帅师防诸侯于逢泽朝王

二十八年魏庞防伐韩韩求救于齐宣王召大臣谋蚤救孰与晚救孙臆曰韩魏未 而救之是吾代韩受魏兵也且魏有破国之志韩惧亡必愬于齐吾因深结韩亲晚承魏 可也王乃陰许韩韩恃救五战不胜委国于齐齐使田忌将孙子为师直走魏都防归御之孙子曰晋人素悍勇号齐怯善战者因其势而利道之令军人入魏地为十万灶明日为五万灶又明日为二万灶防行三日大喜曰齐军亡者过半矣乃并行逐之孙子度其暮当至马陵伏隘待其过万弩俱发防智穷自刭二十九年卫鞅言于孝公曰秦与魏譬若人有腹心之疾非魏并秦秦即并魏魏居岭阨之西都安邑与秦界河而擅山东之利利则西侵秦病则东収地今大破于齐可因而伐之魏不能支必东涉然后秦据山河之固东乡以制诸侯此王业也公使之将魏公子卬御之鞅遗卬书愿盟而罢卬信之鞅伏甲袭卬大破魏师魏王恐徙都大梁乃叹曰吾恨不用公叔之言秦封鞅商于十五邑号商君楚王良夫薨諡曰宣王子商嗣

三十一年秦孝公薨子惠文王立公子防之徒告商君欲反发吏捕之商君亡之魏魏内之秦秦人车裂以徇灭其家初商君用法严酷尝临渭论囚渭水尽赤问赵良曰我治秦孰与五羖大夫贤良曰千人之诺诺不如一士之谔谔仆请正言而无诛可乎五羖大夫荆之鄙人也穆公举之牛口之下而加之百姓之上秦国莫敢望焉相秦六七年而东伐郑三置晋君一救荆

祸劳不坐乘暑不张盖不从车乘不操干戈及其死也秦之男女流涕童子不歌謡舂者不相杵今君之见也主嬖人景监其从政也凌轹公族残伤百姓公子防杜门八年矣又杀祝懽而黜公孙贾诗曰得人者兴失人者崩此数者非所以得人也君之出也后车载甲多力而骈胁者为骖乘持矛而操闔防者旁车而趋此一物不具君固不出书曰恃德者昌恃力者亡此数者非恃德也君之危若朝露而尚贪商于宠秦政畜百姓之怨秦王一旦捐賔客而不立朝秦国所以收君者岂其防哉鞅弗从以至于难

三十三年孟轲见魏惠王王曰叟不遠千里而来亦将有以利吾国乎孟子对曰王何必曰利亦有仁义而已矣王曰何以利吾国大夫曰何以利吾家士庶人曰何以利吾身上下交征利而国危矣万乘之国弑其君者必千乘之家千乘之国弑其君者必百乘之家万取千焉千取百焉不为不多矣苟为后义而先利不夺不餍未有仁而遗其亲者也未有义而后其君者也王亦曰仁义而已矣何必曰利孟子见梁惠王王立于沼上顾鸿鴈麋鹿曰贤者亦乐此乎孟子对曰贤者而后乐此不贤者虽有此不乐也诗云经始灵台经之营之庶民攻之不日成之经始勿亟庶民子来王在灵囿麋鹿攸伏麋鹿濯濯白鸟鹤鹤王在灵沼于物鱼跃文王以民力为台为沼而民欢乐之谓其台曰灵台谓其沼曰灵沼乐其有麋鹿鱼鼈古之人与民偕乐故能乐也汤誓曰时日曷丧予及汝偕亡民欲与之偕亡虽有台池鸟兽岂能独乐哉王曰寡人之于国也尽心焉尔矣河内防则移其民于河东移其粟于河内河东防亦然察邻国之政无如寡人之用心者邻国之民不加少寡人之民不加多何也孟子对曰王好战请以战喻填然鼓之兵刃既接弃甲曳兵而走或百步而后止或五十步而后止以五十步笑百步则何如曰不可直不百步尔是亦走也曰王如知此则无望民之多于邻国也不违农时谷不可胜食也数罟不入洿池鱼鼈不可胜食也斧斤以时入山林材木不可胜用也谷与鱼鼈不可胜食材木不可胜用是使民养生丧死无憾也养生丧死无憾王道之始也五畝之宅树之以桑五十者可以衣帛矣鸡豚狗彘之畜无失其时七十者可以食肉矣百畝之田勿夺其时数口之家可以无饥矣谨庠序之教申之以孝悌之义颁白者不负戴于道路矣七十者衣帛食肉黎民不饥不寒然而不王者未之有也王曰晋国天下莫强焉叟之所知也及寡人之身东败于齐长子死焉西丧地于秦七百里南辱于楚寡人耻之愿比死者一洒之如之何则可孟子对曰地方百里而可以王王如施仁政于民省刑罚薄税斂深耕易耨壮者以暇日修其孝悌忠信入以事其父兄出以事其长上可使制梃以挾秦楚之坚甲利兵矣彼夺其民时使不得耕耨以养其父母父母冻饿兄弟妻子离散彼陷溺其民王往而征之夫谁与王敌故曰仁者无敌王请勿疑三十四年秦伐韩拔宜阳

三十五年齐魏防于徐州以相王韩昭侯作高门屈宜臼曰君必不出此门何也不时夫人固有利不利时前年秦拔宜阳今年旱君不恤民之急而顾益奢所谓时拙举赢者也越王无疆伐齐齐說以伐楚之利越遂伐楚楚人大败之尽取吴故地东至浙江越由此散诸公族争立海上朝服于楚

三十六年韩高门成昭侯薨子宣惠王立洛阳人苏秦說秦王以兼天下之术不用乃去說燕文公曰燕所以不被兵者赵蔽其南也且秦之攻燕战于千里之外赵之攻燕战于百里之内王与赵从亲则无患矣文公从之资秦车马說赵肃侯曰秦不敢伐赵者畏韩魏议其后也秦

无韩魏之规则祸中于赵矣臣案天下之图诸侯之地五倍于秦卒十倍于秦而衡人皆请割地予秦秦成则其身富荣国被秦患而不与其忧故日夜务称秦权恐惕诸侯窃为主计莫若合六国为从亲以摈秦秦甲必不敢出函谷害山东矣肃侯大悦厚赐赉之使说韩王曰王事秦秦必求宜阳成臯今兹效之明年又求地有尽求无已此市怨结祸也鄙谚曰宁为鸡口无为牛后夫以韩之强而有牛后之名窃为王羞之韩王从其言往说魏王曰大王地方千里武士苍头奋击各二十万车六百乘骑五千匹乃欲臣事秦愿熟察之魏王听之乃说齐王曰韩魏重畏秦者为接境壤也战而胜秦则兵半折四境不守不胜则危亡随其后所以重与秦战而轻为之臣也今秦攻齐过卫阳晋之道经乎亢父之险车不得方轨骑不得比行深入则狼顾韩魏是故恫疑虚喝骄矜而不敢进奈何事之愿王少留意齐王许之遂说楚王曰楚天下疆国也带甲百万粟支十年秦之所害莫如楚从亲则诸侯割地事楚衡合则楚割地事秦两事相去远矣王何居焉楚王许之于是秦为从约长并相六国时有庄周者防人也尝为漆园吏该贯辩博著书自见谓惠子曰孔子行年六十而六十化始时所是卒而非之未知今之所谓是之非五十九非也惠子曰孔子勤志服知也庄子曰孔子谢之矣而其未之尝言孔子云夫受才乎大本复灵以生鸣而当律言而当法利义陈乎前而好恶是非直服人之口而已矣使人乃以心服而不敢黷【五各】立定天下之定已乎已乎吾且不得及彼乎又曰建之以常无有主之以太一其动若水其静若镜其应若响未尝先人而尝随人人皆取先已独取后人皆取实已独取虚常宽容于物不削于人可谓至极关尹老聃乎古之博大真人哉庄周闻其风而说之以天下为沈浊不可与庄【端正也】语以卮言为曼衍以重言为真以寓言为广独与天地精神往来以不傲睨于万物其书虽瑰玮而连犴【方圆宛转与物相从之貌】无伤也其词虽参差而淑诡可观彼其充实不可以已其逍遥游略曰穷发之北有海者有鱼焉其广数千里未有知其脩者其名为鲲化而为鸟其名为鹏【及朋皆古文凤字】背若泰山翼若垂天之云抟扶摇【风自下而上曰扶摇亦曰飇】羊角而上者九万里绝云气负青天然后图南且适南也南者天池也齐谐者志怪者也谐之言曰鹏之徙于南去以六月息者也野马也尘埃也【游气驰聚如野马翳霭如尘埃】生物之以息相吹也天之苍苍其正色邪其远而无所至极邪其视下也亦若是则已矣风之积也不厚则其负大翼也无力故九万里则风斯在下矣而后乃今培【裴】风背负青天而莫之夭【于表】阏【于葛】者蜩与鸪【鸪学鸪雕鹗也】鸪笑之曰我决起而飞抢【七良突也】榆枋时则不至而控于地而已矣奚以之九万里而南为斥鸪笑之曰彼且奚适也我腾跃而上不过数仞而下翱翔蓬蒿之间此亦飞之至也而彼且奚适也此小大之辩也故夫知效一官行比一乡德合一君而征一国者其自视也亦若此矣而宋荣子犹然笑之且举世誉之而不加劝举世非之而不加沮定乎内外之分辩乎荣辱之境斯已矣彼其于世未数数然也虽然犹有未树也列子御风而行泠然善也旬有五日而后反彼于致福者未数数然也此虽免乎行犹有所待者也若夫乘天地之正而御六气之辩以游无穷者彼且恶乎待哉故曰至人无已神人无功圣人无名肩吾问于连叔曰吾闻言于接舆【接舆楚人姓陆名通】大而无当往而不反吾惊怖其言犹河汉而无极也大有迕庭【敕定迕庭激过也】不近人情焉连叔曰其言谓何哉曰藐【二音】姑射之山有神人居焉肌肤若冰雪淖【昌略淖约柔弱貌】约若处子不食五谷吸风饮露乘云气御飞龙而游乎四海之外其神凝使物不疵疠而年谷熟吾以是狂而不信也连叔曰然瞽者无以与乎文章之观聋者无以与乎钟鼓之声岂唯形骸有聋盲哉夫知亦有之是其言也犹时女也之人也之德也将旁礴【蒲薄】万物以为一世蕲【祁】

】乎乱孰弊弊焉以天下为事之人也物莫之伤大浸稽天而不溺大旱金石流土山焦而不热是其尘垢粃【卑以】糠将犹陶铸尧舜者也孰肯以物为事惠子谓庄子曰魏王贻我大瓠之种我树之成而实五石以盛水浆其坚不能自举也剖之以为瓢则瓠【户郭切瓠落犹云廓落也】落无所容非不鸣【许骄】然大也吾为其无用而掊之庄子曰夫子固拙于用大矣何不虑以为大樽【樽如酒器缚之腰可以入水所谓腰舟者也】而浮乎江湖而忧其瓠落无所容则夫子犹有蓬之心也夫惠子谓庄子曰吾有大树人谓之樗其大本拥肿而不中绳墨其小枝卷曲而不中规矩立之涂匠者不顾今子之言大而无用众所同去也庄子曰何不树之于无何有之乡广莫【大也】之野彷徨乎无为其侧逍遥乎寝卧其下不夭斤斧物无受害者无所可用安所困苦哉齐物论曰南郭子綦隐几而卧仰天而嘘嗒【吐答】焉似丧其耦颜成子游曰形固可使如槁木而心固可使如死灰乎子綦曰偃不亦善乎而问之也今者吾丧我汝知之乎汝闻人籁而未闻地籁汝闻地籁而未闻天籁夫子游曰地籁则众窍是已人籁则比竹是已敢问天籁子綦曰夫吹万不同而使其自己也咸其自取怒者其谁邪大知闲闲小知间间大言炎炎小言詹詹其寐也魂交其觉也形开与接为构日以心鬬縵【寬心也】者奢【古孝深心也】者密者小恐惴惴大恐縵縵【齐死生貌】其发若机括其留如诅盟其杀【色界】如秋冬喜怒哀乐虑叹变愁【之涉反动貌】姚佚啓态乐出虚蒸成菌【古咏】日夜相代乎前而莫知其所萌若有真宰而特不得其朕【除忍兆也】与物相刃相靡其行尽如驰而莫之能止终身役役而不见其成功繭然疲役而不知其所归人之生也固若是芒乎其我独芒而人亦有不芒者乎夫随其成心而师之谁独且无师乎未成乎心而有是非是以无有为有虽有神禹且不能知夫言非吹也言者有言其所言者特未定也道恶乎隐而有真伪言恶乎隐而有是非道隐于小成言隐于荣华自彼则不见自知则知之是以圣人不由而照之于天彼是莫得其偶谓之道枢枢始得其环中以应无穷故为是举筵【廷】与楹厉与西施恢恠憭【决】怪道通为一唯达者知通为一劳神明为一而不知其同也谓之朝三何谓朝三曰狙公赋茅【序橡子也】曰朝三而暮四众狙皆怒曰然则朝四而暮三众狙皆悦名实未亏而喜怒为用亦因是也是以圣人和之以是非而休乎天钧【陶钧也】古之人其知有所至矣恶乎至有以为未始有物者至矣尽矣不可以加矣其次以为有物矣而未始有封也其次以为有封焉而未始有是非也是非之彰也道之所以亏也道之所以亏爱之所以成果且有成与亏乎哉果且无成与亏乎哉天下莫大于秋毫之末而太山为小莫寿乎殤子而彭祖为天天地与我竝生而万物与我为一既已为一矣且得有言乎既已谓之一矣且得无言乎一与言为二二与一为三自此以往巧历不能得而况其几乎六合之外圣人存而不论六合之内圣人论而不议春秋经世先王之志圣人议而不辩故曰大辩不言孰知不言之辩若有能知此之谓天府齧缺问乎王倪曰子知物之所同是乎曰吾恶乎知之子知子之所不知邪曰吾恶乎知之然则物无知邪曰吾恶乎知之虽然尝试言之庸詎知吾所谓知之非不知邪庸詎知吾所谓不知之非知邪齧缺曰子不知利害则至人固不知利害乎王倪曰至人神矣大泽焚而不能热河汉沍而不能寒疾雷破山风振海而不能惊若然者乘云气骑日月而游乎四海之外死生无变于己而况利害之端乎梦饮酒者旦而哭泣梦哭泣者旦而田猎方其梦也不知其梦也梦之中又占其梦焉觉而后知其梦也且有大觉而后知此其大梦也昔者庄周梦为蝴蝶栩栩【喜貌】然蝴蝶也自喻适志与不知周也俄然觉则蘧蘧然周也不知周之梦为蝴蝶与蝴蝶之梦为周与周与蝴蝶则必有分矣此之谓物化养生主曰吾生也有涯而知也无涯以有涯随无涯殆已已而为知者殆而已矣为善无

近名为恶无近刑緣督以为经可以保身可以全生可以养亲可以尽年庖丁为文惠君解牛手之所触肩之所倚足之所履膝之所踣【画月骨相离之貌】然向然奏刀□【乎获】然莫不中音合于桑林之舞乃中经首之防【经首之防司马彪咸池乐章】文惠君曰善哉技盖至此乎庖丁释刀对曰臣之所好者道也进乎技矣始臣之解牛之时所见无非牛者三年之后未尝见全牛也方今之时臣以神遇而不以目视官知止而神欲行依乎天理批大郤导大窾因其固然技经肯【其忍骨肉间】綮【啓结处也】之未尝而况大軱【孤骨也】乎良庖岁更刀割也族庖月更刀折也今臣之刀十九年矣所解数千牛矣而刀刃若新发于硎彼节者有间而刀刃者无厚以无厚入有间恢恢乎其于游刃必有余地矣是以十九年而刀刃若新发于硎虽然每至于族吾见其难为怵然为戒视为止行为迟动刀甚微謦【许百】然已解如土委地提刀而立为之四顾为之踌躇满志善刀而藏之文惠君曰善哉吾闻庖丁之言得养生焉老聃死秦佚吊之三号而出弟子曰若此可乎曰然适来夫子时也适去夫子顺也安时而处顺哀乐不能入也人间世曰顔回将之卫孔子曰回道不欲杂古之至人先存诸已而后存诸人所存于已者未定何暇至于暴人之所行德厚信伋【工若反伋确实貌】未达人气名闻不争未达人心而彊以仁义绳墨之言术暴人之前者是以人恶有其美也命之曰菑人菑人者人必反菑之顔回曰我内直与天为徒外曲与人为徒成而上比与古为徒可乎仲尼曰未可以及化顔回曰敢问其方仲尼曰若一志无听之以耳而听之以心无听之以心而听之以气听止于耳心止于符气也者虚而待物者也唯道集虚虚者心斋也

皇王大纪卷七十三

宋 胡宏 撰

三王纪

显王

叶公子高将使于齐问于仲尼曰王使诸梁也甚重齐之待使者盖将甚敬而不急匹夫犹未可动也而况诸侯乎吾甚栗之子尝语诸梁也曰凡事若小若大寡不道以懽成事若不成则必有人道之患事若成则必有阴阳之患若成若不成而后无患者唯有德者能之吾食也执麤而不臧爨无欲清【七性宜从假借也】之人今吾朝受命而夕饮冰我其内热与吾未至乎事之情而既有阴阳之患矣事若不成必有人道之患是两也为人臣者不足以任之子其有以语我仲尼曰天下有大戒二其一命也其一义也子之爱亲命也不可解于心臣之事君义也无适而非君也无所逃于天地之间是之谓大戒是以夫事其亲者不择地而安之孝之至也夫事其君者不择事而安之忠之盛也自事其心者哀乐不易施乎前知其无可奈何而安之若命德之至也为人臣子者固有所不得已行事之情而防其身何暇至于悦生而恶死夫子其行可矣仲尼曰人莫鉴于流水而鉴于止水惟止能止众止受命于地唯松柏独也正正在冬夏青青受命于天唯舜独也正幸能正生以正众生夫保始之征【始也保其始可信其终也】不惧之实勇士一人雄入于九军将求名而能自要者而犹若是而况官天地府万物直寓六骸象耳目一知之所知而心未尝死者乎申屠嘉曰人与贤人处则无过知无可奈何而安之若命唯有德者能之兀者叔山无趾踵见仲尼仲尼曰子不谨前既犯患若是矣虽今来何及矣无趾曰吾唯不知务而轻用吾身吾是以亡足今吾来也犹有尊足者存吾是以务全之也夫天无不覆地无不载吾以夫子为天地安知夫子之犹若是也孔子曰丘则陋矣夫子胡不入乎请讲以所闻无趾出孔子曰弟子勉之夫无趾兀者也犹务学以复补前行之恶而况全德之人乎仲尼曰平者水停之盛也其可以为法也内保之而外不荡也德者成和之脩也德不形者物不能离也惠子谓庄子曰人故无情乎庄子曰然惠子曰人而无情何以谓之人庄子曰吾所谓无情者言人之不以好恶内伤其身常因自然而不益生也大宗师曰知天之所为者天而生也知人之所为者以其知之所知以养其知之所不知也虽然夫知有所待而后当其所待者特未定也庸詎知吾所谓天之非人乎所谓人之非天乎古之真人过而弗悔当而不自得也其寝不梦其觉无忧其食不甘其息深深真人之息以踵众人之息以喉其耆欲深者其天机浅古之真人不知悦生不知恶死不忘其所始不求其所终是之谓不以心捐道不以人取天若然者其心忘其容寂凄然似秋暖然似春喜怒通四时与物有宜而莫知其极故圣人之用兵也亡国而不失人心利泽施乎万世不为爱人天与人不相胜也是之谓真人夫藏舟于壑藏山于泽谓之固矣然而夜半有力者负之而走昧者不知也若夫藏天下于天下而不得所遯是恒物之大情也故圣人将游于物之所不得遯而皆存善夭善老善始善终人犹效之又况万物之所系而一化之所待乎夫道有情有信无为无形可传而不可受可得而不可见自本自根未有天地自古以固存子祀子舆子犁子来相与语曰孰能知死生存亡之一体者吾与之友矣四人相视而笑莫逆于心遂相与为友俄而子舆有病子祀往

问之曰汝恶之乎曰亡予何恶浸假而化予之左臂以为鸡予因以求时夜浸假而化予之右臂以为弹予因以求鸚炙浸假而化予之尻以为轮以神为马予因而乘之岂更驾哉安时而处顺哀乐不能入也此古之所谓县解县而不能自解者物有结之且夫物不胜天从矣吾又何恶焉俄而子来有病喘喘【赤兑切】然将死其妻子环而泣之子犁往问之曰叱避无怛化倚其户与之语曰造化将奚以适子来曰父母于子东西南北唯命之从陰阳于人不翅于父母彼近吾死而我不听我则悍矣彼何罪焉夫大块载我以形劳我以生佚我以老息我以死故善吾生者乃所以善吾死今一以天地为大鑪以造化为大冶恶乎往而不可哉成然寐遽然觉子桑户孟子反子琴张相与语曰孰能登天游雾挠【而小切】挑【徒小切】无极相忘以生无所终穷三人相视而笑莫逆于心遂相与友莫然有间而子桑户死未葬孔子使子贡往待事焉或编曲或鼓琴相和而歌子贡反以告孔子曰彼游方之外者也而丘游方之内者也彼方且与造物者为人而游乎天地之一气芒然彷徨乎尘垢之外逍遥乎无为之业彼又恶能愤愤【上内】然为世俗之礼以观众人之耳目哉故曰天之小人人之君子人之君子天之小人也颜回问曰孟孙才其母死哭泣无涕不感不哀而以善丧盖鲁国固有无其实而得其名者乎仲尼曰夫孟孙氏尽之不知所以生不知所以死且方将化恶知不化哉方将不化恶知己化哉吾特与汝其梦未始觉者耶孟孙氏特觉人哭亦哭是自其所以乃且汝梦为鸟而厉乎天梦为鱼而没于渊不识今之言者其觉者乎其梦者乎安排而去化乃入于寥天一应帝王曰肩吾曰君人者以已出经式义度人孰敢不聴而化诸狂接輿曰圣人之治也治外乎正而后行确乎能其事者而已矣且鸟高飞以避矰弋之害鼷防深穴乎神丘之下以避熏凿之患而曾二虫之无知无名人谓天根曰游心于淡合气于漠顺物自然而无容私焉而天下治矣老聃曰明王之治其功盖天下而似不自己立乎不测而游于无有者也列子见壶子而归三年不出为其妻爨食豕如食人于事无与亲雕琢复朴块然独以其形立纷而封哉一以是终无为名尸无为谋府无为事任无为知主尽其所受乎天而无见得亦虚而已至人之用心若镜不将不迎应而不藏故能胜物而不伤外篇曰骈拇枝指出乎性哉而侈于德附赘县疣出乎形哉而侈于性多方乎仁义而用之者列于五藏哉而非道德之正也彼正正者不失其性命之情故合者不为骈而枝者不为跂长者不为有余短者不为不足是故鳧胫虽短续之则忧鹤胫虽长断之则悲故性长非所断性短非所续无所去忧也天下有常然者曲者不以钩直者不以绳圆者不以规方者不以矩附离不以胶漆约束不以纆索故天下诱然皆生而不知其所以生同焉皆得而不知其所以得且夫属其性乎仁义者虽通如曾史【曾参史防】非吾所谓臧也属其性于五味虽通如俞儿【俞儿古人善别味者】非吾所谓臧也属其性乎五声虽通如师旷【师旷冀州南和人生而无目善音律】非吾所谓聪也属其性乎五色虽通如离朱【离朱黄帝时人百步见秋毫】非吾所谓明也吾所谓臧者臧于其德而已矣任其性命之情而已矣吾所谓聪者非谓其闻彼也自闻而已矣吾所谓明者非谓其见彼也自见而已矣夫不自得而得彼者是得人之得而不自得其得者也适人之适而不自适其适者也若然者虽盗跖与伯夷是同为淫僻也庄子曰上诚好知而无道则天下大乱矣何以知其然耶夫弓弩毕弋机变之知多则鸟乱于上矣钩饵网罟罾筴之知多则鱼乱于水矣削【七妙削格所以施罗网者】格罗落置罟之知多则兽乱于泽矣吾意善治天下者不然彼民有常性织而衣耕而食是谓同德同乎无知其德不离同乎无欲是谓素朴素朴而民性得矣及至蹷蹷为仁蹢躅为义而天下始疑矣澶漫为乐摘擗为礼而天下始分矣故纯朴不残孰为牺樽白玉不毁孰为珪璋五色不乱孰为文采五声不乱孰应六律及至屈

折礼乐以匡天下之形县跂仁义以慰天下之心而民乃始争归于利不可止也君子不得已而临莅天下莫若无为无为也而后安其性命之情故贵以身于为天下则可以托天下爱以身于为天下则可以寄天下故君子苟能无解其五藏无擢其聪明尸居而龙见渊默而雷声神动而天随从容无为而万物炊累焉吾又何暇治天下哉自天下之衰愚智相欺善否相非诞信相讥大德不同而性命烂漫矣天下好知而百姓求竭矣于是乎鉏锯制焉绳墨杀焉椎凿决焉天下脊脊大乱罪在撓人心故贤者伏处大山嵒岩之下而万乘之君忧栗乎庙堂之上故曰絶圣弃智天下大治世俗之人皆喜人之同乎己而恶人之异于己也同乎己而欲之异于己而不欲者以出乎众为心也夫以出乎众为心者曷常出乎众哉因众以宁所闻不如众技众矣而欲为人之国者此以人之国侥幸也几何侥幸而不丧人之国乎其存人之国也无万分之一而丧人之国也一不成而万有余丧矣悲夫有土者之不知也夫有土者有大物也有大物者不可以物物而不物故能物物明乎物物者之非物也岂独治天下百姓而已哉出入六合游乎九州独往独来是谓独有独有之人是之谓至贵大人之教若形之于影声之于响有问而应之尽其所懷为天下配处乎无响行乎无方出入无旁与日无始颂论形軀合乎大同大同而无已无已恶乎得有有覩有者昔之君子覩无者天地之友贱而不可不任者物也卑而不可不因者民也匿而不可不为者事也麤而不可不陈者法也故圣人接于事而不辞齐于法而不乱恃于民而不轻因于物而不去不明于天者不纯于德不通于道者无自而可有天道有人道无为而尊者天道也有为而累者人道也主者天道也臣者人道也相去遠矣不可不察也庄子曰天地虽大其化均也万物虽多其治一也人卒虽众其主君也古之君天下无为也天德而已矣故无欲而天下足无为而万物化渊静而百姓定记曰通于一而万事毕无心得而鬼神服夫子曰夫道覆载万物者也洋洋乎大哉君子不可以不刳心焉无为为之之谓天无为言之之谓德爱人利物之谓仁不同同之之谓大行不崖异之谓寬有万不同之谓富执德之谓纪德成之谓立循于道之谓备不以物挫志之谓完君子明于此十者则韬乎其心之大也若然者不荣通不丑穷不拘一世之利以为己私分不以王天下为己处显万物一府死生同状庄子曰泰初有无无有名一之所起有一而未形物得以生谓之德未形者有分且然无间谓之命物成生理谓之形形体保神各有仪则谓之性性脩反德德至同于初同乃虚虚乃大将闾勉谓鲁君曰必服恭俭拔出公忠之属而无阿私民孰敢不辑季彻曰不然大圣之治天下也摇荡民心使之成教易俗举灭其贼心而皆进其独志若性之自为而民不知其所由然汉陰丈人谓子贡曰有机械者必有机事有机事者必有机心机心存于胷中则纯白不备纯白不备则神生不定神生不定者道之所不载也身之不能治而何暇治天下乎子贡谓弟子曰吾闻之夫子事求可功求成用力少而见功多者圣人之道今徒不然执道者德全德全者形全形全者神全神全者圣人也功利机巧必忘夫人之心若夫人者非其志不之非其心不为虽以天下非誉之无益损焉以告孔子孔子曰彼假修浑沌氏之术者也识其一不知其二治其内不治其外无为复朴体性抱神以游世俗之间者也苑风问于淳芒曰愿闻圣治淳芒曰官施而不失其宜防举而不失其能毕见其情事而行其所为行言自为而天下化手挠顾指四方之民莫不俱至此之谓圣治愿闻德人曰居无思行无虑是非美恶四海之内共利之之为悦共给之之为安愿闻神人曰致命尽情天地乐而万事销亡此之谓混冥庄子曰孝子不谀其亲忠臣不谄其君臣子之盛也亲之所言而然所行而善则世俗谓之不肖子君之所言而然所行而善则世俗谓之不肖臣而未知此其必然耶世俗之所谓然而然之所谓善而善之则不谓之导谀之人也然则俗故严于亲而尊于君耶谓

已导人则勃然作色谓已谏人则怫然作色而终身导人也终身谏人也合譬饰辞聚众也是终始本末不相坐垂衣裳设采色动容貌以媚一世而不自谓导谏与夫人为徒通是非而不自谓众人愚之至也知其愚者非大愚也知其惑者非大惑也大惑者终身不解大愚者终身不灵三人行而一人惑所适者犹可致也惑者少也二人惑则劳而不至惑者胜也而今也以天下惑予虽有所向不可得也不亦悲乎大声不入于里耳折杨皇荂则嗑然而笑是故高言不止于众人之心至言不出俗言胜也以二缶钟【缶钟当作垂踵言垂足空必不得有所知矣】惑而所适不得矣而今也以天下惑予虽有祈向其庸可得耶知其不可得也而强之又一惑也故莫若释之而不推不推谁其比忧庄子曰失性有五曰五色乱目使目不明二曰五声乱耳使耳不聪三曰五臭薰鼻困悞【子公切犹刻塞不通也】中颡四曰五味嚼【浊】口使口厉爽五曰趣舍滑心使性飞扬皆生之害也而杨墨乃始离跂自以为得非吾所谓得也夫得者困可以为得乎则鸢鹞之在于笼虎豹在于囊檻亦可以为得矣庄子曰天道运而无所积故万物成帝道运而无所积故天下归圣道运而无所积故海内服明于天通于圣六通四辟于帝王之德者其自为也昧然无不静者矣圣人之静也非曰静也善故静也万物无足以挠心者故静也水静则明烛须眉平中准大匠取法焉水静犹明而况精神圣人之心静乎天地之鉴也万物之镜也夫虚静恬淡寂漠无为者天地之平而道德之至故帝王圣人休焉休则虚虚则实实则伦矣虚则静静则动动则得矣静则无为无为也则任事者责矣无为则俞俞俞俞者忧患不能处年寿长矣夫虚静恬淡寂漠无为者万物之本也明此以南乡尧之为君也明此以北面舜之为臣也以此处上帝王天子之德也以此处下 圣素王之道也以此退居而闲游江海山林之士服以此进为而抚世则功大名显而天下一也静而圣动而王无为也而尊朴素而天下莫能与之争矣夫明白于天地之德者此之谓大本大宗与天和者也所以均调天下与人和者也与人和者谓之人乐与天和者谓之天乐知天乐者其动也天其静也地一心定而王天下其鬼不崇其魂不疲一心定而万物服夫帝王以天地为宗以道德为主以无为为常无为也则用天下而有余有为也则为天下用而不足故古之人贵夫无为也上无为也下亦无为也是下与上同德下与上同德则不臣下有为也上亦有为也是上与下同道上与下同道则不主上必无为而用天下下必有为为天下用此不易之道也故古之王天下者知虽落天地不自虑也辩虽雕万物不自说也能虽穷海内不自为也天不产而万物化地不长而万物育帝王无为而天下功故曰莫神于天莫富于地莫大于帝王帝王之德配天地本在于上末在于下要在于主详在于臣三军五兵之运德之末也赏罚利害五刑之辟教之末也礼法度数刑名比详【比较详密】治之末也钟鼓之音羽旄之容乐之末也哭泣衰经降杀之服哀之末也此五末者须精神之运心术之动然后从之者也末学者古人有之而非所以先也君先而臣从父先而子从兄先而弟从长先而少从男先而女从夫先而妇从夫尊卑先后天地之行也故圣人取象焉天尊地卑神明之位也春夏先秋冬后四时之序也万物化作萌区有状盛衰之杀变化之流也天地至神而有尊卑先后之序而况人道乎宗庙尚亲朝廷尚尊乡党尚齿行事尚贤大道之序也语道而非其序者非其道也是故古之明大道者先明天而道德次之道德已明而仁义次之仁义已明而分守次之分守已明而形名次之形名已明而因任次之因任已明而原省次之原省已明而是非次之是非已明而赏罚次之赏罚已明而愚智处宜贵贱履位仁贤不肖袭情必分其能必由其名以此事上以此畜下以此治物以此脩身知谋不用必归其天此之谓太平治之至也故书曰有形有名形名者古人有之而非所以先也骤而语形名不知其本也骤而语赏罚不知其始也倒道而

言迂道而說者人之所治也安能治人驟而语形名赏罚此有知治之具非知治之道可用于天下不足以用天下此之谓辯士一曲之人也夫天地者古之所大也黄帝尧舜之所共美也故古之王天下者奚为哉天地而已矣世之所贵道者书也书不过语语有贵也语之所贵者意也意有所随意之所随者不可以言传也而世因贵言传书世虽贵之哉犹不足贵也为其贵非其贵也故视而可见者形与色也听而可闻者名与声也悲夫世人以形色名声为足以得彼之情夫形色名声果不足以得彼之情则知者不言言者不知而世岂识之哉桓公读书于堂上轮扁斲轮于堂下释椎凿而上问桓公曰敢问公之所读者何言耶公曰圣人之言也曰圣人在乎曰已死矣曰然则君之所读者古人之糟粕已夫桓公曰寡人读书轮人安得议乎有說则可无說则死轮扁曰以臣之事观之斲轮徐则甘而不固疾则苦而不入不徐不疾得之于手而应于心口不能言有数存焉于其间臣不能以喻臣之子臣之子亦不能受之于臣是以行年七十而老斲轮古之人与其不可传也死矣然则君之所读者古人之糟魄 夫庄子曰天其运乎地其处乎日月其争于所乎孰主张是孰纲维是孰居无事推而行是意者其有机緘而不得已耶意者其运转而不能自止耶云者为雨乎雨者为云乎孰隆施是孰居无事淫乐而劝是风起北方一西一东有上徬徨孰嘘吸是孰居无事而披拂是敢问何故巫咸招曰来吾语汝天有六极五常帝王顺之则治逆之则凶九洛之事治成德备监照下土天下载之此谓上皇商大宰荡问仁于庄子庄子曰虎狼仁也曰何谓也庄子曰父子相亲何谓不仁曰请问至仁曰至仁无亲大宰曰荡闻之无亲则不爱不爱则不孝谓至仁不孝可乎庄子曰至仁尚矣孝固不足以言之故曰以敬孝易以爱孝难以爱孝易以忘亲难忘亲易使亲忘我难使亲忘我易兼忘天下难兼忘天下易使天下兼忘我难夫孝弟忠信此皆自勉以役其德者也不足多也故曰至贵国爵并焉至富国财并焉至愿名誉并焉是以道不渝庄子曰圣也者达于情而遂于命也天机不张而五官皆备此之谓天乐无言而心悅庄子曰水行莫如用舟而陆行莫如用车以舟之可行于水也而求推之于陆是未知夫无方之传应物而不穷者也且子独不见夫桔槔者乎引之则俯舍之则仰彼人之所引非引人也故俯仰而不得罪于人故夫三皇五帝之礼义法度不矜于同而矜于治故譬三皇五帝之礼义法度其犹枳梨橘柚耶其味相反而皆可于口故礼义法度者应时而变者也庄子曰老子曰使道而可献则人莫不献之于其君使道而可进则人莫不进之于其亲使道而可以告人人莫不与其子孙然而不可者无他也中无主而不止外无正而不行古之至人假道于仁托宿于义以游逍遥之墟食于苟简之田立于不贷之圃谓是采真之游以富为是者不能让禄以显为是者不能让名亲权者不能与人柄操之则栗舍之则悲而一无所鉴以闢其所不休者是天之戮民也怨恩取与谏教生杀八者正之器也唯循大变无所湮者为能用之故曰正者正也其心以为不然者天门弗开矣

皇王大纪卷七十四

宋 胡宏 撰

三王纪

显王

孔子谓老聃曰丘治诗书礼乐易春秋以奸者七十二君一君无所钩用甚矣夫人之难説也道之难明邪老子曰六经先生之陈迹也岂其所以迹哉今子之所言犹迹也夫迹履之所出而迹岂履哉性不可易命不可变时不可止道不可壅苟得于道无自而不可孔子曰丘得之矣不与化为人安能化人庄子曰刻意尚行离世异俗高论怨诽【匪非二音】为亢而已矣此山谷之士非世之人枯槁赴渊者之所好也语仁义忠信恭俭推让为修而已矣此平世之士教诲之人游居学者之所好也语大功立大名礼君臣正上下为治而已矣此朝廷之士尊主强国之人致功并兼者之所好也就薮泽处闲旷钓鱼闲处无为而已矣此江海之士辟世之人闲暇者之所好也吹呶呼吸吐故纳新熊经【若熊之攀树引也】鸟申为寿而已矣此导引之士养形之人彭祖寿考者之所好也若夫不刻意而高无仁义而修无功名而治无江海而闲不导引而寿无不忘也无不有也澹然无极而众美从之此天地之道圣人之德也故曰圣人休休焉静而阴同德动而阳同波感而后应迫而后动不得已而后起去知与故循天之理其生若浮其死若休水之性不杂则清静一而不变淡而无为动而以天行此养神之道也夫有干越之剑者【干溪越山出善剑吴越之地也】柙而藏之不敢用也寶之至也精神四达竝流无所不极化育万物不可为象纯素之道唯神是守守而勿失与神为一一之精通合乎天伦素也者谓其无所与杂也纯也者谓其不亏其神也能体纯素谓之真人庄子曰缮性于俗学以求复其初滑欲于俗思以求致其明谓之蔽蒙之民古之治道者以恬养知生而无以知为也谓之养恬知与恬交相养而和理出其性夫德和也道理也德无不容仁也道无不理义也中纯实而反乎情乐也信行容体而顺乎文礼也古之人在混芒之中一世而得澹漠焉当是时也莫之为而常自然逮德下衰兴治化之流【浇】淳散朴离道以善险德以行然后去性而从于心附之以文益之以博民始就乱无以反其性情而复其初道无以兴乎世世无以兴乎道虽圣人不在山林之中其德隐矣古之所谓隐士者非伏其身而弗见也非闭其言而不出也非藏其知而不发也时命大谬也当时命而大行乎天下则反一无迹不当命而大穷乎天下则深根宁极而待此存身之道也道固不小行德固不小识小识伤德小行伤道故曰正而矣古之所谓得志者非轩冕之谓也谓其无以益其乐而已矣今之所谓得志者轩冕之谓也轩冕在身非性命也物之倪来寄也寄之其来不可圉其去不可止不为轩冕肆志不为穷约趋俗其乐彼与此同故无忧而已矣今寄去则不乐由是观之虽乐未尝不荒也故曰丧己于物失性于俗者谓之倒置之民庄子曰井蛙不可以语于海者拘于虚也夏虫不可以语于冰者笃于时也曲士不可以语于道者束于教也计四海之在天地之间也不似礪【垒】空【孔】之在大泽乎计中国之在海内不似稊【徒兮尔雅云似稗】米之在太仓乎号物之数谓之万人处一焉人卒九州谷食之所生舟车之所通人处一焉此其比万物也不似豪末之在马体乎然则大天地而小豪末可乎夫物量无穷时无止分无常终

始无故以其至小求其至大之域是迷而不能自得也又何以知毫末之足以定至细之倪又何以知天地之足以穷至大之域世之议者皆曰至精无形至大不可以围夫自细视大者不尽自大视细者不明精麤者期于有形者也无形者数之所不能分也不可围者数之所不能穷也可以言论者物之麤也可以意致者物之精也言之所不能论意之所不能察致者不期精麤焉故大人之行不多仁恩不多辞让不多辟异爵禄不足以为劝戮耻不足以为辱也然则若物之内若物之外恶至而倪贵贱恶至而倪小大以道观之物无贵贱以物观之自贵而相贱以俗观之贵贱不在己以差观之因其所大而大之则万物莫不大因其所小而小之则万物莫不小以功观之因其所有而有之则万物莫不有因其所无而无之则万物莫不无以趣观之因其所然而然之则万物莫不然因其所非而非之则万物莫不非梁丽【栋也】可以冲城而不可窒穴言殊器也骐驎骅骝一日而驰千里捕鼠不如狸狌言殊技也鸱鸢夜撮蚤察毫末昼出瞠目而不见丘山言殊性也帝皇殊禅三代殊继差其时逆其俗者谓之篡夫当其时顺其俗者为之义之徒然则何为何不为辞受趣舍终奈何严乎若国之有君其无私德繇繇乎若祭之有社其无私福泛泛乎其若四方之无穷其无所畛域兼懷万物其孰承翼道无终始物有死生物之生也若骤若驰无动而不变无时而不移何为乎何不为乎夫固将自化然则何贵于道耶知道者必达于理达于理者必明于权明于权者察乎安危寧于祸福谨于去就莫之能害也故曰天在内人在外牛马四足是谓天落马首穿牛鼻是谓人无以人灭天无以故灭命无以得徇名谨守而勿失是谓反其真公孙龙问魏牟曰龙少学先王之道长而明仁义之行合同异离坚白然不然可不可困百家之智穷众口之辩吾自以为至达已今吾闻庄子之言茫焉异之不知论之不及与知之弗若今吾无所开吾喙敢问其方公子牟隐几太息仰天而笑曰子独不闻夫埴【坎】井之蛙乎谓东海之鼃曰吾乐与吾跳梁乎井干【平去二声】之上入休乎缺甃之崖赴水则接腋持颐蹶泥则没足灭跗【附】还虾【寒并中赤虫】蟹与科斗莫吾能若也且夫擅一壑之水而跨时埴井之乐此亦至矣夫子奚不时来入观乎东海之鼃左足未入而右膝已繁矣于是逡巡而却告之海曰夫千里之远不足以举其大千仞之高不足以极其深禹之时十年九潦而水弗为加益汤之时八年七旱而崖不为加损不为顷圻推移不以多少进退者此亦东海之大乐也于是埴井之蛙闻之适适然惊规规然自失也且夫知不知是非之竟而犹欲观于壮子之言是犹使蚤负山商蚷【巨商蚷马蚘也】驰河也必不胜任矣且夫知不知论极妙之言而自适一时之利者是非埴井之蛙与且彼方趾【此踏也】黄泉而登大皇无南无北爽然四解沦于不测无东无西始于冥反于大通子乃规规然而求之以察索之以辩是直用管闚天用锥指地也庄子与惠子游于濠梁之上庄子曰儵【直留】鱼出游从容是鱼乐也惠子曰子非鱼安知鱼之乐庄子曰子非我安知我不知鱼之乐惠子曰我非子固不知子矣子固非鱼也子之不知鱼之乐全矣庄子曰请循其本子曰女安知鱼乐云者既已知吾知之而问我我知之濠上也庄子曰天下有至乐无有哉天下之所乐也富贵也身安厚味美服好色音声也夫富者苦身疾作多积财而不得尽用其为形也亦外矣夫贵者夜以继日思虑善否其为形也亦疏矣果有乐无有哉吾以无为诚乐矣天无为以之清地无为以之寧两无为相合万物皆化芒乎芴乎而无从出乎芴乎芒乎而无有象乎万物职职皆从无为殖故曰天地无为也而无不为也人也孰能得无为哉庄子妻死惠子吊之庄子则方箕踞鼓盆而歌惠子曰与人居长子老身死不哭亦足矣又鼓盆而歌不亦甚乎庄子曰不然是其始死也我独何能无槩然察其始而本无生非徒无生也而本无形非徒无形也而本无气杂乎芒芴之间变而有气气变而有形形变而有

生今又变而之死是相与为春秋冬夏四时行也人且偃然寝于巨室而我噉噉然随而哭之自以为不通乎命故止也顏渊东之齐子贡曰夫子有忧色何耶孔子曰昔者管子有言丘甚善之曰褚小者不可以懷大綆短者不可以汲深夫若是者以为命有所成而形有所适也夫不可损益吾恐回与齐侯言圣人之道彼将内求于己而不得不得则惑人惑则死咸池九韶之乐张之洞庭之野鸟闻之而飞兽闻之而走鱼闻之而下入人卒闻之相与还【旋面】而观之故先圣不一其能不同其事名止于实义设于适也庄子曰达生之情者不务生之所无以为达命之情者不务知之所无奈何养形必先之物物有余而形不养者有之矣有生必先无离形形不离而生亡者有之矣生之来不能却其去不能止悲夫世之人以为养形足以存生而养形果不足以存生则世奚足为哉虽不足为而不可不为者其为不免矣夫欲免为形者莫如弃世弃世则无累无累则正平正平则与彼更生更生则几矣事奚足弃而生奚足遗弃事则形不劳遗生则精不亏夫形全精复与天为一天地者万物之父母也合则成体散则成始形精不亏是谓能移精而又精反以相天子列子问关尹曰至人行乎万物之上而不栗请问何以至此关尹曰是纯气之守也非知巧果敢之列凡有貌象声色者皆物也物何以相遠夫奚足以至乎先是色而已则物之造乎不形而止乎无所化夫得是而穷之者物焉得而止焉夫醉者之坠车虽疾不死骨节与人同而犯害与人异其神全也乘亦不知也坠亦不知也死生惊惧不入乎胷中是故 物而不懼彼得全于酒而犹若是而况得全于天乎圣人藏于天故莫之能伤也复讎者不折镆干虽有忮心者不怨飘瓦是以天下平均故无攻战之乱无杀戮之刑者由此道也不开人之天而开天之天开天者德生开人者贼生不厌其天不忽于人民几乎以其真仲尼适楚出于林中见痾偻者承蜩犹掇之也仲尼曰子巧乎有道耶曰我有道也五六月累丸二而不坠则失者錙铢累三而不坠则失者十一累五而不坠犹掇之也吾处身也若槲株枸吾执臂也若槁木之枝虽天地之大万物之多而唯蜩翼之知吾不反不侧不以万物易蜩之翼何为而不得孔子顾谓弟子曰用志不分乃凝于神其痾偻丈人之谓乎顏回济乎觴深之渊津人操舟若神顏回问之曰善游者数能忘水也若乃夫没人之未尝见舟而便操之也彼视渊若陵视舟之覆犹其车却也覆却万方陈乎前而不得入其舍恶往而不暇以瓦注者巧以黄金注者防其巧一也凡外重者内拙田开之曰善养生者若牧羊然视其后者而鞭之单【善鲁人】豹养其内而虎食之张毅养其外而疾杀之此二子者皆不鞭其后者也仲尼曰无入而藏无出而阳柴立其中央三者若得其名必极夫畏涂者十杀一人则父子兄弟相戒也必盛卒徒而后敢出焉不亦知乎人之所取畏者衽席之上饮食之间而不知为之戒者过也孔子观于吕梁县水三十仞流沫四十里鼃鼃鱼鼃之所不能游也见一丈夫游之以为有苦而欲死也使弟子竝流而拯之数百步而出被发行歌而游于塘下孔子从而问焉曰吾始乎故生于陵而安于陵也长乎性长于水而安于水也成乎命与齐俱入与汨偕出从水之道而不为私焉不知吾所以然而然命也梓庆削木为鐻鐻成见者惊犹鬼神魯侯问焉对曰臣将为鐻未尝敢以耗气也必齐以静心齐三日而不敢懷庆赏爵禄齐五日不敢懷非誉巧拙齐七日辄然忘吾有四肢形体也当是时也无公朝其巧专外骨消然后入山林观天性形軀至矣然后成见鐻然后加手焉不然则已则以天合天器之所以疑者神其是与工倕旋而盖规矩指与物化而不以心稽故其灵台一而不桎忘足履之适也忘要帶之适也知忘是非心之适也不内变不外从事防之适也始乎适而未尝不适者忘适之适也弟子问于庄子曰昨日山中之木以不材得终其天年今日主人之鴈以不材死先生将何处庄子笑曰周将处夫材与不材之间材与不材之间似之而非也故未免乎累若夫乘道德

而浮游则不然无誉无訾一龙一蛇与时俱化而无肯专为一上一下以和为量浮游乎万物之祖物物而不物于物则胡可得而累邪此神农黄帝之法也市南宜僚见鲁侯有忧色市南子曰夫丰狐文豹栖于山林伏于岩穴静也夜行昼居戒也虽饥渴隐约犹且胥防于江湖之上而求食焉定也然且不免于罔罗机辟之患是何罪之有哉其皮为之灾也今鲁国独非君之皮邪吾愿君剖形去皮洒心去欲而游于无人之野夫有人者累见有于人者忧故尧非有人非见有于人也方舟而济于河有虚舩来触舟虽有偏心之人不怒有一人在其上则呼张歛之一呼而不闻再呼而不闻于是三呼邪则必以恶声随之向也不怒而今也怒向也虚而今也实人能虚已以游世其孰能害之孔子问于子桑雎【戸于二音】曰吾再逐于鲁伐树于宋削迹于卫穷于商周围于陈蔡之间吾犯此数患亲交益疏徒友益散何与子桑雎曰子独不闻假【古国名】人之亡与林回【殷之逃民林名】弃千金之璧负赤子而趋或曰为其布与赤子之布寡矣为其累与赤子之累多矣弃千金之璧负赤子而趋何也林回曰彼以利合此以天属也夫以利合者迫穷祸患害相弃也以天属者迫穷祸患害相收也夫相收之与相弃亦远矣且君子之交淡若水小人之交甘若醴君子淡以亲小人甘以绝彼无故以合者则无故以离孔子曰敬闻命矣徐行翔佯而归绝学捐书弟子无挹于前而爱益加进庄子衣大布而补之正纆【贤节带也】系履而过魏王魏王曰何先生之惫邪庄子曰贫也非惫也士有道德不能行惫也衣弊履穿贫也非惫也田子方曰东郭顺子其为人也真人貌而天虚缘而葆真清而容物物无道正容以悟之使入之意也消孔子见老聃老聃新沐方将被发而干慙然似非人孔子便而待之少焉见曰丘也 与其信然与向者先生形体掘若槁木似遗物离人而立于独也老聃曰吾游于物之初孔子曰何谓邪曰至阴肃肃至阳赫赫肃肃出乎天赫赫出乎地两者交通成和而物生焉或为之纪而莫见其形消息满虚一晦一明曰改月化日有所为而莫见其功生有所乎萌死有所乎归始终相反乎无端而莫知其所穷非是也且孰为之宗孔子曰请问游是老聃曰草食之兽不疾易藪水生之虫不疾易水行小变而不失其大常也天下也者万物之所一也得其所一而同焉则四肢百体将为尘垢而死生终始将为昼夜而莫之能滑而况得丧祸福之所介乎弃 者若弃泥涂知身贵于 也贵在于我而不失于变且万化而未始有极也夫孰足以患心已为道者解乎此至人之于德也不修而物不能离焉若天之自高地之自厚日月之自明夫何修焉黄帝曰人之生气之聚也聚则为生散则为死若死生为徒吾又何患故万物一也是其所美者为神奇其所恶者为臭腐臭腐复化为神奇神奇复化为臭腐故曰通下一气耳圣人故贵一天地有大美而不言四时有明法而不议万物有成理而不说圣人者原天地之美而达万物之理是故至人无为大圣不作观于天地之谓也孔子问至道于老聃对曰夫昭昭生于防防有伦生于无形精神生于道形本生于精而万物以形相生其来无迹其往无崖无门无房四达之皇皇也邀于此者四枝彊思虑恂达耳目聪明其用心不劳其应物无方天不得不高地不得不广日月不得不行万物不得不昌此其道与孔子曰圣人之爱人也终无已曰古之人外化而内不化与物化者一不化者也狶【虚岂】韦氏之圃黄帝之圃有虞氏之宫汤武之室圣人处物不伤物不伤物者物亦不能伤者也南荣趺【音畴汉书古今人表作畴淮南子亦然】曰目之与形吾不知其异也而盲者不能自见耳之与形吾不知其异也而聋者不能自闻心之与形吾不知其异也而狂者不能自得形之与形亦辟矣而物或间之邪欲相求而不能相得老子曰夫至人者相与交食乎地而交乐乎天不以人物利害相撓灵台者有持而不知其所持而不可持者也券内者行乎无名券外者志乎期费行乎无名者唯庸有光志乎期费者唯贾人也兵

莫防于志。鑢为下寇。莫大于陰阳。无所逃于天地之间。非陰阳贼之心。则使之也。观室者。周于寢庙。又适其偃焉。蹠市人之足。则辞以放。驚兄。则以姬大亲。则已矣。彻志之勃。解心之谬。去德之累。达道之塞。贵富显严。名利也。容动色理。气意也。恶欲喜怒哀乐也。去就取与。知能也。此四六者。不荡胷中。则正。正则静。静则明。明则虚。虚则无为。而无不为也。性者。生之质也。性之动。谓之为。为之伪。谓之失。知者。接也。知者之所不知。犹睨也。动无非我。之谓治。圣人工乎天。而拙乎人。夫工乎天。而俟【良】乎人者。唯全人能之。介者。侈【数止】。画外。非誉也。胥靡登高而不惧。遗死生也。敬之而不喜。侮之而不怒者。唯同乎天和者。为然。出怒不怒。则怒出于不怒矣。出为无为。则为出于无为矣。欲静则平气。欲神则顺心。有为也。欲当。则縁于不得已。不得已之类。圣人之道。徐无鬼。谓魏武侯曰。天地之养也。一登高。不可以为长。居下。不可以为短。君独为万乘之主。以苦一国。之民。以养耳目鼻口。夫神者。不自许也。武侯曰。吾欲爱民。而为义偃兵。其可乎。无鬼曰。不可。爱民。害民之始也。为义偃兵。造兵之本也。君自此为之。则殆不成。夫杀人之士。民兼人之土地。以养吾私。与吾神者。其战。不知孰善。胜之。恶乎在。君若勿已矣。修胷中之诚。以应天地之情。而勿撓。夫民。民死已脱矣。君将恶乎用。夫偃兵哉。黄帝将见大隗乎具茨之山。方明为御。昌防骖。乘张若謏朋。前马昆阍。滑稽后车。至于襄城之野。七圣皆迷。无所问涂。适遇牧马童子。问涂焉。童子曰。夫为天下者。亦奚以异乎牧马者哉。亦去其害马者而已矣。黄帝再拜稽首。称天师而退。知士无思虑之变。则不乐。辩士无谈說之序。则不乐。察士无凌诎【音讯凌诎陵轹而问也】之事。则不乐。皆囿于物者也。招世之士。兴朝中民之士。荣官筋力之士。矜难勇敢之士。奋患兵革之士。乐战枯槁之士。宿名法律之士。广治农夫。无草莱之事。则不比。商贾无市井之事。则不比。庶人有旦暮之业。则劝。百工有器械之巧。则壮。钱财不积。则贪者忧。权势不尤。则夸者悲。势物之徒。乐变遭时。有所用。不能无为也。此皆顺比于岁。不物于易者也。驰其形性。潜之万物。终身不反。悲夫。庄子送葬。过惠子之墓。顾谓从者曰。郢人垾【乌洛】漫【平上二声】。其鼻端若蝇翼。使匠石斲之。匠石运斤成风。听而斲之。尽垾而鼻不伤。郢人立不失容。宋元君闻之。召匠石曰。尝试为寡人。为之。匠石曰。臣则尝能斲之。虽然。臣之质死矣。自夫子之死也。吾无以为质矣。吾无与言之矣。南伯子綦。隱几而坐。仰天而嘘。顏成子入见曰。夫子物之尤也。形固可使若槁骸。心固可使如死灰乎。吾尝居山穴之中矣。当是时也。田禾一覩我。而齐国之众。三贺之。我必先之。彼故知之。我必卖之。彼故鬻之。若我而不有之。彼恶得而知之。若我而不卖之。彼恶得而鬻之。嗟夫。我悲人之自丧者。吾又悲夫。悲人者。吾又悲夫。悲人之悲者。其后而日遠矣。孔子曰。狗不以善吠为良。人不以善言为贤。许由曰。夫民不难聚也。爱之则亲。利之则至。誉之则劝。致其所恶。则散。爱利出乎仁义。捐仁义者。寡利。仁义者。众。夫仁义之行。唯且无诚。是以一人之防制。利天下。譬之犹一覩【薄结】也。莊子曰。圣人其穷也。使家人忘其贫。其达也。使王公忘爵禄。而化卑故。或不言。而饮人以和。与人竝立。而使人化。圣人之綢繆。周尽一体矣。而不知其然性也。圣人之爱人。也。人与之名。不告。则不知其爱人也。若知之。若不知之。若闻之。若不闻之。其爱人也。终无已。人之安之。亦无已。性也。长梧封人。谓子牢曰。君为政焉。勿卤莽。治民焉。勿灭裂。昔予为禾。耕而卤莽之。则其实亦卤莽。而报予芸。而灭裂之。其实亦灭裂。而报予。予来年变齐。深其耕。而熟耰之。其禾繁以滋。予终年厌飡。庄子闻之曰。今人之治。其形理其心。多有似封人。之所谓。遁其天。离其性。灭其精。亡其神。以众为故。卤莽其性者。欲恶之。孽为性。芻蕘蒺藜。始萌以扶吾形。寻擢吾性。竝溃漏发。不择所出。漂【匹遥】疽疥。痈内热。溲膏是也。栢矩曰。古之君人者。以得为在民。以失为在己。以正为在民。以枉为在己。故一形有失。其形者退。而自责。今则不然。匿为物。而愚不识大。为难。而罪不敢重。为任。而罚不胜。遠其

涂而诛不至民知力竭则以伪继之日出多伪士民安取不伪力不足则伪知不足则欺财不足而盗盗窃之行于谁责而可乎蘧伯玉行年六十而六十化未尝不始于是之而卒诎之以非也太公调曰丘山积卑而为高江河合水而为大人合并而为公四时殊气天不赐故岁成五官殊职君不私故国治计物之数不止于万而期曰万物者以数之多者号而读之也天地者形之大者也陰阳者气之大者也道者为之公因其大以号而读之则可也时有始终气有变化季眞之莫为接子之或使二家之议孰正于其情孰偏于其理或使则实莫为则虚有名有实是物之居无名无实在物之虚可言可意言而愈疏言而足则终日言而尽道言而不足则终日言而尽物道物之极言默不足以载非言非默议其有极庄子曰外物不可必故人主莫不欲其臣之忠而忠未必信人亲莫不欲其子之孝而孝未必爱木与木相摩则然金与火相守则流陰阳错行则天地大絃【駭】利害相摩生火甚多众人焚和月固不胜火于是乎有僨【頽】然而道尽老莱子曰圣人踌躇以兴事以每成功

皇王大纪卷七十五

宋 胡宏 撰

三王纪

显王

仲尼曰神 能见梦于元君而不能避余且之网知能七十二鑽而无遗策不能避刳肠之患如是则知有所困神有所不及也虽有至知万人谋之鱼不畏网而畏鸛鹙【亦名淘河】去小知而大知明去善而自善矣婴儿生无石【犹硕也】师而能言与能言者处也惠子谓莊子曰子言无用莊子曰知无用而始可与言用矣夫地非不广且大也人之所用容足尔然则厠【侧】足而垫之致黄泉人尚有用乎惠子曰无用莊子曰然则无用之为用也亦明矣筌【鱼筌也】者所以在鱼得鱼而忘筌蹄【兔胷也系其脚】者所以在兔得兔而忘蹄言者所以在意得意而忘言吾安得夫忘言之人而与之言哉莊子曰阳子居南之沛老子谓之曰而睢睢盱盱【音于】而谁与居太白若辱盛德若不足阳子居蹙然变容曰敬闻命矣其往也舍者迎将其家公执席妻执巾栉舍者避席【羊尚炊也】者避灶其反也舍者与之争席矣莊子曰舜让天下于子州支伯对曰予适有幽忧之病方且治之未暇治天下也故天下大器也而不以易生此有道者之所以异乎俗者也大王不以所养人者害人避狄而去之若大王者可谓能尊生矣能尊生者虽富贵不以养伤身虽贫贱不以利累形夫居高官尊爵者重失之见利轻亡其身岂不惑哉莊子曰帝王之功圣人之余事楚昭王失国屠羊説从昭王反国将赏之説辞王曰强之説曰大王失国非臣之罪故不敢伏其诛大王反国非臣之功故不敢当其赏莊子曰审自得者失之而不惧行修于内者无位而不忤莊子曰古之人不以人之壤自成也不以人之卑自高也不以遭时自利也莊子曰天与地无穷人死生有时操有时之具而托于无穷之间忽然无异驰骥之驰过隙也不能説其志意养其寿命者皆非通道者也莊子曰平为福有余为害者物莫不然而财其甚者也莊子曰真者精诚之至也不精不诚不能动人故强哭者虽悲不哀强怒者虽严不威强亲者虽笑不和真悲无声而哀真怒未发而威真亲未笑而和真在内者神动于外是以贵真也礼者世俗之所为也真者所以受于天地也自然不可易故圣人法天贵真不拘于俗莊子曰道者万物之所由也庶物失之者死得之者生为事逆之则败顺之则成故道之所在圣人尊之列御寇之齐中道而反遇伯昏瞀人伯昏瞀人曰奚方而反曰吾惊焉曰恶乎惊曰吾尝食于十 而五 先馈伯昏瞀人曰若是则汝何为惊已曰夫内诚不解形谍成光以外镇人心使人轻乎贵老而 其所患夫 人特为食羹之货多余之赢其为利也薄其为权也轻而犹若是而况于万乘之主乎身劳于国而知尽于事彼将任我以事而効我以功吾是以惊伯昏瞀人曰善哉观乎汝处已人将保汝矣无几何而往则户外之屨满矣莊子曰巧者劳而智者忧无能者无所求饱食而遨游泛若不系之舟虚而遨游者也莊子曰夫造物者之报人也不报其人而报其人之天圣人安其所安不安其所不安众人安其所不安不安其所安莊子曰知道易勿言难小夫之智不离苞苴竿牍敝精神乎蹇浅而欲兼济道物太一形虚若是者迷惑于宇宙形累不知太初孔子曰凡人心险于山川难于知天天犹有春夏秋冬夏旦暮之期人者厚貌深情故其就义若渴者其去义

若热故君子遠使之而观其忠近使之而观其敬烦使之而观其能卒然问焉而观其知急与之期而观其信委之以财而观其仁告之以危而观其节醉之以酒而观其则杂之以处而观其色九征至不肖人得矣正考父一命而伋再命而伋三命而俯循墙而走孰敢不轨如而夫者一命而吕鉅【骄貌】再命而于车上儻三命而名诸父孰协唐许贼莫大乎德有心莊子曰美髯长大壮丽勇敢八者因以是穷緣循偃俠【于仗】困畏三者俱通達天下之治方术者多矣皆以其有为不可加矣古之所为道术者果恶乎在曰无乎不在以天为宗以德为本以道为门兆于变化谓之圣人以仁为恩以义为理以礼为行以乐为和薰然慈仁谓之君子以法为分以名为表以参为验以稽为决其数一二三四是也百官以此相齿以事为常以衣食为主蕃息畜藏老弱孤寡为意皆有以养民之理也古之人其备乎配神明醇天地育万物和天下泽及百姓明于本数系于末度六通四辟小大精粗其运无乎不在其明而在数度者旧法世传之史尚多有之其在于诗书礼乐者邹鲁之士缙绅先生多能明之诗以道志书以道事礼以道行乐以道和易以道陰阳春秋以道名分其数散于天下而设于中国者百家之学时或称而道之天下大乱贤圣不明道德不一天下多得一察焉以自好譬如耳目鼻口皆有所明不能相通犹百家众技也皆有所长时有所用虽然不该不徧一曲之士也判天地之美析万物之理察古人之全寡能备于天地之美称神明之容是故内圣外王之道闇而不明郁而不发天下之人各为其所欲为以自为方悲夫百家往而不反必不合矣后世之学者不幸不见天地之纯古人之大体道术将为天下裂黄帝有咸池尧有大章舜有大韶禹有大夏汤有大濩文王有辟雍之乐武王周公作武古之丧礼贵贱有仪上下有等天子棺槨七重诸侯五重大夫三重士再重今墨子独生不歌死不服桐棺三寸而无槨以此教人恐不爱人以此自行固不爱己歌而非歌哭而非哭乐而非乐是果类乎其生也勤其死也薄其道大殽【音角】使人忧使人悲其行难为也墨子虽独能任【壬】奈天下何其去王也遠矣莊子晚釣于濮水楚王使大夫往先焉曰愿以境内累矣莊子持竿不顾曰吾闻楚有神龟死已三千歲矣王巾笥而藏之庙堂之上此 者寧其死为留骨而贵乎寧生而曳尾涂中乎大夫曰寧生而曳尾涂中莊子曰往矣吾将曳尾涂中楚王使以厚币聘之莊子应其使曰子见牺牛乎衣以文绣食以刍粟及其牵入太庙欲为孤豚其可得乎遂终身不仕

三十七年秦惠王使犀首欺齐魏与共伐赵以败从约赵肃侯让苏秦秦恐请使燕必报齐秦去而从约解魏割陰晋和于秦【寔华陰】

三十九年秦伐魏围焦曲沃魏入少梁河西地于秦四十年秦伐魏度河取汾陰皮氏拔焦鲁侯匭薨諡曰景公子叔嗣

四十一年秦张仪围魏蒲阳取之请以还魏而使公子繇往质因說魏王曰秦遇魏甚厚魏不可无礼于秦魏因尽入上郡十五县仪归

四十三年赵武灵王立置博闻师三人左右司过三人首问先君贵臣肥义加其秩

四十四年夏秦初称王卫平侯薨子嗣君立卫有胥靡亡之魏请以左氏易之左右諫曰以一都买一胥靡可乎嗣君曰治无小乱无大法不立诛不必虽有十左氏无益也法立诛必失十

左氏无害也魏王闻而献之四十五年秦张仪伐魏取陝苏秦伪得罪于燕奔齐为客卿說齐王高宫室大苑囿以明得意而敝齐

四十六年韩燕称王赵王独不肯曰无其实敢处其名乎令国人谓已曰君

四十八年王崩諡曰显王子定立齐田嬰之子文通佻饶智略嗣为薛公号曰孟尝君招致名士食客常数千人名重天下韩宣惠王欲两用公仲公叔为政问于繆留对曰晋用六卿而国分齐简公用陈恒阨止而见杀魏用犀首张仪而西河之外亡君两用之其多力者内树党其寡力者籍外权君之国危矣赵魏濒山齐地卑下齐使白圭治水去大河二十五里作堤而河东逼齐堤西泛赵魏赵魏亦去大河二十五里作堤以御之

慎靓王

元年卫更贬号曰君

二年秦伐韩取鄢

三年楚赵魏韩燕同伐秦攻函谷關败而走宋初称王四年秦败韩师虏其将诸侯震恐齐大夫与苏秦争宠杀之张仪說魏襄王曰梁地四平无名山大川之限戍境守亭障者不下十万固战場也王不事秦秦攻河外据卷衍酸枣刳卫取阳晋则赵不南而从道絕国欲无危不可得也魏王乃倍从约请成于秦孟子见齐宣王王问曰齐桓晋文之事可得闻乎孟子对曰仲尼之徒无道桓文之事者是以后世无传焉臣未之闻也无以则王乎曰德何如则可以王矣曰保民而王莫之能御也曰若寡人者可以保民乎哉曰可曰何由知吾可也曰臣闻之胡龔曰王坐于堂上有牵牛而过堂下者王见之曰牛何之对曰将以衅钟王曰舍之吾不忍其觳觫若无罪而就死地对曰然则废衅钟与曰何可废也以羊易之不识有诸曰有之曰是心足以王矣百姓皆以王为爱也臣故知王之不忍也王曰然诚有百姓者齐国虽小吾何爱一牛即不忍其觳觫若无罪而就死地故以羊易之也曰王无异于百姓之以王为爱也以小易大彼恶知之王若隱其无罪而就死地则牛羊何择焉王笑曰是诚何心哉我非爱其财而易之以羊宜乎百姓之谓我爱也曰无伤也是乃仁术也见牛未见羊也君子之于禽兽也见其生不忍见其死闻其声不忍食其肉是以君子遠庖厨也王說曰诗云他人有心予忖度之夫子之谓也夫我乃行之反而求之不得吾心夫子言之于我心有戚戚焉此心之所以合于王者何也曰有复于王者曰吾力足以举百钧而不足以举一羽明足以察秋毫之末而不见舆薪则王许之乎曰否今恩足以及禽兽而功不至于百姓者独何与然则一羽之不见为不用力焉舆薪之不见为不用明焉百姓之不见保为不用恩焉故王之王不为也非不能也曰不为者与不能者之形何以异曰挟太山以超北海语人曰我不能是诚不能也为长者折枝语人曰我不能是不为也非不能也故王之王非挟太山以超北海之类也王之王是折枝之类也老吾老以及人之老幼吾幼以及人之幼天下可运于掌诗云刑于寡妻至于兄弟以御于家邦言举斯心加诸彼而已故推恩足以保四海不推恩无以保妻子古之人所以大过人者无他焉善推其所为而已矣今恩足以及禽兽而功不至于百姓者独何与权然后知

轻重度然后知长短物皆然心为甚王请度之抑王兴甲兵危士臣搆怨于诸侯然后快于心与王曰否吾何快于是将以求吾所大欲也曰王之所大欲可得闻与王笑而不言曰为肥甘不足于口与轻暖不足于体与抑为采色不足视于目与声音不足聼于耳与便嬖不足使令于前与王之诸臣皆足以供之而王岂为是哉王曰否吾不为是也曰然则王之所大欲可知已欲辟土地朝秦楚莅中国而抚四夷也以若所为求若所欲犹缘木而求鱼也王曰若是其甚与曰殆有甚焉缘木求鱼虽不得鱼无后灾以若所为求若所欲尽心力而为之之后必有灾曰可得闻与曰邹人与楚人战则王以为孰胜曰楚人胜曰然则小固不可以敌大寡固不可以敌众弱固不可以敌强海内之地方千里者九齐集有其一以一服八何以异于邹敌楚哉盖亦反其本矣今王发政施仁使天下仕者皆欲立于王之朝耕者皆欲耕于王之野商贾皆欲藏于王之市行旅皆欲出于王之涂天下之欲疾其君者皆欲赴愬于王其若是孰能御之王曰吾惛不能进于是矣愿夫子辅吾志明以教我我虽不敏请尝试之曰无恒产而有恒心者唯士为能若民则无恒产因无恒心苟无恒心放辟邪侈无不为已及陷于罪然后从而刑之是罔民也焉有仁人在位罔民而可为也是故明君制民之产必使仰足以事父母俯足以畜妻子乐岁终身饱凶年免于死亡然后驱而之善故民之从之也轻今也制民之产仰不足以事父母俯不足以畜妻子乐岁终身苦凶年不免于死亡此惟救死而恐不赡奚暇治礼义哉王欲行之则盍反其本矣五畝之宅树之以桑五十者可以衣帛矣鸡豚狗彘之畜无失其时七十者可以食肉矣百亩之田勿夺其时八口之家可以无饥矣谨庠序之教申之以孝悌之义颁白者不负戴于道路矣老者衣帛食肉黎民不饥不寒然而不王者未之有也王问曰交邻国有道乎孟子对曰有惟仁者为能以大事小是故汤事葛文王事昆夷惟智者为能以小事大故太王事獯鬻勾践事吴以大事小者乐天者也以小事大者畏天者也乐天者保天下畏天者保其国诗云畏天之威于时保之王曰大哉言矣寡人有疾寡人好勇对曰王请无好小勇夫抚劔疾视曰彼恶敢当我哉此匹夫之勇敌一人者也王请大之诗云王赫斯怒爰整其旅以遏徂莒以笃周祜以对于天下此文王之勇也文王一怒而安天下之民书曰天降下民作之君作之师惟曰其助上帝宠之四方有罪无罪惟我在天下曷敢有越厥志一人衡行于天下武王耻之此武王之勇也而武王亦一怒而安天下之民今王亦一怒而安天下之民民惟恐王之不好勇也宣王问曰人皆谓我毁明堂毁诸已乎孟子对曰夫明堂者王者之堂也王欲行王政则勿毁之矣王曰王政可得闻欤对曰昔者文王之治岐也耕者九一仕者世禄闾市讥而不征泽梁无禁罪人不孥老而无妻曰鰥老而无夫曰寡老而无子曰独防而无父曰孤此四者天下之穷民而无告者文王发政施仁必先斯四者诗云哿矣富人哀此穷独王曰善哉言乎曰王如善之则何为不行王曰寡人有疾寡人好货对曰昔者公刘好货诗云乃积乃仓乃裹糒粮于橐于囊思戢用光弓矢斯张干戈戚扬爰方启行故居者有积仓行者有裹粮也然后可以爰方启行王如好货与百姓同之于王何有王曰寡人有疾寡人好色对曰昔者太王好色爰厥妃诗云古公亶父来朝走马率西水浒至于岐下爰及姜女聿来胥宇当是时也内无怨女外无旷夫王如好色与百姓同之于王何有或谓孟子曰子三见齐王而不言事何也孟子曰我先攻其邪心

五年巴蜀相攻俱告急于秦王议伐蜀韩又来侵张仪曰不如伐韩以临二周挟天子令天下臣闻争名者于朝争利于市三川周室天下之朝市也而王不争焉顾争于戎翟去王业远矣司马错曰欲富国者务广其地欲强兵者务富其民王地小民贫故臣愿先从事于易夫蜀西

僻有桀纣之乱得其地足以广国取其财足以富民一举而名实附矣攻韩刳天子恶名也而未必利也王伐蜀取之遂益富强苏秦弟代亦以游说显燕相子之与代婚谋得燕权代使齐还燕王问曰齐其霸乎对曰不能王曰何故曰不信其臣于是燕王专任子之鹿毛寿曰人称尧贤者以能让天下也王以国让子之是与尧同名也王因属国于子之或曰禹荐益而以启人为吏启率交党攻益夺之天下谓禹名传益而实令启自取今更无非太子人者是名属子之而实太子用事也王因收印绶自三百石吏以上效之子之子之南面行王事而吟顾为臣

六年王崩諡曰愼靓王子延立

赧王

元年秦侵义渠得城二十五遂稍蚕食灭之置陇西北地上郡伐魏取曲沃而归其人燕大乱将军市被与太子平谋攻子之齐大夫沈同以其私问于孟轲曰燕可伐与孟子曰可子吟无王命而与人燕子之无王命而受燕于子吟齐王遂使谓平曰闻太子将飭君臣之分明父子之位寡人国虽小惟所以令之太子聚众攻子之不克市被反攻太子死者数万齐因伐燕或问孟子曰劝齐伐燕有诸孟子曰为天吏则可以伐之今以燕伐燕何为劝之哉齐人胜燕酈子之杀燕王吟宣王问孟子曰或谓寡人不取必有天殃取之何如孟子对曰取之而燕民悦则取之古之人有行之者武王是也取之而燕民不悦则勿取古之人有行之者文王是也以万乘之国伐万乘之国箠食壶浆以迎王师岂有他哉避水火也如水益深如火益热亦运而已矣齐人取燕诸侯将救燕宣王曰诸侯多谋伐寡人者何以待之孟子对曰臣闻七十里为政于天下者汤是也未闻以千里畏人者也今燕虐其民王往而征之民以为将拯已于水火之中也箠食壶浆以迎王师若杀其父兄系累其子弟毁其宗庙迁其重器如之何其可也天下固畏齐之彊也今又倍地而不行仁政是动天下之兵也王速出令反其旄倪止其重器谋于燕众置君而后去之则犹可及止也王不能用燕人叛王曰吾甚慙于孟子陈贾曰王无患焉王自以为与周公孰仁且智王曰恶是何言也曰周公使管叔监殷管叔以殷畔知而使之不仁也不知而使之不智也仁智周公未之尽也而况于王乎贾见孟子问之曰周公弟也管叔兄也周公之过不亦宜乎古之君子其过也如日月之食民皆见之及其更也民皆仰之今之君子岂徒顺之又从而为之辞孟子为卿于齐公孙丑问曰管仲晏子之功可复许乎孟子曰或问乎曾西曰吾子与子路孰贤曾西蹙然曰吾先子之所畏也曰然则吾子与管仲孰贤曾西赧然不悦曰尔何曾比予于管仲管仲得君如彼其专也行乎国政如彼其久也功烈如彼其卑也尔何曾比予于是曰管仲曾西之所不为也而子谓我愿之乎曰仲以君霸晏以君显犹不足为欤曰以齐王犹反手也且王者之不作未有疏于此时者也民之憔悴于虐政未有甚于此时者也饥者易为食渴者易为饮孔子曰德之流行速于置邮而传命当今之时万乘之国行仁政民之悦之犹解倒悬也故事半古之人功必倍之惟此时为然孟子曰无或乎王之不智也虽有天下易生之物也一日暴之十日寒之未有能生者也吾见亦罕矣吾退而寒之者至矣吾如有萌焉何哉公孙丑问曰夫子加齐之卿相得行道焉虽由此霸王不异矣如此则动心否乎孟子曰否我四十不动心敢问夫子恶乎长曰我知言我善养吾浩然之气敢问何谓浩然之气曰难言也其为气也至大至刚以直养而无害则塞乎天地之间其为气也配义与道无是馁也是集义所生者非义袭而取之也行有不慊于心则馁矣必有事焉而

勿正心勿忘勿助长也何谓知言曰诐辞知其所蔽淫辞知其所陷邪辞知其所离遁辞知其所穷生于其心害于其政发于其政害于其事圣人复起必从吾言矣昔者窃闻之子夏子游子张皆有圣人一体冉牛闵子颜渊则具体而防敢问所安曰乃所愿则学孔子也曰伯夷伊尹何如曰不同道非其君不事非其民不使治则进乱则退伯夷也何事非君何使非民治亦进乱亦进伊尹也可以仕则仕可以止则止可以久则久可以速则速孔子也自生民以来未有孔子也孟子致为臣而归王谓时子曰我欲中国而授孟子室养弟子以万钟使诸大夫国人皆有所矜式子盍为我言之时子因陈子而以告孟子孟子曰异哉子叔疑使已为政不用则亦已矣又使其子弟为卿人亦孰不欲富贵而独于富贵之中有私龙断焉孟子去齐尹士语人曰不识王之不可以为汤武则是不明也识其不可然且至则是干泽也千里而见王不遇故去三宿而后出昼是何濡滞也士则兹不悦高子以告曰夫尹士恶知予哉千里而见王是予所欲也不遇故去岂予所欲哉予不得已也予三宿而出昼于予心犹以为速王庶防改之王如改诸则必反予夫出昼而王不予追也予然后浩然有归志予虽然岂舍王哉王犹足用为善王如用予则岂徒齐民安天下之民举安王庶防改之予日望之予岂若是小丈夫然哉諫于其君而不受则怒悻悻然见于其面去则穷日之力而后宿哉孟子去齐居于宋万章问曰宋小国也今将行王政齐楚恶而伐之则如之何孟子曰子不见汤武之事乎不行王政云尔苟行王政四海之内皆举首而望之欲以为君齐楚虽大何畏焉孟子谓戴不胜曰子欲子之王之善欤我明告子有楚大夫于此欲其子之齐语也则使齐人傅诸使楚人傅诸曰使齐人傅之曰一齐人傅之众楚人咻之虽日挹而求其齐也不可得矣引而置之莊岳之间数年虽日挹而求其楚也亦不可得矣子谓薛居州善士也使之居于王所在王所者长幼卑尊皆薛居州也王谁与为不善在王所者长幼卑尊皆非薛居州也王谁与为善一薛居州独如宋王何戴盈之曰什一去關市之征今兹未能请轻之以待来年然后已何如孟子曰今有人日攘其邻之鸡者或告之曰是非君子之道请损之月攘一鸡以待来年然后已如知其非义斯速已矣何待来年孟子曰仁之胜不仁也犹水胜火今之为仁者犹以一杯水救一车薪之火也不熄则谓之水不胜火此又与于不仁之甚者也亦终必亡而已矣

皇王大纪卷七十六

宋 胡宏 撰

三王纪

赧王

二年秦王欲伐齐患其与楚从亲使张仪説楚王曰王能絶齐请献商于地六百里使秦女为王箕帚妾楚王説而许之羣臣皆贺陈轸独吊曰秦重楚者为其有齐也今絶齐则楚孤秦奚贪夫孤国而与之地仪必负王王曰愿陈子闭口使一将军随仪至秦仪佯堕车不朝楚王闻之又使勇士借宋之符北骂齐王王大怒折节事秦仪乃朝见楚使曰子何不受地从某至某广袤六里使者还报楚王欲攻秦陈轸曰轸可发口言乎攻之不如因赂以一名都并兵而攻齐是我亡地于秦取偿于齐也不然国必大伤矣不聽使屈匄伐秦

三年春战于丹阳秦虜匄及列侯执珪七十余人取汉中郡楚王悉兵袭秦战于蓝田大败韩魏袭楚至邓楚王归割两城请平于秦燕人立太子平为王王吊死问疾同百姓甘苦谓郭隗曰诚得贤士与共国雪先耻孤之愿也隗曰王从隗始况贤于隗者岂遠千里哉王改筑宫而师事之乐毅自魏往拜亚卿任政鲁欲使慎子为将军孟子曰不教民而用之谓之殃民殃民者不容于尧舜之世一战胜齐遂有南阳然且不可慎子勃然不悦曰此则滑厘所不识也曰吾明告子天子之地方千里不千里不足以待诸侯诸侯之地方百里不百里不足以守宗庙之典籍周公之封于鲁为方百里也地非不足而俭于百里太公之封于齐也亦为方百里也地非不足也而俭于百里今鲁方百里者五子以为有王者作则鲁在所损乎在所益乎徒取诸彼以与此然且仁者不为况于杀人以求之乎君子之事君也务引其君以当道志于仁而已鲁平公将出嬖人臧仓者请曰他日君出则必命有司所之今乘輿已驾矣有司未知所之敢请公曰将见孟子曰何哉君所为轻身以先于匹夫者以为贤乎礼义由贤者出而孟子之后丧逾前丧君无见焉公曰诺乐正子入见曰君奚为不见孟轲也曰或告寡人曰孟子之后丧逾前丧是以不往见也曰何哉君所谓逾者前以士后以大夫前以三鼎而后以五鼎与曰否谓棺槨衣衾之美也曰非所谓逾也贫富不同也乐正子见孟子曰克告于君君为来见也嬖人有臧仓者沮君君是以不果来也曰行或使之止或尼之行止非人所能也吾之不遇鲁侯天也臧氏之子焉能使予不遇哉浩生不害问曰乐正子何人也孟子曰善人也信人也何谓善何谓信曰可欲之谓善有诸己之谓信充实之谓美充实而有光辉之谓大大而化之之谓圣圣而不可知之谓神乐正子二之中四之下也

四年秦以武關之外易楚黔中楚愿得张仪而献地仪请行王曰楚甘心于子奈何仪曰臣善其嬖臣靳尚尚事幸姬郑袖袖言无不听遂往楚王将杀之尚谓袖曰秦王甚爱张仪欲捐六县及美女赎之王重地尊秦秦女必贵而夫人斥矣于是袖日夜泣曰臣各为其主耳今杀张仪秦必大怒妾请子母俱迁江南毋为秦所鱼肉也王乃赦仪仪因説曰王不事秦秦西有巴蜀治船积粟浮岷江而下日行三百余里不十日而距扞關杆關惊则从境以东尽城守矣黔

中巫郡非王有也秦攻楚危难在三月之内而楚待救在半歲之外此臣所以为大王患也诚能听臣请令秦楚为兄弟国楚王已得仪而重出黔中乃许之仪遂之韩說曰韩地险恶山居所生菽麦国无二歲之食秦据宜阳塞成臯则王国分矣为王计莫如攻楚转祸而悦秦韩王许之仪說齐曰从人言齐蔽于三晋土广民众兵彊士勇有百秦无奈齐何今秦楚嫁娶韩献宜阳梁效河外赵割河间大王不事秦秦驱韩梁攻南地悉赵兵指博關临菑即墨非王有也齐王许之仪西說赵曰大王收率天下以摈秦秦心忿含怒久矣有敝甲凋兵军于滹池愿渡河逾漳据番吾防邯鄲下使臣先闻左右窃为大王计莫如与秦相约结也赵王许之仪北说燕曰齐赵于秦犹郡县也不敢妄相攻伐王事秦长无齐赵之患矣燕王请献恒山之尾五城以和仪归报未至而惠王薨子武王素不說仪诸侯复合从滕世子 将之楚过宋而见孟子孟子道性善言必称尧舜世子自楚反复见孟子孟子曰世子疑吾言乎夫道一而已矣成颢谓齐景公曰彼丈夫也我丈夫也吾何畏彼哉顏渊曰舜何人也予何人也有为者亦若是公明仪曰文王我师也周公岂欺我哉今滕截长补短将五十里也犹可以为善国书曰若药不瞑 厥疾不瘳滕定公薨世子谓然友曰昔者孟子尝与我言于宋于心终不忘今也不幸至于大故吾欲使子问于孟子然后行事然友之邹问于孟子孟子曰不亦善乎亲丧固所自尽也曾子曰生事之以礼死 之以礼祭之以礼可谓孝矣诸侯之礼吾未之学也虽然吾尝闻之矣三年之丧齐疏之服飭粥之食自天子达于庶人三代共之然友反命定为三年之丧父兄百官皆不欲曰吾宗国鲁先君莫之行吾先君亦莫之行也至于子之身而反之不可且志曰丧祭从先祖曰吾有所受之也谓然友曰吾他日未尝学问好驰马试劍今也父兄百官不我足也恐其不能尽于大事子为我问孟子然友复之邹问孟子孟子曰然不可以他求者也孔子曰君薨听于冢宰啜粥面深墨即位而哭百官有司莫敢不哀先之也上有好者下必有甚焉者矣君子之德风也小人之德草也草尚之风必偃是在世子然友反命世子曰然是诚在我五月居庐未有命戒百官族人可谓曰知及至葬四方来观之顏色之戚哭泣之哀吊者大悦滕文公问为国孟子曰民事不可缓也诗云昼尔于茅宵尔索綯亟其乘屋其始播百谷民之为道也有恒产者有恒心无恒产者无恒心苟无恒心放辟邪侈无不为已及陷乎罪然后从而刑之是罔民也焉有仁人在位罔民而可为也是故贤君必恭俭礼下取于民有制阳虎曰为富不仁矣为仁不富矣夏后氏五十而贡殷人七十而助周人百亩而彻其实皆什一也彻者彻也助者借也龙子曰治地莫善于助莫不善于贡贡者校数歲之中以为常乐歲粒米狼戾多取之而不为虐则寡取之凶年糞其田而不足则必取盈焉为民父母使民盼盼然将终歲勤动不得以养其父母又称贷而益之使老稚转乎沟壑恶在其为民父母也夫世祿滕固行之矣诗云雨我公田遂及我私惟助为有公田由此观之虽周亦助也设为庠序学校以教之庠者养也校者教也序者射也夏曰校殷曰序周曰庠学则三代共之皆所以明人伦也人伦明于上小民亲于下有王者起必来取法是为王者师也诗云周虽旧邦其命惟新文王之谓也子力行之亦以新子之国使毕战问井地孟子曰子之君将行仁政选择而使子子必勉之夫仁政必自经界始经界不正井地不均谷祿不平是故暴君污吏必慢其经界经界既正分田制祿可坐而定也夫滕壤地褊小将为君子焉将为野人焉无君子莫治野人无野人莫养君子请野九一而助國中什一使自賦卿以下必有圭田圭田五十畝余夫二十五畝死徙无出乡乡田同井出入相友守望相助疾病相扶持则百姓亲睦方里而井井九百畝其中为公田八家皆私百畝同养公田公事毕然后敢治私事所以别野人也此其大略也若夫润泽之则在君与子矣滕文公问曰齐人将筑薛吾甚恐如之何则可孟子对曰昔者太王

居邠狄人侵之去之岐山之下居焉非择而处之不得已也苟为善后世子孙必有王者矣君子创业垂统为可继也若夫成功则天也君如彼何哉强为善而已矣北宫锜问曰周室班爵禄也如之何孟子曰其详不可得闻也诸侯恶其害已也而皆去其籍然而轲也尝闻其略也天子一位公一位侯一位伯一位子男同一位凡五等也君一位卿一位大夫一位上士一位中士一位下士一位凡六等天子之制地方千里公侯皆方百里伯七十里子男五十里凡四等不能五十里不达于天子附于诸侯曰附庸天子之卿受地视侯大夫受地视伯元士受地视子男大国地方百里君十卿禄卿禄四大夫大夫倍上士上士倍中士中士倍下士下士与庶人在官者同禄禄足以代其耕也次国地方七十里君十卿禄卿禄三大夫大夫倍上士上士倍中士中士倍下士下士与庶人在官者同禄禄足以代其耕也小国地方五十里君十卿禄卿禄二大夫大夫倍上士上士倍中士中士倍下士下士与庶人在官者同禄禄足以代其耕也耕者之所获一夫百亩百亩之粪上农夫食九人上次食八人中食七人中次食六人下食五人庶人在官者其禄以是为差五年张仪乞身之魏一歲卒仪秦以游說诸侯致位富贵其余犀首楼缓之徒争慕效之纷纭徧于天下不可胜纪孟子曰景春曰公孙衍张仪岂不诚大丈夫哉一怒而诸侯惧安居而天下息孟子曰是焉得为大丈夫乎子未学礼乎丈夫之冠也父命之女子之嫁也母命之往送之门戒之曰往之汝家必敬必戒无违夫子以顺为正者妾妇之道也居天下之广居立天下之正位行天下之大道得志与民由之不得志独行其道富贵不能淫贫贱不能移威武不能屈此之谓大丈夫赵王纳吳广女孟姚有宠为后生子何欲及其生而立之遂废太子

六年秦初置丞相

七年秦王使甘茂伐韩茂曰宜阳大县其实郡也今倍数险而行千里攻之难矣昔鲁人有与曾参同姓名者杀人人告其母织自若也及三人告之投杼而走臣之贤不若曾参王之信臣不如其母疑臣者非特三人臣恐大王之投杼也魏文侯令乐羊攻中山三年拔之反而论功文侯示之谤书一箠羊曰此非臣功君之力也臣羈旅之臣也樗里子公孙奭挟韩而议之王聽之必矣王与盟于息壤八年茂攻宜阳五月而不拔樗里奭果争之王欲罢兵茂曰息壤在彼王济之师遂防宜阳秦王好力戏力士乌获之徒皆至大官举鼎絕脉而薨无子异母弟稷立是为昭襄王王母芈八子楚女也实宣太后孟子与弟子讲明道义其书略曰孟子曰尊贤使能俊杰在位则天下之士皆悦而愿立于其朝矣市防而不征法而不防则天下之商皆悦而愿藏于其市矣關讥而不征则天下之旅皆悦而愿出于其路矣耕者助而不税则天下之农皆悦而愿为之氓矣信能行此五者则邻国之民仰之若父母矣率其子弟攻其父母自生民以来未有济者也如此则无敌于天下无敌于天下者天吏也然而不王者未之有也孟子曰人皆有不忍人之心先王有不忍人之心斯有不忍人之政矣以不忍人之心行不忍人之政治天下可运于掌上所以谓人皆有不忍人之心者今人乍见孺子将入于井皆有怵惕惻隐之心非所以内交于孺子之父母也非所以要誉于乡党朋友也非恶其声而然也由是观之无惻隐之心非人也无羞恶之心非人也无辞让之心非人也无是非之心非人也惻隐之心仁之端也羞恶之心义之端也辞让之心礼之端也是非之心智之端也人之有是四端也犹其有四体也有是四端而自谓不能者自贼者也谓其君不能者贼其君者也凡有四端于我者知皆扩而充之矣若火之始然泉之始达苟能充之足以保四海苟不充之不足以事父

母孟子曰天时不如地利地利不如人和三里之城七里之郭环而攻之而不胜夫环而攻之必有得天时者矣然而不胜者是天时不如地利也城非不高也池非不深也兵革非不坚利也米粟非不多也委而去之是地利不如人和也故曰域民不以封疆之界固国不以山谿之险威天下不以兵革之利得道者多助失道者寡助寡助之至亲戚畔之多助之至天下顺之以天下之所顺攻亲戚之所畔故君子有不战战必胜矣孟子曰天下有达尊三爵一齿一德一朝廷莫如爵乡党莫如齿辅世长民莫如德恶得有一以慢其二哉故将大有为之君必有所不召之臣欲有谋焉则就之其尊德乐道不如是不足以有为也故汤之于伊尹学焉而后臣之故不劳而王桓公之于管仲学焉而后臣之故不劳而霸今天下地丑德齐莫能相尚无他好臣其所教而不好臣其所受教汤之于伊尹桓公之于管仲则不敢召管仲且犹不可召而况不为管仲者乎孟子曰离娄之明公输子之巧不以规矩不能成方员师旷之聪不以六律不能正五音尧舜之道不以仁政不能平治天下今有仁心仁闻而民不被其泽不可法于后世者不行先王之道也故曰徒善不足以为政徒法不能以自行诗云不愆不忘率由旧章遵先王之法而过者未之有也圣人既竭目力焉继之以规矩準绳以为方员平直不可胜用也既竭耳力焉继之以六律正五音不可胜用也既竭心思焉继之以不忍人之政而仁覆天下矣故曰为高必因丘陵为下必因川泽为政不因先王之道可谓智乎是以惟仁者宜在高位不仁而在高位是播其恶于众也上无道揆也下无法守也朝不信道工不信度君子犯义小人犯刑国之所存者幸也故曰城郭不完兵甲不多非国之灾也田野不辟货财不聚非国之害也上无礼下无学贼民兴丧无日矣诗曰天之方蹶无然泄泄泄泄犹沓沓也事君无义进退无礼言则非先王之道者犹沓沓也故曰责难于君谓之恭陈善闭邪谓之敬吾君不能谓之贼孟子曰规矩方员之至也圣人人伦之至也欲为君尽君道欲为臣尽臣道二者皆法尧舜而已矣不以舜之所以事尧事君不敬其君者也不以尧之所以治民治民贼其民者也孔子曰道二仁与不仁而已矣暴其民甚则身弑国亡不甚则身危国削名之曰幽厉虽孝子慈孙百世不能改也诗云殷鉴不远在夏后之世此之谓也孟子曰三代之得天下也以仁其失天下也以不仁国之所以废兴存亡者亦然天子不仁不保四海诸侯不仁不保社稷卿大夫不仁不保宗庙士庶人不仁不保四体今恶死亡而乐不仁是恶醉而强酒孟子曰爱人不亲反其仁治人不治反其智礼人不答反其敬行有不得者皆反求诸己其身正而天下归之诗曰永言配命自求多福孟子曰人有恒言皆曰天下国家天下之本在国国之本在家家之本在身孟子曰人不足与适也政不足与间也惟大人能格君心之非君仁莫不仁君义莫不义君正莫不正一正君而国定矣孟子曰君子所以异于人者以其存心也君子以仁存心以礼存心仁者爱人有礼者敬人爱人者人恒爱之敬人者人恒敬之有人于此其待我以横逆则君子必自反矣我必不仁也必无礼也此物奚宜至哉其自反而仁矣自反而有礼矣其横逆由是也君子必自反也我必不忠自反而忠矣其横逆由是也君子曰此亦妄人也已矣如此则与禽兽奚择哉于禽兽又何难焉是故君子有终身之忧无一朝之患也乃若所忧则有之舜人也我亦人也舜为法于天下可传于后世我犹未免为乡人也是则可忧也忧之如何如舜而已矣若夫君子所患则亡矣非仁无为也非礼无行也如有一朝之患则君子不患矣孟子曰以善服人者未有能服人者也以善养人然后能服天下天下不心服而王者未之有也孟子曰诸侯之寶三土地人民政事寶珠玉殃必及身孟子曰五霸者搂诸侯以伐诸侯三王之罪人也今之诸侯犯葵丘之五禁五霸之罪人也今之大夫逢君之恶今之诸侯之罪人也孟子曰士非为贫也而有时乎为贫娶妻非为养也而有时乎为养为贫者辞尊居卑

辞富居贫位卑而言高罪也立乎人之本朝而道不行耻也万章曰敢问不见诸侯何义也孟子曰在国曰市井之臣在野曰草莽之臣皆为庶人庶人不传质为臣不敢见诸侯礼也万章曰庶人召之役则往役君欲见之召之则不往见之何也曰往役义也往见不义也且君之欲见之也何为也哉曰为其多闻也为其贤也曰为其多闻也则天子不召师而况诸侯乎为其贤也则吾未闻欲见贤而召之也繆公亟见于子思曰古千乘之国以友士何如子思不悦曰古之人有言曰事之云乎岂曰友之云乎子思之不悦也岂不曰以位则子君也我臣也何敢与君友也以德则子事我者也奚可以与我友千乘之君求与之友而不可得也而况可召欤齐景公田招虞人以旌不至将杀之志士不忘在沟壑勇士不忘丧其元孔子奚取焉取非其招不往也曰敢问招虞人何以曰以皮冠庶人以旃士以旂大夫以旌以大夫之招招虞人虞人死不敢往以士之招招庶人庶人岂敢往哉况乎以不贤人之招招贤人乎欲见贤而不以其道犹欲其入而闭之门也夫义路也礼门也惟君子能由是路出入是门也诗曰周道如砥其直如矢君子所履小人所视万章曰孔子君命召不俟驾而行然则孔子非欤曰孔子当仕有官职而以其官召之也陈子曰古之君子何如则仕孟子曰所就三所去三迎之致敬以有礼言将行其言也则就之礼貌未衰言弗行也则去之其次虽未行其言也迎之致敬以有礼则就之礼貌衰则去之其下朝不食夕不食饥饿不能出门户君闻之曰吾大者不能行其道又不能从其言也使饥饿于我土地吾耻之周之亦可受也免死而已矣孟子曰尽其心者知其性也知其性则知天矣存其心养其性所以事天也夭寿不贰修身以俟之所以立命也孟子曰莫非命也顺受其正是故知命者不立乎岩墙之下尽其道而死者正命也桎梏而死者非正命也孟子曰求则得之舍则失之是求有益于得也求在我者也求之有道得之有命是求无益于得也求在外者也孟子曰古之贤王好善而忘势古之贤士何独不然乐其道而忘人之势故王公不致敬尽礼则不得亟见之见且犹不得亟而况得而臣之乎孟子曰君子之于物也爱之而不仁于人也仁之而弗亲亲亲而仁民仁民而爱物孟子曰不信仁贤则国空虚无礼义则上下乱无政事则财用不足孟子曰伯夷圣之清者也伊尹圣之任者也柳下惠圣之和者也孔子圣之时者也孔子之谓集大成集大成也者金声而玉振之也金声也者始条理也玉振之也者终条理也始条理者智之事也终条理者圣之事也智譬则巧也圣譬则力也犹射于百步之外也其至尔力也其中非尔力也孟子曰有事君人者则事是君为容悦者也有安社稷臣者以安社稷为說者也有天民者达可行于天下而后行之者也有大人者正己而物正者也孟子曰口之于味也目之于色也耳之于声也鼻之于臭也四肢之于安佚也性也有命焉君子不谓性也仁之于父子也义之于君臣也礼之于賓主也智之于贤者也圣人之于天道也命也有性焉君子不谓命也孟子曰由尧舜至于汤五百有余岁若禹皋陶则见而知之若汤则闻而知之由汤至于文王五百有余歲若伊尹莱朱则见而知之若文王则闻而知之由文王至于孔子若太公望散宜生则见而知之若孔子则闻而知之由孔子而来至于今百有余歲去圣人之世若此其未遠也近圣人之居若此其甚也然而无有乎尔则亦无有乎尔

论曰愚读孟子书谓杨朱墨翟之言盈天下及攷诸史则朱翟未尝用于时君时君亦莫有信用其言恶在其为盈天下而孟氏辟之如此其力似空言侈大无益于实者后人虽信诵其言亦莫能究明其义愚始而疑中而惑卒喟然长叹见孟子指意深邃广大非苟为夸辞而已也何以言之天下之道为人己二端而已惟圣人为能合内外之道得时措之宜故不塞不流

而王道行百姓寧舍是則或失于為人太重而不知立己或失于為己太重而不知立人失己與人則天地否塞而人之類滅矣五伯之末仁義不明有志于為己者直欲高飛深入不在人間如接輿沮溺之徒是也于是楊朱倡為我之說而其徒翕然是之矣有志于為人者直欲自沽自獻必行其說如衛鞅儀秦之徒是也于是墨翟倡兼愛之論而其徒翕然是之矣此二氏之言所以盈天下也然孟氏所以不辟沮溺者為其無辭說而楊朱之言近義故也所以不辟儀秦者為其事淺陋而墨翟之言近仁故也近于仁則不仁近于義則不義不仁不義近于禽獸人將何以立于天地之間故孟氏拔其本塞其源則末流將自止矣有見于此然後知孟氏辟楊墨承先聖大有功于王道而可以為萬世法也使齊梁之君一行其言豈至人之類自相殘滅陳吳劉項之際死者什九而後止哉

趙王與肥義謀胡服騎射國人不欲公子成稱疾不朝王使請之曰制國有常利民為本從政有經令行為上明德先論于賤而施法先信于貴故愿慕公叔之義以成胡服之功也成曰中國者聖賢之所教禮樂之所用遠方之所觀赴蠻夷之所則效也今王變古道逆人心愿熟圖之使者以報王自往請曰先時中山負齊之強侵暴吾地引水圍鄆【呼老】先君丑之故寡人欲備四境之難報中山之怨而叔父順俗忘鄆丑非所望也成听命焉魯侯叔薨諡曰平公子賈嗣

皇王大纪卷七十七

宋 胡宏 撰

三王纪

赧王

九年赵王略中山地至寧葭略胡地至榆中林胡王献马

十年彗星见赵伐中山取东垣中山献四邑以和秦宣太后异父弟曰穰侯魏冉同父弟曰华阳君芊戎王同母弟曰高陵君涇阳君冉自惠王时任职武王薨诸弟争立冉力能立昭襄王是歲庶长及大臣诸父子谋作乱冉诛之惠文王后不得良死武后出归魏王兄弟不善者冉皆灭之王少宣太后任冉为政威震秦国十二年彗星见秦取魏蒲坂晋阳封陵取韩武遂齐韩魏忿楚负从亲同伐之楚王质太子于秦而求救三国引兵归

十三年秦大夫有私与楚太子鬪者太子杀之亡归十四年日食既秦取韩穰防韩魏齐伐楚杀其将取重丘赵王伐中山中山君奔齐

十五年秦伐楚杀其将取襄城楚王质太子于齐而请平

十六年赵王传国于何肥义相王自号主父西北略地破林胡置云中鴈门代郡将自九原南袭咸阳诈称使者入秦观地形及秦王之为人秦王怪其状非人臣之度使逐之行已脱關矣审问之主父也大惊秦伐楚取八城遗楚王书请防武關约盟楚王欲往恐见欺欲不往恐秦怒昭睢曰发兵自守尔王子子兰劝行屈平曰秦虎狼也可信乎王不聽秦人设伏武關劫之至咸阳朝章防如藩臣礼要割巫黔中郡楚王不许秦人防之楚大臣曰吾君不得还太子质于齐齐秦合则楚无国矣谋立王之它子昭睢曰倍王命不宜乃诈赴于齐齐臣欲留太子求楚之淮北其相曰郢中立君是吾抱空质而行不义于天下也乃归之楚人立之

十七年告于秦曰赖社稷神灵国有王矣秦王怒击楚取十六城屈平者名原楚同姓也事懷王为左徒博闻强志明于治乱嫺于辞令入则图议国事出则应对诸侯王甚任之上官大夫害其能而谗之王疎平平忧愁幽思而作离骚及与子兰异议则又嫉子兰一篇之中三致意焉幸君之一悟也至是子兰为令尹介上官大夫短之于王王迁诸江南被发行吟形容枯槁渔父问之曰子非三闾大夫欤何故而至此原曰举世混浊而我独清众人皆醉而我独醒是以见放渔父曰圣人不凝滯于物而能与世推移举世混浊何不随其流而扬其波众人皆醉何不鋪其糟而餽其醢何故懷瑾握瑜而自令见放为原曰新沐者必弹冠新浴者必振衣谁能以身之察察而受物之汶汶者乎寧赴江流而葬乎鱼腹耳又安能以浩浩之白而防世之温蠖乎九年乃作懷沙之赋自投乎汨罗后之为词赋者皆祖焉赵王弟胜号平原君好食客数千人有公孙龙者善为坚白同异之辩孔穿自鲁适赵龙论臧三耳甚析子高弗应平原

君曰何如穿曰谓三耳甚难而实非也谓两耳甚易而实是也不知君将从易而是者乎其亦从难而非者乎平原君谓龙曰子高理胜于词公词胜于理齐邹衍过赵平原君令与龙论白马非马之說邹子曰夫辯者别殊絕类使不相害序异端使不相乱抒意通指明其所谓使人与知焉不务相迷也故胜者不失其所守不胜者得其所求及至烦文以相假饰词以相惇巧譬以相移引人使不得反其意如此害大道衍不为也坐皆称善龙由是绌

十八年楚王亡归秦人遮道追及之

十九年发病薨秦归其丧楚人如悲亲戚齐韩赵魏宋同伐秦至盐氏

二十年赵主父与齐燕共防中山封长子章于代使田不礼相之李兑谓肥义曰章党众欲大不礼忍杀而骄二人相得必有陰谋子之任重祸所集也称疾不出不亦可乎对曰主父以王属义也曰母变而度义拜而籍之今畏难忘籍变孰大焉子则有赐而忠我矣吾言已在前矣终不敢失兑曰子勉之兑数见公子成以备不礼义谓信期曰自今有召王者必见吾面我将以身先之无故而后王可入也时吴娃死王爱弛主父见故太子僂然北面于其弟心怜之欲分赵而王章计未决主父及王遊沙丘异宫章不礼矫主父令召王义先入被杀成兑自国起兵入距难杀章不礼灭其党王少成兑专政章之败也往走主父主父入之成兑因围主父宫章死成兑曰既解兵吾属夷矣乃令宫人后出者族主父欲出不得探雀鷃而食之三月余饿死

二十二年魏韩同伐秦秦穰侯荐左更白起将败二师于伊阙斩首二十四万级拔五城秦王遗楚王书愿飭士卒得一乐战楚王患之复和亲

二十三年迎妇于秦司马氏曰甚哉楚之不竞也忍婚其讎

二十四年秦伐韩拔宛燕人破东胡山戎置上谷渔阳右北平辽东郡

二十五年魏入河东地四百里于秦韩入武遂地二百里于秦魏芒卯始以诈见重

二十六年秦白起伐魏至軹取城大小六十一

二十七年冬秦王称西帝遣使立齐王为东帝苏代曰愿王勿受以收天下之望齐王称二日而归之秦亦复称王攻赵拔杜阳

二十八年秦攻魏拔新垣曲阳

二十九年秦击魏河内魏献安邑以和秦归其人宋有雀生鷃史占之曰小而生巨必霸王喜起兵灭滕东败齐南败楚西败魏欲霸之亟成射天笞地斩社稷而焚防之为长夜之饮于室中呼万岁使堂下门外至于国中无敢不呼者天下谓之桀宋齐王伐之民防城不守王死于

温

三十年秦击齐拔九城齐王既灭宋而骄南侵楚西侵晋欲并二周为天子狐咥正议斲之陈举直言杀之燕王日夜抚循民益富实乃谋伐齐乐毅曰齐霸国之余业地大人众未易独攻于是约韩赵连楚魏且令赵防秦以伐齐之利

三十一年燕拜乐毅为上将并将诸侯之师击齐战于济西齐师大败毅还秦韩之众分魏师略宋地部赵师收河间身率燕师长驱逐北齐王出奔毅入临淄取寶物祭器输於燕燕王至济上劳军行赏封毅昌国君齐王之卫卫君辟宫称臣而共具齐王不逊卫人侵之去奔邹鲁有骄色邹鲁弗内遂走莒楚俾淖齿救齐因为齐相淖齿欲与燕分齐地乃执王而数之曰千乘博昌方数百里雨血沾衣羸博之间地坼及泉有人当阙而哭者求之不得去则闻其声王知之乎曰知之淖齿曰雨血沾衣者天以告也地坼及泉者地以告也有人当阙而哭者人以告也而王不诚焉何得无诛遂擢王筋悬之梁宿夕而死荀卿曰国者天下利势也得道以持之则大安也大荣也积美之源也不得道以持之则大危也大累也有之不如无之及其綦也索为匹夫不可得也齐闵宋献是也卿赵人名况乐毅闻画邑人王蠋贤令军中环画邑三十里无入使人请蠋蠋谢之燕人曰不来吾且屠画蠋曰忠臣不事二君列女不更二夫齐王不用吾諫故退而耕于野国破君亡吾不能存与其不义而生不若死遂自经毅整军禁侵掠求齐逸民显而礼之寬赋斂除暴令修其旧政齐人喜悦乃遣左军渡胶东东莱前军循太山东至海略琅琊右军循河济屯阿鄆以连魏师后军旁北海而抚千乘中军据临菑而镇齐都祀桓公管仲于郊齐人食邑于燕者二十余君爵位于莒者百有余人六月之间下七十余城三十二年秦拔魏安城齐太子法章变姓名为莒太史敫家佣敫女奇其状貌窃衣食之王孙贾从闵王失王处其母曰汝朝出而晚来则吾倚门而望汝暮出而不还则吾倚闾而望汝事王不知其处汝尚何归焉贾出呼于市曰淖齿弑王欲与我诛之者袒右得四百人攻杀之诸亡臣求立法章保莒城以拒燕赵王得楚和氏璧秦王请易以十五城赵欲勿与畏秦强欲与之恐见欺宦者令舍人藺相如曰臣愿奉璧而往既见秦王无意偿城相如乃给取璧却立倚柱怒发上冲冠谓秦王曰布衣之交尚不相欺臣观大王之意欲欺赵故臣复取璧大王必欲急臣臣头与璧俱碎于柱矣秦王乃馆相如相如遣从者懷璧间行归赵而身待命秦王贤之赵王拜为上大夫卫嗣君好察隐防县令有发禡而席弊者嗣君赐之席令大惊使人过關市赂之既而召關市问有客过遗女金女回遣之關市大恐又爱泄姬重如耳而恐其因爱壅已也乃贵薄疑以敌如耳尊魏妃以偶泄姬曰以是相参也荀卿论曰嗣君聚斂计数之君也未及取民也子产取民者也未及为政也管仲为政者也未及修礼也修礼者王为政者强取民者安聚斂者亡鲁侯贾薨諡曰文公子雒嗣是为顷公

三十三年秦伐赵拔两城

三十四年秦伐赵拔石城楚欲图周王使东周武公谓令尹昭子曰西周絶长补短不过百里名为天下共主裂其地不足以肥国得其众不足以劲兵攻之者名为弑君而犹有欲攻之者见祭器在故也夫虎肉臊而兵利身人犹攻之若使泽中之麋防虎之皮攻之者必万倍矣今子将残天下之共主居三代之传器器南则兵至矣楚计遂辍

三十五年秦白起败赵取代光狼城司马错因蜀攻楚黔中拔之楚献汉北及上庸地

三十六年秦白起伐楚取鄢郢西陵秦赵约好防于渑池廉颇送王至境诀曰度道里会毕不过三十日王不得还则请立太子絕秦望王许之至则盛设备秦不敢动王归拜蔺相如上卿颇曰相如素贱徒以口舌而位我上我必辱之相如出而望见辄引车避匿其舍人皆耻之相如曰廉将军孰与秦王渑池之防吾王鼓琴秦王不肯击缶相如廷叱之独畏廉将军哉顾念强秦不敢加于赵者徒以吾两人在也今若共鬪势不俱生吾寧先国家之急而后私讎也颇闻之肉袒负荆至门谢罪遂结刎颈交齐地独莒即墨未属燕即墨人以临淄市掾田单多智习兵推立为将乐毅解围去城九里筑垒令曰城中人出者勿获困者赈之俾即旧业三年而犹不下或防之于昭王曰毅欲以仗兵威服齐人而王耳王置酒大防引言者让之曰齐为无道害先王寡人痛之入骨乐君为吾报仇齐固其国也女何敢言若此乃斩之遣相立为齐王毅惶恐不受以死自誓由是齐人服其义诸侯畏其信莫敢谋者昭王薨惠王自为太子时尝不快于毅田单纵反间曰毅与燕王有隙畏诛将连兵王齐齐人未附故且缓攻即墨以待其事齐人所惧它将之来即墨残矣燕王使骑劫代将毅遂奔赵将士愤惋单宣言曰吾独惧燕军劓所得齐卒置之前行燕人如其言城中怒坚守唯恐见得单又言吾甚惧燕掘吾城外冢墓可为寒心燕军尽掘烧之齐愤泣思战怒自十倍单身操版锬散饮食飧劳遣使约降燕军益懈单收牛千余束刃矜角束脂苇矜尾凿城数十六夜纵牛烧苇端壮士五千随之牛热而奔燕军惊走齐人杀骑劫逐北至河上亡城毕复乃迎王入临淄王立太史敫女为后生太子建赵封乐毅于观津燕王谢之曰将军过聽与寡人有隙捐燕归赵自为计则可矣而亦何以报先王遇将军之意乎毅荅书曰勉身立功以明先王臣之上计也离毁辱之谤墮先王之名臣所大恐也临不测之罪以幸为利义之所不敢出也古之君子交絕不出恶声忠臣去国不洁其名臣虽不佞数奉教于君子矣唯君王留意焉燕封毅子间昌国君田单攻狄鲁仲连曰不能下也单曰臣以即墨余卒破燕复齐今攻狄而不下何也既三月不克乃惧而问仲连曰将军在即墨织蓐仗锬为士卒倡曰无可往矣宗庙亡矣当此之时有死之心士卒挥泣思战所以破燕也今东有夜邑之奉西有淄上之娱黄金横带而骋乎淄渑之间有生之乐所以不胜也单明日厉气循城立矜矢石之所援枹鼓之狄人乃下

三十七年秦白起伐楚防郢烧夷陵楚王兵散遂不复战徙都陈秦矜郢置南郡封白起武安君

三十八年秦武安君定巫黔中初置黔中郡

三十九年秦武安君伐魏防两城楚王收东地兵得十余万复西取江南十五邑

四十年秦穰侯伐魏大破之魏纳八城以和穰侯复伐之走芒卯入北宅遂围大梁魏割温以和

四十一年魏复与齐合从秦穰侯伐之拔四城

四十二年魏伐韩华阳韩遣陈筮告于秦穰侯曰事急乎公来筮曰未急也急则变而它从矣穰侯使武安君救韩八日而至败魏师虜三将魏段干子请割南阳以和苏代谓魏王曰欲玺者段干子也欲地者秦也今使欲地者制玺欲玺者制地魏地尽矣夫入地事秦犹抱薪救火薪不尽火不防王曰是则然也虽然事已行不可更矣对曰夫博之贵梟者便则食不便则止何王之用智不如用梟与不聽卒以南阳为和秦王率韩魏伐楚楚使者黄歇适至上书曰韩魏父子兄弟接踵而死于秦者将十世矣今王资之不亦过乎臣为王虑莫如善楚秦楚合而临韩韩必朝王施以东山之险带以曲河之利韩为關内侯矣发卒十万戍郑梁氏寒心许鄢陵婴城而上蔡召陵不往来也而魏亦關内侯矣王从之俾歇归约亲

四十三年歇侍太子完质于秦秦置南阳郡燕惠王薨子武成王立

四十四年赵平原君家不肯出租税田部吏赵奢戮其用事者九人平原君将杀之奢曰君赵贵公子也不奉公则法削法削则国弱而诸侯加兵是无赵也以君之贵奉公如法则上下平国强赵固而君为贵戚岂轻于天下邪平原君贤之言于王使治赋民富而府库实四十五年秦伐赵围阨与廉颇乐乘曰道险难救王命赵奢救之奢去邯鄲三十里坚壁复增垒得秦间善食而遣之因卷甲一日一夜而至用许歷言先据北山秦师争山不得奢击败之解围而还赵封奢马服君魏人范雎从湏贾使齐齐王闻其口辩私赐之金贾归告相魏齐齐怒咎雎折胁折齿置厕中雎得出更名姓秦王稽使魏载与俱归荐于王王见之离宫雎佯为不知永巷而入宦者怒逐之曰王至雎谬曰秦安得王独有太后穰侯耳王微闻乃屏左右跽而请曰何以幸教寡人对曰唯唯如是者三王曰先生卒不教寡人耶雎曰羈旅之臣交踈于王所愿陈者皆匡君之事处人骨肉之间而未知王之心也王跽曰天以寡人溷先生而存宗庙事无大小上及太后下及大臣悉以教无疑也雎曰穰侯越韩魏而攻齐刚壽非计也今王不如遠交而近攻得寸则王之寸得尺则王之尺夫韩魏中国之处而天下之枢也王若欲霸必亲中国以为天下枢王曰善乃与谋兵事

四十七年秦伐魏拔懷

四十九年秦拔魏邢丘范雎日益亲用事承间說王曰臣居山东时闻齐有孟尝君不闻有王秦有太后穰侯不闻有王夫擅国之谓王能利害之谓王制杀生之谓王今太后擅行不顾穰侯出使不报华阳泾阳击断无讳高陵进退不请自有秩以上至于大吏及王左右无非相国之人王独立於朝臣恐万世后秦国非王子孙有也于是废太后逐穰侯高陵华阳泾阳君于關外以雎为丞相封应侯魏湏贾聘于秦应侯使归告魏王曰速斩魏齐头来不然且屠大梁齐奔赵匿平原君家赵惠文王薨子孝成王丹立

皇王大纪卷七十八

宋 胡宏 撰

三王纪

赧王

五十年秦伐赵取三城赵王新立太后用事求救于齐齐人曰必以长安君为质太后不可齐师不出大臣强谏太后明谓左右曰复言者老妇必唾其面左师触龙请见太后盛气胥之入左师公徐趋而坐谢曰老臣病足不能见久矣而恐太后体之有所苦也太后曰老妇恃辇而行食得无衰乎曰恃粥耳不和之色稍解左师曰贱息舒祺最少而臣衰窃怜爱之愿得补黑衣之阙以卫王宫太后曰诺年几何曰十五岁矣虽少愿及臣未填沟壑而托之太后曰丈夫亦爱少子乎曰甚于妇人太后笑曰妇人异甚对曰老臣窃谓媼之送燕后也持其踵而泣念其远也亦哀之而已已行非不思也祭祀则祝之曰必勿使反岂非为之计长久之子孙相继王也者太后曰然左师曰今三世已前至于王之子孙为侯者其继有在者乎曰无有曰此其近者祸及身远者及子孙岂人主之子侯则不善哉位尊奉厚无功劳而挟重器多也今媼尊长安君封以膏腴之地多与之重器而不及今令有功于国一旦山陵崩长安君何以自托于赵哉太后曰诺恣君之所使乃为长安君约车百乘质于齐齐师乃出秦师退赵王闻荀卿贤召见问以兵要对曰在乎附民齐人隆技击得一首者赐赎镒金无本赏矣事大敌坚则涣然离耳是亡国之兵也其去赁市佣而战之几矣魏氏武卒以度取之衣三属之甲操十二石之弩负矢五十个置戈其上冠胄带劔赢三日粮日中而趋百里中试则复其户利其田宅气力数年而衰而复利未可夺改造则不易周也故地虽大其税必寡是危国之兵也秦人使民要利于上者非鬬无由以功相赏五甲首而隸五家最为众强长久之道四世有胜非幸也故齐之技击不可以遇魏之武卒魏之武卒不可以遇秦之锐士秦之锐士不可以当桓文之节制桓文之节制不可以敌汤武之仁义王曰善请问为将对曰号令欲严以威赏罚欲必以信处舍欲周以固进退欲安以重欲疾以速窥敌观变欲潜以深欲伍以参遇敌决战毋行吾所疑毋欲将而恶废毋急胜而忘败毋威内而轻外毋见其利而不顾其害凡虑事欲熟而用财欲泰可杀而不可使处不完可杀而不可使击不可胜可杀而不可使欺百姓慎此六术五权三至而处之以恭敬无圯是谓天下之将矣卿名况亦以其所学著书其略曰君子曰学不可以已青出于蓝而青于蓝冰水为之而寒于水木受绳则直金就砺则利君子博学而日省乎已则知明而行无过矣故不闻先王之遗言不知学问之大也诗曰嗟尔君子无恒安息靖共尔位好是正直神之听之介尔景福神莫大于化道福莫长于无祸吾尝终日而思矣不如须臾防之所学也假舆马者致千里假舟楫者绝江河君子生非异也善假于物也蓬生麻中不扶而直故君子居必择乡游必就士所以防邪僻而近中正也物类之起必有所使荣辱之来必象其德质的张而弓矢至焉林木茂而斧斤至焉故言有召祸也行有招辱也君子其慎所立乎积善成德而神明自得圣心循焉故不积跬步无以至千里不积小流无以成江河功在不舍锲而不舍金石可镂是故行衢道者不至事两君者不容目不两视而明耳不两听而聪螭蛇无足而飞鼯防五技而穷诗曰淑人君子其仪一兮心如结兮故君子结于一也声无小而不

闻行无隐而不形玉在山而木润渊生珠而崖不枯为善不积邪安有不闻者乎学恶乎始恶乎终曰其数则始乎诵经终乎读礼其义则始乎为士终乎为圣人真积力久则入学至乎没而后止也书者政事之纪也诗者中声之所止也礼者法之大分羣类之纲纪也故学至乎礼而止矣夫是之谓道德之极礼之敬文也乐之中和也诗书之博也春秋之微也在天地之间者毕矣君子之学也入乎耳着乎心布乎四体形乎动静以美其身也小人之学以为禽犊学之经莫速乎好其人隆礼次之上不能好其人下不能隆其礼则卒世穷年不免为陋儒而已将原先王本仁义则礼正其经纬蹊径也不道礼宪以诗书为之譬之犹以指测河戈舂黍也伦类不通仁义不一不足谓善学全之尽之然后学者也君子知夫不全不粹不足以为美也故诵数以贯之思索以通之为其人以处之除其害者以持养之使目非是无欲见也使耳非是无欲闻也使口非是无欲言也使心非是无欲虑也及至其致好之也目好之五色耳好之五声口好之五味心利之有天下是故权利不能倾也羣众不能移也天下不能荡也生乎由是死乎由是夫是之谓德操德操然后能定能定然后能应能定能应夫是之谓成人荀子曰见善修然必以自存也善在身介然必以自好也非我而当者吾师也我而当者吾友也谄谀我者吾贼也隆师而亲友以致恶其贼凡用血气志意知虑由礼则治通不由礼则勃乱提慢食饮衣服动静居处由礼则和节不由礼则夷固辟违庸众而野故人无礼则不生事无礼则不成国家无礼则不宁凡治气养心之术莫径由礼莫要得师莫神一好志意修则骄富贵矣道义重则轻王公矣内省则外物轻矣身劳而心安为之利少而义多为之事乱君而通不如事穷君而顺焉故良农不为水旱不耕良贾不为折阅不市士君子不谓贫穷怠乎道道虽迹不行不至事虽小不为不成其为人也多暇日者其出入不遽矣礼者所以正身也师者所以正礼也礼然而然则是情安礼也师云而云则是知若师也情安礼知若师则是圣人也君子之求利也略其远思也早其避辱也惧其行道理也勇君子贫穷而志广隆仁也富贵而体恭杀势也安燕而血气不惰束理也劳勩而容貌不枯好交也怒不过夺喜不过予法胜私也书曰无有作好遵王之道无有作恶遵王之路此言君子之能以公义胜私欲也荀子曰君子行不贵苟难说不贵苟察名不贵苟唯其当之为贵君子能则宽容易直以开道人不能则恭敬縻绌以畏事人小人能则倨傲僻违以骄溢人不能则嫉妬怨诽以倾覆人君子宽而不慢廉而不刿辩而不争柔从而不流崇人之德扬人之美非谄谀也正义直指举人之过非毁疵也言己之光美拟于舜禹参于天地非夸诞也与时屈伸柔从若蒲苇非慑怯也刚强猛毅靡所不信非骄暴也以义变应知当曲直故也诗曰左之左之君子宜之右之右之君子有之此言君子之能以义屈信变应也君子养心莫善于诚唯仁之为守唯义之为存诚心守仁则形形则神神则能化矣诚心行义则理理则明明则能变化矣变化代兴谓之天德诚者君子之所守而政事之本也君子位尊而志恭心小而道大所听视者近而所闻见者远是何耶则操术然也故千人万人之情一人之情是也故操弥约而事弥大公生明偏生闇端慝生通诈伪生塞诚信生神夸诞生惑见其可欲也则必虑其可恶也见其可利也则必虑其可害也取舍如是则常不失于陷矣荀子曰鬪者忘其心者也忘其亲者也忘其君者也人之有鬪何哉我甚丑之轻死而暴是小人之勇也重死持义而不挠是士君子之勇也自知者不怨人知命者不怨天先义而后利者荣先利而后义者辱志意致修德行致厚智虑致明是天子之所以取天下也政令法举措时听断公上顺天子下保百姓是诸侯之所以取国家也志行修顺上保职是士大夫之所以取田邑也修法则度量刑辟圖籍不知其义谨守其数父子相传是官人百吏之所以取秩禄也孝悌愿慤録疾力以敦比其事业而不敢怠傲是庶人之所以暖

衣饱食也饰邪說文奸言为倚事以偷生反侧于乱世之间是奸人之所以取危辱死刑也材性知能君子小人一也君子注错之当小人注错之过譬之越人安越楚人安楚是非知能材性然也是注错习俗之节异也仁义德行常安术也然而未必不危也汗慢突盗常危术也然而未必不安也君子道其常而小人道其怪饥而欲食寒而欲暖劳而欲息好利而恶害目辨白黑美恶耳辨音声清浊口辨咸酸甘苦鼻辨芬芳腥臊骨体肤理辨寒暑疾养可以为尧禹可以为桀跖可以为工匠可以为农贾是人之所生而有也是无待而然者也是禹桀之所同也为尧禹则常安桀为桀跖则常危辱尧禹者非生而具者也夫起于变故成乎修之为待尽而后备者也人之生固小人无师无法则惟利之见耳君子非得势以临之则无由得开内焉今使人生而未尝睹刍豢稻粱也惟菽藿糟糠之睹则以至足为在此也俄而粲然有秉刍豢稻粱者而至臭之而无嫌于鼻尝之而甘于口食之而安于体则莫不弃此而取彼矣今以夫先王之道仁义之统以相羣居以相持养以相藩饰以相安固以夫桀跖之道防直夫刍豢之悬糟糠耳哉然而人力为此而寡为彼何也曰陋也仁者告之示之靡之儆之鈇之重之则夫塞者俄且通也陋者俄且憊也愚者俄且知也是岂非人之情固可与如此可与如彼也哉人之情食欲有刍豢衣欲有文绣行欲有舆马然有者几不长虑顾后而恐无以继之故也偷生浅知之属曾此而不知是其所以不免于冻饿操瓢囊为沟壑中瘠者也先王之道仁义之统诗书礼乐之分固为天下生民之属长虑顾后而保万世也非熟修为之君子莫之能知也以治情则利以为名则荣以羣则和以独则足乐意者其是耶夫贵为天子富有天下是人情之所同欲也然则从人之欲则势不能容物不能赡也故先王按为之制礼义以分之使有贵贱之等长防之差智愚能不能之分皆使人载其事而各得其宜故或禄天下而不自以为多或监门御旅抱关击柝而不自以为寡夫是之谓人伦荀子曰古有姑布子卿今世有唐举相人之形状颜色而知其吉凶妖祥世俗称之学者不道也故相形不如论心论心不如择术孙叔敖突秃长左叶公子高微小短瘠然仁义功名善于后世桀纣长巨姣美然身死国亡为天下大僂人有三不祥防而不肯事长贱而不肯事贵不肖而不肯事贤是不祥也为上则不能爱为下则好非其上是人之必穷也人之所以为人者以其有辨也辨莫大于分分莫大于礼礼莫大于圣王圣王有百吾孰法焉文久而息节奏久而绝欲观千岁则审今日欲知亿万则审一二欲知上世则审周道欲知周道则审其所贵君子故曰以近知远以一知万以防知明此之谓也凡言不合先王不顺礼义谓之奸言法先王顺礼义然而不好言不乐言则非必诚士也凡人莫不好言其所善而君子为甚故赠人以言重于金石珠玉观人以言美于黼黻文章听人以言乐于钟鼓琴瑟故君子之于言无厌易曰括囊无咎无誉腐儒之谓也凡說之难以至高遇至卑以至治接至乱善者于是间也与世偃仰缓急羸绌曲得所谓焉故君子度已则以绳接人则用拙度已以绳足为天下法则矣接人用拙故能容宽因求以成天下之大事故谈說之术齐莊以莅之端诚以处之坚强以持之分别以论之譬称以明之欣驩芬芻以送之寶之珍之贵之神之如是則說常无不受小人辯言险而君子辯言仁也君子之行仁也无厌志好之行安之乐言之听其言辯而无統不足以和齐百姓是谓奸人之雄圣王起所以先诛也荀子曰饰邪說文奸言其持之有故其言之成理足以欺惑愚众者有人矣纵性情安恣睢是它器魏牟也忍情性苟以分异人为高是陈仲史防也不知一天下建国家之权称上功用大俭约而慢差等是墨翟宋鉏也无法而好作聽上从俗无所归宿是慎到田骈也治恠说玩琦辯不可以为治是惠施邓析也略法先王不知其統材剧志大闻见杂博案往旧造說谓之五行僻违幽隐闭约而无解案饰其辞而祇敬之曰此真先君子之言也子思唱之孟子和

之世俗不知其非遂受而 之以为仲尼子弓为兹厚于后世是则子思孟子之罪也若夫总方略齐言行一統类羣天下英杰而告之以太古教之以至顺奥窔之间簟席之上敛然圣王的文章具焉佛然平世之俗起焉是圣人之不得势者仲尼子弓是也一天下财万物养长生民兼利天下通達之属莫不服从则圣人之得势者舜禹是也今夫仁人将何务哉上则法舜禹之制下则法仲尼子弓之义以务息十二子之說如是而天下之害除仁人之事毕圣王之迹着矣兼服天下之心高上尊贵不以骄人聪明圣智不以穷人齐给速通不争先人刚毅勇敢不以伤人不知则问不能则学虽能必让遇君则修臣下之义遇乡则修长防之义遇长则修子弟之义遇友则修礼节辞让之义遇贱而少者则修告导寬容之义故无不爱也无不敬也无人争也恢然如天地之苞万物如是则賢者贵之不肖者亲之如是而不服者则可谓詖恠狡猾之人矣古之所谓士仕者合羣者也乐分施者也务事理者也今之所谓士仕者无礼义而唯权势之嗜者也古之所谓处士者修正者也知命者也今之所谓处士者利心无足而佯无欲者也离踪而跂訾者也君子率道而行端然正己不为物倾侧第作其冠神禪其辞禹行而舜趋是子张氏之贱儒也正其衣冠齐其顏色嗛然而终日不言是子夏氏之贱儒也偷儒惮事曰君子固不用力是子游氏之贱儒也彼君子不然佚而不惰劳而不慢宗原应变曲得其宜也荀子曰仲尼之门五尺之竖子言羞称乎五伯是何也曰齐桓五伯之盛者也前事则杀兄而争国内行则姑姊妹之不嫁者七人外事则诈邾袭莒并国三十五行事若是小人之杰也彼固曷足称乎大君子之门哉王者致贤而能以救不肖委然成文而暴国自化故文王载百里地而天下一桀纣有天下而不得以匹夫老故人主不务得道而广有其势是之所以危也持宠处位终身不厌之术恭敬辞让援贤博施推贤让能少事长贱事贵不肖事贤是天下之通义也有人也势不在人上而羞为人之下是奸人之心也君子时诎则诎时伸则伸荀子曰大儒之效武王崩成王防周公履天下之籍听天下之断教诲开导成王使谕于道成王冠成人周公归周反籍焉故以枝代主而非越也君臣易位而非不顺也因天下之和遂文武之业天下厌然犹一也是谓大儒之效秦昭王问荀卿曰儒无益人之国卿曰儒者法先王隆礼义谨乎臣子而致贵其上者也明于为社稷之大义通乎财万物养百姓之经纪在本朝则志意定乎内礼节修乎朝法则度量正乎官忠信爱利刑于天下应之如謹何谓其无益于人之国也昭王曰善先王之道仁人隆也比中而行之曷谓中曰礼义是也言必当理事必当务凡事行有益于理者立之无益者废之夫是之谓中事凡知說有益于理者为之无益者舍之夫是之谓中说我欲贱而贵愚而智贫而富可乎曰其惟学乎行之曰士也敦慕焉君子也知之圣人也上为圣人下为士君子孰禁我哉乡也混然涂之人也俄而竝乎尧禹岂不贱而贵矣哉乡也效门室之辨混然曾不能决也俄而原仁义分是非图廻天下于掌上岂不愚而智矣哉乡也胥靡之人俄而治天下之大器举在此岂不贫而富矣哉故君子无爵而贵无禄而富不言而信不怒而威穷处而荣独居而乐岂不至尊至富至重至严之情举积此哉故曰诚此然后就也争之则失让之则至遵道则积夸诞则虚故君子务修其内而让之于外务积德于身而处之以遵道如是则贵名起之如日月天下应之如雷霆故曰君子隐而显微而明辞让而胜修百王之法若辨白黑应当时之变若数一二行礼若生四枝立功若诏四时如是则可谓圣人矣此其道出乎一曷谓一曰执神而固曷谓神曰尽善狭【狹】洽之谓神万物莫足以倾之之谓固神固之谓圣人诗言其志也书言其事也礼言其行也乐言其和也春秋言其微也天下之道毕矣用百里之地而不能以调一天下制强暴则非大儒也其言有类其行有礼其举事无悔其持险应变曲当与时迁徙与世偃仰千举万变其道一也是大儒之

稽也通则一天下穷则独立贵名仲尼子弓是也法先王统礼义一制度以浅持博以古持今以一行万是大儒者也用大儒则百里之地久而后三年天下如一诸侯为臣闻之不若见之见之不若知之知之不若行之圣人也者本仁义当是非齐言行不失毫厘无他道焉已乎行之矣师法者人之大寶也人无师法则隆性矣有师法则隆积矣而师法者所得乎情非所受乎性不足以独立而治性也者吾所不能为也然而可化也情也者非吾所有也然而可为乎注错习俗所以化性也并一而不贰所以成积也习俗移志安从移质并一而不贰则通于神明参于天地矣涂之人百姓积善而全尽谓之圣人积耨耨而为农夫积礼义而为君子故人知谨择注错慎习俗大积靡则为君子矣纵情性而不足问学则为小人矣君子言有坛宇行有防表道过三代谓之荡法贰后王谓之不雅荀子曰请问为政曰贤能不待次而举罢不能不待须而废元恶不待教而诛虽王公士大夫之子孙也不能属于礼义则归之庶人虽庶人之子孙也积文学正身行能属于礼义则归之卿相士大夫以善至者待之以礼以不善至者待之以刑两者分别则贤不肖不杂是非不乱贤不肖不杂则英杰至是非不乱则国家治公平者职之衡也中和者听之绳也其有法者以法行其无法者以类举听之尽也故有良法而乱者有君子而乱者未尝闻也分【扶问】均则不偏势齐则不一众齐则不使明王始立而处国有制使有贫富贵贱之等足以相兼临者是养天下之本也马骇舆则君子不安舆庶人骇政故君子不安政选贤良举笃敬兴孝悌收孤寡补贫穷如是则庶人安政矣庶人安政然后君子安位故君人者欲安则莫若平政爱民矣欲荣则莫若隆礼敬士矣欲立功名则莫若尚贤使能矣是君人者之大节也孔子曰大节是也小节非也上君也大节是也小节一出焉一入焉中君也大节非也小节虽是也吾无观其余矣成侯嗣公聚斂计数之君也未及取民也子产取民者也未及为政也管仲为政者也未及修礼也故修礼者王为政者强取民者安聚斂者亡筐篚富府库实而百姓贫夫是之谓上溢而下漏倾覆灭亡可立而待也故聚斂者召寇肥敌亡国危身之道也王夺之人霸夺之舆夺之人者臣诸侯夺之舆者友诸侯虑以王命全其力凝其德力全则诸侯不能弱也德凝则诸侯不能削也天下无王霸王则常胜矣王者仁 天下义 天下威 天下故甲兵不劳而天下服之此三具者欲王而王欲霸而霸欲强而强者王者之制道不过三代法不二后王道过三代谓之荡法二后王谓之不雅衣服有制宫室有度人徒有数丧祭械用皆有等宜无德不贵无能不官无功不赏无罪不罚朝无幸位民无幸生尚贤使能而等位不遗析愿禁悍而刑罚不过百姓晓然皆知夫为善于家而取赏于朝也为不善于幽而蒙刑于显也夫是之谓定论是王者之论也王者等赋政事财万物上以饰贤良下以养百姓而安乐之夫是之谓大神以类行杂以一行万始则终终则始若环之无端也舍是天下以衰矣天地者生之始也礼义者治之始也君子者礼义之始也为之贯之积重之致好之者君子之始也故天地生君子理天地君子者天地之参也万物之总也民之父母也君臣父子兄弟夫妇始则终终则始与天地同理与万世同从夫是之谓大本人生不能无羣羣而无分则争争则乱乱则离离则弱弱则不能胜物故宫室不可得而居也不可少顷舍礼义之谓也能以事亲谓之孝能以事兄谓之悌能以事上谓之顺能以治下谓之君君者善羣也羣道当则万物皆得其宜故上察于天下错于地塞备天地之间加施万物之上防而明短而长狭而广神明博大以至约故曰一与一是为人者谓之圣人本政教正法则兼听而时稽之度其功劳论其庆赏以时慎脩使百吏免尽而众庶不偷 宰之事也论礼乐正身行广教化美风俗兼覆而调一之辟公之事也全道德致隆高綦文理一天下振毫末使天下莫不顺比从服天王之事也殷之日按以中立无有所偏无为纵横之事偃然按兵无动以

观夫暴国之相卒也案平政教审节奏砥砺百姓为是之日而兵剽天下劲矣按然脩仁义伉隆高正法则选贤良养百姓为是之日而名声剽天下美矣权者重之兵者劲之名声者美之夫尧舜者一天下也不能加毫末于是矣权谋倾覆之人退则贤良知圣之士按自进矣刑政平百姓和国俗节则兵劲城固敌国按自屈矣务本事积财物而勿忘栖迟薛越也是使羣臣百姓皆以制度行则财物积国家按自富矣三者体此而天下服暴国之君按自不能用其兵矣

皇王大纪卷七十九

宋 胡宏 撰

三王纪

赧王

荀子曰万物同宇而异体人伦竝处同求而异道同欲而异知无君以制臣无上以制下欲恶同物欲多而物寡寡则必争矣离居不相待则穷羣而无分则争穷者患也争者祸也救患除祸则莫若明分使羣矣足国之道节用以礼裕民以政礼者贵贱有等长防有差贫富轻重皆有称者也故天子袿衣冕诸侯 袿衣冕大夫裨冕士皮弁服德必称位位必称禄禄必称用由士已上则必以礼乐节之众庶百姓则必以法数制之量地而立国计利而畜民度人力而授事使民必胜事事必出利利足以生民皆使衣食百用出入相揜轻田野之税平闕市之征省商贾之数罕兴力役无夺农时如是则国富矣有分者天下之大利也君者所以管分之枢要也先王分割而等异之非特以为淫泰夸丽将以明仁之文通仁之顺也故为之雕琢刻镂黻黼文章使足以辨贵贱而已不求其观为之钟鼓管磬琴瑟竽笙使足以辨吉凶合欢和而已不求其余为之宫室台榭使足以避燥湿养德辨轻重而已不求其外诗曰雕琢其章金玉其相亶亶我王纲纪四方此之谓也若夫重色而衣之重味而食之重财而制之合天下而居之非特以为淫泰也以为王天下治万变财万物养万民者为莫若仁人之善也知虑足以治之仁厚足以安之德音足以化之故相率而为之劳苦以务佚之为之出死断亡以覆救之为之雕琢刻镂黻黼文章以藩饰之故仁人在上百姓贵之如帝亲之如父母者无他故焉其所是焉诚美其所得焉诚大其所利焉诚多诗曰我任我犖我车我牛我行既集盖云归哉此之谓也故曰君子以德小人以力力者德之役也百姓之力待之而后功百姓之羣待之而后和百姓之财待之而后聚百姓之势待之而后安百姓之壽待之而后长父子不得不亲兄弟不得不顺男女不得不欢少者以长老者以养故曰天地生之圣人成之此之谓也今之世不然厚刀布之敛以夺之财重田野之税以夺之食苛闕市之征以难其事不然而已矣有掎挈伺诈权谋倾覆以相颠倒以靡弊之是以臣或弑其君下或弑其上粥其城倍其节而不死其事者无他故焉人主自取之诗曰无言不讎无德不报此之谓也墨子之言昭然为天下忧不足夫不足非天下之公患也特墨子之私忧过计也人善治之可以相食养者不可胜数也天地之生万物墨子大有天下小有一国将蹙然衣羸食恶忧戚而非乐将少人徒省官职上功劳苦与百姓均事业齐功劳苦是则赏罚不行赏罚不行则贤者不可得而进也不肖不可得而退也则能不能不可得而官也若是则万物失宜事变失应上失天时下失地利中失人和天下熬然若烧若焦墨子虽为之衣褐带索嚙菽饮水恶能足之乎既以伐其本竭其原而焦天下矣故先王圣人为之不然知夫为人主上者不美不饰之不足以一民也不富不厚之不足以管下也不威不强之不足以禁暴胜悍也故必将撞大钟击鸣鼓吹笙竽弹琴瑟以塞其耳必将雕琢刻镂黻黼文章以塞其目必将刍豢稻粱五味芬芳以塞其口然后众人徒备官职渐庆赏严刑罚以戒其心使天下生民之类皆知己之所愿欲之举在于是也故其赏行皆知己之所畏恐之举在于是也故其罚威赏行罚威则贤者可得而进也不肖者可得而退也

能不能可得而官也若是则万物得宜事变得应上得天时下得地利中得人和则财货浑浑如泉源汴汴如河海暴暴如丘山故儒术诚行则天下大而富使有功撞钟击鼓而和诗曰钟鼓喤喤磬筦将将降福穰穰降福简简威仪反反既醉既饱福禄来反此之谓也故墨术诚行则天下尚俭而弥贫非鬬而日争劳苦顿悴而愈无功愀然忧戚非乐而日不和诗曰天方荐瘥丧乱多民言无嘉懜莫惩嗟此之谓也垂事养民以偷誉不可以遂功而防民亦不可古人为之使民急不伤力缓不后时事成功立上下俱富不教而诛则刑繁而邪不胜教而不诛则奸民不惩诛而不赏则勤属之民不劝诛赏而不类则下疑俗俭而百姓不一故先王明礼义以一之致忠信以爱之尚贤使能以次之爵服庆赏以申重之时其事轻其任以调齐之潢然兼覆之养长之如保赤子若是故奸邪不作盗贼不起而化善者劝勉矣故曰上一则下一矣上二则下二矣辟之若草木枝叶必类本此之谓也利而不利也爱而不用也者取天下矣利而后利之爱而后用之者保社稷不利而利之不爱而用之者危国家也上不隆礼则兵弱下不爱民则兵弱已诺不信则兵弱庆赏不渐则兵弱将率不能则兵弱上好功则国贫上好利则国贫士大夫众则国贫工商众则国贫无制数度量则国贫下贫则上贫下富则上富故田野县鄙者财之本也垣窳仓廩者财之末也百姓时和事业得叙者货之源也等赋府库者货之流也故明主必谨养其和节其流开其源而时斟酌焉故田野荒而仓廩实百姓虚而府库满夫是之谓国蹙伐其本竭其源而并之其末然而主相不知恶也则其倾覆灭亡可立而待也事强暴之国难使强暴之国事我易事之以货寘则货寘单而交不结约信盟誓则约定而畔无日割国之錙铢以赂之则割定而欲无厌事之弥烦其侵人愈甚必至于资单国举然后已脩礼以齐朝正法以齐官平政以齐民然后节奏齐于朝百事齐于官众庶齐于下如是则近者竞亲远方致愿上下一心三军同力名声足以暴炙之威强足以捶笞之拱揖指麾而强暴之国莫不趋使矣荀子曰国者天下之制利用也人主者天下之利势也得道以持之则大安也大荣也积美之源也不得道以持之则大危也大累也有之不如无之有也及其綦也索为匹夫不可得也彼持国者必不可以独也论一相以兼率之使臣下百吏莫不宿道乡方而务是夫人主之职也传曰农分田而耕贾分货而贩百工分事而劝士大夫分职而听建国诸侯之君分土而守三公总方而议则天子共己而已矣聪明君子者善服人者也人服而势从之人不服而势去之故人主欲得调一天下制秦楚则莫若聪明君子矣夫贵为天子富有天下名为圣王兼制人人莫得而制也是人情之所同欲也而王者兼而有是者也人苟不狂惑戇陋者其谁不乐是也哉欲是之主竝肩而存违是之主不世絶千歳而不合何也曰人主不公人臣不忠也人主则外贤而偏举人臣则争职而妬贤是其所以不合之故也人主胡不广焉无恤亲疎无偏贵贱唯诚能之求若是则人臣轻职业让贤而安随其后如是则禹舜还至王业还起功一天下名配禹舜物由有可乐如是其美者乎呜呼君人者亦可以察若言矣呜呼哀哉君人者千歳而不觉也若夫贯日而治平权物而称用使衣服有制宫室有度人徒有数丧祭械用皆有等宜以是用挟于万物尺寸寻丈莫不得脩乎制数度量然后行则是官人使吏之事也不足数于大君子之前故君人者立隆政本朝而当所使要百事者诚仁人也则身佚而国治功大而名美上可以王下可以霸故能当一人而天下取主道治近不治远治明不治幽治一不治二主能治近则远者治主能治明则幽者化主能当一则百事正明主好要而闇主好详主好要则百事详主好详则百事荒君者论一相陈一法明一指以兼覆之兼炤之者相者论列百官之长要百事之聴度其功劳论其庆赏岁终奉其成功以効于君当则可不当则废故君人劳于索之而休于使之汤武者修其道行其义兴天下同利除天下同害

天下归之故厚德音以生民则致宽使民则綦理辨政令制度所以接天下之人百姓有非理者如豪末则虽孤独鰥寡必不加焉是故百姓贵之如帝亲之如父母为之出死防亡而不愉者无他故焉道德诚明利泽诚厚也隆礼义审贵贱则士大夫贵节死制齐制度重官秩则百吏畏法遵绳鬬市讥而不征则商贾敦慤时斩伐佻期日则百工忠信轻税省敛则农夫朴力士大夫务节死制然后兵劲百吏畏法脩绳然后国治商贾敦慤则安货通财而国求给矣百工忠信则器用巧使矣农夫朴力则百事不废居则有名动则有功此儒之所谓曲辨也荀子曰有治人无治法法不能独立类不能自行得其人则存法者治之端也君子法之原也不知法之义而正法之数者虽博临事必乱故明王急得其人得其人则身佚而国治功大而名美上可以王下可以霸书曰惟文王敬忌一人以恠此之谓也故械数者治之流也君子者治之源也官人守数君子养源源清则流清故上好礼义尚贤使能无贪利之心则下亦将綦辞让致忠信而谨于臣子矣如是则虽在小民不待符节别契而信不待探筹投钩而公不待衡石称悬而平不待斗斛敦槃而啧故赏不用而人劝罚不用而人服有司不劳而事理政命不烦而俗美百姓莫敢不顺上之法象上之志勤上之事而安乐之矣是之谓至平请问为人君曰以礼分施均徧而不偏请问为人臣曰以勤侍君忠顺而不懈请问为人父曰宽惠而有礼请问为人子曰敬爱而致文请问为人兄曰慈爱而见友请问为人弟曰敬谨而不悖请问为人夫曰致功而不流致临而有辨请问为人妻曰夫有礼则柔从听侍夫无礼则恐惧而自竦也此道也偏立而乱俱有而治请问兼能之奈何曰审自礼也古者先王审礼以旁皇周浹于天下动无不审也故君子之于礼敬而安之用天地理万物变而不凝血气和平志意广大行义塞于天地之间仁知之极也夫是之谓圣人审礼也君者仪也仪正而景正不能爱人不能利人而求之亲爱已不可得也不亲不爱而求其为己用为己死不可得也不为己用不为己死而求兵之劲城之固不可得也兵不劲城不固而求敌之不至不可得也敌至而求无危削灭亡不可得也故人主欲强固安乐则莫若反之民欲附下一民则莫若反之政欲修政美国则莫若求其人故君人者爱人而安好士而荣两道者何也曰君道也善生养人者也善班治人者也善显设人者也善藩饰人者也省工价众农夫禁盗贼除奸邪是所以养生之也天子三公诸侯一相大夫擅官士保职莫不法度而公是所以班治之也论德而定次量能而授官皆使其人载其事而各得其所宜上贤使之为三公次贤使之为诸侯下贤使之为士大夫是所以显设之也修冠弁衣裳黼黻文章雕琢刻镂皆有等差是所以藩饰之也善生养人者人亲之善班治人者人安之善显设人者人乐之善藩饰人者人荣之四统者俱而天下归之职分而民不深次定而序不乱兼听齐明而百事不留如是则臣下百吏至于庶人莫不修己而后敢安止诚能而后敢受职百姓易俗小人变心奸恠之属莫不反慤夫是之谓政教之极故天子不视而见不听而聪不虑而知不动而功块然独坐而天下从之如一体为人主者在慎取相人主有六患使贤者为之则与不肖者规之使知者虑之则与愚者论之使修士行之则与污邪之人疑之虽欲成立得乎哉语曰好女之色恶者之孽也公正之士众人之瘞也修乎道之人污邪之贼也今使污邪之人论其怨贼而求其无偏得乎哉古之人取人之道参之以礼用人之法禁之以等卑不得临尊轻不得县重愚不得谋知是以万举不过也人王欲得善射远中微者县贵爵重赏以招致之内不阿子弟外不隐远人能中是者取之然而求卿相辅佐则独不若是其公也按唯便嬖亲比己者之用也岂不过甚矣哉故明主有私人以金石珠玉无私人官职事业墙之外目不见也里之前耳不闻也而人主之守司远者天下近者境内耳目之明如是其狭也人主之守司如是其广也然则人主将何以知之曰便嬖左右者人主

之所以窥远收众之门户牖向也故人主必有便嬖左右足信者然后可其知惠足使规物其端诚足使定物然后可事物之至如泉源一物不应乱之端也卿相辅佐人主基杖也故人主必将有卿相辅佐足任者然后可其德音足以镇抚百姓其知虑足以应待万变然后可四邻不可以不相接也然而不必相亲也故人主必将有足使喻志决疑于远方者然后可其辨说足以解烦其知虑足以决疑其齐防足以距难然后可无左右足信者谓之闇无辅佐足任者谓之独所使于四邻诸侯者非其人谓之孤孤独而防谓之危国虽臣若存古之人曰亡矣荀子曰人臣之论有态臣者有篡臣者有功臣者有圣臣者内不足使一民外不足使距难百姓不亲诸侯不信然而巧敏佞说善取宠乎上是态臣者也上不忠乎君下善取誉乎民不恤公道通义朋党比周以环主图私为务是篡臣者也内足使一民外足使距难民亲之士信之上忠乎君下爱百姓而不倦是功臣者也上则能尊君下则能爱民政令教化形下如影应卒遇变齐给如响推类接誉以待无方曲成制象是圣臣者也用圣臣者王用功臣者强用篡臣者危用态臣者亡徙命而利君谓之顺逆命而利君谓之忠不恤君之荣辱不恤国之臧否偷合苟容以持禄养交而已耳谓之国贼君有过谋过事将危国家陨社稷大臣父兄有能进言于君用则可不用则去谓之谏有能进言于君用则可不用死谓之争有能比知同力率羣臣百吏而强君遂以解国之大患除国之大害成于尊君安国谓之辅有能抗君之命窃君之重反君之事以安国之危除君之辱成国之大利谓之拂故谏争辅拂之人社稷之臣也明君之所尊厚也传曰从道不从君此之谓也事圣君有听从无谏争事中君有谏争无谄谀事暴君有补削无矫拂迫胁于时穷居于暴国而无所避之则崇其美扬其善违其恶隐其败言其所长不称其所短诗曰国有大命不可以告人妨其躬身此之谓也因其惧也而改其过因其忧也而辨其故因其喜也而入其道因其怒也而除其怨书曰徙命而不拂微谏而不倦为上则明为下则逊此之谓也以德复君而化之大忠也以德调君而补之次忠也以是谏非而怒之下忠也仁者必敬人人贤而不敬则是禽兽也不肖而不敬则是狎虎也故仁者必敬人贤者则贵而敬之不肖者则畏而敬之贤者则亲而敬之不肖者则疏而敬之师术有四而博习不与焉尊严而惮可以为师耆艾而信可以为师诵说而不陵不犯可以为师知微而论可以为师赏不欲僭刑不欲滥赏僭则利及小人刑滥则害及君子若不幸而过宁僭无滥与其害善不若利淫荀子曰赵孝成王请问兵要孙卿曰在乎附民而已民之亲我欢若父母其好我芬若椒兰人之情虽桀跖岂肯贼其所好者哉齐人隆技击得一首者则赐赎镒金无本赏矣事小敌毳【脆】则偷可用也事大敌坚则涣焉离耳是亡国之兵也其去赁市佣而战之几矣魏氏之武卒以度取之衣三属之甲操十二石之弩负矢五十个置戈其上冠防带剑赢三日之粮日中而趋百里中试则复其户利其田宅是数年而衰而未可夺也改造则不易周也是故地虽大其税必寡是危国之兵也秦人使民所以要利于上者非鬪无由也功赏相长也五甲首而隸五家是最为众强长从四世有胜非幸也数也故齐之技击不可以遇魏氏之武卒魏氏之武卒不可以遇秦之锐士秦之锐士不可以当桓文之制节桓文之制节不可以敌汤武之仁义孝成王曰善请问为将孙卿曰制号政令欲严以威庆赏刑罚欲必以信处舍收藏欲周以固徙举进退欲安以重欲疾以速窥敌观变欲潜以深欲伍以参遇敌决战必道吾所明无道吾所疑夫是之谓六术无欲将而恶废无急胜而忘败无威内而轻外无见其利而不顾其害凡虑事欲熟而用财欲泰夫是之谓五权可杀而不可使处不完可杀而不可使击不胜可杀而不可使欺百姓夫是之谓三至凡百事之成也必在敬之其败也必在慢之故敬胜怠则吉怠胜敬则灭慎行此六术五权三至而处之以恭敬是谓天下之将通于神明矣荀子

曰人君者隆礼尊贤而王重法爱民而霸好利多诈而危权谋倾覆幽险而尽亡威有三礼乐则修分议则明举错则时爱利则形如是则百姓贵之如帝高之如天视之如父母畏之如神明夫是之谓道德之威礼乐则不修分义则不明举错则不时爱利则不形然而其禁暴也察其诛不服也审其刑罚重而信其诛杀猛而必如是百姓劫则畏赢则敖上执拘则防得间则散敌中则夺夫是之谓暴察之威无爱人之心无利人之事而日为乱人之道百姓讙敖则从而执防之刑灼之如是下比周赍溃以离上矣夫是之谓狂妄之威此三威者道德之威成乎安强暴察之威成乎危弱狂妄之威成乎灭亡故桀纣者善为人所恶而汤武者善为人所好也人之所恶何也污漫争夺贪利是也人之所好者何也礼义辞让忠信是也故人莫贵乎生莫乐乎安所以养生安乐者莫大乎礼义人知贵生乐安而弃礼义辟之是犹欲壽而殒颈愚莫大焉故为人上者必将慎礼义务忠信然后可此君人者之大本也天行有常不为尧存不为桀亡应之以治则吉应之以乱则防强本而节用则天不能贫养备而动时则天不能病修道而不二则天不能祸水旱不能使之饥渴寒暑不能使之疾祲怪不能使之防故明于天人之分则可谓至人矣不为而成不求而得夫是之谓天职天有其时地有其财人有其治夫是之谓能参列星随旋日月逡照四时代御陰阳大化风雨博施万物各得其养以成不见其事而见其功夫是之谓神形具神生好恶喜怒哀乐藏焉夫是之谓天情耳目鼻口形能各有接而不相能也夫是之谓天官心居中虚以治五官夫是之谓天君财非其类以养其类夫是之谓天养顺其类者谓之福逆其类者谓之祸夫是之谓天政圣人清其天君正其天官备其天养顺其天政养其天情以全其天功则天地官而万物役矣天不为人恶寒也而辍冬地不为人恶辽遠也而辍广君子不为小人匈匈也而辍行天有常道矣地有常数矣君子有常体矣君子道其常小人计其功楚王后车千乘非知也君子啜菽饮水非愚也是节然也若夫心意脩德行厚知虑明生于今而志乎古则是其在我者也故君子敬其在己者而不慕其在天者是以日进也小人错其在己者而慕其在天者是以日退也星坠木鸣日月蚀风雨之不时怪星之党见上明而政平虽并起无伤也是天地之变陰阳之化物之罕至者也怪之可也畏之非也人祲则可畏也耜耨伤稼耘耨失歲政险失民田稼穡恶余贵民饥道路有死人政令不明举错不时本事不理礼义不修内外无别男女淫乱则父子相疑上下乖离寇难并至夫是之谓人祲三者错无安国勉力不时则牛马相生六畜作祲传曰万物之怪书不說若夫君臣之义父子之亲夫妇之别则日切磋而不舍也皇王大纪卷七十九

皇王大纪卷八十

三王纪

赧王

荀子曰說者曰主道利周是不然主者民之唱也上者下之仪也彼将聽唱而应视仪而动唱嘿则民无应也仪隱则下无动也不应不动则上下无以相有也不祥莫大焉故上宣明则下治辨矣上端诚则下愿慤矣上公正则下易直矣治辨则易一愿慤则易使易直则易知是治之所由生也說者曰桀纣有天下汤武篡而夺之是不然能用天下之谓王汤武非取天下也修其道行其义兴天下之同利除天下之同害而天下归之也天下归之之谓王天下去之之谓亡故桀纣无天下而汤武不弑君天下者至重也非至强莫之能任至大也非至辨莫之能分至众也非至明莫之能知此三至者非圣人莫之能尽故非圣人莫之能王圣人备道全美者也天下者大具也不可以小人有也不可以小道得也不可以小力持也非圣人莫之能有也說者曰治古无肉刑而有象刑杀赭衣而不纯治古如是是不然人莫触罪非独不用肉刑亦不用象刑人或触罪而直轻其刑庸人不知恶也乱莫大焉杀人者不死而伤人者不刑是惠暴而寬贼也非恶恶也故象刑殆非生于治古并起于乱今也治古不然凡爵列官职赏庆刑罚皆报也以类相从者也一物失称乱之端也夫德不称位能不称官赏不当功罚不当罪不祥莫大焉說者曰尧舜擅让是不然圣王没天下有圣而在后者则天下不离朝不易位国不更制天下厌焉与乡无以异也以尧继尧擅让恶用矣哉曰老衰而擅让是又不然血气筋力则有衰若夫智虑取舍则无衰天子居则设张容负依而坐诸侯趋走乎堂下出门而三公奉轭持纳诸侯持轮挟輿先马大侯编后大夫次之小侯元士次之庶士介而坐道庶人隱窳莫敢望视居如大神动如天帝持老养衰犹有安乐恬愉如是乎故曰诸侯有老天子无老尧舜擅让是虚言也說者曰尧舜不能教化朱象是不然也尧舜者天下之英也朱象者天下之嵬一时之琐也不怪朱象而非尧舜岂不过甚矣哉說者曰太古薄塋故不掘也乱今厚 饰棺故掘也是不知治道者之所言也圣王之生民也皆使当厚优犹知足而不得以有余过度故盜不窃贼不刺狗豕吐菽粟而农贾皆能以货财让男女自不取于涂而百姓羞拾遗虽珠玉满体文绣充棺黄金充椁人犹且莫之扣也是何也则求利之诡缓而犯分之羞大也乱今反是上以无法使下以无度行知者不得虑能者不得治贤者不得使上失天性下失地利中失人和故百事废财物屈而祸乱起于是桀纣羣居安禽兽行虎狼贪脯巨人而炙婴儿矣虽僇而埋之犹且必扣也荀子曰礼起于何也曰人生而有欲欲而不得则不能无求求而无度量分界则不能不争争则乱乱则穷先王恶其乱也故制礼义以分之以养人之欲给人之求使欲必不穷乎物物必不屈于欲两者相持而长是礼之所起也故礼者养也君子既得其养又好其别曷谓别曰贵贱有等长防有差贫富轻重皆有称者也故一之于礼义则两得矣一之于性情则两丧矣儒者使人两得之者也墨者使人两丧之者也是儒墨之分也天地者生之本也先祖者类之本也君师者治之本也故上事天下事地尊祖先而隆君师是礼之三本也礼至备情文俱尽其次情文代胜其下复情以归太一也礼者人道之极也法礼足礼谓之有方之士圣人者道之极也故学者固学为圣人也文理繁情用省是礼之隆也文理省情用繁是礼之杀也文理情用相为表里是礼之中流也君子步骤驰骋不外是矣是君子之坛宇宫

庭也于其中焉旁皇周浹曲得其次序是圣人也礼者谨于治生死者也故事生不忠厚不敬文谓之野送死不忠厚不敬文谓之瘠君子贱之使生死终始若一足以为人愿是先王之道忠臣孝子之极也天子之丧动四海属诸侯诸侯之丧动通国属大夫大夫之丧动一国属脩士脩士之丧动一乡属朋友庶人之丧合族党动州里刑余罪人之丧不得合族党独属妻子棺槨三寸衣衾三领不得昼行不得饰棺以昏殓已若无丧者而止礼者防长续短损有余益不足达爱敬之文而滋成行义之美者也故其立文饰也不至于窳冶其立麤衰也不至于瘠弃其立声乐恬愉也不至于流淫惰慢其立哭泣哀戚也不至于隘慑伤生是礼之中流也两情者人生固有端焉若夫益之损之类之尽之使本末终始莫不顺比足以以为万世则是礼也非顺敦修为之君子莫之能知也故曰性者本始材朴也伪者文理隆盛也无性则伪之无所加无伪则美不能自美性伪合然后圣人之名一天下之功于是就也故曰天地合而万物生陰阳接而变化起性伪合而天下治天能生物不能辨物也地能载人不能治人也宇中万物生人之属待圣人然后分也荀子曰凡人之患蔽于一曲而闇于大理凡万物异则莫不相为蔽此心术之公患也桀蔽于末喜斯观而不知關龙逢以惑其心而乱其行紂蔽于妲己飞廉而不知微子启以惑其心而乱其行故桀死于亭山紂县于赤旆成汤鉴于夏桀故主其心而慎治之是以能长用伊尹而身不失道此其所以代夏王而受九有文王鉴于殷紂故主其心而慎治之是以能长用吕望而身不失道此其所以代殷王而受九牧遠方莫不致其珍故目视备色耳听备声口食备味形居备宫名受备号生则天下歌死则天下哭夫是之谓至威诗曰鳳凰秋秋其翼若干其声若箫有鳳有凰乐帝之心此不蔽之福也圣人知心术之患见蔽塞之祸故无欲无恶兼陈万物而中悬衡然何谓衡曰道故心不可不知道夫何以知曰心知道然后可道可道然后能守道以禁非道以其可道之心取人则合于道人而不合于不道之人矣以其可道之心与道人论非道治之要也人何以知道曰心心何以知曰虚一而静心未尝不臧也然而有所谓虚心未尝不满也然而有所谓一心未尝不动也然而有所谓静不以己所臧害所将受谓之虚不以夫一害此一谓之一不以梦剧乱知谓之静虚一而静谓之清明坐于室而见四海处于今而闻遠从疏观万物而知其情参稽治乱而通其度经纬天地而材官万物明参日月大满八极夫是之谓大人夫恶有蔽矣哉心者形之君也而神明之主也出令而无所受令自禁也自使也自夺也自取也自行也自止也农精于田而不可以为田师贾精于市而不可以为贾师工精于器而不可以为器师有人也不能此三技而可使治三官曰精于道者也精于道者兼物物故君子一于道而以赞稽物一于道则正以赞稽物则察以正志行察论则万物官矣导之以理养之以清物莫之倾则足以定是非决嫌疑矣小物引之则其正外易其心内倾则不足以决庶理也空石之中有人焉其名般其为人也善射以好思耳目之欲接则败其思蚊防之声闻则挫其精是以辟耳目之欲而遠蚊防之声闲居静思则通思仁若是可谓微乎未可也故仁者之行道也无为也圣人之行道也无强也仁者之思也恭圣人之思也乐此理心之道也凡观物有疑中心不定则外物不清吾虑不清则未可定然否也凡以知人之性也可以知物之理也以可知人之性求可知物之理而无所疑止之则没世穷年不能徧也学也者固学止之也恶乎止之曰止诸至足曷谓至足曰圣也圣也者尽伦者也王也者尽制者也足以为天下极矣故学者以圣王为师治其法以求其统类以务象効其人荀子曰生之所以然者谓之性性之和所生精合感应不事而自然谓之性性之好恶喜怒哀乐谓之情情然而心为之择谓之虑心虑而能谓之动谓之伪虑积焉能习焉而后成谓之之心也者道之主宰也道也者治之经理也心合于道說合于心辞合于說正名而期质请

而喻辨异而不过推类而不悖听则合文辨则尽故正道而辨奸犹引绳以持曲直是故邪說不能乱百家无所窜有兼听之明而无畚矜之庸有兼覆之厚而无伐德之色說行则天下正說不行则白道而冥穷是圣人之辨說也欲过之而动不及心止之也心之所可中理则欲虽多奚伤于治欲不及而动过之心使之也心之所可失理则欲虽寡奚止于乱故理乱在于心之所可亡于情之所欲性者天之就也情者性之质也欲者情之应也以欲为可得而求之情之所必不免也欲不可去性之具也虽为天子欲不可尽欲虽不可尽可以近尽也虽欲不可去求可节也道者进则近尽退则节求天下莫之若也知者论道而已矣人无动而不与权俱道者古今之正权也离道而内自择则不知祸福之所托志轻理而不重物者无之外重物而不内忧者无之行离理而不外危者无之外危而不恐内者无之心忧恐则口衔刍豢而不知其味耳听钟鼓而不知其声目视黼黻而不知其状轻暖莞簟而体不知其安故欲养其欲而纵其情欲养其性而危其形欲养其乐而攻其心欲养其名而乱其行夫是之谓以己为物役矣荀子曰人之性生而有好利焉顺是故争夺生而辞让亡生而有疾恶焉顺是故残贼生而忠信忘生而有声色之好顺是故淫乱生而礼义文理亡然则从人之性顺人之情必出于犯分乱理而归于暴故必将有师法之化礼义之道也然后合于文理而归于治用此观之然则人之性恶明矣其善者伪也孟子曰人之性善是不然凡性者天之就也不可学不可事礼义者圣人之所生也人之所学而能所事而成者也问者曰人之性恶则礼义恶生曰凡礼义者是生于圣人之伪非故生于人之性也故陶人埴埴而为器然则器生于陶人之伪非故生于人之性也圣人积思虑习伪故以生礼义而起法度然则礼义法度者是生于圣人之伪非故生于人之性也若夫目好色耳好声口好味心好利骨体肤理好愉佚是好生于人之情性也感而自然不待事而后生之者也夫感而不能然必且待事而后然谓人之生于伪是性伪之所生其不同之征也圣人之所以同于众者性也所以异而制众者伪也夫好利而欲得者此人之情性也假之有弟兄资财而分者且顺情性好利而欲得若是则兄弟相拂夺矣且化礼义之文理若是则让乎国人矣故顺情性则弟兄争矣化礼义则让国人矣凡人之欲为善者为性恶也孟子曰人之性善则恶用圣王恶用礼义矣故性善则去圣王息礼义矣性恶则兴圣王贵礼义矣立君上明礼义为性恶也问者曰礼义积伪者是人之性故圣人能生之也曰陶人埴埴而生瓦然则瓦埴岂陶人之性也哉今将以礼义积为人之性耶然则又曷贵尧禹曷贵君子矣哉凡所贵尧禹君子者能化性能起伪伪起而生礼义然则圣人之于礼义积伪也亦陶埴而生之也尧问于舜曰人情何如舜对曰妻子具而孝衰于亲嗜欲得而信衰于友爵禄盈而忠衰于君人之情乎人之情乎甚不美又何问焉唯贤者为不然夫人虽有性质美而心辨知必将求贤师而事之择贤友而友之则所闻者尧舜禹汤之道也所见者忠信敬让之行也身日进于仁义而不自知者靡使然也传曰不知其子视其友不知其君视其左右靡而已矣荀子曰乱世以族论罪以世举贤荀子曰欲近四旁莫如中央故王者必居天下之中礼也诸侯召其臣臣不俟驾天子召诸侯诸侯辇輿就马聘人以珪问士以璧召人以瑗絕人以玦反絕以环人主仁心设焉知其役也礼其尽也故王者先仁而后礼天施然也君子之于子爱之而勿面使之而勿貌导之以道而勿强礼以顺人心为本仁爱也故亲义理也故行礼节也故成仁有理义有门仁非其理而虚之非礼也义非其门而由之非义也推恩而不理不成仁遂理而不敢不成义审节而不知不成礼和而不发不成乐故曰仁义礼乐其致一也君子处仁以义然后仁也行义以礼然后义也制礼反本成末然后礼也三者皆通然后道也礼者政之挽也为政不以礼政不行矣天子即位上卿进曰如之何忧之长也能除患则为福不

能除患则为贼授天子一策中卿进曰配天而有下土者先事虑事先患虑患先事虑事谓之接接则事优成先患虑患谓之豫豫则祸不生事至而后虑者谓之后后则事不举患至而后虑者谓之困困则祸不可御授天子二策下卿进曰敬戒无怠庆者在堂吊者在闾祸与福邻莫知其门豫哉豫哉万民望之授天子三防平衡曰拜下衡曰顿首至地曰稽顙为人臣下者有谏而无讪有亡而无疾有怨而无怒礼之为正国家也如权衡之于轻重也如绳墨之于曲直也故人无礼不生事无礼不成国家无礼不宁下臣事君以货中臣事君以身上臣事君以仁士有妬友则贤交不亲君有妬臣则贤人不至口能言之身能行之国寶也口不能言身能行之国器也口能言之身不能行国用也口能善身行恶国妖也治国者敬其寶爱其器任其用除其妖不富无以养民情不教无以理民性管仲之为人力功不力义力知不力仁野人也不可以天子大夫孟子三见宣王不言事门人曰曷为三遇齐王而不言事孟子曰我先攻其邪心公行子之之燕遇曾元于涂曰燕君何如曾元曰志卑者轻物轻物者不求助天子不言多少诸侯不言利害大夫不言得丧士不通财货有国之君不息牛羊错质之臣不息鸡豚豕卿不修币大夫不为场圃从士以上皆羞利而不与民争业乐分施而耻积藏故民不困时贫窶者有所窜其手天之生民非为君也天之立君以为民也故古者列地建国非以贵诸侯而已列官职差爵禄非以尊大夫而已主道知人臣道知事故舜之治天下不以事诏而万物成君子之学如蜕幡然迁之故其行効其立効其坐効其置顔色出辞气効无留善无宿问善学者尽其理善行者究其难君子立志如穷临患难而不忘细席之言尽小者大积微者着德至者色泽洽行尽而声问远言而不称师谓之畔教而不称师谓之倍畔之人明君不内朝士大夫遇诸涂不与言故春秋善胥命而诗非屡盟其心一也善为诗者不说善为易者不占善为礼者不相其心同也人之于文学也犹玉之于琢磨也子贲季路故鄙人也被文学服礼义为天下列士学问不厌好士不倦是天府也多知而无亲博学而无方好多而无定者君子不与子贡问于孔子曰赐倦于学矣愿息事君孔子曰诗云温恭朝夕执事有恪焉可息哉赐愿息事亲孔子曰诗云孝子不匮永锡尔类焉可息哉赐愿息于妻子孔子曰诗云刑于寡妻至于兄弟以御于家邦焉可息哉赐愿息于朋友孔子曰诗云朋友攸摄摄以威仪焉可息哉赐愿息于耕孔子曰诗云昼尔于茅宵尔索绚亟其乘屋其始播百谷焉可息哉然则赐无息者乎孔子曰望其圻墾如也则知所息矣子贡曰大哉死乎君子息焉小人休焉国将兴心贵师而重傅古之贤人贱为布衣贫为匹夫食则饘粥不足衣则短褐不完然而非礼不进非义不受子夏贫衣若县鹑人曰子何不仕曰诸侯之骄我者吾不为臣大夫之骄我者吾不复见流言灭之货色遠之祸之所由生自纖纖也故君子早絕之语曰流丸止于瓯臯流言止于智者也有分义则容天下而治无分义一妻一妾而乱诟誓不及五帝盟诅不及三王交质子不及五伯荀子曰孔子曰昔万乘之国有争臣四人则封疆不削千乘之国有争臣三人则社稷不危百乘之国有争臣二人则宗庙不辍父有争子不行无礼士有争友不为不义荀子曰虽有珉之雕雕不如玉之章章诗云言念君子温其如玉此之谓也荀子曰鲁哀公问舜冠于孔子孔子不对公曰何以不言孔子对曰古之王者有务而拘领者也其政好生而恶杀焉是以鳳在列树麟在郊野鸟巢之巢可俯而窥也君不此问而问舜冠所以不对也鲁哀公问于孔子曰绅委章甫有益于仁乎孔子曰资衰苴杖者不听乐非耳不能闻也服使然也黼黻衣裳者不茹葷非口不能味也服使然也卿后尝为楚兰陵令以壽终齐襄王薨子建立年少国事皆决于君王后五十一年秦伐韩拔九城斩首五万

五十二年秦伐韩取南阳攻太行道絕之楚顷襄王疾病黄歇言于应侯曰秦盍归其太子不归则咸阳一布衣尔楚更立君必不事秦应侯以告王未用也歇使太子变服出關度已遠乃自言王怒应侯曰歇出身徇其主不如归之以亲楚从之秋楚王薨考烈王即位以歇为相封以淮北地号春申君

五十三年秦武安君伐韩拔野王上党路絕上党守与其民谋归赵曰赵受我秦必攻之赵被秦兵必亲韩韩赵为一则可以当秦矣乃告赵曰韩不能守上党其吏民皆乐为赵不乐为秦有城市邑十七愿献之平阳君曰圣人甚祸无故之利秦蚕食韩地中絕不令相通固自以为坐受上党也秦服其劳而赵受其利虽彊大不能得之于弱小弱小顾能得之于彊大乎平原君请受之

五十五年秦王齮攻上党其民走赵赵廉颇军长平齮因伐赵赵数不胜楼昌请发使为媾虞卿曰制媾者在秦秦将不聽不如以重宝附楚魏则秦疑天下之合从媾乃可成也不聽使郑朱行虞卿曰朱贵人也秦必显重之以示天下天下见王之媾于秦必不救王秦知天下之不救王则媾不可成矣既而果然廉颇坚壁不出应侯反间曰秦独畏马服君之子括耳赵王遂以括代颇蔺相如曰括徒能读其父书不知合变也不聽括自少时学兵法奢不能难然不谓善括母问故奢曰兵死地也而括易言之及括将行母上书曰括父为将身所奉饭而进者十数友者百数得赏赐尽与军吏士大夫受命之日不问家事今括东乡而朝军吏无敢仰视之者王所赐金帛藏于家而视便利田宅买之父子异心愿王勿遣王曰吾已决矣秦乃陰使武安君为上将括悉更约束易置军吏击秦兵武安君佯败走张二奇兵刼之赵军分为二粮道絕请粟于齐齐王弗许周子曰夫赵于齐楚犹齿之有唇也救赵之务宜若奉漏瓮沃焦釜然而爱粟过矣弗聽赵军食絕急攻秦垒括自出搏战秦人射杀之卒四十万人降武安君挟诈尽坑之赵人大震

五十六年武安君分军为三王齮攻赵武安皮牢拔之司马梗北定太原尽有上党地韩魏恐使苏代說应侯曰赵亡则武安君为三公君能为之下乎不如因而割之无以为武安君功也应侯言于秦王曰秦兵劳请许韩赵之割地以和王聽之武安君由是与应侯有隙赵王约割六县虞卿曰秦攻其所不能取倦而归王又以其所不能取送之是助秦自攻也今以六城赂齐齐秦之深仇也其聽王不待词之毕也则是王失之于齐而取偿于秦示天下有能为也赵王使虞卿东见齐王未返秦使者已在赵矣秦五大夫王陵复伐赵

五十七年攻邯鄲亡五校王使武安君对曰秦虽胜于长平士卒死者过半国内空遠絕河山而争人国都赵应其内诸侯攻其外破秦军必矣终辞疾不肯行乃以王齮代陵赵平原君求救于楚约其门下文武备者得十九人余无可取者毛遂自荐平原君曰贤士之处世若锥处囊中其末立见先生处胜门下三年未有所闻也遂曰臣蚤得处囊中将颖脱而出非特其未见而已乃与之俱至楚言合從之利害不決遂歷阶而上楚王怒叱曰汝何为者遂按剑曰楚地方五千里持防百万白起小竖子尔一战而举鄢郢再战而烧夷陵三战而辱王之先人此百世之怨而弗知恶焉合從者为楚非为赵也楚王曰唯唯诚若先生言遂定從而归使春申君救赵魏亦使晋鄙救赵秦王使谓魏曰吾攻赵旦暮且下诸侯敢救者必移兵先击之魏王

恐止晋鄙壁邺使新垣衍說赵欲共尊秦为帝却其兵鲁仲连闻之往见衍曰秦弃礼义上首功彼即肆然而为帝则连有蹈东海而死尔不愿为之民也且彼将行其天子之礼号令天下变易诸侯之大臣又使子女防妾为诸侯妃姬梁王得晏然而已乎而将军又何以得故宠乎衍起再拜曰吾乃今知先生天下士也不敢复言帝秦矣燕武成王薨子孝王立初魏公子无忌仁而下士致食客三千人隱士侯嬴家贫为夷门监者公子置酒大防賓客坐定公子从车骑虚左自迎侯生上坐賓客皆惊赵平原君夫人无忌姊也使者冠盖相属于魏无忌数请魏王救赵及宾客辯士游說万端王终不聽乃见侯生问计嬴屏人曰晋鄙兵符在王卧内而如姬最幸力能窃之尝闻公子为姬报其父仇姬欲为公子死无所辞诚一开口则得虎符夺鄙兵北救赵西却秦此五伯之功也公子如其言果得兵符侯生曰将在外君令有所不受如鄙疑而复请则事危矣臣客朱亥力士可与俱公子至邺鄙合符果疑亥袖铁椎椎杀之公子下令曰父子俱在军者父归兄弟俱在军者兄归独子无兄弟者归养得选兵八万人而进王齧战数不利武安君曰不聽吾计今何如矣王怒强起之武安君称病笃

五十八年免为士伍迁之陰密西至杜邨应侯曰起意怏怏有余言王赐之劔遂自杀魏无忌大破秦师王齧解围走应侯由是得罪无忌不敢归魏使将将其军还赵王以五城封公子与公子饮至暮口不忍献五城以公子退让也魏复以信陵奉公子赵有处士毛公隱于博徒薛公隱于卖浆公子间从之游平原君非之公子曰平原君所与游徒豪举耳不求士也平原君以千金为鲁连寿鲁连笑曰所贵于天下士者为人排患解纷而无取也即有取者是商贾之事连不忍为也秦太子妃曰华阳夫人无子夏姬生子异人质于赵秦数伐赵赵不礼之困不得意阳翟大贾吕不韦适邯鄲见之曰此奇货可居乃說曰华阳夫人无子然能立适嗣请为子西游异人曰必如君策秦国与君共之不韦以五百金令结宾客以五百金买玩好奇物而西见夫人姊献于夫人因誉异人之贤日夜泣思太子及夫人曰异人也以夫人为天夫人大喜姊曰夫人不以繁华时蚤自结诸子中贤孝者举以为适即色衰爱弛虽欲开一言尚可得乎今异人贤诚以此时拔之是夫人无子而有子也则终身宠矣夫人承间言之太子许之请不韦傳之不韦娶邯鄲姬絕美者知其有娠献之期年而生子政异人遂以为夫人邯鄲之围赵人欲杀之不韦行金与守者得归异人楚服而见华阳夫人曰吾楚人也当自子之更名曰楚

五十九年秦伐韩取阳城负黍斩首四万伐赵取二十余县斩首虜九万赧王恐与诸侯约从秦使将军樛攻之王入秦顿首受罪尽献其邑三十六口三万秦受之归王于周是歲崩